


6-3-2-





G. IV
7.

SPECVLVM

ECCLESIASTICVM.

In quo plenè traduntur omnia, quæ ad Ecclesiasticos omnes tùm Seculares tùm Regulares, & præcipuè ad Animarum Pastores pertinent, tàm in ordine ad perfectionem propriam, quàm in ordine ad instructionem populorum.

Distinctum in tres partes.

Q V A R V M

Prima. Continet BONITATEM, seu Informationem Ecclesiasticorum interiorem.

Secunda. Continet DISCIPLINAM, seu Informationem Ecclesiasticorum exteriorem.

Tertia. Continet SCIENTIAM, seu Informationem Ecclesiasticorum in ordine ad alios, & præsertim ad Animas sibi commendatas.

*Compositum à P. D. Pio Cassetta de Olibano Romani Districtus
Cl. Reg. S. Pauli I. V. D. ac Theol. & Pænitentiario
in Metropolitana Bononiensi.*

SECUNDA PARS.

Tommy Schöler

Pantakoni



Pirol Lach

Comes

BONONIÆ M.DC.L.

Typis Io. Baptistæ Ferronij. Superiorum permissu.

EMINENTISSIMO

AC REVERENDISS. PRINCIPI

AC DOMINO

D. NICOLA O

LVDOVISIO

S. R. E. Card. Amplissimo

SS. D.N. Papæ Summo Pœnitentiario, & Bonon.
Archiepiscopo vigilantissimo.

Don Pius Cassetta Cl. Reg. S. Pauli perpetuam felicitatem.



Rodit in lucem, Eminentissime Prin-
ceps, pars altera Ecclesiastici mei Spe-
culi, quod vno volumine primum in
Bohemia, deinde Bononiæ iterum edi-
to absolvere prolixioris negotij fuerat.

Arcanum diuinæ providentiæ consilium certè fuit,
ut plura specula haberem, quæ pluribus obijcerem.
Eminentiss. Domino Cardinali ab Harrach primùm
obtuli, cui primò adhæsi cum in Pragensi Civitate
operam nauavi, alia & alia munia, quæ instituti mei
sunt, minus impigrè quàm potui obeundo. Idem.

quoque secundæ tamen editionis obtuli Eminentiss.
Domino Cardinali Sabello Bononiæ de latere Lega-
to. Nunc verò cum in eam sortem deuenerim, vt
Eminentix tuæ in Pastoralis, qua maximè commen-
daris, solitudine deferuirem, certo tibi iure debe-
tur aliud, quod expoliui Speculum ea mente vt pur-
puræ tuæ splendori oppositum nouæ adhuc lucis in-
crementa desumat, discatq; vel mutuato tuo fulgo-
re lucefcere. Nec desunt mihi alij quoq; tituli, & qui-
dem non inualidi, qui hoc tuo vouendum nomini
Speculum satis superq; suadent. Siquidem quocunq;
mentis oculos conuerto; siue tuam celsitudinem su-
spiciam; siue meam respiciam tenuitatem; siue opus
ipsum inspiciam, vndiq; ad id præstandum perurgeor.
Et sanè si quidpiam de tuis præclarissimis meritis,
tuæq; dignitatis amplitudine vellem in medium pro-
ferre (ni singularis illa tua vbiq; elucens modestia à
tuis me laudibus deterreret) possem omni assentatio-
ne posthabita constantissimè asseuerare maxima ex-
tare omnia, quæ in te conspiciuntur; vel attendantur
ea, quæ à cælo habes; vel quæ à tuis maioribus ac-
cepisti; vel quæ tua tibi virtus propria comparauit.
Quis enim (liceat mihi tua venia modicum quid præ-
libare) quis, inquam, non miretur illam vultus tui
ad omnem humanitatem efformati speciem? Quis
non collaudet præclaram illam benignitatem, tem-
perantiam, iustitiam, prudentiam, cæterarumq; vir-
tutum omniū complexionem? Quis non extollat
per-

peruigilem illam sollicitudinem pastorem, qua gregem tibi diuinitus concreditum corpore quamuis absens, spiritu tamen certissime præsens mira vigilantia gubernas, atq; ad vberissima æternæ vitæ pascua perducere pro viribus adniteris? Quis illud constans, ac perpetuum in vitijs profligandis animi tui robur non prædicet? Quis deniq; eximiam illam in Deum pietatem, in Superos religionem, reuerentiam in sacra loca laudibus non concelebrat? Certè tot in te fulgere videntur collata cælicus ornamenta, quot in firmamento Cæli conspiciamus sydera præluere. Et quid mirum si totius Christiani orbis summus, idemq; Sanctissimus, ac Sapientissimus Hierarcha Innocentius X. te purpuratorum numero Patrum primùm adscripsit; deinde amplissimæ huic Bononiensi Ecclesiæ Archipræsulem præfecit; postmodum in sacra Pœnitentiariæ munere supremum sui Locumtenentem amplissimo diplomate declarauit. Quidai ergo tantum mihi Patronum ipse deligam? Quod si me ipsum respicio, non possum (quantum est ex hac parte) non idem præstare. Illius enim sum Congregationis alumnus, quæ cum à te non obscuris beneuolentiæ signis quotidie complectatur, multisque à te beneficijs in dies singulos exornetur, plurimùm se tibi deuinctam iure optimo profitetur. Nec prætereundum silentio est maximum illud in me collatum beneficium, quòd cum in Italiam ego à Germania remearem, vbi maximis iactatus persecu-

tionum ab hæreticis in me excitatarum fluctibus absorptus planè, ac pænè extinctus remanseram, quando regia illa Ciuitas Pragensis (proh dolor) à barbara illa Suecorum colluuiione Duce Kiuismarcho fuit immaniter deuastata; tu placidissimo sinu tuo me excepisti, exceptum inter tuos Ecclesiæ Bononiensis Poenitentiarios adnumerasti, adnumeratum tua benignitate & clementia recreasti. Sed venio ad opus, quod in lucem editur. Hoc si attentè inspiciatur, videtur manifestè loqui non alteri quàm tibi esse deuotendum. Inscribitur enim Speculum Ecclesiasticum, in quo sacra Deo capita propriæ imaginis simulachrum videant, teneantq; quibus se ad veram pietatem, solidamq; virtutem informet: at cuius congruentius Speculum hoc (quod sanè inanime quoddam est, ac mutis characteribus efformatum) dicari debuit quàm tibi, qui Speculum Ecclesiasticorum es omnium animatum? In te enim tanquam in nitido speculo quilibet Ecclesiasticus potest semetipsum optimè contemplari; ibiq; proprias maculas, si quas habet, inspicere, inspectaq; tergere; ibi expressa videre magisteria probitatis; ibi quid corrigere, quid amplecti, quid cauere debeat, euidenter agnoscere. Ergo cum tot nominibus hoc tibi opus debeat, illud tuo tibi veluti iure persoluo. Speculum est Ecclesiasticum: si quid perfectum in eo est, à te tanquam à perfecto Ecclesiasticorum Antistite, & exemplari desumpsit: si quid minus, à mea solummodo

do imperfectione contraxit. Suscipe igitur peraman-
ter quod tuum est ; & respice clementer quod meum
est ; & iam meum quàm tuum benignissima fronte
exceptum dignare tuo potenti patrocínio contutari ;
quod ut præstes & singularis pollicetur, quæ
polles ; benignitas ; & peculiaris mea,
meæque Congregationis vniuersæ
in te obseruantia promeretur.
Fauc. Vale.



Don Baptista Cribellus Congreg. Clericorum Reg.
S. Pauli Præpositus Generalis.

Cum librum, cuius est titulus (*Tractatus secundæ partis Speculi Ecclesiastici*) compositum à P. Don Pio Casseta Congreg. nostræ, Pœnitentiario in Ecclesia Metropolitana huius Civitatis, a quo, quibus id commissimus, eiusdem Congreg. Theologi, & eruditi viri recognoverint, & probaverint, facultatem facimus, ut typis mandari possit, si & alijs, ad quos spectat, ita videbitur. Dat. Bononia in Coll. nostro S. Pauli die 23. Martij 1650.

Don Baptista Cribellus Præpositus Generalis.

Opus inscriptum *Secunda Pars Speculi Ecclesiastici*. Admodum R. P. Don Pij Casseta Congregat. Clericorum Regularium S. Pauli, & in Eccl. Metropolitana Bonon. Pœnitentiarij, de mandato Eminentissimi, & Reverendiss. Card. Ludovisi Archiepis op. Bonon. & Principis, nec non SS. D. N. Papa summi Pœnitentiarij, ego Ang. Mich. Castellarius Doctor Theologus, & moralis Theologia professor diligenter perlegi, accurateq; perpensi maxima illud eruditione elaboratum, & summa utilitate refertum: quapropter ut typis ad eruditionem, & utilitatem Ecclesiasticorum (prima huius Speculi parte perlustrata) summo opere peroptantium demandaretur, tanti operis Authorem, summis laudibus extollendum, obsecraui.

Angelus Michael Castellarius.

Vidit Don Antonius Bonuicinus Pœnitent. pro
eodem Eminentiss.

E Go Fr. Hieronymus Allè Bononiensis Ordinis S. Hieronymi de
 Fasulis in Regno Neapolitano Prouintialis Sacra Th ologie
 Magister , ac in Archigymnasio Bononiensi sacrarum litterarum pu-
 blicus interpretas attentè , & accuratè perlegi librum , cui est titulus.
 Secūda Pars Speculi Ecclesiastici in qua de informatione Eccle-
 siasticorum exteriori , seu de disciplina agitur ab Aa. R. P. D. Pio
 Cassetta Cler. Reg. Cong. S. Pauli elaboratum , & compositum, quem
 non minus singularibus doctrinis ornatum reperi , quàm gemmatis
 eruditionibus condecoratum , nec non adamantinis clypeis armatum
 ad reprimēda inimicorum sacrerimi, & Ecclesiastici ordinis tela, ve-
 rè dignum , ut aureis typis ab Impressoribus genusflexis imprimatur,
 & impressum ab oculis catholicis legatur, lectū & à Purpuratis Emi-
 nentiss. protegatur, & à quibuscunq; Ecclesiasticis colatur. Quare ta-
 le impressione, protectione, & cultu dignum iudico &c.

Ego Fr. Hieronymus Allè qui supra.

**Imprimatur. Fr. Casimirus de Cremona Lector
 Theol. & Vic. Generalis S. Officij Bononiæ.**



b

De

De Speculo Ecclesiastico Adm. R.P. Don Pij Cas-
settæ Cler. Reg. S. Pauli I.V.D. ac Theolo-
gi, & in Metropolitana Bononiensi
Pœnitentiarij.

*Alluditur ad persecutionem, qua Author ab hæreticis Suecis ob sa-
nam, Catholicamq; doctrinam in suo opere contentam exagitatus
fuit, & ad necem expetitus, quando Praga totius Regni Bohemie
Metropolis ab ipsis fuit inuasa, capta, & deuastata, ubi Author
tunc temporis morabatur.*

O D E.

CASSETTA summi conscius ingeni,
PAVLI propago nobilis, integer

Mentis, domas dictis rebelles,

Nec pateris tumidi veneno

Oris sacratam Christiadum Fidem

Damnare, vibras dum fera fulmina,

Et cogis immanem Suecum

Summe perdomita Casurge

Mores Parentis cœliferi; necis

Temnis minantes tristia funera,

Trucesq; vultus, nec pericla

Sollicitant animum pauore.

Non sic cruentis terribilis Deus

Dextram sagittis Iupiter auream

Armatus in Terra Gigantes

Sydereâ iaculatus arce.

Dum ausi superbis tollere montibus

Cælo micanti Regem hominum, Patrem &

Diuûm, decentes cum pararent

Sedibus æthereis triumphos.

Vt

Ut tu feroces, docte *PATER*, tuo
 Nuper fugasti cum *SPECVLO* Duces,
 Videre quo diri nefanda
 Crimina, mortiferaſq; culpas.
 Cleri diſertus tu hoc animas regis,
 Normamq; morum conſpiciam doces,
 Iterq; pandis, quo pontenti
 Barbara corda Deo reducas,
 Si Eccleſiæ ſe conſpiciant Duces,
 Et qui fatentur flammiferam ſedem,
 Imago, te, mentis beatæ
 Lucidior *SPECVLO* micabit.

*Oſtendiſſon alludens ad patrium
 Inſigne.*

D iuitias alij quærant, & munera Terris;
 Et mare ſollicitent per vada falſa rate.
 Perſis, Arabs molles vrnis includat odores,
 Paruaq; regales Arca flagellet opes.
 Tu, *PATER*, æternum roto victurus in Orbe,
 Includis *CAPSA* quidquid vbiq; boni eſt.
 Nunc mutat natura vices, dum cernit, Auaros
 Non, preſioſa viros dona tenere Pios.

*Aliud
 De Speculo.*

O rbe Syracuſius vitreo iam clauſerat Orbem,
 Monſtrabatq; ſenex ſydera cæſta, polos.
 Iupiter æternus torquebat fulmina dextrâ,
 Seruabantq; ſuum cætera ſigna locum.
 Tu *PIVS* in *SPECVLO* Cleri moreſq; viaſq;
 Monſtras, queis hominum dirigis omne genus.
 Orbita fracta vitri deſtruxit ſydera, Mondum,
 Nunc tua ſeruabit Machina, nobile Opus.

b 2

Aliud

Aliud De Speculo

Ad Lectorem.

TV quicumq; cupis nitidos perducere Soles,
Et purâ æthereo mente placere Deo.
ACT. PII SPECVLO specta, tua verba; videbis,
Quæ bonitas animos edocet alta tuos.
Tradere si cupias alijs documenta, tibiq;
Sumere; id impensè nobile præstat Opus.
Lucida spectantem speculo iam fallit Imago,
Qui se non spectat, fallitur, hoc **SPECVLO**.

*Michael Bonuicinus S.T.D. Colleg. Trin Bonon. Vniuersit.
humaniorum publicus Professor.*

PATER PIVS CASSETTA

Anagramma.

ARTE FACTVS EST APIS.

Distichon.

Melliferum miraris opus dulcedine tanta?
FACTVS iam nobis **EST APIS ARTE PIVS.**

Clemens de Iacobis.

*In lode della somma dottrina dell' Autore, & del
suo Specchio, che per esser mirabile, & di gran
giouamento al Mondo, merita d'esser conse-
gnato all'immortalità della fama.*

*Di D. Gio Battista Giacomelli, Confessor delle
Suore di S. Agostino in Bologna.*

E Vterpe hor studi à far corone, e Clio
Co' più lodati fior di versi, e rimes;
Perch'orni, e fregi il Nome alt'e sublime
Di questo gran Scrittor leggiadro, e PIO.

Come si vinca il Mondo infido, e rio,
C'honor promette, e poi schernisce, e opprime:
Come del Ciel si salga à l'alte cime,
N'insegna mè, di quel, che mai s'vdio.

Scrue dottrina così pura, e chiara,
Ch'esser celeste sembra, e non di lui,
C'hà'l vel soggetto à la gran Parca auara.

Quest'opra è vn SPECCHIO veramente, in cui
Senza fatiche, e spese il Clero impara
Regger se stesso, e gouernar'altrui.



LA fama hà PIO cotanto sparso homai
Il dolce suon della tua eccelsa loda,
Che tosto fia, che ne rimbombi, e s'oda
Douunque col pensier volar tu fai.

Non pria, che'l Mondo, i tuoi gran fregi mai
Hauranno fine; ancorche'l tempo roda
Macigni, e bronzi, e ponga insidie, e froda
L'Inuidia al vanto, ch'acquistando vai.

Han da parlar di te le prose, e i carmi:
Sarà'l tuo Nome inciso à far memorie
Ne' secoli futuri in bronzi, e'n marmi.

Tù frà moderni haurai l'antiche glorie,
Che mai del tempo non temetter l'armi,
Che più inuecchiando fansi più notorie.



Dall'Istesso al Lettore.

(presso
F Rà quanti hà Specchi il Mondo, il vero ef-
Che più di questo mostri, alcun non troui;
E che consigli meglio, e più ti gioui
Facendoti conoscer ben te stesso.

Quei, ch'emendar tu dei, ne scorgi in esso,
E ciò ch'è ben, che dal tuo cuor rimouì;
E doue ornar ti deui in ritroui,
Per farti grato al Mondo, e al Cielo istesso.

O come esorta al ben, come riprende !
Mentre ti scopre il tuo deforme errore;
Perche t'en penti, e'l pianghi, e che l'ammende.
E se'l cristall' opposto al bel splendore
D'Apollo, infiamma l'esca; anch'esso accende,
S'entro vi guardi, di celeste amore.



TETRASTICHON.
Eiusdem Iacomellij ad Authoris Cognomen.

QUOD Mare tot fluctus capiat, tot lumina
cælum,
Quis stupet? en mirum. Capsula plura
capit.

Mente capit Cælum, ac Terram capit, atque Pro-
fundum

Ergo dic stupidus; Capsula cuncta capit!



**BONITATEM, ET DISCIPLINAM, ET
SCIENTIAM DOCE ME. - Psal. 118.**



SECUNDA PARS

Speculi Ecclesiastici,

In qua de Disciplina, seu de ijs quæ pertinent
ad exteriorum Ecclesiasticorum infor-
mationem agitur.

SVMMA TOTIVS PARTIS.



Vm Disciplina iuxta D. Bonauenturam *in spec. discipl. par. 2. cap. 1.* sit conuersatio bona, & honesta, cui parum est mala non agere, sed studet etiam in his quæ benè agit, per cuncta irreprehensibilis apparere. *Item.* Disciplina est omnium membrorum motus ordinatus, & dispositio decens in omni habitu, & actione. Hinc est quòd sæpe in sacris literis commendatur; nam *Psal. 2. dicitur* Apprehendite disciplinam, nequando irascatur Dominus. *Et Prov. 1.* Audi fili mi disciplinam patris tui, & *ibid. 3.* Inuenies gratiam, & disciplinam bonam coram Deo, & hominibus. & *ibid. 4.* Tene disciplinam, ne dimittas eam; custodi illam quia ipsa est vita tua. *Et ibid. 13.* Egestas, & ignominia ei qui deserit disciplinam. *Et ad Heb. 12.* Fili mi noli negligere disciplinam. *Item.* In disciplina perseuerate. *Item.* Si extra disciplinam estis; ergo adulteri, & non filij estis. Et alibi sæpius. Porro hæc disciplina quod attinet ad Ecclesiasticos considerari potest vel circa Personam propriam; Vel circa Personas aliorum; Vel circa Loca, Res, & Actiones, quæ ad Ecclesiasticos pertinet. Erit igitur hæc tractatio tripartita itaut prima Distinctio sit de Disciplina Ecclesiasti-

A

fiasti-

fiasticorum in ordine ad Personam propriam. Secunda de Disciplina in ordine ad Alios. Tertia de Disciplina in ordine ad Loca, Res, & Actiones Ecclesiasticas. Et ex his habebitur completa tractatio huius argumenti quantum ex ingenioli mei tenuitate haberi, vel expectari potest.

DISTINCTIO PRIMA.

De Disciplina Ecclesiasticorum in ordine ad Personam Propriam.

Summa totius Distinctionis.

Acturi de Disciplina Ecclesiasticorum non aliundè congruentius exordiri possumus quàm à disciplina circa propriam met personam; intrinseca enim priora sunt quàm extrinseca, & absoluta per prius se habent quàm relativa; sicut propria magis ad nos pertinent quàm aliena. Hanc autem disciplinam circa personam propriam satis apertè quamvis paucissimis verbis insinuavit Apostolus 1. *Timo.* 3. dum ait *Ornatum, Modestum, & Tit. 1. Sobrium, Continentem.* Est enim *Sobrietas* Virtus quædam, quæ apponit mensuram actionibus humanis, & quamvis specialiter sumpta dicat moderationem in potu, genericè tamen accepta importat moderationem in omnibus alijs actionibus; est enim *Sobrietas* nomen Græcum, & idem sonat ac latinè *cum mensura*. Idem autem prorsus significat nomen Disciplina, quæ nihil aliud est quàm quædam regula, mensura, & moderatio in omnibus actionibus humanis externis; Igitur agemus de Disciplina 1. circa Visum. 2. Circa locutionem. 3. Circa Auditum. 4. Circa Olfactum. 5. Circa Cibum, & potum. 6. Circa Tactum. 7. Circa Habitu. 8. Circa Incessum, & Conversationem. 9. Circa quotidianas actiones. 10. Circa Solitudinem, & Silèrium. 11. Circa Vigilantiam. 12. Circa varios huius Vitæ casus, & euentus.

CA.

C A P V T I.

De Disciplina Circa Visum, seu de custodia Oculorum.

Quinque esse Corporis sensus videlicet *Visum, Audire, Gustum, Olfactum, & Tactum*, nemo est qui ignoret. Dicuntur autem sensus Corporis, non quia Corpus per se, primò, & principaliter videt, audit, gustat, olfacit, & tangit: sed quia Anima exercet tales operationes in Corpore, & per Corpus tanquam per instrumentum. Inter hos autem sensus principem sibi locum vendicat Visus, cuius instrumentum sunt oculi. Ab huius igitur disciplina incipiamus videndo. 1. de Motiuis ad disciplinam Visus. 2. de Modo comparandi dictam Disciplinam, & custodiendi oculos. 3. de Exemplis eorum, qui in custodia oculorum excelluerunt.

§. Primus.

De Motiuis ad Disciplinam Visus, & ad Custodiam oculorum.

Primum, idque efficax motiuum ad compescendum oculos, moderationemque adhibendam circa sensum Visus, erit Consideratio malorum, quæ ex inordinato, & effrænato aspectu oriuntur. Peccata enim ferè omnia inde proueniunt. Vnde meritò Spiritus Sanctus per Ieremiam Prophetam cap. 9. vocat oculos fenestras mortis, (*iuxta intellectum Diui Gregorij lib. 21. Mor. cap. 2. tom. 2.*) dum ait *Ascendit mors per fenestras*. Etenim mediantibus oculis peccatum, quod est mors Animæ, ad nos ingreditur. Sic autem Gregorius ait [Cum sit inuisibilis Anima, nequaquam corporearum rerum delectatione tangitur, nisi quod inhærens Corpori, quasi quædam egrediendi foramina eiusdem Corporis sensus habet. Visus quippe, auditus, gustus, odoratus, & tactus, quasi quædam viæ mentis sunt, quibus foras veniat, & ea, quæ extrâ eius sunt substantiam, concupiscat. Per hos enim corporis sensus quasi per fenestras

quasdam exteriora quæq; Anima respicit, respiciens concupiscit. Hinc etenim Ieremias ait. Ascendit mors per fenestras, ingressa est domos nostras. Mors quippe per fenestras ascendit, & domum ingreditur cum per sensus Corporis concupiscentia veniens habitaculum intrat mentis.] *Ita Gregorius.*

Apud Hebreos erat hoc prouerbum. *Oculi & Cor proxeneta peccati.* Valdè quidem appositè. Appellabant Oculos peccati proxenetas, quia quemadmodum proxenetae eunt, redeuntq; currunt & discurrunt inter emptores & venditores; & hinc inde deferunt tractatus; nec omnino quiescunt donec absoluerint, & ad finem contractum perduxerint; ita prorsus oculi currunt & discurrunt, aduolant reuolantq; vt species obiectorum visibilium deferant Animæ; & vniuersa Animæ desideria deferant ad obiecta, nec vnquam quiescunt donec peccatum per consensum in ipsam Animam introduxerint. Id optimè prospiciens Sanctus Iob dicebat se pactum quoddam inijsse cum suis oculis, vt ne cogitaret quidem de Virgine *Iob. 31. Pepigi fœdus cum oculis meis vt ne cogitarem quidem de Virgine.* quæ verba expendens *Diuus Gregorius sic inquit.* [Sanctus vir, qui acceptis corporis sensibus velut subiectis ministris quidam æquissimus iudex præerat, culpas conspiciebat antequam venirent, & veluti insidianti morti fenestras corporis claudebat dicens: Pepigi fœdus cum oculis meis vt ne cogitarem de Virgine. Vt enim cogitationes cordis castè seruare posset, fœdus cum oculis pepigit; ne prius incautè aspiceret, quod postmodum inuitus amaret. Valde namq; est graue, quòd caro deorsum trahit, & semel species formæ cordi per oculos alligata, vix magni luctaminis manu soluitur. Ne ergo quædam lubrica in cogitatione versemus, providendum nobis est; quia intueri non decet quod non licet concupisci. Vt enim munda mens in cogitatione seruetur; à lasciua voluptatis suæ deprimendi sunt oculi quasi quidam raptores ad culpam. Neq; enim Eua lignum vetitum contigisset, nisi hoc prius incautè conspexisset. Scriptum quippe est, Vidit mulier quod

quod

quod bonum esset lignum ad vefcendum & pulchrum oculis aspectuq; delectabile, & tulit de fructu illius & comedit. Hinc ergo pensandum est quanto debeamus moderamine erga illicita visum restringere nos, qui mortaliter viuimus, si et mater viuientium per oculos ad mortem venit.] *Hæc Gregorius.*

Et sanè si Regius ille Propheta (alioquin pijissimus, sapientissimus, necnon strenuissimus Dux) simile cum oculis suis fædus pepigisset, quale Sanctissimus Iob, utiq; in adulterium illud, & homicidium omnibus notissimum minimè prolapsus esset sicut habetur in libro 2. Regum 11. Sic enim ait Scriptura sacra. *Accidit ut surgeret Dauid de strato suo post meridiem, & deambularet in solario domus regia; viditq; mulierem se lauuantem ex aduerso super solarium suum: erat autem mulier pulchra valdè. Misit ergo Rex, & requisivit quæ esset mulier nuntiatumq; est ei quod ipsa esset Betsabea filia Eliam vxor Vrie Hethai. Missis itaq; Dauid nuncijs tulit eam, quæ cum ingressa esset ad illum, dormiuit cum ea: & reuersa est domum suam conceptu fæto. Et ecce adulterium consummatum. Deinde paulò post eadem Scriptura subdit. Factum est ergo mane, & scripsit Dauid epistolam ad Ioab, misitq; per manum Vrie, scribens in epistola; Ponite Vriam ex aduerso belli, ubi fortissimum est prælium; & derelinquite eum ut percussus intereat. Et ecce homicidium patratum. Quæ res ad amissum successit sicut Dauid imperarat. Addit enim Scriptura. Egressiq; viri de Ciuitate bellabant aduersum Ioab, & ceciderunt de populo seruorum Dei, & mortuus est etiam Vrias Hethæus. Vnde autem tanti facinoris initium? Ex incauto oculorum aspectu.*

Quis posset enumerare damna quæ ex indisciplinato oculorum vlu, & inordinato visu omni tempore promanarunt? Princeps ille Ciuitatis Sichem ob lasciuum Dinæ filiæ Patriarchæ Iacob aspectum nonne simul cum Ciuitate vniuersa interiit? Ammon filius Dauid ob incestuosos in Thamar sororem suam oculos nonne proprii sanguinis violator extitit, sibiq; necem à fratre Absalone paratâ acquisiuit? Illi duo falsi senes
nimia

nimia oculorum suorum & concupiscentiæ intemperantia,
 abrepti honestissimæ Susannæ castitatem maculare tentantes
 nonne saxorum procella obruti infelicitè periere? Holopher-
 nes princeps militiæ Regis Assiriorum captus in suis oculis ex
 pulchritudine Iudith nonne proprio pugione, abscisso per eam
 capite miserrimè interiit, & ex eius cæde vniuersus exercitus
 perterrefactus persequentibus Hebreis in fugâ se dedit? Quid
 plura? Magnum illud Vniuersi orbis aquarum diluuium, quo
 Vniuersa animantia cum hominibus excepto Noe & filiis eius
 periere vt refert Scriptura, nonne ab inordinato aspectu, & la-
 sciuiuentibus oculis originem duxit? Inquit enim Scriptura Sa-
 cra Gen. 6. *Videntes Filij Dei filias Hominum quod essent pul-
 chra acceperunt sibi uxores ex omnibus quas elegerant.* Deinde
 subdit. *Dixit Deus: Non permanebit Spiritus meus in homine
 in aternū, quia caro est: Et paulò post Videns autem Deus quod
 multa malitia hominum esset in terra, & cuncta cogitatio cordis
 intenta esset ad malum omni tempore, penituit eum quòd homi-
 nem fecisset in terra. & tactus dolore cordis intrinsecus. Delebo,*
inquit, hominem quem creauī à facie terra ab homine usq; ad
animantia, à reptili usq; ad volucres cali, penitet enim me fe-
cisse eos. Deinde Scriptura Sacra Gen. 7. enarrat ipsum dilu-
 uium dicens *Aqua diluuij inundauerunt super terram. Et aque*
præualuerunt nimis super terram, opertiq; sunt omnes montes
excelsi sub vniuerso calo, consumptaq; est omnis caro quæ mo-
uebatur super terram. Tanta nimirum concupiscentiæ flamma
 ex libidinosis hominum aspectibus excitata erat, vt ad illam
 extinguendam vniuersum terrarum orbē cataclysmo obruere
 Deus decerneret. O infelix oculorum licentia. ò detestanda
 videndi libido. Hinc meritò Spiritus Sanctus in Prouerb. 10.
 ait. *Qui annuit oculo, dabit dolorem,* & in Eccles. 31. *Memento*
quoniam malus est oculus nequam: Nequius oculo quid creatum
est? & Serenissimus Rex & Propheta Dauid iam expertus
 quantum sibi mali ex incauto aspectu obuenerat, rogabat
 Deum dicens. Psal. 118. *Auertere oculos meos ne videant vani-*
tatem.

tatem. Debemus igitur custodire oculos & disciplinam circa illos adhibere, modumq; apponere nostris obtutibus ne incurramus mala, quæ inde homines incurrere solent: & seruemus consilium nobis à sapiente datum in Prouerbijs cap. 4. in illis verbis. *Oculi tui recta videant, & palpebra tua præcedant gressus tuos.*

§. Secundus. *De Rebus quæ aspici licitè, vel non licitè possunt.*

Sit hæc prima vniuersalis conclusio. Omnia quæ non sunt nata excitare in nobis illicitam concupiscentiam; immo potius virtute sua naturali recreant, confortant & corroborant aciem oculorum; omnia hæc possunt licitè & absq; peccato videri. Ideo licitum est videre lapillos pretiosos præsertim smaragdos talem virtutem recreandi visum habentes: Item præta virentia, herbulas recentes, easq; aromaticas, fontes aquarum pellucidarum, specula vitrea præsertim crystallina & ad refocillandum oculos artificiosè confecta. Vnde illud:

Fons, speculum, gramen dant oculis alieniamen.

Item peristromata, & aulæa varijs coloribus depicta; & serica omnia variè colorata, nam color recreat visum (præsertim si sit medius inter album & nigrum, qui duo sunt extremi omnium colorum; album enim disgregat & dissoluit visum; nigrum autem congregat nimium, immo potius comprimit & opprimit visum) Item picturæ omnes & præsertim eæ, quæ deuotionem præferunt, & ad pietatem excitandam sunt elaboratæ & similia.

Sit secunda Conclusio. Omnia quæ sunt Vel legibus prohibita vt duellum, torneamenta &c. Vel detrimentosa proximo, vt morbus eius quem auersamur; Vel delectationem mouent inconcessam, ad quam scilicet ius non habemus. Omnia hæc inquam, non possunt licitè conspici. Huius generis est delectatio venerea quam nisi accenderet aspectus curiosus formosarum mulierum, & virorum, non exatlisset vxor Putipharis

ris in concupiscentiam Ioseph; nec Susannam deperiissent illi duo senes apud Daniele; nec emollisset visa Bethsabea David Regem, nec Holofernem Iudith, nec Ammonem Thamar. Nihil mali habet fateor in se considerata viri species aut feminae; immo Dei donum est; & aspectu digna; sed in statu naturae lapsae obstat ut plurimum fragilitas nostra, & vix possumus oculos in illam intendere absque periculo. Quid prodest tentationis causam quaerere? quid euagatione mentis Deo vacaturae venari? Cur pudet nos sputum putidum, stercora, cadauera, & similia foetida cernere (quod absque culpae discrimine facere possumus); & non multo magis obscena vel affinia intueri, quorum visu conscientia sauciatur? Mulierem si nunquam vidissemus, excusationem aliquam haberet curiositas; iam vero cum tot frontes, tot oculos, tot nasos, & aurículas, tot menta & genas pluries ac pluries viderimus, quid est quod tanto ardore & leuitate adhuc ferimur ad id conspiciendum, quod nihil continet praeter antedicta? Meminerimus frequenter illius prouerbij. Eccl. i. *Non saturatur oculus visu, nec auris auditu impletur*. Nescio qua constantia sustinebimus in die iudicii censuram Sanctorum illorum Patrum, qui totis quadraginta annis interdicientes sibi aspectum omnium prorsus foeminarum, ostenderunt etiam quid facere nos possimus auxiliante Deo, nisi vecordes esse velimus. Cum audisset Ioannes Abbas à Tribuno quodam plebis. *Permot a vxor mea rumore sanctitatis tuae, videre te percupit, rogo ut te ei videndum praebes*. Postulauit inducias, quibus impetratis obnixè Deum rogauit. *Domine Deus si fieri potest ostende ei in somnis speciem meam, qua plenè satiatur eius curiositas, meque alias non videat*. Dictum factum, satiata est illius imagine, nec ultra vult vel appetijt videre eum. Alterius item Monachi soror pene decrepita ipsum post exactos in solitudine annos quamplurimos videre expetijt, quod cum obtinere ab ipso nequiret, ab ipsius Abbate impetrauit, cuius iussu adactus monachus utriusque satisfecit voluntati, nec tamen suum laesit institutum. Venit
ad

ad fores, se adesse significauit sorori, illa in fratrem senem incidit claudentem oculos, & dicentem. *Ecce me soror mea, frue-
re aspecto meo ut lubet, & permitte me redire ad patriam meam.*
dixit & mox cellam suam repetijt.

Nouerimus tandem impudicum oculum impudici cordis esse nuntium, & Magorum, aut Veneficorum fascino persimilem, de quo quidam

Nescio quis teneros oculus mihi fascinat agnos.

Sicut enim venefico Magi aspectu Diabolus ad nocendū Corpori illius, qui veneficio petitur; ita venereo aspectu ad inflammandam personæ, quæ impudicè aspicitur, concupiscentiam, vitur. Hinc graui nos *Diuus Ambrosius lib. 1. de panis.* commonitione exhortatur ut oculos suspectos habeamus & tanquam animæ laqueos arbitremur. [Ipsi nobis oculi nostri *inquit* retia sunt, & ideo scriptum est neq; capiaris oculis tuis; ipsi ergo nobis tendimus retia, quibus inuolymur & implicamur; ipsi nobis vincula nectimus].

De lasciuis picturis nihil est quod multa dicamus; eadem illarum est, quæ rerum pictarum, ratio. *Cum verò dicere quicquam interdixerimus.* (Sunt verba Aristotelis in politicis lib. 7. cap. vlt.) *clarum est quod & aspicere aut picturas, aut actus deformes prohibemus; Sit igitur cura Magistratibus nullam neq; picturam, neq; statuam esse talium rerum imitatricem.* Immo sicut scriptura quamuis inanimis maius nocumentum affert quàm viua vox, quia hæc transit, illa verò constantior permanet, in otio sæpe sæpius legitur & attentius contemplatur: ita pictura longè maius nocumentum affert, quàm res ipsæ, quæ citò procul absunt, & subducuntur. Concilium Constantinopolitanum sextum agnoscens lasciuientium imaginū picturas magnum intuentibus nocumentum inferre sub grauissimis pœnis prohibuit effigies depingi quæ turpitudine sua inspectantium animis prauas possent excitare cogitationes.

§.3. De modo exercendi Disciplinam Visus, & custodiendi oculos.

Ipsamet Natura docuit nos exercere huiusmodi disciplinam, & custodire oculos. [Nonne ipsa natura inquit *Chrisologus* ser. 139. in custodiendis oculis sollicita fuit, cum eosdem & superciliorum regminibus, extremoq; superioris genæ ambitu occluserit, & illius vsum in centro pupillæ cælarit?] Debemus igitur nos sequi matrem naturam, nostrosq; oculos non nisi alicuius necessitatis, aut charitatis, aut utilitatis, aut honesti officij causa leuare, conuertere, adhibere. *Diuus Bonauentura in speculo discipline* par. 3. cap. 7. paucis sed ponderosis verbis docet nos hanc disciplinam sic inquit. [*Amatores honestatis oculos ab inordinata euagatione, & exaltatione custodiant. Scriptum est enim. Oculi stulcorum in finibus terra. Et dilatatio Cordis est exaltatio oculorum. Leuat quidam propheta oculos ut petat auxilium, Dominus ut impendat. Tu quoq; si locum, causam, & tempus consideras, tua vel fratris necessitate oculos leuas, non solum non culpo, sed plurimum laudo; hoc enim excusat miseria, illud commendat misericordia. Sin aliàs non Propheta, non Domini; sed Dina vel Eua; immo ipsius Sathana te imitatore dixerim*] Ita *Bonauentura*. Nec minus eleganter & grauitè idem docet. *Isidorus Pelusiota lib. 2. epistola 284.* modum tradens, quo debemus cum mulieribus conseruari. Sic enim inquit. [*Mulierum congressus quantum potes fuge, quod si etiam ut cum ipsis congregiaris necessitas aliqua te obstringat, oculos humi deiectos habe; cumq; paucis, quæ ad eas iuuandas spectabant, proposueris quàmprimum hinc te proripe.*] Et sanè inter veræ disciplinæ ac reformationis characteres oculorum demissio primum semper est visa tenere locum, & præsertim in Ecclesiasticis. Hinc dicebat *Diuus Bernardus* plurimum prodesse ad custodiam Castitatis custodiam oculorum. Et verissimum dicebat, atq; ita rem se habere experientia plusquam satis testatur. [*Ne dicatis inquit S. August. relat. 32. q. 5. cap. nec solo. vos animos habere pudicos, si habeatis*

ocu-

oculos impudicos, quia impudicus oculus impudici cordis est nuntius: & cum se inuicem sibi etiam tacente lingua conspectu mutuo corda nutiant impudica, & secundum concupiscentiam carnis alterutro delectantur ardore, etiam intactis ab immunda violatione Corporibus fugit castitas ipsa de moribus] Hæc Augustinus.

Si Sanctorum & præcipuè Sancti Sanctorum Christi Domini imitatores essemus, in hoc maximè illum imitaremur, cuius tam rara, tam insignis, tam singularis fuit oculorum modestia, ut quoties illos eleuaret, toties & Euangelistæ adnotarint. Quater eos eleuasse ut rem insolitam, & admirabilem referunt. Prima vice fuit in monte, cum discipulis suis beatitudines prædicaret. *Eleuatis oculis*, inquit S. Lucas cap. 6. *in discipulos suos dicebat Beati pauperes &c.* Secunda in resurrectione Lazari: *Iesus autem*, inquit S. Ioannes cap. 11. *eleuatis oculis sursum dixit. Pater gratias ago tibi quoniam audisti me.* Tertia in vltima Cæna, dum corpus suum sacratissimum & sanguinem consecrauit: quod etsi ab Euangelistis expressè non traditur, ut rem tamen certissimam antiqua traditione determinauit Innocentius Papa in cap. cum Marta de celebr. Miss. Quarta dum morti proximus: *Subleuatis oculis in cælum*, ut inquit S. Ioannes capit. 17. *dixit: Pater venit hora clarifica filium tuum.*

Quomodo oculos custodire, quauē ratione illis uti deberent hoc ænigmate Fratres suos Diuus Franciscus docebat. Quidam, inquit, Rex præpotens sed pius duos ad Reginam nuntios successiuè legauit. Horum prior reuersus verbis propositis verba reddidit solummodo; & de Reginæ persona planè retulit nihil (siquidem oculos cautè tenuerat, ne in Reginæ faciem profilirent) Rediit alter, & post pauca quæ ad legationem pertinebant. Verè, inquit, Domine mi Rex vidi pulcherrimam mulierem. Felicem te reputo, cui illa Coniux obtigerit; Serue nequam, inquit Rex, verè impudicitiam tuam prodis: quid superest nisi ut concludam, te prospectam

impudicis oculis opprimere animo cogitasse. Priori verò nuntio adscito. quid, ait Rex, de Regina tibi persona videtur? optimè respondit; nam & patienter me audiuit, & sapienter respondit. Sed quid de forma & pulchritudine eius censes? Tuum id esto, ait, ò Rex & videre & iudicare. mei muneris fuit verba eius audire ac referre. Tum Rex de utroq; ferens sententiam, illum palatio expulit, hunc verò à cubiculis constituit. Ne, inquit, ille thalamum meum polluat; tu verò illum constituas. Quibus Franciscus subiiciebat. Quis non deberet vereri in Christi sponsam prophanos oculos conijcere.

At inquiet aliquis quomodo possum continere oculos ne aspiciam formosos viros, mulieres, adolescentes, & adolescentulas cum mihi sit opus perambulare, conuersari, affari, & negotia pertractare; immo sacramenta administrare? Vnde passim & ad horam mihi similes obuij fiunt. Respondeo. non prohibetur visus sed prohibetur fixus intuitus. Fieri non potest vt obuios non videas; sed fieri potest vt illos fixis obtutibus non respicias. Licitum est quodammodo per transitum videre; sed non licet attentè formam contemplari ad instar pictoris aliquis qui velit exemplar & imaginem à vultu transumere. Vnde benè monebat Diuus Augustinus inquiens. *Oculi tui si conuertantur in aliquem, figantur in neminem.*

S. 4. *De Exemplis eorum qui in custodia oculorum excelluerunt.*

ET Primo se offert nobis magnus ille Arsenius, qui dum in eremo viueret, à mulierum aspectu alienus omnino fuit. Atq; inter cætera, quæ de suorum oculorum custodia referuntur, hoc est singulare quod aliquando cum quædam non obscuri generis fæmina illum videre cupiens de improviso in hospitium eius ipsi occurrisset repentinè auertit sese, & muliebrè audaciam gestu pariter & verbis incusauit. Rogo, dicebat illa, ne indignè feras aduentum meum, quæ sincera mente & pio affectu huc veni; aut si eo quidquā offensus es veniam da; ac pro me Deum, cui soli seruis, deprecare. Precabor Deum,
respon-

respondit ille, & quidem multum ne tui vnquam meminerim.

De Diuo Carolo Borromæo Præsulū exemplari fertur tātā fuisse continentia oculorum, vt cum negotia tractaturus sæpe stans fenestræ cuidam adhæreret quæ respiciebat forum & viā publicam vbi frequens omni tempore euntium & redeuntium & transeuntium concursus causa nundinarum fiebat, nihilominus nunquam ad Curiositatem pascendam oculos per dictam fenestram conuerteret ad aspiciendum. quod non exiguum illius sanctitatis argumentum fuit.

Nec minor magni illius Eremitæ Pauli fuit oculorum custodia. Is, vt refert Cassianus, non solum præsentium fugiebat mulierum aspectum: sed illarum depictam etiam elegantiam, formositatem, & habitum. Intelligebat enim vir Dei Spiritu Sancto edoctus Demonem sæpenumero non minus vmbra, quàm Corpore; nec minus phantasmate ac imaginatione, quàm rei veritate homines oppugnare, & sæpe sæpius expugnare, & sui captiuos efficere.

Sed quid miramur Sanctos Episcopos & Eremitas aliosq; diuino cultui mancipatos in oculorum custodia excelluisse, cum id ipsum de viris in seculi huius fluctibus commorantibus; immo negotiorum molæ præpeditis; & inter populorum agmina versantibus perlegamus. Carolum Imperatorem huius nominis Quintū Principum sui sæculi tum belli tum pacis artibus verè Principem, adhuc vxorem habentē referunt sæpe ipsum met clausisse fenestras ne inspiceret speciosiores mulieres tempore, quo eas ex eadem fenestra eminus aduentantes aut prætereuntes fortè conspexisset, aut præterituras inaudisset.

Quòd hoc viri lumine fidei imbuti præstarint satis mirandū est stante humanæ naturæ post lapsum imbecillitate; proni enim sunt sensus hominis ad malum ab adolescentia sua. Sed quod idem perfecerint etiam prisca illi gentiles solo naturæ lumine ducti, hoc longè mirabilius certè est. Tullius refert Periclem grauitè commonuisse Sophoclem eò quod aspiciēs adolescentem laudauerit illum a sua pulchritudine inquiring

Opus.

Opusculum pulchrum Poricle, Monuit igitur illum dicens. Praetorem non solum manus; sed etiam oculos debere continentes habere.

Cælius item Rhodiginus narrat quod cum Rex Antiochiæ tertius die quodam in templo Dianæ Ephæsinæ Sacerdotissam extremæ pulchritudinis videret, pertimescens ne formæ illius amore caperetur, continuo è templo aufugit.

Vegetius quoque de continentia Alexandri Magni recenset, quod obtenta quadam victoria dum ei omnium pulcherrimam ab hostibus captam tæminam esse denunciaretur, illam ad sui præsentiam adduci neutiquam passus est, ne captus à captiva ipse fieret captivæ captivus: Tanta laude digna tuit hæc Alexandri continentia, ut Diuus Basilii in eius commendationem longam texuerit orationem.

S. Hieronymus tradit Cyrum Regem eò adduci minimè potuisse ut dum Reginam Pantheam summæ venustatis faminam bello cepisset, eam intuendam sibi obijci permetteret.

Non pauci etiam Historiographi illius matronæ Armeniæ modestiam narrauerunt, quæ à splendido Cyri Regis conuiuio domum reuersa, marito percontanti quid sibi de Rege eiusque elegantia videretur respondit. *A te mi vir oculos nunquam deflexi, ideoque qualis alieni visi forma sit prorsus ignoro.*

C A P V T II.

De Disciplina circa Linguam & Locutionem.

Gubernatio linguæ valdè conducit ad proficiendum in virtutibus & ad vitæ perfectionem comparandam. Vnde S. Iacobus in sua Catholica, cap. 3. ait. *Si quis in verbo non offendit hic perfectus est vir.* Quemadmodum loquacitas & linguæ libertas non modicè impedit profectum. Si quis enim, inquit idem Apostolus 1. *putat se religiosum esse non refranans linguam suam, sed seducens cor suum, huius va-*
na

na est religio. Immo non solum impedit profectum; sed magnum defectum inducit, & ad innumera peccata perducit. Nam *lingua est vniuersitas iniquitatis* vt idem ait 3. quapropter circa disciplinam linguæ & locutionem hæc videnda. 1. Motiua quibus inducimur ad hanc disciplinam arripiendam. 2. Verba à quibus debemus abstinere; & ea in quibus versari debemus. 3. Modum & rationem gubernandi linguam, & circumstantias rectæ locutionis. 4. Varia exempla ad id facientia. Sed hic præmonitum lectorem volo, me in dicendis non determinaturum quando & quomodo verba sint vitanda, (vt detractoria, adulatoria, mendosa & similia,) neq; an sint peccata venialia, aut mortalia nec ne? De hac. n. retractant summiste, & qui tradunt casus quos dicunt conscientia vt Nauarrus, Toletus & alij. Cum enim hic intendamus instruere Ecclesiasticos & manuducere ad perfectionem, supponimus illos non solum satagere vt peccata deuitent sed niti ad id quod perfectum est, Sat igitur nobis erit Verba mala detestari.

§. 1. *De Motiuis quibus inducimur ad disciplinā circa linguam.*

VT discamus linguam moderari, & cautionem adhibere circa locutionem satis esset dicere linguam fræno disciplinæ gubernatam causam esse multorum bonorum, & è contra linguam effrænem innumera propemodum mala in orbem terrarum inuexisse & in dies inuehere. Vnde benè cecinit quidam.

Nil melius lingua, lingua nil peius eadem

Tristia cum dulcis toxica melle gerit.

nihilominus quia particularia magis mouent quam vniuersalia; ideò afferemus quædam specialia motiua, quibus benè pensatis hanc linguæ disciplinam arripiemus.

Primum igitur motiuum sit; quia ex lingua benè vel malè gubernata agnoscitur qualis quisq; sit bonus an malus. Quod sic ostenditur. Exteriora indicant interiora (& hoc est principium communissimum. Vnde ait Philosophus 2. prior. *Per signa*

signa Corporis nota sillogizamus dispositiones anime nobis ignotas) Maximè autem hoc fit per verba, quæ sunt signa earum, quæ sunt in anima, passionū, vt inquit idem 1. Perihierem. & auctor in libris sex principiorum. Bonus ergo sermo bonam conscientiam ostendit. Et è contra, Qui male loquitur detrahendo, blasphemando &c. malam se ostendit habere conscientiam. Vnde *S. Ambrosius serm. de mor. & vit. honest.* [Morem hominis lingua pandit, & qualis sermo ostenditur talis animus comprobatur] *Et Augustinus.* [Vanus sermo vanæ conscientiae est index.] Quia qualis in mente talis verbositas depingitur in ore. Et *Isaias 32. Fatuus fatua loquitur.* Et in Ecclesiastico 21. *Labia imprudentum stulta narrabunt.* Sicut enim per loquelam cognoscitur quis an sit Theutonicus, vel Italus, vel Gallus & huiusmodi: Ita per verba, & per locutionem cognoscitur vtrum quis sit ciuis regni cælestis, an inferni.

Secundum quia ex moderatione linguæ & ex silentio debitis temporibus seruato homo sapiens habetur itaut etiam stulti reputentur sapientes. Hinc *Salomon in Prou. 17. Stultus quoq; si tacerit sapiens reputabitur, & si compresserit labia sua intelligens.* Et hoc patuit per exemplum cuiusdam stulti Romani, quod refert *Glosa legalis in l. 2. circa princ. ff. de orig. Iur.* & est huiusmodi. [Cum Romani petissent ab Atheniensibus sibi concedi legem 12. tabularum, ipsi Athenienses miserunt Romanam quemdam sapientem vt exploraret an digni essent Romani legibus, qui cum Romam venisset, Romani cogitantes quid poterat fieri, quemdā stultum ad disputandum cum Græco posuerunt; vt si perderet, tantum derisio esset Græcis: qui sapiens nutu disputare cepit, & eleuauit vnum digitum, vnū Deum significans; stultus credens quod vellet eum vno oculo excæcare eleuauit duos, & cum eis eleuauit etiam pollicem sicut naturaliter euenit, quasi excæcare eū vellet vtroq; Græcus autem credidit quod Trinitatem ostenderet. Item Græcus apertam manum ostendit, quasi ostenderet omnia nuda & aperta Deo: stultus autem timens maxillam sibi dari, pugnū clau.

clausum quasi percussurus leuauit. Græcus intellexit quod Deus omnia clauderet palma, & sic credens Romanos dignos legibus recessit. *Ita Glos.* & ille stultus quia tacuit ab Atheniē. sibus sapiens, ac doctus est habitus. Ideò Iob dicebat amicis suis qui venerant eum visitare, & nimis loquebantur. *Vtinam taccretis vt putaremini sapientes.* Contrà autem verbosos, *S. Augustinus Ser. ad erem.* O verbose erubescere: nam omnino cognosceris quid agis: tua enim conditio est occulta manifestare, nota in conuentibus prædicare. Sed si nescis sumis inaudita. Fingis scire, quod non scis vt libenter audiaris à cunctis. *Et idem ibidem.* Loquentes laudare non audeo; sed tacentes beatos prædicare præsumo.

Tertiū; quia lingua est labilis: est membrū facile ad motum, & magna difficultas reperitur ad illam compescendam. Quapropter tantò maior diligentia adhibenda est ad illam custodiendam, & optimum consilium datur ad silentij arcem confugere. Lingua enim, *vt inquit, S. Augustinus Ser. 10. de ver. Dom.* facilitatem habet motus, in vno posita est, facilè labitur in lubrico; quantò citius illa, & facilius mouetur, tantò inaduersus, illā fixus esto. *Et Diuus Bernardus Ser. de tripl. custod. Melifluo illo suo eloquio sic inquit.* [Leuis quidem res est sermo quia leuiter volat, sed grauiter vulnerat; leuiter transit sed grauiter vrit; leuiter penetrat animum sed non leuiter exit. tenerum membrum lingua; attamen vix teneri potest.] Tanta est difficultas in edomando linguam vt cum Dauid Deum roga-uerit dicens *Domine labia mea aperies, & os meum annuntiabit laudem tuam.* Postea instantissimè deprecatur dicens. *Pone Domine custodiam ori meo & ostium circumstantia labijs meis.* Quare illic a Deo petit vt os suum aperiat, alibi vero vt illud claudat? Hoc dixit vt ostēderet quod ex manu Dei expectandum est & benè tacere, & benè loqui: nam scire loqui, & scire tacere opportunè & sicut decet donū est altissimi. *S. Augustinus explicās illud dictum Iacobi Apostoli. Linguam nullus hominum domare potest.* Inter alia *lib. de nat. & grat. con. Pelagianos,* dicit hoc [Non ideò Apostolus hoc dixit vt huius in nos mali domina-

C
tionem

tionem per negligentiam permanere patiamur: sed vt ad domandam linguam diuinæ gratiæ poscamus auxilium. Non enim ait linguam nullus domare potest; sed nullus hominum domare potest, vt cum domatur, Dei adiutorio, Dei misericordia, Dei gratia fieri fateamur. Conetur ergo Anima domare linguam, & dum conatur poscat auxilium, & oret lingua vt dometur lingua. Itaq; præcepto commonemur quod conantes, & nostris viribus non valentes, adiutorium diuinum præcemer] *Ita S. Augustinus.*

Quartum quia lingua instrumentum est, quo dæmon multos homines capit; nam modo ad blasphemias, modò ad periuria, modò ad detractiones, modò ad turpia, ad scurrilia, ad otiosa verba innumera incautos inducit. Atque vt vno verbo dicam & omnia complectar. Lingua maximus est laqueus, quo homines ligantur et destruuntur. Vnde B. Iacobus inter alia, quæ de lingua affirmat, vt vno verbo multa compræhendat, ait. *Lingua nostra ignis est. vniuersitas iniquitatis.* Quo in loco Glosa inquit. Vniuersitas iniquitatis lingua vocatur quia per eam cuncta facinora aut conantur (vt latrocinia & stupra) aut patrantur (vt periuria, & falsa testimonia) aut defenduntur (vt cum quilibet scelus suum excusat quod commisit) Idè in Ecclesiastico 14. dicitur. *Beatus vir qui non est lapsus verbo in ore suo.* Igni etiam B. Iacobus linguam comparat; ignis enim inter omnia alia elementa potentissimus est ad omnia destruenda. Comparantur quoq; homines linguam non custodientes equis absq; freno, & nauibus absq; gubernaculo ab eodem Apollolo ibidè. Vnde nō sine causa Spiritus Sāctus in linguis apparuit potius, quàm in manibus, aut in alijs Corporis membris vt insinuaret membrum hoc maximè inflammatum esse infernali igne, quare necesse erat vt igne cælesti inflammaretur.

Quintum quia ex lingua immoderata & effrenata innumera propè mala proueniunt. Ad hoc probandum (quia studemus breuitati) sufficiat afferre verba *Diui Bernardi Serm. de tripl. custodia manus, lingua, & cordis, qui sic ait.* [quis numeret quantas modicum linguæ membrum contrahat sordes, quàm multiplex

plex in labijs incircūcisis immūditia copuletur, quā sit gra-
uis perniciēs oris incircumspecti? Est enim lingua dissoluta in
sermonibus otiosis, est lingua impudica, est & magniloqua,
quarum prima lasciuiae, sequens arrogantiae famulatur. Est
etiam lingua dolosa, & item lingua maledica, quarum altera
in falsiloquam, & adulatoriam subdiuiditur: altera verò nunc
in facie cōtumelias irrogat, nunc detrahit in occulto. Quod si de
omni vel ocioso verbo quodcunq; locuti fuerint homines Deo
reddituri sunt rationem in die iudicij, quantò districtius de ver-
bo mendaci & iniurioso, de elato, vel lasciuo, de adulatorio,
aut detractorio iudicabuntur? Quā vera sententia fratres in
multiloquio non effugiendum peccatum. Nemo vestrum fra-
tres parui aestimet tempus quod in verbis consumitur otiosis.
Volat verbum irrevocabile, volat tēpus irremeabile: nec ad-
uertit insipiens quid amittat. Libet confabulari, aiunt, donec
prætereat hora. O donec prætereat hora, o donec pertranseat
tempus. Donec hora prætereat, quam ad agendam pæniten-
tiam, ad acquiendam gratiam miseratio conditoris indul-
get] *Et infra.* Lingua maledica vipera est. Ferocissima pla-
nè quæ tam læthaliter tres inficiat flatu vno illum, qui loqui-
tur, & de quo loquitur, & quæ verbis suis scādalizat. Nunquid
non lancea est ista lingua? Profecto & acutissima, quæ tres
penetrat ictu vno. Lingua, inquit, eorū gladius acutus. Gladius
quidem anceps, immo triceps est lingua detractoris. Nec verò
eiusmodi linguam ipso etiam mucrone quo Dominicum latus
confossum est crudeliorem dicere verearis. Fodit enim hæc
quoq; Christi corpus, nec iam exanime fodit, sed facit exani-
me fodiendo. Iplis quoq; nocentior est spinis, quas illi tam
sublime capiti furor militaris imposuit, seu etiam clavis ferreis,
quos sanctissimis manibus illis, & pedibus consumatio Iudai-
cæ iniquitatis infixit. Nisi enim huius, quod nunc pungitur
& transfoditur, corporis sui vitam, illius vitæ Corporis præ-
tulisset, nunquam illud pro isto, mortis iniuriæ, Crucis igno-
miniae tradidisset. Modicum membrum lingua est, sed nisi
caueas, magnum malum. Vilis res est musca moriens, sed ex-

terminat Dei suauitatem. Tenuis est & lata lingua aptissimum vacuandis cordibus instrumentum, sicut multorum mihi inter vos conscientias arbitror attestari. *Hac Bernardus.*

S. Secundus. De Verbis à quibus debemus abstinere.

Verba, in quæ frequentius Ecclesiastici nōdum perfectionem assequuti labi possunt ac solent sunt Aut Turpia, & Scurrilia: Aut Detractoria: Aut Sufurratoria: Aut Adulatoria: Aut Iattatoria: Aut Dolosa seu Mendosa: Aut Iocosa: Aut saltem Vana. Ideo breuiter de singulis dicendum est a liquid:

De Verbis Turpibus, obscenis & scurrilibus.

Diuis Apostolus Paulus volens ad linguæ moderationem Ephesios ad hortare sic inquit. *Fornicatio & omnis immunditia, aut turpitudine, aut stultiloquium, aut scurrilitas non nominetur in vobis &c.* additq; rationem. *Corrumpunt bonos mores colloquia praua.* Magna enim sunt luxuriæ & libidinis incentiua. Quamobrem *S. Ambrosius de Pœnit. lib. 1. cap. 14.* cum dixisset libidinem conuiuijs pasci, delicijs nutriri, tandem subiicit [*Graviora sunt his fomenta verborum*] Et sanè obscæna verba, etiam ad animos castos, non sine labe penetrare nemo est qui neget. Nec inelegans est *S. Basilij lib. de Virgin. similitudo.* Sic enim ait [*Veluti lapis in aquam cisternæ coniectus non solum adiacentem aquæ partem, in quam decidit, agitatur; verum & orbes alios perpetuis vicibus excitans, eos interdum ad vltimos lacinie margines producit: ita sermo lasciuus in animam castam velut in vndam purissimam vehementer coniectus alias post alias amatorias cogitationes excitat totamq; animam voluptatis fluctibus agit.*] *Hac Basilius.* Nempe sicut oleum vesti superincidens facile se dilatat, & maculam relinquit; sic planè contingit de verbis impudicis & obscænis; ubi enim in animam penetrauerint facile, illam commaculant

ni

ni statim sedulitate magna excutiantur, & abijciantur. Propter hoc vocantur etiam tēdæ Diaboli omnia comburentes et deuantantes. Vnde in Iob 31. habetur. *De ore eius lampades procedunt velut tēdæ ignis accensa, halitus eius prunas ardere facit. Et in Ierem. 11. Ad vocem loquela grandis exarsit ignis in ea, & combusta sunt fruteta eius.*

Per simile est interdictū illud Aristotelis in Politicis lib. 7. cap. ult. *Omnis obscenitas verborum per legislatorem exterminanda est de Ciuitate. Ex turpiter enim loquendi licentia sequitur & turpiter facere. Si quis dicere aut facere prohibitorū quicquam deprehensus fuerit honore priuetur, & verberibus castigetur; sed si sit maioris ætatis seruilis afficiatur infamia.* Nempe vidit vno prohibito id omne prohibitum videri, per quod ad illud peruenitur; turpiloquijs autem promouetur in primis negotium libidinis. Sed & verba nostra dedecet minus pudica esse quàm Iudæorū: hi autem vt narrat Iosephus vsque adeò abhorrebant à turpiloquijs, vt etiam horrerent animalia valdè sordida proprio appellare vocabulo; sed per periphrasim. *Nefanda animalia.* Ridiculum deniq; est religiosè abstinere à commemoratione excrementorum Corporis, vel partium obscenarum per quas egeruntur; & non etiam ac multò magis à quauis libidinosa locutione, cum illa nullum vehant secum culpæ periculum, hæc verò quàm maximum. sic excolatur culex & camelus deglutitur?

De Verbis DetraCTORijs.

DetraCTio est ablatio fame per verba cum intētionē nocendi. Dicitur *ablatio*, quia detrahēre est auferre aliquid à proximo: vnde constat detractionem esse contrā iustitiam, quæ prohibet auferri alteri quod suum est.

Dicitur *fama*. Est autē fama *notitia & opinio, quam aliquis habet apud Homines.* Quando bona est, dicitur bona fama: cū verò mala, dicitur mala fama. Differt ab honore; nam honor est *reuerentia qua exhibetur alicui in signum alicuius excellētia:*

tamen



tamen tam honor quam fama sunt bona hominibus externa; Quando igitur aliquis aufert bonam famam & opinionem, quam alter apud homines habet, dicitur detrahere; ob id detractio dicitur ablatio famæ; in quo differt à contumelia *quæ est ablatio honoris*.

Dicitur, *per verba*. Dupliciter enim potest quis bonam alicuius famam auferre. Vno modo apud se solum, ut cum Petrus habens in se bonam opinionem Pauli, mutat eam, & concipit malam; tunc aufert in se famam Pauli; & si talis mala opinio concepta fuit absq; rationabili causa tunc pertinet hoc ad iudicium temerarium. Altero modo potest quis auferre famam alterius non solum apud se, verum etiam apud alios, & hoc pertinet ad detractionem. Et quia Homo per verba manifestat suos conceptus; ideo per verba fit detractio, ob idq; talis particula posita est in definitione. Aduerte tamen per verba intelligi etiam nutus, & signa, & scripturas, quibus libelli infamatorii fiunt. Rursus intelligi ista tum formaliter, tum virtualiter. Verbum formale est cum quis verè verbum edit, vel signum, vel scripturam. Virtuale cum ex taciturnitate verbum insinuat; quando enim quis tacet cum loqui deberet tunc virtualiter loquitur aliquid approbando vel reprobando.

Dicitur deniq; *cum intentione nocendi*; nam cum quis iuridicè aliquem accusat, vel condemnat, famam quidem aufert non tamen detrahit; nam detractor famam aufert intentione nocendi. Quod dupliciter potest contingere. Vno modo directè, cum verè habet talem intentionem nocendi. Altero modo indirectè, cum licet non habeat talem intentionem expressè, famam tamen aufert ob alium finem puta ob ludum, & iocum, vel etiam nullo fine præstituto; aut etiam ob finem bonum, tamen non seruatis debitis circumstantiis. Qui igitur sic famam alicuius aufert, dicitur indirectè habere intentionem nocendi. Et ex his patet Detractionis definitio.

Modi Detractionis, sunt octo de quibus S. Thomas 2. 2. q. 73. quem sequuntur communiter Theologi. Qui modi in duas

partes diuiduntur. Quidam sunt, in quibus detractio versatur circa malum. Quidam circa bonum.

Circa malum quatuor sunt modi detrahendi sequenti carmine comprehensi.

Imponens, augens, manifestans, in mala vertens.

Imponens dicitur qui infamat alterum imponendo crimen, & vitium quod non habet; & hic est pessimus detractiois modus. *Augens* est qui alterius crimen verum auget narrando, amplificando, & exaggerando vt maius appareat. *Manifestans* dicitur, qui crimen occultum alicuius propalat, & manifestat alijs famam illius auferre intendendo. *In mala vertens* dicitur qui factum alterius bonum in malam partem interpretatur coram alijs illius famam imminuendo. Ille autem dicitur in malum conuertere bonum alicuius, qui id, quod ex se bonum est, leui ratione motus & absq; causa rationabili vt malum iudicat.

Circa bonum; sunt etiam quatuor modi alitero consimili carmine comprehensi.

Qui negat, aut minuit, tacuit, laudat uè remisse.

Ille dicitur negare qui virtutem alterius, ex qua famam apud alios habet, coram illis negat. *Ille minuit*, qui quamuis non neget; minorem tamen suis verbis aut signis reddit. *Ille tacendo detrahit*, qui cum de fama alicuius periculum est, cui potest ipse subuenire, nihil dicit: Vel cum laudantibus alijs aliquem ipse tacet dans intelligere se aliorum laudi non consentire. *Ille deniq; plaudat remisse*, qui quod magna laude dignum est, parum laudat aut verbo, aut signo. Hic modus ad secundum reducitur.

Cæterum detractio reprobata est atq; damnata per Rationes naturales: per Auctoritates Sacrae Scripturae: Iuris Pontificij: Sanctorum Patrum: Philosophorum: & Poetarum.

Primo per rationes naturales. Nam detractio est contra ipsam met rationem naturalem & ratione insidiationis: & ratione prodicionis. Ratione quidem insidiationis, quia detractor assimilatur cani in Ecclesiastico 19. *Sagitta infix a femore canis,*
sic

sic verbum in corde stulti. Canis enim habens sagittam infixam femori nunquam quiescit donec illam abstulerit; sic nec stultus quiescere potest donec malum, quod de proximo audiuit, alteri referat. Est canis non solum carnes comedendo, de carnalibus scilicet hominibus obloquendo; sed etiam ossa ipsa rodendo, vitam scilicet spiritualium hominum sua lingua pervertendo, & contingendo; quod sumopere detestâs B. Augustinus, & volens huiusmodi canes detractores a sua mensa intelligi exclusos iussit in pariete refectorij sequentia carmina apponi.

Quisquis amat dictis absentum rodere vitam.

Hanc mensam indignam nouerit esse sibi.

Ratione autem proditiōis; quia detractor est etiam veluti serpens, habetur enim Ecclesiast. 10. *Si mordeat serpens in silentio; nihil eò minus habet, qui occultè detrahit.* Nam serpens est animal proditiosum in silentio mordens; sic detractor est proditor; quia illos mordet, quos amare se simulat quando sunt præsentes: ibi autem detrahit ubi de silentio & absentia confidit: & sicut serpens verbis & tumultibus hominum detinetur; sic detractor timet quando videt eum venientem, cui detrahit: & sicut serpens tortuosè incedit; sic detractor incipit à laude eius, cui vult detrahere; deinde subdit *sed sâmen*, quæ est coniunctio attenuatiua, vel aduersatiua: & sicut serpens manducat terram; sic detractor quod terrenum & vile est in homine, versat in ore. Hinc benè in sacris literis detractores vocantur serpentes. In psal. 140. *Acuerunt linguas suas sicut serpentes.* In Ierem. 8. *Ecce ego immittam in vobis serpentes regulos quibus non est incantatio.*

Secundò per Auctoritates Sacræ Scripturæ tum veteris tum noui testamenti.

In testamento veteri. In Num. 12. Maria soror Moylis eo quod detraxerit fratri modica occasione sumpta, poena lepræ punita est. Vnde dictum est ei. *Quare non timuisti detrahere seruo meo Moyse.* Et ibidem. Omnes Iudæi qui egressi sunt de Aegypto, mortui sunt peste in deserto ob peccatum detractiōis & murmuratiōis. Idcò ibi scriptum est cap. 14. *Omnes homines,*

mines, qui viderunt Maiestatem meam in Aegypto non videbunt terram pro qua iuravi patribus eorum, nec quisquam ex illis qui detraxit mihi intuebitur eam. In leuit. 19. *Non maledices surdo.* Glosa explicat. Surdo maledicit qui absenti detrahit: absens enim minus potest audire detrahentem quam si surdus esset. In exod. 23. *Inimicorum tuorum coram te terga vertam; emittam crabrones prius &c.* Detractor comparatur crabroni, quia quemadmodum crabro non quiescit nisi in stercoreibus; ita detractor non nisi in alienis peccatis quiescit. In Prou. 24. *Cogitatio stulti peccatum est, & abominatio hominum detractor.* Et in Psal. 101. *Detrahentem secretum proximo suo hunc persequabar.* In Iob 19. *Stulti quoque despiciebant me, & cum ab eis recessissem detrahebant mihi.* In Ezech. 22. *Viri detractores fuerunt in te ad effundendum sanguinem; scelus operati sunt in medio tui.*

In testamento nouo: In Epistola S. Iacobi 4. *Nolite detrahere alterutrum, qui detrahit fratri aut qui iudicat fratrem suum detrahit legi, & 1. Petri. 2. Conuersationem vestram inter gentes habentes bonam, ut in eo quod detrectant de vobis tanquam de malefactoribus ex bonis operibus vos considerantes glorificent Deum in die visitationis.* Et ibidem. *Non reddentes malum pro malo vel maledictum pro maledicto; sed è contrario benedicentes; quia in hoc vocati estis ut benedictionem hereditate possideatis.* Et Diuus Paulus ad Romanos 1. *Tradidit illos Deus in reprobum sensum ut faciant ea quae non conueniunt. repletos omni iniquitate, malitia, contentione, dolo, malignitate, susurrones, detractores &c.*

Tertio per auctoritates Iuris Pontificij. Nam 6. q. p. cap. ex merito habetur [Caueat unusquisque ne aut linguam aut aures habeat prurientes. idest. ne aut alijs ipse detrahat, aut alios detrahentes audiat. Sedens, inquit, aduersus fratrem tuum loquebaris detrahendo, & aduersus filium matris tuae ponebas scandalum. Parcant singuli detractioni linguae, custodiantque sermones suos, sciantque quia cuncta quae de alijs loquuntur sua sententia iudicabuntur.] Et 3. q. 4. cap. detractores. [Detractores qui diuina auctoritate eradicandi sunt, & auctores ini-

micorum ab Episcopali submouemus accusatione vel testimonio.] Item 2. q. 7. cap. accusatio. [Si detractores quorumcunq; grauius vindicantur, & in perditionis laqueum cadunt; multo magis laceratores & detractores atq; accusatores famulorum Dei damnantur, & in baratrum nisi se correxerint, & per eorum satisfactionem condignam egerint poenitentiam, indubitanter cadunt, & vindicibus flammis exuruntur.]

Quartò per Auctoritates Sanctorum Patrum. *D. Greg. 14. moral. sic inquit.* [Per Salomonē dicitur Noli esse in conuiujs potatorum, neq; comedas cum eis, qui carnes ad vescendum conferunt, carnes ad vescendum conferre est in colloctione derogationis vicissim proximorum vitia dicere] *Et Diuus Hieronimus epist. ad celant.* [Nulli vnquam omnino detrahas, vt aliorum vituperatione te laudabilem videri velis. Magis tuam vitam ornare disce, quàm alienam corpore. Memor esto scripturæ dicentis. Noli diligere detrahere ne eradiceris.] *Et Diuus Augustinus in Glos. super illud. Pro eo vt me diligere detrahebant mihi, dicit* [Plus nocent in membris detrahentes (huius, quia animas creditorum interficiunt; quàm qui eius carnem mox resurrecturam premerunt.]

Quintò per Auctoritates Philosophorum moralium, & Poetarum. Quantū igitur ad Philosophos *Val. Mag. lib. 4 sic ait.* [Nulla tā modesta fælicitas est, quæ malignitatis dentes vitare possit. Qui alienis malis sicut suis bonis lætantur: diuites sunt alienis iacturis, locupletes calamitatibus, immortales funeribus.] *Et Tullius contra Sallustium.* [Sæpe vidi grauius offendere animos auditorum eos; qui aliena vitia apertè dixerunt, quam eos qui commiserunt.] *Idem de officijs.* [Arbitrari debemus magis esse contrà naturam hominem homini detrahere sui commodi causa, quàm omnia incommoda subire vel externa, vel Corporis.]

Quantum ad Poetas. *Claudianus in maior.*

———— ne cunctos paucorum crimine damnes.
Et Ouidius de art. aman. lib. p.

Parcite paucorum crimen diffundere in omnes.

Et

Et Anianus in metologia.

Qui benè proloquitur coràm qui postea prauè
Hic erit inuisus bina quòd ora gerat.

De Verbis Susurratoris.

Susurratio est manifestatio defectus alterius ad seminandas discordias inter amicos. Est peccatum graue contra iustitiam; & ex genere suo grauius quàm detractio, & contumelia, quod probat *Diuus Thomas 2.2.q.74.art.2.* [quia peccatum in proximum tantò est grauius, quàn tò per ipsum maius proximo nocumentum infertur. Nocumentum tantò maius, quantò maius est bonum quod tollitur. Inter verò exteriora bona preminet amicus, quia sine amicis nullus viuere posset, vt patet per *Philos. 8. ethic.* Vnde dicitur *Ecclesiast. 6. Amico fideli nulla est comparatio.* Fama autem ipsa quæ per detractiōem tollitur ad hoc maximè necessaria est vt homo idoneus ad amicitiam habeatur. Et ideò susurratio est maius peccatum quàm detractio, & etiam quàm contumelia, quia amicus est melior quàm honor, & amari quàm honorari, vt in *8. ethic.* Philosophus dicit. Adde quòd multoties in susuratione includitur detractio & contumelia; quia ad disseminandas discordias sæpe refertur crimen alterius falsum, vel verum sed occultum in absentia aut in præsentia. [*Ita D. Thomas.*

Hinc est quod tantopere in sacris literis damnatur susurratio; nam *leuit. 19.* dicitur. *Non eris criminator nec susurro in populis.* Et *Eccles. 5. Non appelleris susurro.* Item *28. Susurro & bilinguis maledictus erit; multos enim turbauit pacem habentes.* Et in *Prouerbijis 26. Susurrone ablato iurgia conquiescunt.* Etenim susurro talia de proximo profert mala, quæ possunt contra ipsum commouere animum audientis secundum illud *Ecclesiastici 28. Vir peccator conturbabit amicos, & in medio pacem habentium immittit inimicitias.*

Coeterum miræ sunt artes susurrorum vt virus suum euomant efficaciter: Nam persæpe ita sua dicta colorant, vt videantur ad bonum finem quæ ab ipsis dicuntur referri: vnde

appositè dixit Propheta . Molliti sunt sermones eorum super oleum , & ipsi sunt iacula . Et sapiens . Verba susurronis quasi simplicia , & ipsa penetrant vsq; ad intima ventris . Sub specie simplicitatis columbinę multa susurro enarrat quasi cōpatiens , interim interficit more serpentino , caudq; venenata infigit aculeū . Atq; vt iterū sapiēs Eccl. 12. dicit . In labijs suis indulcat , & in corde suo insidiatur ; in oculis lachrymatur & quasi adiuuans suffodiet plantas tuas : caput suum mouebit , & multa susurrans commutabit vultum suum . Nempe quia lætum in aduersis , tristem in prosperis , hilarem in occulto , compositum in aperto se ostendit . Instabilis est vt permaneat , fallax vt blandiatur , sagax vt insidietur , procax vt noceat , concors alijs vt persequatur , admiratur & insultat cadenti , applaudit et obloquendo malignatur ; nam falsa in aure locutione nititur se amicitia illius , cui loquitur , insinuare , & alium de quo susurrat in odium adducere . Meritò igitur à Deo maledictus dicitur . *Susurro & bilinguis maledictus* . Meritò maledictus sicut Dæmon ; quia susurro similis est Dæmoni , qui primus discordias seminavit & pacem turbauit in cælo inter Deum & Angelos ; in paradiso inter Deum , & hominem ; in mundo inter fratrem & fratrem nempe inter Cain & Abel ; inter Esau & Iacob : immo inter Patrem & Filium , videlicet inter David & Absalonem . Est ergo susurro membrum Diaboli & instrumentum illius . Quod apertè insinuat Diuus Gregorius in suo pastoralis his verbis . Admonendi sunt , inquit , qui iurgia semināt vt cuius sint sequaces agnoscant : nam de apostata Angelo scriptum est , cum bonę messi inserta esset Zizania . Inimicus homo hoc fecit .

Sed attendant benè susurrone : quia susurratio & calumnia frequentissimè in eorum caput recidit ; & tandem veritas in eorum confusionem elucescit vt satis apertè constat ex facto eorum qui Daniele criminebantur apud Regem , eiusq; perniciem intentabant vt in libro Danielis . Et ex facto Aman qui exitium Mardocheo & populo Iudæorum parabat , vt in libro Hester . & frequētissimè hoc videtur in aulis Principum .

Nimi.

Nimirum: quia verum est quod scripsit Petrarcha: *Vt enim immortalis est veritas, sic fictio & mendacium non durant; simulata illico patefcunt, & magno studio compta casaries vento turbatur exiguo. Nemo sub aquis diu viuit, erumpat oportet, & frontem, quam calabat, aperiat.*

De Verbis Adulatorijs.

Adulatio est sermo laudis alteri supra debitum virtutis modum exhibitus intentione placendi. Ita Diuus Thomas. 2.2. q. 115. art. 1. Illud igitur blandiendi genus, quo aliquis in familiari consuetudine alterum oblectare vel dictis vel factis studet, idq; contra decorum & rationis regulam, adulatio nominatur. Hoc vitium maximè in aulis magnatum dominatur; vbi non desunt qui vt gratiam Principis sibi concilient, atq; ad officia publica & magistratus sibi viam aperiant, loquuntur placentia, de quibus disertè dixit *Alanus. lib. de complanc. nature.* [Hi sunt, inquit, qui magniloqua commendationis tuba in diutum auribus citharizant; qui vt emungant munera caput diuitis oleo inungunt, Prælatorum auribus puluinaria laudum subiiciunt.] Hæc aduertens & benè perpendens *Seneca, scribebat sic ad amicum.* [Monstrabo tibi cuius inopia laborant summa fastigia: & quid possidentibus omnia desit, scilicet ille qui verum dicat. Vna contentio ibi est qui blandissimè fallat. Si in clientela alicuius potentis veneris, Veritas aut Amicitia perdenda est.] Hoc benè cognouit Ludouicus. 12. Galliae Rex, qui solitus conqueri perhibetur, quod cum in suo palatio rerum omnium abundantia floreret, vna tamen Veritas abesset, quæ vel non ingreditur ad Principes; vel si quandoq; ingreditur, varijs est induta coloribus & ministro- rum arte fucata, qui ita se gerunt ne gratiam Principis amittant: sæpissime enim accidit vt qui veritatem merè nudam & sine fuce aperire volunt, gratia & aula excidant. O tempora ò mores. Quod detestans summo perè alter ille Galliarum Rex Ludouicus inter Sâctos relatus, cum morti proximus filio documenta relinqueret, sic illum est affatus. Ita te gerito ò fili

vt Confessarij, necessarij; & familiares possint te admonere mali quod feceris, & docere quid faciendum sit. Monebat scilicet prudenter vt veritatem amaret, & adulatores fugeret Palatij pestem, vel vt Constantinus eos vocare solebat (teste Nicephoro) Palatij tineas & Sorices.

Graue profecto & perniciosum est adulationis malum multiplici de causa.

Primò quidem, quia adulatorem bilinguem reddit, & duplicem corde ob mendacium, quod adulationi commisceri solet. Nam, vt inquit Alanus vbi supra, frequenter exterius applaudendo collaudant, quos interius derisione vituperant; foris vultu applaudunt virgineo, intus scorpionis pungunt aculeo; & à voluntate vultum, ab animo verbum, à mente linguam, ab intellectu loquelam amplo dissensionis intervallo diffibulant.

Secundò quia frequenter ad peccatū inducit adulatio, vel hominē iam in peccatis inuolutū impedit ne resurgat, eumq; in vitijs enutrit. Propterea dixit. *S. Augustinus explicans illud Psalmista. Laudatur peccator in desiderijs animae suae. sic inquit.* [Adulātium linguae hominem in peccatis ligant; delectat enim ea facere in quibus non solum non metuitur reprehensor; sed etiam laudatur operator] Propterea etiam monebat Sapiens. *Fili si te lactauerint peccatores non acquiescas eis* q.d. si te blandis sermonibus vt quodam quasi adulationis lacte ad peccatū ducere voluerint, vel in peccatis enutrire, caue lac venenatū & lethiferum, quod letargicū soporem inducit ne exciteris ad vitam. Grauiusimè hoc peccato peccant qui per adulationem Principibus suadent licere eis plenitudine potestatis vectigalia & tributa pro libitu imponere; ipsos esse dominos rerū, agrorum, & bonorum omnium sui regni; & similia.

Tertiò quia adulatio impedit ne quis rectum de se iudicium habeat dum malefacta laudantur; Vel nimis laudantur quae laude digna non sunt. Citò nobis placemus si quis nos viros bonos affirmet, si prudentes, si sanctos: nec sumus modica laude contenti, quicquid in nos adulatio sine pudore congesterit

serit quasi debitumprehendimus, naturali quodam ducimur malo. Et quamuis respondeamus nos indignos, & calidus rubor ora perfundat; ad laudem tamen suam anima intrinsecus lætatur. Hinc *Diuus Gregorius relatus cap. inter crebra 11. q. 3. monet inquitens.* [Inter verba laudantium siue vituperantium ad mentem recurrendum est; & si in ea non inuenitur bonum quod de nobis dicitur, magnam tristitiam generare debet: Et rursus si in ea non inuenitur malum quod de nobis homines loquuntur, in magnam debemus lætitiā proflire. Quod si non omnes laudant; & conscientia liberos nos demonstrat, habemus Paulum dicentem. Gloria nostra hæc est testimonium cōscientiæ nostræ.] Alexandro Magno ita eius aulici mentem ademerant, vt cum filium Iouis illum esse dicerent, iam etiam ex parte suaderent. Verum cum ipse in vrbe cuiusdam obsidione sagitta percussus esset, sanguinemq; fluentem aspiceret, ad mentem redijt, ac dixit. Quamuis omnes iurent me Iouis filium, vulnus tamen hoc me hominem clamat.

Hoc adulationis vitium ab omnibus est fugiendum; sed precipuè ab illis, qui ex officio tenentur vitia in Ecclesia Dei corrigere. Vnde Propheta Ezechiel. cap. 13. illis væ inclamat, qui consuunt puluillos, & eos sub cubito aut sub capite omnis ætatis constituunt vt sine anxietate obdormiant. Quod explicans *Diuus Gregorius* & alij Patres dicunt ad illos sermonem dūrigi, qui cum ad hoc in Ecclesia Dei sint constituti vt contrā vitia clament, loquuntur tamen placentia: populiq; vitia & præsertim magnatum excusant, colorant blandis sermonibus, & eos in illis obdormire & quiescere sinunt. Væ Episcopis, væ Prælatiis, væ Pastoribus qui parietem malè constructum liniunt, & dealbant (vt idem Propheta loquitur) turpitudinem exterius colorant, quàm detergere deberent, blandimento linguæ apud nobiles & diuites sic se gerunt, vt vitia eorum potius fouere censeantur quàm corrigere, gratia eorum veritè excidere potius quàm gratia Dei. Non ita se gessere Sancti Dei viri circa Reges & Principes. Non adulatorio sermone eis obsecundarunt sed liberè increparunt. Elias liberè increpauit Achab

Achab Regem : Eliseus Ioram : Natan Dauidem : Isaias Manassen : Daniel Nabucdonosor & Baltasarem : Jeremias Ioachim & Sedechiam : Ioannes Herodem : Basilius Valentem : Chrysostomus Eudoxiam : Hilarius Constantium : Ambrosius Theodosium & Valentinianum . Quid enim responderit hic Theodosio post cædem Thessalonicae factam , satis notum est : & quomodo eum ab ecclesiae ingressu prohibuerit , penitentiaeq; subiecerit . Quid etiam responderit Valentiniano iubenti ut Ecclesiam traderet Arianis dignum est memoratu [quæ Dei, *inquit* , sunt imperatoriae potestati non sunt obnoxia . Si patrimonium affectatis inuadite ; si Corpus accurrite . Vultis in , vincula ducere ! vultis ad necem ? ludus est . Non ego me val. labo stipulatione pepulorum , nec altaria tenebo vitam deprecans ; sed pro altaribus victimam me præbebo .]

De Verbis Iactatoris .

Iactantia est manifestatio excellentiae propria supra id, quod vel in se, vel in aliorum existimatione est, verbis inordinate facta . Ex Diuo Thoma 2. 2. q. 112. Cuius definitionis sufficientia ex hoc apparet, quia iactantia, propriè importare videtur extollentiam quandam ; quæ enim homo longè iactare vult, in album eleuat. Tunc autem propriè aliquis se extollit, quando de se supra se aliquid dicit . Quod quidem contingit dupliciter . Quandoq; enim aliquis loquitur de se non quidem supra id, quod in se est ; sed supra id quod de eo homines opinantur (quod Apostolus 2. Cor. 12. refugiens dicebat. Parco, ne quis me existimet supra id, quod uidet in me, aut audit aliquid ex me) Alio modo aliquis per verba se extollit, loquens de se supra id, quod in se est secundum ueritatem. Et quia magis est aliquid iudicandum secundum quod in se est, quàm secundum quod est in opinione aliorum ; ideò magis propriè dicitur iactantia quando aliquis effert se supra id quod in ipso est, quàm quando effert se supra id, quod est in opinione aliorum quamuis utroq; modo iactantia dici possit .

Con-

Contrà vitium istud dat sapiens monitum in Prou. 27. dicens: *laudet te os alienum, & non os tuum; extraneus & non labia tua.* Iactantia vt plurimum prouenit ex auiditate laudis humanæ, quæ quàm vana sit declarat S. Augustinus lib. 10. Conf. cap. 36. his verbis loquens Domino [qui laudari, inquit, vult ab hominibus vituperante te, non defenditur ab hominibus iudicante te, non eripitur damnante te]

Cæterum iactantia vt plurimum est peccatum veniale; sic autem mortale quando contrariatur Charitati Dei, aut proximi. Quod contingere solet in his casibus nempe primò quādo quis se iactat de aliquo peccato mortali, quod vel reuera cōmisit, vel sibi imponit: de his .n. loquitur Isaias cap. 3. inquiens. *Peccatum suum quasi Sodoma predicauerunt, nec absconderunt.* Item sapiens *letantur cum malefecerint, & exultant in rebus pessimis.* Secundò quando quis se iactat cum iniuria Dei, quale fuit peccatum illud Regis Tyri de quo Ezechias. *Elevatum est cor tuum, & dixisti. ego sum Deus.* Tertiò Cum quis se iactat cum iniuria notabili proximi vt Phariseus ille se iactabat suprà humilem publicanum dicens. Non sum sicut cæteri homines raptores, adulteri, sicut hic publicanus. Quartò cum sequitur notabile detrimētum proximo vt quādo quis se magnū iactat Medicū aut Aduocatū cum non sit; Vnde alij decipiuntur & damnum patiuntur eo quòd ad ipsum confluunt: tunc peccatum est mortale ad restitutionem obligans. Omendaces filij hominum vt decipiant ipsi de vanitate in idipsum. Quintò deniq; cum quis se iactat ad aliquem finem qui sit mortale peccatum. extra hos casus Iactantia ferè semper est veniale. Debemus tamen nos ecclesiastici niti ad id quod perfectum est; & ipsa etiam venialia vitare quantum fieri potest.

De Verbis Mendacibus, exaggeratorijs, & Hyperbolicis.

Mendacium sic describi potest. *Est Verbum falsum cum intentione fallendi.* Ita Toletus in summa lib. 8. cap. 56. Dicitur *Verbum* nam mendacium propriè est peccatum oris; &

E

per

per verbum non solum vocem, sed scripturam, quæ loco vocis datur, intelligimus.

Dicitur *falsum*, vbi nota quod Verbum dupliciter potest dici falsum vno modo quando aliter per ipsum enunciat res quam ipsa in se sit: vt si quis dicat *Papa non est Romæ* falsum dicit verbum; namq; non enunciat rem vt est; cum verè sit Papa Romæ. Altero modo dicitur falsum, cum aliter enunciat res, quam homo qui profert verbum existimat in suo corde; vt si ego existimans Papam non esse Romæ dicam tamen *Papa est Romæ* dico falsum. Et aduerte quod aliquando stat dicere falsum hoc posteriori modo, & non priori. In hac igitur definitione sumitur modo posteriori; non enim est mendacium dicere quod non ita est; sed dicere aliter quam Homo sentiat, siue sit siue non sit ita in re: ideo dicitur *mentiri* quasi *contrà mentem ire*.

Dicitur *cū intēione fallēdi*. Qui .n. aliter quā sērit proloquitur, alterū fallit, & fallere intēdit; nō etenim sic p̄fert nisi vt diuersā opinionē in animo alterius generet; hoc autē est fallere.

Porro Mendacium est triplex, videlicet Perniciosum, Officiosum, Iocosum. Ita Diuus Tho. 2. 2.q. 1 ro. art. 2. quam diuisionem communiter recipiunt omnes Theologi & Summistæ.

Dico igitur Primò. Omne mendacium vniuersaliter loquendo est peccatum. Rationē assignat Diuus Thomas loc. cit. art. 5. quia quod est secundum se malum ex genere, nullo modo potest esse bonum & licitum: ad hoc enim quod aliquid sit bonum requiritur quòd omnia rectè concurrant; nam bonum, ex mente Dionisij, est ex integra causa; malum verò ex singulis defectibus: sed mendacium est malum ex genere; quia est actus cadens super indebitam materiam: cum enim voces naturaliter sint signa conceptum, innaturale est quod aliquis vocibus significet id quod non habet in mente. Ergo omne mendacium est peccatum. Hoc etiam asserit Diuus Augustinus in libro contrà mendacium.

Nec obstat quòd in sacris literis legitur quosdam viros etiā Sanctos fuisse mentitos, vt Abram; qui de vxore sua dixit quòd

quòd esset eius soror. Et Iacob, qui dixit se esse Esau. Et Iudith, quæ Holoferni mentita est. Et obstetrices Aegipti remuneratæ propter mendacium: dicitur enim in Exodo quòd ædificauit illis Deus domos.

Respondetur enim dupliciter. Primò, quòd ea quæ in speciem mendacia videntur, vt ab eorum intentione procedebant, mendacia non erant, non enim ibant contrà mentem, & contrà sensum ipsorum internum, quamuis illum sensum alij non penetrarent: licitum est autem quandoq; obscuris verbis vtì, quæ in aliquo sensu veritatem habent, quamuis illum sensum aliqui audientes non peruideant. Cur autem illi Sancti Patres sic obscurè loquuti sint, ratio est quia figuraliter & propheticè loquebantur. In proposito igitur Abram non est mentitus dicens Saram esse suam sororem, quia quamuis esset eius vxor reuera tamen erat etiam soror ex parte patris; Vnde vnum affirmauit, alterum tacuit, & sic veritatem voluit celare, non autem dicere mendacium. Nec mentitus est Iacob dicens se esse Esau primogenitum; quia reuera erat primogenitus iure sibi acquisito, quāq; non personaliter erat Esau; vsus autem est illo modo loquendi per spiritum prophetiæ ad designandum mysterium: quia videlicet minor populus scilicet Gentilium substituendus erat in locum primogeniti scilicet in locum Iudæorum.

Respondetur Secundò quod quidam commendantur in scriptura non propter perfectam virtutem; sed propter quamdam virtutis indolem, nempe quia apparebat in eis aliquis laudabilis affectus, ex quo mouebantur ad quædam indebita facienda. Vnde dato etiam quod aliquod veniale mendacium dixerint, laudantur tamen non de mendacio, sed de illo laudabili affectu. Sic Iudith laudatur nō quia mentita est Holoferni, sed propter affectum quem habuit ad salutem populi pro qua periculis se exposuit. Similiter illæ obstetrices non sunt remuneratæ pro mendacio sed pro timore Dei, & beneuolentia ex qua processit mendacium. Vnde signanter in Exodo dicitur. *Et quia remunerant obstetrices Deum ædificauit illis domos.* menda-

cium verò postea sequens non fuit meritorium.

Stat igitur firmum nostrum dictum, quòd omne mendaciū est peccatum: adeò vt nec propter alterius vitam tuendam, nec propter totius Reipublicæ salutem liceat mentiri. Ita asserit *B. Gregorius in moralibus* [Mendacij inquit omne genus perfecti viri summo perè fugiunt, vt nec vita alicuius per illorum fallaciam defendatur, ne suæ animæ noceant dum prodesse nituntur carni alienæ: quanquā hoc peccati genus facillimè credamus relaxari. Nam si quælibet culpa sequenti solet pia operatione purgari, quantò magis hoc facile abstergitur, quod mater boni operis ipsa pietas admittit?] Stat quoq; verissimum illud dictum Domini apud Ioan. 8. *Diabolus est mendax; & pater eius*, idest mendacij. Quia primus auctor mendacij fuit Diabolus, & à seipso mendax, & omnes ad mendacium, quantum in se est, inducit. Vnde grauitè & sapienter dixit quidam. *Intemperantia facit hominem belluam, mendacium diabolum, veritas semideum.*

Dicò secundò omne quoq; mendacium, si cum iuramento fiat, est peccatum mortale. Quia est periurium quod in quacumq; materia est mortale. Et ratio est. Quia peierare est adducere Deum in testem falsitatis; hoc autem ad magnam Dei irreuerentiam pertinet: quia per hoc dat intelligere vel quod Deus veritatem non recognoscat, vel quod falsitatem testificari velit; & ideò periurium est peccatum religioni contrariū.

Dicò tertio Perniciosum mendacium est mortale ex genere suo, nisi excusetur leuitate materiæ, cum enim detrimentum est leue, tunc fit veniale: aut nisi excusetur indeliberatione; quando enim homo non fuit plenè sui compos in proferendo tali mendacio, tunc est veniale.

Dicò quarto officiosum, & locosum mendacium ex se veniale est.

Tres præfati modi sunt, quibus contingit aliquem mentiri. Et semper mendacium est peccatum aut mortale, aut veniale vt explicatum est; ideò monemur à Spiritu Santo in Eccles. 37. *Ante omnia opera verbū verax præcedat te; & ante omnē actum consiliū stabile.* Est

Est alter modus proferendi mendacia (quamvis id fiat non tam deliberatè) & est *Quando per exaggerationem plus quid additur veritati rei vel dictis vel factis*. Veritas enim in indivisibili consistit, unde quicquid additur amplius quàm est aut scitur, mendacium erit. Et in hoc solet sæpissimè magnum esse periculum; lubentes enim optamus ut id, quod à nobis profertur, alicuius pretij esse videatur; ideoq; id extollere conamur. Quapropter magna circumspectione est utendum, additq; S. Bonaventura in *Specul. discipl. par. 3. cap. 3.* fugiendas esse exaggerationes & amplificationes; non enim Ecclesiasticæ gravitatis & modestiæ est multis amplificationibus uti: hitu est quòd qui sua augere solent, ut plurimum pro veracibus non habentur, & auctoritatem ac fidem deperdunt.

De Verbis Iocosis, Ridiculis, & de Facetijs.

Hanc materiam egregiè & ad praxim pertractat suo more Pater Alphonsus Rodriguez *par. 2. tract. 2. cap. 12. exer. perf.* idcò quicquid ipse dicit, lubet ad verbum referre. Sic igitur inquit ille. [Diuus Basilus ait. Neq; in modum paruuli iocari velis assiduè, quia non convenit ei, qui ad perfectionem nititur, iocari ut paruulus; sed ut vir sit. Additq; Sanctus quod ioci, & recreationes huiusmodi reddunt hominem languidum & negligentem in Dei servitio, & à corde tollunt deuotionem, & compunctionem.

Punctum hoc grauter tractat Diuus Bernardus. Inter seculares, inquit, nugæ, nugæ sunt, in ore Sacerdotis blasphemie. Consecrasti os tuum euangelio, talibus iam aperire illicitum, assuescere sacrilegium est, quemadmodum sacrilegium est templum cultui diuino dedicatum vsibus prophanis applicare. Labia Sacerdotis, ait Malachias, custodiunt scientiam, & legem requirunt ex ore eius non nugæ profectò; vel fabulas; non verba scurrilia, quæ nomine urbanitatis colorant. Turpe est his applaudere ridendo, & ostendendo illa nobis placere; sed turpius est alios ad risum mouere.

Fedè ad cachinnos moueris, fadius moues.

Cle.

Clemens Alexandrinus tradit hanc pulcherrimam doctrinam, quæ est etiam Sanctorum Basilij, Bernardi, & Bonaventuræ. Cum verba, inquit, omnia à cogitatione & moribus emanent fieri non potest ut verba aliqua mittantur ridicula quæ non procedant à moribus ridiculis. Ex corde verba procedunt. Ex abundantia cordis os loquitur. Atq; ideò qui vana & leuia verba profert, ostendit se vanum & leue cor habere. Et sicut ex sono cognoscitur Campana, num sit integra vel fracta; vel si plena aut vacua: sic in verborum sono facile cognoscitur qui plenus est intus, vel vacuus; qui integer aut fractus; qui verba iocosa, futilia, & scurrilia loquitur, sonat ut campana vacua. S. Chrysostomus in illa Apostoli verba *omnis sermo malus ex ore non procedat* dicit. Quale cor vnusquisq; habet talia verba loquitur, & talia opera facit. De Sancto Ignatio Martyre legimus quòd inter tormenta sæpius proferebat nomen Iesus; & causam rogatus respondit: quia cordi meo inscriptum est; & ideò non possum non proferre: huic mortuo cor fuit extractū, quod apertū in medio & diuisum, inuentum est habere in vtraq; parte aureis literis inscriptum nomen Iesus. Qui nugas & iocos profert, non habet cordi inscriptum nomen Iesus; sed nomen mundi, & eius vanitatis; & hæc ore eructat.

Præsertim maximè cauendum à pungentibus illis facetijs videntur verba quædam, quæ cum lepore quodam proferuntur, pro argutijs habentur; interim tamen alios offendunt, nam in illis notam aliquam inurunt vel circa natalia, vel circa status conditionem, vel circa ingenij hebetudinem, vel circa mores, vel circa aliquid aliud. Hæ facetiæ molestiores, & peiores sunt prioribus antedictis eò quod læsiuæ sunt; & certè tantò amplius, quantò maiori cum lepore proferuntur, quia altius & firmitus audientium memoriæ infiguntur. Prædicta igitur omnia debent Ecclesiastici cauere.

§. 3. De Verbis, in quibus verſari debemus.

A Poſtolus ſcribens ad Ephēſios ait. *Omnis ſermo malus ex ore veſtro non procedat, ſed ſi quis bonus ad ædificationem fidei, ut det gratiam audientibus.* Quo illos inflammant & incendunt Dei amore, & virtutis ac perfectionis deſiderio. Et Princeps Apoſtolorum Divus Petrus ait. *Si quis loquitur quaſi ſermones Dei, &c.* Hoc maximè ſpectat ad Eccleſiaſticos. Status enim & cōditio illorum expoſtulat ut non ſolum proprio; ſed & proximorum profectui ſpiritali ſtudeant. Porro autem maximè ædificātur proximi noſtri ſermonibus pijs, honeſtis, ac ſpiritalibus. Præter enim id utilitatis, quod ſecum dicti ſermones afferunt; illud etiam non ſpernendum, quod audientes & conſiderantes laici Eccleſiaſticos ſemper de rebus ad ſalutē conducentibus verba facere, reuerentiam magnam erga illos concipiunt ſibi pro certo ſuadentes Deo plenos eſſe, qui de Deo aut de rebus aliquo modo ad Deum relatis ſemper colloquuntur.

Non ſolum ad proximorum utilitatem, ac profectū ſpiritualem in ijs promouendum expedit multum noſtra verba de Deo eſſe; verum etiam ad proprium noſtrum profectum & commodum. De Deo enim loquentes magis ac magis in eius amorem inflammabimur, hoc proprium eſt talium ſermonum, ut ſatis comprobatū videmus exemplo duorum diſcipulorum in Emmaus proficiſcentium, deq; talibus colloquentium. Nonne cor noſtrum, dicebant, ardens erat in nobis &c. & nos ſæpe ſæpius id experimur dum magis excitati, commoti, ac pijs affectibus imbuti per huiusmodi ſancta colloquia, piasq; conuerſationes efficimur, quàm per conciones.

De Sancto Thoma Aquinate refert Surius in eius Vita, omnia illius colloquia, & cum alijs communicationes fuiſſe de Sanctis, & animarum ſaluti conducentibus rebus; idq; in cauſa fuiſſe ut poſt hominum commercia & colloquia facili ſe negotio colligeret, rerumq; diuinarū contemplationi dare poſſet,
ut qui

ut qui de Deo rebusque diuinis collocutus fuerat, ex collo-
tione non distractionem sed potius animi recollectionem
reportabat.

Vt autem id, quod intendimur, suauius & facilius præstare
possint Ecclesiastici non mediocriter ex sequentibus monitis
iuuabuntur.

Primò multū ad hoc inseruiet, si Ecclesiastici præsertim Re-
gulares de bonis & spiritualibus rebus colloqui inter se assue-
scent. De Sancto Francisco legitur quod frequenter Fratres
suos confidere iusserit ad colloquendum inter se de rebus diui-
nis ut in hoc loquendi genere instructi essent quando cum se-
cularibus loquendum ipsis fuisset opus. Vnde & meruit ut
quadam vice illis in simili pia conuersatione accumbentibus
Christus appareret sub formosissimi iuuenis aspectu, eisque be-
nedixerit. Tām grata sunt illi huiusmodi colloquia. *Sanctus*
Bernardus sanctè, ac grauitè reprehendit quosdam suæ tem-
pestatis viros religiosos, qui tamen à tam laudabili consuetu-
dine declinarant. *Sic inquit* [ò quantum distamus ab his,
qui diebus Antonij extitere Monachi, ut etiam S. Pauli primi
Anachorætæ; hi enim dum conueniebant & sese visabant erat
omnis eorum conuersatio in Cælis, & tanto desiderio & fame
cibum capiebant animæ loquentes & tractantes de rebus di-
uinis, & animæ suæ salute, ut obliuiscerentur cibum corporeū
sumere, & totum diem ieiuni transigerent hoc solo occupati.
Et hic erat rectus ordo dum digniori parti prius inseruiebatur
quæ est anima. Vobis autem conuenientibus in vnum, ut ver-
bis Apostoli utar, iam non est dominicā Cœnam manducare.
Panem quippe cælestem nemo est qui requirat, nemo qui tri-
buat, nihil de scripturis, nihil de salute agitur animarum,
sed nugæ, & risus, & verba proferuntur in ventum. Et quod
omnium pessimum; aliquem hoc modo posse detinere vocatur
affabilitas, & discretio; etiam Charitas. Contrarium autem di-
citur ficitas, inurbanitas, & rusticitas: & qui de Deo loquun-
tur melanchonici habentur, & eorum conuersatio vitatur.
Ista Charitas destruit Charitatem; hac discretio discretionem

con-

confundit, quæ enim charitas est carnem diligere, & spiritum negligere? quæ discretio totum dare Corpori & Animæ nihil? Corpus exsaturare, & Animam fame necare? non est discretio, neque charitas; sed crudelitas & inordinatio] *Hæc Bernard.*

Secundò valdè iuuat si Ecclesiasticus tractaturus cum proximis præuideat aliqua bona & vtilia ut illis suo tēpore ea proferat. Et dum illi futilia & vana colloquuntur; ipse in promptu habeat quæ ædificent ad mutandum colloquium. Id tamen agendum est suauiter; & non veluti ex abrupto. Nec inurbanum, indecorum, aut importunum nobis videri debet tali nos medio vti ad colloquia & conuersationes de rebus diuinis ingerendas, cum experiamur id laicis familiare esse ad suas de rebus mundanis confabulationes fouendas. In hoc igitur deberet Dei seruus suum exercere ingenium, iudicium, & dexteritatem, ad hoc studere deberet, nempe ad tollendū de conuersationis medio inutilia, scurrilia, & futilia colloquia, & ingerenda diuina. Tertiò summopere proderit Deū non leui amore prosequi, affectumque esse rebus diuinis: tali enim nos pacto certè non laborabimus, nec fastidium sentiemus in loquendo, & audiendo diuina; immo potius oblectationem maximam capiemus. Non enim tristitia aut fastidium; sed delectatio percipitur de re, quam quis amore prosequitur: & ex abundantia Cordis os loquitur. Attendite quā libenter & delectabiliter mercator de negotijs & cōmercijs; agricola de satis, & de messe; pastor de pascuis & gregibus; aulicus de rebus aulicis; miles de prælijs, de victorijs, de triumphis; & quisque de sua professione loquitur, & audit. Si Deum igitur nos dilexerimus, & spiritualia in corde reuoluerimus, omnis nostra voluptas erit de his pertractare; nec vnquam materia deerit ad colloquia intermittenda. Optimum ergo signum est quando quis delectatur loqui & tractare de Deo; malum verò quando tristitiā, fastidiū, & quodāmodo stomachū de similibus sentit. Ipsi de mūdo sunt ideò de mūdo loquuntur dicebat Dominus apud, S. Ioan.

Sanctus Augustinus super illa verba Sapient. 16. Angelorum esca nutriuisti populum tuum &c. dicit manna, quo Deus filios

Israel in deserto nutruit, sapiebat cuiq; quod ipse volebat : sed hoc intelligendū ait de bonis tantū autē non de malis : si enim malis idem accidisset non petijissent alium cibum dum dicebant. Quis dabit nobis ad vescendum carnes; recordamur piscium quos comedebamus in Aegypto gratis, in mentem nobis veniunt cucumeres, & pepones, porriq; & cæpæ, & alia. Anima nostra arida est, nihil aliud respiciunt oculi nostri nisi manna. Hi ergo non solum non inueniebant in manna omnium eduliorum saporem, sed potius illud fastidiebant, & erat illis nausæ, & optabant carnes, & recordabantur ollas Aegipti, cucumeres, pepones, porros, cæpas, & allia, quæ illic comedebant; & illa valdè appetebant. Sed boni contenti erant manna, aliumq; cibum non expetebant : in eo enim omnes sapes inueniebant, quos optabant. Hæc igitur differentia est inter bonos perfectosq; atq; inter tepidos, remissos, & imperfectos, quod illi spiritualibus delectantur, in ijsq; omnem saporem inueniunt, & dicunt cū Sanctis Augustino ac Frâncisco Deus meus & omnia: hi verò nauseant super cibo isto, magisq; fabulas quàm exempla appetunt loqui & audire. Fælix lingua, inquit Diuus Hieronymus, quæ non nouit nisi de diuinis texere sermonem.

§. 4. De modo gubernandi linguam, & de circumstantijs rectæ locutionis.

Circumstantiæ in loquendo necessariæ vt sermo noster sit proximi ædificatiuus, innuuntur à Sanctis Basilio, Ambrosio, Bernardo & alijs Patribus, & referuntur à *Patre Rodriguez, exer. perf. par. 2. tract. 2. cap. 8.* sunt autem quinque videlicet. Prima attendere ad id, quod est dicendum. Secunda ad intencionem loquendi. Tertia ad Personas, quibus cum loquimur. Quarta ad tempus. Quinta ad modum loquendi.

Prima igitur circumstantia est benè attendere ad id, quod est dicendum, seu ad materiam sermonis. Et hoc est primum

mo-

monitum Sancti Augustini. Omne verbum, inquit, prius veniat ad limam quàm semel ad linguam: idest prius mente reuoluendum, & ratione limandum, quàm ex ore egrediatur. Hoc est discrimen quod Spiritus Sanctus in Ecclesiastico 21. ponit inter sapientem & stultum. *In ore fatuorum, inquit, cor illorum, & in corde sapientium os illorum.* Fatui enim habent cor in lingua, ac propterea euomunt quicquid in buccam venit: sapientes autem & prudentes linguam in corde habent; quicquid enim loquuntur inde procedit, & consilio rationis linguam cordi subiugarunt; & non vt fatui, linguæ cor subiecerunt. S. Cipryanus ait sicut homo temperatus nihil in stomachum demittit quod prius non mandat; sic & homo prudens verbum nullum ore emittit, quod prius in corde non ruminarit.

Secunda est finis & intentio, quæ nos ad loquendum mouet. Non enim sufficit verba esse bona; sed etiam necesse est finem esse bonum; aliqui enim bona loquuntur vt spirituales appareant: alij vt se venditent pro acutis & disertis, quorū primum est hypocrisis & simulatio; posterius vanitas & stultitia. Semper itaq; in omni nostra locutione puram Dei gloriam, proximiq; vtilitatem debemus intendere.

Tertia est personarum. Considerandum enim est qui loquitur, Cui, & coram quo. Vt si adolescentes loquantur cum senibus: viri idiotæ & simplices cum sapientibus: & laici coram Ecclesiasticis, & præcipuè Sacerdotibus, animarumq; pastoribus. Omnes enim præfatæ personæ auscultare potius debent ac discere coram præfatis; quàm multum loqui, & inaniter se iactare. Sic admonet Sapiēs Eccl. 7. inquit. *Noli verbosus esse in multitudine presbyterorum.* Bonæ educationis ac reuerentiæ signum est tacere coram senioribus & Sacerdotibus. S. Bernardus dicit iuniores honorare seniores tacendo; hic enim reuerentiæ, & obseruantia modus est, quo ipsis ceditur. Et optimam reddit rationem. Silentium enim, inquit, est maximus actus verecundiæ, quæ valdè decet iuniores. Sanctus Bonaventura clarius hoc explanans ait. Vt timor Dei componit & ordinat hominem in interiori, cumq; Deo amicum reddit; sic & vere-

cūdia hominē exterius componit, & ordinat, redditq; eum verendum, modestum, & taciturnum cum maioribus.

Quarta est Tempus, quo loquendum; nam vt ait Sapiens. Tempus est tacendi, & tempus loquendi. Prudentiæ officium præcipuum est scire debito tempore & loco verba proferre. *Homo sapiens tacebit vsq; ad tempus, lasciuus autem & imprudens non seruabunt tempus.* dicitur Eccle. 26. De homine, qui debitis temporibus & locis profert sermonem dicit iterum Spiritus Sanctus in Prou. 25. *Mala aurea in lectis argenti qui loquitur verbum in tempore suo.* Quia valde auditoribus placet. E contra qui tempore non debito loquitur, etiamsi bona loquatur, displicet. *Ex ore fatui reprobabitur parabola, non enim illam dicit in tempore suo.* Eccles. 20. Ad hanc circumstantiam pertinet nō interrompere alicuius sermonem, quod imprudentiæ & inurbanitatis indicium est. Non enim oportunum loquendi tempus est dum alius loquitur. *In medio sermonum ne adicias loqui,* inquit Sapiens. Prou. 18. Expecta donec alius sermonem absoluat, & post allegabis tuum. Huic adijcitur quod ibi addit. *Priusquam audias ne respondeas verbum.* Et alibi dicit. *Qui prius respondet quam audiat, stultum se esse demonstrat, & confusione dignum.*

Quinta deniq; Circumstantia est ipse modus, qui seruari debet in loquendo, de quo hanc disciplinam præscribit S. Bonaventura. *Specul. discipl. par. 3. cap. 3.* [Modus, inquit, in Gestu & Sono considerari potest.

Gestus loquentis debet esse modestus, & humilis. Sonus dimissus & suavis. Modestiam debet habere pectus loquentis; vt nec inordinatè, nec turbulenter inter loquendum membra moueat, nec oculorum nutibus, labiorum contractione, vel altero non decenti alterationis modo, vultus honestatē deformet, aut faciem ipsam mollior quadam resoluat humilitatis ostentu; sed in eadem vultus constantia semper permanens seueritatem benignam, & constantem, & quodammodo rigidam benignitatem prætendat. In facie siquidem hominis speculum disciplinæ relucet, cui tanto maior custodia est adhibenda.

hibenda, quantò minus quod in ea peccatum fuerit, celari potest. Vetat quoq; loquentem gestus modestia, ne se hominibus notabili quadam supplicationum profunditate incuruet, aut eius cui loquitur vultui nimis instet: ne inhonestate quadem in eius faciem alius aspiratione insufler: aut alitu ipso post vinum potatum maximè narium sensum offendar. Loquentis alius vultui auditoris & naribus vitiosè prorsus ingeritur. Debet etiam gestus humilitatem, super modestiam vultus hilaritatem prætere.

Sonus debet esse demissus pariter & suavis; quia clamoritas & verborum asperitas locutionem religiosi plurimum quidem & dedecet & deturpat. Vitiosissimus planè Religioso loquendi modus si notabiliter suam in loquela communi vocem exaltat. Sufficiat ei quod proximè sibi astantes possint loquentis intell gere verbum. Sapientis est loqui suauiter & demissè. Nox autem amplioris vocis depressionem requirit. Nox est tempus silentij & quietis.] *Hac Bonaventura.*

Quamuis autem semper necesse sit in loquendo seruare modum; id tamen præcipuè conuenit, dum volumus monere, vel corripere; si enim modus prefatus non seruetur, peribit planè correctionis fructus. Vnde benè idem S. Bonaventura ait quòd ille, qui turbatus aut iratus alium corripit aut admonet, videtur id potius iracundia, atq; ad improperandū, quàm Charitatis Zelo facere. Virtus per vitium non docetur, nec patientiā per impatientiam, nec humilitas per superbiam.

§. 5. De exemplis varijs quibus ostenditur quanti facienda sit lingue custodia.

VItæ Patrum referunt quemdam magnum virum gratiam à Deo obtinuisse, ut in colloquijs pijs fratrum, quæ de Sacris Scripturis habebantur, videret Sanctos Angelos astantes, & plurimum se colloquijs illis oblectantes. Cum autem aliud quiduis loquerentur, statim Sancti Angeli recedebant longius: veniebant autem porci sordidissimi, & volutabant
se in-

se inter eos : Dæmones enim in specie porcorum delectabantur eorum vaniloquijs. Beatus autem senior hæc videns commonebat per monasteria fratres dicens . Cohibete à multiloquio & ab otiosis sermonibus linguam per quam malus interitus animæ generatur .

Macarius Alexandrinus opportunè sermonem spirituales introducit , cum vnà cum altero Macario Aegypto traiceret Nilum naui quadam . Vehabantur simul duo quoq; Tribuni cum magno fastu & comitatu , quorū alter intuitus illos duos monachos pannosos, & in angulo sedentes dixit ad ipsos: Beati estis vos qui mundum illuditis . Respondens autem Macarius qui erat urbanus dixit ad eos : Nos quidem mundum illudimus : Vos autem illudit mundus . Scias autem te non tua sponte hoc dixisse sed propheticè . Ambo enim vocamur Macarij, hoc est beati .

Beatus Franciscus Xauerus iter faciens , tam peritè iucundèq; de cælorum orbibus , astrorumq; motibus (referens eas disputationes ad Dei meritum & cultum) apud lapponios diserebat, vt vulgò dicantur Xauerio comite laponiam totam sine vlllo laboris sensu posse peragrari . Adeò comitas eius pro vehiculo comitibus erat, vt eos sibi Deoq; obnoxios faceret .

Laudabilis & imitatione digna fuit industria Beati Nili unioris, qui videns Principes viros Græcorum Imperatoris ministros ad se venientes, ac vana colloquia metuens , præmissa oratione librum aperuit spirituales , quem præ manibus habebat , locumq; idoneum nactus , illis post salutationem legendum præbuit . Qui cum peruenissent ad locum, vbi dicebatur ex decem millibus vix vnā animam reperiri , quæ saluaretur, admirari cæperunt ; & Nilus inde sumpta occasione tam multa tamq; appositè & familiariter dixit , vt illi suspirare cæperint, ac dicere . Væ nobis peccatoribus & miseris .

Sed quemadmodum ex prædictis exemplis , multisq; alijs quæ possent hic referri , satis liquescit quanti apud Deum sit meriti recta linguæ gubernatio , illiusq; vsus circa diuina ; ita ex sequentibus notum erit quanti Deo displiceat , & quā seuerè

seuerè vlciscatur linguæ laxationem, & incustodiam.

Igitur Vincentius Beluacensis in suo speculo Historiarum refert Durannū quendā ex Abbate Episcopum Tholosanum, virum cæteroquin pium & diligentem, idcirco in purgatorijs pænis aliquamdiu detentum, quòd sæpius verba risum mouentia incautè vsurpasset; indeq; tandem septem fratrum monachorum silentio ad septem dies continuato fuisse ereptum.

Cum Sanctus Vallesius Abbas hyberno tempore iter faceret, ad Presbyteri cuiusdam domicilium vbi alij erant, cum suis sese calefacturus diuertit. At illi, qui tantum hospitem venerari, & reuerenter excipere debebant vt eius sacris mererentur sermonibus instrui, ad turpia potius & obscæna iactanda verba vnà cum illius loci Iudice prorumpunt. Abbas è contra, vti consueuerat putridis & corruptis hominum vulneribus salubria cælestis verbi cataplasmata adhibebat, aitq; ad illos: Non audistis filij illud ex Euangelio. De omni verbo ocioso reddituros nos rationem in die iudicij? Ea oratione nihil permoti contempto viro Dei, multò etiam fædiores & impuriore vomebant sermones. Tum ille Volui quidem, inquit, in tam acri frigore non nihil corpusculum meum ad ignem refouere; sed vestræ id non sinunt linguæ impurissimæ, quæ me etiam frigore afflictum hinc abire compellunt. His dictis excusso in eos pedum suorum puluere abscessit. Ecce autem in procaces & spurcos illos mox ultio diuina grassatur: & Presbyter quidem repentè utroq; orbatus est lumine: & Iudicis membra genitalia computruerunt. Tum illi præsentem Dei vindictam malè experti, conantur verbis supplicibus ad se virum Sanctum reuocare, sed frustra. Et alter quidem cæcus permanfit; alter verò contracto corpore, & putrescente inguine extinctus est.

Donatus quidam natione Afer, presbyter tamen Ecclesiæ Mediolanensis, cum in conuiuio positus, in quo erant nonnulli militares religiosi, detraheret memoriæ Sacerdotis Ambrosij aspernantibus illis & deferentibus linguam nequam, subito
gravi

gravi vulnere percussus de eodem loco, in quo iacebat, alienis manibus subleuatus in lectulum positus est, atq; inde ad sepulchrum vsq; perductus.

Ecce quomodo Deus in effrænatos lingua desæuit aliquando. Discamus, timeamus caueamus.

C A P V T I I I.

De Disciplina circa Aures.

Non minus coercendę sunt aures ab audiendis, quàm lingua à proferendis verbis, quę loqui aut non decet, aut non licet. Vnde quemlibet monet Sapiens illis verbis. Eccles. 29. *Sepi aures tuas spinis, & linguam nequam noli audire, & ori tuo facito ostia, & seras.* Et quidem ab omni verborum genere quod suprà antecedenti capite damnavimus, essent aures auertendę; nihilominus hoc præstandum maximè circa illa verba, quę frequentius in comuni hominum conuentu incidunt, qualia sunt detractoria, scurrilia, turpia, obscæna; vt videbimus in sequentibus. Ideò tractandum de more. Primò de motiuis ad amplectendam aurium disciplinam. Secundò de ijs rebus à quibus debemus aures declinare; & de rebus, ad quas debemus aures applicare. Tertium de modo exercendi aurium disciplinam. Quartò de exemplis eorum qui in hoc excellere.

§. I. De Motiuis ad amplectendam aurium disciplinam.

Primum motiuum sit ductum à generalitate sensuum, inter quos connumeratur auditus. Omnes enim sensus sūt fenestrę, & portę per quas ingreditur ad nos & mors & vita. Vnde *Origines Homil. 3. expos. secun. in cant.* explicans illa Canticorum verba. *En dilectus meus loquitur mihi respiciens per fenestras inquit.* [Possumus sensus corporeos fenestras intelligere, per quos aut mors, aut vita intrat ad animam. Sic enim

enim designat Hieremias propheta cum de peccatoribus loquitur dicens. Ascendit mors per fenestras vestras. Quomodo ascendit mors per fenestras? Si oculi peccatoris videant mulierem, & mechentur eam in corde suo, sic mors ingressa est ad animam per fenestras oculorum. Sed & cum recipit quis auditum vanum, tunc per aurium fenestras mors intrat ad animam. Si verò Anima intuens ornamentum mundi, & ex pulchritudine Creaturarum Creatorem omnium intelligat Deum, & opera eius miretur, laudetq; operum Creatorem, ad animam hanc vita ingreditur per fenestras oculorum. Sed cum auditum inclinat ad verbum Dei, & rationibus sapientiæ & scientiæ eius delectatur; huic per aurium fenestras ad animam sapientiæ lumē ingreditur. Per has ergo fenestras prospiciēs Verbum Dei, & prospectum suum ad sponsam animam dirigens, assurgere hortatur eam, & venire ad se; idest corporea & visibilia relinquere, & ad incorporea & inuisibilia ac spiritualia properare: quoniam quæ videntur temporalia sunt, quæ autem non videntur æterna.] Ita Origenes.

Secundum motium. Quia aures magis patent tentationibus quàm quilibet alius sensus, etiam magis quàm oculus. Nā oculos claudere possumus si volumus, & claudendo tentationibus, quæ per illos irrepunt in animam occurrere; aures autē aduersum turpiloquia & illicita nec perfectè, nec siue graui seruitute communire possumus. Quamuis præterea eò grauiiores ex suo genere sint tentationes visus, quò sensus est auditu præstantior quoad naturalem vsum & conditionem; alia tamen ex parte pluribus sese vijs inferunt tentationes aurium, hoc est per verba, per scripturas impudicas (nam etiam per tales author illarum suo modo loquitur); per cantilenas siue impuras, siue molles, & foemineas. Vnde S. Cyprianus lib. de zelo & liuore ait [quo circa excubandum, atq; omnibus viribus elaborandum vt inimico sæuienti & iacula sua in omnes Corporis partes, quibus percuti, & vulnerari possumus, dirigenti, sollicita & plena vigilantia repugnemus. Offert oculis formas illices, vt visu destruant castitatem. Mox adijcit. Aures per can-

G

noram

noram musicam tentat, vt soni dulcioris auditu soluat, & molliat Christianum vigorem] Hæc Cyprianus.

Tertium motiuum ductum à natura. Quia ipsamet natura docet nos custodire aures, & non modicam circa illas disciplinam adhibere. Natura enim formauit aures ossæ, cartilagineas, & anfractuofas, vt scilicet nihil nocium cerebro possit interius subintrare. Sic pro cetero aures auditus nostri debent esse ossæ, stabiles atq; firmæ per virtutem patientiæ, & vigoris, & disciplinæ, vt sic omnia nociua possint repudiari, reijci, refutari, ne vsq; ad cerebrum idest vsq; ad animam valeant penetrare. Aures enim habent anfractuofas circumuolutiones ne nimis liberè intret aer: ad denotandum quod verbum auditum non debemus statim recipere vel credere; quia qui credit citò, leuis est corde; sed cum quadam difficultate, & anfractuosa examinatione admittere. De elephante Plinius scribit, quod est auribus armatus; habet enim aures oblongas, & protensas, & inferius inclinatas, quas aliquando erigit, & draconem exinde percutit, & ferit. Verè Charissimi nos deberemus habere aures spiritualis auditus oblongas, idest longanimitate patientiæ, mansuetudinis, & disciplinæ præmunitas; & inferius per reuerentiam, humilitatem, & beneuolentiam inclinatas, dicente Domino in psalmis Inclina aurem tuam, & exaudi verba mea. Istas etiam debemus erigere per attentionem, & ad diuinas promissiones & cōinationes extollere audiendo Dei verbum, & prædicationem, & sic draconem .i. Diabolū poterimus percutere & fugare. Illud .n. quo Diabolus magis læditur, magis percutitur, magis fugatur, est quando homo patienter & humiliter, reuerenter & benigniter audit monitiones, & correctiones, vel etiam iniurias, & turbationes. Ideò cuilibet dicitur Nehemi .i. *Fiant aures tue auscultantes, & oculi videntes.*

Quartum motiuum ductum à similibus. Quemadmodum enim Venatores non sinunt Canes quiduis olfacere, aut mordere, sed integros eos seruant feræ: Sic oportet aures & oculos non sinere quouis vagari; sed rebus necessarijs reseruare. Et sicut diligentius seruanda est ea porta, quæ via sit regia: Ita cau-

cautius seruandus auditus, quò maximè sit cum rationali animæ parte coniunctus, & quod per eum admittitur, maximè potest vel iuuare vel lædere. Similiter frustra clauduntur portæ Ciuitatis, si vna relinquatur aperta, per quam hostes irrumpant: Ita non satis est in cæteris temperatum esse, si auditus pateat perniciosis sermonibus.

§. 2. De Verbis à quibus debemus aures declinare: & de verbis ad quæ debemus easdem applicare.

Primò igitur benè attendere debemus quænam illa sint, à quibus debemus aures custodire & declinare: nam Spiritus Sanctus, Eccles. 28. quemlibet monet dicens. *Sepi aures tuas spinis, & noli audire verbum nequam.* Multiplex autè est hoc verbum nequam, ut ait Berchorsus in repert. mor. par. p. *verbo auri.* [Est enim verbum nequam mendaciter fallētium: mendaciter loquentium: fallaciter vngentium: inaniter lætantium: maligniter hortantium: & carnaliter conuersantiū] Ab omnibus prædictis debemus aures declinare. Et quidem à mendaciter fallentibus idest à viris mendacibus, quia sicut dicitur in Prouerbijs. Princeps qui libenter audit verba mendacij omnes ministros habebit impios. A mordaciter loquentibus, idest à detractoribus, de quibus in psalmis. Factus sum tãquam vas perditum, quoniam audiui vituperationem multorum commorantium in circuitu, & item. Detrahentem secretò proximo suo hunc prosequabar. Dicere solitus erat Diuus Bernardus. Detrahente aut detrahentem audire vtrum horum detestabilius sit non facilè dixerim. A fallaciter vngentibus; idest ab adulatoribus, de quibus in Amos dicitur. Cantica lyræ tuæ non audiam. Ab inaniter lætantibus, idest à ioculatoribus & scurris, de quibus Psalm. Locuti sunt vanitates; ego autem tanquam surdus non audiebam. A maligniter hortantibus, idest malis consiliarijs, hæreticis, accusatoribus, de quibus in Deuteron. Non audies verba illius prophetæ, aut somniatoris. A carnaliter conuersantibus, idest luxuriosis, &

malis mulieribus. Vnde in Ecclesiastico dicitur: *Nē caudias eam*, scilicet saltatricem, ne fortē pereas in efficacia illius. Ad omnia igitur prædicta debemus nos habere sicut aspis obturās aures suas, quæ audiens incantatorem cum cauda claudit aurem superiorem, & alteram claudit imprimēdo eam ad terram; ita quod & terra & cauda sunt illa, cum quibus aspis claudit, & custodit aures suas ne per illum, qui loquitur, incanteretur sicut dicit Glosa super Psalmum. Sic statim quādo videmus paratum incantatorem, idest Diabolum qui nos vult incantare per occultā suggestionē; vel luxuriosum qui per impudicā locutionē; vel adulatorē q̄ per deceptionē; vel detractorē qui p̄ alterius famæ corrosione; vel similē quempiā qui aliter velit nos quodāmodo incantare. Verē nos debemus adhibere caudā, idest memoriam finis nostri scilicet Mortis, Iudicii, Purgatorii, & Interni: item terram, idest memoriam nostræ vilitatis; & sic cum istis duobus debemus claudere & obturare aures nostras, & huiusmodi incantationes & improbas suggestiones respicere & refutare; & sic periculum captionis, incantationis, consensus, & operationis poterimus declinare.

Secundō attendenda sunt nobis ea, ad quæ apertas aures habere debemus. Sunt autem ea, ex quibus aliquid nobis utilitatis siue in anima siue in corpore provenire potest; nempe Verbum Dei, mandata, documenta, instructiones, correctiones, musicos concentus Ecclesiasticos ad pietatem excitantes & similia. *Auris. n.* secundū Isidorum dicitur ab aperiendō eō quod omnes voces hauriat, atq; bibat; quia verē aures nostræ debent esse haurientes, recipientes, & audientes quicquid eis de bonis informationibus instillatur. Quando enim mulier prægnans est mortua necesse est quod os eius aperiatur ut aer subintret, alioquin fœtus conceptus perimeretur. Sic planē accidit nobis, quando mulier, idest anima nostra mortua est per peccatum, prægnans tamen est aliquo bono proposito utpote proponit conuerti & abstinere, tunc summē necesse est quod os .i. auditus eius aperiatur & quod aer .i. bonorum verborum puritas recipiatur, & audiatur ne fortē fœtus qui iam conceptus

ptus fuerat moriatur. Statim apertæ sunt aures eius. dicitur de illo Surdo Euangelico. Mar 7. Hoc est contrà multos, qui reuera aures suas diuinis verbis non aperiunt, immo claudunt; vice versa vanitatibus mundi aperiunt & non claudunt: Dicit Aristoteles quod omnia animalia ouantia carent auribus; sic prorsus euenit mundanis qui posuerunt oua sua, scilicet omnes suas cogitationes & affectus in mundi bonis, diuitijs, voluptatibus, & honoribus, non habent aures ad audiendū bona & vtilia pro salute eorum, ponunt ad modum struthionū oua sua in arenam, & obliuiscuntur vbi posuerunt ea.. De his loquitur Hyeremias cap. 6. inquit. *Incircumcise aures eorum & audire non possunt.* At non sic erga vanā, inutilia, nociua: pro his enim habet aures magnas, apertas, protensas similes quibusdam monstris, quæ sunt in Scithia, quæ secundum Isidorum sunt homines dicti Onesij in insulis leoninis habitantes, ita protensas aures habentes, quod exinde cooperiunt totum Corpus. Sic verè multi sunt hodie qui habent aures ita magnas quod per totum Corpus, idest per omnem locum, terram, & patriam se diffundunt, quia scilicet omnia volunt inuestigare, & maximè vanitates & rumores. Vnde tales quantum ad benè viuendum & benè audiendum carent auribus & auditu; quantum verò ad vanitates, ad rumores, ad inutilia, ad nociua auribus optimè sunt communiti. Ideò de talibus dicit Apostolus scribens ad Thimoteum. *Erit inquit, tempus cum sanam doctrinam non sustinebunt; sed ad sua desideria conseruabunt sibi magistros prurientes auribus; & à veritate quidem auditum auertent, ad fabulas autem conuertentur.*

^{III} §. 3. De Modo auertendi aures à nocuis, & exercendi.
disciplinam circa aures.

IAm superius in principio huius Capitis diximus nos mone-
ri à sapiente vt sepiamus aures nostras spinis. Triplici ergo
spina debemus aures nostras sepire; & linguas inutilia & no-
cua loquentes pungere, vt conticescant.

Prima

Prima spina est ostensio vultus tristis, aut significatio exterior, qua satis ostēdamus nō libenter nos audire. *Ventus Aquilo dissipat pluias & facies tristis linguam detractoris*, inquit sapiens. Prouer. 25. Dissipat nimirum Aquilo pluias constringendo nubes, siccando, ligando, fugando ne in pluuiam resoluantur; sic facies tristis ligat, restringit, & siccat linguam maledicentem. Si enim hilari vultu audias, das fomitem obloquendi; si verò tristi vultu, tunc discit loquax non libenter dicere quod non libenter audiri didicerit; nemo enim tam prociac qui inuito auditore contendat verba proferre. Vnde in Eccles. 28. habetur. *Secundum ligna sic ignis exardescit; si sufflaueris super scintillam quasi ignis exardabit; & si expueris super illam extinguetur.* Si linguam effugiem hilari vultu audias ligna admoues, quo detractionis, turpiloquij, stultiloquij ignis exardescit; si verò inchoato sermone tristem vultum auertas, scintillam extinguis, quasi super expuens vt extinguas. Respice igitur post tergum, expue in terram, confisca caput, conquerere de cibis nimis saluis; aut de ministris non tibi, vt oportet, seruientibus, lauda vinum aut condimentum mensæ, conquerere de Canibus sub mensam transcurrentibus; & fac similia diuertendo aliò sermonem, & introducendo sermonem alterum etiam importunum si non potes suauiter & dextere aliò sermonem deflectere. Sic dissipas linguam obloquentem, dum aduertit te sermoni suo non fauere, neq; attendere. Nec quicquam tibi debet importunum videri, dummodo possis imponere frænum magis importuno sermoni presertim obscæno aut detractorio.

Secunda spina est reprehensio. Ad hanc tenentur præcipuè Superiores, seniores & omnes auctoritatem habentes; immo etiam æquales modò ex reprehensione sperent fructum. Exemplum dedit ipse Dominus noster Christus dùm discipulis obmurmurantibus contrà Magdalenam respondit. Matt. 26. *Quid molestis estis huic mulieri? opus bonum operata est in me.* Sic & propheta Iob dicebat. *Conterebam molas iniqui, & de dentibus illius aufereram pradam.* Vbi per iniquum potest intelligi

telligi detractor, de cuius dentibus dicit se eruisse prædam; dum ab illius lingua maledica vindicabat innoxios. Dentes enim, inquit, Cassiodorus à demendo dicti sunt; ideò linguæ detrahentium vocantur dentes; quia sicut illi ciborum partes demunt, ita & isti bonam opinionem proximè corrodunt.

Tertia spina est (si reprehensioni non datur locus) firma in corde stabilitas ut non facile credas malum, quod refertur de proximo (in sermonibus detractorijs) aut si vera & publica referuntur, cordis compassio, qua proximo etiam peccanti compatiaris. Dic ergo linguæ detrahenti, & incerta narranti illud Domini. *Nolite iudicare, & non iudicabimini.* Dic non facile credendum esse rumoribus qui frequenter, etiamsi certi putentur, falso nituntur fundamento. Quis non putasset Sullannam peccato obnoxiam ex rumore à senioribus effuso? Quis non iudicasset Ioseph facinus erga Dominam suam attentasse ex dicto ipsiusmet Domine omni ferè exceptione maioris? Marina virgo, ut habetur in vitij Patrum, in habitu virili incognita Deo purè seruiebat in monasterio. Infamata, verò fuit quod impregnasset iuenculam quandam, itaut vsq; ad mortem pænitentiae fuerit subiecta ex tali imputatione. Quis existimasset eam esse innoxiam? Et tamen Fratres dum illam post mortem sepelire volunt inveniunt & fæminam, & innocentem, & Sanctam. Quod si vera & publica narrat detractor: tunc excusandus est proximus ex affectu compassionis, & dicendum id, quod Dominus dicebat accusatoribus adulteræ. Qui sine peccato est primus in eam lapidem mittat. Nam gaudentes de alienis malis iusta Deus vindicta in similia aut grauiora ruere permittit. Attendendum est ergo, & benè memoria retinendum illud *Augustini dictum lib. soliloq. cap. 15. num. 5.* [Non est peccatum quod facit homo, quod non possit facere alter Homo, nisi iuuetur ab eo, à quo factus est homo.] Et sic ex aliorum casibus, quos audimus, fructum humilitatis consequemur.

Prædictis spinis debemus aures nostras sepire, & commu-
nire

nite quando incidit casus, quo non possimus ab aliorum sermonibus inutilibus, detractorijs & nociuis in totum declinare. Sed certè longe melius est præuidere & providere ne incidamus in similes occasiones, easq; à longè aspiciendo omnino euitare, nisi euidens vtilitas, aut necessitas, aut proximi charitas aliud suadeat. Dicebat deuotus ille quicunq; sit auctor aurei illius libelli de Imitatione Christi. lib. 1. cap. 20. [Site subtraxeris à superfluis locutionibus, & otiosis circuitionibus, necnon à nouitatibus, & rumoribus audiendis, inuenies tempus sufficiens & aptum ad bonis meditationibus insistendum. Maximi Sanctorum humana consortia, vbi poterant, vitabāt, & Deo in secreto viuere eligebant. Dixit quidā. Quoties inter homines fui, minor homo redij. Hoc quippe sæpius experimur, quando diu confabulamur. Facilius est omnino tacere, quam verbo non excedere. Facilius est domi latere quam foris se posse sufficienter custodire. Nemo securè apparet nisi qui libenter latet. Nemo securè loquitur, nisi qui libenter tacet. O qui nunquam cum mundo se occuparet quàm bonam conscientiam seruaret. In silentio & quiete proficit anima deuota, & discit abscondita scripturarum; ibi inuenit fluentia lachrymarum quibus singulis noctibus se lauet: & mundet vt conditori suo tantò familiarior fiat, quantò longius ab omni seculari tumultu.] Hæc ille.

S. 4. De Varijs exemplis bona & mala auditionis.

Sciendum in primis rerum bonarum auditionem multorum bonorum fontem esse; & ideò conari Dæmonem vt talium auditio fastidium generet; malarum verò & otiosarum fabularum voluptatem conciliet. In cuius testimonium refert Cassianus lib. 5. cap. 31. Quod quidam pius & religiosus monachus senex nomine Machetes cum aliquando apud fratres discurreret de rebus necessarijs & spiritualibus, eosq; videret lethæo quodam sopore demergi, nec posse ab oculis suis pondus somni depellere, otiosam repentinè fabulam introduxit. Ad cuius oblectationem cum
eos

eos euigilasse confestim, atq; erectas aures suas habere vidisset, ingemiscens ait. Nunc usq; de rebus cælestibus loquebamur, & omnium vestrum oculi lethali dormitione deprimebantur; at cum otiosa fabula intromissa est, omnes expergefacti torporem somni dominantis excussistis. Quibus verbis, subiungit Cassianus, ostendit senex ille, otiosarum fabularum diabolus esse fautorem, ac collationum spiritualium impugnatores.

Quod autem aures non facile sint præbendæ rebus nouis audiendis sanctissime id obseruauit, & simul quorundam monachorum curiositatē cōpescuit Hugo Lincolniensis Episcopus vir sanctus atq; ante Episcopatū professione religiosus, *ut refert Sur. cap. 22. de vita S. Hugon. 17. Nouem.* Cū enim post conciliatā pacē inter Reges Franciæ, & Angliæ diuertisset ad monasterium Carthusianorum interrogatus de modo initæ pacis, tristitia affectus ac zelo plenus ordinis sacri respondit. Rumores audire ac referre & si licet Episcopo, monachis tamen non licet. Quamobrem iidem Carthusiani iure statuerunt de Conuersis qui sæpius quàm Monachi egrediuntur, seculares rumores ubi audiunt, ibi dimittant.

Multò minus præbendæ sunt aures obscænis ac turpioribus verbis, quæ egregiè præstitit & docuit S. Bernardinus Senensis, *ut refert Sur. in eius vita tom. 3.* Is cū adhuc esset adolescens ex frequentī cōsuetudine in eum iam habitū deuenerat, ut ad primum turpioris verbi auditū sic erubesceret quasi quis ei colaphum impigisset. Deinde inter æquales pro inimico publico talium colloquiorum haberi cæptus est, aded ut si eiusmodi rerum tractationi, ut fit, interueniret subito inter se mussarent; Tacet, tacete, Bernardinus adest. Et homini nobili, cum nescio quid turpioris verbi illo præsentē excidisset, ita indignatus est, ut audacter illi colaphum insignem duceret, cuius sonitus benè longe exaudiretur.

Sed & si quis vellet scire modum, quo sermones detractorijs sint declinandi, & è medio tollendi, obseruet morem celebris illius Angliæ Cancellarij Thomæ Mori, *ex Stapletono in illius*

H

vita

vita, qui meruit pro defensione iustitiæ, & auctoritatis Ecclesiæ Romanæ martirij palmam obtinere sub Henrico 8. Angliæ Rege schismatico. Is igitur cum in omni vita, & actionibus suis vir esset maximæ ædificationis & sanctimonix, quando se præsentem aliquis detractiõni laxare linguam incipiebat, ipse mox arrepta aliunde occasione virulentum illum sermonem aliò diuertebat meliore introducto, aut saltè non malo. exem. gratia inquit. Dicat quisq; quod sibi libet. Ego dico domũ illam pulcherrimè extructam, eumq; qui fecit, excellentem esse in arte sua magistrum atq; architectum. Hoc modo suauiter remedium adhibebat.

Commendabilis è contrà est eorum consuetudo qui cum oblectatione spirituales sermones auscultant; & cum fastidio mundanos & prophanos. Sicut refert Cassianus lib. 5. cap. 29. de illo bono sene Monacho in principio memorato. Qui hanc à Domino gratiam diuturnis precibus impetrarat, vt quotquot diebus ac noctibus agigaretur collatio spiritalis, nunquã somni torpore penitus laxaretur. Si quis verò detractiõnis verbum seu otiosum tentasset inferre in somnum protinus concidebat; nec vsq; ad aurium quidem eius pollutionem virus obloquij poterat peruenire.

Nec improbanda immo collaudanda illorum cõsuetudo, qui delectantur musicos concentus audire (modò pios, & modò in illis pium aliquem affectum in se excitare conentur; & non solam aurium voluptatem venari.) Diuus Augustinus lib. 10. Conf. cap. 32. narrat de seipso quod ad lachrymas vsq; sæpe commotus sit in audiendis in Ecclesijs musicis concentibus. Confitetur quoq; se aliquando suauitate concentus potius quàm rebus cantatis captum fuisse. Cum, inquit, mihi accidit vt me amplius cantus quàm res, quæ canitur, moueat, penatiter me peccasse confiteor, & tunc mallem non audire cantantem. Ecce vbi sum; flete mecum, & pro me flete. Tu autem Domine Deus meus exaudi, & respice, & vide, & miserere, & sana me. Ita Diuus Augustinus.

Accipite aliud exemplum de vertendis cantionibus prophanis

nis in pias. *ex Hist. tripar. lib. 8. cap. 6.* Cum quidam cantica composuisset, & impietatem melodice suauitati permiscens audientes illiceret, & ad perniciem venaretur, Beatus Ephrem Syrus sumens inde armoniam, pietatem cantilenæ permiscuit, & audientibus suaue admodum, & vtile medicamentum apposuit. Quæ cantica, inquit Historia tripartita, triumphatorum Martyrum festos dies etiamnum efficiunt clariores.

C A P V T I V.

De Disciplina circa olfactum, & Nares.

AD sensum auditus sequitur olfactus: ideo de disciplina circa olfactum & nares quæ sunt illius instrumentum quatuor consueta videnda sunt. Primò Motiua, quibus induci possumus ad hanc disciplinam. Secundò Res, à quibus debemus per talem sensum abstinere. Tertiò Modus ad hanc disciplinam exercendum. Quartò varia exempla ad id facientia.

§. 1. *De Motiuis ad disciplinam olfactus.*

Primum motiuum sit consideratio finis, ad quem talis sensus institutus est à natura. Inordinatum enim & irrationabile est partibus membris, & sensibus nostri corporis aliter, quàm à natura præscriptum est, vti? Finis igitur, ad quem nares, & olfactus à natura instituti sunt, est vt deferuire possint tum ad confortandum, vegetandum & attractione salubrium odorum viuificandum caput, præsertim quando est defatigatum; tum ad prænunciandum quodammodo, & indicandum ori quos cibos, quas escas, quos liquores debeat degustare, et quos respuere; tum ad expurgandum à superfluis & nociuis humoribus cerebrum; tum ad refrigerandum cor per aeris attractionem: tum deniq; ad ornatum, & complementum faciei. Insuper ex quibusdam signis organi huius sensus, scilicet ex quibus

busdam quasi rugis, crispis, & contractionibus indicatur nobis quinam sit sagax, suspiciosus, tetricus, morosus, iratus, fastidiosus, aut alia passione sit percitus. Non debemus igitur excedere fines naturæ. Qua in re magnus aliquando abusus, & magna corruptela deprehenditur in hominibus; sunt enim aliqui ita dediti odoribus percipiendis ut non solum corpus, sed & vestimenta, sed & cubicula, & habitationes floribus, aquis, unguentis, & pulueribus odoriferis respergant.

Secundum motium ductum ab excessu. Est enim vulgatum ad igium. *Omne nimium vertitur in vitium*. Sicut igitur moderatus odor recreat & confortat cerebrum & caput; ita nimius laxat, dissolvit, immo enervat totum Corpus. Expertus est hoc plusquam satis suo malo dux ille strenuus Carthaginensium Anibal cum suo exercitu. Quid enim exercitum Anibalis penè invincibilem, Romanisq; copiis ferè exitialem; vincibilem tamen, victum, stratumq; de facto reddidit? certè si Valerij testimonium accipimus, fuit odorum & unguentorū excessiva fragrantia. *Sic enim is inquit*. [Campana luxuria, perquam utilis civitati nostræ fuit. Inviectum enim armis Anibalem illecebris suis complexa vincendum Romano milili tradidit. Illa vigilantissimū ducem; illa exercitum acerrimum dapibus largis, abundantia vini, unguentorum fragrantia, Veneris usu ad somnum, & delicias evocavit. ac tum demum fracta & contusa Punica feritas est.] *Ita Valerius*. Qui hoc expendēs exclamat. [Quid ergo his vitijs sedius? qd etiā dolorosius quibus virtus atteritur, victorię languescūt, quesita gloria in infamiā convertitur, animiq; pariter & corporis vires expugnantur adeò ut nescias ab hostibus ne an ab illis capi perniciosius habendum sit?]]

Tertium motium ductum à seditate originis unguentorū. Quamvis enim olim aliqui adhiberent unguenta ad necessitatem ut athletę, & digladiatores in singulari certamine; et aliqui ad salubritatem ut natantes & balneantes: Nihilominus plurimi frequentius utebantur unguentis ad luxuriam causa veneris & mensarum. Greci, *refert Ioannes Ransius Textor in sua*

Sua officina lib. 4. cap. 45. vinum vnguento mixtum bibere non erubescabant. Huius luxuriæ inuentum Persis refertur acceptum. Vnde Horatius.

Persicos odi puer apparatus.

Eius rei fidem facit scriptum vnguentorum laudatissimorum quod expugnatis Darij castris, reperit Alexāder. Cyprij quoq; Ciziceri, & Corinthij eadem mollicie effæminati sunt. Cum autem Romani suis armis multas debellassēt prouincias, suoq; subiecissent imperio, inuasit hic luxus totam paulatim Italiam, & præsertim ipsam orbis dominam Romam, ad eò vt M. Otho Neroni monstrauerit vestigia pedum vnguentis tingi, hiq; balnearum parietes quandoq; aspersi sint. Caium quoq; Principem ferunt vnguento solitum lauari. Anno post Vrbem conditam 565. Licinius Crassus, & Iulius Cæsar censores ædixerunt nequis venderet vnguenta externa. I. Plotius Plotij Consulis frater proscriptus à Triumuiris in salernitana latebra ex vnguenti odore fuit deprehensus. In confesso est Eliogabalum Imperatorem triclinia quandoq; lectos & porticus omni florum genere strauisse, vt Libijs, Violis, Rosis, Iacintis, & Narcissis & similibus, ac per eos ambulasse, seq; vnguentis omnium fragrantissimis nudum sæpe numero perunxisse. Quem sequuti Imperatores quidam alij mollitiem propè nullam sibi non permiserunt, nullumq; voluptatis poculum reliquerunt ingustatum. Immò eò processit mollities, seu verius infania supra memorati Eliogabali supra omnia prodigià mollissimi, vt triclinia habuerit versatilia (testelampridio) in quibus amicos quandoq; ponere consuevit, eosq; floribus ita obruere vt animam efflarent. Multa alia penè incredibilia traduntur de immenso luxu & mollitie Eliogabali. En igitur origo odorum & vnguentorum mollities, luxuries. Et omnium temporum decursu hic fuit apud omnes homines constans & perpetuus sensus, vt quicumq; odoribus nimium dediti essent nonnisi molles, & effæminati haberentur, pessimeq; apud viros cordatos sentirent. Vnde Martialis non minus eleganter quàm argutè, monendo amicum odoribus nimis deditum, cecinit dicens.

Post.

Posthume non bene olet qui bene semper olet.

Quartum deniq; motiuū sit Christus Dominus qui cū omnē molliem animorum, atq; omnes illecebras voluptatum perempturus aduenisset, permisit quidem se vnguentis illiniri, sed in pedibus & u. x. semel in Capite; & tunc non tam illo vnguento, quam pietate delectatus & lachrymis offerentis. Nec mysterio prædicta Christi Domini perunctio vacat; Cum enim, (ut inquit Augustinus) omnis Christi actio nostra sit instructio: Et quæ ipse corporaliter egibat volebat spiritualiter intelligi. Ex quo ipse permisit se in capite & in pedibus vnguento odorifero perfundi dat intelligere debere nos toto vitæ decursu tam in principio quam in fine virtutū & bonæ famæ odorem efflare. Nottis quia fama apud sapientes dicitur odor, & quidem multò maior, latiusq; sensibilis quam aromatum si cumentur aut vnguentorum si fundantur. Bonæ igitur famæ, idest bono huic odori operam da re debemus, si odorum voluptate tenemur.

§ 2. De Rebus, à quibus debemus per nares abstinere præsertim à Tabacco cuius usus omnino improbat.

Non diu nec multum elaborandum nobis erit in peruestigandis rebus, à quibus debemus per olfactum & per illius organum nempe per nasum abstinere. In promptu est usus, immo verius detestabilis abusus Tabacci, qui hac tempestate ferè omnes Europæ prouincias peruasit cum detrimento non modico & Corporum, & morum, & bonorum. Ut igitur manifestior euadat huius corruptissimi moris, v. lisq; consuetudinis pernicies; & subinde ut quantum pro viribus possumus ab omni hominum genere hoc malum eradicemus, detegenda nobis est illius origo, progressus, vilitas, inutilitas, pernicies, deniq; deceptio eorum, qui tali assuetudine, verius dicam vitio detinentur.

Atq; ut clarius procedamus supponendum triplicem esse modum sumendi Tabaccum ut communiter in nostris regionibus

nibus fit; scilicet Vel in puluere; Vel in fumo; Vel in folijs. Hoc posito ostendemus generaliter nullum ex his præfatis modis probari apud sapientes & cordatos viros, discurrendo per illas superius indicatas tabacci conditiones seu circumstantias.

Et ut ab illius origine & progressu exordiamur. Quis non mirabitur illius vilitatem & sæditatem? Ut enim apud æquos prudētesq; rerum æstimatores laudem suo iure merentur instituta illa, quibus causam præbuerunt aut honestas, aut pietas, aut necessitas; initia verò dederunt viri graves probitate ac prudentiâ conspicui: sic meritò infamiæ stigmate notantur illa, quæ ex turpitudine coorta, à barbaris profecta, sola nouitatis affectatione inualuerunt. Tale est Tabaccum. Hæc herba plurimis in locis nascitur, & pro varietate locorum varia etiam nomina sortitur; magna tamen illius copia est in America, ibiq; à plerisq; vulgari appellatione vocatur Tabaccum. Cum autem gens illa & torrente cæli climate, & adusta corporis constitutione sint in venerea proclui, tali herba vtuntur pro familiari antidoto. Ab his igitur nonnulli Europæi in Europam ab illis regionibus remeantes vsum Tabacci, & acceperunt, & didicerunt, & in has regiones inuexerunt. Primæus autem vsus huius herbæ fuit suffimigium, qui quidem vsus permansit & permanet apud agrestes, & vilis conditionis homines. Cæterum alij ciuiliores dedignantē sequi morem agrestium (ut fieri assolet) alium modum adhibendi talem herbam adinuenerunt; & hic modus fuit & est exiccandi prius talem herbam, eamq; exiccata benè tundere in mortariolo, tufamq; in puluerem redigere & sic redactam sumere & attrahere per nares; atq; ut gratior talis puluis efficiatur solent illum varijs odoribus contemperare. Alij simplicius procedentes tantoq; artificio pertæsi ipsismet folijs exiccatis sunt benè contenti, easq; in nares intromittunt ibiq; detinent per aliquod temporis spatium existimantes nil minoris vitutis adesse in hoc modo sumendi quàm in cæteris. Et quidem si hic sumendi modus cū alijs comparatur minus sædus apparet. En ingressus & progressus

gressus Tabacci in his regionibus europæis. Nunc igitur quisquis sapiens est, aut sibi sapere videtur, consideret an deccæ barbarorum simiam fieri? an rationi congruat vt Ciuilitas Europæa præsertim Italica exuto pudore fera Ameriæ pecora pro vitæ magistris accipiat? Si his pædagogis sapete discendū est cur illorum exemplo non etiam plumas auro, & fracta vitra gemmis anteponere? cur nudos non incedere? cur non ceteros ferinos illorum mores amplecti? ò hominum sapientium insipientiam. Sed prosequamur rel qua.

Veniamus ad vilitatem, inutilitatem, immo perniciem tabacci. Tria præcipuè damna ipse reperio in illo. Primum est quod labefactat cerebrum. Secundum quod offendit oculos aliorum qui simul conuersantur. Tertium est quod pannos lineos quibus vtimur ad purgandas nares, commaculat, corrodit, absomit itaut strophiola semel tabacco inquinata nunquam possint penitus emundari, & ad suum candorem restitui. Hi sunt fructus tabacci.

De primo igitur fructu pernicioso, qui est labefactare cerebrum constat apud omnes rationis trutina rem expedientes. Nam inconfesso est apud medicæ artis peritos cerebri naturam in humido & frigido positam esse: è contra tabacci in calido & sicco; vnde ex opposito sunt contraria. At quis ignorat contraria destrui ad inuicem? Sicuti enim sua cuiq; sanitas stat stante nativo Corporis temperamento; ita partium ipsius Corporis sanitas & valetudo firma manet manente ipsarum partium proprio temperamento. Non manet autem aduenientibus contrarijs destructiuis. Ita se habent ad inuicem cerebrum, & tabaccum. Quid enim aliud cerebro exiccato calefactoq; per tabaccum expectari potest nisi primò vigilia & carentia somni, deinde phrenitides? somnus enim non nisi è suauis humoris calorisq; coniugio oboritur; vnde qui maiori humiditate caloreq; abundant somnolentiores sunt, quales sunt iuniores respectu senum, qui ex defectu humiditatis & caloris minus somno sunt obnoxij. Sanitatis ratio est vt foueatur similibus destruaturs contrarijs.

Secun-

Secundus fructus perniciosus est offendere ciuilem & urbanā conuersationem. Bone Deus quid fædius? quid indecentius? quàm inter cordatos graues, & morigeratos viros videre hominem, qui semper præ manibus habeat vasculum huius pulueris? Qui semper effundat super manum pulueres, eosq; in nares immittat attrahendo per aspirationem vsquequò peruadant cerebrum? cui semper nares tali puluere inquinati eluceant? cuius sudariola humoribus è capite defluentibus commaculata semper appareant? Certè nescio an quicquam fædius in humana conuersatione aspici querat. Idq; tolerabilius esset si per quædā solummodo temporum interstitia, si semoti à communi conuietū huic rei operam darent; sed quod in admirationem rapit cæteros; immo etiam illos, qui huic rei sunt dediti; quòd siue comedāt, siue bibant, siue sedeant, siue obambulent, siue taceant, siue colloquantur de rebus etiam serijs, siue quodcumq; aliud negotium pertractent, ab huiusmodi se vitio nequeunt continere. Tanta est inolitæ cōsuetudinis vis. Eò deuenit impudentia nonnullorum, vt etiam alios simul conuiuentes in sui morem adducere non erubescant hortando, suadendo, pulueres vltiò offerendo & ferè ferè inuitos compellendo. Quod autem mirum omnibus semper visum est, huiusmodi damnanda lue infecti deprehenduntur non tantum helluones & agrestes viri, non laici tantum & qui laxatam vitam ducere consueuerunt; sed Ecclesiasticorum quoq; non pauci, quiq; sapientum nomine gloriantur: adde qui perfectionis iter arripuerunt, atq; inter claustra degentes soli Deo se vacare profitentur. Relatum fuit aliquando in quadam non ignobili Europæ prouincia eò talem excreuisse dementiam inter Ecclesiasticos, vt non deessent qui etiam dum tremendo ac sacrosancto Missæ sacrificio operam darent tali vitio se captiuos ostenderent maximo adstantium scandalo. Adeò inualuit hæc hominum cæcitas vt viri aliàs cordati & graues ne singulares in huiusmodi virorum cætibus appareant cum illis insanire non vereantur. Accidit illis quemadmodum duobus quibusdam Philosophis qui pluuiam cum populo mandescere cogeban-

bantur: Vel vt duobus alijs quorum alter inuitus allium arro-
sit, cuius odorem in alterius halitu ferre nequibat. Eò deuen-
tum est hac nostra tempestate vt sine tabacco hospitium non
frequentetur: sine tabacco medicina non valeat: sine tabacco
sodalitium sit insuaue. Istane Vrbanitas? O' rudes maiores no-
stri, quibus tale de Cælo lumē non affulsit; quibus talis thesau-
rus non est inuentus; quibus talis tabacci vsus fuit ignotus. Et
tamen illi benè viuendi præcepta nobis reliquerunt; illi mores
instruxerunt; illi absq; hoc fumo, absq; hoc puluere, absq; hoc
folio tabacci vitam longæuiorem quàm nostri temporis homi-
nes verissime traduxerunt. Qui sapiens est iudicet. Qui ratio-
ne vtitur discurrat. Qui habet aures audiendi audiat.

Tertius perniciosus fructus est domesticæ substantiæ bono-
rumq; imminutio. Quis ignoret eos, qui huic vicio sunt additi,
plurimum pecuniæ expēdere in comparandis sibi tabacci præ-
tiosis pulueribus, quas certè pecunias longè laudabilius in
pauperum eleemosinas, vel alia pietatis opera, vel saltem aliū
honestiorem vsum erogarent? Præsertim cum in emptione ta-
lium puluerum exquisitissimos perquirant quantumuis caro
pretio valeant: Et quemadmodum ij, qui potentes sunt ad
bibendum vinum, aspernantur vina dulcia & lenia; sed spiri-
tosa & fortia insectantur, quæ cerebrum sua presentia statim
commoneant: sic isti tabaccophili nihil magis in pulueribus
aut in fumo affectant quàm acrimoniam nidoris, quæ intinas
narium cauernas quàm celerrimè peruadat, & cerebrum mor-
su non translatis peruellat. Et vt in primo popinæ tyrocinio
vix quisquam prorsus se mancipat gulæ (nemo enim repente
fit summus) sed pedetentim cedit intemperantiæ illecebris;
tum verò beluinæ emeritus militiæ maiore cura sobrietatem
suam extinguit, quàm ipse sobrius restringit ardentē suam si-
tim: ita primū inter putorem folij, pudoremq; insueti moris
hærere solent, mox tanta peruiuacia inhærent vt potius à re-
bus charissimis quàm ab hac memphiti se patiantur auelli, &
hunc vecordiæ morbū in magicum sanè illius herbæ potentiā
conferunt. Quid dicam de iactura rei linteariæ: quot stro-
phiola

phiola, seu sudatiola tabacchistæ consumunt: Cum enim continuò è naribus humorem vi tabacci violentè euocatum detergere necesse habeant, qui humor maculosus effluit utpote illo puluere commixtus; inde fit ut strophiola in quibus dictus humor recipitur inquinata remaneant, & quidem tam indelebili inquinamento ut mulieres lotrices quacumq; adhibita in lauando diligentia nunquam possint talia inquinamenta diluere; Cumq; talis humor habeat nescio quid mordacitatis, inde fit ut breui tempore talia strophiola in pectus eam, lacerentur, absumentur. Ecce virtus, ecce nobilitas, ecce pretiositas tabacci.

Sed accedamus ad euertendas deceptiones eorum, qui huiusmodi vitio detinentur. Cum enim nullum agens intendat malum in operando; profecto tabacchistæ dum tali operi incumbunt, non intendunt aut sui detrimentum; aut morum inurbanitatem; aut rei familiaris absorptionem. Ducuntur itaq; quibusdam apparentibus rationibus, verius dicam deceptionibus, quas oportet euertere; si quo modo possimus eos ad saniolem frugem reducere.

Dicunt igitur primò. Per fumum, aut puluerem, aut folia tabacci pituitam resolui, & aquosa stomachi excrementa educi, & (quod hinc sequitur) abditos distillationum fontes, (vnde plurimæ in Corpus humanum scatent ægrotudines) exsiccare; siue hoc caloris virtuti; siue nobili occultæq; cuidam illius herbæ qualitati tribuendum sit. Hæc ita esse vera non aliunde magis noscere nos (aiunt) quàm experientia; statim enim ab hausto fumo, seu puluere præcipitari ex ore, & ex naribus videmus humores.

Ut huius sophismi vanitas appareat, eiusq; euersio clarius elucescat duo supponenda sunt. Primum ex Meteoris, à quibus docemur nullam aut exiguam exiccandi vim fumo inesse, quia est vapor quidam tenuior aqua, crassior aere; omnes autem vapores suapte natura in aquam, vnde venerant, promptissimè reuertuntur; sicut exhalationes illæ, quæ ex terra, & mari vi solis attolluntur, in pluuias, rores, & pruinas, ac simili-

lia mutantur. Secundùm ex natura tabacci; inest enim huic herbæ venenosa quædam qualitas, cui adiuncta est sædø acrimonia; vnde habet antipatiã quãdam cum humano temperamento. His suppositis dico illum humorem qui ex nati- bus aut ore defluit post sumptionem tabacci non tam esse hu- morem nocuum, qui superfluat naturæ, quemq; ipsa natura expellere nitatur; quàm humorem aduentitium concretum ex illo vapore fumeo; (si tabaccum fuit sumptum in fumo,) qui vapor receptus in cerebro; per huius natiuam frigiditatem con- crescit, deinde defluit per palati canales ad illum planè modũ quo fiunt aquæ distillatæ. Quando autem tabaccum sumitur in suis pulueribus aut folijs; tunc natura conatur repellere suũ contrarium, atq; in huiusmodi repulsione vim quãdam fa- ciendo tota se excitat, & excitando emittit aliquid humoris verè non superflui sed necessarij; non enim tunc natura ex se & suauiter emittit illum humorem vti emittere solet aliàs extrã- ralem casum; sed violenter & contra propriam inclinationem, quod est signum euident illum tunc humorem non esse de- superfluo.

Dicunt secundò. Nunquam tabacci v sus adeò inualuisset apud homines nisi vtentibus experientiã ostendisset nihil esse humanæ vitæ hac herba salubrius.

Si prædicta ratio valeret, nihil apud vllam gentem tam de- litum, aut infame reperiretur, cui non esset illicò paratissima defensio. Quàm sint mortalium animi proclives ad nouitatis studia, me tacente, plusquàm satis est manifestum. Quando peregrina vestiendi forma fuit vnquam in aliquam regionem inuecta, quæ non repererit statim aliquem imitatore? Sæpe vnus stultitia transit in alios; quia sæpe non commodo, aut honesto, sed nouitate sola ducimur. Sic dominatur vnicuiq; cæcus sui amor ex secreto alienæ vanitatis contagio. Quod igitur in plerisq; alijs rebus contingere videmus, quidni in- tabacci v su accidisse putandum? nempe quod non iudicij pon- dere sed imitationis studio ad instar simiarum, talis v sus perti- nacia apud Europæos inoleuerit.

Di.

Dicunt terriò huius herbæ salubritate quocunq; ex illis tribus modis sumptæ plerisq; hominibus varia morborum genera fuisse sublata; neminemq; repertum, cui ex illius usu noxa sit subsecuta.

In prædicto argumêto inuoluitur tùm error, tùm absurditas. Error est assumere nō causā pro causa (vt loquūtur logici) nā causa m̄ è morbis conualescendi attribuunt sumptioni tabacis; cur non alijs causis? cur non viribus imaginationis quæ spirituum vnione sæpe facit casum? cur non vltimo termino morbi paulatim decrefcentis & euanescentis? cur non ipsi naturæ suæ vi eluctanti è morbo & ad pristinam se valetudinem reducenti? Si autem contingat, vt non rarò contingit, aliquem huic vsui nimis deditum morbum contraxisse & etiam expirasse, tunc non tabacco adscribunt sed alteri cuicumq; causæ; ecce error. Absurditas quoq; in supradictò argumento deprehenditur quia plurimorum morborum euasione tribuunt tabacco. Et quando in rerum natura & in orbe terrarum fuit tam cæleste pharmacum vt omnium genera morborum depelleret? Ad quid igitur Medici? ad quid medicinæ? ad quid pharmaca? ad quid pharmacopolæ? Puto tabacchistas nugari velle. Nonne in humano corpore variæ sunt partes, quæ singulæ diuersis constant temperamentis & diuersarum complexionis qualitatum, vt si cerebrum sit frigidum & humidum; cor è contra est calidum & siccum; atq; sic de singulis? nonne illud medicamenti genus quod vni corporis parti est amicum, alteri est inimicum? Et quomodo igitur tabaccum iuuat singulas Corporis partes, & omnes morbos expellit? Hoc quidem est verum, & hoc fateantur velim quod cerebrum tali veneno marcescit, & ventriculus ex præcoce concoctione cruditatibus prægrauatur. Sed esto, valeat hæc herba ad aliquem morbum depellendum, num omnibus conueniet absq; temporum & personarum discretionem? an iuuenibus optimè constitutis comperietur salubris? Quis nesciat medicinæ operationem non esse absq; mutatione vtentis: bene habentem trāsferre à sanitate ad infirmitatem; & infirmum à morbo ad sanitatem.

nitatem. Medicina tempestiuè adhibita est subsidium naturæ laborantis: temerè autem & passim frequentata valetudinis robur etiam athleticum debilitat. Intelligitis quid velim. Et si tabaccum aliquid vtilitatis affert (quod non admittimus) certerè iuuenibus sanis & robustis non affert: immo frequens & nimius illius vsus multum nocementi omnibus affert.

Ergo, vt tandem concludam, abijcite mortales omnes sed vos præcipuè reuerendi Patres & fratres mei Ecclesiastici, abijcite quæso rem inutilem, rem damnosam, rem insanam ortâ ex ignominia, receptam per errorem, frequentatam per imitationem: ex qua & ira Numinis accenditur; & urbanitas offenditur, & res familiaris consumitur; & Corporis sanitas atteritur; per quam dignitas gentis senescit domi, vilescit foris; in qua nihil honestatis, nihil vtilitatis, nihil delectationis inuenitur; sed plurimum sæditatis, otiositatis, & detrimenti continetur.

§. 3. De Modo seruandi disciplinam circa olfactum.

DIsceant Ecclesiastici fugere odoramentorum superfluum vsum (dico superfluum quia moderatus vsus, & secluso scandalo, non est illicitus; immo licitus aliquando ad recreandum & confortandum caput & cerebrum.) Si fortè quis flosculos nobis dono dedit, indecorum videtur illos publicè in manibus gestare: posset enim aliquis nos leuitatis & vanitatis arguere; multoq; magis si illos in auribus aut in pectore gestaremus. Amasij enim hoc facere solent. Similiter vanitatem, molitiem, & animam valde effeminatû redolet habere in vestimentis odorem ambrae, zæpetis, musci, nisi fortè hoc fieret de consilio medicorum sanitatis gratia, & cum moderamine, & ad tempus, & absq; scandalo. Etenim decet Ecclesiasticum mortificationem sensus præferre etiam in rebus quæ videntur modici momenti; nam hæc exercitatio plurimum conducit ad acquirendum habitum abnegandi & frangendi propriam voluntatem: qui enim assuescit vincere se in paruis, suamq;

VO-

voluntatem etiam in minimis frangere; multò facilius postea vincet seipsum in maioribus. Quemadmodum enim qui ad militiam se præparant, exercent se in armis etiam tempore pacis, atq; ijs se hastiludijs assuefaciunt, quibus vti debent cum verè bellum gerendum est. Sic voluntatem nostram superare debemus etiam in rebus licitis, vt habitu mortificationis comparato multò facilius in rebus illicitis superare possimus. Idem docet S. Bonaventura ponitq; pro exemplo. Si quis per viridarium perambulans videndo multos flores allicitur ad colligendum florem aliquem sibi magis speciosum, in tali casu quavis colligere nullum sit peccatum; tamen abstinere, & continere se à colligendo mortificationis causa rem certè multò gratiorem exhibet Deo. Quapropter idem sanctus hortatur, vt affuescamus sæpe in corde nostro Deum alloqui dicendo. *Domine Deus tui amore nolo hoc videre, nolo illud audire, nolo hac esca frui, nolo me ali modo recreare, & similia.*

S. 4. *De exemplis eorum qui nimis dediti odoribus male habuerunt.*

PROPTER odorum inordinatum vsum, Deo sic permittente, nonnulli in extremam miseriam, imò mortem deuenere. Narrat B. Petrus Damianus *relatus à Dauro vtiò florum exēpl. cap. 6. tit. 47.* Quod Dux quidam Venetiarum habebat vxorem ciuem Constantinopolitanæ Urbis, quæ tam tenerè & delicatè viuebat, vt non modò superstitiosa, sed & artificiosa (vt ita loquar) iucunditate se mulcebat, vt etiam communibus se aquis dedignaretur abluere; sed eius serui rorem cæli satagabant vndequaq; colligere, ex quo laboriosum illi balneum procurarent. Cibos quoq; suos non tangebat sed ab Eunuchis eius alimenta quoq; minutius concidebantur in frusta, quæ mox illa quibusdam fuscinulis aureis, atq; bidentibus ori suo liguriens adhibebat. Eius porrò cubiculum tot thymiamatum aromaticumq; generibus redolebat, vt auditor fortè non credat. Sed omnipotenti Deo quantum huius sæminæ fuerit exosa, super-

superbia manifesta docuit vlciscendo censura. Vibrato itaq; super eam mucrone diuini iudicij, corpus eius omne computruit, itaut membra Corporis vndeque cuncta marcescerent, totumque cubiculum intolerabili prorsus fœtore complerent, nec quisquam tantam perferre narium iniuriam potuit: non consueta seruitia; non seruulus, vix una ancilla non sine speciei redolentis auxilio in eius obsequij sedulitate permansit. Diutius ergo hæc languore decocta & miserabiliter cruciata, amicis quoque lætantibus diem clausit extremum. Quid ergo sic caro, doceat ipsa caro; quodque perhibet mortua testetur & viua.

De Muleasse Rege Tunetano fertur quod cum Neapoli aliquando esset, Neapolitanis nouo cultu, uescendi more, & exquisitissimis odorem admirationi fuit. Dapibus eius ex regie culina disciplina pretiosi sumptus unguenta farciebantur adeo ut pauonem cum duobus phasianis conditum obseruatum sit centum aureorum impensam excessisse. Hic igitur cum audisset Amidam filium Tunetum & arcem occupasse, ea re vehementer perturbatus militem conscribit magnaceleritate, confluuntque ad eum mille & octingenti homines, cum quibus eò pergit, & in itinere rursus ab Hispanis equitibus à Touatre missis admonitus ut sibi ab insidijs, quæ iuxta urbem essent, caueret, sed in proposito perseuerat. Vbi autem propius ad Urbem accessit, erumpentibus tum ex Vrbe, tum ex oliuetis Afris ex eius exercitu perire supra mille & trecenti; & ipse Muleasses fugiens nullare aliam quam vnguentorum odore ab hostibus agnitus, & captus est. Eum ad se adductum Amida filius utroque orbatum lumine crudeliter excæcat candenti scalpello proscissa utriusque oculi pupilla. Idem pertulere duo Amidæ fratres cum Muleasse capti Nalaser, & Abdales.

CAPUT QUINTUM

De Disciplina circa gustum.

Quia plerique mortaliū cōmuniter in sūptione cibi & potus aliquo modo peccare cernūtur; ideo adhibēda est disciplina & modus circa sensum gustus ab omnibus quidē hominibus sed præcipuē ab Ecclesiasticis, qui positi sūt in exēplū & in ēdificationē aliorū. Hāc disciplinā nō aspernabuntur si in mentem reducere uoluerint innumeras ferē adhortationes, quæ in sacris literis habentur, quibus ad monemur temperantiam, abstinentiā, & sobrietatem amplecti, de quibus infrā §. p. Videndum igitur primò quæ sint motiua inducentia ad talem disciplinam. Secundò, circa quas res debeat exerceri. Tertiò, qui modus tenendus ad illius exercitationem. Quartò, exempla varia ad id facientia.

§. 1. De Motiuis inducentibus ad disciplinam circa gustum seu circa cibum & potum.

Primum motium, illudq; efficacissimum est auctoritas sacrarum literarum, quæ pluribus in locis cōmendant hanc disciplinam sub diuersis verborum formis. Nam in Epistola ad Romanos 13. Diuus Paulus sic admonet. *Fratres abijciamus opera tenebrarum, & induamur arma lucis sicut in die honestè ambulemus non in commensationibus & ebrietatibus, non in cubilibus & impudicijs, non in contentione & amulatione.* Vbi notanda ad propositum nostrum illa verba (*non in commensationibus & ebrietatibus*) Idem ibidē. 14. *Nō est regnum Dei esca & potus; sed iustitia, pax, & gaudium in Spiritu Sancto.* Idem 1. Thessal. 5. *Igitur non dormiamus sicut & ceteri; sed vigilemus; & sobriissimus.* Idem 2. ad Tim. 4. *Tu vero vigila, in omnibus, labora, opus fac euangelistæ, ministerium tuum imple, sobrius esto.* Idem 1. ad Cor. 6. *Esca ventri & venter escis; Deus autem hūc*
K & has

& has destruet. Idem. *Esca nos non commendat Deo.* Idem ad Hebreos 13. *Optimum est gratia stabilire cor non escis quæ non profuerunt ambulanti in eis.* Et Princeps Apostolorum Petrus. *Fratres sobris estote & vigilate, quia aduersarius vester diabolus tanquam leo rugiens circuit querens quem deuoret, cui resistite fortes in fide.* In omnibus prædictis locis, in quibus ponitur sobrietas indicatur hæc disciplina, de qua est nobis sermo.

Secundum motiū sit ductum à damnis, quæ ex intemperantia circa cibum & potum exoriuntur: hæc ad tria capita commodè reduci posse videntur, nempe ad damna Animæ, Corporis, & bonorum temporalium.

Atq; ut à damnis Animæ exordiamur. Primò intemperantia circa cibum & potum viam aperit tentationibus; quia enim comedere & bibere sunt de necessitate naturæ; idè Diabolus ibi tentationis laqueum abscondit, vbi natura necessitatem ostendit. Sic enim primò de vitio gulæ primos parentes in paradiso tentauit. Secundò mentem obnubilat, & subuertit: quia enim populus Dei cæpit manducare & hiberet, idè postea surrexerunt ludere, & vitulum aureum adorare. Hinc *Tullius in paradoxis eleganter ait.* [Cum tibi Deus vel mater omnium natura dederit animum, quo nihil est præstantius, nihil diuinius; sic te proijcies atq; prosternes ut nihil inter te & pecudē interesse putes? Voluptas quo maior est eò magis animum à sede sua & statu dimouet.] *Et idem in libro de Senectute.* [Impedit consilium voluptas rationis inimica, ac mentis oculos perstringit; nec habet vllum cum virtute commercium.] Tertiò inducit corruptionem bonorum omnium & virtutum; Vnde idem *Tullius ibidem sic ait.* [Archita Tarentinus cum eius sermoni Plato Atheniensis interesset nullam capitaliorem pestem, quàm voluptatem corporis dicebat hominibus à natura datam; Cumq; nihil mente præstabilius Deus dedisset homini, huic diuino muneri nihil tam inimicum esse quàm voluptatem. Quod ut magis intelligi possit fingeat animo tanta incitatum aliquem Corporis voluptate, quanta percipi posset

ma-

maxima, nemini censebat fore dubium quin quandiu ita gauderet nihil agitare mente, nihil ratione, nihil cogitatione consequi posset] *Hæc Tullius*. Quartò Intemperantia, & gulæ vitium ianua est omnium vitiorum. Quapropter *benè dicebat Origines hom. 87. Christianos alloquens*. [Sicut sobrietas omnium virtutum est mater; ita gula & præsertim ebrietas omnium vitiorum origo.] Vnde possumus inferre Ecclesiasticum siue secularem siue regularem, qui sobrietatem sectatur, multarum seminarium esse virtutum; contra verò qui vètri seruit, genioq; indulget liberalius, vitiorum cloacam esse atq; sentinam. Sed quid miraberis hoc? cum reddat homines belluas. Testatur hoc *Macrobius lib. Saturnalinum inquiens*. [Ea quæ ex tactu atq; gustu voluptas est omnium rerum fædissima est, eosq; maximè, qui se his duabus dederint voluptatibus, incontinentes, & intemperatos dicimus; istas solas duas videmus hominibus communes esse cum belluis; & idcirco in pecudum ferarumq; numero habetur quisquis voluptatibus his occupatus est.] Atq; vt aliqua particularia recenseamus. Nonne intemperantia reddit homines inexplébiles? proferat id *Lucanus lib. 4.*

————— O prodiga rerum.

Luxuries nunquam paruo contenta paratu

Et quæstorum terra pelagoq; ciborum

Ambitiosa fames, & laus & gloria mensæ

Discite quàm paruo liceat producere vitam.

Nonne reddit etiam loquaces, scurras, & detractores? Sic Sichimitæ inter epulas, & pocula maledicebant Abimelech. Aduoco in testimonium ipsam quotidianam experientiam. Nonne parat necis occasiones? Quia populus Dei flagrauit escu carniū, immisit in illorum castra Deus coturnices & volatilia pennata: sed quid? adhuc escæ eorum erant in ore ipsorum, & ira Dei ascendit super eos, scilicet pestilentia, quæ magnam populi partem absumpsit. Quot à poculis ad gladios conuolarunt? quot à cibis & potibus ad rixas, ad rumores, ad arma? quot à mēsis ad tumulos deportati? Ego certè audiui et

vidi non paucos occasione conuiuiorū & computationū prorupisse in iurgia, in contumelias; prouocasse inuicem ad singulare certamen; conuolasse ad arma; conscendisse equos; properasse ad locum, se inuicem interemisse. Et quod institutum erat ad vitam, factum est occasio mortis: & extrema gaudij luctus maximus occupauit. Heu heu quot mala inde proueniunt.

Sed veniamus ad damna Corporis. Innumera propè mala causat circa corpus intemperàtia, seu cibi, potusq; superfluitas. Ledit enim & deordinat temperatam Corporis dispositionem, variosq; morbos ingenerat. Hinc calculum, podagra, chira, ragra, capitis vertigo, stomachi cruditas, pectoris grauedo, oculorum caligo, viscerum corruptio & adustio; ac totius Corporis grauolentia, & ad omnia peragenda quædam grauedo & summa penè inhabilitas. Nam sicut terra quando nimia aquæ superfluentia fuerit oppressa, & veluti obruta innatum vel potius à sole receptum amittit calorem; amittit virtutem, & ad generationem nutritionemq; herbarum & plantarum nullo modo est accommodata. Sic & homo cibo, potuq; nimio ingurgitatus atq; oppressus mollescit, dissoluitur, dissuit, vires amittit, inutilis redditur, & varijs fit morbis obnoxius nihil aliud exhalans quàm fætores, quàm eructationes, quàm lutulentas superius inferiusq; impuritates. Hinc egregiè *S. Augustinus Serm. 137. de temp. ait.* [Omnes ebriosi tales sunt quales paludes esse videntur. Quid enim in paludibus enascatur non ignorat Charitas vestra; totum quod ibi nascitur, nullum fructum habere cognoscitur. Nascuntur ibi serpentes, sanguisugæ, nascuntur ibi ranæ, & diuersa genera vermium, quæ magis horrorem possunt generare, quàm aliquid quod ad victum proficiat exhibere. Istæ enim herbæ vel arbores, quæ aut in ipsis paludibus; aut circa ripas nasci solent, nihil vtilitatis habere videntur; itaut annis singulis incendio concrementur. Videte, quod de ebrietate nascitur igni præparatur. Paludes enim sunt, vt dixi, ebriosi, quorum prandia ducuntur in noctem, quorum cænas lucifer videt, quorū

sensus

sensus tardi, graues, obtusi, & quodammodo iam sepultu. Sic nimirum grauitè lædit Corpus, grauissimè lædit & animum crapula, & ingluuies, hebetem illum planè reddens ad diuina, perturbans rationem, languorem generans & tædium ad cælestia, pronum faciens ad libidinem & omnia vitia; intellectū obnubilans, affectum deordinans, prudentiam & sapientiam euertens, animam quodammodo brutam faciens, verecundiā tollens, insaniam inducens, sicq; quicquid in animo est & mente animi mentisq; proprium dehonestans & deturpans.] Hæc non minus sapienter, ac eloquenter præclarum illud Ecclesiæ lumen Augustinus. Sed non minori etiam sapientia pariter ac eloquentia idem asserit aurum illud eloquentiæ flumen *Chrysostomus hom. 39. in Epist. p. ad Corin. sic inquit.* [Ipsi Corpori inimica est & infensa voluptas, ex forti debile reddit, è solido eneruatum, morbidum è sano, tenue ex compacto, ex florente & formoso deforme, olidum ex fragranti, ex utili inutile, ex mundo & puro impurum, ex absoluto doloribus vndiq; differtum, ex recenti vetus, ex robusto flaccidum, ex celeri tardum, ex sano languens, ex recto claudum. Per hanc mille mala malignus ille patrat Sathanas. Diurna exercitatio, & labores, & tolerantia, & moderata mensa, & victus simplex hilariora corpora reddunt, & formam præterea plurimùm iuant. Quæ cum videmus fratres, quid non voluptates, perniciosaq; conuiuia vitamus, & simplicem potius prosequimur victum? vt corpore simul & animo rectè comparati virtutibus pleni, futuris aliquando bonis potiamur.] *Et magnus ille Leo Serm. 8. de ieiun. 10. Mensis in eandem sententiam sic ait.* [Quotidiano experimento probatur potus satietate aciem mentis obtundi, ciborum nimietate vigorem cordis heberari, itaut delectatio edendi etiam corporum contrariā sit saluti nisi ratio temperantiæ obsistat illecebræ, & quod futurum est oneri subtrahat voluptati.] *Hæc leo Magnus.* Itaq; frequentes podagræ, quas nostra tempestate cernimus in quibusdam præsertim Europæ prouincijs, inde oriri non est ambigendum; quemadmodum etiam Galeni tempore contigisse legimus *apud ipsum Gal. aphor.*

aphor. 6. com. 28. qui cum esset medicus præclarissimus immo medicorum princeps sic ait. [Actate Hyppocratis pauci podagra laborabant propter vitæ moderantiam, nostris verò temporibus vsq; adeò auctis edulijis vt nihil eis addi posse videatur, infinita est podagrarum multitudo cum nonnulli sint, qui nec exerceantur quidem sed cruditatibus incumbant, & ante cibum bibunt vina potentia, ac venereis vtantur immoderate]. [legimus quosdam, ait S. Hieronymus lib. 2. in Iovinian. cap. 8. morbo articulari, & podagræ humoribus laborantes proscriptione bonorum ad simplicem mensam & pauperes cibos redactos conualuisse; caruerunt enim sollicitudine dispensandæ domus & epularum largitate, quæ & corpus frangunt & animum.] Ideò bene Horatius.

Sperme volupe asces, nocet empta dolore voluptas.

Quapropter omnis occasio amittendæ sobrietatis vitanda est; vt sunt conuiuia, & alia, in quibus solum comestationibus & computationibus inseruitur. Et hæc de damnis Corporis.

Superest modò aliquid dicendum etiam de damnis bonorū temporalium. Quis posset satis exprimere quanta fiat pecuniarum, rerumq; temporalium iactura ab illis, qui sordido gulæ vicio sunt addicti? quàm inutiles & damnosas impensas afferat ingluuies, crapula, & ebrietas? Heu. Voluptas palati, & gutturis vix duorum habet latitudinem digitorū, & huic tam modicæ parti tam breui delectationi aer, terra, mare vix sufficiunt. Interim ad fouendam, & enutriendam palati voluptatem; dicam melius, ad inseruiendum gulæ non sufficiunt opes propriæ, diripiuntur alienæ, pauperes expoliantur, iniustitiæ variae committuntur; & fames esurientium transit in delicias abundantium. Pauperum enim spolijs & laboribus sæpius opiparæ cernuntur mensæ Diuitum Magnatum, Iudicum, officiatorum, Aduocatorum, & etiam sæpè Ecclesiasticorum: dum ipsi pauperes negliguntur, & vix frustum panis illis conceditur potius ad arcendam mortē, quàm ad depellendam famem. Vnum in Euangelio legimus Lazarum mendicum cupientem saturari de micis quæ cadebant de mensa exundanti ciborum

rum

rum illius diuitis Epulonis, & neminem illi dantem: at innumeros quotidie cernimus inter mortales lazaros mendicos, & diuites epulones; Sed veniet dies, in qua pauperes abundabunt, & diuites esurient & sitient, interim Ecclesiastici, ad quos noster hic sermo dirigitur, parcant gulæ, & disciplinam circa gustum sectantes quod illis superest dent elemosinam.

Tertium Motuum sit ex bonis, quæ ex temperantia, atq; ex usu moderato ciborum, potusq; exoriuntur. Quemadmodum enim Intemperantia in cibis & potibus multorum est causa malorum ut vidimus; ita è contra Temperantia multorum est causa bonorum: contrariorum enim est eadem disciplina; & contrariæ causæ contrarios producunt effectus. Est autem *Temperantia* (ut eam describit S. Ambrosius lib. 1. de S. Iacobo cap. 2.) *virtus quæ passionum restringit ardorem, quæ primum sobrietate atq; moderatione animum temperat, mentem informat, deinde etiam deliciarum abstinentia restringit habenas corporalis feruitatis.* Vel (ut breuius ait S. Augustinus lib. 1. de lib. arb. cap. 13. *Temperantia est anima affectio coercens & cohibens appetitum ab iis rebus quæ turpiter appetuntur.* Itaq; gulæ, crapulæ, ebrietati, commensationibus, cōpotationibus, & alijs carnis cupiditatibus directè contrariatur Temperantia. Audiamus S. Prosperum luculenter differentem de hac re lib. 2. de contemplatiua vita cap. 19. sic igitur ait. [Temperantia temperantem facit, abstinentem, parcum, sobrium, moderatum, pudicum, serium, verecundum: hæc virtus si in animo habitat libidines frænat, affectus temperat, desideria sancta multiplicat, vitiosa castigat, omnia intra nos confusa ordinat, ordinata corroborat, cogitationes sanctas inserit, prauas remouet, ignem libidinosæ voluptatis extinguit, animi teporem desiderio futuræ remunerationis accendit, mentem placida tranquillitate componit, & totam semper ab omni vitiorum tempestate defendit.] Et magnus ille Mediolanensis Ecclesiæ præsul Ambrosius Epist. 82. ad Vercell. Eccles. hac eadem de re sit Romana eloquentia disserit.] Quid pulchrius abstinentia, quæ facit etiam iuuentutis annos senescere, ut fiat morum senectus? Namq; ut redun-

redundantia ciborum ac temulentia etiam maturior ætas exaltat, ita mitigatur iuuentutis ferocitas epularum parsimonia, irriguoq; fontis. Quid quod naturæ conueniens temperantia est atq; illi diuinæ legi, quæ in ipso rerum ortu omnes fontes potui, fructus arborum esui dedit? Vinum post diluuium iustus ad tentationem sui reperit. Vtatur ergo temperantiæ naturali cibo; vti namq; possumus. Sed quia non omnes fortes sumus; ideò ait Apostolus. Modico vino vtere propter stomachi infirmitatem. Non ergo propter voluptates bibendum est sed propter infirmitatam; pro remedio igitur parcius, non pro delicijs redundantius.] *Hac Ambrosius.*

Sed quæso distinctius proferamus bona quæ Temperantia tribuit suis cultoribus, redigendo illa ad tria capita, quemadmodum supra egimus de malis, nempe ad bona circa Animam, circa Corpus, & circa Temporalia.

Circa Animam igitur primò Temperantia (sub qua contineatur Abſtinentia & Sobrietas) valet ad concupiscentiam Carnis refrænandam, & ad subigendam illam spiritui. Nam secundum ordinem rationis est quod natura carnis subijciatur spiritui, & quòd natura spiritus dominetur carni eam dirigendo, & ad virtutis exercitium edomando. Et hoc expressit Deus qui est auctor naturæ, quando ad Cain Gen. 4. dixit. *Sub te erit appetitus tuus, & tu dominaberis illius*, quibus verbis satis apertè declaratur dominium rationis, & subiectio appetitus sensitiui. Nam secundum quod dicit *Tullius de Officij*. Duplex est uis Animæ vna ratio, altera est appetitus, rationis est dominari & dirigere: appetitus autem obtemperare & dirigi.] Et hanc duplicem animi vim ponit Philosophus comparando eam cum duabus sphaeris cælestibus, quarum vna, nempe inferior, mouetur & regulatur à superiori, (quamuis aliquē motum proprium habeat propter quem tamen ab ordine superioris non deuiat): altera verò nempe superior regulat & non regulatur ab alia sphaera sed ab intelligentia. Sic etiam in anima duplex est virtus, inferior quæ est appetitus; & superior quæ est mens seu ratio, quæ appetitum gubernat; & eius motu seu

seu officio utitur tantum quantum indicat expedire ad vitæ corporalis gubernationem. Hoc autem præstat ratio per virtutem Temperantiæ, quæ facit ne quid nimis corpori detur. Vnde *Macrobius de somno Scipionis ait*. Temperantia est in nullo moderationis legem excedere sub iugo rationis cupiditatem domare.

Secundò valet ad eleuationem mentis in spiritualia. Quando enim corpus per crapulam non grauatur; mens liberius ad spiritualia contemplanda leuatur. Vnde Sancti Patres quando cupiebant à Deo circa aliqua spiritualia lumen habere; ieiunijs, abstinentijs, & orationibus frequentius & feruentius instabant. Exemplum in promptu de Propheta Daniele, qui ut habetur Dan. 9. posuit faciem suam ad Dominum Deum suum rogare & deprecari in ieiunijs, sacco & cinere; & tunc Gabriele Dei nuncio ad ipsum descendente ad mirandas de Christi incarnatione, passione, de mundi principatibus, deq; multis alijs rebus reuelationes accepit.

Tertiò valet ad satisfaciendum pro peccatis. Hinc Deus per Ioelam Prophetam cap. 2. clamat. *Conuertimini ad me in toto corde vestro in ieiunio, & fletu & planctu &c.* Et *Augustinus in sermone de ieiunio sic ait*. [Ieiunium purgat mentem, subleuat spiritum, carnem spiritui subiicit, cor facit contritum & humiliatum, concupiscentiæ nebulas dispergit, libidinum ardores extinguit, castitatis verò lumen accendit.] Exemplum sit definiuitis, qui ad prædicationem Ionæ territi, & de peccatis eorum pœnitentiam agentes per virtutem humilitatis & ieiunij à Domino veniam consequi meruerunt.

Quartò valet ad mentis sanctificationem. Quare Deus per Ioelam Prophetam ut supra. *Conuertimini ad me in toto corde vestro in ieiunio & fletu & planctu & scindite corda vestra, & non vestimenta vestra, & conuertimini ad Dominum Deum vestrum, quia benignus & misericors est, & patiens & multa misericordie & præstabilis super malitia. Quis sit si conuertatur & ignoscat Deus, & relinquat post se benedictionem. Canite tuba in*

L

syon

Syon sanctificate ieiunium, vocate cecum, congregare populum; sanctificate Ecclesiam &c.

Circa Corpus Primò causat delectationem. Cibus enim moderatè sumptus delectat gustum; quia delectatio causatur ex proportionem convenientis cum conuenienti. Quando cibus moderatè sumitur tam in quantitate quàm in qualitate tunc conueniens conuenienti coniungitur. Nam sensus gustus cui cibus coniungitur conuenientiam habet ad ipsum in modo & mensura, & tunc sequitur delectatio. Vnde maiorem delectationem sentit temperatus quando capit cibum quàm gulosus. Iucundiores post famem epulæ. Hinc in Ecclesiastico dicitur: Somnus sanitatis in homine parco dormit vsq; mane; & anima ipsius cum ipso delectabitur. Et benè cecinit quidā dicens.

Vis ne coronari? vis delicijs saturari?

Ist. tibi presto. dictum breue, sobrius esto.

Secundò causat sanitatis conseruationem. Cum enim stomachus fuerit potens super cibum fiunt optimæ concoctiones, & singulis membris proportionatæ distributiones; Vnde causatur sanitas; & exinde vita diuturnior. Hinc Eccles. 13. habetur. *Propter crapulam multi perierunt; qui autem abstinent est adiiciet vitam.* Et Seneca. *Voluptatibus maior pars corporum perijt.* Et S. Ioannes Chrysostomus hom. 29 in Epist. ad Hebr. [Nihil iucundum est sicut cibus benè digestus, aut benè decoctus; nihil sic salutem, nihil sic sensuum acumen operatur; nihil sic ægritudinem fugat sicut moderata refectio: sufficientiam quippe cum nutrimento, & sospitatem simul etiam procreat & voluptatem: abundantia verò morbum facit, & molestias ingerit, & ægritudines generat. Quod enim facit fames, hoc etiam plenitudo facit ciborum; multo autem magis peiora. Fames quippe in paucis diebus aufert hominem, & liberat ex hac vita pænalis; excessus verò ciborum consumit, & putrefacit corpus humanum, & macerat ægritudine diuturna, & tunc etiam morte crudeli consumit. Obsecro igitur ne nostrum corpus virosū & inutile faciamus, neque vitia vi inferamus.] *Hæc Chrysostomus.* Vnde circa sumptionem cibi & potus hæc regula

la est tenenda , & memoriæ tradenda :

Non quantum possis; sed quantum prosit .

Tertiò causat membrorum robur firmitatem & honestatem. Vitium gulæ , crapula , & ebrietas plerosq; hominis actus inhonestos & indecoros reddunt in corporis membris ; puta tremorem manuum ; effusionem vultus ; oculorum toruitatem ; transglutiendi festinatam auiditatem ; & multa alia indecentia , ex quibus sequitur inhonestas in conuersatione ciuili: prædicta autem omnia remouet temperantia , hominemq; ordinatum & compositum reddit ad alios .

Circa bona quoq; temporalia Temperantia plurimùm utilitatis affert; quia conseruat pecunias & substantiam rei familiaris ; quæ pecunia in longè nobiliores & digniores vsus potest expendi ; & presertim in subleuandis pauperibus , orphanis , pupillis , ac locis pijs . E contra qui sunt dediti luxui , crapulæ , ebrietati , omnes pecunias profundunt in his vitijs beluinis . Admirabilia sunt , quæ historici scripta reliquerunt de Lucullo , Caio Caligula , Nerone , Vitellio , Heliogabalo , Carino , alijsq; gulæ portentis ; quàm ingentem pecuniarum summam effuderint in parandis conuiujs . Sed non defuerunt etiam ex Ethnicis qui solo rationis ductu temperati fuerunt & parci . Nam vt aliquos proferam . Porus Rex Indorum aqua & pane viuebat contentus . Masinissa Rex Numidarum iam nonagenarius semel tantum interdum vessebatur sine pulmento . Mithridates Rex Ponti iam senex cibum sumpturus non accumbebat sed stans vessebatur . Lacedemonij nullam disciplinam abstinencia potiorē habebant . pinguis & obæsi ventris adolescentes inedia macerebant . Aegiptia iuuentus ex edicto Amasis non prius capiebat cibum , quàm centum octoginta stadia percurrisset . Augustus fuit breuissimi cibi , ad medias interdum epulas satiatis iā conuiuis accedebat , primusq; surgebat è mensa . Socrates tanta fuit temperantia vt omnia ferè vitæ suæ tempora valetudine inoffensa vixerit . Aegiptiorum Sacerdotes parcissimi erant in victu ad stuporem vsq; carnibus & vino abstinebant . Pane etiam rarò vessebantur ne

onerarent stomachum. oleum tantum in oleribus nouerāt, oua quoq; & lac vitabant: triduiq; in ediam sustinebant. Mitto ceteros ne nimis in longum protraham hunc sermonem. Et si virtute temperantiæ florere multi ex Ethnicis, certè plures qui fidei lumine polluere, vt videbimus infra §.4. de exemplis varijs virorum qui temperantiæ & præsertim abstinentiæ laude claruerunt.

§.2. *De Rebus, circa quas debeat exerceri disciplina circa gustum.*

Iam satis patet ex dictis circa quas res debeat exerceri disciplina circa gustum; nempe circa cibum, & potum; circa sapores; & generaliter circa omnia delectabilia sensui gustus. Vnum hic addo, nempe quòd virtus quæ ponit regulam & moderationem in capiendo cibo vocatur propriè *Abstinentia*: & virtus quæ ponit modum & mensuram in potu vocatur propriè *Sobrietas*: vtraq; tamen continetur sub *Temperantia* sicut species sub genere.

§.3. *De modo exercendi Disciplinam circa gustum.*

Disciplinam seruandam circa cibum & potum præsertim cum alijs sumendum tradit egregiè *Sanctus Bonaventura in speculo discipline partic. 4. cap. 6. Sic igitur instruens suos Religiosos ait.* [Præcipuè decet vt cum extraneis comedentes honestè se habeant, vt nec in cibo nec in modo comedendi vel mora, aut in alijs quæ disconueniunt super mensam, vt est verborum multiplicatio, aut exterior corporis vel habitus dispositio, inhonesta possint de irregularitate notari. Circa cibum attendant quòd propter quantitatem vel qualitatem de gulæ vitio iudicari non possint.] Sed ut ea, quæ tum S. Bonaventura, tum alij sparsim de hac disciplina tradunt ad aliquem ordinem more solito reducamus, quatuor considerare possumus in il-

in illa, nempe Quantitatem & Qualitatem cibi & potus. Modum & Tempus comedendi.

Quoad quantitatem igitur recolendum est id quod suprà diximus tantum cibi & potus esse sumendum quantum sufficit ad tollendam famem, non ad repletionem. *Non quantum possis sed quantum profit.* Vt vires reficiantur non opprimantur. Vnde dicit Bonauentura. [Debent excessum in cibis & maximè potus quantitatem vitare vt crapula vel satietas nimia non subrepat. Nihil sic cōtrarium omni Christiano quomodo crapula dicit S. Benedictus. Et sapiens in Ecclesiastico. Vtere quasi homo frugis his, quæ tibi apponuntur nedum multum māducas, odio habearis. Vnde inter seculares non expedit, inquit Bonauentura, appositam semper portionem totam comedere, aut penitus euacuare scutellam, ne fortè id magis homines voracitati, quàm necessitati attribuant. Inter cætera, est habenda semper temperantia circa potum. Turpissimum est si de nimia potatione notentur. Ad notam huius fugiendam cauere debēt ne post refectionem (etiam si vinum sæpius offeratur) frequenter bibant, aut postquam in communi potatum est, seorsum si ne urgente necessitate potum in priuato requirant; nec omnino quòd potus vbi dormitur remaneat patiantur. Post cænam non sunt ad verba & ad pocula vigiliæ protrahendæ. Vigilare ad ignem sitim prouocat, & bibitare compellit, grauat Corpus, exhaurit spiritum, tempus in verbis penè imperceptibili subductione consumit, tempestiuè ad orationem surgere, officij debitum deuotè vt expedit soluere non permittit. Et qui serò sobrietatis non obseruat sententiam, manè frequenter suspenditur à diuinis. Studeant ergo in cibo & potu mensuram seruare vt Ecclesiasticos decet. Sicut omnes cupiditates carnis abstinentia refecantur, ita omnes virtutes edacitatis vitio destruuntur. Immundi spiritus se ibi iniiciunt, vbi amplius vident cibum & potum.]

Quoad qualitatem *sic ait idem ibid.* [Multum attendere debent ne cibos appetant delicatos. Qui vinum & pingua diligit, nunquam in virtutum possessione ditabitur. Horum quidē per-

permittitur vltus, abusus & concupiscentia prohibetur. **Semper** itaq; placeat eis lauioribus parcere cibis. **De grossioribus cibis,** & facili uel ualdè temperato potu, necessitati utcumq; satis fieri potest, quanquam & ipsa necessitas inter homines sit arctanda. Qui de religione censetur modestiam debet religionis habere, ut sit temperantia speculum aliorum. Spectaculum facti sumus mundo, & Angelis, & hominibus (inquit Apostolus) fœlix abstinentiâ, quæ palato imperat delicato. Deceas cœlesti gratiæ mancipatum à seculi illecebris abstinere. Non erubescant aquam pro vino petere si habuerint temperando; quin potius erubescere debent si vinum biberint nimis forte. Verùm quàm turpe sit pauperibus hominibus cibaria quærere lautiora & appositis non esse contentos; de modo præparandi cibum disponere, aut quo modo præparetur requirere; potum vel cibum aliquem in speciali habere, vt de eisdem amplius apponatur quis sanæ mentis ignorat?] Et *Diuus Hyeronimus relat. cap. ne tales de conf. dist. 5.* [Ne tales accipiamus cibos, quos aut difficulter digerere, aut comestos magnopere partos, & perditos labores debeamus. Olerum & pomorum ac leguminum & facilior apparatus est, & arte peritiâq; coquorum non indiget; sine cura sustentat humanum genus.] *Et infra.* [Nemo enim vno aut duobus cibis, hisq; vilibus vsq; ad inflammationem ventris oneratur, quæ diuersitate carnum & saporis delectatione concipitur.]

Quoad modum. *Sic ait D. Bonauentura.* Modus quoq; honestus est in comedendo habendus, vt non ardentè, aut cum nimia festinatione comedatur, vel aliàs indecenter. Moram in mensa facere, religiosum non est. Caueant ne alijs à comestione cessantibus ipsi comedendo vel loquendo mensam detineant, cum non sit hominum sed magis pecudum super mensam ruminando diutius immorari. Possunt tamen qui necesse habent cautè cum modestia sibi in principio mensæ alijs communiter prouidere. Ad hoc vbiq; frenanda est lingua præceptis maximè in conuiuio, ne scilicet ad loquendum superfluè vel indiscretè laxetur. oportet etiam disciplinam in corporis & habi-

habitus dispositione seruare, vt comedentes se non appodient super mensam vel accubitando, vel alio quocumq; modo inordinato se gerant.

Quoad Tēpus. Debēt seruari tēpora deputata ad comestione nē nēpe hora prandij, & hora cænæ; præter has horas frequentius interdiu comedere aut bibere sapit nescio quid puerile ne dicam belluinum; dummodo necessitas aliud non suadeat. Præuenire etiam horam communis comestionis, seclusa necessitatis aut valetudinis ratione, ad gulæ vitium pertinet; sicut etiam frequentare tabernas sine causa necessaria. Vnde per sacros canones prohibitum est ne Clerici edendi vel bibēdi causa tabernas ingrediantur, nisi peregrinationis necessitate compulsi. *Sic habetur dist. 44. cap. nulli clerico &c.* Anticipare etiā notabiliter horam comestionis diebus ieiuniorum non licet. Vnde D. Augustinus in regula dicit quando autem aliquis nō potest ieiunare nō tamen ante horam prandij aliquod alimentorum sumat nisi cum ægrotat. Accubare etiam ad mensam ex nimia festinantia et auiditate, non adhibita aut non expectata benedictione maioris: vel etiam surgere è mensa nec gratiarū habere actionem, est quid brutale non hominis ratione præditi & Deum colentis. Vnde habetur in sacris canonibus *dist. 44. cap. non liceat.* Nec oporteat Clericos ante sacram horam diei tertiam inire conuiuia, nec aliquando nisi hymno dicto comedere panem, & post cibos gratias auctori Deo referre.

§. 4. *De exemplis varijs eorum qui in disciplina circa Gustum floruerunt.*

INnumera possent huc adduci exempla eorum qui in mortificando gustu præcelluere; quiq; cibo potuq; parco contenti fuere. Sed referamus aliqua ne materiæ ordo præpositus videatur neglectus.

Igitur primò se offert beatus ille Venetiarum protopatriarca Laurētius Instinianus, q̄ etsi in adolescentia sua vt erat prænobili prosapia natus, multis assueuisset mundi delicijs, tamen
ad

ad Venetum Patriarcatum euectus vulgari tantum mensa usus est, edulijq; palato suo insipidis. Vnde si errore aliquo quandoq; esculenta poculentaq; ad gustum acerbiora apposita essent, vt pro vino acetum, neminem arguebat sed silentio dissimulabat.

Sanctus Thomas Cantuariensis Archiepiscopus, & Martyr Christi gloriosus, antequam diuinitus esset illustratus, multis quidem lautitijs à parentibus genere nobilibus & copiosis fuit enutritus; sed postquam persecutione regia pro iustitiæ defensione exagitari cepit, admirandam vitæ mutationem inijt. Nā (teste Eduardo præcipuo eius vitæ scriptore,) qui antemensa opiparè utebatur instructa, magnosq; dominos, atq; ad eò ipsum quoq; Anglorum Regem habebat conuiuas, leguminibus, alijsq; vilissimis cibis pauperibus ad mensam adhibitis, vesci voluit. Sic temperantia ab eo ad gustum mortificandum fuit in delicijs habitæ.

Idem quoq; egregiè præstitit S. Godefredus Ambianensis Episcopus; nam etsi pro immensa sua charitate, qua flagrabat, nihil deesse suis subditis quoad victum necessarium, sinebat; tamen ipse solo pane, paucisq; herbis & fructibus vitam tolerabat: cumq; cocus nescio quid herbis miscuisset, eum coercitum coarguit dicens. An ignoras tu miscram carnem subigi non posse nisi tormento ieiunij? cur mihi apposuisti cibum tanta arte paratum? Vide, ne deinceps in hoc genere delinquas, & me ad iracundiam prouoces.

Sanctus Vuolstanus Episcopus die quodam post Sacram. Missæ peractum delitescens in loco abdito odorem carnis, quæ pro ipso assabatur, perceperat: & quoniam cogitatio inde menti oborta, ad eam comedendam appetitum illiciens non sinebat eum orationi attentius vacare, proposuit nihil neq; tunc neq; in posterum vitæ tempus de carne delibare sicut & fecit. Quo medio mirificè adiutus est non solum ad Sanctissimam vitam ducendam; sed etiam felicissimam mortem obeundam.

Sanctus Rupertus Abbas cum totam quadragesimam solo
pane

pane & aqua contentus transegisset sub Pascæ festum desiderari teneri cepit vescendi pane auenaceo, sed cum eo ad mensam allato vir Dei animaduverteret se pauxillum concupiscentiæ indulgisse, vehementer expauit, & rigidus in seipsum vindex gustare inde noluit, sed pauperibus ad monasterij fores dari iussit. Erat ibi tum iuuenis quidam splendida facie, qui tum vnâ cum scutella accepit, & mox cuanuit; ita tamen vtriloquentibus illis de scutella ablata, ea subito in mensam deciderit. Erat enim Angelus Domini è cælo missus, qui elemosinam viri Dei acceperat. *Prædicta exempla habet Dantonius flor. exempl. cap. 6. tit. 46.*

Sed cur ego hunc inanem laborem suscipio percurrendi Sanctos, & Sanctas, qui temperantiæ virtute ac præsertim abstinētia & sobrietate floruerunt. Nonne satis est dicere omnes Sanctos tum veteris tum noui testamenti tales fuisse. In veteri testamento Elias, Eliseus, Daniel, Ananias, Misael, Azarias, & Nazaræi omnes, qui tanto sunt odio ebrietatem infectati; ut non solum abstinere à vino, & sicera, & omne quod inebriare potest; sed nec vuas quidem passas auderent attingere, ut omne gulæ illecebram, omnemq; occasionem prurientis concupiscentiæ ad vinum procul arcerent. In nouo deinde testamento hanc viam ingressi sunt primò Christus Dominus & Magister, quem secuti sunt Apostoli eius omnes, & discipuli qui segetum spicas euellētes & manibus confricantes illa simplici esca in ediam comprimebant: Cumq; numero duodecim essent, nil aliud ad corporis sustentationem in deserto habuere nisi quinq; panes ordeaceos duosq; pisces, quibus tamen Dominus & auctor naturæ quinq; millia hominum famem expleuit. Atq; iteratò quatuor millia virorum satiauit solis septem panibus & paucis pisciculis. Post Apostolos Domini & discipulos, admirabili vitæ parsimonia præluxere prisci illi Sancti in Eremo Patres ut testatur Diuus Hieronymus, qui in illa Eremiti parte, quæ iuxta Syriam Saracenis iungitur, refert se vidisse Monachos, ex quibus vnus tringinta annos clausus hordeaceo pane & lutulēta aqua vixit: alter in cisterna veteri quinq;

M

cari-

caricis, idest siccis ficubus singulis diebus vescebatur. Et idem Diuus Hieronymus in vita S. Pauli primi Anachoretæ asserit illum in orationibus & solitudine vitam duxisse sola frigida & arbore palmæ contentus, quæ ei victum & amictum ad vitæ sustentationem suppeditabat. Et Palladius in Sanctorum Patrum historia refert se vidisse senem centum & decem annorū, qui multa signa in dies faciebat, & incessanter medebatur infirmis. Hic in tam grandæua senectute tres uncias panis, & tres oleas solū ad vitæ sustentationem sumebat in vespere; cum in iuuentute semel tantummodo comederet in hebdomada. Horum exemplis excitati non defuerunt omni tempore homines tū mares tū fæminæ; tū in seculo tū in claustris degentes, qui Deo deseruientes in fame, siti, frigore, nuditate, laboribus, vigilijs, orationibus, meditationibus, carnis mortificatione ac spiritus viuificatione duces nobis ad patriam exitere. Hos debemus sequi & imitari.

C A P V T S E X T V M.

De Disciplina circa Tactum.

SI qua disciplina seruanda est circa sensus externos maxime circa tactum seruanda est. Nullus enim de reliquis sensibus luxuriam æquè accendit & promouet, quia, vt docet *S. Thomas 2.2. q. 154. art. 4.* actus eius actui venereo cognatus & finitimus est, modico interuallo separantur ab inuicem, eamq; ob rē, nullus alter cautela indiget ampliori. Ideo si circa reliquos sensus multò magis circa hūc inuestigare debemus. Primò motiua inducentia ad hanc disciplinam. Secundò Res circa quas versari debet. Tertiò Modum dictam disciplinam exercendi. Quartò Exempla eorum qui in tali circa tactum disciplina fuerunt insignes.

§. I. De Motibus inducentibus ad disciplinam circa Tactum.

Suppono nos hic agere de tactu vitioso, libidinoso, impudico circa quem debet precipue exerceri hæc disciplina. Hoc igitur supposito.

Primum Motium arripiendi hæc disciplinam, & coercendi hunc tactum, est; quia disponit; immo est inchoatio fortissima actus luxuriosi consummati mortaliter peccaminosi; & ipse actus per tactum perficitur, quæcunq; igitur damnant luxuriam, damnant etiam vitiosum, libidinosum & impudicum contactum. Sed in specie de ipso tactu sic loquitur *Diuus Hieronymus*. Tactus alienorum corporum, & fæminarum ardentior appetitus vicinus insanix est. Ob hunc sensum cupimus, irascimur, gestimus, inuidemus, æmulamur, solliciti sumus & expleta voluptate, per quamdam plenitudinem rursus accendimur, quærimusq; facere quod cum fecerimus iterum pœniteamus. *Hæc Hieronymus*. Nec mysterio vacat quod summus rerum creator & Dominus Deus non solum interdixerit primis parentibus esum arboris scientiæ boni & mali; sed etiam legem tulerit non tangendi eam. Præcepit nobis Deus (verba sunt *Euæ*) ne comederemus & ne tangeremus illud. Quorsum id, nisi quia probè intelligebat quanta dispositio hic contactus esset ad violandum, quod traditum ipsis fuerat; sanctum mandatum?

Secundum Motium. Quia seruata disciplina & continentia tactus, seruatur pudicitia, seruatur & castitas. Quanti autem facienda sit pudicitia audi *Cyprianum* de duodecim abusibus. Pudicitia, inquit, nobilium ornamentum est, exultatio humilium, nobilitas ignobilium, pulchritudo debilium, prosperitas laborantium, solamen mestorum, augmentum omnis pulchritudinis, decus religionis, defensio criminum, multiplicatio meritorum. De Castitate verò quid dicam? quàm rarus, quàm pretiosus sit thesaurus quis posset satis explicare? Audi *Bernardum in Epist. 42. sup. med.* [quid castitate

decorius? quæ mundum de immundo conceptum semine, de hoste domesticum, angelum deniq; facit de homine. Differunt quidem inter se homo pudicus & Angelus; sed felicitate non virtute; nam etsi castitas illius felicior, huius tamen fortior esse cognoscitur. Sola est castitas quæ in hoc mortalitatis & loco & tempore statum quemdam immortalis gloriæ repræsentat.] Et *Diuus Chrysostomus*. [Omnes virtutes spirituales res sunt angelicæ præcipuè tamen castitas res est angelica; per hanc enim solum singulariter homines angelis simulantur, & vincitur natura virtutibus.] Et *Diuus Hieronymus in Epistolis*. [Grandis virtutis est & sollicitæ diligentia superare quod patas is in carne non tamen carnaliter vivere, tecum pugnare quotidie, & in carne; non tamen carnaliter vivere, tecum pugnare quotidie, & inclusum hostem Argi (vt fabulæ ferunt) cētū oculis obseruare.] *Idē* magnus est pudicitia labor, sed maius est præmium: temporalis custodia; sed remuneratio æterna. Et *S. Isidorus de summo bono*. Amanda est pulchritudo castitatis cuius degustata delectatio dulcior inuenitur quàm carnis. Castitas enim fructus est suauitatis, pulchritudo inuiolata Sanctorum, castitas securitas mentis, sanitas Corporis. Hæc & multa alia Sancti Patres proferunt de laudibus Castitatis. Qui autem vult castitatem custodire, debet tactus disciplinam seruare. Frustra enim vineam quis nititur custodire, qui sepem vineam defendentem conseruare non curat. Et frustra vestimenta defendit qui ignem ab illis arcere nō studet. Vnde Spiritus Sanctus in prouerbijs 6. dicit. *Nunquid potest homo abscondere ignem in sinu suo, vt vestimenta illius non ardeant? aut ambulare super prunas vt non comburantur planta eius? sic quæ ingreditur ad uxorem proximi sui non erit modus cum tetigerit eam.*

Tertium Motium est consideratio malorum penè innumerabilium quæ ex praua voluptate exoriuntur, de qua suprâ egimus; & hic aliqua addemus. Non est autem maior voluptas, quàm ea quæ ex tactu improbato percipitur vtpote quæ absorbet rationem, & hominem de homine reddit brutum.

Cate.

Cæterum de dicta voluptate hæc ſcripſit moralis ille *Seneca* *Epistoſa* 28. [quis hoſtis, *inquit*, in quemquã tam contumelioſus fuit quã in quosdam voluptates ſuæ? Quidam ſe voluptatibus mergunt, quibus in conſuetudinem adductis latere non poſſunt. Ob hoc miſerrimum eſt quod eò peruenerint, vt illis, quæ ſuperuacua fuerint facta ſunt neceſſaria. Seruiunt itaq; voluptatibus non fruuntur; & mala ſua (quod malorum eſt vltimum) amant. Indurandus eſt itaq; animus, & à blandimentis voluptatis procul abſtrahendus. Si voluptati ceſſerimus cedendum eſt dolori, cedendum & labori, cedendum eſt paupertati.] Hæc *Seneca*, quò certè rationabilius, verius, ſanctius loqui non poterat: & optimè dicit. Si voluptati ceſſerimus cedendum eſt dolori & quæ ſequitur; quia illa omnia ſunt effectus voluptatis vt patet benè conſideranti & penſanti exitus illorum qui ſe totos voluptatibus manciparunt. Et *Boetius* libro de *Conſolatione*. [Quid autem, *inquit*, de Corporis voluptatibus loquar? quarum appetentia quidem plena eſt ſatietatis, ſatietas verò penitentia, quarum motus quid habeat iucunditatis ignoro. Tristes verò eſſe voluptatum exitus, quiſquis reminiscitur, libidinum ſuarum intelliget. Quæ ſi beatos explicare poſſunt; nihil cauſæ eſt quin pecudes quoq; beatæ eſſe dicantur. Nihil ergo dubium eſt quin ad beatitudinem deſcenda quædam ſint; nec perducere quemquam eò valeant, ad quod ſe perduciturus eſſe promittunt.]

§. 2. De Rebus & Actionibus circa quas verſari debet diſciplina tactus.

Diſciplina tactus verſari debet circa omnia illa, per quorum contactum homo experitur in ſe aliquam ſenſus titillationem, aliquem motum carnalis concupiſcentia, & aliquam carnis alterationem. Huiusmodi ſunt primò quotquot ſunt diuerſi ſexus perſonæ nempe vir & mulier. Vnde *D. Auguſtinus* de *Virginitate*. [Nihil, *ait*, ſentio quod magis ex arte virtutis deſiciat animum virilem, quã blandimenta feminea,

cor.

corporumque ille contactus, sine quo vxor haberi non potest.] Deinde personę eiusdē sexus adinuicē vt mulier cū muliere vir cū viro, & præsertim adolescentes & iuuenes; præterea animalia, hæc etiam possunt excitare aliquem inordinatum motum, vt canes, feles & similia animalia præsertim domestica.

Quantum ad actiones seu actus debemus quàm maximam exercere disciplinam & summo perè continere nos à tactu qui perficitur per oscula, per amplexus, & per contactū manū vel alterius Corporis membri, seu partis. Hos libidinosos & impudicos tactus ab Apostolo vocantur nomine turpitudinis, cū ad Ephesios scribens ait cap. 5. *Omnis fornicatio, aut immunditia, aut turpitudine nec nominetur in vobis.* Vbi Glosa. Turpitudine vt in osculis, amplexibus, & huiusmodi. Vnde idē Apostolus subdit. *Omnis fornicator aut immundus &c. non habet hereditatem in regno Christi & Dei.* Non resumit autem de turpitudine, & turpiloquio, & scurrilitate; quia sub illis, scilicet sub fornicatione & immunditia, includuntur & continentur. Intantum enim oscula, amplexus, tactus & stultiloquia sunt peccata, in quantum emanant à luxuria, quæ in fornicatione, & immunditia notatur secundum *Sanctum Thomam. 2.2. q. 154. art. 4.* Pro cuius maiori intelligentia sciendū ex dicto Angelico Doctore, quod aliquid potest esse peccatum dupliciter. Vno modo secundum speciem suam: & hoc modo oscula, amplexus, & tactus secundum suam rationem non nominant peccatum: possunt enim hæc fieri absq; libidine vel propter consuetudinem patriæ; vel propter naturalem amorem & inter parentes & filiolos; & inter nutrices seu gerulas & infantes; Vel propter aliquam necessitatem; Vel ob aliquam rationabilem causam. Alio modo dicitur aliquid esse peccatum ex causa sua; sicut ille qui dat eleemosinam vt inducat aliquem ad aliquod peccatum; talis enim peccat propter intentionem corruptam, à qua procedit illa eleemosina. Et hoc modo oscula, amplexus, & tactus frequentissimè sunt peccata nempe ex causa vnde procedunt; nā procedūt ex affectu libidinoso qui tēdit in delectationē carnalem: delectatio autem carnalis (extra actum coniugij inter

ter coniuges) est peccaminosa; Ergo & actus qui tendunt & ordinantur ad illam: Cum enim finis est illicitus, etiam media ordinata ad talem finem sunt illicita; Et qui permittit tales contactus per oscula, & amplexus & similia sibi fieri ab eo, quem æstimat ad ista moveri amore libidinoso similiter peccat, quia agens & patiens pari pæna puniuntur iuxta divinam legem, & Sacros Canones, *secunda. quest. prim. capit. notum ubi Glos.* At si quis permetteret talia sibi fieri ex dilectione fraterna, seu honesta amicitia, seu quadam humanitate, seu more patriæ non peccaret; quamvis hoc faciens ex libidine moveretur, & quamvis ipse tangens peccato se obstringeret: quia tamen ista oscula, amplexus, & tactus quacunq; ex causa honestentur possunt facillimè transire in actus libidinosos & excitatiuos alicuius titillationis sensus; ideò multò securius non tangere, neq; permittere se tangi ex quacunq; causa excepta necessitate, & amore naturali parentum. Ex quibus colligitur quàm periculosè agant illi qui facili negotio tãgunt adolescentes, pueros, & puellas; & quàm periculosius Ecclesiastici illi qui sub specie benevolentia, & fraternæ cuiusdam charitatis se tangunt siue sint mares inter se, siue fæminæ inter se; nam inter marem & fæminam contactus nullo modo honestari potest. Vnde Apostolus ad Corinthios scribens ait. *Bonum est mulierem non tangere.* Nam ut dicit Spiritus Sanctus. *Eccles. 13. Qui tetigerit picem inquinabitur ab ea.* Ad cuius propositum fertur quod cum quidam reprehenderet fratrem quendam coràm B. Iordano Magistro ordinis Prædicatorum ex eo quod quædam mulier ex deuotione tetigisset manum eius: ille autem volens se excusare diceret quod mulier bona esset & sancta. Respondit B. Iordanus. *Terra utiq; bona est, & aqua similiter bona; & nihilominus ex utraq; se ad inuicem contingente fit lutum.* Caueamus ergo prædicta omnia, quia sunt pabula luxuriæ, eiusq; ignem accendunt ita & taliter, ut non rarò difficulter & non nisi magno lachrymarum imbre possit extinguì.

§. 3. De Modo exercendi dictam Disciplinam circa Talem.

Modus exercendi prædictam disciplinam duplex. Alter interior. Alter exterior ex *Dino Antonino In summa* 2. p. tit. 5. cap. 5. §. 3.

Interior est huiusmodi. Quando superuenit tibi suggestio & tentatio tangendi personam aliquam in aliqua parte corporis eius, ad quam personam tangendam impelleris carnali quadam affectione & propensione vel propter illius speciem, vel propter quodcunq; aliud naturæ donum; vel saltem propter sympathiam quamdam; aut reciprocum amorem; tunc non debes acquiescere & sequi illum impulsus. Dicit enim B. Iacobus Apostolus. *Resistite Diabolo & fuget à vobis.* Ratione reddit Diuus Chrysostomus; quia Diabolus debilis est hostis; qui non vincit nisi violentem. Vnde & Phil. 3. Eth. vocat peccatum intemperantiæ (quale est peccatum libidinis & concupiscentiæ) vocat, inquam; peccatum puerile. Et meritò quidem; quia sicut puer, si in sua voluntate dimittatur, crescit in propria voluntate: Vnde in Ecclesiastico dicitur. Equus indomitus euadit durus, & filius remissus euadit præceps: ita concupiscentia si ei satisfacit, accipit maius robur. Et quemadmodum puer emendatur per hoc quod coercetur: Vnde in Prouerbijs. Noli subtrahere à puero disciplinam, tu virga percuties eum, & animam eius ab inferno liberabis: ita quando concupiscentia coercetur, reducitur ad debitum honestatis modum. Et hoc est quod Magister intendit in lib. 6. Miscell. cum ait quod mente in spiritualia suspensa atq; ibi fixa & manente, & concupiscibilis .i. concupiscentiæ carnalis impetus frangitur, & paulatim repressus extinguatur; maior enim erat cum sequeremur, non omnino nullus sed & minor cum refrænamus. Hinc Philosophus 3. Eth. ait quod quemadmodum puer debet secundum podagogi præcepta viuere; ita concupiscibile consonare rationi. Et hic est modus interior exercendi disciplinam prædictam.

Ext-

Exterior Modus adhuc est triplex ducta similitudine ab igne, cui comparatur carnalis concupiscentia. Ad expellendū enim, aut saltem minuendum ignis calorē in aliqua re triplex modus inuenitur nempe; Vel per aquæ frigida superrefusionē; Vel per lignorum subtractionem; Vel per elongationem ab igne. Exemplum est manifestum in olla ebulliente apud ignem quæ si ita ebulliat vt humor in illa contentus superfluat, aliquis ex his tribus modis adhibetur, scilicet Vel frigida superinfunditur, Vel ligna submouentur; Vel ipsa olla ab igne elongatur. Ita planè quando mens interius feret concupiscentiæ calore ita ut substantia & humor diuinæ gratiæ, cælestiumq; virtutum euanescat, ista tria debent adhiberi; Vel frigidam superinfundere; Vel ligna subtrahere; Vel ollam ab igne elongare.

Primus modus exterior est ad aquam recurrere, & quidem triplicem, videlicet ad aquam lachrymarum & compunctionis; ad aquam laboris & afflictionis; & ad aquam sacrarum scripturarum & diuinæ lectionis. Primò igitur recurrendum est ad aquam compunctionis considerans infirmitatem tuam & periculum, quod tibi imminet, & deuotè poscens diuinum auxilium. *Vt sciui* (dicitur *sa. cap. 8.*) *quoniam aliter non possum esse continens, nisi Deus det; & hoc ipsum erat summa sapientia scire cuius donum esset, adi Dominum & deprecatus sum illam.* Nec tamen ex hoc potest se excusare incontinens, quod continere non possit nisi Deus dederit; sicut nec etiam excusatur peccator ex hoc quod perseuerat in aliquo peccato cum inde non possit recedere per penitentiam nisi Deus infundat gratiam: quia vt dicit *Diuus Thomas.* Deus nulli gratiam subtrahit facienti quod in se est; sed semper paratus est infundere se præparati. Sic & continentia donum à Deo datur cum quis & per orationes & per subtractionem occasionum illud querit. Et de hoc potest intelligi illud *Psalmi 73. Confregisti capita draconum in aquis.* 1. principia tentationum carnalium quales sunt tactus, in aquis.

Quod si aqua hæc non est satis addatur secunda aqua ali-

N

cuius

cius corporalis afflictionis, & laboris carnē affligendo ut periculum non sequatur. Sic Diuus Benedictus cum vehementer tentaretur in solitudine proiecit se nudum inter vepres & verrucas, & dolore corporis abstulit vulnus mentis. Sic B. Franciscus tentatus concupiscentiā cum non sufficeret flagellis se cedere ad temperandum ardorem, nudus stetit inter niues formando de illis uxorem & filios &c. Sic B. Bernardus in aquā gelidam se aliquando immisit ad comprimendum calorem huiusmodi. De quodam etiam Monaco iuvene narrat B. Hieronymus quod cum fortiter tentaretur de similibus; nec vigilijs iuuaretur ad depellendum tentationis impulsus; tandem Abbas monasterij hoc remedium adinuenit. Præcepit alijs suis Monacis ut quotidie aliquis ex ipsis diuersas molestias & contumelias tentato Monaco irrogarent; & ultro apud Abbatem accusarent illum se ab ipso esse diuexatos. Quod cum per aliquot dies factum esset post aliquod temporis spatium interrogauit eum Abbas quomodo se haberet circa illas antiquas tentationes. Cui respondit. Pater mi. Mihi viuere nō permittitur & quomodo luxuriari conceditur? Atq; per hunc modum afflictium & mortificatium de illa tentatione est liberatus.

Tertia aqua exstinguens vel temperans ardorem concupiscentiæ est lectio & meditatio diuinarum scripturarum; de qua D. Hieronymus Epist. ad Nepot. *Amas scripturarum studia, & carnis vitia non amabis.* Et sapiens. *Vigilia honestatis (idest studia honesti) tabefaciet Carnes.* In diuinis enim scripturis continetur quā detestanda sit concupiscentia cum suis actibus propter seditatem, vilitatem, breuitatem, indignitatem: quā nociua propter infinita propemodum mala, quæ ex illa proueniunt tū in anima, tū in corpore; tū in fama, tū in bonis: quā deniq; comprimenda, & fugienda propter finem ad quem deducit qui est gehenna; nam concupiscentia cum conceperit parit peccatum; peccatum verò cum consummatum fuerit generat mortem.

Secundus modus exterior est subductio, & subtractio lignorum. Si enim appositio & additio lignorum auget ignem, auget

get calorem; e contrà illorum imminutio imminuit ignem, imminuit calorem. Ista ligna sunt cibi & potus: qui non solum ratione quantitatis, sed etiam ratione qualitatis incendunt ignem noxiæ concupiscentiæ; tantòq; vehementius quanto cibaria sunt delicatiora, magisq; nutritiva. Hinc Apostolus scribens ad Corinthios, volensq; eos hortari ad Castitatem, ceterasq; virtutes præmittit ieiunium Castitati dicens. *Exhibeamus nosmetipsos sicut Dei ministros in ieiunijs in Castitate, &c.* Quia reuera abstinencia ciborum plurimum conducit ad continentiam; quemadmodum illorum abundantia est fomen libidinis. *Sine Cerere & Baccho friget Venus* iuxta commune adagium. Et Christus Dominus apud Mattheum 17. *Hoc genus demoniorum, (i. tentatium de libidine) non ejicitur nisi in oratione & ieiunio.* Et propterea in ieiunijs ab Ecclesia in dictis interdicitur omnis esus carnum; & in ieiunio quadragesimæ etiam esus lacticiniorum, eorum & casei ut patet in sacris sanctionibus præsertim *cap. deniq; aut. 4.* & ratio est, quia huiusmodi cibaria sunt magis nutritiva & per consequens incentiva libidinis, contra quam sunt instituta ieiunia. Quod autem vinum sit excitativum carnis concupiscentiæ experientia ipsa ostendit plusquam satis; & Spiritus Sanctus in Proverbijs 29. testatur dicē. *Luxuriosa res est vinum.* Unde Apostolus omnes admonet dicens. *Nolite inebriari vino in quo est luxuria.* Quam doctrinam bene tenens Hieronymus, illi se subscribit dicens. *Venter vero astutus, facile despumat in libidines.* Hinc in Proverbijs 29. *Qui delicate paverit servum suum in fine sentiet eum contumacem.* Servi autem est Corpus. Qui ergo vina pretiosa, & lautiores epulas exquirunt; & corpus suum delicate in omnibus nutriunt; ne mirentur hanc incentiva luxuriæ patiantur. Sed non excitationem habent; quia non remouent occasionem sui incendij; licet qui videret domum suam arde- re; & nihilominus materiam combutibilem apponeret; certe si is diceret sibi displicere incendium non haberet credentem quia sibi est in causa: ita in re proposita.

Tertius modus exterior est elongatio ab illis Personis, & lo-

cis, & Rebus, & Actionibus, quæ dant, vel dare solent aut possunt motuum tentationis. Ideò Apostolus 1. ad Corinthios 6. *fugite fornicationem*. Vbi ait *Ambrosius*. [Cum alijs vitijs potest expectari conflictus, hanc fugite ne approximatis, quia non potest aliter melius vinci.] Ratio huius esse potest; quia huiusmodi delectationes in particulari consideratæ nimis excitant & incitant concupiscentiam ad se; materiæ autem aliorum vitiorum consideratæ parum vel nihil mouent, præcipuè illos, qui non sunt addicti illis vitijs; nam exempli gratia qui nō est addictus vitio auaritiæ cogitando de vsuris, de simonia, de furto, de fraude à se vel ab alijs commissæ non mouetur nec inclinatur ad obiecta cogitata: sed castus, pudicus, & honestus recogitando turpia à se vel ab alijs perpetrata (etiam si bona intentione recogitet) sentit aliquam carnis titillationem; & aliquando etiam fortiter tentatur. Et ideò nō debet quis absq; magna necessitate talibus mentem occupare; & si quando necessitas adest puta per lectionem, studium, concionem, auditionem confessionum & similium; tunc procedendum cum magna rationis vigilantia ne caro, quæ videbatur mortua, his rebus reuiuiscat. Ideò optimè Apostolus. *Fugite fornicationē*. Cum ergo tētatur quis erga aliquā personā melius certè remediū adinuenire nō potest quā elōgare se à cōuictu & conuersatione illius quantum honestè & sine aliorum notā fieri potest. Vnde & illa mala fœmina quæ oculos iniecerat in Ioseph victa concupiscentia eius, cum à casu aliquando solus Ioseph sine arbitris. i. alijs domesticis intrasset in aliquam partem domus vt operis quippiam faceret, ausa fuit illa tenere eum per claudem vt secum rem haberet: At ille opitulante sibi gratia diuina cernens periculum non immoratus est verbis resistens, sed illico è manibus illius se præripiens, & fugiens dimissa claudem foras exiuit. Hinc benè *Isidorus relatus cap. valet dist. 81*. [Congruum est inde corporaliter euelli vbi quis illecebris deseruiuit. Nam locus, vbi aliquis prauè vixit, memoriæ representat quicquid ibi vel cogitauit, vel dixit, vel gessit.] Nemo debet viribus suis fidere. Homo in sacris literis vocatur fœnum, palca,

palea, stuppa. *Homosicut fenum dies eius* Psal. 103. *Stuppa collecta synagoga peccantium, & consumatio illorum flamma ignis.* Eccl. 21. Sed quæ securitas esse potest stuppæ vel paleæ iuxta ignem? Exemplum notabile in Dialogis Sancti Gregorij legitur, Dial. 4. cap. 11. De illo Presbytero Sācto vxorato; qui vxorem, quam ante suam promotionem susceperat, à se remotam habebat. Hic igitur cum esset iam senex in operibus pietatis & in sanctitate iam veteranus, constitutus in extremis adeò vt nec halitus videretur esse amplius in illo, clara voce dixit vxori, quæ accesserat vt videret an expirasset necne; & os suum ori illius admouerat vel sic aliquem halitum sentiret de eo exire; dixit, inquam, Adhuc igniculus est (scilicet in corpore) tolle paleam. Quod illa intelligens se inde remouit. Quo peractò haud multò post clamare cæpit. Benè venerint Domini mei, vt quid ad misellum hunc seruulum venistis (loquebatur de SS. Apostolis Petro, & Paulo) Ecce venio, Ecce venio: & sic cum eis in cælum conscendit. Quapropter omnes Sācti Patres singulare præsidium contra cōcupiscentiæ carnalis tentationes communiter asserunt fugam occasionis Hinc illa pulcherrima Carmina Alani de planctu metro 3.

*Si vitare velis venerem, loca tempora vita;
Nam locus & tempus pabula prabet ei.
Si tu persequeris sequitur; fugiendo fugatur;
Si cedis cedit; si fugis illa fugit.*

§. 4. De Varijs exemplis quibus ostenditur quanti facienda sit disciplina Tactus.

ET primò se offert strenuissimus ille Heros Godefridus Bul-
lonius qui Hierusalem ciuitatem è manibus Saracenorū
liberauit. Hic interrogatus aliquando unde ei tantum robur
in lacertis, & manibus vt hostes etiam armatos posset gladio à
vertite ventrem vsq; dissecare, dextram protulit & dixit. Huc
vsq; manus ista ab omnibidinoso cōtactu sese cōtinuit. Rectè
fanè; quia si digni sunt in quos prodigiosè nonnunquam
ani-

animaduertat Deus qui lingua vel alijs membris suis abutuntur, vt Nicanor cuius dextra exaruit quam superbè extendebat. Et Ieroboam eadem mulctatus pœna propter minas manu intentatas Prophetæ Domini. Quid mirum castas interdum manus prodigiosè roborari?

Narrat B. Gregorius Turonensis Episcopus Sanctum Sacerdotem Nicerium, qui post fuit Lugdunensis Episcopus, tantæ puritatis cultorem extitisse, vt non modò alijs iugiter prædicaret, & à polluto tactu, & à verbis obscænis esse desistendum; sed & ipsemet formidaret etiam infantium membra nudis manibus contingere: & si quando ratione officij tangere deberet, non nisi veste interiecta attingebat. Sciebat nimirum à quouis carnis tactu aliquantam capi voluptatem licet non admodum illicitam, vt tantò longius abesset à tactu culpabili.

Cum quidam familiaris B. Mariæ d'œgnies amicus ex nimio spiritualis affectionis excessu manum eius aliquando stringeret, licet casto animo nihil turpe cogitaret, sensit tamen ex illa nimia vicinitate primos motus insurgere. Cuiq; illa prorsus hoc ignoraret audiuit vocem ab excelsis scilicet. Noli me tangere, nec tamen illa intellexit quid significaret. Deus enim mitis & nostris infirmitatibus compatiens noluit illum coram sancta muliere verecundia confundere: volebat tamen tanquam zelotes amicæ suæ castitatem custodire, & illam propter innumera pericula castigare. Vnde cum illa diceret ei. Audiui nunc quamdam vocem sed quid significet prorsus ignoto. Noli me tangere. Ille quid hoc esset intelligens, & sibi de cætero diligentius cauens, & Domino qui eius infirmitatem detegere noluit, gratias agens recessit.

Gebhardus Abbas ex Canonico Monachus Hissaugiensis factus cum sanus & incolumis aliquamdiu inter fratres laudabiliter conuersatus fuisset, vt patientia eius coram omnibus probaretur in grauissimum languorem incidit itaut membris omnibus penè resolutis manum ad os non valeret porrigere, nec de vno latere in aliud sine aliorum adiutorio se mouere,

Hac

Hac infirmitate plus integro anno miserabiliter sed cum multa patientia agrotauit quousq; misericors Deus vires ei restituit manducandi, sedendi, legendi, & in scamniolis super terram instar paruulorum reptandi: præter enim linguam hætenus nullum membrorum suorum mouere potuit. Quadam verò die vir Domini Vuilelmus Abbas cellam ægotantis ingreditur, & vt vsum vel dexterę manus à Domino precibus deuotis peteret Gebhardum iacentem exhortatur. Renuit ille cum summa detestatione, confirmans se corporis salutem omnino paripendere, vt benè decocta scorea purgatus posset ad Deū peruenire. Pius autem pater misericordia motus dexteram illius apprehendens benedixit, orat, deosculaturq; eum, & pristinæ sanitati cernentibus cunctis subito restituit. Post paucos verò dies vxor fratris ipsius Gebhardi ad eum gratia visitationis cum familia multa aduenit, ad quam in sella portatus gestatoria cū inter loquendum brachij sui miraculosam sanitatem proferret in medium, illa dexteram ipsam sanatam muliebri affectu quasi sanctificatum quippiam deosculatur. Et ecce brachium ipsum miraculosè sanatum mox ad tactum fæminæ quamuis deuotæ, miraculosius ad pristinam rigiditatem reuertitur. At ille dissimulato quod acciderat, germani salutata vxore, ad cellam suam reportari se fecit: Vuilelmus autem Sanctissimus pater discens in Spiritu Sancto quod accidit mox ad cellam ægotantis venit dicens: Hæc est pæna temeritatis tuæ frater, qui manum Deo consecratam, ipsiusq; miseratione sanatam, fæminæ gloria tactus inani dedisti osculandam. Admonitus deinceps ne simile feceris esto: iterumq; apprehendens ipsum brachium sancta sua benedictione sanauit, quem totum non multò post orationibus suis ad pristini status valetudinē reduxit. Veruntan en ex ea infirmitate quoad vixit semper vno pede claudicauit quatenus memor eorum quæ sustinuerat amplius non peccaret: nani cum esset vir tam generis nobilitate clarus, quàm ingenij acrimonia sublimis, animiq; constantia, sapientia, scientia, & eloquentiæ singulari prærogatiua insignis, & magnæ quoq; in seculo reputationis, pia Domini castiga-

stigatione flagellatus est, ne fortè omnibus succedentibus prosperè mens in elationis orcum laberetur.

Quid virò coniugali propter inhonestos contactus in Cameracensi Civitate sub venerabili Rogero eiusdem loci Episcopo acciderit accipe. Virum quemdam fuisse percepimus, qui tali vitio subiacebat ut non ei sufficeret delectatio coitus cum vxore, quin etiam eam contrectationibus illicitis molestaret. Ergo nocte quadam vxore reclamante, Deiq; vindictam imprecante, maritus perpetrato violenter scelere, ad ventris officium surrexit, mox autem soluto ventre per secreta naturæ in cloacam eius viscera descenderunt. Nec mora, clamans reportatur ad lectum, & publica voce confessus cum dirissimo manuum cruciatu, quas, quasi ignibus vrerentur, abscindi petijt, in horam die tertiam expiravit. Vide igitur quàm digna tali operi vindicta illata sit. Si ergo viri flagitium cum vxore tanta animaduersione punitum est, quid illi sustinebunt qui vel cælibes vel castitatem professi, huiusmodi tentant? *Prædicta exempla habet Daumontius, flor. exempl. cap. 6. tit. 48.*

C A P V T S E P T I M V M.

De Disciplina circa ornatum, & vestitum.

Apostolus Paulus scribens ad Timotheum, & in illius persona omnes Ecclesiasticos instruens inter ea, quæ requirit in illis est ornatus dum dicit oportet Episcopum esse sobrium, prudentem, ornatum &c. Porro hic ornatus non solum debet esse interior in anima, qui consistit in virtutibus, & vitæ sanctimoniam, de quo nos tractauimus in prima parte huius operis per totam, & de quo ornatu loquitur S. Hieronymus scribendo ad Nepotianum his verbis. [Vis scire quales Deus querat ornatus? habeto iustitiam, temperantiam, prudentiam, fortitudinem; nihil enim hoc monili pretiosius, nihil hac gemmarum varietate distinctius; hæc enim ornamenta tibi sunt & scuta,] Ita Hieronymus. Sed etiam debet esse

esse ornatus exterior, qui consistit præcipuè in quatuor videlicet in cibo, in potu, in habitu, in incessu. De disciplina in cibo & potu egimus suprâ cap. 5. & etiam in prima parte dist. 2. cap. de remouendis comessationibus & ebrietatibus. De incessu tractabimus cap. seq. De habitu in hoc loco. Et quia habitus Ecclesiasticorum potest attendi circa duo, nimirum circa tonsuram, & circa vestes, idcirco primò videndum qualis debeat esse tonsura Ecclesiasticorum. Secundò quales debeant esse vestes tum eorum qui sunt in dignitatibus, tum eorum qui sunt in minoribus constituti. Tertiò In quibus casibus liceat recedere ab habitu ipsorum ordinariò. Quartò de quibusdam exemplis.

S. 1. *An & quomodo Ecclesiastici debeant ferre tonsuram.*

Tonsuræ nomine intelligimus coronam factam per ablationem capillorum, quam Ecclesiastici gestare debent in vertice capitis maioris vel minoris rotunditatis iuxta cuiusq; gradû. Coronæ vsus antiquissimus est in Ecclesia, vt latè probat *Valentia relatus ab Augustino Barbosa de officio Episcopi*. Et adeò antiquus vt ab ipso met Diuo Petro Apostolorum Principe originem habuisse asserat Beda, qui Sanctus Apostolus fertur coronam Capillotum gestasse toto reliquo capite deronso, idq; in memoriam spinæ coronæ Iesu Christi Domini Nostri. Hinc Sanctus Isidorus verè Apostolorum esse institutum inquit libro de officijs. Illud tamen est certum & in confesso apud omnes tonsuram primò fuisse ordinatam & præscriptam Ecclesiasticis omnibus à S. Aniceto summo Pontifice & Martyre, vt habetur in cap. *prohibete dist. 23. his verbis*. [Prohibete fratres per vniuersas regionum vestrarum Ecclesias vt Clerici iuxta Apostolum comam non nutriant; sed desuper caput in modum spheræ radant.] Postea idem statutum fuit à Concilio Cartaginensi vt habetur in cap. *Clericus de vita & honestate Clericorum sic*. Clericus neq; comam nutriat neq; barbam.] Post modum ab Alexandro. 3. Pontifice vt habetur *ibid. cap. Clericus his verbis*. [Clerici qui comam nutriunt &

O

bar-

barbam etiam inuiti à suis archidiaconis tondeantur.] De usu abradendi barbam & caput in modum coronæ seu circuli latè Baronius & alij auctores citati à Barbosa.

Quamobrem cum hoc institutum habendi Coronam in capite modo suprâ explicato sit antiquissimum; & per sacras sanctiones tam sæpius repetitum & præscriptum, mirum quomodo reperiantur Ecclesiastici ad eam suæ conditionis, status & dignitatis obliti, ut Coronam prædictâ in capite habere non conentur? Videntur quodammodo erubescere, si tam nobile suæ fortis, & gradus, & electionis signum præferant. Caveant ne super illos cadant illa verba Christi Domini Luc. 9. [Qui me erubuerit & meos sermones, hunc filius hominis erubescet cum venerit in maiestate sua & Patris, & Sanctorum Angelorum.] Quis non miretur? dicam melius quis non tristetur, & tabescat videre aliquos (ut ipse in quadam Europæ regione ingemiscens vidi) qui ut liberius possint laicorum & vitam & mores exercere, dedita opera coronam non gestant? Quid sæpius inveniri Sacerdotem in Altari coma militari ornatum, quem verius appellares militem quàm Sacerdotem? Nec mirum, quia statim ab Altari redeunt ad mundanas ineptias; & quia non possunt tam faciliè coronam deponere sicut casulam & albam, & reliqua sacra indumenta; nolunt illam omnino gestare ne agnoscantur inter laicos Ecclesiastici. O tempora. O mores. Videant hi, quicunq; illi sunt, ne graviter ipsis irascatur Dominus, & Angelus eius, qui graviter iratus fuit Moyfi eò quod signum Circūcisionis neglexerat in filio; quod erat signum distinctionis populi Dei à reliquis infidelibus. Profectò cum illa Corona indicet consortium regię dignitatis cum Christo, cuius per Sacerdotium iam participatio donatur; nunquam deberemus illius obliuisci; quin potius deberet esse nobis stimulus continuus, ut regio ac excelso animo infima & terrena hæc omnia despiceremus, & ad æternum regnum adspiraremus. Nam ut benè ait Pater Ballarinus ex nostris in suo opere de Doctrina Concilij Tridentini. Corona Clericalis significat primò Spineam coronam Capiti Christi impositam ut
Cler.

Clerici moneantur debere ipsos semper ante se gerere speciem & figuram Christi. Secundò regiam dignitatem, quæ Clericis conuenire videtur. Terriò perfectionem vitæ ad quam Ecclesiastici anhelare debêt; figura enim circularis perfectissima est. Sit igitur Ecclesiasticis pia & Sancta sollicitudo non nutriendi comam more faminarum vel militum; sed potius studium resecandi sibi crines & capillos, & simul cum eis superfluas cogitationes, curas, affectiones nimis terrenas, inanes, & luxuriantes. Studeant gestare coronam in capite in continuam Domini Nostri Iesu Christi memoriam, in argumentum suæ dignitatis; deniq; in stimulum ad Christianam perfectionem, quam nobis concedat Deus, qui est benedictus in secula.

§. 2. De Habitu externo Ecclesiasticorum qualis debeat esse.

Non est nobis sermo de vestibus sacris, quibus indui debent Ecclesiastici in sacris peragendis; sed de vestibus, quibus induuntur in communi conuiuio, & conuersatione inter alios. Hæc autem indumenta non sunt prorsus eadem omnium; nam quædam conueniunt Ecclesiasticis in dignitate constitutis, quales sunt Cardinales, Episcopi, cæteri; Prælati: quædam cæteris in inferiori gradu positis. Itaq; videntur breuiter. Primò de vestibus Cardinalium, & Episcoporum. Secundò de vestibus aliorum.

Primò igitur quod attinet ad Cardinales. Cum hi obtineant supremum in Ecclesia Dei gradum post summum Pontificem, conuenit illis splendor quidam, ornatus, & maiestas externa vt eorum dignitas magnificat. Est enim valdè proprium humanæ naturæ à sensibilibus moueri vt docent Philosophi, taleq; iudicium formamus de re aliqua interius, qualis illa apparet exterius, nisi intellectus aliunde corrigatur. Vt igitur populi intelligant quanta Cardinales & Prælati dignitate præfulgeant, datur illis ornamentum exterius in veste purpurea atq; hiacintina. Nec refert quòd Apostoli tali externo apparatu vti non fuerint, immo potius in paupertate, in fame & siti, in frigore &

barbam etiam inuiti à suis archidiaconis tondeantur.] De usu abradendi barbam & caput in modum coronæ seu circuli latè Baronius & alij auctores citati à Barbosa.

Quamobrem cum hoc institutum habendi Coronam in capite modo suprà explicato sit antiquissimum; & per sacras sanctiones tam sæpius repetitum & præscriptum, mirum quomodo reperiantur Ecclesiastici adeò suæ conditionis, status & dignitatis obliti, vt Coronam prædictā in capite habere non conententur? Videntur quodammodo erubescere, si tam nobile suæ sortis, & gradus, & electionis signum præferant. Caucant ne super illos cadant illa verba Christi Domini Luc. 9. [Qui me erubuerit & meos sermones, hunc filius hominis erubescet cum venerit in maiestate sua & Patris, & Sanctorum Angelorum.] Quis non miretur? dicam melius quis non tristetur, & tabescat videre aliquos (vt ipse in quadam Europæ regione ingemiscens vidi) qui vt liberior possint laicorum & vitam & mores exercere, dedita opera coronam non gestant? Quid sædius intueri Sacerdotem in Altari coma militari ornatum, quem verius appellares militem quàm Sacerdotem? Nec mirum, quia statim ab Altari redeunt ad mundanas ineptias; & quia non possunt tam facilè coronam deponere sicut casulam & albam, & reliqua sacra indumenta; nolunt illam omnino gestare ne agnoscantur inter laicos Ecclesiastici. O tempora. O mores. Videant hi, quicumq; illi sunt, ne grauius ipsis irascatur Dominus, & Angelus eius, qui grauius iratus fuit Moyse eò quod signum Circūcisionis neglexerat in filio; quod erat signum distinctionis populi Dei à reliquis infidelibus. Profectò cum illa Corona indicet consortium regis dignitatis cum Christo, cuius per Sacerdotium iam participatio donatur; nunquam deberemus illius obliuisci; quin potius deberet esse nobis stimulus continuus, vt regio ac excelso animo infima & terrena hæc omnia despiceremus, & ad æternum regnum adspiraremus. Nam vt benè ait Pater Ballarinus ex nostris in suo opere de Doctrina Concilij Tridentini. Corona Clericalis significat primò Spineam coronam Capiti Christi impositam vt

Etc.

Clerici moneantur debere ipsos semper ante se gerere speciem & figuram Christi. Secundò regiam dignitatem, quæ Clericis conuenire videtur. Terriò perfectionem vitæ ad quam Ecclesiastici anhelare debêt; figura enim circularis perfectissima est. Sit igitur Ecclesiasticis pia & Sancta sollicitudo non nutriendi comam more sæminarum vel militum; sed potius studium resecandi sibi crines & capillos, & simul cum eis superfluas cogitationes, curas, affectiones nimis terrenas, inanes, & luxuriâtes. Studeant gestare coronam in capite in continuam Domini Nostri Iesu Christi memoriam, in argumentum suæ dignitatis; deniq; in stimulum ad Christianam perfectionem, quam nobis concedat Deus, qui est benedictus in secula.

§. 2. De Habitu externo Ecclesiasticorum qualis debeat esse.

Non est nobis sermo de vestibus sacris, quibus indui debent Ecclesiastici in sacris peragendis; sed de vestibus, quibus induuntur in communi conuinctu, & conuersatione inter alios. Hæc autem indumenta non sunt prorsus eadem omnium; nam quædam conueniunt Ecclesiasticis in dignitate constitutis, quales sunt Cardinales, Episcopi, cæteri; Prælati: quædam cæteris in inferiori gradu positis. Itaq; videndum breuiter. Primò de vestibus Cardinalium, & Episcoporum. Secundò de vestibus aliorum.

Primò igitur quod attinet ad Cardinales. Cum hi obtineant supremum in Ecclesia Dei gradum post summum Pontificem, conuenit illis splendor quidam, ornatus, & maiestas externa vt eorum dignitas magnificat. Est enim valdè proprium humanæ naturæ à sensibilibus moueri vt docent Philosophi, taleq; iudicium formamus de re aliqua interius, qualis illa apparet exterius, nisi intellectus aliunde corrigatur. Vt igitur populi intelligant quanta Cardinales & Prælati dignitate præfulgeât, datur illis ornamentum exterius in veste purpurea atq; hiacintina. Nec refert quòd Apostoli tali externo apparatu vsi non fuerint, immo potius in paupertate, in fame & siti, in frigore &

nuditate vitam duxerint. Hæc enim fuit certa quædam ratio illorum temporum, quando Ecclesiæ fundamēta ponebantur; decebat ut hi, qui electi erant ad Crucis exaltationem, & Euangelij propagationem, pauperes, debiles, inermes, obscuro, & idiotæ essent & nullis humanæ pompæ subsidijs inniterentur; ne orbis conuersio humanæ potentiæ & sapientiæ adscriberetur; quia ut dicit Apostolus. 1. Cor. 1. *Non multi sapientes secundum Carnem, non multi potentes, non multi nobiles; sed quæ stulta sunt mūdi elegit Deus ut confundat sapientes; & infirma mundi elegit Deus ut cōfundat fortia; & ignobilia mundi & contemptibilia elegit Deus & ea quæ non sunt, ut ea quæ sunt destrueret; ut nō gloriatur omnis caro in conspectu Dei.* Quamuis autem Apostoli & prima Ecclesiæ fundamenta non præditi essent nobilitate, sapientia, & potentia huius seculi; nihilominus habebāt pro nobilitate mundi gratiam Spiritu Sancti, quæ pleni erant; & virtutes cælestes, quibus erant instructi; pro sapientia humana sapientiam diuinam, quæ se ornatum dicebat Apostolus cum 1. Cor. 2. ait. *Sapientiam autem loquimur inter perfectos, Sapientiam verò non huius seculi neque principum huius seculi qui destruuntur; sed loquimur Dei sapientiam in mysterio &c.* Pro potentia vero huius seculi habebant miracula, quibus præesse se ostendebant non hominibus modò sed ipsis elementis & ipsimet naturæ. His igitur præfidijs instructi Apostoli venerationem sibi apud populos conciliabant. Vnde in actis Apostolorum legimus. *Magnificabat eos populus cæterorum autem nemo audebat se coniungere illis.* Nunc autem cum Ecclesia satis fundata & propagata sit, & signa cessarint; nisi aliquid esset quòd hominum oculos suspensos teneret, nulla esset reuerentia & auctoritas Præsulum; & ipsa Ecclesiæ debita obedientia facile corrueret & ad nihilum redigeretur. Hæc igitur de causa optimo consilio institutum est ut Cardinales cæteriq; Ecclesiæ Præsules exterioribus etiam fulgeant ornamentis.

Adde quòd non ambitionis & elationis argumentum; sed ad sacræ significationis mysterium color purpureus & hyacinthinus in sublimi constitutis dignitate conceditur. Purpura enim

enim ornamentum est regium, & huiusmodi colore utuntur Reges; significat ergo Dei ministros, eiusque in terris locumtenentes, quales sunt Præsules, excelso regioque animo præclaros esse debere ad sublimia quæque pro Dei honore & gloria perpetranda. Color etiam hiacinthinus similis est colori cælesti ad præmonstrandum debere Ecclesiasticos terrena quæque pessundare & sola cælestia intendere, & quamvis corpore in terris habitent, corde tamen in Cælis fixos esse debere. Vnde Ecclesiæ tanquam sponsæ Christi dilectæ calceus hiacinthinus assignatur apud Ezechielem. 16. Calceavi te hiacinthino seu ut alij legunt ianthino. i. Calceo iacinthini seu violacei seu cælestis coloris (pro eodem enim hæc tria sumuntur) quo calceo in cælestibus perambulet, & lunam. i. omnia mutabilia, & terrena conculcet. Per purpuram etiam & iacinthum significatur quod hi primarij Ecclesiæ Senatores, dico Cardinales, sint veluti Reges iuxta illud Diui Petri. *Vos autem genus electum, regale Sacerdotium*. Et sint regnum Sacerdotale Christi, quem præ oculis semper habere & imitari debent, ut quemadmodum ille in passione purpuram induit, & seipsum ac Ecclesiam suam sponsam dilectam pretioso suo sanguine purpuravit; ita & ipsi pro Christo & pro Ecclesia certent usque ad mortem; & si necessitas postulet ipsum etiam sanguinem libenter profunderent sint parati. Ut igitur huius constantiæ, huius charitatis, & huius in subeundo etiam martyrio si opus fuerit, promptitudinis quam debent habere, moniti essent Cardinales, ideò Paulus huius nominis secundus, Pontifex Maximus anno Domini 1464. cui Platina à secretis fuit, vestem purpuream Cardinalibus primus concessit; quemadmodum ante eum Innocentius, huius nominis quartus, etiam Pontifex Maximus eisdem Cardinales galero rubro primitus insigniuerat ut illi tunc intelligerent se debere esse paratos vnà secum ad fortiter resistendum Friderico secundo Imperatori hosti Ecclesiæ acerrimo, & si opus esset etiam ad sanguinem effundendum.

Itaque Cardinales utuntur prædictis duobus coloribus purpu-

pureo seu rubro: et hiacintino seu violaceo seu Cēlesti: exceptis tamen Dominica tertia Aduentus, & Dominica quarta Quadagesima, quibus diebus vtuntur colore rosaceo nempe rosarū exsiccatarum. Cæterum qualitas vestium quoad materiam, vt plurimum dictę vestes conficiuntur vel ex panno grauiori; vel ex lana leuiori quā saiettam vocant idq; tempore hyberno: tempore æstiuo vel ex camelotto vndato, vel ex serico vndato vel sine vndis arbitrio ipsorum dummodo sit sericum simplex nempe armesinum seu tabinium; non autem ex raso, aut olisericō quod vellutum vulgariter dicunt. Hoc autem intelligendum est de Cardinalibus qui non sunt assumpti ex Regularibus; nam Regulares non solent vti vestibus sericis; neq; mutant colorem sui ordinis; excepto birreto quod concessit illis Gregorius huius nominis 14. summus Pontifex: & excepto etiam galero; hæc enim duo sunt rubra. Quibus autem temporibus Cardinales rubro aut violaceo colore in vestibus vti debeant; & quando equitent simul Pontificaliter seu solemniter fuit latè prouisum per Clementem huius nominis octauum Pontif. Max. & per Sacram Congregationem Rituum; & iterum dilucidius per Paulum quintū & per eandem Sac. Cong. vt in libello Romę impresso in Tipographia Reuerendę Camerę Apostolicę anno 1618. & testatur Barbola.

Secundò quod attinet ad vestes aliorum Ecclesiasticorum, Commendatur in illis mediocritas cum honestate coniuncta, quæ nihil vanitatis, nouitatis, & superfluitatis redoleat. Quæ de re sic statuit. *Conc. Tridentinum*. [Oportet Clericos vestes proprio congruentes ordini semper deferre, vt per decentiam habitus extrinseci morum honestatem intrinsecam ostendant.] Cui cōformiter loquuntur Concilia alia, & Canones antiqui; nam *cap. Clerici 23. dist. sic habetur*. [Vestimenta etiam vel calceamenta clericis nisi quæ religionem deceant, vti, aut habere non liceat.] Et *cap. fin. dist. 41*. [Clericus professionem suam, & habitum, & incesum probet; & ideo nec vestibus, nec calceamentis decorem quærat.] Et *21. q. 4. cap. 1*. [Omnis iactantia, & ornatura Corporalis à sacro ordine aliena est; eos ergo

go Episcopos, vel Clericos, qui se fulgidis & clavis vestibus ornant, emendari oportet. Quod si in hoc permanserint epitimio (.i. suspensioni vnus septimanæ) tradantur. Similiter & eos qui vnguentis inunguntur.] Et *cap. 3. ibidem.* [Episcopi Presbyteri, Diaconi secularibus indumentis non vtantur nisi, vt condecet, tunica Sacerdotali: sed neq; dum ambulauerint in Ciuitate, aut in via, aut in plateis sine operimento præsumant ambulare præter si in itinere longo ambulauerint &c.] Et *cap. fin. ibidem.* [Præcipimus vt tam Episcopi, quam Clerici in statu mentis, in habitu Corporis Deo, & hominibus placere studeant, & nec in superfluitate, scissura, aut colore vestium, nec in tonsura, intuentium (quorum forma & exemplum esse debent) offendant aspectum; sed potius quod eorum deceat sanctitatem præferant. Quod si moniti ab Episcopis emendare noluerint Ecclesiasticis careant beneficijs.] Et *fusius & distinctius in cap. Clerici. De Vit. & honest. Cler.* [Clerici officia, vel Commercia secularia non exercent maxime inhonesta, mimis, histrionibus & ioculatoribus nõ intendunt: & tabernas prorsus euitent nisi fortè causa necessitatis in itinere constituti. Ad aleas & taxillos non ludant; nec huiusmodi ludis interfint. Coronam & tonsuram habeant congruentem; & se in officijs Ecclesiasticis, & alijs bonis studijs exercent diligenter. Clausa deferant de super indumenta, nimia breuitate vel longitudine non notanda. Pannis rubeis, aut viridibus, necnon manicis aut satularibus consuticijs, frænis, tellis, pectoralibus, calcearibus deauratis aut aliam superfluitatem gerentibus non vtantur. Cappas manicatas ad diuinum officium intrà Ecclesiam non gerant; sed nec alibi qui sunt in sacerdotio, & personaribus constituti, nisi iusta causa timoris exegerit habitum transformare. Fibulas omnino non ferant; neq; corrigias auri vel argenti ornatum habentes; sed nec annulos nisi quibus competit ex officio dignitatis. Pontifices autem in publico & in Ecclesia super indumentis lineis omnes vtantur, nisi Monachi fuerint, quos oportet ferre habitum monacalem: paljs difficularis non vtantur in publico sed vel post

post collum, vel ante pectus hinc inde connexis.]

Summa prædictorum in hoc consistit, quod Ecclesiastici debent cauere à duobus extremis in ornatu exteriori, nimirum primò à luxu, à superfluitate, ab excessu, qui oriri solet ex quadam animi elatione, eamq; fouet. Secundò à sordida quadam, contemptibili & abiecta ratione viuendi, & vestiendi; quod aliquando est in causa vt sacrum ministerium vituperetur. Sic incedentes inter ista duo extrema, & virtutis medium tenentes Ecclesiastici humilitatem personæ sine diminutione dignitatis & grauitatem morum sine animi elatione conseruabunt. Nemi autem dubium eise arbitror cuius longitudinis debeant esse vestes Clericorum præsertim eorum, qui sunt in sacris ordinibus constituti. Omnibus notum existimo debere esse tales scilicet dimissas vsq; ad talos; quemadmodum declarauit & sancit Sixtus. V. in sua Constitutione incipien. *Cum Sacrosanctum*, in qua ponit pœnam priuationis ipso iure beneficiorum contrà non deferentes vestes tales. Vtrum autè ad euasionem diætæ pœnæ requiratur vt omnes vestes sint huiusmodi nempe pallium & toga; an verò sufficiat vnum de duobus? in dubium vertitur apud Doctores. Pars affirmans quòd sufficiat vnum aut alterum videtur magis recepta. Ita ex sententia multorum refert Barbosa de officio & potest. Sed quod deplorandum est non pauci incedunt in veste & pallio tantæ breuitatis vt vix genua attingant; & non rarò etiam varijs scissuris superfluè & curiosè dispositis. Collaria item gestant prominentia itaut, quando accedunt ad sacrum peragendum, sit opus illa deponere ne fortè plicas contrahant & venustatè deperdant; eaq; reponunt indecenter vel iuxta altare, vel in Sacristia. Ridiculum planè hoc, & Sacerdotali statui indecorum. Certè huiusmodi vsus non fuit nec est piorum Sacerdotum; sed originem traxisse videtur à vanis quibusdam Sacerdotibus non adhuc moribus aut ætate prouectis, qui & seculo & Ecclesiæ inferuire ac placere gestiunt. Sed nemo potest duobus Dominis seruire. Non possumus Deo placere & mundo. Non possumus aulæ & altari deseruire. Igitur collaria huiusmodi

modi à mente deuotorum Sacerdotum debent penitus ablegari : & talia adhiberi ab Ecclesiasticis, vt nihil vanitatis & leuitatis sapiant , & sacrificantibus non sint impedimento.

§. 3. In quibus casibus sit licitum secedere ab ordinario habitu Clericali.

Quia Sixtus quintus in supracitata constitutione præscribit diffusè habitum Ecclesiasticum ; ideò Augustinus Barbosa ponit limitationes quasdam & casus, in quibus pœnæ sacrorum Canonum & dictæ Constitutionis non habent locum. Igitur.

Primò Excusatur Clericus qui propter paupertatem non potest sibi emere habitum sibi condecens, & qualem sacri Canonis præscribunt.

Secundò Excusatur qui ad euitandum aliquod probabile periculum habitum transformaret.

Tertiò Excusatur qui domi suæ & per consequens in occulto per aliquod temporis spatium dimittit habitum, paulò post illum reassumpturus.

Quartò Limitatur Constitutio Sixti quinti vt non procedat quando quis semel tantum habitum dimisit nisi tanto tempore in illa habitus dimissione perseneret vt publicè pro laico existimeretur.

Quintò Limitatur vt non procedat in Clerico peregrinante, seu aliàs itinerante. Licitum est enim Clericis in itinere habere vestes breuiores.

Sextò. Licitum est habitum mutare ; immo etiam deponere si ex delatione habitus Clericalis iusta esset causa timoris.

S. 4. *De Exemplis quorundam qui in moderato ornatu excellere.*

Quia exempla Sanctorum, qui fuerunt alijs norma vivendi, magis moneant; ideò pauca de istis afferemus studendo semper brevitati.

Sit igitur primum exemplum de Sancto Augustino Hippo-
nensi Episcopo & Ecclesię præclarissimo Doctore de quo scri-
bit Possidonius in eius vita quod vestis eius & calceamenta &
lectualia ex moderato & competenti habitu erant, nec nitida
nimium, nec abiecta plurimum: quia his plerumq; vel iactare
se insolenter solent homines, vel abijcere: ex utroq; non quę
Iesu Christi sed quę sua sunt iidem quærentes: At iste beatus
medium tenebat, neq; in dexteram neq; in sinistram de-
clinans.

Diuus Nicolaus creatus Episcopus Myrensis cæpit uti ve-
ste viliori & neglectiori quàm antea solebat, in qua nullus
omnino esset nitor aut fastus; sed castigatę potius humilita-
tis & modestiæ significatio: nec enim alio quouis pacto pote-
rat sapientius aut facilius Sacerdotum in vestitu luxuriam am-
putare. Et tamen tantum abfuit ut ea res aliquid illi detraxe-
rit de opinione ut etiam multum auxerit.

Recentius est exemplum Sancti Caroli Borromæi, qui inter
alia eius gesta admiranda vestibus utebatur exterius quidem
ut Cardinalis; interioribus verò ex simplici panno, & tela;
quin etiam cubicularis amictus ex panno erat cinericio, rudis,
& crasso. Quam ipsam vestem quatuordecim totis annis nun-
quam mutavit, multaq; alia eiusmodi, quę non est necesse re-
ferre quia nota sunt.

De Iuliano Cæsarino Cardinale illud memorię proditum
est ferè illum in suis vestibus cubitali, interulam intimam nō
ex lino sed ex panno gestasse, longa exercuisse ieiunia, omni-
bus sextis ferijs pane & aqua ieiunasse, quotidie Missam cele-
brasse. Deniq; ut hoc etiam addamus ita in eleemosynis pro-
fusum fuisse ut à suis alter Martinus appellaretur.

CA.

CAPVT OCTAVVM.

*De Disciplina circa Incessum & Con-
uersationem.*

Non satis est Ecclesiasticos seruare disciplinam in vesti-
tu ; nisi etiam illam seruent in incessu & conuersatio-
ne familiari. Quæ disciplina in eo sita est, vt talis sit
corporis compositio, talis incessus, talis custodia sensuum, ta-
lis gestus tales deniq; omnes nostri motus vt ædificationem
pariant in ijs, qui nos aspexerint, & nobiscum fuerint con-
uersati. Nam vt inquit sapiens. Eccl. 19. *Ex visu cognoscitur
vir, & ab occurſu faciei cognoscitur ſenſatus; amiētus corporis,
& riſus dentium, & egreſſus hominis enuntiant de illo.* Et iteū
de ſcībēs aētiones viri apoſtatæ dicit. *Homo apoſtata vir inu-
tilis graditur ore peruerſo, annuit oculis, terit pede, digito lo-
quitur.* Et *Diuus Auguſtinus relat. in §. ult. diſt 41.* [Incom-
positio Corporis inæqualitatem indicat mentis. In incessu
igitur debet eſſe quil bet Eccleſiaſticus ornatus, & disciplina-
tus, vt grauitate inceſſus mentis & morum grauitatem præſe-
ferat.] Quapropter primò videndum de motiuis inducentibus
ad diſciplinam huiusmodi. Secundò qualis debeat eſſe hæc di-
ſciplina nempe qualis inceſſus, & qualis conuerſatio Eccle-
ſiaſticorum. Tertiò à quibus debeant abſtinere Eccleſiaſtici in
conuerſatione. Quartò de nonnullis exemplis ad hanc rem
facientibus.

*§. 1. De Motiuis inducentibus ad diſciplinam circa inceſſum
& conuerſationem.*

CUm Eccleſiaſtici præſertim animarum paſtores ad hoc
ſint à Domino vocati, vt proximis ſint adiumento ad
ſalutem æternam conſequendam, vtiq; non mediocriter ſtu-
dere debent modeltiæ, compoſitioni externæ, & diſciplinæ in

incessu, gestibus, & motibus, & communi conuersatione. Atq; ad id moueri possunt multipliciter.

Primò quia sæpe in sacris literis commendatur nobis modestia. Nam Apostolus ad Galatas. 5. scribens ponit eam inter fructus Spiritus dum inquit. *Fructus Spiritus est, Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* Idem ad Philipenses. 4. *Modestia uestra nota sit omnibus hominibus.* Idem ad Colossenses. 3. *Induite vos ergo sicut electi Dei Sancti & dilecti viscera misericordie, benignitatem, humilitatem, modestiam, patientiam &c.* Et Diuus Petrus in sua prima Epistola cap. 3. *Parati semper ad satisfactionem omni poscenti vos rationem de ea, quæ in vobis est, spe; sed cum modestia & timore &c.* Et sæpius etiam alibi:

Secundò quia exterior hæc modestia & disciplina, animi ac Spiritus tranquillitatem & pacem fouet ac conseruat. Et ratio est quia vt plurimum indeuotio, dissipatio mentis, cordis distractio & interioris hominis inquietudo prouenit ex sensuum relaxatione, & ex actionum nostrarum, motuum, et gestorum inordinatione; vnde plurima intrant in animam quæ illam perturbant. Nihil enim est in intellectu, vt inquit Philosophus, quod prius non fuerit in sensu. Hinc Diuus Hieronymus super illud Iob. 38. *Nunquid aperta sunt tibi porta mortis, & astra tenebrosa vidisti?* dicit in sensu tropologico portas mortis esse sensus nostros. Dicit vocari ostia tenebrosa, quia dant ingressum tenebris peccatorum.

Tertiò quia magnam homini gratiam, beneuolentiam, auctoritatemq; conciliat apud proximos. Et hoc, propter interiorē bonitatem & sanctitatem, quam proximi concipiunt de viro modesto, composito, & in omnibus ordinato: interiora enim non vident; sed vident exteriora; & de exterioribus argumentum faciunt de interioribus. Nec falluntur, (quando hæc modestia disciplina, & morum compositio est vniuersalis in omnibus motibus, & actionibus; & est perseverans ad longum tempus & non ad horam) quia sicut vmbra sequitur corpus

pus

pus, & fumus ignem; sic homo exterior sequitur interiorem. Tunc igitur quicquid ab ore viri modesti & ad modum supra dictum compositi egreditur quasi celitus elapsum ab hominibus accipitur, cordibusq; eorum imprimitur.

Quartò quia tacita est admonitio vt in modesti componant mores suos. De Sancto Francisco legitur in Cronica Minorum, quod quadam vice socio dixerit. Eamus ad concionandum. Exiit cum socio, perambulauit ciuitatem, & nullo sermone habito iam domū redibat. Miratus socius interrogauit Patrem dicens Pater mi cur non prædicamus? Respondit tunc Sanctus. Fili iam prædicauimus. Quibus verbis innuere voluit illam compositionem, modestiam, atq; in habitu & in incessu disciplinam, qua ornati vicos & plateas obibant optimam esse concionem, quæ populum moueret ad deuotionem, ad contemptum mundi, ad compunctionem pro peccatis, & ad mentis eleuationem in Deum atq; cælestia. Nimirum quia exempla multò fortius mouent quàm verba.

Quintò Deniq; quia est inuitatio efficax ad imitationem cum ex ijs qualis quisq; sit cognoscatur vt supra innuimus. *Cicero in oratore.* [Imago animi vultus est, indices oculi.] Sed multo melius sapiens in Ecclesiastico 19. *Ex visu*, inquit, *cognoscitur vir*, (scilicet qualis sit lætus an tristis? placidus an iracundus? pudicus an impudicus? sincerus an simulator? pbus an impbus? horū enim affectuū testes sunt oculi, eorumq; aspicientibus dant significationem) & *ab occurssu faciei cognoscitur sensatus*; idest prudens ex obiecta, conspecta, & cognita facie. Et in Prouerb. 15. 27. *Quemadmodum in aquis resplendent facies perspicientium, sic manifesta sunt corda hominum prudentibus.* Pergit Ecclesiasticus. *Amictus corporis, & risus dentium, & ingressus hominis enunciant de illo.* Lingat, simulet, dissimulet, prodet se ipsa moribus & gestibus suis natura. Sicut enim ex vnguibus leo, ex plumis auis, ex fructu arbor, ex sonitu metallum agnoscitur; ita hominis animus ex gestu, incessu, motuq; corporis. Hinc dicimus quod quibusdam vel probitas, vel nequitia eluceat ex oculis. Sapienter & verè *S. Augustinus in Regu-*

Regula. Impudicus oculus impudici cordis est nuncius. *Et Diuus Ambrosius de officijs lib 8. cap. 18* [Est in ipso motu, gestu, incessu tenenda verecundia. Habitus enim mentis in corporis statu cernitur. Hinc Homo cordis nostri absconditus aut leuior, aut iactantior, aut turbidior; aut contrà grauior & constantior & purior & maturior æstimatur. Itaq; vox quædam est animi, corporis motus.] Affertq; ibidem S. Ambrosius exempla duorum, quorum cum in incessu luceret imago leuitatis, species quædam scurrarum percurfantium, alterum in Clerum recipere noluit, alterum sibi præire recusauit. Nec fefellit (ait S. Ambrosius) sententia: vterq; .n. ab Ecclesia recessit, vt qualis incessus prædebat talis perindia animi demonstraretur. Itaq; sicut inclusus ignis scintillis quibusdam se prodit; ita & in animo insidens virtus moribus, motibusq; honestissimis quasi quibusdam igniculis se ostendit. In facie prudentis lucet sapientia.

S. 2. *Qualis debeat esse disciplina circa incessum
& conuersationem.*

Circa Incessum hanc disciplinam præscribit *Diuus Bonauentura in speculo discipline particul. 3. cap. 6.* Scilicet vt in incessu attendatur & Modus, & Discretio.

Modus requirit, vt non impetuosus & fractis gressibus quis ambulet: nec erecta ceruice: non prominenti pectore; leu etiã inclinato super humerum capite; aut vagabunde pendentibus manibus; quæ omnia vel leuitatem, vel superbiam, vel remissionem, vel hypocrisim sapiunt. *Idem de triplici statu religiosorum.* Incessus tuus sit maturus; non leuiter curras, & in necessitate; nec corpus multum erectum geras; sed mediocriter depressum, nec vagus sis oculis; nec brachijs ventiles; nec aliter more seculariũ in composito gressu incedas, sed plano, & humili modo quasi à deuota oratione recedas. *Et Diuus Bernardus in tractatu de modo benè viuendi scribens ad sororem sic scribit.* [Soror in Christo amabilis professionẽ tuam habitu, et in-

incessu demōstra. Sit in gressu tuo simplicitas: sit in incessu honestas. Nihil dedecoris, nihil lasciuię, nihil petulantię, nihil insolentię, nihil leuitatis in incessu tuo appareat. Animus .n. in Corporis gestu apparet. Gestus corporis signū est mentis. Corporis gestu animus proditur, Soror charissima; ergo incessus tuus non habeat imaginem leuitatis, incessus tuus non offendat oculos alterius. Non præbeas de te spectaculum. Non des alijs locum de te obtrectandi.]

Discretio quoq; debet esse in incedendo, nede illorum numero censeamur, de quibus dicitur per Prophetam Isaiam. 59. *Non est iudicium in gressibus eorum.* Porro in illorum gressibus non inuenitur iudicium, qui non attendunt necessitatem neq; ordinem in eundo. Necessitas importat discursum inutilem; nempe quando quis per domum, vel extrā domum vagatur inutiliter & otiosē, quod certē magnum est instabilis mentis iudicium. *Addit Diuus Bonauentura quadam pro Religiosis nouitijs; & dicit.* [Non discurrant per domum, nec per hortum. In domo ne per officinas de loco ad locum, de fratre ad fratrem inutiliter euagentur, aut loca rumoribus audiendis, vel collusionibus aperta frequentent, sed in locis sibi concessis ut sunt Ecclesia, Capellæ, cellæ, Capitulum si extranei fuerint, vel alijs locis si qua sibi fuerint specialiter deputata cum silentio residentes. Officinis priuatis putā ubi cibaria præparantur, infirmi vel hospites recreantur; aut fratrum congregationi, vel comedentibus, & bibentibus se nullatenus ingerant non vocati. Erubescant præcipuē ad reficientium mensam accedere, vel eis nisi pro euidenti ministerij necessitate assistere. Effrontis est hominis non erubescere ad comedentes. Veruntamen si quando eos loca sibi non concessa necessitas adire compulerit, ad ostium pulsare aliquantulum possunt, vel ut aliquis egrediatur ad eos, vel ipsi vocati securius & honestius intrent. In hortum non vadant absq; licentia nisi eos vel ab aliquo professo mitti contigerit aut vocari; ad loca sua postquam ab eo recesserint, vel eius negotium fecerint quā citius reuersuri. Et alia quamplurima tradit pro Nouitijs. Ordo in eundo

eundo consistit in hoc vt quilibet cuiq; locum suum in incendio tribuat siue dexteram siue locum propè murum iuxta consuetudinem regionum. Similiter vt non passim iunior antecedat seniore; neq; frequentes & nimium propinquos transitus faciat ante ipsum.) *Hæc & alia tradit Diuus Bonauentura de disciplina circa Incessum.*

Circa Conuersationē. Plurima, præclara, & in praxi obseruanda tradit *Diuus Bonauentura in toto tractatu spec. discipl. sed præsertim in partic. quarta dicti spec. qua est de modo conuersandi in omni loco secularium.* Quæ libenter omitto ne videar inanem suscipere laborem, cum illius opuscula omnibus possint in promptu esse. Si qui tamen sunt, quibus istorum voluminum copia non supetit, pro his afferam pauca quædam, quæ ipse dicit in tractatu *de triplici statu Religiosorum cap. 38. quod est de bono exemplo dando in conuersatione* Sic igitur dicit. [Inter homines quantum in te est caue omne, quod potest eis esse non bonum exemplum sicut decet fidelem seruum Dei, qui debet Domini sui honorem promouere, & inhonationem cauere vbi potest. Nos enim sumus familia ipsius. Sicut ergo pater familias ex disciplina familiæ suæ honoratur; vel ex indisciplina inhonoratur, ita scias quicquid nos facimus inter homines hoc aliquo modo redundat vel in laudem Domini nostri, vel in contemptum. Et quia specialiter positi sumus inter homines vt ipsi ædificentur ex nobis, parum proficient verba nostra si non etiam ædificemus bono exemplo. Et si non sumus tam perfecti vt possimus eis magnum virtutis exemplum ostendere saltem caueamus omnia mala exempla, quæ nos ipsi solemus reprehendere in alijs, videlicet, ne rumores seculares recitemus apud eos, vel libenter audiamus; vel delicata fercula; vel multa fieri pro nobis diligamus; vel nimis mollia, vel pretiosa instrumenta; nec iræ vel discordiæ scintillas emittamus: vel verba scurrilia; vel iocos dissolutos moueamus, & maximè ne auari pro muneribus possimus notari, quia ex hoc citò vilescimus apud eos si viderint nos ea ambire, & auarè quærere, ad quorum contemptum nos eos hor.

hortamur prædicando.] *Hæc Seraficus Bonaventura, qui ibidē cap. 31. Quod est de exemplo Christi in omnibus habendo; hæc dicit.* [In omnibus virtutibus & bonis moribus præpone semper clarissimum speculum, & totius sanctitatis perfectissimum exemplar, scilicet, Vitam & mores Filij Dei Domini Nostri Iesu Christi. Qui ad hoc nobis de cælo missus est ut aperiret nobis viam virtutum, & legem disciplinæ suo exemplo daret nobis, & erudiret nos per semetipsum ut sicut ad imaginem eius naturaliter creati sumus, ita ad morum eius similitudinem per imitationem virtutis pro nostra possibilitate reformemur, qui eius imaginem in nobis sædauius per peccatum. Quātō enim quisque se ei in virtutis imitatione hic conformare studuerit, tanto ei in prima gloria & claritate appropinquabit & similior erit. Describe tibi in corde tuo mores & actus suos. Quam humiliter se habuit inter homines. Quam benignus inter discipulos. Quam modestus in edendo & bibendo. Quam misericors super pauperes, quibus se similem fecerat per omnia; & qui de eius specialiter familia videbantur. Quomodo nullum spreuit, vel horruit etiam si erat leprosus. Quomodo diuitibus non adulabatur. Quam liber fuit à curis mundi, nec anxius pro corporis necessitatibus. Quam verecundus in visu. Quam patiens ad contumelias. Et quam mitis in responsis: Non enim studuit se vindicare verbo mordaci & amaro; sed blando, & humili responso alterius malitiam sanare. Item quam compositus in omnibus gestis suis. Quam sollicitus de animarū salute, quarum amore voluit incarnari; & mori dignatus est. Quomodo seipsum præbuit exemplum omnis boni. Quomodo mulierum familiaria colloquia vitauit causa exempli; unde etiam discipuli mirabantur, quando solus cum Samaritana loquebatur eo quod quasi insolitum videbatur in ipso. Item quam patiens laboris & penuriæ. Quam compatiens afflictioni. Quomodo cōdescēdit infirmari imperfectioni. Quomodo omne scandalū cauebat. Quomodo peccatores non spreuit. Quomodo pænitentes clementer suscepit. Quam placidus in omnibus dictis suis. Quam studiosus ad orationem. Quam prom-

Q

ptus

ptus in ministrando sicut ipse dixit. Ego in medio vestrum sum sicut qui ministrat. Item quàm sobrius ad vigilas. Quàm obediens parentibus. Quomodo omnem iactantiam, & singularitatis ostentationem declinavit. Quomodo omnem gloriam & potestatem huius mundi fugit. Et multa alia ipsius acta memoriæ tuæ propinqua sint, vt in omnibus factis & verbis tuis semper adhuc quasi exemplar respicias, incedens, stans, sedens, & comedens, tacens & loquens, solus & cum alijs. Et ex hoc magis diliges eum, & familiaritatis eius gratiam, & fiduciam assequens, & in omni virtute perfectior eris. Et hæc sit sapientia tua, & meditatio, & studium, semper aliquid de ipso cogitare; vnde vel prouocaris ad imitandū eum; vel afficiaris ad eum amandum. Talia meditando & ruminando tempus vtiliter expendis, dum occuparis in bonis studijs circa ipsum Dominum Iesum Christum, & mores tuos emendas ad formam viri ipsius & conuersationis semper ad eum respiciens qualiter in suis se habuit, vel se habere potuit iuxta estimationem tuam; quia qui in omnibus semper est optimus, optimo & perfectissimo modo se gerebat.] *Hæc Bonaventura.* O, vtinam hoc esset studium nostrum.

Deniq; pro Conclusionem huius. §. non prætermittam huc afferre id quod statuit. *Conc. Tridentinum sess. 22. cap. 1. de reform.* circa hanc materiam. *Inquit enim.* [Sic decet omnino Clericos vitam & mores suos componere, vt habitus, gestus, incessu, alijsq; omnibus rebus nihil nisi graue, moderatum, ac religione plenum præseferant.] Et *Concilium Maguntinum de vit. & honest. Cler. cap. 2. sic statuit.* [Clerici à vulgari vita seclusi non vagis oculis, non effræni lingua, aut petulanti, fluidoque gestu, tumidoque gressu incedant: sed pudorem & verecundiam mentis simplici habitu, incessuque ostendant: deinde & omnem verborum obscænitatem non minus quàm operum deuitent.]

§. 3. *A quibus actionibus debeant abstinere Ecclesiastici.*

IN prima parte huius operis distinctione secunda retulimus multas actiones, à quibus debent Ecclesiastici abstinere. Hic autem nonnullas tangemus, quæ sunt merè externæ & respiciunt conuersationem aliorum, in quibus debent Ecclesiastici exercere disciplinam.

Prima igitur actio, à qua debent Ecclesiastici abstinere, sunt commessationes, & inhonesta conuiuia. De his egimus in prima parte satis diffuse; ideo non est opus hic eadem repetere. Videndus est textus in *cap. 1. Ne clerici vel monachi.* Item *cap. cum decorem. De Vit. & honest. Cler.* Diuus Hieronymus in *epist. 2. ad Nepotianum* vel. in *cap. 23. de Vita Cler.* sic inquit, Conuiuia tibi vitanda sunt secularium, & maxime eorum qui honoribus tument & *cap. 17. Consolutores* nos Christiani potius in mæroribus suis quàm Conuiuas et in prosperis noverint. Facile contemnitur Clericus qui sæpè vocatus ad prandium non recusat.

Secundò Ecclesiastici vitare debent spectacula, Comædias, fabulas, choreas, hastiludia, aleas, taxillos, & alia his similia *cap. Non oportet de consecr. dist. 5.* Non oportet ministros altaris, vel quoslibet Clericos spectaculis aliquibus, quæ aut in nuptijs, aut scenis exhibentur interesse; sed antequam thymelici (idest qui ministrant ludentibus) ingrediantur surgere eos de conuiuio, & abire. Idem habetur *cap. 1. Ne Clerici vel Monachi*, & alibi sæpe apud sacros Canones. Non decet, igitur, Ecclesiasticos interesse Comædijs, quia vt plurimum sunt de rebus lasciujs, turpibus, & de amoribus mundanis prouocatiuis ad libidinem, & ad malum. Verum quidem est quòd si Comedias audiunt ob solam vanam curiositatem absq; periculo probabili lapsus etiam si res turpes repræsententur in tali casu quidam existimant non peccare mortaliter secluso scandalo, quod his temporibus non videtur adesse; quia Clerici præsertim seculares frequentissimè Comædijs intersunt. Nihil-

ominus quia intentio nostra in hoc operè est non solum auertere Ecclesiasticos à peccatis mortalibus, sed etiam à venialibus, & manuducere illos ad perfectionem quam status illorum requirit, ideò hortamur & obsecramus illos in Domino vt in hoc sequantur quantum fieri potest sacros Canones; & præsertim dispositionem capitis penultimi de Vit. & honest. Cler. vbi sic habetur. Clericici officia vel commercia secularia non exercent maxime inhonesta. Mimis ioculatoribus, & histrionibus non intendunt, & tabernas prorsus euitent nisi fortè causa necessitatis in itinere constituti. Ad aleas & taxillos non ludant, nec huiusmodi ludis interfunt.

Tertiò Ecclesiastici non debent incedere larvati, aut personarum habitum suscipere *cap. cum decorem. De Vit. & honest. Cler. vbi Innocentius tertius. Episcopo Linerniensi sic mandat.* Cum decorem domus Dei & infra. Interdù ludi fiunt in Ecclesijs theatrales, & non solum ad ludibriorum spectacula introducuntur in eis monstra larvarum, verum etiam in aliquibus festiuitatibus Diaconi, Presbyteri, Subdiaconi infantiæ suæ ludibria exercere præsumunt. *Et infra.* Fraternitati vestræ mandamus quatenus ne per huiusmodi turpitudinem Ecclesiæ inquinetur honestas, prælibatam ludibriorum consuetudinem vel potius corruptelam turetis à vestris Ecclesijs extirpare. *Vnde colligit Glosa ibidem,* minus decere vt histriones & similes (dum comædias agunt, vel larvati incedunt) sibi accomodent habitum monachalem, vel religiosum, vel Ecclesiasticum, eoq; in similibus abutantur. Peccant enim, & grauius sunt puniendi, vt ex sententiâ multorum resoluit. *Barbosa in tractatu de Iure Ecclesiastico vniuerso lib. p. cap. 40.* Videntur excipi representationes de rebus spiritualibus, & praxis videtur talis. Tutius autem agitur si etiam in istis consulatur Ordinarius, ab eoq; licentia expectetur.

Sunt aliæ actiones quas non est opus hic repetere, quia de illis alibi egimus præsertim in prima par. dist. 2. & habentur & breuiter apud Barbosam loco citato.

S. 4. De duobus exemplis spectantibus ad morum

compositionem.

Quod exteriora sint signa interiorū, & incompositio morum indicet incompositionem mentis abundè testatur.

Diuus Gregorius Nazianzenus dū describit mores externos Iuliani Apostatae, dicēs quòd alij nō benè cognitās illius cōditiones habuerunt donec exitus acta probauit post acceptam dignitatem Imperatoriam: Sed ego (inquit Nazianzenus) probe illum noui, simulq; eum vidi, & cum eo Athenis communicauī. Nullum in eo signum vidī quod bonū videbatur, ceruix erat arrecta, humeri mobiles, oculi leues omnem in partem volubiles, visus ferox, pedes instabiles, nares habiles ad ridendum, & contemnendū, risus effrænis, facilitas in negando, & concedendo quid eodem tempore, praxis eius sine fundamento & ordine, interrogationes importunę, responsiones sine proposito. Sed quare conditiones eius tam exacte enumero? Vt concludam, dico, illum mihi ante opera sua notum fuisse, & post eadem exactius illum noui. Et si iam adessent, qui nobis tunc socij erant, testarentur me talia signa in eo videntē dixisse. Quam venenatum serpentem alit Resp. Romana? Et vellem me tunc mendacem fuisse, melius enim fuisset, quàm tanta in orbe excitari incendia, qualia nunquam antea visa erant. Hæc ait Sanctus Gregorius Nazianzenus.

Sed afferamus aliud exemplum ex opposito contrarium per quod videbimus quantum externa compositio ædificet etiam magnates & principes. Refert Surius in vita S. Bernardi. Quòd cum Innocentius secundus vna cum Cardinalibus visitauit Monasterium Clareuallense, omnes Monachi simul cum S. Bernardo eorum Abbate exierunt obuiam, vt par erat, tanto Principi. Tanta erat modestia, & compositio illorum Monachorum vt & Pontifici, & Cardinalibus admirationem incuteret & lachrymas excuteret. Omnes mirabantur aspicientes tan-

tantam modestiam, & gravitatem illius sanctissimi cætus; & præcipue quod in festo & gaudio tam solemni & insolito, quale erat de aduëtu Vicarij Dei in terris, & Principum Ecclesiæ, omnes haberent oculos humi defixos, nec eos aliquam in partem conuerterent; cumq; ipsi ab omnibus attentè aspicerentur, ipsi verò neminem nec per transitum auderent aspicere. Omnia modestia & morum compositio.

C A P V T N O N V M.

De Disciplina circa quotidianas occupationes & de ordine Vita tenendo.

Omnia honestè & secundum ordinem fiant inquit Apostolus. Ordo est anima Vniuersi. Vbi non est ordo, ibi est confusio; & vbi confusio ibi horror; vbi horror ibi infernus. Deus omnia constituit in modo, specie, & ordine: Et omnia intantum sunt, inquantum ordinata sunt. Itaq; magna est ordinis necessitas; ideò reperitur in omnibus, in natura, in artibus, in doctrinis, in gubernatione Ecclesiastica, ciuili, militari; in familijs, cætibus, cænobijs Religiosorum, quorum vita cænobitica miranda est propter obedientiam ordinatam. Quod igitur tam necessarium est & reperitur in omnibus; deesse non debet in vita & in actionibus cuiusq; præsertim Ecclesiastici status. De ordine igitur videbimus. Primò quid & quod duplex sit. Secundò de motiuis ad illum amplectendum. Tertiò de modo illum exercendi. Quartò de Varijs exemplis spectantibus ad hanc materiam.

S. I. Quid & quod duplex sit ordo.

Ordo in vniuersum duplex esse videtur. Alter dici potest ordo rerum, seu situs, seu collocationis. Alter actionū seu temporis. Indicata est hæc diuisio à S. Ambrosio in libris de officijs lib. 1. cap. 24. ubi ait. De ordine quoq; rerum, & opportuni-

unitate temporum non dissimulandum puto. Atq; in laudibus Abraham Patriarchæ recensentur ab eodem. [Moderatio, inquit, pro negotijs, ordo rerum, opportunitas temporum, mensura verborum.] In opificio Mundi vterq; ordo mirabiliter eluxit. Prior quidem, quia corpora disposita suis locis distributa sunt; elementa intra Cælum; grauiora leuioribus subiecta, grauitimum pro immobili centro constitutum; & sic de alijs cælestibus orbibus. In humano quoq; corpore cernitur mirabilis ordo rerum; quia caput suprâ pectus, cor in medio, pedes tanquam totius molis fundamenta in imo positi videntur. Posterior etiam ordo actionum & temporis in procreatione partium est adhibitus; cum prius (siue tempore, siue natura hoc non disputo) primi diei opera prodierint quàm secundis; prius cælû factû est, quàm aqua & terra; & prius terra virentes herbas proferre iussa est, quàm aquæ pisces, volucresq; produxerint. Illius prioris ordinis rursus talis traditur definitio à S. Augustino, lib. 9. de ciuit. cap. 13. *Parium, dispariumq; rerû sua unicuiq; loca tribuens dispositio*, sed breuius Gerson. *ordo est debita collocatio rei*. De hoc priore ordine, qui est debita collocatio corporum seu personarum suis locis non est nobis in hoc loco sermo. Sed de posteriori, qui est actionum & temporis. Omissis igitur multorum de hoc ordine definitiones; possumus illû sic definire. *Ordo est constans actionum in sua quaque temporis dispositio*. Placet pro genere, *Dispositio*, quia hæc significat non qualemcumq; distributionem aut collocationem; sed aptam, opportunam, congruam, distinctam. *M. Tullius lib p. de off.* id exigit à viro, quem format ad virtutem, cum ait. [Talis est igitur ordo actionum adhibendus vt quemadmodum in oratione constanti, sic in vita, omnia sint apta, & inter se conuenientia.] Nec mirum dispositionem hanc opportunam, & conuenientem esse oportere in ordine, quoniam ordo partus est Prudentiæ. S. Bernardus qui Discretionis nomine Prudentiam vestit. Discretio, inquit, omni virtuti ordinem ponit. Adieci, *constantem*, quia necessarium est in ordinibus religiosis, immo in cuiusq; personæ actionibus; vt ordo illarum stabilis sit,

fit, et mordicus teneatur, nec vlla ratione nisi grauissima turbe-
tur, aut mutetur, publicus potissimū, qui multos attingit. Dixi,
Actionum, vt distinguerem ab ordine rerum, seu situs, & col-
locationis: & nomine actionis intelligimus operationes men-
tis, linguæ, manus, & totius Corporis. Deniq; addidi, *in sua*
quoq; tempora, scilicet disponendas, distribuendasq; esse actio-
nes; quia nisi suo quæq; actio tempore fiat nullus est ordo,
sed confusio; qualis esset si quis tempore studendi dormiret,
ambularet &c.

Tradita ordinis definitione quæramus modò quotuplex
hic ordo actionum seu temporis sit. Equidem duplicem esse
reperio, & vtrumq; apprimè seruandum. Alter est publicus,
communis, vniuersalis spectans ad vniuersam familiam præ-
sertim Religiosorum, quem præci Patres ordinem regularem,
& ordinem disciplinæ nonnunquam vocitauerunt; nimium
quia ille sine hoc ordine stare, vigere, & florere non potest;
quoniam hic ordo positus est in eo, quod actiones communes
religiøsæ vitæ, somnus, vigiliæ, meditatio, Missa, lectio, lucu-
bratio, studium, exhortatio, labor manuum, corporis exerci-
tatio, refectio, quies, silentium, disputatio, collatio, diuinum
officium, opera misericordiæ in proximos, conscientia discus-
sio, & alia similia statis ac suis temporibus atq; horis aptè, pru-
denterq; designatis fiant, nec inde leui de causa moueantur.
Non defuerunt Religiosi qui accuratissimè ordinem vniuer-
sum cænobij, distributionemq; horarum singularum diei,
noctisq; descripserint tum vt præsentis intelligerent quid sibi
quaq; hora præstandum esset, tum ne posterius recederent ab or-
dine, institutoq; maiorum. Extant Clementis 8. Papæ decre-
ta generalia de reformatione regularium Anno 1602. sancita
& à Paulo 5. Pontifice illius successore probata & edita, in
quibus hoc legitur præscriptum de ordine publico: Cuius vti-
litatem & necessitatem vterq; Pontifex cognouerat. Quo v-
rò omnia, inquit; ordinatè peragantur, appendatur tabella in
loco conspicuo vniuscuiusq; conuentus, in qua distinctè ad-
notetur quid singulis horis cuiusq; dici quilibet frater præ-
stare

stare debeat, ut certo quoque signo præmonitus maiore animi præparatione suo muneri satisfacere possit.

Alter actionum ordo priuatus est, qui ordo vitæ potest non incongruè nuncupari. Positus est hic in apta prudentique dispositione temporis illius qui superest à communibus actionibus ita ut ubi definit, & cessat ordo communis ac disciplinæ, ibi sumat initium & seruandus sit ordo vitæ: ne sine ordine unquam viuere deprehendamus. Etenim debet ac solet vir spiritualis ordinatè viuere, hoc est certis statisque horis ac temporibus actiones vitæ spiritualis ac religiosas virtutes exercere: certam hanc diei siue horarum partem lectioni spirituali tribuere, illam studio doctrinarum, aliam lucubrationi, canonici precibus recitandis suam quoque dare, & corporis exercitationem non in tempus reiicere incertum. Et si talis ordo vitæ est necessarius ijs qui sunt in aliquorum religiosorum cætu aggregati, qui gaudent ordine communi & disciplinæ, ut si quod temporis spatium superest ex ordine communi, utiliter expendatur, quantò magis erit necessarius ijs, qui nullæ familiæ Religiosorum sunt obstricti, & libertatem habent quoquo modo viuendi, & disponendi de rebus, & actionibus suis? Certè video illis esse plusquam necessarium, sed procedamus ad reliqua.

§. 2. De Motiuis ad amplectendum & tenendum aliquem Vitæ ordinem.

Primum motiuum sit auctoritas Sacræ Scripturæ nos ad ordinem seruandum adhortantis. Duos expendo locos. Alter est in veteri testamento in libris Canticorum. 2. *Ordinauit in me charitatem.* Loquitur sponsa introducta in cellam vinariam. Si vertantur hæc ex Hebraico ad verbum ex quibusdam interpretibus habemus. Vexillum eius super me dilectio. Translatio est à militia, in qua vexillo erecto instruitur atque ordinatur acies. Itaque sensus erit: statuit me sub vexillo charitatis, & iussit me hoc ordine militare, ordine, inquam, amoris,

R

qui

qui non minus ordinatus est quam acies instructa: Vnde sicut in acie seruitur & ordo rerum in dispositione partium exercitus, & militum tum equitum tum peditum; & ordo actionum in pugnando loco & tempore debitis: ita in hoc ordine charitatis disponuntur actiones virtutum tum circa Deum, tum circa seipsum, tum circa proximum suis quæque locis, & temporibus habendæ. Alter locus est in nouo testamento in Epistola 1. ad Corinth. 14. quem in principio huius Capituli attuli. *Omnia autem honeste, & secundum ordinem fiant.* Multa differerat in eo capite Paulus, de ordine, in quo loquendi in Ecclesia ad plebem conuersam, & in quo modica confusio nascebatur tum ex zelo dicendi salutare, tum etiam mulieres loquerentur; tum ex imprudentia quorundam, qui præditi dono linguarum varijs linguis locuti sunt apud eos, qui non nisi vnam intelligebant. finisque dissertationem præceptorum plenam obsignat caput. verbi prædicti quibus ordinem commendat. *Honeste.* S. Ambrosius id ad ostendendum interpretatur, cum pace, & disciplina, quæ vtriusque sunt discordia: posteriore, *secundum ordinem*, ut ait, *ut ecclesia.* S. Anselmus ad ordinem temporis refert, ut ait, *ut ecclesia.* prius & alia posterius agantur: id quod & nos scribere quoque debemus in ordine communi disciplinae, in quo perturbatio magna esset si qui prandium præponeret meditationi &c.

Secundum motiū in uicinis S. Anselmorum Patrum. S. Chrysostomus super ill. ad Corinthios paulo antea citata grauissime sic dicit, *ut ecclesia edificat ut ordo rectus, ut pax, ut charitas, ut quæ contraria diruunt.* Non solum autem in spiritualibus, sed etiam in alijs omnibus hoc videris. Nam siue in Choro, siue in nauigio, siue in curru, siue in castris ordinem confunderis, & maioribus suo loco eiectis in illorum ordinem minora induxeris, omnia corrumpis; & sic quæ sunt suprâ, fiunt infrâ. Neq; nos ergo ordinem corrumpamus.] S. Basilii instituta ad vitam solitariam S. Gregorium Nazianzenum, monet qua ratione viginti quatuor diei noctisque horas recte atque ordinate dispenses tum ante, tum post mensam, cui iubet

iubet horam certam destinari. *S. Ephrem*, in eadem aetate sancta
 citate florens viro spirituali distributionem tēporis ordinatā
 suadet. [Tēpus, *inquit*, quacūq; in re ita tibi partire vt verferis
 ordinatē in cibo & potu, in sermone, et oratione atq; lectione.]
 post Annū millesimū *B. Petrus Cluniacensis Monast. Abbas*. *Gisle-*
berto Monacho suo, qui secesserat in eremum, diei totius ordi-
 nem præscribens, iubet vt auspicerur diem ab oratione; se-
 quatur hanc meditatio; meditationem lectio spiritualis; hæc
 tria manuum opus excipiat scribendis primum libris, deinde
 ne caput oculiue lædantur, aut tornandis vasculis, alijsq; rebus
 aut mattis texendis aut fiscellis. Nec subtrahit suum sacris
 mysterijs p̄cibusq; canonicis. Eadē etate *S. Bernar. Fratrib. Car-*
tusianis de Monte Dei, Vitæ solitariae religiosè traducendæ dās
 præcepta. [singulis, *inquit*, horis secundum communis institu-
 ti canonem sua distribue exercitia, cui spiritualia spiritualia,
 cui corporalia corporalia, in quibus se exo'uat omne debi-
 tum, Spiritus Deo, Corpus Spiritui; vt si quid fuerit intermis-
 sum, si quid neglectum, si quid imperfectum suo modo, suo
 loco, suo tempore non habeat impunitum, vel irrecompensa-
 tum.] *Ludovicus Blosius Abbas Veriensis in speculo Monachorū.*
 [In priuatis tuis, *inquit*, exercitijs vide vt sis ordinatus. Præ-
 scribe tibi quid quaque hora agere, et in quo te occupare velis:
 ita tamen vt si quando vel ex obedientia, vel ex alia causa ra-
 tionabili seu ex quouis casu emergente quodlibet exercitium
 abbreviaberis, aut etiam in totum omiseris non inordinatē an-
 garis.] Omitto alios vitæ spiritualis magistros qui idem
 suadent.

Tertium Motium sit ductum ab utilitatibus in animam &
 spiritum redundantibus. Prima utilitas spiritualis continet pa-
 cem, concordiam, quietem; nam ex Augustino nihil aliud est
 pax nisi tranquillitas ordinis. Et hoc est verum tam de ordine
 cōi & disciplinæ, q̄ de ordine vitæ. Secūda. Res, quæ ordine fiūt,
 benè fiunt; nam inter circumstantias, quæ bonam actionem
 faciunt, Theologorum omnium sententia tempus, & modus
 requiruntur. Vnde *B. Laurentius Iustinianus. de discipl. &*

qui non minus ordinatus est quàm acies instructa: Vnde sicut in acie seruat^{ur} & ordo rerum in dispositione partium exercitus, & militum tum equitum tum peditum; & ordo actionum in pugnando loco & tempore debitis: ita in hoc ordine charitatis disponuntur actiones virtutum tum circa Deum, tum circa seipsum, tum circa proximum suis quæque locis, & temporibus habendæ. Alter locus est in nouo testamento in Epistola 1. ad Corint. 14. quem in principio huius Capituli attuli. *Omnia autem honeste, & secundum ordinem facite.* Multa disseruerat in eo capite Paulus, de ordine, in quoq; loquendi in Ecclesia ad plebem conuersam, in qua quædam modica confusio nascebatur tum ex zelo dicendi falsa, tum etiam mulieres loquerentur; tum ex imprudentia quorundam, qui præditi dono linguarum varijs linguis locuti sunt apud eos, qui non nisi vnam intelligebant. *filios* disputationem præceptorum plenam obsignat caput verbis prædictis quibus ordinem commendat. *Honeste* S. Ambrosius & alij interpretes interpretantur, cum pace, & disciplina, quæ contra sunt discordia; posteriore, *secundum ordinem* contra confusio. Sanctus Anselmus ad ordinem temporis, & rerum, prius & alia posterius agantur: id quod & hoc scribere quoq; debemus in ordine communi discipline: in quo perturbatio magna esset si qui prandium præponeret meditationi &c.

Secundum motiūm sive ordinem Sanctorum Patrum. S. Chrysostomus super illam epistolam ad Corinthios paulo antea citata grauissime sic docet, *ut quæ edificat ut ordo rectus, ut pax, ut charitas, &c. non contraria diruunt.* Non solum autem in spiritualibus, sed etiam in alijs omnibus hoc videris. Nam siue in Choro, siue in nauigio, siue in curru, siue in castris ordinem confundas, & maioribus suo loco reiectis in illorum ordinem minora induxeris, omnia corrumpis; & sic quæ sunt suprâ, fiunt infrâ. Neq; nos ergo ordinem corrumpamus.] S. Basiliius instituens ad vitam solitariam S. Gregorium Nazianzenum, monet qua ratione viginti quatuor diei noctisq; horas rectè atq; ordinatè dispenses tum ante, tum post mensam, cui iubet

iubet horam certam destinari. *S. Ephrem*, in eadem aetate sancta
 citate florens viro spirituali distributionem tēporis ordinatā
 suadet. [Tēpus, *inquit*, quacūq; in re ita tibi partire vt verferis
 ordinatē in cibo & potu, in sermone, et oratione atq; lectione.]
 post Annū millesimū *B. Petrus Cluniacensis Monast. Abbas*. *Gisle-*
berto Monacho suo, qui secesserat in eremum, diei totius ordi-
 nem præscribens, iubet vt auspicerur diem ab oratione; se-
 quatur hanc meditatio; meditationem lectio spiritualis; hæc
 tria manuum opus excipiat scribendis primum libris, deinde
 ne caput oculiue lædantur, aut tornandis vasculis, alijsq; rebus
 aut mattis texendis aut fiscellis. Nec subtrahit suum sacris
 mysterijs p̄cibusq; canonicis. Eadē ætate *S. Bernar. Fratrib. Car-*
tusianis de Monte Dei, Vitæ solitariae religiosè traducendæ dās
 præcepta. [singulis, *inquit*, horis secundum communis institu-
 ti canonem sua distribue exercitia, cui spiritualia spiritualia,
 cui corporalia corporalia, in quibus se exo'uat omne debi-
 tum, Spiritus Deo, Corpus Spiritui; vt si quid fuerit intermis-
 sum, si quid neglectum, si quid imperfectum suo modo, suo
 loco, suo tempore non habeat impunitum, vel irrecompensa-
 tum.] *Ludouicus Blosius Abbas Bariensis in speculo Monachorū.*
 [In priuatis tuis, *inquit*, exercitijs vide vt sis ordinatus. Præ-
 scribe tibi quid quaque hora agere, et in quo te occupare velis:
 ita tamen vt si quando vel ex obedientia, vel ex alia causa ra-
 tionabili seu ex quouis casu emergente quodlibet exercitium
 abbreviaberis, aut etiam in totum omiseris non inordinatē an-
 garis.] Omitto alios vitæ spiritualis magistros qui idem
 suadent.

Tertium Motiuum sit ductum ab utilitatibus in animam &
 spiritum redundantibus. Prima utilitas spiritualis continet pa-
 cem, concordiam, quietem; nam ex Augustino nihil aliud est
 pax nisi tranquillitas ordinis. Et hoc est verum tam de ordine
 cōi & disciplinæ, q̄ de ordine vitæ. Secūda. Res, quæ ordine fiūt,
 benè fiunt; nam inter circumstantias, quæ bonam actionem
 faciunt, Theologorum omnium sententia tempus, & modus
 requiruntur. Vnde *B. Laurentius Iustinianus. de discipl. &*

præf. monac. conuers. cap. 10. [Quæque res, *inquit*, quæque operatio, vt Deo placeat & virtuosè fiat habere debet in se tempus, modum & intentionem.] Tertia in eo posita est vt qui ordinatè viuat multò plura faciat, quàm si sine ordine uiueret, non enim tempus infumit in consultando quænam actio sit vtilior ac præmittenda; cuiam operi manus prius admo-ueat, sed absq; temporis iactura continua successione multa peragit. Quarta est acquisitio multorum habituum bonorum, atq; in primis disciplinæ, vitæq; regularis in religiosis; quam non percipit inordinatus, qui nunquam aut rarò temporibus statutis orat, legit, studet, manibus laborat. Actus enim frequentari debent, vt habitus comparetur, eodem tempore, modo, cæterisq; circumstantijs, quæ in vsu virtutis requiruntur; quod Philosophi & Sancti Patres vna voce clamant. Ex habitu comparato nascitur facilitas, ex facilitate delectatio, ex delectatione celeritas, & alacritas, quæ sic dilatant cor Ecclesiastici vt currat in via mandatorum, votorum, & consiliorum, & quemadmodum loquitur scriptura faciat Dei voluntatem Corde magno & animo volenti. Quinta. In vita ordinata vitatur tædium, otium, fabulæ effusio ad exteriora. Hinc prudentes Religionum institutores ac moderatores ita diurnum, nocturnumq; tempus in cænobijs pariti sunt, vt otio, fabulisq; nulla temporis portio relinquatur, nisi religiosi illis, qui regularem ordinem deseruerint. Sexta. Extraneorum ædificatio. Hi ordinem admirati concipiunt opinionem honorificam de sapientia, probitateq; domesticorum, totiusq; Religionis. Et idè dicendum de ordine actionum & vitæ cuiusq; personæ.

Quantum motium sit ex utilitate, quam valetudini corporis affert vita ordinata. Et sit manifestum ex damnis, quæ contrahit corpus ex inordinata ratione viuendi. Obseruauit id Aristoteles, qui probaturus motum ordinatum esse naturæ congruentiorem, quàm inordinatum. Argumentū, inquit, quod cum ordinatè & laboramus, & bibimus, & comedimus, naturam, viresq; nostras & seruamus & augemus. Contrà inordinatè cum agimus, deprauamus naturam, atq; de suo statu di-

mo-

mouemus. Morbos enim naturalis ordinis corporum esse motiones nulli dubium est. Et sanè ipsa experientia docet eos suā labefactare valetudinem qui studendi cupiditatem cohibere nesciunt, atq; ab ea incitati tempore communis quietis ac somni vigilant; alijs comedentibus ipsi ieiunant; alijs ieiunantibus ipsi nimis comedunt; alijs religiosè animum relaxantibus ipsi contemplantur & sic de similibus. Iure optimo reprehendebatur à *Seneca Porcius Latro*, qui nesciebat compēsare vires suas; proinde tum ingenio, tum Corpori oberat quàm maxime. Ad do & prudentiæ laudem obfuscasce; quia pertinet ad eam virtutem, quam discretionem appellant magistri spirituales, dispensatio ordinata virium horarum & exercitationum. Nemo, inquit Seneca, plus ingenio suo imperauit: nemo plus indulgit. In vtraq; parte vehementi viro modus deerat, nec intermittere studia sciebat, nec repetere; Cum se ad scribendum concitauerat, iungebantur noctibus dies: & sine interuallo grauius sibi instabat, nec desinebat nisi defecerat. Rursus cum se dimiserat, in omnes lusus, & in omnes iocos se resoluebat. Ita solebat & ipse cū se assidua, & nunq̃ intermissa contentione fregerat, sentire ingenij lassitudinem quæ non minor est, quàm corporis sed occultior. Deinde paulò post grauiora refert illius peccata & damna. Sæpe cum per totam noctem lucubrauerat, ab ipso cibo statim ad declamandum perueniebat. Iam verò cum rem inimicissimam corpori faceret vetari nullo modo poterat. Post cænam ferè lucubrabat, nec patiebatur alimenta per somnum quietemq; æqualiter digeri; sed perturbata & dissipata in caput agebāt. Itaq; & oculorum aciem cōfuderat, & colorem mutauerat. *Hæc Seneca de Porcio*. Ecce quomodo inordinata viuendi ratio multum detrimenti affert corporis valetudini, & quomodo ordinata confert.

Quintum motium ductum sit ab imitatione Dei, Naturæ, Artis & Doctrinæ, Ecclesiæ Catholicæ, & Gubernationis politicæ, & œconomicæ.

Et primò quis non contempletur mirabilem ordinem, quo Deus condidit vniuersa, & per quem admirabilitatem impres-

sit in

fit in operibus suis? quod considerans Propheeta dicebat Mirabilia opera tua & anima mea cognoscit miris. (Non loquimur hic de ordine collocationis celorum, elementorum, aliarumq; rerum inter se: neq; de ordine in actibus internis diuinis sed de ordine productionis rerum, qui proponitur nobis ad imitandum.) Summus rerum opifex Deus hanc pulcherrimam vniuersitatem sex distinctis diebus condidit, vt veterum sanctorumq; Patrum est communis opinio, & Sacrae Scripturae verba satis aperte declarant. Proferam ex Sanctis Patribus S. Athanasium perspicue loquentem lib. 3. aduersus Arian. [Tota inquit, rerum natura intra sex dies condita est. Et primo quidem lux, quod spatium diem appellauit: secundo autem firmamentum: tertio vero in vnum congregans aquas, aridam exhibuit, & varios in ea fructus produxit: quarto solem & lunam fecit, ceterarumq; Stellarum chorum: quinto animalium in aquis, & volucrum in caelo nationem procreauit: sexto quadrupedia in terris: postremo hominem fecit. Nemini dubitare fas est quin Deus simul omnia temporis puncto producere potuisset, quod eius potestati nihil obstitat: sed libuit in tempore per interualla, distinctis diebus Mundum, eiusq; ornamenta, diuitiasq; procreare duas ob causas; primum quidem vt ordo actionum, res pulcherrima in ipsa procreatione cerneretur, deinde ad maiorem diuinæ maiestatis gloriam; tertio ob vtilitatem mortalium, quibus actionum, temporisq; ordo propositus est ad imitandum.] Priorem causam exhibet S. Gregorius Nazianzenus orat. 26. In ordinis laudibus copiosus, qui docet aliud primum, aliud secundum, aliud tertium numerari, & sic deinceps in opificio mundi. [Vt simul, inquit, cum rebus creatis ordo statim ingrediatur, qui omnia constituit & colligauit.] Ante S. Gregorium id significauerat. Philo desertissimus Iudeorum lib. de opif. mundi his verbis. [Nam si omnia simul & semel condidisset, minus ordinis fuisset in rebus tam pulchrè conditis. Nec enim est quicquam pulchri in confuso ordine. Ordo vero est consequentia & series rerum praecedentium & consequentium.] Quod vero in gloriam diuinæ maie-

maie-

maiestatis; demonstrant tūc multæ huius ordinis laudes tūc à Philosophis tūc à Sanctis Patribus traditæ. Quod etiam ad nostram imitationem; *Sanctus Ambrosius lib. de Abel & Cain cap. 6.* expressit dicens. [Vtiq; simul omnia fieri iubere potuit Deus, sed distinctionem seruare maluit, quam nos in omnibus imitemur negotijs.] Alio item loco in opificio Mundi, obseruans quædam prius facta quam ornata, hæc habet. [Dum Deus successiuè hunc mundum produxit ac perfecit, imitatores sui nos Deus esse voluit, vt primò faciamus aliqua, postea venustemus: nedum si nūc vtrumq; adummur, neutrum possimus implere.] *Ita Ambrosius.*

Ordinem verò Naturæ quis non videt: quomodo Natura tam ordinatè procedat in actionibus, quas vel annua, vel mēstrua; vel diurna vice suis certis horis ac temporibus peragit, quā corrumpendo, quā renouādo, quā renouādo rēsmortales? Ne longum faciam per omnia rerum naturalium genera percurrendo, duo eligo, quæ nos possunt stimulare venementer: ex corporibus inanimatis astra cum suis orbibus: ex animatis, Grues in aere. Astra ordinatè procedunt in situ, positione, & et cursu vt videantur quidam ordinatissimus exercitus. Sic vbi legimus nos in Genesi. *Perfecti sunt Celi, & terra, & omnis ornatuſ eorum.* Hebraicè, & Chaldaicè habetur. *Omnis exercitus vel militia eorum.* Et quoniam hic stellarū progressus quo oriuntur & occidunt, ex ordine currendi quodammodo est ad numerum, ideò ab auctore libri de mundo ad Alexandrum in choreas quasi quasdam duci dicuntur. Atq; ex eadem numerosa progressionē motuq; existimauit Pithagoras musicum gigni concentum, vt M. Tullius innuit, & Macrobius explicauit. Ex hoc constanti cursu, atq; ordine nascendi, progrediendi, & occidendi fit vt illuminent hæc inferiora, diē noctisq; vicissitudinem perpetuam, & mortalibus accommodam efficiant: tum lumine moto quatuor anni tempestatum cunctis animantibus per necessariam aeri, terrisq; inducant varietatem, in qua flores primū ac frōdes gignunt verè in arboribus & plātis: deinde fructus æstate producant, qui partim eadem tempesta-

pesta-

fit in operibus suis? quod considerans Propheta dicebat Mirabilia opera tua & anima mea cognoscit nuntis. (Non loquimur hic de ordine collocationis cælorum, elementorum, aliarumq; rerum inter se: neq; de ordine in actibus internis diuinis sed de ordine productionis rerum, qui proponitur nobis ad imitandum.) Summus rerum opifex Deus hanc pulcherrimam vniuersitatem sex distinctis diebus condidit, vt veterum sanctorumq; Patrum est communis opinio, & Sacre Scripturæ verba satis aperte declarant. Proferam ex Sanctis Patribus S. *Athanasium perspicue loquentem lib. 3. aduersus Arian.* [Tota inquit, rerum natura intra sex dies condita est. Et primò quidem lux, quòd spatium diem appellauit: secundò autem firmamentum: tertio verò in vnum congregans aquas, aridam exhibuit, & varios in ea fructus produxit: quarto solem & lunam fecit, cæterarumq; Stellarum chorum: quinto animalium in aquis, & volucrum in cælo nationem procreauit: sexto quadrupedia in terris, postremo hominem fecit. Nemihi dubitare fas est quin Deus simul omnia temporis puncto producere potuisset, quod eius potestati nihil obstat: sed libuit in tempore per intervalla, distinctis diebus Mundum, eiusq; ornamenta, diuitiasq; procreare duas ob causas; primum quidem vt ordo actionum, res pulcherrima in ipsa procreatione cerneretur, deinde ad maiorem diuinæ maiestatis gloriam; tertio ob vtilitatem mortalium, quibus actionum, temporisq; ordo propositus est ad imitandum.] Priorem causam exhibet S. *Gregorius Nazianzenus orat. 26.* In ordinis laudibus copiosus, qui docet aliud primum, aliud secundum, aliud tertium numerari, & sic deinceps in opificio mundi. [Vt simul, inquit, cum rebus creatis ordo statim ingrediatur, qui omnia constituit & colligat.] Ante S. Gregorium id significauerat. *Philadelphius Iudeorū lib. de opif. mundi his verbis.* [Nam si omnia simul & semel condidisset, minus ordinis fuisset in rebus tam pulchrè conditis. Nec enim est quicquam pulchri in confuso ordine. Ordo verò est consequentia & series rerum præcedentium & consequentium.] Quòd verò in gloriam diuinæ
maie-

maiestatis; demonstrant tùm multæ huius ordinis laudes tùm à Philosophis tùm à Sanctis Patribus traditæ. Quòd etiam ad nostram imitationem, *Sanctus Ambrosius lib. de Abel & Cain cap. 6.* expressit dicens. [Vtiq; simul omnia fieri iubere potuit Deus, sed distinctionem seruare maluit, quàm nos in omnibus imitemur negotijs.] Alio item loco in opificio Mundi, obseruans quædam prius facta quàm ornata, hæc habet. [Dum Deus successiuè hunc mundum produxit ac perfecit, imitatores sui nos Deus esse voluit, vt primò faciamus aliqua, postea venustemus: nedum si nol' vtrumq; adimur, neutrum possimus implere.] *Ita Ambrosius.*

Ordinem verò Naturæ quis non videt: quomodo Natura tam ordinatè procedat in actionibus, quas vel annua, vel mēstrua, vel diurna vice suis certis horis ac temporibus peragit, quā corrumpendo, quā renouādo, quā renouādo res mortales? Ne longum faciam per omnia rerum naturalium genera percurrendo, duo eligo, quæ nos possunt stimulare venementer: ex corporibus inanimatis astra cum suis orbibus: ex animatis, Grues in aere. Astra ordinatè procedunt in situ, positione, & et cursu vt videantur quidam ordinatissimus exercitus. Sic vbi legimus nos in Genesi. *Perfecti sunt Celi, & terra, & omnis ornatu eorum.* Hebraicè, & Chaldaicè habetur. *Omnis exercitus vel militia eorum.* Et quoniam hic stellarū progressus quo oriuntur & occidunt, ex ordine currendi quodammodo est ad numerum, ideo ab auctore libri de mundo ad Alexandrum in choreas quasi quasdam duci dicuntur. Atq; ex eadem numerosa progressionē motuq; existimauit Pithagoras musicum gigni concentum, vt M. Tullius innuit, & Macrobius explicauit. Ex hoc constanti cursu, atq; ordine nascendi, progrediendi, & occidendi fit vt illuminent hæc inferiora, dies noctisq; vicissitudinem perpetuam, & mortalibus accommodam efficiant: tum lumine moto quatuor anni tempestatum cunctis animantibus per necessariam aeri, terrisq; inducant varietatem, in qua flores primùm ac frōdes gignunt verè in arboribus & plantis: deinde fructus æstate producant, qui partim eadem tempesta-

pestate, partim autumnino maturescunt: tum hieme plantas quiescere sinant ut vires novas ad generationem sumant. Idē ferē dici potest de animantibus, quarum generationem ut cæterarum rerum à Sole, Luna, cæterisq; astris pendere est inconfesso apud Philosophos. Sed quid dicam de Grævis quomodo stata hora omnes obdormiscunt, stata item hora omnes expergiscuntur: certo tempore clamant omnes; certo item acclamante vna per vices, cæterę silent: nonnunquam silent omnes, vel se suburrantes iniecto in os lapillo vel sine lapillo, voluntario silentio præfagiunt ac prænuntiat serenitatem? Quomodo ordinatè simul volantes procedunt? Et volantes quomodo artificiosè literam Græcorum deltam conficiunt, quæ triangulum efficit æquilaterum? Vnde dixit Divus Hieronymus. Grues vnam sequuntur ordine literato. Ferunt ex hoc ordine didicisse priscos ductores militum aciem cuneatam. Etenim benè scindit aerem hæc figura acuminata. Cauent ab ea turbanda studio disciplinæ: cauent ab ordine deferendo; ne vel à vento, vel ab hostibus abripiantur. Possem plurima alia Naturæ exempla in medium adducere, præsertim de apibus, & formicis; sed propero ad alia.

Accedo ad doctrinas & ad artes, quæ sine ordine neq; addisci, neq; tradi possunt. [Optimus est, inquit S. Gregorius Nyssenus, in disciplinis ordo.] Addo necessarium esse primū inter ipsas scientias ut Grammatica Logicę, Logica Philosophiæ, hæc Theologiæ præmittatur. Deinde necessarius est adeo in ipsis doctrinis ut ineptus magister censeatur is, qui sine methodo docet. Etenim & tradere & addiscere oportet prius illa, quæ ducunt in cognitionem posteriorum, seu sine quibus sequentia non intelliguntur; quoniam nostra mens non nisi ex cognitis ignota cognoscere potest. Proinde magister Philosophorum methodum omnem ad duas vias reduxit, quas ad initia, & ab initijs nuncupauit: Vnde posteriores Philosophi compositiuium ordinem, & resolutiuium deduxerunt, illum qui ex principijs progreditur ad finem; hunc qui ex fine procedit ad principia.

Sed

Sed & ipsa Ecclesia Catholica; quis non miretur quam sic ordinatissima ut castrorum acies? Tum quia Dei parentis imitatrix est in opificio mundi; quod longa oratione demonstrat S. Gregorius Nazianzenus: Tum quia imago est patriæ celestis: quæ dicitur Ecclesia triumphans, de cuius ordine mirifico legantur interpretes Apocalypsis: Tum quia est à domo Sôlonis figurata, quæ propter ordinem mirabilem, Reginam Sabam in stuporem adduxit. Omitto hic ordinem ministrorû, qui non facit ad nostrum propositum; & obseruo tantummodo ad nostrâ imitationem ordinem actionum spiritualium ad religionem erga Deum spectantium in certa tempora, atq; horas distributarum. Præclare enim ait S. Nilus ordo, si in vlla re, in religionis cultu maximè est necessarius. Propterea ante aliquot secula conscriptus fuit liber, qui inscribitur ordo Romanus, antiquus de diuinis Catholicæ Ecclesiæ officijs, & ministerijs per totius anni circulum: qui liber editus est vnâ cum multis alijs, qui de ritu atq; ordine Missæ, canonicarum horarum, aliarumq; actionum Ecclesiasticarum pertractât. Et sanè in horis canonicis decantandis, seu recitandis, statis horis ac temporibus certis, semper obseruantissima fuit Ecclesia.

Venio demum ad gubernationem tum militarem, tum politicam, tum æconomicam. In gubernatione militari tanti fit ordo, ut in eo ponantur omnia. Multitudinem inordinatam esse potius victimam, quam pugnam alicubi scripsit Vegetius. Turbatos exercitus sibi ipsis impedimento esse tradidit Quintilianus. Exercitus bene esse, docuit Aristoteles, magis in ordine positum esse, quàm in duce; quia dux est constitutus propter ordinem. Hinc militum turmæ dicuntur ordines: & Romani florente Rep. tenacissimi erât disciplinæ militaris, in qua præcipuus est ordo, seuerissimeq; castigabantur ordinis desertores, ut docti viri de militia Romana scribentes obseruarunt: nec boni Duces aliud prius quærunt in pugna, quàm hostilis exercitus ordinem turbare. Hinc B. Laurentius Iustinianus. Confusa, inquit, & inordinata pugna facîle prosternitur & dissipatur. Gubernatio quoq; politica simul & æconomica, si-

bonæ sint, amantissimæ & tenacissimæ sunt ordinis. Vnde idē B. Laurentius de discipl. & perfect. min. conuers. cap. 10. [Omnes prouinciarum duces, ciuitatumq; rectores, quo prudentiores sunt, eò populum sibi commissum ordinatius regunt.] Ex ordine mirabili magni huius palatii, quod Mundus dicitur, colligi docet S. Athanasius summi Dei gubernatoris præsentiam; & iure, quia ad prudentem & sapientem rectorē pertinet ordinare. Hinc illa memorabilis B. *Augustini*, sententia metientis optimam gubernationem ex ordine temporis & actionum, *sic enim lib. de optim. mon. cap. 18. ait.* [Et ipsa est optima gubernatio ut omnia suis temporibus distributa ex ordine gerantur; ne animum humanum turbulentis implicationibus inuoluta perturbent. Domus est parua Ciuitas, paruusq; mundus, proinde suum domesticum ordinem habet à patre familias. Ut ergo boni Ciues ciuitatum ordinem, boni filij familias domesticum seruant; sic nos debemus facere in nostra operationum Republica ut omnes ordinatæ sint.] Et hæc de motiuis ad ordinem amplectendum et tenendum in nostris actionibus, & in ipsa viuendi ratione.

S 3. De Modo exercendi ordinem, & ipsa ordinata præstandi.

Q Via varia sunt Personarum; immo ipsorum Ecclesiasticorum genera; nam alij sunt Regulares, alij seculares; & ipsorum omnium varij gradus, & dignitates; & proinde etiam varia munera, officia, negotia & occupationes; ideo nō potest designari vnus, & idem, vniformis & inuariabilis ordo pro prædictis omnibus, sed vnusquisq; præscribere sibi potest talem suarum actionum ordinem, talemq; temporis & horarum distributionem, qualem sua conditio, status, dignitas, & munus pariuntur. Si quis tamen optaret habere aliquod exemplar, ad cuius instar posset & ipse consimilē sibi ordinem Statuere afferam ordinē vitæ, quem tenebat Venerabilis Dei seruus Alexander Saulius Episcopus primū Aleriæ in Corsica

ca (cuius insulæ meruit vulgò dici Apostolus) deinde Ticini ex nostræ Congregationis familia , cuius expectamus prope diem in Beatorum album per Sanctissimū adscriptionem Divina opitulante gratia. Is igitur (vt ex processibus ꝑ ipsius canonizatione formatis habetur) talem servabat diurnum vitæ ordinem quando non infirmabatur, aut Diæcesis visitatione detinebatur. Diebus ferialibus post nocturnam quinque horarum quietem surgebat è stratulo; & trium horarum spatio in suo consueto orationis recessu orabat mentaliter solus sine lumine. Deinde si dies illucescebat vacabat orationi vocali recitando Horas breves B. Virginis cum illius corona vt dicunt; nec non Psalterium cum officio defunctorum. Si autem adhuc tenebræ erant, vt accidere solet hyemis tempore, sacrarum literarum studio incumbebat; vel literas conscribebat. Tum suam Conscientiam expiabat apud consuetum suum à Confessionibus Sacerdotem. Postea sacrum celebrabat præmissa semper præparatione orationis & mentalis & vocalis prælegendo aliquid de aureo illo libello de Imitatione Christi Ioan. Gersoni attributo, quem semper penes se habebat. Post sacrū peractum vacabat instructioni Clericorum sui Episcopalis seminarij per horam circiter. Frequenter post Clericorum instructionem, si hora prandij differebatur, deambulabat aliquantulum in hortulo & interim mente ferebatur in Deum; nec raro positis genibus velut in extasim rapiebatur. Hora refectionis accumbebat mensæ vno aut altero ferculo contentus adhibita semper lectione scripturæ sacræ, aut Sancti cuius festū illo die agebatur, quam excipiebat Martyrologium. A prandij conuersationem ducebat cum doctis ac pijs viris, quibus cum de aliqua theologica materia, vel ad doctrinam vel ad mores pertinente sermo erat. Inde secedebat in suum Conclauē, vbi studijs vacabat vsq; ad Vesperarum horam, quibus persolutis iterum Seminarij alumnos instruebat. Quo peracto frequenter inuisebat egrotos, eosq; tum spiritualibus tum corporalibus subsidijs recreabat. Domum reuersus studium repetebat vsq; ad horam vespertinæ refectionis; quam condiebat

solita spirituali lectione, inde erat illi sermo cum præfatis viris ad animi aliquantulum leuamen. Postremò conuocabatur familia dato signo ad conscientiarum expiationem, ad recitandas Beatæ Virginis letanias, atq; ad asperisionem aquæ lustralis cum oratione *Vista quasumus Domine* &c. quo deniq; perhabito vnusquisq; cum silentio ad suum dormiturus se recipiebat cubile. Singulis autem diebus Sabbatinis vesperi sermonem habebat vniuersæ familiæ de recta piaq; viuendi ratione. Diebus festiuis eundem penè ordinem tenebat excepto eo quòd persolutis precibus, si per valetudinem aut alias occupationes licebat, templum adibat confessiones quorumcunq; accedentium excepturus vsq; ad horam habendi missarum solemnia inter quæ concionem vnus horæ ad populum habebat. Peraçto sacro diuina emologesi frequentem populum reficiebat. A prandijs templum iterum repetebat catechismum traditurus ad paruulos & rudiores. Et huiusmodi fuit ordo vitæ, & actionum venerabilis huius viri: Quem vtinam nos Ecclesiastici si non ita adamus sim, aliqua saltem ex parte imitemur; sed vnusquisq; proprium donum habet à Deo; alius quidem sic; alius verò sic.

Verù nō est satis statuisse sibi ordinē actionū gerēdarū, tēporisq; distributionē ad Horas Canonicas, ad Missā, ad lectionē, ad orationē, ad refectionem, ad recreationem, ad studium, ad negotia, & similia: sed opus est illis benè perfungi; nam vt habetur Deuteronomij. 6. *Iustè quod iustum est prosequaris*, idest ea quæ sunt iam ex se recta & bona, etiam rectè & bene peragito. Diuus Hieronimus scribens ad Paulinum, qui eo nomine prædicabat ipsum Hieronymum Beatum, quod commemoraretur Hierosolymis, vbi peraçta sunt nostræ redemptionis mysteria, sic dicit. *Non Hierosolymis vixisse; sed Hierosolymis benè vixisse laudabile est*. Sic possumus & nos dicere. Non diuini officij pensum persoluisse; sed benè persoluisse laudabile est. In hoc stat nostrum bonum, progressus spiritualis, omnisq; nostra perfectio, nimirum vt ea, quæ agimus, benè agamus. Si v.g. illam orationem, quam quotidie habemus,

benè

benè habeamus. Si Misa, quæ celebramus, debita animi corporisq; præparatione, attentione, reuerentia, gratiarumq; actione celebremus. Si diuinum officium, quod persoluimus, attentè, reuerenter & deuotè persoluamus. Si Sacramenta, quæ administramus, ritè ac rectè debita vitæ sanctimonia, ac intentione administremus. Et sic de cæteris Ecclesiasticis functionibus, vitæq; actionibus. In eo tota res nostra consistit non vt quis simpliciter Ecclesiasticus sit; non vt Sacerdos sit, non vt Paro- hus sit: Sed vt bonus Ecclesiasticus, bonus Sacerdos, bonus Parochus sit.

Semen illud, quod Euangelicus seminator terræ mandauerat, utiq; in se bonum erat, attamen non eundem fructum ubiq; protulit; sed quæ trigesimum, quæ sexagesimum, quæ centesimum. Sic semen piarum actionum, & lacrarum Ecclesiæ functionum non in omnibus eundem meritorum & salutis fructum producant sed iuxta dispositionem agentium & iuxta modum agendi. Et hoc est benè tenendum. Videat vnusquisq; de quorum ipse numero sit, an ex illis qui trigesimum, vel sexagesimum, vel centesimum fructum reportant. O vtinam non essemus magis de illorum numero, quos Apostolus scribit superædificare fundamento fidei lignum, fænum & paleas, quæ ardebunt in die Domini. Caueamus ne ea, quæ ratione muneris nostri peragimus, inutiliter & infructuosè, & quod deterius est, perniciosè agamus. Attendamus, vt cum Diuo Gregorio eloquar, ne bona quæ agimus euanescent; ne per hoc, quod à nobis rectè geritur, fauor aut gratia humana requiratur; ne appetitus laudis subrepat, & quod foris ostenditur, intus à mercede euacuetur.

§. 4. De Varys exemplis circa disciplinam de ordine actionum.

S Amuel Propheta in primis nobis in exemplum vitæ ordinatæ proponitur à S. Gregorio Papa lib. 5. cap. 4. in 1. Reg. 9. dum explanat ea verba puellarum ad Saulem, qui quærebat Sa-

Samuelem Videntem in historia Regum. Hic est: ecce ante te, festina nunc, hodie venit in Ciuitatem. Quasi dicant, *inquit Gregorius*, si id, pro quo in ciuitate venit, expleuerit, videre in secreto suo repositum non potestis. Quod profecto verbum non ad verbum sed ad exemplum Religiosorum est. Nam Sanctus vir tantæ erat distractionis vt statutas dies, & horas haberet, in quibus eum, qui cuperet, videre potuisset. Dicunt ergo: festina: ac si dicant: si statutum tempus transierit in horis suæ quietis, verbis aut actionibus non intendit. Quia ergo remotæ vitæ ordinem sumpsimus, hoc obseruare attentius debemus. Statuendæ nobis sunt horæ ministerij vt breuiter persistamus in ope e, festinanter redire valeamus ad contemplationis arcem. *Hæc S. Gregorius.*

Cum Samuele associemus Danielen pariter prophetam, de quo legimus, cap. 6. scriptum. *Ingressus est domum suam, & fenestris apertis in cenaculo suo contra ierusalem tribus temporibus in die flectebat genua sua, & adorabat, confitebaturq; coram Deo suo, sicut & antea facere consueuerat.* Postrema verba demonstrant consuetudinem orandi statis horis. Quod si morem hunc ordinatum habebat in precando, verisimile est sui similem in reliquis actionibus vitæ fuisse.

Descendamus ad tempora Euangelica. Theodoretus de Publio Eremita. Nemo vnquam vidit quiescentem vel minima parte diei; sed psalmodiam quidem oratio; orationem verò psalmodia; vtramq; autem excipiebat diuinorum colloquiorum lectio. Deinde cura hospitem venientium; deinde faciebat aliquid ex operibus necessarijs.

Idem de Simone Stylita. Totam noctem & diem vsq; ad horam nonam orat perpetuò. Post nonam autem, primum quidē diuinam doctrinam exhibet præsentibus. Deinde audita vniuscuiusq; petitione cum aliquas fecerit curationes, componit litteras eorum, inter quos est controuersia. Circa occasum autē solis deinceps incipit conuenire Dominum.

Theodosius iunior Imperator, cuius aula ob sanctitatem asceterium dicebatur, diem more Religiosorum particbatur,

tri-

tribuens horas suas precationi, scriptioni, negotijs, ut obseruauit Matthæus Raderus qui aulam Sanctam scripsit.

Idem Raderus refert Anachoretam interrogatū à iuniore, quem ordinem viuendi seruaret, respondisse. Horas quaternas noctu somno indulgeo; quaternas rei diuinæ tribuo; totidem operi. Rursum de die vsq; ad sextam laboro; à sexta ad nonam lego sacros codices; hora nona paro canulam; & si quid extrā ordinem in domicilio meo curandum est.

At ne putemus solos viros Sanctos ordinis priuati studiosos fuisse audiatur ex eodem auctore Alexandra virago, quæ pudicitiae conseruandæ gratia se abdidit in sepulchro. Rogata enim à Melania, quomodo otium, quod maximum sæpe parit Religiosis negotium, falleret. A prima, inquit, luce vsq; ad nonam certis Deum precibus adeo; proximam horam lætæ faciendæ, & penso trahendo impendo. Deinde cælestium heroum vitas disco, & fortissima facta recognosco, quibus pro Deo, Christoq; testando sanguinem expenderunt. Vbi demū capit aduersperascere laudibus Deo, Diuisq; dictis, cibum gusto. Noctem maximam partem in votis & precibus pono.

Propioribus nostro seculis S. Bernardinus Senensis quotidie matutinis precibus, meditationi, scriptioni, lectioni, proximis consulentibus certas, statasq; dabat horas, ut in eius vita legitur apud Surium, qui etiam aliorum plurimorum Sanctorum confirmilem vitæ ducendæ ordinem refert ut patet legenti illorum vitas.

C A P V T D E C I M V M.

De Disciplina cohibente frequentes obambulationes, & Negotia impertinentia, deq; Amore solitudinis.

Solitudo sola beatitudo dicebat Eminētissimus Sanctæ Ecclesiæ Princeps Cardinalis Franciscus Boncompagnus Archiep. Neapolit. vitæ integritate, doctrinæ præstantia, dignitatis sublimitate, ac nobilitate generis clarissimus. Et iure quidem

dem optimo, quia ex amore solitudinis & silentij multorum malorum deuitatio, & multorum bonorum adeptio consequitur vt ex dicendis patebit. Ideo videndum primò Damna quę sequuntur ex inutilibus circuitionibus, & negotijs ad Ecclesiasticos impertinentibus; Quę damna per solitudinem & silentium deuitantur. Secundò Vtilitates consequentes ipsam solitudinem & silentium. Tertiò Modum declinandi ab inutilibus negotijs & circuitionibus. Quartò Exempla varia.

§. 1. De Damnis quę sequuntur ex inutilibus circuitionibus, & Negotijs impertinentibus.

VOco Negotia impertinētia, ea quę per sacros Canones prohibētur, quę alibi recēsi p. par. dist. 2. c. 11. §. 4. et hic breuiter pcurā, & sūt. Aſcio cauſarū nomine Aduocati, aut Procuratoris corā Iudice ſeculari. Officiū tabellionatus in pphanis negotijs. Ars medēdi. Inter pres ſeu mediator ſeu proxeneta in negotiationibus & mercaturis. Negotiatio omnis generis. Cōduſio prędiorum alienorum lucri cauſa. Suſceptio curę, aut tutelę aliorum. Fideiuſſio pro alijs. Procurator negotiorum Principis aut alterius. Famulatus laicorum etiam Principum. Pręcuſor aut aſſecta ſæminarum, & ſimilia. Igitur Eccleſiaſtici, qui ſe implicānt huiusmodi & ſimilibus negotijs ſecularibus, & impertinentibus ad ipſorum ſtatum; aut verò inutiliter tempus terunt, & otioſè huc illucq; perambulant, multa mala incurrunt.

Primò amittunt tempus, quę eſt res pretioſiſſima, & cuius à nobis à Deo reddendam eſſe rationem docuit S. Gregorius Naſianzenſis, præſertim cum amiſſum nunquam recuperari poſſit, q̃ auri argentiq; diſſimilitudine docebat ſenior quidam Monachus apud Dorotheum. Tempus autem amittitur non ſolum in otio cum nihil planè agitur, ſed etiam in negotio cum id agitur quod non oportet, vel non expedit, vel alienum eſt à noſtra profeſſione. *Seneca; ſic inquit.* [Quædam tempora cripiuntur nobis; quædam ſubducuntur, quædam eſſiunt. Turpiſſi-

pissima tamen est iactura, quæ per negligentiam venit: & si volueris attendere magna vitæ pars elabitur malè agentibus; maxima nihil agentibus; tota aliud agentibus.] Non discordat. *S. Bernardus lib. de vit. solit.* [otiosum, inquit, non est vacare Deo; immo negotium negotiorum omnium hoc est: Quod quicunq; in cella non agit fideliter & feruenter, quodcunq; agit, quod propter hoc non agit, scilicet vt Deo, seruiatur: in eo, quod agit, otiiatur.] optimum producit *S. Doctor* suæ doctrinæ fundamentum ab Hieronymo, Gregorio, Theologo; receptam sententiam. *Otiosum id esse, quod nullam habet utilitatem, vel utilitatis intentionem.* Talia sunt negotia secularia & impertinentia.

Secundò exponunt se periculo peccandi in tractatione negotiorum secularium: *S. Hilarius in psal. 1. declarando quid sit apud Psalmistam cathedra pestilentiae ait.* Multos, etiam in metu Dei constitutos secularium tamen honorum ambitio corrumpit; & volunt Ecclesiæ legibus subditi, fori legibus iudicare. Sed quamquam ad hæc ipsa officia, quæ agunt, ferant secum religiosam voluntatem beneuolos sese continentesq; præstando: tamen necesse est eorum, in quibus diuersabantur, negotiorum quodam pestilenti contagio polluantur. Publicarum enim causarum ordo manere eos volentes etiam in Ecclesiasticæ legis sanctitate non finit. Et quamuis religiosi propositi tenaces sint, tamen necessitate sedis obtentæ, cum ad contumeliam, cum ad iniuriam, cum ad pœnam, cunctantē licet voluntate, coguntur, facit eos necessitatis ipsius participes, cum tanquam lue morbida imbuuntur.] *Hac Hilarius de Episcopis causas iudicare coactis.* Hoc multo magis dici potest de Ecclesiasticis regularibus, qui dum secularia negotia tractare volūt iterum se in pelagus immittunt, vnde emerferant, dum in portum religionis sese pacificè receperant. Contrà quos proferri potest illa *S. Ioannis Damasceni similitudo de Nautis in lib. 3. parall. c. 74.* [Nautæ, inquit, & gubernatores nihil non agūt vt mare traijcient atq; ad portum per veniant. Nos contrà id obnixo studio contendimus, vt in negotiorum huiusce vitæ

T

flucti-

fluctibus ac tempestate iactemur: quippe qui in foro ac tribunalibus perpetuò versemur.] *B. Petrus Damianus* Monachos suos adhortans ut secularibus relinquunt secularia iura componere profert Aaronis exemplum, qui Moyse ad montem ascendente cum populo remansit, & idolum fabricatus est: tum comminans illis ex periculo peccandi, lapsum; nisi se ipsos moderentur *hac ait.* [Sic nimirum, sic plerumq; contingi, ut qui propriæ non contentus, alienæ progreditur salutis consulere, sui potius cogatur periculum sustinere: cumq; alij velut inter procellosa naufragia palpitanti manum porrigit, ipsum quoq; præcipitem vorax fluctus inuoluit.] Postea subdit tutius esse illis è litore lumen præbere naufragis, quàm se ad eos liberandos in fluctus immittere.

Tertiò. Multum detrimenti reportant in rebus spiritualibus. Nam secularia negotia Ecclesiasticum retardant à perfectione: à studio rerum spiritualium auocant: cor negotiatoris indurât: ac semen spiritus & devotionis suffocant. Primum igitur impediunt ac remorantur Ecclesiasticum ne progrediatur ad perfectionem, quemadmodum deberet. Vnde *S. Ioannes Damascenus hanc de istis profert similitudinem.* [Quemadmodum, inquit, qui vinculis adstricti sunt, ægrè incedunt; sic qui huic vitæ impliciti tenentur, virtutis curriculum purè ac plenè perficere nequeunt.] *S. Ephrem* negotia terrena curasq; seculi arbitratur esse viro præsertim religioso tanquam laqueos quibus aquila teneatur, quo minus euolare possit ad prædam in aera: tanquam capillos, quibus interdum leo retardetur. Deinde mentem auocant à studio rerum spiritualium, quibus oportet addictum & occupatum esse virum religiosæ studiorum perfectionis. Dicit hoc expressè *S. Damascenus, lib. 3. paral. cap. 74. his verbis.* [Inter ea, quæ animum distrahunt, ac mundanis occupationibus distinent, fieri non potest ut quisquam spem, laborem, rerum diuinarum meditationem atq; orationem consequatur.] Confirmat hoc idem Sâctus similitudine oculi qui distractus in diuersa spectanda non potest id intueri ac dispicere, quod menti propositum erat: speculi item quod

quod sordidum imagines non excipit. Tertiò mentem animumq; indurant ad spiritualia. *S. Gregorij sententia est*, qui de secularium estu loquens. [Neq; enim, *inquit*, perfectè homo sufficit ad vtraq; diuisus.] *Et post.* [Curis secularibus intenti, tantò insensibiliores intus efficiuntur, quantò ad ea, quæ foris sunt, studiosiores videmur. Vsu quippe curæ terrenæ à cælesti desiderio obdurefcit animus; & dum ipse usu suo durus efficitur per actionem seculi, ad ea emolliri non valet, quæ pertinent ad Charitatem Dei.] Quartò suffocant spiritus ac deuotionis semen: quemadmodum illud bonum Euangelij semen spinæ suffocabant. Secularia enim omnia spinæ dicuntur à *S. Chrysostomo*. Vt spina, *inquit*, vbicunq; tangitur, tangentem pungit: ita secularia vbicunq; comprehendes, lædunt. Verùm non huiusmodi spiritualia sunt, sed margaritæ cuidam assimilantur, quam cum tractaueris, oculos delectat. *S. Basilii idem sensit*, cum illum Euangelij locum respiciens & illustrans ait. [Spinæ namq; carnis voluptates, & diuitiæ, & curæ sunt huius seculi. Acumen autem, quo pungunt, rectè dixeris solitudinem, quam secum ferunt. Etenim Saluator spinis pares fecit solitudines, cum de semine in spinas lapso dixit. Hi sunt qui audierunt, & à solitudinibus & diuitijs, & voluptatibus vitæ euntes suffocantur, & non referunt fructum.]

§. 2. De Vtilitatibus, quæ consequuntur solitudinem & silentium.

DVas præcipuas utilitates ego deprehendo in solitudine: vt cæteras omittam. Prima est quia remouet multorum malorum tum culpæ tum penæ occasiones. Secunda præbet opportunitatem familiaris conuersandi cum Deo, ac etiùsq; illi per amicitiam vniendi.

Vt igitur exordiamur à prima. Quis nesciat quanta spirituali ægitudine anima nostra laboret? quàm prona sit ad peccandum? quanta sit vis prauæ consuetudinis? quantum nos mo-

neant mala aliorum exempla? quantus sit ignis concupiscentiæ, qui in nobis refidet? Et quis ergo in medio occasionum peccandi positus non peccabit? Quis continere se poterit? Quis tanget picem & non inquinabitur ab ea? Quis communicabit superbo & non induet superbiam? An nescimus quod modicum fermentum totam massam corrumpit? An ignoramus quod corrumpunt bonos mores colloquia praua? Sicut in venis silicis quædam ignis scintillæ latent, quæ ubi filex ferro percussus fuerit emicant protinus, quibus facilè ignis accenditur: eodem modo cum tam ex corruptæ naturæ vitio, quàm ex deprauatæ consuetudinis noua tyrannide cupiditatum scintillæ, & semina in ino pectore velut in silice lateant; proculdubio statim atq; peccandi opportunitas oblata fuerit, illæ, quæ prius veluti sopitæ videbantur, excitantur: & quæ intus latebant foras erumpunt. Quid diceres de infirmo, qui baculo innixus pedibus vix consistere posset, si quis illum impellere, atq; prostertere conaretur; staret ne? Vtiq; graui casu corrueret. Hinc psalmista. Cum peruerso peruerteris. Hinc Apostolus. Ne commisceamini fornicarijs; & cum huiusmodi nec cibum sumite. Hinc Seneca amico cuidam suo scribens sic ait. [Quid tibi vitandum præcipuè existimem quæris? Turbam. Ego certè confiteor imbecillitatem meam. Nunquam mores, quos extuli, fero. Aliquid ex eo, quod composui, turbatur. Aliquid ex his, quæ fugavi, redit. Auarior redeo, ambitiosior, luxuriosior; imo verò crudelior, inhumanior, quia inter homines fui. Subducendus populo est tener animus, & parum tenax recti. Facilè transitur ad plures. Vnum exemplum luxuriæ aut auaritiæ multum mali facit. Conuictor delicatus paulatim enetuat & emollit. Vicinus diues cupiditatem irritat. Malignus comes quamtumuis candido & simplici rubiginem suam affricuit. Quid tu accidere his moribus credis, in quos publicè factus est impetus? Necessè est aut imiteris, aut oderis: Vtrūq; autè deuitandum est, ne vel similis malis fias qui multi sunt; vel inimicus multis quia dissimiles sunt.] Hæc non minus sapienter quàm eleganter Seneca. Quodnā igitur remediū in tot malis

lis præsto erit nisi solitudo? nisi fugere? nisi imitari Prophetã, & dicere cum illo. *Ecce elongavi fugiens & mansi in solitudine.* Apes hyberno tempore lux sibi imbecillitatis corticæ, in aluearibus latent; seu in cauernis terræ timentes si in publicũ prodeant ne vel ab aere & vento rapiantur; vel à pluuia suffocentur; vel etiam ipso frigore rigescant. Et nos similiter agnoscentes nostræ imbecillitatem naturæ ad salutem æternã comparandam; & quantis excidendi periculis sumus vndiq; circumsepti cõsultius latitamus, quàm in publicum prodimus; ne sic vel à vento vanitatis auræq; popularis in superbiam effeferamur; vel à curis & cupiditatibus seculi suffocemur; vel tepidorum ignauia tepefacti in Dei cultu & seruitio penitus frigidi efficiamur. Optimum igitur est consilium fugere, secedere, latitare. De viro tali sapiente, qui nouit declinare ab occasionibus peccatorum, & in portum solitudinis se recipere, sic loquitur Propheta. *Isaias. 32. Et erit, inquit, vir sicut qui absconditur à vento, & celat se à tempestate.* Profectò qui valido perflante vento, ac toto æquore horrida tempestate commoto; vult tamen obstinatè nauim conscendere, vela dare, & nauigationem arripere; naufragium pati meretur, nec est dignus vt quis illi compatiatur: sic qui ventos, & procelas tentationum, & peccandi occasiones declinare non curat; imo potius quærit; meretur vt deseratur à Deo; & in peccatũ cadere; peccatoq; quasi immergi permittatur. Hoc enim est tentare Deum. Placeat ergo solitudo.

Secũda vtilitas est; quia solitudo præbet oportunitatẽ strictius se vniendi Deo, ac familiarius iucũdiusq; suauissimam illius cõversationem fruendi. Hinc dicit ipse Deus per Oseã 2. de anima sibi desponsata. *Ducã eã in solitudinẽ, & loquar ad Cor eius.* In solitudine Deus familiariter locutus est Moyfi, eũq; ad principatũ sui populi euexit. In solitudine Angelus cõsolatus est Agar ancillã Abraham. In solitudine Deus familiariter vñsus est Elia. In solitudine elegit Deus Ioannẽ ad prædicationẽ. Et quando nos sumus in solitudine, nostraq; corda ab omni vana cupiditate sunt vacua; & ab omni cura, sollicitudine, & perturbatione
sunt

sunt libera, tunc Deus ingreditur, ac nobiscum cœnaturus recumbit. Non aperitur autem Cor Deo, nisi præcludatur mundo. Quia nemo potest duobus Dominis seruire; sed aut vnum odio habebit, & alterum diliget; aut vnum sustinebit, & alterum contemnet. Hæc est solitudo, quam Deus diligit, & quam requirit; nempe solitudo Cordis, summoq; bono, quod est ipse Deus, firmiter adhærere: parum enim prodest solitudo corporis, si defuerit solitudo Cordis. Nam in solitudine Corporis potest quis versari in turba prauarum cogitationum, & affectionum. Vnde rectè dixit quidam; *Homo solitarius aut Angelus aut Diabolus*. Et certè nonnunquam multò melius esset alicui conuersari, mentemq; per conuersationem aliorum ab iniquis cogitationibus, prauisq; deliberationibus auocare, quàm in solitudine ignem fouere, & antiqui Serpentis sibilis cordis aures aperire. Sed propter hoc non est incusanda solitudo sed malicia eorum, qui illa male vtuntur, & in sui perniciem vertunt. Cæterum negari non potest quin ipsa solitudo corporis & externa multum conducat ad solitudinem cordis et internam. Vnde Apostolus, Hebr. 11. in numero sapientum ponit Sanctissimos illos viros qui in desertis & solitudine vitabant dum ait. *In solitudinibus errantes in speluncis, & cauernis terre, quibus dignus non erat mundus*. Illos autem secuti sunt qui à communi hominum vita segregati, claustrisq; conclusi cœnobiticam & monasticam vitam egerunt, quorum institutum adhuc in familijs Religiosorum nostrorum temporum perseuerat.

§. 3. *De Modo declinandi à negotijs inutilibus
& circumsionibus.*

Primus Modus est fuga occasionum; quæ apud Principes, & Magnates maximè solent esse: quo fonte siccato curarum huiusmodi riuuli quoq; exarescent. Principes negotia sæpe Ecclesiasticis præsertim regularibus industrijs imponunt; quòd fideliter & parua impensa sperent ab illis expeditum iri.

Qui

Qui apud Principem sunt gratiosi multa petunt eiusdem generis; quibus obsequi necesse est si Ecclesiasticus vult aditum apertum ad Principem. Alij, qui illum vident à Principe benignè admitti, precibus illum fatigant ut sua ipsorum negotia sibi sumat Principi vel commendanda, vel expedienda. Verum si fugerit aulam; aut nonnisi coactus illam aliquando adierit, compresserit opinionem se apud Principem multum posse; & sic multorum à se negotia secularia repellat.

Secundus Modus est mortificatio seu compressio carnalis affectus aduersus sanguine coniunctos. Hic enim, fons est alter negotiorum secularium, proinde sicandus. Nam hic immoderatus affectus vrget Ecclesiasticum maximè regularem quærere propinquis lucra, dignitates, stipendia; dominos quibus seruiant; dotes filiabus eorum; litis adiudicationem; veniam delictorum, atq; alia eius generis commoda; quorum causa tribunalia, curiæ, fora frequentantur; magistratus, amici, iudices adeuntur, rogantur, fatigantur. Animaduertit id *S. Basiliius const. mon. c. 21.* [Diabolus, inquit, cum omnes nos de rebus vitæ huius curas exuisse animaduertit; atq; expeditissimo cursu ad cælum contendere; in hoc elaborat ut cum animum nostrum in propinquorum recordationem reduxerit eò sensim abducatur ut rationibus illorum curandis mentem nostram ad suscipiendas rerum vitæ huius sollicitudines impellat &c.] *Post S. Basilium, S. Gregorius Papa*, inter alia multa digna lectu, hæc habet in eandem sententiam. [Nam sæpe quosdam videmus (quantum ad proprium studium spectat) iam præsentis vitæ desideria non habere : mundum & opere & professione reliquisse : sed tamen pro inordinatis affectibus propinquorum, prætoria irrumperere ; terrenarum rerum iurgiis vacare, libertatem intimæ quietis relinquere ; & mundi studia in se iam dudum destructa reparare.] *Hæc Divinus Gregorius Sanctissimus & sapientissimus Doctor.*

Tertius Modus est reuocatio sui ipsius ad interiora. Sunt quidam homines siue natura inquieta; & mobili, siue zelo non secundum scientiam, actiuosi adeò ut sese ad exteriora penitus effundant.

effundant, atq; in omnia negotiorum genera intrudant. Paralyfin vocat hoc vitium B. Petrus Damianus, qui sic eos depingit. [Si quid agunt non ad hoc tendunt vt actiuæ vel cõtemplatiuæ vitæ perferant fructum : sed ad hoc potius vt proprii arbitrij suæq; voluntatis expleant appetitum. Hi sunt, qui ad quælibet peragenda negotia huc illucq; votiua iugiter vagatione discurrunt; & dum quiescere nesciunt videri velut obediētes volunt : sicq; morbum vitij, quo laborant, superducto velamine virtutis obumbrant. Hi nimirum non idcirco laboribus atteruntur vt obediant; sed ideò suis præpositis obedire desiderant, vt laborandi materiam non amittant. Otium videlicet tolerāt, labore fruuntur, quia vagationem, quietem; molemq; negotiorum voluere suauem deputant voluptatem.] Hæc B. Petrus Damianus. His igitur remedium erit optimum reuocatio sui ipsius ad interiora; quia contraria contrarijs curantur, vt ab vtriusq; medicis tũ corporalibus tũ spiritualibus traditur. Reuocationem hanc suauiter efficiunt duo. Primum, vt in studijs spiritualibus, quibus diebus singulis melior ac melior fiat, inuigilet. Alterum, vt abhorreat se sub qualibet specie actionum secularium laqueis irretiri, (*vt inquit B. Petrus Damianus.*) Habet deputatum sibi propriæ seruitutis officium: sufficere sibi credat si indiētæ obedientiæ præscriptũ munus possit implere. Illud ad memoriam reuocet quod scriptum est. Eccles. 11. *Caue ne in multis sint actus tui.* Secularibus relinquuntur secularia iura componere.

Quartus Modus est; sumere animum atq; audacter negare petentibus importunè à nobis curas, officia, negotia, quæ iure Canonico prohibentur. Interdum hæc à quibusdam Religiosis suscipiuntur, quia sunt in negando timidiore: nonnunquam onerantur alij, quia seculares amici, cognati procaces sunt atq; audaces in flagitandis priuatis commodis, charitatis nomine prætento. Vitiosum illum pudorem, quo quidam petentibus siue æquum, siue iniquum nihil vnquam audent negare, notauit ac iure reprehendit iusto libro Plutarchus lib. de vit. verecun. qui & vincendum docuit, multis adductis documentis

mentis quæ inde petamur. Nobis hoc loco Saluator sit magister, qui Luc. 12. cum ei quidam de turba dixisset. *Magister, dic fratri meo ut diuidat mecum hereditatem.* Respondit. *Homo quis me constitit Iudicem aut diuisorem super vos.* Concludam cum *Cassiano lib. 4. c. 36.* & dicam cuilibet Ecclesiastico preferim Regulari. *Caue ne quid aliquando resumas eorum, quæ renuncians abiiecisti.*

§. 4. De Varijs Exemplis.

Solitudinis, de qua supra, quanto amore affecti, quanta cura & sollicitudine illius retinendæ præditi fuerint Sâcti, & optimi quiq; viri, multorum exempla testantur; quorum pauca & breuiter adducemus.

Diuus Bernardus tam exactam coluit solitudinem, & sensum custodiam, vt per annum integrum in vna cella agens, eam postea relinquens nesciret vtrum adhuc de super celata, vel testudinata domus esset.

Virginem quamdam, quæ se ab omnium virorum oculis remouerat, transiens per locum Sanctus Martinus eiusdem loci Episcopus inuisere voluerat: at illa per alteram mulierem se excusans nec ab eo videri voluit: quod ille & æquo animo tulit, & vehementer laudauit.

S. Hugo Episcopus Gratianopolitanus cū per annos quinquaginta populum rexisset, nullam vnquam fæminā sic aspexit vt, si occurrisset, ex cōsideratione vultus posset agnoscere: sed & dicebat idem, viros ipsos non contuendos nimium vel attentè, vel frequenter; per communionem quippe humanæ mutabilitatis atq; compassionis fieri vt affectiones aspecti ad memoriam aspicientis frequenter recurrant, & de conspectu irato iratus, de tristi tristis, de lasciuiente lasciuus fiat; quas passiones satis est, inquit, habere vnumquemq; proprias; non in se transfundere opus esse alienas.

Sed in hoc genere maximè excelluit magnus ille Arsenius Imperatorum Arcadij & Honorij pædagogus primū, postea

Eremita. Hic etiam ipsorum Monachorum, & verè spiritualiū virorum consuetudinem fugiebat. Cuius rei causam rogatus (cum ab huiusmodi non læderetur; illis verò etiam ipse prodesse posset) respondit. Ego quidem à Charitate vestra multum pendeo. Sed quid agam? Non possum me diuidere Deo & hominibus. Est enim facilius ei placere quàm istis, Angelorum millibus, & decies mille millibus vnus scopus est, & vna voluntas vt Deum laudent, illiusq; mandatis seruiant. Hominibus autem alijs aliæ sunt voluntates, scopiq; & instituta diuersa: & ideo est eis, vt dixi, difficilius placere quàm Deo.

CAPVT VNDECIMVM.

De Disciplina circa Somnum, & de Vigilantia.

Nihil penè frequentius in sacris literis cōmendatur, quàm vigilantia, vt infra videbimus. Duplex autem est hæc vigilantia: Altera corporis: Altera animæ. Illa excutit somnum; hæc torporem. Illa materialis; hæc spiritualis: vtraq; tamen omnibus, sed præcipuè Ecclesiasticis necessaria; ideo de vtraq; aliquid videbimus. Et primò Motiua ad amplectendū vigilantiam. Secundò Quæ, qualis, & quàm necessaria vigilantia Corporis à somno: & materialis. Tertiò Quæ, qualis & quàm necessaria vigilantia animi à torpore: & Spiritualis.

§. 1. De Motiuis ad Vigilantiam amplectendum.

Primum motiuum idq; efficacissimū sunt verba sacrae scripturæ pluribus in locis nos ad hanc vigilantiam adhortantis tū in veteri tū in nouo testamento. Et quidem in veteri, sæpe in Psalmis, nempe in vno loco. *Deus Deus meus ad te de luce vigilo.* Et in alio. *Vigilanti & factus sum sicut passer solitarius in tecto.* Et alibi. *Frustrà vigilat qui custodit eam.* Et in Prouerbijs. *Qui mane vigilans ad me inuenient me.* Item. *Qui*
vigi-

vigilat ad fores meas quotidie. Et in Canticis. Ego dormio & cor meum vigilat. Et in Ecclesiastico. Qui vigilauerint ad illam. (.i. sapientiā) inueniēt illam. Item. In somnis vide & vigilabis. Item. Iustus cor suum tradet ad vigilandum diluculo. Ilai. De mane vigilabo ad te. & alibi sæpe.

In nouo autem testamento apertius & frequentius commendatur. Nam in Euangelio Matthæi dicitur. *Vigilate quia nescitis qua hora Dominus vester venturus sit. Ibidem. Vigilate itaq; quia nescitis diem neq; horam. Ibidem. Vigilate & orate ut non intretis in sētationē. Et in Euāgelio Marci. Videte, Vigilate, orate. Itē. Quod vobis dico omnibus dico vigilate. Et in Euangelio Lucæ. Beati sunt serui illi quos cum venerit Dominus inuenit vigilantes. Et in Actis. Propter quod vigilate. Et prima ad Corinthios. Vigilate stete in fide. Et ad Coloisenses. Vigilate in ea in gratiarum actione. Et prima ad Thessalonicenses. Sed vigilemus & sobrii simus. Et secunda ad Timotheum. Tu verò vigilia in omnibus labora. Et prima Petri. Vigilate in orationibus. Ibidem. Sobrii estote & vigilate. In Apocalipsi. Esto vigilans & confirma. Ibidem. Beatus qui vigilat & custodit. Quibus omnibus in locis commendatur tūm vigilantia Corporis, tūm Animi; sed hæc magis.*

§. 2. *De Vigilantia Corporis & de Somno nimio excutiendo.*

EXpediret, (si possibile foret, & si naturæ necessitas non obstaret) expediret, inquam, omnino à se ablegare somnum. Quid enim aliud est somnus nisi imago mortis ut ille cecinit.

Stulte quid est somnus gelide nisi mortis imago.

Sicut igitur naturaliter refugimus mortem, ita etiam debemus fugere somnum. Anaxagoras dicebat duas esse mortis doctrinas alteram tempus, antequam nati sumus, alteram somnum. Diogenes Cynius cum periculosè ex morbo grauiissimo decumberet, lethali iam somno experrectus, atq; à medicis in-

terrogatus quomodo se haberet? Recte, inquit, me habeo; nā frater fratrem iam iam amplectitur: alludens ad Homerum qui tanaton .i. mortem & ipnon, .i. sonum germanos fecit: Socrates dicere solebat, mortem similem esse profundo somno, aut diutinæ peregrinationi. Tanta est affinitas inter somnum & mortem, ut vnum pro altero accipiatur aliquando. Volens Christus Dominus Lazarum mortuum suscitare dicebat discipulis, quòd dormiret. Lazarus, inquit, noster dormit; sed eo ut illum excitem à somno. Et Apostolus loquens de dormientibus dicit illos esse inter mortuos. Surge, inquit, qui dormis & exurge à mortuis, & illuminabit te Christus.

Cum igitur somnus sit imago mortis, immo sit frater mortis, debemus illum tanquam mortem à nobis propellere; & si non omnē (hoc .n. est impossibile, quia est datus nobis à natura ad instaurandas vires animalis; tunc enim fit cibi, potusq; digestio, fit sanguis, fit alimentum, fiunt spiritus animales, & vitales) si, inquam, non possumus abigere à nobis omnem penitus somnum, saltem immoderatum; nimius enim & immoderatus somnus non parùm officit non solum ipsi Corpori; sed Animo etiam. Scitè enim ac sapienter dixit Cato.

——— *nec somno deditus esto.*

Nam diuturna quies vitij's alimenta ministrat.

Hac de causa Spiritus Sanctus adhortatur vnumquemq; in Ecclesiastico dicens. [Hora surgendi non tetrices; sed præcurre prior in domum tuam; ibi lude, ibi auocare, & age conceptiones tuas & benedicite Dominum qui fecit te, & inebriavit te ab omnibus bonis suis.] Quod bene exquebatur Regius Propheta; proindeq; dicebat. *Media nocte surgebam ad confitendum tibi super iudicia iustificationis tue.* Atq; ad idem præstandum hortatur alios dicens. *In noctibus extollite manus vestras in sancta & benedicite Dominum.* Idem agebat Propheta Isaias; dum loquens ad Dominum ait. *Anima mea desideravit te in nocte; sed & spiritu meo in precordiis meis de mane vigila- bo ad te.* Et sane, si verum fateri volumus, nihil commodius ad sapientiam excolendum quàm intempestæ noctis silentium.

Nocte

Nocte enim pſæpe de Deo cogitamus. Nocte leſioni & meditationi diuinarum ſcripturarum vacamus. Nocte canimus, pſallimus, & precibus Deum obſecramus. Vnde non inſcite dixit Euripides. *Habent religionem tenebra.* Quia reuera tenebræ valdè conferunt conciliandæ pietati & deuotioni.

E contrâ ſapiens ſomnolentos increpat dicens. *Sicut oſtium vertitur in cardine ſic piger in lecto ſuo.* Nempe ſicut oſtium in cardine huc illucq; verſatum murmurat & tamen à loco ſuo non recedit, nec exit; ita piger ſomni amator de lecto ſe non mouet quamuis in lecto moueatur: ſi euocetur, murmurat, huc illucq; ſe vertit, diſtendit brachia, manus ſcalpit; atq; interim cūctatur ſurgere. Vnde benè cōtrâ tale hominū genus exclamat ſapiens. *Uſquequò piger dormies? quando conſurges è ſomno tuo? Paululum dormies; paululū dormitabis paululum conſeres manus ut dormias, & veniet tibi quaſi viator egeſtas & paupertas quaſi vir armatus.* Quæ omnia quamuis myſtice & ſpiritualiter intelligenda ſint; tamen non inconguè literaliter etiam intelligi poſſunt: ſomnus enim & ſomnolentia ſunt effectus pigredinis, de qua in Prouerbijs dicitur. *Pigredo inuit ſoporem.* Quantum autem damnabilis ſit pigredo, & ſomnolentia audi Eccleſiaſticum dicentem. *In lapide luteo lapidatus eſt piger, & omnis qui tetigerit eum excutiet manus.* Quaſi dicat. Per ſuam ſocordiam ita eſt maculatus ac ſi lapide luſo aut ſtercore bouum eſſet impetitus: ac proinde ſicut omnes de tali cūriſu loquerentur, & qui talem attingeret mox à ſordibus contractis manus ſuas excuteret; ſic omnes de pigri vilitate loquuntur, eiſq; conſortium deuitant; & ſi quid ei cōmiſerint mox ab illo ſubtrahunt, & ſe eximunt: ò igitur damnabilis pigritudo, & ſomnolentia.

In parabola illa Euangelica, in qua de ſemine mentio habetur, dictum eſt inimicum hominem poſtquam Pater familia ſ bonum ſemen in agro ſuo ſeminaret, dormientibus hominibus ſuperſeminare zizania. *Cum dormirent, inquit, homines venit inimicus homo, & ſuperſeminauit Zizania.* Ecce quàm grande malum attulit ſomnus & ſopor. Quot prodiciones? quot

quot occisiones? quot incendia veniunt ex noxio, intempestivo, & nimio somno. Si ancilla ostiaria Regis Isboseth; & si ipsemet Isboseth vigilasset, non ingressi essent Baana, & Rea frater eius & ipsum occidissent. O noxius somnus. O infortunatus sopor. Fugiamus ergo nimium soporem, & amplectamur Ieremiæ consilium dicentis. *Consurge, lauda in nocte in principio vigiliarum: Effunde sicut aquam cor tuum ante conspectum Domini; leva ad eum manus tuas pro anima parvulorum tuorum, qui defecerunt in fame.* Amplectamur, & cordi fixa retineamus verba ipsius Domini dicentis. *Vigilate, & orate ut non interris in tentationem.* Quibus verbis nos edocere vult vigilias, & orationes pernecessarias esse, & præsertim Ecclesiasticis, ut hoc modo tentationibus resistent, atq; omnem infernalem impetum propulsent.

§. 3. *De Vigilantia Animi in omnibus actionibus quæ, qualis & quàm necessaria sit.*

OMnibus illa Domini verba apud Marcū cap. 13. prædicantur. *Vigilate, videte, orate; nescitis enim quando Dominus domus veniat, serò, an media nocte; an galli cantu, an mane: ne cū venerit repẽtẽ inueniat vos dormiẽtes.* Sed præcipuè Ecclesiasticis prædicta cõveniunt. Nobis religiosi Patres et Fratres dicũ est. *Vigilate, videte, orate.* Vigilatẽ in omnibus vestris actionibus, & omni tempore & omni loco. Videte laqueos, quos ubiq; Satan parat ad capiendos incautos & dormientes, & eos qui mentis oculos habent occlusos. Orate Deum aut ne vos inducat in istos laqueos; aut inde vos irretitos educat. Nescitis enim quando magnus illa magister venturus sit, an in vesperta senectutis, an sub auroram iuventutis, an verò in meridiano virilis ætatis calore. Vigilatẽ, inquam, ne vos stertentes & sopore distentos inueniat.

Diuus Bernardus Ser. 3. in vigil. Nativ. Dom. volens suos Monachos ad hanc vigilantiam adhortari sic ait. [Si essemus in domo illa non manufacta æterna in cælis, ubi nullus inimicus

micus intrat, nullus exit amicus, nihil esset timendum. Nunc verò tribus malignissimis, & validissimis ventis expositi sumus, Carni, Diabolo, Mundo, qui conscientiam illuminatam moluntur extinguere, insuflantes in cordibus nostris desideria mala, motus illicitos, & ita terepèrè turbâtes, ut uix prenoscere valeas unde venias aut quò vadas. Ex quibus etsi duo sæpius intermittunt, à tertio tamē nemo unquā lussādī inducias extorlit. Ideò vtriusq; manibus & cordis & corporis anima est tegenda ne fortè quæ iā illuminata fuerat extinguatur; nec cedendū vel recedendum etiam si gravis tentationum feruor vtriusq; hominis statum vehementer afflixerit, sed dicendum cum Sancto. Anima mea in manibus meis semper. Eligamus potius ardere, quàm cedere. Et sicut quod in manibus nostris tenemus, non facilè obliuiscimur; sic nunquam obliuiscamur negotium animarum nostrarum, & illa cura principaliter vigeat in cordibus nostris. Cum ergo sic lumbi nostri accincti fuerint, & lucernæ ardentes, custodiendæ sunt vigilæ noctis suprâ gregem cogitationum & actionum nostrarum, ut si in prima vigilia, vel secunda, vel tertia dominus venerit, paratos nos inueniat. Prima vigilia est rectitudo operis, ut ad hanc quam iurasti regulam, omnem vitam exæquare coneris, nec transgrediaris terminos quos posuerunt patres tui, in omnibus viæ & vitæ huius exercitijs non declinans ad dexteram neq; ad sinistram, Secunda puritas intentionis ut simplex oculus totum corpus lucidum faciat, ut quidquid feceris propter Deum facias, & ad locum unde exeunt gratiæ reuertantur, ut iterum fluant. Tertia est custodia Vnitatis ut in congregatione positus voluntates aliorum tuis voluntatibus anteponas; ut non solum sine querela sed & cum gratia inter fratres maneas, portans omnes, orans pro omnibus, ut de te quoq; dicatur. Hic est fratrum amator & populi Israel: hic est qui multum orat pro populo, & vniuersa Sancta Ciuitate Hierusalem.] *Hæc mellifluus Dētor Bernardus.*

Verū præ omnibus & laicis & Ecclesiasticis vigilantia maximè necessaria est Prælatis & Pastoribus Ecclesiæ. Sponsus ille in

le in Canticis dignitatem & officium suum recensens ait se constitutum esse custodem in vineis ad vigilias perpetuò agendas. *Posuerunt me custodē in vineis.* Mysticè exponendo. Per vineā designatur Ecclesia, eius autē custodes & excubitores sunt Sacerdotes & Præsules. Quare semper vigilare debent & impedire ne hanc hæreditatem animalia & feræ depascant. Super muros tuos (ait per Isaiam Deus) constitui custodes, tota die & nocte in perpetuum non tacebunt, impediuntq; ne quis valum tuum transcendat. Sôlet in Sacris literis Ierosolimæ nomine designari Ecclesia: Custodes autem in muris constituti sunt Sacerdotes & Præsules: illo autem loco eos Dominus constituit semper ut vigilant & explorent num inimicus in procinctu sit ut inclament si quod imminere discrimen viderint, impediuntq; ne quis ad muros accedat, adeò ut perpetuò vigilandum sit.

Inter ceteras uisiones vidit aliquândo Ieremias Virgā vigilāte oculatam, & circumspicientem. *Virgam, inquit, vigilantem ego video.* Non desunt qui dicant hac virga mysticè denotari Sacerdotes & Præsules, quorum est ad instar virgæ plebem emendare, animas gubernare; sed debent esse insimul virga oculata & circumspiciens, idest vigilans habens oculos semper apertos, patentes, & Ecclesiarum curæ continuò intendentes.

Meritò Ionas rephesus fuit ob illud nō leue delictū cōmissū in illa maxima freti perturbatione quādo, navis grauissimis agitata procellis et nautis oñi cōsilio atq; auxilio orbatis, ipse nō ad laborauit, non celeste implorauit auxiliū, immo in carina navis obdormiēs securus iacebat. Et facta est tépestas magna, in mari & navis piclatabatur cōteri &c. Ionas descēdit ad interiora navis, & dormiebat sopore graui. Similem haud dubio Sacerdotes & Præsules errorem committunt quando agitantibus Diui Petri nauim fluctibus & procellis persecutionum, & salute animarum in discrimine versante, ipsi intrā voluptatum latebras delitescunt, delitijs indormiscunt tempore, quo remigari potius, omnes corporis animiq; vires intendere, aduersus peccata debacchari hæreses profligare, & Euangelium in Ecclesiæ nauitueri oporteret.

Apo-

Apostolus Petrus pridè q̃ feralis passionis tragedia perageretur reprehenditur à Domino in horto oliuariū quòd vigilare secum non potuerit, & quòd à somno victus succubuerit; audiuit enim. *Non potuisti una hora uigilare mecum.* Ita nos Ecclesiastici existimare debemus eisdem Domini verbis redargui, eodemq; verborum aculeo pungi & excitari, quòd Iuda infidias moliente; Christo in discrimine versante; Ecclesia afflictà, atq; aduersitatibus & erroribus diuexata, nos alto sopore obruti iaceamus. Mirum quod non possimus vna hora vigilare cum Christo.

Quapropter idem Apostolorum Princeps, & summus Iesu Christi in terra Vicarius prædictis sui Magistri & Domini verbis quasi stimulis excitatus, ipsemet grauitè hortatur fideles omnes ad vigilandum dicens. *Fratres sobrii estote, & uigilate, quia aduersarius vester Diabolus tanquam leo rugiens circuit quarens quem deuoret.* Hâc eandem adhortationem coapostolus eius Paulus facit dilecto suo discipulo Timotheo; atq; in illius persona instruit omnes Ecclesiasticos dicens. *Tu verò vigila in omnibus labora, opus fac Euangelistæ, ministerium tuum imple. Sobrius esto.*

Concludam verbis eiusdem Beatissimi Apostoli me & omnes Ecclesiasticos excitans & commonefaciens. *Vigilate, stete in fide, viriliter agite & confortamini.* Cogitemus, ò Sacerdotes, ad nos verba hæc dirigi; & nobis seriò dictum. *Vigilate; stete in fide, religione, pietate, iustitia charitate; viriliter agite aduersus Dæmonem, Mundum, Carnem. Confortamini in potentia virtutis Dei; & ipse Deus adiuuabit nos; quia faciēti quod in se est, Deus non denegant seipsum.*

CAPVT DVODECIMVM.

*De disciplina & animi moderatione in omnibus huius
vite euentibus & varietatibus.*

QUicquid mortalibus in hac fluxibili vita euenire potest
vel habet rationem conuenientis vel disconuenientis:

vel iucundi vel tristis : vel prosperi vel aduersi . Sic igitur in omnibus euentibus talis morum disciplina , animiq; moderatio seruanda est , vt in prosperis non extollamur , & in aduersis non deprimamur : immò in prosperis quasi tristemur , & in aduersis ferè gaudeamus : quia si verè sapimus , si oculos mentis benè intendimus , verè deprehendemus mundanas prosperitates nihil veri & solidi boni nobis conferre , imò frequentius plurimùm veri mali : e contrà verò aduersitates nihil veri mali nobis inferre ; imò sæpe sepius plurimum veri boni , ijs præsertim qui recto sunt corde : aduersitas enim proficit ad salutem ; prosperitas autem attrahit ad interitum . Totum quod dicimus satis liquecet ex conditionibus & proprietatibus vtriusq; fortunæ tam Prosperæ , quàm Aduersæ . Et primò quidem Prosperæ nimirum . Primò quia vt plurimùm illicitè venit . Secundò quia brevis . Tertiò quia incerta . Quartò quia instabilis . Quintò quia fallax . Sextò quia vana . Septimò quia amicitiam ueram occultat . Octauò quia excitat & fouet crimina . Nonò deniq; quia ad exitium perducit . Ex conditionibus autem fortunæ Aduersæ . Primò quia mentem illuminat . Secundò quia ad pænitentiam reuocat . Tertiò quia ad Deum adducit . Quartò quia habet Deum adiutorem , & Consolatorem . Quintò quia reddit homines fortes . Sextò quia maiorem Dei amorem excitat in nobis . Septimò quia est mater & magistra virtutum . Octauò quia est signum prædestinationis . Nonò quia ad vera gaudia & ad salutem æternâ perducit .

Conditiones & Proprietates fortunæ Prosperæ .

§. 1. *Quòd mundana Prosperitas vt plurimum illicitè veniat .*

Homines huius seculi collocant prosperitatem Vel in affluentia diuitiarum : Vel in sublimitate honorum & dignitatum : Vel in redundantia sensibilibum voluptatum . At quis nesciat ad omnia prædicta frequentissimè per vias omnino prauas & illicitas perueniri , quæ à rectissima diuina lege damnantur .

Atq;

Atq; vt aliquid de diuitijs proferamus. Nōne luce meridiana clarius est plerofq; sibi diuitias, opes & pecunias comparare dolis, mendacijs, fraudibus, furtis, rapinis, cæterisq; similibus reprobatis artibus? scilicet aut bona & res proximorum occultè auferendo: aut palam per vim rapiendo: aut deprædando: aut violenter inuadendo, & occupando: aut Simoniam committendo: aut illicito opera se submitiendo: aut vltra sortem aliquid accipiendo: aut pactum initum dissoluendo: aut iuramentum licitum perfringendo: aut iudicia peruertendo: aut falsum testimonium ferendo: aut proditorem exercendo: aut militiam infideliter gerendo: aut fraudulenter vendendo: aut fallaciter aliena detinendo; aut periurijs mentiendo: aut miseris non subueniendo: aut aliena inuenta non reddendo: aut re deposita vtendo: aut depositum clam recipiendo: aut per donationes coniugum à iure prohibitas acquirendo: aut fraudulenter ludendo: aut lucrum in electione Prælati accipiendo: aut mercedem operariorū; non soluendo: aut pupillos decipiendo & opprimendo: aut instrumenta falsa conficiendo: aut secreta causæ aperiendo; aut naufragorum bona capiendo: aut lucrum pignoris sibi obligati in se transferendo: aut commodatum ad alium vsum cōuertendo: aut pro rebus necessarijs gabellam exigendo: aut pedagium à Clericis reluendo: aut peregrinos & viatores spoliando & cruciando: aut bona Ecclesiæ non custodiendo: aut deniq; alijs consimilibus modis, quos omnes illicitos esse, iniustos, & damnatos nemo est qui ignoret.

De dignitatum autem & honorum sublimitate quid proferam? An forte huiusmodi prosperitas purior erit? Nequaquam. Qui ad mundialem gloriam & honores ascendunt plerūq; id assequuntur illicitè, nimirum cor machinationibus tegendo: sensum verbis velando; quæ falsa sunt vera ostendendo; quæ vera sunt falsa demonstrando; simulando & fingendo; ostendendo se habere uirtutes, quæ reuera non habent; detrahendo alijs quæ habent bona, reuelando peccata occulta aliorum; susurrando & seminando discordias inter amicos;

adulando magnatibus; iactando se, & extollendo si quid habent boni; præsumendo suprâ vires proprias; decipiendo incautos; cum simplicibus astutè tractando; irridendo & subsannando alios; promittendo quæ non possunt dare; comminando malum quod non possunt infligere; derogando famæ & auctoritati Superiorum; cōmutando spiritualia pro temporalibus, seu vice versa temporalia pro spiritualibus: cæterisque consimilibus artibus non probatis. Et ecce ascensus ad dignitates.

Sed longè turpius & inhonestius perueniunt ad ipsorum sensibiles voluptates, quæ cum consistant in delectationibus aut venereis, aut cibi, aut potus; in quibus non longè distamus à brutis; quibus modis ac vijs mortales ad hæc delectationes pertingant melius est tacere quàm eloqui. Talis est mundana prosperitas, iniusta, illicita, inhonesta. Et hanc vocabis prosperitatem? hanc desiderabis? pro hac adlaborabis? O labores malè susceptos. O cæcas hominum mentes. O peccata cæca. Ne miremur si nō rarò videmus homines tali prosperitate tumidos de repente euanescere vt inquit Propheta. *Vidi impium exaltatum & eleuatum super cedros libani; & transiit & ecce non erat.* Quia scilicet nihil tam naturale est quàm quòd quælibet res eo genere solvatur, quo erat ligata.

S. 2. *Quod humana Prosperitas sit brevis.*

A Deò brevis est humana & mundana prosperitas, vt sit tanquam memoria hospitis vnius diei prætereuntis vt dicitur Sap. cap. 5. Nam hospes qui tantum vno die moratur in hospitio, & statim recedit; citò obliuioni traditur ab eis qui illum receperunt, & alios subinde novos continuò recipiunt. Sic mūdus est quasi hospes, qui novos hospites recipit & receptos emittit ex hospitio. Generatio præterit, generatio aduenit, terra autem in æternum stat. Vt igitur appareat quàm cōgrua similitudo intercedat inter hospitem & mūdū, obseruandas propono vtriusq; conditiones & proprietates. Primò Hospes concedit suis hospitibus vsum tantummodo suæ domus

domus & utensilium; non autem dominium: Sic mundus solum vsum rerum temporalium concedit non dominium: Vnde nihil permittit asportari; sed qualiter quis intrauit in mundi hospitium ita egreditur, ideò Eccles. 5. dicitur. *Sicut egressus est nudus de utero matris sue sic reuertetur, & nihil secum afferet de labore suo.* Et Apostolus ad Timotheum. *Nihil intulimus in hunc mundum haud dubium quia nec auferre possumus.* Secundò. Hospes successiue vendit diuersis idem; mundat enim cubiculum & denudat, vt hospes emat paleas & cum recesserit iterato cameram denudat, vt easdem paleas alter de nouo emat: Sic mundus idem successiue vendit diuersis. Tertiò Hospes non permittit hospitem suum emere meliora extra hospitium suum; Vnde licet panis aut vinum sint meliora apud vicinum; non tamen permittit illa emere, sed postquam hospitium suum acceptauit quidquid necessarium est à se emere cogit: Sic mundus non permittit gaudium Cæli, nec delicias extra mundum existentes emere quamuis sint meliores; quia non vult lex mundi vt homo eleemosinas largiatur, sed vt expendat opes circa delicias & circa pompas mundanas: nam vt benè dicit *Beatus Gregorius. 14. mor. cap. 13.* [Desiderium cælestium nesciunt qui cor in voluptatibus terrenis defigunt.] Quartò hospes ad blanditur, ac vultum hilarem ostendit hospiti, eiq; obedit per omnia, ac deseruit; sed in fine strictissimum computum conficit & exigit: Sic mundus ostendit homini vultum blandum vt Iudas Christo; sed in fine asperum & iniucundum. Vnde *B. Augustinus dicit. Epist. ad Dioscorum.* [Mundus iste periculosior est cum est blandus, quam cum molestus; & magis cauendus est cum se diligi, quam cum se admonet, cogitq; contemni.] Quintò Hospes abeuntem & non reuersurum obliuioni perpetuæ tradit: Sic mundus omninò obliuiscitur defunctorum. Vnde dicitur Sapient. cap. 2. *Nomen nostrum obliuionem accipiet per tempus, & nemo habebit memoriam operum nostrorum.* Itaq; Prosperitas mundi est valde breuis. Hinc in prouerbijs Sapientum dicitur. *Fortuna vitrea est, quæ cum splendet frangitur.* *Fortunam citius reperies quam resineas,* erat simbo-

bolum cuiusdam Imperatoris. Unde benè cecinit Ovidius de Ponto.

Omnia sunt hominum tenui pendencia filo.

Et subito casu qua valuerunt.

Ludit in humanis divina potentia rebus.

Et certam presens vix habet hora fidem.

S. 3. *Quòd humana Prosperitas sit incerta & ambigua.*

Non solum est brevis; sed etiam incerta & ambigua. Unde Seneca in quadam Epistola dicit. [Vitae ergo quaecunq; vulgò placent; ad omne fortuitum bonum suspitiosi, pauidiq; subsistite; nam & fera & piscis aliqua spe oblectante decipitur. Munera illa fortunæ putatis, insidiæ sunt. Quisquis ergo agere vitam tutam volet, viscata ista beneficia deuitet; in præcipiti cursus iste deducit, huius eminentis vitæ exitus cadere est. Cogitate nil præter animum esse mirabile, cui magno nihil magnum est. Non est tuum, fortuna quòd fecerit esse tuum.] Et alibi dicit sic. [Nescit fortuna quiescere. Letis gaudet tristitia miscere Itaq; secundis nemo confidat. Aduersis nemo deficiat. Alternæ sunt vices rerum.] Et Ovidius lib. 4. trist. sic cecinit.

Passibus ambiguis fortuna volubilis errat.

Permanet in nullo certa, tenaxq; loco.

Sed modò lata manet; modò vultus sumit acerbos.

Et tamen constans in leuitate sua est.

Largitur quodcumq; libet fortuna, rapitq;

Est gracilis subito qui modò grossus erat.

S. 4. *Quòd humana Prosperitas sit mutabilis & instabilis.*

Mundana & humana prosperitas similis est araneorum telis, quæ difficilè componuntur, & facillimè dissoluntur. Sicut nubes, quæ homines refrigerant; & tamen modico colore fugantur. Meritò Sen. de tranquil. animi dixit. [Noli tran-

tranquillitati confidere; In momento enim mare euertitur, & eodem die, quo navigia luctantur, absorbentur.] Et *Boetius de consol. lib. 1. dicit.* [Quâtas rerû lubrica versat fortuna vices. Premittit insôtes debita sceleris noxia pœna. At peruersi resident celfo mores solio sancta q; calcât. Latet obscuris cõdita virtus clara tenebris.] Hinc benè *Valer. Maximus lib. 10. ait.* [Humanę vitę cursus prout fortuna gubernaculû rexit modò aspero, modò tranquillo motu peragitur, spe semper minor dum & cupidè votis extenditur, & ferè sine ratione cõsumitur. Atq; de hoc ponit ipse *Valerius lib. 6. cap. 9.* aliquot exempla. Primum de Alcibiade, qui fuit Atheniensis & filius Themistoclis; sed non fuit ita benignus patriæ, sicut pater eius. Fecit mirabilia pro Ciuitate, & tandem inimicus patriæ. Habuit ingenium valdè varium & subtile; & similiter fortunam variam. Nam primò fuit sanguine nobilis; corpore speciosus; pollens ingenio; diuitijs affluens; dux potentissimus, amator patriæ. Sed postea factus est inops, quia omnia bona sua vendita fuerunt; relegatus in exilium; omnibus odiosus; contrarius patriæ; tandè violenter mortuus, quia pœna ignis extinctus est. Secundum De Policrate Samiorum Duce, qui prius habuit fortunam sibi placidissimam adèò vt quicquid cuperet præstò haberet; velle & posse ferè æqualia in eo erant. Et ne omnis incommodi expers esset anulum suum grauissimum in mare proiecit, quem tamen continuò recuperavit capto pisce qui eum deglutiuerat. Sed hunc, cuius fœlicitas plenis semper velis prosperum cursum tenuerat, Orontes Præfectus Darijs Regis in excellentissimo montis vertice iuxtà famosam insulam cruci affixit. Benè *Seneca in Thieste canit.* *Res Deus nostras celeri citatas, turbine versat.* Tertium De Dionysio, qui cû hæreditatis nomine accepisset à patre Siracusanorum ac planè totius Siciliæ tyrânidè, maximarum opum dominus; exercituum Dux; rector classium; equitatum potens; tandem pulsus de Sicilia transiit in Græciam Corinthum, vbi propter inopiam, pædagogus puerorum fieri est coactus. Quartum De Siphace Numidarum Rege, qui tempore Scipionis Africani maioris adèò fuit fœlix vt

Scipio

Scipio cum paucis ad ipsum transiret ad iniendum cum eo fœdus contrà Carthaginem; postea Anibal dedit illi filiam in uxorem, propter quod factus est Carthaginienſium amicus relicto Scipione. Is demum debellatus à Scipione catenatus à Lelio Legato Romam deductus in carcere miserabiliter mortuus est. Et confimilia exempla propè innumera inueniuntur in historijs tam sacris quàm prophanis. Vnde hanc fortunæ prosperæ instabilitatem egregiè descripsit quidam Hildebertus; dum de suo exilio sic canit.

*Nuper eram locuples, multisq; beatus amicis
Et rifere diu propria fata mihi.
Sape mihi dixi. Quis nam tam prospera verum?
Quid sibi vult tantus? tam citus agger opum?
Heu mihi nulla fides nulla est constantia rebus.
Res ipse quid sint mobilitate docent.
Res hominum atq; homines leuis alea versat in horas
Et venit à summo summa ruina gradu
Cuncta modò ancipiti pendent mortalia casu
Et spondent propria mobilitate fugam
Quicquid habes hodie: cras te fortasse relinquet
Aut modo dum loqueris desinet esse tuum.
Has ludit fortuna vices, regesq; superbos
Aut seruos humiles non sinit esse diu.
Illa dolosa comes sola leuitate fidelis
Non impunè fauet, aut sine fine premit
Illa mihi quondam vultu blandita sereno
Mutauit vultus nubila facta suos.*

Non negamus tamen in viro uirtute prædito omnem fortunam esse bonam siue sit prospera siue aduersa: è contrà in homine uirijs obstricto omnem fortunam esse malam. Vnde Boetius lib. 4. de consol. ait. [Eorum, qui in processione, uel profectu, uel adeptione uirtutis sunt, omnem fortunam, quæcunq; sit, bonam iudico. In improbitate uerò manentibus omnem pessimam esse fortunam.]

§.5. Quod mundana Prosperitas sit fallax.

DE hac loquens *Boetius lib. 2. de consol. dicit sic.* [An prætio-
sam quis æstimet fælicitatem abituram? An cara sit for-
tuna præsens nec manendi fida, & cum discesserit allatura me-
rorem? Non quod ante oculos situm est sufficit intueri: rerum
exitus prudentia meretur: quàm multis amaritudinibus hu-
manæ fælicitatis dulcedo resperfa est, quæ etsi fruenti iocunda
videatur; tamen quo minus abeat cum velit, retineri non po-
test.] *Hæc ille.* Et *Tullius lib. 2. Reshor.* [Sola virtus in sua po-
testate est. Omnia præter eam sub fortunæ subiecta sunt domi-
natione. Errant autem qui in prosperis rebus omnes impetus
fortunæ fugisse se putant. Sapientes verè cogitant, qui in tem-
poribus secundis aduersos casus formidant.] *Hæc Tullius.* In
aduersitate tamen fortunæ non egrediamur à iudicio rationis
per angustiam aut dolorem existimantes nos grauius præ cæ-
teris omnibus fortuna premi; nam vt refert *Valerius Maximus*
lib. 7. ex Solone. [Si in vnum locum cuncti mala sua confer-
rent futurum vt propria singuli deportarent domum, quàm ex
communi miseriarum aceruo portionem suam ferre mallent.]
Ex quo colligitur non oportere nos quæ fortuito patimur
præcipuæ & intollerabilis amaritudinis iudicare.

§.6. Quod mundana Prosperitas sit uana in omnibus, in quibus
mortales illam collocant.

Multa sunt, in quibus homines suam statuunt prosperi-
tatem, in quibus tamen omnibus apparet summa Va-
nitas; sicut edicit Spiritus Sanctus per Salomonem. *Vanitas*
vanitatum & omnia vanitas. Et vt ad particularia aliqua de-
scendamus, homines ponunt prosperitatem & felicitatem.

Primò in florentissima ætate, quia iuuenum græus est securior,
atq; à senectute, nec non à morte remotior. Sed hoc vanitas;
quia vt inquit *Seneca Epist. 67.* [fluunt omnia; & in assidua di-

Scipio cum paucis ad ipsum transiret ad iniendum cum eo fœdus contra Carthaginem; postea Anibal dedit illi filiam in uxorem, propter quod factus est Carthaginienſium amicus relicto Scipione. Is demum debellatus à Scipione catenatus à Lelio Legato Romam deductus in carcere miserabiliter mortuus est. Et confimilia exempla propè innumera inueniuntur in historijs tam sacris quàm prophanis. Vnde hanc fortunæ prosperæ instabilitatem egregiè descripsit quidam Hildebertus; dum de suo exilio sic canit.

Nuper eram locuples, multisq; beatus amicis

Et rifere diu propria fata mihi.

Sape mihi dixi. Quis nam tam prospera verum?

Quid sibi vult tantus? tam citus agger opum?

Hæu mihi nulla fides nulla est constantia rebus.

Res ipse quid sint mobilitate docent.

Res hominum atq; homines levis alea versat in horas

Et venit à summo summa ruina gradu

Cuncta modo ancipiti pendent mortalia casu

Et spondent propria mobilitate fugam

Quicquid habes hodie: cras te fortasse relinques

Aut modo dum loqueris desinet esse tuum.

Has ludit fortuna vices, regesq; superbos

Aut seruos humiles non finit esse diu.

Illa dolosa comes sola leuitate fidelis

Non impunè fauet, aut sine fine premit

Illa mihi quondam vultu blandita sereno

Mutauit vultus nubila facta suos.

Non negamus tamen in viro uirtute prædico omnem fortunam esse bonam siue sit prospera siue aduersa: è contrà in homine uitij obstricto omnem fortunam esse malam. Vnde Boetius lib. 4. de consol. ait. [Eorum, qui in processione, uel profectu, uel adeptione uirtutis sunt, omnem fortunam, quæcunq; sit, bonam iudico. In improbitate uerò manentibus omnem pessimam esse fortunam.]

§.5. Quòd mundana Prosperitas sit fallax.

DE hac loquens *Boetius lib. 2. de consol. dicit sic.* [An prætiosam quis æstimet fælicitatem abituram? An cara sit fortuna præsens nec manendi fida, & cum discesserit allatura meliorem? Non quod ante oculos situm est sufficit intueri: rerum exitus prudentia metitur: quàm multis amaritudinibus humanæ fælicitatis dulcedo resperſa eſt, quæ etſi fruenti iocunda videatur; tamen quo minus abeat cum velit, retineri non poſteſt.] *Hæc ille.* Et *Tullius lib. 2. Rethor.* [Sola virtus in ſua poſteſtate eſt. Omnia præter eam ſub fortunæ ſubiecſta ſunt dominatione. Errant autem qui in proſperis rebus omnes impetus fortunæ fugiſſe ſe putant. Sapientes verè cogitant, qui in temporibus ſecundis aduerſos caſus formidant.] *Hæc Tullius.* In aduerſitate tamen fortunæ non egrediamur à iudicio rationis per anguſtiam aut dolorem exiſtimantes nos grauius præ cæteris omnibus fortuna premi; nam vt refert *Valerius Maximus lib. 7. ex Solone.* [Si in vnum locum cuncti mala ſua conferrent futurum vt propria ſinguli deportarent domum, quàm ex communi miſeriarum aceruo portionem ſuam ferre mallent.] Ex quo colligitur non oportere nos quæ fortuito patimur præcipuæ & intollerabilis amaritudinis iudicare.

§.6. Quòd mundana Prosperitas ſit uana in omnibus, in quibus mortales illam collocant.

Multa ſunt, in quibus homines ſuam ſtatuunt proſperitatem, in quibus tamen omnibus apparet ſumma Vanitas; ſicut edicit Spiritus Sanctus per Salomonem. *Vanitas vanitatum & omnia vanitas.* Et vt ad particularia aliqua deſcendamus, homines ponunt proſperitatem & felicitatem.

Primò in florentiſſima ætate, quia iuuenum græſ eſt ſecurior, atq; à ſenectute, nec non à morte remotior. Sed hoc vanitas; quia vt inquit *Seneca Epist. 67.* [fluunt omnia; & in aſſidua di-

in inuentione sunt. Corpora nostra rapiuntur fluminum more: quicquid vides currit cum tempore. Homo fluida est materia & caduca, & omnibus obnoxia causis.] *Hæc Seneca*. Non est ergo fidendum iuuentuti.

Secundò In Corporis formositate. Sed & hoc vanitas; quia, *ut inquit Boetius*. Formæ nitor rapidus est & velox, & vernaculorum florum mutabilitate fugacior: quòd, ut ait Aristoteles, si linceis oculis homines vterentur ut eorum visus obstantia penetraret, nonne introspectis visceribus illud superficie tenus pulcherrimum corpus, turpissimum videretur? Igitur te pulchrum non tua natura; sed oculorum intuentium reddit infirmitas.

Tertiò In valetudinis firmitate. Sed & hoc vanitas: quia frequentius est leue bonum, & graue malum; nam *ut inquit Hugo*. Quosdam præsciens Deus multa peccare posse, flagellat eos infirmitate Corporis ne peccent; ut eis utilius sit frangi languoribus ad salutem, quàm remanere incolumes ad damnationem.

Quartò In virium robore. Sed & hoc vanitas: Quia, *ut inquit Petrarca*, in magnam virium fiduciam magnis viribus accingitur fortuna; & interdum ex æquo congregi indignans ut ostendat quàm fragile animal homo sit. Herculem ab omnibus inuictum vis latentis mali vicit. Milonem ipsum cunctis celebratum & cognitum palestris arbor vna detinuit, lacerandumq; feris obtulit: Sic robur illud eximium sine exemplo fissæ quercus robori impar inuentum est. tu viribus tuis fidis?

Quintò In ingenij acumine. Sed & hoc vanitas: quia sæpe multorum malorum causa est. *Vnde idem sic ait*. Hoc Marcò Catoni censorino tributum est, quod litteris simul atq; armis, bellicisq; omnibus & vrbanis ac rusticis artibus æquè foret idoneus. Quod ex parte Græci suo tribuunt Epaminondæ. Persæ autem Cyro. Malo autem ingenium bonum quàm excellens: quia illud in malum flecti nequit, hoc in diuersa volubile est. Nam & Crysipus Lucium Catilinam magni animi fuisse ait, sed ingenio malo prauoq; . Sæpe magnum ingenium magno-

magnorum initium malorum fuit; raro autem magni errores nisi ex magnis ingenijs prodire .

Sextò In sermonis eloquentia . Sed & hoc vanitas : quia sæpe ad facinora perpetranda deseruit . *Vnde idem .* Satis eloquentiæ parum sapientiæ fuisse in illo homine scelestissimo apud Crysiptum legis . Neq; is quidem gloriam eloquentiæ quæsiuit ullam ; quanquam altiore iudicio Tulliano non eloquentia sed loquacitas illa fuit . Verus enim orator , hoc est eloquentiæ magister , nisi vir bonus esse non potest . Quod si bonus & sapiens .

Septimò In famæ celebritate . Sed & hoc vanitas : quia , *ut inquit S. Petrus Chrysologus* , quidam laudes hominum vilipendunt , & in hoc sunt laudabiles . Quidam omni tempore venantur famam seculi , & omni tempore sunt infames . Quidam apud alios venerabiles sunt & apud se vilescunt . Quidam plus de se linguæ adulatrici , quàm conscientiæ suæ credunt .

Octauò In sapientiæ æstimatione . Sed & hoc vanitas : quia , *ut dicit B. Gregorius* , huius mundi sapientia est cormachinationibus tegere ; quæ falsa sunt vera ostendere ; quæ vera sunt falsa demonstrare . Hanc qui sciunt cæteros superbiendo despiciunt ; hanc qui nesciunt subiecti & timidi in alijs ipsam morantur , &c.

Nonò In Patriæ splendore . Sed & hoc vanitas : quia non patria sed virtus dat nobilitatem . *Vnde Petrarca .* Fuit , *inquit* , qui Themistoclis gloriam Athenis , vbi natus erat , adscribere niteretur . Qui planè pergrauiter , atq; vt talem virum decebat respondit . Cum enim sibi Seriphi angustæ & ignobilis insulæ quidam incola inter iurgia obiecisset , non cum sua sed patriæ gloria clarum esse . Neq; herclè , ait , aut ego obscurus si Seriphius , aut tu si Atheniensis clarus esses . Non splendori patriæ sed virtuti propriæ fidebat .

Decimò In familiæ clatitate . Sed & hoc vanitas : quia hæc non semper sequitur posteris . *Vnde Petrarca .* Corpus , *inquit* , semper & patrimonium sæpè à parentibus accipitis : Clarita-

tem & qui habet rarò in filium transfert; & qui non habet aliquotiens in filio videt. Quanto patre clarior Cæsar? quanto obscurior Aphricani filius? quæ si per manus tradi claritas posset, quàm clarus futurus esset intelligis.

Vndecimò In status celsitudine. Sed & hoc vanitas: quia, *ut Petrarca inquit*, scitum est illud Lyrici Poetæ.

*Sapius ventis agitatur ingens
Pinus, & celsa grauiore casu
Decidunt turres, feriuntq; summos
Fulgura montes.*

ut clarum fatear in alto nasci nec tranquillum certè nec tutum est. Altitudo quantalibet humana per seipsam inquieta est. Nil præterea tam altum, quod non & sollicitudini, & labori, & inuidiæ, & pauidi, & mærori peruium sit. Et seruorum filios in folio vidimus, & filios regum in ergastulo. Sæpe primordio dissimilis finis est.

Duodecimò In educationis mollitie. Sed & hoc vanitas. Quia, *idem Petrarca exclamat*. ò pessima pueritiæ rudimenta neglectis bonis artibus: exquisitis cibis & peregrinis poculis affuefactus à puero præclarissimam in speciẽ adoleuisti: Neq; sero, ut virorum fortium mos fuit, famem sitimq; communibus lenire, sed ambitiosa semper nausea, & damnosis stomachi sarcinis manè illis occurritur: cum tot in eremo sancti viri esurirent, tot in castris gloriosi duces parcè, sobrièq; atq; asperè vixerint. Hinc Curius, Fabricius, Coruncanus lecta suis manibus olera cænantes fœtilibus, atq; arantes ad vesperam ieiuni. Hi & alij voluptatum hostes occurrent.

Decimotertiò In seruorum numero. Sed & hoc vanitas: quia, *ut idem Petr.* multi serui multæ lites, multæ discordiæ, multa deniq; bella domestica, quorum vel spectator secundus vel laboriosus compositor sis oportet; interq; reos & accusatores medius seruis tuis seruias Iudex factus ex Domino. Vbi serui multi multus strepitus, pauca seruitia, secretum nullum, profundi & capaces ventres, lubrica guttura, pestis denu, dedecus thalamo, vorago perpetua.

Deci-

Decimoquartò In ædium sumptuositate. Sed & hoc vanitas. Vnde *Petrar.* quid hic dicam, *inquit*, nisi Tullianum illud. Ornanda est dignitas domo; non ex domo tota quærenda; nec domo dominus, sed domino domus honestanda est. Nonne in regia Tullus Hostilius habitabat quando ictus est fulmine? In regia quoq; Tarquinius Priscus quando percussus est ferro. In regia deniq; Tarquinius superbus quando pulsus est regno. Nullus locus periculis est inaccessus.

Decimoquintò In arcium munitione. Sed & hoc vanitas. Vnde *Petrar.* An & illud vetus proverbum, *inquit*, non audisti; Nullum inespugnabilem locum esse, dummodo in eum a sellus onustus auro possit ascendere. Trahit oppugnationem arx munita, non impedit. Restitit aliquantulum Senonum insultibus arx Tarpeia, Pœnorum Tarentina, donec utriq; opportuno remedio succursus est: illi Camillus, huic Fabius: sed an gemina arx Locrensis ab ipso defendi quivit Anibale? profecto nec Ilion ipsam, nec Birsā defendi potuit, nec Corinthus, quæ vna peruetustam inexpugnabilis famam habuerat; sed hanc Munus victor eripuit. Omnis magna securitas, nisi de Deo oriatur, stulta est.

Decimosexto In suppellectilis pretiositate. Sed & hoc vanitas: quia, *ut idem*, iuge bellum non cum furibus modò sed cum muribus, tinciisq; Aranear, rubigo, fumus & pulvis, & imber in vos dimicant ò diuites delicati: quibus armis hos hostes arcebitis?

Decimoseptimò In diuitiarum affluentia. Sed & hoc vanitas: quia, *ut idem*, bonis moribus rem aduersam habes. Nimix opes non modò singulorum hominum; sed populi Romani corruerunt mores; morumq; illam & eximiam fregere virtutem, qui tamdiu clarus, & tamdiu iustus & integer quamdiu pauper fuit.

Decimoctauò In pomariorum amœnitate. Sed & hoc vanitas; quia, *ut idem*, in Caietani litoris flexu, quo nullus sub cælo pulchrior, nullus amœnior, iussu temulenti & crudelis Antonij occisus est Cicero. Er poterat vtcunq; tanto viro
locus

locus conuenire, vt, postquam si Romæ mori fato vetitum erat, florido in rure florentissimus oratorum occumberet. Igitur loca delectabilia sæpe insidijs opportuna sunt dum licentius ibi, laxiusq; degitur, auersisq; magis sensibus à circumspeditione periculi.

Decimononò In gregum & armentorum copia. Sed & hoc vanitas: quia, *vt idem*, Gaudes doliturus millies. Nullus dies sine rumoribus mestis ibit. Nunc irruerunt Sabæi, tuleruntq; omnia, nec non pueros gladio percusserunt, vt pecuoso illi nunciatum est seni. Nunc bos cornu fregerit, nunc crux equus, hunc vagantem lupo agnum, nunc infectum gregem mors inuaserit.

Vigesimò In piscinarum delitijs. Sed & hoc vanitas. Vnde *idem*. Non puto, *inquit*, sælicius extruxeris quàm Salomon. Cum te ergo conuerteris ad vniuersa opera quæ fecerint manus tuæ, & ad labores in quibus frustra sudaueris, videbis in omnibus vanitatem & afflictionem animi; vt vnde gauisus fueras fortasse doleas.

Vigesimoprimò In Coniugis speciositate. Sed & hoc vanitas: quia, *vt inquit idem*, accessit Domina Sponso, carnifex priuignis, æmula socrui, familiæ iugum, assiduus labor, sumptus arculæ, ornamentum aulæ, diurnum spectaculum fenestræ, lis nocturna cubiculo. Zelus, suspiciones, & quærelæ subeunt, immortale duellum: domi habes splendidam seruitutem.

Vigesimosecundò In dotis amplitudine. Sed & hoc vanitas: quia, *vt idem*, multum dotata vxore nihil importunius, nihil intractabilius: nil sibi non licitum arbitratur; quæ suas opes mariti comparat egestati, quæ virum pascit; Dominam seputat nō sociā. Vnde dos ingreditur, inde libertas egreditur.

Vigesimotertiò In filiorum pluralitate. Sed & hoc vanitas: quia, *vt idem*, quantò plures filij tantò periculosior conditio tua est. Nescis quam dolendi materiam gignendo quæsieris? quos lachrymis aditus in tuam domum patefaceris? quantum inter ius mortis miseriæq; præbueris? O miseræ matres.

O mi-

O miseri patres . Nec timere , nec sperare , nec vota facere noueras . En disces tuo periculo : disces in breui vita longas curas texere .

Vigesimoquartò In pulchritudine filiorum . Sed & hoc vanitas : quia, *ut idem*, magnum moribus discrimen , fæminisq; permaximum . Iam pridem pulchritudo , & castitas rarò cohabitant . Forma multos tentauit ac tentandos præbuit ; quosdam strauit , & vel in crimen impulit , vel in mortem . Fecit apud Hebreos exemplum tentationis acerrimæ Ioseph ; sed discrimen præuidentiæ cælestis in gloriam vertit . Formæ labilis fructus fuisse iugentium vitium , ac magnorum imperiorum euersio . Certè nisi formosa fuisset Helena , Troia mansisset incolumis . Nisi tam formosa Lucretia , Romanum regnum non tam velociter corruisset . Nisi tam pulchra Virginia non tam citò illud decem virale imperium defecisset .

Vigesimoquintò In concordia cum genero . Sed & hoc Vanitas : quia, *ut idem*, quanta sane inter generum & socerum possit esse discordia (*ut* fileam antiquâ Danai fabellam , insuper Stilliconis cupiditatem imperij , eiusq; circa defunctum socerum , & uiuentem generum obliuionem) abundè Cæsares atq; Pompeij notissimum exemplum est .

Vigesimoextò In conuenientiâ cum nuru . Sed & hoc vanitas : quia, *ut idem*, quid scis an immortale illi tædium tibiq; dederis ? an utriq; clandestinum fortè discrimen . Multæ viros , socerosq; perenni confecerunt fastidio . Quædam veneno , aliæ ferro peremerunt : Inuenta est quæ præcipiti dominandi libidine , & secundæ sortis impatiens quo maturius virum seq; regnantem cerneret , genitori proprio causa mortis cum fuisset , supra cæsi corpus currum ageret . Sed hæc patrum merces , quid sperare debent ceteri ?

Vigesimoseptimò In genitorum erga se dilectione . Sed & hoc vanitas : quia, *ut idem* , sæpè ut dolor mortis filiorum , sic gaudium vitæ miseras matres mori compulit . Patuit hoc clarius eo die , quo reliquæ cladis ad Transimenum acceptæ Romanam sparso agmine repetebant . Duæ matres filijs , quos in
aciem

aciem cecidisse referentibus crediderant, conspectis insperati gaudij non capaces efflarunt spiritus.

Vigesimoctauò In fratrum vnione. Sed, & hoc vanitas: quia, *ut idem*, fratres sæpe inuident, sæpe despiciunt; raraq; fratrum gratia. Quantus sit amor fratrum primos mundi fratres aspice; alter alterius oppetijt manu. Siquidem Parthus rex Parthorum præter paricidia in patrem simul ac filium admissa, triginta insuper proprios fratres trucidasse legitur. Plenæ sunt historiæ huiusmodi exemplorum.

Vigesimo nonò In pacifica possessione bonorum. Sed & hoc vanitas. Quia, *ut idem*, Dei est illa vox. Stulte hac nocte repetent animam tuam à te, quæ autem congregasti cuius erunt?

Trigesimò In potestatis excellentia. Sed & hoc vanitas: quia, *ut idem*, in magna lignorum mole crepitantius sæuit incendium. Magna prosperitas magnæ viam facit aduersitati. Nec facilè quemquam planè miserum videbis qui non valdè fælix habitus sit.

Trigesimoprимò In populi plausu & aurâ. Sed & hoc vanitas: quia, *ut idem*, quis illis Scipionibus carior? quis Camillo? quis Rutilio ac Metello? quid Themistoclem loquar aut Miltiadem? quid Hamnonem aut Aristidem? quid Thesea? quid Solonem? quid Anibalem? quid Licurgum? qui quàm breuiter populo fuerint cari historijs reuoluentibus patet. Omnium est notus finis, & vel in contemptum, vel in odium versus amor: atq; indigna rebus præmia, labor, accusatio, mors, exilium, catenæ. Vanitas est gaudere flatu tenui & incetto. Populi mos est ut sæpe amet indignos.

Trigesimosecundò In principatus acquisitione. Sed & hoc vanitas: quia, *ut idem*, statum certi laboris, euentus ambigui, sed ut plurimum infelicis consecutus es. Quis Alexandri euentus? quis Dionisij Siracusani? quis Agrigentini Phalaridis? quis Hamnonis Pæni? quis Chari Heradiensis & aliorum fuerit mitto, quos occidisse immortalis gloria interfecto-ribus fuit. Vsitatum & communem tyrannorum exitum aut gladium aut venenum.

Trige-

Trigesimotertiò In exercitus potentia : sed & hoc vanitas : quia, *ut idem*, horum tædia nemo facilè, atq; molestias insolentiasq; dinumeret : sed tu experimento disces quantò sit satius solum viuere quàm cum multis legionibus. Profectò nullæ iniuriæ, nulla perfidia, nulla crudelitas castrensiū moribus comparandæ sunt; intelliges per temetipsum quàm sit verus pueris quoq; notissimus ille versiculus. *Nulla fides, pietasq; viris qui castrà sequuntur.*

Trigesimoquartò In Classis expeditione. Sed & hoc vanitas : quia, *ut idem*, Fortassis vtilius tutiusq; vel breui scamno, vel sicco littore insidias piscibus retendisses, quàm classe armata vim gentibus intulisses. Multis quidem Classis eximia noxiam dedit eò quod impulit vt optarent domi esse. Hoc & Graij Troia reduces Caphareum ad montem. Siracusio Athanienfes in littore; & Cartaginienses ad Ecadas insulas didicere, multa sunt classibus pericula.

Trigesimoquinto In hostium vltione. Sed & hoc vanitas : quia, *ut idem*, multò est sanctius multoq; deiformius obliuisci iniuriarum, quam vlcisci; Generosior nulla est obliuio quàm offensæ. Hanc summus Orator summo Duci summæ laudi attribuit, quod scilicet nil soleret nisi iniurias obliuisci. Sume igitur & tu tibi hanc nobilissimam obliuionem Cæsaream.

Trigesimosexto In Pontificatus honore. Sed & hoc vanitas : quia, *ut idem*, qui ascendisse diceris descendisti iuxta illud propheticum. Qui descendunt mare in nauibus facientes operationem in aquis multis. Qui ascendunt vsq; ad cælos, & descendunt vsq; ad abissos anima eorum in malis tabescente propter negotiorum multiplicium procellam; turbati sunt & moti sunt sicut ebrius, & omnis sapientia eorum deuorata est.

Et ecce quomodo ex prædictis & ex alijs consimilibus quæ possent adduci clarè apparet quàm vana sit omnis humana & mundana prosperitas & sælicitas; ita vt verissima sit aurea illa sententia. *Vanitas vanitatum & omnia vanitas præter amare Deum & illi soli seruire.*

§. 7. *Quod humana prosperitas amicos calat.*

IN prosperitate nō clarè patescit quisnam sit verus amicus. Vnde sapienter moralis ille ait. *Prosperitas amicum innecnis aduersitas probat.* Canis homini benè vestito applaudit, & nudum lædit: etiam hominem sibi necessaria tribuentem insequitur quem aliàs persequitur; sic homo in prosperitate. Hinc in Prou. 20. dicitur. *Multi colunt personam potentis, & amici sunt dona tribuentis.* Et in Psalmis. *Confitebitur tibi cum benefeceris ei.* Et Boetius de Consolatione dicit. [An hoc etiam inter minima existimandum quòd amicorum tibi fidelium mentes hæc aspera, hæc horribilis detegit, hæc tibi certos sodalium vultus ambiguosq; secernit; illa discedens suos aufert, tuos relinquit.] Hinc bene ille.

Tempore felici multi numerantur amici.

Cum fortuna perit nullus amicus erit.

Nolo hic prætermittere carmina quædam Italica, quæ in tali lingua peregre explicant nostram sententiam. Sunt autem infra scripta.

*Alcun non può saper da chi sia amato;
Mentre felice in sù la ruota siede:
Perche i veri, e i finti amici hà à lato,
Che mostran tutti una medesima fede:
Mà se si cangia in tristo il lieto stato;
Volta la turba adulatrice il piede;
E chi ama di cuore riman forte,
Et ama il suo Signor doppo la morte.*

§. 8. *Quod humana prosperitas est peccatorum incentiuum & fomentum.*

HOmo in prosperitate habet cor ad peccata proclive, & pronum ad vitia. Vnde S. Petrus Chrysologus sic ait. [Res inquieta est felicitas, quæ alios in superbiam erigit, alios per

per luxuriam dissoluit, hos inflamat, illos dissoluit, omnes destruit & eleuat.] Sicut equus impinguatus recalcitrat, vnde in psalmis. *Impinguatus, incrassatus, dilatatus recalcitrauit*: ita caro in prosperitate posita detrectat iugum rationis, & legi diuinæ, conscientiæq; stimulis reluctat. Quādonam, Regius ille vates adulterium & homicidium perperrauit; nisi cum omnia illi prospere eueniebant? quando nam peccata illa nefanda inundarunt in Sodomis, nisi quando abundantia panis & vini, saturitas, ocium, & deliciæ corporis excreuerunt? quando nam populus Israeliticus in idololatriæ scelus prorupit in deserto per vituli aurei adorationem, nisi quando per abundantiam ciborum prosperè se habebant? *Ederunt & biberunt & surrexerunt ludere*, inquit scriptura. Et vt aliquid de historijs prophanis proferam. Quandonam Resp. Romana in otium, in luxum, in delicias & in vitia defluxit nisi quando debellatis gentibus, subactis regibus, deuictis hostibus, dilatato imperio, et euerfa imperij æmula Carthagine summa in omnibus prosperitate fruebatur? Quia optimè sapiēs in Prou. 1. *Prosperitas stultorum perdet illos*. De hoc lachrymans conquerebatur ad Dominum *sapiens ille Neemias quando dicebat*. [Comederunt & saturati sunt & impinguati & abundauerunt delicijs in bonitate tua magna; prouocauerunt autem te ad iracundiam & recesserunt à te Deus meus, & proiecerunt legem tuam post terga sua. Et dedisti eos in manu hostium suorum & afflixerunt eos.]

Ideò Sancti viri plus sibi timebant in prosperitatibus quàm in aduersitatibus. Non enim latebat eos id quod *S. Augustinus ad Dioscor. ait* nempe quod Mundus periculosior est blandus quàm molestus, & magis cauendus cum se allicit diligi, quàm cum admonet, cogitq; contemni. Vnde magnę virtutis est, *vt inquit idem Augustinus de Verb. Dom. lib. 2.* cum fælicitate iuctari ne illiciat, ne corrumpat, ne subuertat ipsa fælicitas: magnæ, inquam, virtutis cum fælicitate luctari; magnæ fælicitatis est à fælicitate non vinci. Et *Diuus Gregorius super illud Job. 3. quare data est misero lux, & vita his qui in amaritudine*

animæ sunt. Sic inquit. [Sancti viri cum sibi suppetere prospera huius mundi conspiciunt pauida suspicione turbantur. Timent enim ne hinc laborum suorum fructus recipiant; timent ne quod diuina iustitia latens in eis vulnus aspiciat, & exterioribus eos muneribus cumulâs ab intimis repellat. Cum verò taciti cogitant quod nec bona agunt nisi vt soli Domino placeant, nec in ipsa affluentia suæ prosperitatis exultant, minus quidem de prosperis occulta contrâ se iudicia metuunt; sed tamen eadem prospera, quia se ab intima intentione præpediunt, ægrè ferunt, & molestè præsentis vitæ blandimenta tolerant; quia per hæc se vtcunq; tardari in interno desiderio non ignorant. Plus enim in hoc mundo honor quàm despectio occupat; & magis prosperitatis sublimitas, quàm necessitatis aduersitas grauat. Per hanc namq; nonnunquam cum homo exterius premitur ad concupiscenda quæ intus sunt liberius relaxatur: per illam verò animus dum multis parere cogitur à desiderij sui cursu retinetur. Vnde fit vt Sancti viri magis in hoc mundo prospera quàm aduersa formident. Sciunt namq; quia mens dum blanda occupatione premitur, aliquando libens ad exteriora deriuatur.] *Hæc Magnus ille Gregorius.*

§. 9. *Quod mundana prosperitas ad exitium
& ruinam deducit.*

Humana & mundana prosperitas sæpe sæpius finem sortitur miserabilem. Et hoc est manifestum ex multis Sacrae Scripturae locis. Habetur enim in libro Iob. 21. *Tenēt tympanum & citharam, & gaudent ad sonitum organi, ducunt in bonis dies suos, & in puncto ad inferna descendunt.* Et in Sapientia. 5. *Quid profuit nobis superbia, aut quid diuitiarum iactantia contulit nobis? transierunt omnia illa tanquam umbra; & tanquam nuncius præcurrens, & tanquam nauis quæ pertransit fluctuantem aquam.* Et in Psalmis 36. *Vidi impium superexaltatum & elenatum sicut cedros libani: & transiui & ecce non erat; quesivi eum & non est inuentus locus eius. Noli emulari*

in eo

in eo qui prosperatur in via sua, & in homine faciente iniustitias. Et Isaias 65. Et vos qui reliquistis Dominum, & obliti estis nomen sanctum meum, qui ponitis fortuna mensam & libatis super eam; numerabo vos in gladio, & omnes in cade corruetis. Et Baruch. 3. Vbi sunt principes gentium & qui dominantur super bestias, quæ sunt super terram? qui in aëribus celi ludunt; qui argentum thesaurizant, & aurum in quo confidunt homines, & non est finis acquisitionis eorum? qui argentum fabricant, & solliciti sunt nec est inuentio operum illorum? exterminati sunt & ad inferos descenderunt, & alij loco eorum surrexerunt.

Hinc benè S. Chrysostomus inquit de curial. nug. & vest. Phil. [Nouerca virtutis prosperitas. Sic applaudit vt noceat; & infelici successu sic fortunatis obsequitur, vt in fine perniciem operetur; Conuiuiis suis ab initio propinans dulcia; & cum inebriati fuerint lethale virus miscet.] Et S. Gregorius. Past. lib. 15. & 18. [Præsentis vitæ prosperitas aliquando idcirco datur, vt ad meliorem vitam prouocet; aliquando vt in æternū plenius damnet.] Et Diuus Augustinus rel. in cap. paratus 23. q. 1. [Nihil est infelicius felicitate peccantium, qua pænalis nutritur impunitas, & mala voluntas velut hostis interior roboratur.] Et Abbas Nilus. [Luge peccatorem fortunatum, intentatur enim ei gladius iudicij.]

Itaq; non est inuidendum felicitati mundanorum; nec de ipsorum prosperitate; sicut nec de aduersitate bonorum perturbari debemus: Nam vt habetur dist. 3. §. *quanquam quid turbamur. de penit.* [Nemo videns malignos prosperitatem habere turbetur. Non est hic retributio malignitatis neq; virtutis. At si aliquando contingat vt aliqua sit retributio vel malitiæ vel virtutis; non tamen secundum quod dignum est; sed simpliciter veluti quidam gustus iudicij, vt qui resurrectionem non credunt talibus doceantur; quando itaq; videmus malignum ditescere non subruamur; & quando videmus bonum malapati non turbemur: hic corona, illic supplicia: nam mali propter pauca bona quæ agunt breuem remunerationē merentur: non enim potest malus in omnibus malus esse; sicut

nec

nec bonus in omnibus bonus esse sed habet aliqua peccata. Quando ergo prosperitatem habet malus malum capitis sui est; enim pro illis paucis bonis retributionem hic accipit, illic iam plenius punietur.]

Conditiones & Proprietates Aduersæ fortunæ.

§. 1. *Quod aduersitas aperit mentis oculos
& erudit homines.*

Sicut proprium est prosperitatis mentem obnubilare, obfuscare, excæcare. Vnde Tullius de amic. ait. *Fortuna ut me, dicens ignarus multos excecauit*; & Claudianus Poeta.

——— *Dissuasor honesti*

Luxus & humanas oblimat copia mentes.

Ita aduersitas è contrà mentes illuminat. Hinc Spiritus Sanctus per Isaiam. *Vexatio dabit intellectum auditui.* Felle piscis Tobiaë oculi clausi sunt aperti. Quid per fel nisi aduersitas designatur, quæ fellis amaritudinem sapit: quis enim aduersitates libenter subit? displicent palato cordis sicut fel palato oris: attamen si displicent palato, profunt oculis qui aperiuntur & illuminantur. Plenæ sunt historiæ eorum qui dum per abrupta vitiorum cæco ferebantur cursu prosperitate impellente; adueniente aduersitate apertis oculis mentis ad rectum virtutis tramitem salutisq; semitam sunt reducti. Testis Dauid, Manasses, Mauritius Imperator, Bela Rex Vngariæ, alijq; permulti, quorum gesta prætermitto dum breuitati studeo; possunt tamen in ipsorum historijs quâ sacris quâ prophanis per legi.

Nulli dubium esse debet quin aduersitates à Deo immittantur ad nostrum profectum. Inquit enim Spiritus Sanctus. *Quos amo arguo & castigo.* Et certè plurima sunt & ferè omnia ad humanæ vsum vitæ deseruiencia, quæ per laborem, agitationem, & attritionem meliora redduntur. Aqua per montes & abrupta decurrens melior est quàm aqua immota; vnde illa dici-

dicatur viua, hæc mortua. Ferrum si transeat in assiduum vsum purgatur, perficitur, collustratur; at si in angulo positus late-
 scat, nulliq; operi adhibeatur procul dubio fuscatur, vertitur
 in atram scabiem, & rubigine absumitur. Ager vt fructum red-
 dat frequentato vomere & repetitis vicibus proscinditur, &
 quò sæpius & profundus eò melius; tunc enim vberiore fructum
 affert. Frumentum, vt in panem conuertatur, tunditur
 & conteritur in pistrino, miscetur cum aqua, manibus benè
 attrectatur, & demum in clibano decoquitur. Vux vt vinum,
 & oleæ vt oleum reddant, in torculari apponuntur, premun-
 tur, conculcantur, exprimuntur. Linum quoties percutitur, re-
 percutitur, pectitur vt panna lineæ ex illo conficiantur. Ani-
 malia quoq; quædam nonne flagellis cæduntur vsq; ad sudo-
 rem? & tunc odorem emittunt suauissimum? Noces si quis
 colligere velit & pinus, nonne hastis necesse est vt arbores
 percutiat? Quid ergo mirū si flagellis, tribulationibus, aduer-
 sitatibus à Deo immissis (immittuntur autem semper quamuis
 per causas secundas) homo eruditur, purgatur, perficitur? An
 non (Apostolo teste) *virtus in infirmitate perficitur*? Propter
 quod, idem de seipso dicit, *placeo mihi in infirmitatibus meis*.

Sunt quidem, & non negamus, nonnulli qui aduersitatibus
 deteriores fiunt, quiq; videntur quodammodo reluctari Deo;
 & pugnare cum ipso ad instar tauri ceruice erecta & cornibus
 intentis itaut si Deus pro illorum bono & salute auferat illis
 vel voluptates in quibus consculpti iacebant: vel diuitias in
 quibus gloriabantur: vel honores & dignitates in quibus po-
 siti alios despiciebant: vel corporis vires & robur, quibus ab-
 utebantur: vel cognatos & amicos, quibus innixi infirmiores
 opprimebant: vel quid aliud simile de terrenis rebus & sub-
 stantijs, quo suffulti scelera perpetrabant; ipsi in eorum praua
 voluntate & cæco affectu semper obstinatiores permanentes
 omnibus modis conantur retinere saltē effectū, quicquid Deus
 illis iam in affectu auferre molitur. Tales erant ij qui dicebant
 lateres ceciderunt, sed quadris edificabimus: Sicomoros succi-
 derunt; sed cedros mutabimus. Itaq; aduersitas, quæ illis ad
 utili-

utilitatem & correctionem immissa erat, conuertitur illis in perniciem & non rarò in desperationem. Sed hoc vitio ipsorum euenit; non autem culpanda est aduersitatis quæ utilis est. Tribuant malum prauæ & in malo firmatæ voluntati. *Omne enim ut ait Philosophus, quod recipitur in alio, ad modum ipsius recipientis recipitur.*

Necesse est odio habere mundū, carnem, diabolum, eiusq; proprijs & operibus verè & factis renuntiare; sicut verbis in baptismi regeneratione spondimus: e contrà verò Deum diligere debemus si cum ipso in æterna gloria conregnare percipimus. At quis nesciat dilectionē Dei inde maximè oriri quando quis gustare incipit quàm suavis sit Dominus? Ergo odium mundi inde maxime oritur quando quis gustare incipit quàm amarus sit mundus. Sed certè tribulationes, & aduersitates, pressuræ, persecutiones hoc maximè præstant. Igitur inducunt quantum est ex ipsis ad odium mundi; consequenter etiam ad dilectionem Dei. *Sapientia humiliati*, inquit Sapiens Eccles. *11. exaltabit caput eius; & in medio magnatorum confedere illum faciet.* Verè vir sapiens multum aduersitatibus proficit multum virtus lacessita crescit. Multa sustinet, multa probat, multa per experientiam discit vir bonæ voluntatis & salutis cupidus dum varijs tribulationibus & aduersitatibus impetitur. Hac igitur de causa Apostolus Paulus ad Romanos scribens gloriatur primùm in Deo, deinde in tribulationibus dicens. *Gloriamur in tribulationibus*; additq; causam subdens, *Quoniam tribulatio patientiam operatur; patientia verò probationem &c.* Pulcherrime ad hoc propositum dixit Greg. *Oculos quos culpa claudit, pena aperit.*

§. 2. Quod aduersitas ad penitentiam adducit.

M Agnum profectò diuinæ pietatis opus, dum peccatores in via perditionis cæca mente currentes superextensa misericordiæ dextera & iniecto aduersitatum fræno ab illo exitiali cursu retrahit, à peccatorum laqueis potenter educit; & ad

& ad salutarem pœnitentiam misericorditer adducit. In excitatione à mortuis illius adolescentis vnici Viduæ filij, qui extram portam ciuitatis Naim efferebatur legimus Dominum tetigisse loculum seu feretrum quo vehabatur, & eos, qui portabant, stetisse. Ita prorsus accidit in proposito. Deus per suā misericordiam accedit ad mortuos in peccatis. Loculum, qui corpus est, sua visitatione tangit nempe immittens grauem aliquam infirmitatem; tunc passionēs inordinatæ, quibus tanquā portitoribus præcipites ferimur in vitiorum decliuiā, aliquantulum conuirescunt; inde animus incipit paulisper se colligere, & mens ad se reuerti; quo in statu sic permanens audit vocem Dei sibi dicentis. *Adolescens tibi dico surge.* Vel vt Apostolus inquit. *Surge qui dormis & exurge à mortuis & illuminabit te Christus.* Et ecce resurrectio spiritualis à peccatis, ecce conuersio, ecce iustificatio.

De peccatoribus dicebat Ieremias. *Omnes conuersi sunt ad cursum suum, quasi equus impetu vadens ad prælium.* Pulcherrima sane & aduiuum exprimens similitudo. Sicut enim equus currens ad pugnam non hostem ex aduerso timet, non cadentium eiulatus perhorret, non tormentorum fragoribus cōcutitur, non lancearum ictibus deterretur. Sic planè impij, qui præcipites feruntur quocunq; eos cæca libido & effrænata impellit cupiditas non diaboli insidias eiusdemq; veluti leonis rugitum expaudent, non aliorum sic ambulantium ruinas excogitant, non imminentem mortem diuinumq; iudicium reformidant, non gehennæ sibi paratæ incendijs commouentur. Veruntamen sicut equus præfato impetu currens chamo & freno constrictus cursum sistit; ita dextera omnipotentis impios tangens; & chamo ac fræno maxillas eorum constringens, qui non approximant ad eum; immo toto impetu longè recedunt ab eo, detinet, retinet, conuertit, & ad meliorem fidem benigniter reducit. Maximum certè Dei beneficium. Quem admodum enim qui apprehenderet, & teneret aliquem se in flumen præcipitem dare volentem etiam si aliquantulum in aliqua corporis parte læderet non illi iniuriam, sed maximum

contulisse beneficium censeretur, modò illi vitam seruaret, & ab euidenti mortis periculo liberaret; sic omnino peccatorem in tartara ruentem percutiens Deus, & percutiēdo sanans atq; ad pænitentiam adducens, maximo illū afficit beneficio eiusq; salutis auctor æstimandus est.

De Pharaone dixit Deus. *Adhuc una plaga tangam Pharaonem.* Quia illa tactus ad tempus resipiscebat, Dominum agnoscebat, deprecabatur Moysen, & Aaron vt pro eo apud Deum intercessores existerent. En vtilitas aduersitatis. Similiter Manasses Rex, qui prospera flante fortuna flagitiosam vitam traduxerat, à Deo tactus, regno & diademate spoliatus, captiuus in Babilonem deductus, Postquam coangustatus est orauit Dominum Deum suum, & egit penitentiam valde coram Deo patrum suorum, deprecatusq; est eum, & obsecrauit intentè, & Dominus exaudiuit orationem eius, reduxitq; eū in Ierusalem in regnum suum, & cognouit Manasses quod Dominus ipse esset Deus.

Appositè in hanc sententiā *Diuus Chrysostomus.* [Sicut, inquit, Splene, & intercute laborantes cum larga fruuntur menta, frigida potione, delicijs ferculorum & saporibus tunc precipuè omnium sunt miserrimi delicijs morbum augentes; si verò siti & fame secundum medicorum leges cruciantur aliquam salutis spem habent. Sic & in iniquitate viuentes si puniantur à Deo, bona spem habent; si verò cum iniquitate, licentia & delicijs fruuntur sunt multò miserrimos. Quemadmodum enim frigus noctis florem contrahit, & calor diei foras euocat; sic aduersitas à Deo inflicta peccatorem cōtrahit vt ad se redeat, se recognoscat & pæniteat; prosperitas verò extollit, & extrà seipsum vagari facit.]

In illis Euangelicis verbis, *Compelle eos intrare vt impleatur domus mea;* duo prædestinatorum genera designantur. Alterum eorum qui sponte sua crucis mortificationem & laborem suscipiunt. Alterum eorum qui inflictas à Deo plagas leniter ac patienter ferunt; tamen illis libenter carerent si optio sibi daretur. Patres amantes filiorum interdum illos ligant tenetq;

nentq; constrictos vt ferrum & ignem vlceribus sanandis necessarium patiantur . Sic Pater, ille noster cælestis dormitantes filios illatis plagis ad salutarem laborum tolerantium excitat vt vitam tribuat .

Diuus Bernardus Ser. 48. in Cant. explicans illa verba Regis David Conuersus sum in arumna mea dum configitur spina . Sic ait. [Benè confixus quia conuersus exinde est. Benè pungeris si compungeris . Multi cum sentiunt pēnam corrigunt culpam . Spina culpa est : spina pēna est : spina falsus frater : spina vicinus malus . Sicut lilium inter spinas sic amica mea inter filias .]

§. 3. Quod aduersitas Homines ad Deum reducit .

Vulgatum est illud Diui Gregorij dictum . *Mala que nos hic premunt ad Deum ire compellunt .* Certè calamitates & aduersitates huius seculi homines ad Deum creatorem suum reducunt, qui absq; illis reuersuri fortè non erant. Regulus ille Euāgelicus ad Christum accessit propter infirmitatem filij sui, alioqui fortè non accessurus. Sic olim in deserto viri Israelitę. *Cum occideret eos Deus, idest ad mortis vsq; periculum affligeret, quarebant eum & reuertebantur & diluculo veniebant ad eum ; & rememorati sunt quia Deus est adiutor eorum .* Hinc benè *Diuus Augustinus Epist. 87.* Quam multa habeant impij dona , & munera gratuita ab illo, quem contemnunt, enumerare quis potest ? inter quæ illud magnum , quod exemplis interpositarum tribulationum , quas huius seculi dulcedini tanquam bonus medicus miscet, admonet eos, si attendere velint, fugere à ventura ira : & cum in via sunt .i. in hac vita concordare cum sermone Dei, quem sibi aduersarium habent malè viuendo . Quid ergo non misericorditer præstatur hominibus à Domino Deo, à quo etiam tribulatio beneficium est : nam res prospera donum est consolantis; res autem aduersa donum est admonentis.] Hæc habet eximium illud Ecclesiæ lumen. *Augustinus ; qui alibi exemplum, affert de Dauide in hanc quoq; sententiam sic inquires. [Hoc peccatum (.i. adulteriū*

cum homicidio) non fecit Dauid cum persecutorem Saulem pateretur; quando per diuersa fugiebat ne in manus eius incideret; erat in infirmitate tribulationis suæ tantò in Deum intentior, quantò miserior videbatur. Vtile quiddam est tribulatio vtile medici ferramentum tanquam contrà Diaboli tentamentum. Factus est postea securus deuictis hostibus, pressura caruit, tumor excreuit. Vnde & alibi idem de seipso dicit. Tribulationem & dolorem inueni & nomen Domini inuocaui.]

Pro eo, quod nos legimus. *Sitiuit in te anima mea quàm multipliciter tibi caro mea.* Diuus Hieron. vertit. *Sitiuit in te anima mea: desiderauit te caro mea in terra inuia sitiente sine aqua.* Quibus verbis aduersitatũ fructus quidã ingens innuitur. Cum enim homines omni se humano præsidio ac solatio destitutos inspiciunt, neque aliud in mundi huius vberibus quàm absintium inueniunt; tunc demum malis suis edocti intelligentes & percipientes quanta sit mundi inanitas atq; fallacia ad Deũ veræ salutis & fælicitatis fontem accurrunt, atq; ita vt non modò spiritus sed caro ipsa flagellis erudita ad Deũ aspirare, in eoq; respirare incipiat, ac delectari. Hoc est igitur quod ait. *Sitiuit in te anima mea, desiderauit te caro mea:* nec modò Deũ desiderat; sed in eo etiam exultat; iuxta illud. *Cor meum & caro mea exultauerunt in Deum viuum Omnia ossa mea dicent. Domine quis similis tibi?* Aquis diluuij crescentibus arca efferebatur in sublime, & quò magis illæ excresecbant eò magis hæc ascendebat & in altum tollebatur. Quid hoc significat? nisi quod ingruentibus aduersitatibus huius seculi per aquas significatis animus noster sursum ad Deum eleuatur? Verè mala quæ nos hic premunt ad Deum ire compellunt.

Jonas, qui dum erat liber fugerat à facie Dei, orta tempestate in mare proiectus, & in ventre ceti conclusus, Deo obediens factus est: statim enim atq; ad ripam eiectus fuit, abiit in Niniuen sicut Deus illi præceperat, ibiq; prædicauit verbum Dei. Zeno Cittius Philosophus dicere solebat se nunquam commodius nauigasse, quàm cum nauifracta, & amplissimis opi-

opibus naufragio amissis enatauit. Tunc enim Philosophiæ operam dare cepit. Vnde benè inquit Propheta. *Multiplicate sunt infirmitates eorum postea accelerauerunt.*

Diuus Gregorius in Homilia super Parabolam Hominis qui fecit cenam magnam, sic dicit. [Plerūq; postquam in terrenis desiderijs de impossibilitate lassamur, tuac mentem ad Deum reducimus: tunc placere incipit quod displicebat; & quæ nobis amara fuerant præcepta, repentè dulcescunt in memoria: peccatrix enim anima, quæ adultera conata esse non potuit; decernit esse fideliter coniux. Qui ergo huius mundi aduersitatibus fracti, ad Dei amorem redeunt atq; à præsentis vitæ desiderijs corriguntur, quid isti fratres carissimi, nisi vñtrent cōpelluntur?] *Hæc Gregorius:* & certè Deus noster tanquam piissimus & amantissimus Pater, *inquit Granatensis,* aduersitates electis suis frequenter immittit, vt flagellis ipsis mundi amaritudinem experti mundum fugiant, & ad illum tota auditate confugiant, in quo solo vera quies animi, verum gaudium, vera satietas reperitur. Sic etiam facit prudens & amantissima mater erga dilectum filium, quæ, volens illum iam grandiusculum ab lactare & solidiori cibo præparare, vbera quibus illum antea lactabat absintio illinit, vt hac amaritudine offensus dimisso lacte cibum vel inuitus capiat solidiorem.

§. 4. Quod in aduersitatibus Deum habemus adiutorem & consolatorem.

Celebris est ille locus psalmistæ in quo Deum omnibus tribulatis adesse testatur inquit. *Cum ipso sum in tribulatione; eripiam eum & glorificabo eum.* Hoc manifestè adimpletum videmus in multis Sanctis & quotidie adimpleri. Mitto exempla ad breuitatem tenendam vno tantum erimus contenti desumpto ex sacra pagina; sitq; Sancti Ioseph Patriarchæ ex duodecim illis Israelitis. Erat Ioseph inter cæteros filios Iacob innocentissimus; nihilominus alijs quietam, & prosperam vitam in propria domo degentibus solus ipse
in

in terra alienigena tribulatur. Primò in cisternam fame periturus immittitur. Inde extractus Israelitis in seruum venditur. Ab his in Aegyptum asportatur, ubi linguam, quam non noverat, audiuit. In Aegypto servitio mancipatur. Iterum ibi diuenditur. In servitio positus gravissimè tentatur ad adulterium. Tentationi resistens, fidem Deo ac suo domino castissimè servans, accusatur tamen falsò, condemnatur, in carcerem & in lacum mittitur. Custoditur in vinculis plurium annorum spatio. Ab ingrato pincerna decipitur. Verùm in tam graui & tam varia tot annorum afflictione Deus nunquam dereliquit illum. Vnde dicitur in Psalmis. *Descendit cum illo in foueam, & in vinculis non dereliquit eum* immo vniuersa illa afflictio & pressura huc tendebat, nimirum vt talia via & medio à Pharaone Rege exaltaretur, totius Aegypti dominus & gubernator constitueretur; nec non patrem suum, fratres, cognationem; immò vniuersum, qui tunc in terris erat, Dei populum à fame grauissima liberaret. Nisi enim à fratribus in Aegyptum fuisset diuenditus & amandatus: nisi in Aegypto in carcere fuisset detrusus: nisi in carcere à pincerna fuisset deceptus: certè nunquam fortè in Aegyptum descendisset, nunquam Pharaoni per pincernæ suggestionem quamuis seram pro viro sapiente innotuisset. Deo igitur omnia suauiter & fortiter disponente hoc totum est factum; vt ipsemet Ioseph fratribus suis contestatus est. *Non vestro, inquit, consilio; sed Dei voluntate huc missus sum, qui fecit me quasi patrem Pharaonis, & dominum vniuersae domus eius, & principem in omni terra Aegypti.* Sed quare? *Pro salute vestra, inquit, vt reseruemini super terram, & escas ad viuendum habere possitis.* Et vide clementissimi Domini & Dei nostri benignitatem, misericordiam & ineffabilem prouidentiam pro singulis malis quæ Ioseph perpeffus est singulas proportionem quadam respondentes dedit illi mercedes. Nam pro odio fratrum suorum acquiuit gratiam Regis eiusq; magnatum: pro contemptu & iri- sione fratrum dicentium (*ecce somniator venit*) ab illis adoratur semel atq; iterum pronis interram, & muneribus honora-

tur:

tur: pro exilio obtinet exaltationem in terra aliena: pro labore manuum in ſervitio Putipharis, annulum regium in aula Pharaonis: pro tunica polymata, qua fuerat à fratribus ſpoliatus, ſtollam byſſinam, qua Rex induit eum: pro vinculis in carcere, torquem aureum in palatio: pro carcere & lacu, ſedem ſuper currum regis: pro eo quòd ab omnibus contemptus fuerat vt extraneus, & ſervus, vt vinctus: ab omnibus genuflexis fuit adoratus ſic mandante Rege Pharaone: pro nomine ſerui, quod in Aegypto Iſmaelitæ impoſuerunt illi, aſſecutus eſt nomen regium & magnificum itaut vocaretur Saluator Aegipti: pro reiecta adultera duxit in vxorem legitimam ſæminam nobiliſſimam: Deniq; pro domo paterna, qua extorris factus fuerat: vniuerſæ Aegiptus obtinuit dominatum. Vide quomodo Deus adiutor eſt in tribulationibus? quomodo conſolatur afflictoſ? quomodo aduerſitates ordinat in maiorem electorum ſuorum exaltationem?

Hinc benè dicebat *melliſſimus Bernardus ſup. pſal. qui habitat ſerm. 17. circ. med.* [Bonū mihi Domine tribulari; dūmodo ipſe ſis mecum; quàm regnare ſine te, epulari ſine te, ſine te gloriari. Bonum mihi in tribulatione magis amplecti te, in camino habere te mecum, quàm eſſe ſine te vel in Cœlo. Quid enim mihi eſt in cœlo; & à te quid volui ſuper terram] Non minus etiam eloquenter ac ſapienter in eandem ſententiam *Eufebius Emiſſenus hom. in litanjſ.* Aduerte, *inquit.* circa te indulgentiam ſingularem Domini Dei tui. Sub tantismalis non crudeliter derelictus ſed ſalubriter humiliatus es. Nunquid non plus eſt periculum inter medias acies ignoraffe quàm periculum non vidiffe? Nunquid non virtus Dei maior apparet ſi quemquam domo procumbente concluſum ruina non obruat, quàm ſi in ſtatu ſuo domus inconcuſſa habitatorem ſeruet illæſum? Nunquid non maioris miraculi opus eſt ſi quiſquam inter tumentes fluctus fractis gubernaculis nauem iam naufragam nullum diſcrimen incurrat, quàm ſi in portu immobili tranquillitate requieſcat? Nunquid non maius beneficij cæleſtis opus eſt æſtuantibus quemquam immerſum caminis

in terra alienigena tribulatur. Primò in cisternam fame periturus immittitur. Inde extractus Israelitis in seruum venditur. Ab his in Aegyptum asportatur, vbi linguam, quam non nouerat, audiuit. In Aegypto seruitio mancipatur. Iterum ibi diuenditur. In seruitio positus grauissimè tentatur ad adulterium. Tentationi resistens, fidem Deo ac suo domino castissimè seruans, accusatur tamen falsò, condemnatur, in carcerem & in lacum mittitur. Custoditur in vinculis plurium annorum spatio. Ab ingrato pincerna decipitur. Verùm in tam graui & tam varia tot annorum afflictione Deus nunquam dereliquit illum. Vnde dicitur in Psalmis. *Descendit cum illo in foueam, & in vinculis non dereliquit eum* immo vniuersa illa afflictio & pressura huc tendebat, nimirum vt talia via & medio à Pharaone Rege exaltaretur, totius Aegypti dominus & gubernator constitueretur; nec non patrem suum, fratres, cognationem; immò vniuersum, qui tunc in terris erat, Dei populum à fame grauissima liberaret. Nisi enim à fratribus in Aegyptum fuisset diuenditus & amandatus: nisi in Aegypto in carcere fuisset detrusus: nisi in carcere à pincerna fuisset deceptus: certè nunquam fortè in Aegyptum descendisset, nunquam Pharaoni per pincernæ suggestionem quamuis seram pro viro sapiente innotuisset. Deo igitur omnia suauiter & fortiter disponente hoc totum est factum; vt ipsemet Ioseph fratribus suis contestatus est. *Non vestro, inquit, consilio; sed Dei voluntate huc missus sum, qui fecit me quasi patrem Pharaonis, & dominum vniuersae domus eius, & principem in omni terra Aegypti.* Sed quare? *Pro salute vestra, inquit, vt reseruemini super terram, & escas ad viuendum habere possitis.* Et vide clementissimi Domini & Dei nostri benignitatem, misericordiam & ineffabilem prouidentiam pro singulis malis quæ Ioseph perpeffus est singulas proportionem quadam respondentes dedit illi mercedes. Nam pro odio fratrum suorum acquisiuit gratiam Regis eiusq; magnatum: pro contemptu & irrisione fratrum dicentium (*ecce somniator venit*) ab illis adoratur semel atq; iterum pronis interram, & muneribus honoratur:

tur: pro exilio obtinet exaltationem in terra aliena: pro labore manuum in seruitio Putipharis, annulum regium in aula Pharaonis: pro tunica polymata, qua fuerat à fratribus spoliatus, stollam byssinam, qua Rex induit eum: pro vinculis in carcere, torquem aureum in palatio: pro carcere & lacu, sedem super currum regis: pro eo quòd ab omnibus contemptus fuerat vt extraneus, & seruus, vt victus: ab omnibus genuflexis fuit adoratus sic mandante Rege Pharaone: pro nomine serui, quod in Aegypto Ismaelitæ imposuerunt illi, affectus est nomen regium & magnificum itaut vocaretur Saluator Aegypti: pro reiecta adultera duxit in vxorem legitimam fæminam nobilissimam: Deniq; pro domo paterna, qua extorris factus fuerat: vniuersæ Aegyptus obtinuit dominatum. Vide quomodo Deus adiutor est in tribulationibus? quomodo consolatur afflictos? quomodo aduersitates ordinat in maiorem electorum suorum exaltationem?

Hinc benè dicebat *mellifluis Bernardus sup. psal. qui habitat serm. 17. circ. med.* [Bonū mihi Domine tribulari; dūmodo ipse sis mecum; quā regnare sine te, epulari sine te, sine te gloriari. Bonum mihi in tribulatione magis amplecti te, in camino habere te mecum, quā esse sine te vel in Cœlo. Quid enim mihi est in cœlo; & à te quid volui super terram] Non minus etiam eloquenter ac sapienter in eandem sententiam *Eusebius Emisſenus hom. in litanj̄s*. Aduerte, *inquit*. circa te indulgentiam singularem Domini Dei tui. Sub tantismalis non crudeliter derelictus sed salubriter humiliatus es. Nunquid non plus est periculum inter medias acies ignorasse quā periculum non vidisse? Nunquid non virtus Dei maior apparet si quemquam domo procumbente conclusum ruina non obruat, quā si in statu suo domus inconcussa habitatorem seruet illæsum? Nunquid non maioris miraculi opus est si quisquam inter tumentes fluctus fractis gubernaculis nauem iam naufragam nullum discrimen incurrat, quā si in portu immobili tranquillitate requiescat? Nunquid non maius beneficij cælestis opus est æstuantibus quemquam immersum caminis

minis nullum omnino sensisse flammæ furentis ardorem, quàm ignitam penitus non intrasse fornacem? Nunquid non magis prædicabile diuinæ miserationis insigne est si fortè quemquam bestiis traditum omnino contingere feritas impastis faucibus armata non audeat; quàm si familiari vmbone circumdatus ipse se tutum videat vbi occasionem periculi, causamq; non videat? Nunquid non munificentior Dei gratia circa Prophetam fuit, quod Rege vsq; ad lacum votis, & supplicationibus prosequente à leonibus honoratus est, quàm si leonibus non fuisset iniectus? Aduerte quod Deus noster probat suos, in tribulationibus non relinquit. Ecce hic beatus Propheta hostibus seruiebat, sed bestiis imperabat. Nunquid non præclarius fuit tribus pueris inter sæua incendia constitutis ignem non solum membris sed vestibus & capillis seruasse reuerentiam, quàm nullam subiisse tentationis iniuriam? Nemo se à Deo æstimet deserti cū traditur tentationi. Nemo miser putetur qui in fide uel in animi uirtute non læditur. E contrario autem qui in securitate uicij deditus est in libertate captiuus est.] *Hac eloquens Emissenus. Et Granatensis. sicut inquit, pia mater nusquam magis ad consolandum suum filiolum accurrit, quàm cū illum inconsolabiliter eiulantem cernit; ita pijsimus Deus nunquam propior est seruis suis quàm in tribulatione; quamis hoc interdum minus ab hominibus agnoscat.*

§. 5. Quod aduersitas reddit pariter & ostendit homines fortes & probatos.

PErbellè quidam sapiens pronunciauit. *Fortis est quem aduersa non frangunt; fortior quem prospera non alliciunt; fortissimus verò quem nec ipsa rerum uicissitudo deturbat.* Quòd autem fortitudinis robur ab aduersitatibus oriatur, hac similitudine satis ostendi potest. Quemadmodum cocti lateres nisi uehementi igne coquantur & per hoc obdurescant, mox ubi aquam biberint dissoluuntur, & in minutissimas micæ abeunt; igne verò quo consumendi & in cineres redigendi videbātur, ita

ita roboratur & obducescunt ut nulla dissolui queant aqua, & ad ædificia reddantur aptissimi: Sic planè iusti, qui tribulationibus frangi, atq; è mentis statu dimoueri cuiuspiam videri poterant: ex illis nihilominus tantum animi robur, fortitudinem tantam concipiunt & acquirunt ut nullis rerum aduersarum fluctibus concutiantur & dissoluantur; immo ad ædificium spirituale maximè idonei redduntur, ut tanquam viui & electi lapides in illo coaptentur. Quod etià aduersitas homines fortes & probatos ostendat, testatur *S. Gregorius iniquiens*. [Nemo quantum profecerit nisi inter aduersa cognoscit; quia vnusquisq; superni doni gratiam in tranquillitate quietis percipit; sed quantum perceperit in aduersitate perturbationis ostendit.] *Idemq; Gregorius*. [Electorum desideria dum premuntur aduersitate proficiunt, sicut ignis flatu premitur ut crescat; & vnde quasi extingui cernitur, inde roboratur. *Idemq; in moralibus* Caro mollibus, anima duris nutritur: illam blanda fouent, hanc aspera exercent: illa delectationibus pascitur, hæc amaritudinibus vegetatur: & sicut carnem dura sauciant, sic spiritum mollia necant: & inde spiritus in perpetuum moritur, vnde ad tempus caro suauiter viuit.] Et *Diuus Bernardus super Cantica*. Quomodo stellæ in nocte lucent, in die latent: sic vera virtus quæ semper in prosperis non apparet, in aduersis eminet.

S.6. *Quòd aduersitas maiorem in nobis excitat amorem Dei:
& insimul est ipsius Dei erga nos amoris
testimonium.*

QUòd aduersitas maiorem in nobis excitet Dei amorem, atq; ut Deo arctius adhæreamus efficiat, satis colligitur ex illo Euangelij loco, quo Discipuli iactati fluctibus maris, & in periculo submersionis positi accurrerunt ad dormientem Dominum excitantes eum & clamâtes *Domine salua nos, perimus*. Quem locum explicans *Diuus Chrysostomus sic dicit*.

Hom. 10. in Ewang. [Deus tribulationes irruere permittit ut ad ipsum frequentius confugiamus. Tale aliquid faciunt amantiores filiorum parentes cum paruulos suos viderint à se quidem sæpe discedere, suorum autem lusibus detineri: præcipiunt famulis terribilia multa simulare, ut exagitati metu paruuli ad maternum sinum confugere festinent.] *Hæc Chrysostomus.* Sed & mater paruulum infantem laxius & negligentius in sinu suo hærentem ex industria cadere in terram permittit, ut casu læsus & matrem inclamans in sinum post receptum tenacius adhæreat, matrisq; collum amantissimè stringat: ita pariter Deus noster non modò ab alijs tribulari, & vexari nos finit; sed nonnunquam etiam ipse plagas & intentat & infligit, ut his excitatos nos qui prius errantes & per mundi prata lasciuientes eramus ad sui amplexus peramanter inuiter. Sanè sicut pluuia in terram cadens erigit semina *ait idem Chrysostomus Hom. 14. ex varijs in Mat. locis;* sic tribulatio animum ingressa erigit desiderium: nam si granum tritici inclusum in palea foras non egreditur nisi fuerit triturratum sic & homo impedimentis mundialibus, & rebus carnalibus quasi in palea inuolutus difficilè egreditur nisi fuerit aliqua tribulatione vexatus.

Attentiolem quippe, & in causa salutis suæ vigilantiolem facit hominem inflicta tribulatio. Quemadmodum enim viator tunc in via cautus & circumspèctius incedit quando vel alicui densæ siluæ, vel loco alteri latrocinijs obnoxio appropinquat; vel semitam aliquam, aut transitum difficiliorem offendit: in campestribus autem planis ac spatiosis locis securè & oscitanter procedit: sic planè aduersitate graui oborta recolligimus nos ipsos attentius; & actionum nostrarum gressus cautius ordinamus; ideoq; Dei voluntatem exploramus diligentius, eiusq; auxilium feruentius imploramus. Porro supradicti effectus in bonis deprehenduntur; cæterum in malis non sic. Vnde benè Granatensis quodam in loco ait. Tribulatio instar flatus vehementis est, qui cum lucernam extinguat, ignem tamen accendit. Sic ergo tribulatione boni redduntur

m.

meliores ; mali verò deteriores : illi in Dei amorem accenduntur ; isti autem extinguuntur.

Quod etiam aduersitas testimoniū sit Dei erga nos amoris , non est opus vt multis auctoritatibus & rationibus comprobemus . Res ipsa loquitur ; experientia testatur . Quem enim Christus cariorem habuit in terris præ suis discipulis , Apostolis , & sua dilectissima Genitrice ? sed quinam etiam grauiores sustinere aduersitates , pressuras , passionēs ? At amoris significationes ista fuere . Cum enim illos Deus & probare , & coronare vellet : via autem ad coronas , & probationis modus sit ipsa tribulatio : quò ampliori eos coronadonare disponebat ; eò grauius tentari & affligi permittebat . Sic enim erat necesse iuxta illud Angeli ad Tobiam . *Quia acceptus eras Deo necesse erat vt hac tentatio te probaret .* Sapienter S. Chrysostomus Hom. 5. ad pop. Antioch. in hanc sententiam scripsit . [Potest , inquit , certè Deus omnia graua hodie soluere , sed donec nos purgatos videat , & firmam atq; inconcussam conuersionem , tribulationem non dissoluit . Etenim aurifex donec aurum benè purgatum viderit de conflatorio non extrahit . Nec citharedus neruum intendere prius desinit quàm harmoniæ cōcentum perfectum aduerterit . Sic Deus non abducit tribulationis nubem donec nos penitus emendauerit .] *Hæc Chrysostomus .* Ergo sicut aurifex aurum , & citharædus concentum ; sic Deus nostram intendit salutem , diligit , desiderat , operatur . Quid plura ? Nonne pater amat filium ? & nonne filius flagellatur à patre ? Apostolus ad Hebr. 12. ait expressè . *Fili mi , inquit , nolite negligere disciplinam Domini , neq; fatigieris dum ab eo argueris . Quem enim diligit Dominus castigat ; flagellat autem omnem filium quem recipit . In disciplina perseuerate . Tanquam filiis vobis offert se Deus : quis enim filius quem non recipit pater ? Quod si extrà disciplinam estis , cuius participes facti sunt omnes ; ergo adulteri , & non filij estis .* Quæ Apostoli verba expendens Diuus Augustinus hanc Conclusionem infert . *Ergo si exceptus es à passione flagellorum , exceptus es à numero filiorum .*

S. 7. *Quod aduersitas sit Mater & Magistra
omnium virtutum.*

TAm multæ sunt vtilitates aduersitatis, vt lingua vix edicere possit. Non inter postremas illa censenda est, quod sit mater, magistra, &, vt ait Chrysostomus, pedagogus virtutum .i. varijs virtutibus animum instruens. Sic enim eloquentissimè *Sanctus Chrysostomus suo more explicat.* [Tribulatio, inquit, omnium virtutum est mater, ac filiorum pædagogus: nec debuerunt illi, qui præ omnibus diliguntur, matre priuari à qua nutriantur; nec pædago, cuius industria doceantur, vt non solum magnis vitijs sed etiam minimis defectibus liberentur. Illi sanè antequam sanctam conuersationem arriperent, fortassis in grauias sunt peccata prolapsi, & post conuersionem suam modicos defectus & leuia peccata patrare non cessant; ad quæ ipsa carnis fragilitate propemodum impelluntur; tribulationes verò præterita crimina, & præsentia peccata non sine suauissima Dei dispensatione castigant. Quod videmus in mendico Lazaro; recepit enim ille mala .i. labores & corporis dolores, ac plagas in vita sua, vt castigatis & purgatis defectibus suis consolationem diuiti Epuloni negatâ acciperet. Nonnunquam etiam vitiorum fallaci suauitate perfecti tentantur; & rerum temporalium curis velut syrenarum cantu præpediuntur ne nonos faciant in virtute progressus; & tribulationis flagello à vitijs arcentur, à rerum labentium amore reuelluntur, ad currendum in via spiritus incitantur; nam multiplicatæ sunt infirmitates eorum postea accellerauerunt.] *Ita Chrysostomus.*

Sancti ideò Sancti quia in tribulationibus, tentationibus, aduersitatibus plurimis exagitati; sicq; in virtutibus profecerunt [Quis Sanctorum, inquit *Diuus Hieronymus ad Eustochium*, sine certamine coronatus est? Abel iussus occiditur. Abraham vxorem periclitatur amittere: & ne in immensum volumen extendam quære & inuenies Sanctos omnes aduersa

per-

perpellos. Solus Salomon in delicijs perpetuò fuit, & forsitan ideò corruit. Quem enim diligit Dominus castigat &c.] *Ita Hieronimus.*

Immo proprium Christiani (vtar communi vocabulo ad maiorem expressionem) proprium, inquam, Christiani esse videtur aduersa pati; itaut nomen Christiani non mereatur qui nunquam aduersa patiat. Hinc *Sanctus Augustinus.* [Nullus seruus Christi sine tribulatione est. Si putas te non habere persecutiones, nondum capisti esse Christianus.] Et *Saluianus contra gentes.* [Nemo inquit, in tribulatione moueatur; ipsi enim scimus quod in hoc positi sumus.] Quid mirum si calamitates in hoc seculo perpetuò patimur, qui ad tolerandà vniuersa militamus? Et sanè Christianus quodammodo esse definit qui in hoc positus vt perferat, nihil tamen perfert.

§. 8. Quod aduersitas patienter tolerata sit prædestinationis signum.

INter signa, quibus aliquo modo conijci potest prædestinatio alicuius, recensetur illud, nempe tribulationibus & aduersitatibus premi. Etenim in Apocalypsi Dominus ait. *Ego quos amo arguo & castigo.* Vnde Diuus Paulus ad Hebræos inquit, *quem diligit Dominus castigat; flagellat autem omnem filium quem recipit; vt diximus supra §. 6.* Diligere autē & recipere in filium est prædestinare. Hinc *Diuus Augustinus.* [Noli, inquit, esse iniquo sensu & puerili vt dicas plus amat pater meus fratrem meum, cui permittit facere quicquid vult, quàm me; quia si me moueo contrà eius iusticiam flagella inuenio. Potius gaude sub flagellis, quia tibi seruatur hæreditas; illis ad tempus parcit, quos in æternum damnabit.] Hinc etiam *Diuus Petrus Chrysologus* sumpta metaphora ab ædificatione tēpli Hierosolimitani sic ait. [In ædificatione enim temporali omnes lapides prius malleis tundeantur ne in illorum positione sonus mallei audiretur. Neq; in horreo Domini recon-

ditur

ditur triticum donec aut bacillorum percussionibus aut trituran-
antium pedibus sit excussum. Sic & viui lapides qui ponendi
sunt in illa Cælesti Hierusalem quæ ædificatur vt Ciuitas,
varijs infortuniorū concussionibus expoliantur antequam in
ædificio cælestis habitaculi collocentur.] Vnde Sancta mater
Ecclesia in hymnis antiquis de Dedicatione Ecclesie sic habet,

Tusionibus, pressuris.

Expoliti lapides.

Suis coaptantur locis.

Per manus artificis.

Disponuntur permansuri

Sacris ædificijs.

Aduertendum tamen, non esse signum prædestinationis va-
rijs tribulationibus et aduersitatibus concuti nisi patienter to-
lerentur; vt enim dixit *Diuus Gregorius*. Nec enim magis aliud
iniustos & iustos discernit; quàm quod in aduersis iniustus per
impatientiam conqueritur & blasphematur; patientia autem
iustos probat.

*S. 9. Quod aduersitas habet gaudium in hac vita;
& ad perenne gaudium perducit.*

Alloquens aliquando Christus Dominus Apostolos suos,
dicebat. *Vos contristabimini, sed tristitia vestra vertetur
in gaudium.* Et idem Dominus *Beati qui lugent quoniã ipsi con-
solabũtur.* Quibus verbis se subscribēs Apostolus ille & Euan-
gelista Ioannes in sua Apocalypsi addit. *Et absterget Deus
omnem lachrymã ab oculis eorum, & mors ultra non erit neq; lu-
ctus, neq; clamor, neq; dolor erit ultra.* Cuius rei illustre exem-
plum habemus in illis duobus Euangelicis paupere & diuite;
paupere Lazaro vlceribus pleno, & Epulone diuite epulante
quotidie splendide & cooperiente se purpura & bisso. Ille post
mortem receptus est in sinum Abraham; iste verò sepultus est in
inferno: ille iucundabatur, iste tormentis afficiebatur: ille
gaudebat, iste merebat: ille ridebat, iste plorabat: ille quiesce-
bat,

bat, iste siti laborabat : & dum rogaret Abraham vt mitteret Lazarum qui intingeret extremum digiti sui in aquam vt refrigeraret linguam eius quia cruciabatur in flammis, hoc accepit ab Abraham responsum. *Fili recepisti bona in vita tua, & Lazarus similiter mala; nunc autem hic consolatur, tu cruciaris.* Causam tam diuersi amborum status non aliam attulit Abraham nisi quia in presenti vita fuit pariter diuersa illorum conditio. Vnde *Beatus Gregorius hac verba secundum caelestem sibi inditam sapientiam expendens sic inquit*, [quicumq; in hoc seculo bona habetis, cum vos bona egisse recolitis, valdè de ipsis pertimescite ne concessa vobis prosperitas eorumdem remuneratio sit bonorum. Et cum quoslibet pauperes nonnulla reprehensibilia perpetrare conspiciatis nolite despiciere, quia fortasse quos superfluitas tenuissima prauitatis inquinat, caminus paupertatis purgat.] *Ita Gregorius.* Hanc vicissitudinem, mutationem, inuersionem, & transitum de bonis in præsentī vita ad mala in futura; & de malis in præsentī ad bona in futura vita passim testantur sacræ literæ. Regius Propheta ait. *Euntes ibant & flebāt mittentes semina sua.* Ecce mala in præsentī vita. Ecce aduersitates. Ecce tristitia iustorum: quia cum labore inter huius vitæ contrarietates seminant, & cum patientiā magna fructum bonorum operum afferunt. Sed subdit Propheta. *Venientes autem venient cum exultatione portantes manipulos suos.* Tales manipulos ille portabat qui dicebat. *Domine quinq; talenta tradidisti mihi, ecce alia quinq; superlucratus sum.* Tales Apostolus, qui dicebat. *Bonum certamen certavi cursum consumaui, fidem seruaui; ideo reposita est mihi corona iustitiae, quam reddet mihi Dominus in illa die iustus Iudex.* De hac beata rerum inuersione & catastrophe loquebatur Apostolorum Princeps dum dicebat. *Communicantes Christi passionibus gaudete, vt in reuelatione gloria eius gaudeatis exultantes.*

Et ne deterreant nos presentia mala ac si diuturna futura essent, consideremus attentè illorum breuitatem, quam ad viuum expressit Propheta *Isaias 54.* in persona Dei loquentis
illis

illis verbis. *Ad punctum in modico derelinqui te, & in miserationibus magnis congregabo te. In momento indignationis abscondi faciem meam parumper à te, & in misericordia sempiterna misertus sum tui.* Sic Deus per Isaiam. ubi vide mala præsentia vocari punctum, & momentum: bona verò futura appellari miserationes magnas, & misericordiam sempiternā. Consonant huic rei ea quæ habet. *Venerabilis Beda in sermone 18. de Sanctis.* [Dei, inquit, ineffabilis & immensa bonitas etiam hoc prouidit vt laborum quidem tempus & agonis non extenderet, nec longum faceret aut æternum, sed breue, & vt ita dicam momentaneum; vt in hac breui & exigua vita agones essent & labores, in illa verò, quæ æterna est, coronæ & præmia meritorum: vt labores quidem citò finirentur; meritorum verò præmia sine fine durarent: vt post huius mundi tenebras visuri essent candidissimam lucem, & accepturi maiorem passionum cunctarum acerbitatibus beatitudinem testante hoc Apostolo ubi ait: Non sunt condigna passionibus huius temporis ad superuenturam gloriā, quæ reuelabitur in nobis.] *Ita Venerabilis Beda.*

Verum quia homines exterioribus dediti, vt sunt plerique magis afficiuntur & mouentur præsentibus quam futuris, videamus quomodo etiam in præsenti vita Deus consolatur suos in aduersitatum fluctibus luctantes; & quomodo post tempestatem donat illis magnam tranquillitatem. Et ne longè petamus probationes, & historiatarum monumenta tum sacrarum tum prophanarum euoluamus, in promptu sunt exempla Sanctorum virorum Tobiae, Iob, Iosephi, Iacobi, Dauidis, vt omittamus cæteros. Nonne Tobias post cæcitate aduersitatem recuperavit visum, viditq; filios filiorum suorum, & vt ait Scriptura, reliquum vitæ suæ duxit in gaudio, & cum bono profectu timoris Dei perrexit in pace? Nonne Iob post plagas suas accepit omnia duplicia, & postea vixit centum quadraginta annis & vidit filios filiorum suorum vsq; ad quartam generationem? Nonne Ioseph post exilium, seruitutem & vincula super vniuersam Aegyptum dominationem
acce-

accepit ? Nonne Dauid post longam persecutionem Saulis constitutus est Rex super vniuersum populum Israel ? Nonne Iacob post longum de Ioseph perduto dolorem, inuenit gaudium & tranquillitatem maximam. Audiens enim, dicit Scriptura, nunciantes ei filios & dicentes. *Ioseph viuit, & ipse dominatur in omni terra Aegypti*, quasi de graui somno euigilantamen non credebat eis. Cum autem vidisset plaustra, & vniuersa quæ miserat Ioseph, reuixit spiritus eius. Meritò igitur Tobias dicebat Deo. *Tu flagellas, & saluas: tu deducis ad inferos & reducis*. Meritò Dauid. *Secundum multitudinem dolorum meorum in corde meo, consolationes tue latificauerunt animam meam*. Meritò Apostolus de seipso dicit. *Sicut abundant passionnes Christi in nobis ita & per Christum abundat consolatio nostra*. Et volens nos instruere dicit. *Fidelis Deus qui neminem tentat supra id quod potest; sed dat etiam cum tentatione prouentum ut possit sustinere*. [Nempe quia, (ait Origines de princ. lib. 3. cap. 2.) sicut hi qui in agonibus præsunt, eos, qui ad certamen veniunt, non utcunq; neq; fortuitò inter se finunt inire certamina; sed diligenti examinatione prout viderint corpora vel ætates æquissima comparatione iungentes illum cum illo, ut pueros cum pueris, viros cum viris &c. ita intelligendum est de Deo, quòd homines qui in hos humanæ vitæ descendunt agones, iustissima ratione dispenset secundum rationem vniuscuiusq; virtutis, quam ipse solus agnoscit: ut alius quidem pugnet aduersus carnem talem & tanto tempore; alius verò non tanto: ut alius quidem resistat aduersus inimicum potestatem hanc vel illam: alius aduersus duos tresue simul; & sic in alijs.] *Hæc Origines*. Non deserit igitur Deus nos in hac lucta quam habemus quotidie contra Carnis illecebras, contra Diaboli insidias, & contra Mundi fallacias: dummodo nos non deseramus Deum. Consolatur nos, & facit etiam cum tentatione prouentum; dummodo toto ad illum corde confugiamus, clamemusq; cum laborantibus in remigando discipulis, & dicamus. *Domine salua nos perimus*. Tunc enim poterimus postea dicere cum Propheta. *Transiui-*

Cc

mus

mus per ignem & aquam & eduxisti nos in refrigerium. Quod ille concedat nobis, qui est super omnia & in omnibus Deus benedictus in secula. Amen.

DISTINCTIO SECVNDA.

De Disciplina requisita in Ecclesiasticis in ordine ad alios.

Vidimus huiusq; de Disciplina requisita in Ecclesiasticis in ordine ad seipsos; nunc de ea, quæ requiritur in ipsis in ordine ad alios. Dupliciter autem potest quilibet Ecclesiasticus comparari ad alios, nempe Vel ut simpliciter conuiuens ad fouendam humanam societatem; Vel ut auxilium præbens ad subleuandam proximi necessitatem. Si ut Conuiuens debet seruare Disciplinam per Benignitatem, Affabilitatem, Modestiam, & Grauitatem in moribus. Si ut auxilium præbens etiam dupliciter vel domesticis: vel extraneis. Si domesticis debet seruare disciplinam per Gubernationem domesticam. Si extraneis: vel auxilium temporale; vel spirituale. Si temporale, & hoc vel intra domum solummodo, & tunc per Hospitalitatem: vel extrâ domum etiam ubiq; & semper; & tunc per Beneficentiam, Liberalitatem, Eleemosinarum largitionem, & reddituum Ecclesiasticorum distributionem: Si auxilium spirituale; & hoc vel Verbo, vel Exemplo. Si Verbo per Predicationem Verbi Dei, per Instructionem simplicium, per Exhortationes priuatas, per Correctionem fraternam. Si exemplo per Irreprehensibilitatem, & integritatem in omnibus vitæ suæ actionibus. De quibus omnibus per singula capita agemus. Itaq; Caput primum erit de Benignitate & Affabilitate. Secundum de Modestia. Tertium de Grauitate in moribus. Quartum de Gubernatione domestica. Quintum de Hospitalitate. Sextum de Beneficentia & liberalitate. Septimum de Eleemofina. Octauum de Distributione reddituum Eccle-

Ecclesiasticorum . Nonum de Prædicatione Verbi Dei. Decimum de Instructione simplicium & exhortationibus priuatis. Vndecimum de Correctione fraterna. Duodecimum de Irreprehensibilitate , & Integritate seruanda in omnibus Vi-
actionibus .

C A P V T P R I M V M.

De Benignitate, & Affabilitate.

Apostolus scribens ad Titum inter ea , quæ requirit in Ec-
clesiasticis est Benignitas dicens *Oportet Episcopum irre-*
prehensibilem esse &c benignum, sobrium iustum &c. In persona
autem Episcopi omnes instruit Ecclesiasticos. *Est autem Beni-*
gnitas, iuxta Diuum Thomam 2. 2. q. 80. habitus virtuosus vo-
luntarie benefactorius. Vnde benigni dicuntur, quos bonus
ignis amore feruere facit ad benefaciendum proximis vt ait
idem D. Thomas 1. 2. q. 70. art. 3. in corp. *Affabilitas autem*
est virtus quedam, ad cuius munus officiumq, pertinet dicta,
atq; facta omnia alios attingentia præsertim illa, quæ sub nullam
legem expressè cadunt ad decori, honestiq, regulam prudenter
atq; laudabiliter moderari, iuxta eundem D. Thomam. 2. 2. q.
114. Et quia hæ virtutes sunt valdè affines vt patet; ideò
ambas sub hoc primo capite complectemur videndo primùm
quàm necessariae sint Ecclesiasticis . Secundò quinam sit illa-
rum fructus .

S. 1. Quàm necessaria sint hæ virtutes Ecclesiasticis .

Doctor gentium Beatus Paulus volens docere quomodo
cum peccantibus & cum fragilibus agendum sit: & quo-
modo ad viam salutis sint reuocandi dicit . Gal. 6. *Fratres si*
preoccupatus fuerit homo in aliquo delicto vos qui spirituales
estis huiusmodi instruite in spiritu lenitatis considerantes inuicè ;
alter alterius onera portate, & sic adimplebitis legem Christi.

Hæc Apostolus. Quod explicans *S. Bernardus sic scribit ad Præsalem quemdam*. [Hoc onus animarum est & infirmarum; nam quæ sanæ sunt portari non indigent, ac per hoc nec onus sunt. Quoscunq; igitur de tuis inueneris tristes vel pusillanimes ipsorum te noueris Patrem exhortando, consolando, increpando, agis opus tuum, portas onus tuum; & portando sanas quod sanando portas. Si quis verò ita sanus est ut magis iuuet te quàm iuuetur à te, huius te non Patrem sed fratrem & comitem agnoscas.] *Idem Bernardus* contra detractiones aut iniurias rebellium se præmunens sic dicebat. [Ego plagis conscientie meæ nullum iudico accommodatius medicamentum probris & contumelijs; non est proinde quod permouear homuncio omni dignus despectione & opprobrio.]

Sampson cum ænigmata atq; emblemata intricata proponeret satrapis Philistinorum soluenda, postquam iam leonem suffocasset, & in illius faucibus apes fauum mellis fabricasset, hoc ænigma illis soluendum proposuit. *De forti egressa est dulcedo*. Quod Philistæi diuinare & soluere nesciuerunt. Petrus Bessius nō ignobilis auctor interpretatur hoc euenire & compleri quando Sacerdos, qui propter suam dignitatem & officium omnium mortalium fortissimus est, mellea effundit verba, omnes placidè affatur, & nulla asperitate utitur: tunc, inquit, è leone egreditur mel & è forti dulcedo. Quæ non absurda huius ænigmatis est interpretatio.

In secundo Machabeorum libro cap. 15. Spiritus Sanctus volens Oniæ Pontificis laudes contexere, commendat imprimis illius dulcedinem, affabilitatem, & benignitatem sic inquit. *Oniam, qui fuerat summus Sacerdos, virum bonum, & benignum, verendum visu, modestum moribus, & eloquio decorum*. Vnde colligimus præcipuas, & dignissimas Præsulis imo Ecclesiastici cuiusq; dotes esse, benignum & affabilem se in omni conuersatione præbere, in eloquio grauem, modestum in moribus. Quod docuit etiam *mellifluus, Bernardus super Cantica serm. 25. dicens*. [Discite qui iudicatis terram esse debere vos Matres, non verò Dominos subditorum vestrorum: ita

vos gerite ut amemini non verò timeamini ; Si verò seueritate interdum opus est , paterna sit non tyrannica ; Patres vos gerite in reprehendendo , Matres in defendendo , mansuescite , ponite feritatem , suspendite verbera , producite vbera , pectora lacte pinguescant non typho turgeant . Cur tam grauiter opprimitis quorum sollicitudo , & cura vobis incumbit ?] *Hæc Bernardus* , cuius verba aliò non tendunt , quàm ut Sacerdotibus persuadeant illis studendum esse ut amentur potius , quàm timeantur à suis : amor autem benignitate , affabilitate , & verborum lenitate comparatur : Idem propemodum docet *S. Isidorus Hispalensis* . [Talem , inquit , te redde subditis ut magis ameris quàm timearis ; reuerentia enim ex amore procedit , odium verò timor efficit . Stude potius ut subditi te honorent & diligant ; quàm horreant ac timeant , ut potius officio affectus tenerioris quàm necessitate contradictionis tibi eos deuincias ; ament te magis quàm metuant ; reuerentia siquidem ab amore , odium verò & auersio à timore oriuntur : timor fidelitatem tollit ; affectio & dilectio conseruat . quamobrem verba tua moderare , & ordina , subiectosq; tuos magna benignitate rege . non sis terribilis in subditis ; sed sic dominare ut tibi delectentur seruire .] *Hæc Isidorus* . Sacerdotes igitur huius Sancti Patris monita auscultando & operibus complendo nihil nisi benignitatem ac dulcedinem sapiant , efficiantq; ut subditi eos potius diligant quàm formident .

Sed quid mirum si nos benignitatem & affabilitatem requiramus in Ecclesiasticis , cum illas requirat in omnibus hominibus illud seculi sui oraculum *Lactantius Firmianus lib. 6. diuin. instit. cap. 10. Dicit enim* Deum rerum omnium artificem nullam animalibus sapientiam dedisse ; vires tamen & animos ad sui in periculis imminentibus defensionem & audaciam maiorem contulisse : at homini quem nudum penitus in terra posuit & fragilem creauit , inter cætera affectum quemdam ad pietatem , benignitatemq; illi indidit , ut hominem alter homo defendat , amet , tueatur , eiq; in omnibus discriminibus ac vitæ aduersitatibus succurrat . Adeò ut summum inter se hominum

num

num vinculum sit humanitas, quod qui disruperit nefarius & parricida existimandus est.] *Ita Lactantius.* Quod igitur Doctor iste de omnibus hominibus in genere dixit: hoc ego multo magis de Ecclesiasticis profero, & dico vera Ecclesiasticorum arma esse Benignitatem, Affabilitatem, Humanitatem, Clementiam.

§. 2. Quinam sit istarum Virtutum fructus, & utilitas.

PRæfatæ Virtutes mirabilem habent vim & efficaciam ad alliciendas, & Christo deuinciendas animas: solent enim trahi in funiculis Adæ, in vinculis Charitatis. Vnde etiam qui rudes sunt, tardi, vel duri; mansuetudine, benignitate, affabilitate, charitate ducuntur, vincuntur, & Christo deuinciuntur, quando agnoscunt puro salutis suæ desiderio & paterno animo agi quicquid erga ipsos agitur. Quantum putas commouebant Philippeneses dulcia illa Apostoli verba? *Testis est mihi Deus quomodo omnes vos cupiam in visceribus Iesu Christi.* Quantum afficiebant Corintios amantia illa? *Os nostrum patet ad vos, cor nostrum dilatatum est, non angustiamini in vobis, angustiamini autem in visceribus vestris: eandem autem habentes remunerationem tanquam filijs dico dilatamini & vos.* Quantum corda Thessalonicensium penetrabant suauia illa? *Facti sumus paruuli in medio vestrum tanquam si nutrix foueat filios suos ita desiderantes vos cupide, volebamus tradere vobis non solum euangelium; sed etiam animas nostras.* En fructus benignitatis & affabilitatis. Et idem Apostolus volens exemplo suo Ecclesiasticos informare ad hanc benignitatem iterum se Matrē omnibus fidelibus exhibet dicens. *Filioli quos parturio donec formetur in vobis Christus.* Quibus in verbis non solum se Patrem sed Matrem quoque insinuat: quia, *ut inquit, Beatus Gregorius*, illi verē Doctores sunt, qui cum per rigorem disciplinæ patres sunt, per pietatis viscera matres esse nouerunt: qui labores sanctæ conceptionis tolerant, & proferendos Deo filios intrā vterū Charitatis portant; in edenda
enim

enim prole plus matres laborant. Talem se exhibebat. *Beatus ille Abbas Bernardus* (in seipso erudiens nos) dum suos sic alloquebatur. [Me putate matrem animarum vestrarum; & ideo vos velle sic componere ut in vobis nec macula nec ruga possit ante tribunal æterni Iudicis apparere. Animabus autem vestris non solum ornamenta sed etiam medicamenta providere desiderans studeo dissuta consuere, conscissa sarcire, vulnerata curare, abluere sordida, reparare perditam, & ea quæ sunt integra spiritualibus margaritis ornare.] *Ita Bernardus.*

Nec prætermittam hoc loco insigne testimonium magni illius Mediolani Archiepiscopi, & Romanæ eloquentiæ splendoris *Ambrosij*, de offic. lib. 2. cap. 7. quod ad nostrum institutum valdè facit. [Nihil tam utile, inquit *Ambrosius*, quam diligere; nihil tam inutile quam non amari: nam adeo haberi exitiale & nimis capitale arbitror. Ideoque conari debemus & omnem dare operam ut placidi, benigni, humani apud populum audiamus; atque ita eorum animos demulceamus: nam popularis, & familiaris bonitas uniuerso placet mundo; & nihil est quod citius hominum animos, amicitiam & beneuolentiam conciliet, quam si morum hac benignitate, facilitate, spiritus, præceptorum moderatione, verborum affabilitate, sermonis dignitate, patientia simul & modestia temperatur & stipetur. Incredibile scilicet est quantum hoc ad beneuolentiam hominum comparandam conducat.] *Hæc Ambrosius.* Sancto huic Archiepiscopo & totius Ecclesiæ insigni Doctore credite Sacerdotes, vosque in omnibus benignos & humanos ostendite; hæc enim vnica via est, quæ vos omnibus reddere potest amabiles; ut deinde optatum conuersionis fructum ex illis habere possitis.

Et volens idem Sanctus Doctor regulam & modum præscribere quo benignitas, & affabilitas in conuersatione exercenda sit, inquit hoc pacto. [Affabilitas sermonis ad conciliandam gratiam valet plurimum; sed hanc volumus esse sinceram ac sobriam sine vlla adulatione ne fortè simplicitas & puritas sermonis per verborum adulationem dedecoretur.]

Qui.

Quibus verbis commonere vult, debere Sacerdotes semper melore, non verò adulationem aut assentationem præferre. In eundem sensum loquitur *Sanctus Basilus*. [In congregationibus, *inquit*, facilem in colloquijs verò dulcemte præbe.] Hoc nimirum dicit, quòd Ecclesiasticus debet facilem in congressibus, dulcem in colloquijs & benignum se præbere; non tamen ut histrionem agat, & ludicra consuetetur; hoc enim esset ludibrio se exponere, & à gravitate debita declinare; sed ut sermones suos dulcoret, suavitatem adhibeat; omnemq; rigorem & duritiem sermonis à se procul eliminet.]

Equos indomitos scribit *Magnus Gregorius* blanda prius manu tangimus ut eos nobis plenius postmodum etiam per flagella, & calcaria subiugamus. Medici quoq; solent amaris potionibus mellita permiscere ut æger gustus suavitatem illæ decipiatur, atq; ita humor lethalis, ac noxis acrimonia & amaritudine expellatur. *Hac Gregorius*. Sanctissimi huius Pontificis consilium sequendo nos Sacerdotes, qui animarum gubernatores & medici divina dignatione sumus, benignè suauiterq; cum illis agamus, quos initio refractarios & peruicaces reperimus ut illos tandem pænitiæ & disciplinæ flagello sub suaue Domini iugum redigamus.

Concludamus hunc paragraphum & in simul hoc primum Caput aureo auctoris documento nempe *S. Chrysostomi in Matth. cap. 2. qui sic inquit*. [Circa vitam tuam esto austerus, circa aliorum benignus, audiant te homines parua mandantem & graua facientem.] Hoc monitum sequamur; & sic Dei & hominum gratiam assequi promerebimur.

C A P V T S E C V N D V M.

De Modestia.

A Postolus scribens ad Timoteum inter ea, quæ requirit in Ecclesiasticis, numerat Modestiam dum dicit. *Oportet Episcopum irreprehensibilem esse &c. non percussorem, sed modestum*

destum. Igitur videndū. primo quid sit Modestia. secundo quam necessaria sit Ecclesiasticis. tertio quænam sint regulæ illius; seu quomodo exerceatur. Quamvis autem alibi de hac virtute obiter tractauerimus, nihilominus de ea ex professo hic agendum est.

§. 1. *Quid sit Modestia, & unde dicatur.*

Modestia est Virrus, quæ internas animi passiones, & externas actiones serias, & ludicras, sermonem, risum, lulum, motus item & gestus corporis, atq; huius cultum, vestitumq; ac totum exteriorē hominē honestè ac decenter componit, & moderatur. Ita colligitur ex Diuo Thoma. 2. 2. q. 60.

Hoc autem verbum *Modestia* idem est, iuxta Tullium, ac *Modus inest*. Et S. Ambrosius, inde *Modestiam* appellatam esse arbitratur, nempe à *Modo sciendi quid deceat*. Et Tullius lib. 1. offic. Modestia, inquit, est scientia eorum, quæ aguntur aut dicuntur collocandorum.] *Modestia* dicunt alij & benè, deriuatur à verbo *Moderor*, unde alio nomine dicitur *Moderatio*, quæ secundum Diuum Thomam 2. 2. q. 157. art. 3. prouenit ex quadam dulcedine affectus, qua quis horret omne, quod potest alium contristare.

Modestiæ est, cultum & motum & omnem nostram occupationem vltra defectum & citrà excessum sistere de qua Horatius,

*Est modus in rebus, sunt certi deniq; fines.
Quos vltra citraq; nequit consistere rectum.*

§. 2. *Quàm necessaria sit Ecclesiasticis.*

AD demonstrandam necessitatem Modestiæ satis esset in medium afferre auctoritatem Doctoris gentium, & Spiritus Sancti Præconis Pauli Apostoli qui in multis suarum Epistolarum locis hanc virtutem commēdat & mandat Christi fidelibus. Nam vt cæteros omittam ad Galatas scribens nu-

D d

merat

merat illam inter fructus Spiritus dicēs *Mansuetudo, Fides, Modestia &c.* & ad Philippenses. 4. *Modestia vestra nota sit omnibus hominibus.* Et ad Colloßenses 3. *Induite vos Modestiam.* & ad Titum instruens illum quid debeat docere Christi fideles inquit. *Admone illos principibus & potestatibus subditos esse, dicto obedire, ad omne opus bonum paratos esse, neminem blasphemare, non litigiosos esse, sed modestos, omnem ostendentes mansuetudinem ad omnes homines.* Cui Beato Apostolo concors est illius socius idemq; Princeps Apostolorum Petrus, qui in sua 1. ^a pistola cap. 3. dans omnibus monita salutis sic dicit. *In fine autem omnes vnanimis compatiētes, fraternitatis amantes, misericordes, modesti, humiles, non reddentes malum pro malo, nec maledictum pro maledicto; sed è contrario benedicentes; quia in hoc vocati estis vt benedictionem hereditate possideatis.* Et quidem prædictæ auctoritates satis essent, præteritum cum ad Ecclesiasticos sit nobis sermo. Nihilominus afferamus in medium etiam auctoritates Epicorum vt appareat quanti hæc virtus etiam à viris lumine fidei orbatis, & solo luminæ naturæ præditis habita sit. Igitur.

M. Tullius Cicero tanti Modestiæ faciebat vt diceret neminem iucundè posse viuere nisi simul honestè viueret. Honestas porro modestiam includit.

Iulius Cæsar magnus ille dux & bellator, non minus tamen oratoria quàm bellica laude clarissimus sæpè vsurpare solebat; Non magis ab animi magnitudine, quàm à modestia militem laudandum esse. Non minus, inquebat, in milite modestia quàm virtus atq; animi magnitudo desideranda est.

Menander Comicus Græcus Promptuarium omnium virtutum solam esse modestiam dicebat: Euripides Tragicus, modestia nihil à Dijs dari posse pulchrius, aut elegantius hominibus in hac vita aiebat sic inquit. *Donū Dei pulcherrimū est modestia.* Verè Poeta iste ad doctrinam Euangelicam proximè accessit.

Liuiæ Augusti Cæsaris vxor interrogata quibus rationibus Augustum sibi subiecisset? respondit. *Multa modestia.* Quod ea quæ

ea quæ placerent Augusto, faceret libenter. Quod se scire dissimularet quibus ille rebus domi fuereetur.

§. 3. *Quanam sint regula modestia.*

Varij varias dederunt regulas modestiæ, eamq; variè descripserunt. Quidam sic eam depingunt. Ut caput re-
ctum, oculi dimissi, manus quietæ teneantur: vitetur corru-
gatio frontis, labiorum compressio, vel deductio, incessus fe-
stinatio; sit serenitas & hilaritas in vultu: munditia & decens
compositio in vestibus; in sermone pauciloquium; sales sine
dente; ioci sine vilitate; vox sine clamore; verborum suavi-
tas; ac in gestu & motu exemplar virtutis.

Alij dicunt, contrà modestiam esse immoderatum risum; &
elidi per eum nervos gravitatis. Certum est multis sacræ pa-
ginæ locis damnari risum, & inanem lætitiã nam Eccles. 7. di-
citur. *Cor stultorum ubi læticia.* Et 21. *Fatuus in risu exaltat vo-
cem suam; vir autem sapiens vix tacitè ridebit.* Et in Prou. 2.
Risù reputavi errorem. Et 7. *Sicut sonitus spinarum ardentium
sub olla, sic risus stulti.* Et alibi. *Risus in ore stultorum.* Et sanè
pessimum signum est tunc quando quis nulla adueniente cau-
sa summè lætatur ac ridet; tunc enim nautæ maximam præsa-
giant tempestatem, quando mare alioquin tacitum ac quietū,
sine ventorum flatu incipit despumare. Hinc Plato de legibus
affirmat in risu maximum inesse signum tum gravitatis tum le-
uitatis. Qui enim de facili & levi de causa immoderatè ridet,
se inconstantis esse animi declarat, nec pensare causas tristitiæ,
in quibus infelix mortalium conditio versatur; quas quia ru-
minant sapientes; ideò hi nonnisi ratò & moderatè rident.

Isoocrates dicebat. Nec serus esto in rebus iocosis, nec inter
seria ridiculis gaude, nam quod intempestivum est ubiq;
molestum est.

Cato quædam modestiæ præcepta eleganter expressit qui-
busdam carminibus dicens.

Quem superare potes, interdum vince ferendo.

Maxima enim morum saepe sapientia virtus.

Aduersum notum noli contendere verbis.

Lis minimis verbis interdum maxima crescit.

Marcus Tullius *lib. 1. de offic.* hæc præscribit de Modestia. Ludo, inquit, & ioco uti illis quidem licet, sed sicut somno & quietibus cæterisque cum grauib, serijsq; rebus satisfecerimus. Ipsum genus iocandi ingenuum & facetum esse debet, non profusum, nec immodestum; sed semper in ipso ioco aliquid probi ingenij lumen eluceat.]

Diuus Ambrosius *de officijs inquit.* [In modestia maximè tranquillitas animi, studium mansuetudinis, moderationis gratia, honestatis cura, decoris consideratio spectatur & quaeritur.] *Idem.* Absit pertinax in familiari sermone contentio, disceptatio sine ira, suauitas sine amaritudine, sit monitio sine asperitate, hortatio sine offensione. *Idemq; ibidem.* Caueamus ne dum laxare animum volumus, soluamus omnem harmoniam & quasi concentum quendam bonorum operum. Vfus enim citò inflectit naturam.

Isidorus *lib. 2. Soliloqui dicit.* [Sit in gestu tuo grauitas, in motu simplicitas, in incessu honestas, nihil dedecoris, nihil lasciuiae, nihil petulantiae, nihil insolentiae, nihil leuitatis in tuo incessu appareat: animus enim in corporis gestu apparet, & species corporis simulachrum est mentis figuraq; probitatis.]

Ad Modestiam quoq; pertinet humilem potius quàm elatū se præstare; nec honorabiliorem sibi locum in consessu arrogare. Vnde Ecclesiae Præsules quantò honoratiores tantò modestiores esse debent ut eos monet Sapiens in Ecclesiastico. *Quantò, inquit, magnus es, tantò humilia te in omnibus.* Et Christus Dominus in Euangelio Lucæ. *Qui maior est in vobis fiat sicut minor, & qui praeceptor est sicut ministrator.* His cōsonant ea quæ scribit Diuus Basilus in sermone de abdicatione rerum. [Non tibi, inquit, cleri gradus vllus animos in altū extollat, humiliet potius: animi. n. in virtute pgressus, in humilitate

te

re pgressus : contraq; in postremis relinqui, & inhonoratū esse id non aliunde quā elatione progignitur. Quantō ad maiores sacerdotis gradus accedere tibi propinquius contigerit, eō animos tuos magis dimitte; idq; territus exemplo filiorum Aaron Num. 10. [*Hæc Diuus Basilus.*

Sed paucissimis verbis & brevius quā cæteri omnes modestiæ regulas perstrinxit. *Diuus Augustinus ingeniorum unica Phoenix sic dicens.* [In omnibus moribus vestris nihil fiat quod cuiusquam offendant aspectum, sed quod vestram deceat sanctitatem.]

Ex dictis colligitur quatuor in summa esse, quibus temperamentum, modumq; adhibet modestia, nempe. 1. affectibus præsertim ad excellentiam & curiositatem nitentibus frenum iniicit. 2. Actiones serias & ludicas moderatur. 3. Mores motusq; corporis dirigit. 4. temperat corporis cultum & vestitum.

§. 4. Quinam fructus & utilitas Modestiae.

FRUCTUS Modestiae resultat tum in viro qui illam exercet; tum in proximo. Et quidem in ipso viro modesto dum præmium illius consequitur ut per modestiam perducatur ad firmiter sancteq; timendum Deum; & ex hoc non modò temporales sed multò magis spirituales & cælestes opes, honores, & vitam consequatur. Hoc totum expressit Spiritus Sanctus in Prouerbijs dum inquit. *Finis modestiae timor Domini, diuitia, & gloria, & vita.* Proximo quoq; est salutaris. Quantum prodest modestia, ait *Diuus Ambrosius in cap. 2. Epist. ad Timotheum* 2. [Si enim hoc in quibusdam hæreticis placitum est; quia humiles videntur: quantò magis laudabile & fructuosum erit in Catholico, si fuerit mitis, in quo & sensus utilis, & grauitas imitanda percipitur.] Nulli dubium esse debet quin pretiosa hæc Modestiae gemma, ut eam vocat Diuus Augustinus. 1. animi ac spiritus tranquillitatem & pacem foueat ac conseruet. 2. efficiat ut opera illius suauissimum decoris & honestatis spirant

rent odorem. 3. magnam homini gratiam, beneuolentiam, & auctoritatem concilient. 4. quin tacita sit admonitio ut immodesti suos componant mores. 5. inuitatio sit efficax ad imitationem, cum ex ijs qualis quisq; sit agnoscatur.

C A P V T T E R T I V M.

De Grauitate in moribus.

Apostolus discipulum suum Titum, & in eius persona omnes Ecclesiasticos informans dicit sic. *In omnibus reipsum prabe exemplum bonorum operum in doctrina, in integritate, in grauitate, &c.* deinde. *Hac loquere & exhortare, & argue cum omni imperio, nemo te contemnat.* Et ad dilectum suum discipulum Timotheum. *Nemo adolescentiam tuam contemnat; sed esto exemplum fidelium in verbo in conuersatione &c.* Quibus verbis Apostolus Sanctus nil aliud intendere videtur, nisi ut Ecclesiastici ita grauitate, ita modeste, ita maturè se gerant in omnibus illorum actionibus, ut omnes illos reuerentur, & nemo illos paruipendat. Quapropter videndum de Grauitate. 1. quid sit grauitas, & quid graue, & quotuplex. 2. quàm sit necessaria Ecclesiasticis grauitas morum. 3. quinam illius sit fructus & utilitas.

S. 1. Quid sit Grauitas, Graue & quotuplex.

Grauitas propriè loquendo est qualitas quædã, per quam res nata est moueri, & ferri ad medium, seu à circumferentia ad centrum; seu à superiori ad inferius: Vnde graue idem est ac ponderosum; & est omne illud quod mouetur à circumferentia ad centrum. Per metaphoram autem & per translationem, & applicando ad mores, grauitas est qualitas quædam, per quam res fit ponderosa & difficilis ad aliquid, nempe vel ad portandum; vel ad agendum; vel ad ascendendum. Vnde oritur.

Triplicis grauitas nempe, prima grauitas dolorosa, per quam
res

res fit ponderosa & difficilis ad portandum & sustinendum; sic dicitur dolor grauis, aduersitas grauis, morbus grauis, senectus grauis; quoniam huiusmodi & similia sunt res difficiles; & qui talia sustinent, vellent tanquam onus graue deponere. de hac grauitate dicitur in Ecclesiastico 31. *Infirmitas grauis sobriam facit animam.* Et ibidem. *Occupatio magna creata est omnibus, hominibus, iugum graue super filios Adam.* Secunda Grauitas vitiosa, per quam res fit ponderosa & difficilis ad agendum; sic dicitur iniquitas grauis, & iniqui ac peccatores graues ad agendum bona; quia facillimè descendunt inferius ad terrena desideranda; sed difficillimè mouentur ad bona opera facienda & exequenda. Isti sunt sicut Elephantes qui ita sunt ponderosi & graues quod si ceciderint non possunt surgere. Sunt etiā sicut struthiones, quæ quamuis sint aues, ita tamen graues sunt quod nunquam possunt volare vel ascendere, quia profectò mundi peccatores ita sunt graues, & vitijs inuoluti, & ad omnem motum bonorum operum inhabiles effecti, vt à vitijs in quibus ceciderunt nequeant surgere, nec sursum ad cælestia per aliquod bonum desiderium se eleuare. Et ideo tales à Scriptura repræhendentur *filij hominum usquequò graui corde ut quid diligitis vanitatem & queritis mendacium!* Item vilipenduntur, & vituperantur; vnde cuilibet tali in Sap. 2. dicitur. *Gravis est nobis etiam ad videndum, quoniam dissimilis est alijs vita eius.* Item maledicuntur; Vnde in Isa. 1. *Vegeti peccatrici, populo graui iniquitate, semini nequam, filijs sceleratis.* Tertia Grauitas virtuosa, per quam Homo fit ponderosus ad ascendendum & ad leuandum se supra se per superbiam & inanem gloriam; fit difficilis qui moueatur per tentationem; & redditur firmus, stabilis, constans, & subsistens per perfectionem. Hæc est grauitas virtuosa; scilicet grauitas morum, grauitas humilitatis; sicut enim illud quod est grave, naturaliter vult inferius descendere, & difficile potest moueri vel discurrere; sic moraliter & spiritualiter loquendo illi; quia sunt graues idest maturi, ponderosi, honesti, humiles, virtuosi semper volunt inferius descendere per subiectionem, habent subsistere

per.

per perfectionem, nec facile possunt moueri per tentationem. De hac grauitate virtuosa est nobis hic sermo, de qua loquitur Apostolus ad Titum. *In grauitate.* Et apud Matth. 23. *Ipsi relinquant quæ grauiora sunt legis &c.* Et in Prouerbijs 8. *Nec dum montes grani mole consisterant.*

§. 2. *Quàm necessaria sit Ecclesiasticis Grauitas morum.*

Est necessaria in Ecclesiasticis grauitas morum ut quædammodum statu, conditione, professione, & gradu differunt à cæteris, ita etiam vitæ ratione, & morum grauitate discrepent. Vnde *Seraphicus Pater S. Bonauentura hanc materiam pertractans ait.* [Sacerdotalem dignitatem sobriam quamdam exigere grauitatem, & à turbis liberam, vitam seriosam, & singulare pondus honestæ conuersationis. Quomodo enim is alijs sit exemplo qui in nullo ab alijs discrepat: nihil in moribus suis rarum habet quod cum alijs commune non sit? quid populus in te demirabitur si quicquid feceris in seipso viderit? aut quid dicet si quo erubescit quodq; in seipso nō nisi cum rubore viderit, in te euidenter apparere viderit, quem penitus sanctum & veneratione dignissimum credebat.] *Hæc Bonauentura.* Quæ verba sunt certè valdè notanda; ex ijs enim satis liquidò colligere possumus quænam vita, quinam mores, quæ grauitas deceat nos Ecclesiasticos.

Ad motum grauitatem pertinet non esse nimis familiarem, nec uelle omnibus & in omni conuersatione exhibere se blandum, ludicrum, iocosum, & quodammodo mimum, morionem, & histrionem. Hinc *Angelicus Doctor* auream hanc in suis opusculis sententiam scriptam reliquit. [Nemini, inquit, te multum familiarem exhibeas, quia nimia familiaritas parit contemptum, & subtractionis à studio materiam subministrat.] *Ita Diuus Thomas.* Et sane pro comperto habendum est quòd, si Ecclesiastici sese nimium familiares exhibuerint, contemptibiles se reddent, & ludibrio sese exponent. Concors prædictis est mellissimus Bernardus, qui describens vitæ honestatem hoc

fun-

fundamenti loco posuit. [Cunctis esto benignus, nemini blandus, paucis familiaris, omnibus æquus. *Idem* volens Papam Eugenium Tertium suum in minoribus iam discipulum & alumnum informare *sic ait*. [Esto grauis, sed non austerus &c. mediocritatem sectare: vt neq; de seueritate sis oneri, neq; de familiaritate contēptui. Hic mellifluus & Sanctus Doctor voluit non solum Pontificem, sed nos omnes Ecclesiasticos præmonere vt grauitatem quamdam moderatam induamur; ne scilicet nimis rigidi, nec etiam nimis remissi & effusi simus; sunt namq; hæc duo veluti vitiosa quædam extrema, quorum alterum intractabiles, alterum contemptibiles reddit Ecclesiasticos.

Sanctus Pater Ephrem sui temporis Religiosos Clericosq; alloquens ait.] Videte ne aut nimis faciles aut blandi sitis, ne quamprimum vestræ vos pæniteat negligentia, vitijq; assuescatis: Ab initio potius graues ac seueri estote aduersus omnem cupiditatis titillationem, & ne assuescatis in bello inferiores esse.] *Ita S. Ephrem*. Sapiens certè & optimum monitum: ex quo addiscere possumus nimia facilitate persæpe nos in vitia dilabi, à quibus tamen per honestam grauitatem retrahimur.

Tanta in Ecclesiasticis sui temporis grauitatem, modestiamq; requirebat *magnus ille Mediolanensis Ecclesie Archiepiscopus Ambrosius*, vt iucundas recreationes, iocos, & lusus illis interdiceret *dicens*. [Licet interdum honesta ioca ac suauia sint: tamen ab Ecclesiastica abhorrent regula: quomodo enim probare poterimus quod in scripturæ corpore neutiquam reperire est?] *Ita Ambrosius*. Et quam grauitatem verbis docebat multò magis factis & rebus ipsis præseferbat. Quemnam præterit grauitas & maiestas illa, quæ vsus est erga Theodosium maximum illum, & inuictissimum Imperatorem quando ei fores Ecclesiæ clausit eiq; restitit ante ianuam eo quod reus propter innocui sanguinis maximam effusionem in cæde Thessalonica, & adhuc impenitens auderet Ecclesiam ingredi? quo facto Maiestatem Imperatoriam Sacerdotali subegit: Vniuersam urbem Mediolanensem pariter & orbem in admi-

E c

ratio-

rationem rapuit; & nobis Ecclesiasticis insignem reliquit exemplum, gravitatem & auctoritatem Sacerdotalem, cum Dei causa agitur, etiam coram Principibus & Regibus exercendi. Nec minor eluxit gravitas, & Sacerdotalis libertas in sanctissimo illo Archiepiscopo pariter & Martyre Thoma Cantuariensi, qui pravis & iniquis sui Regis cupiditatibus contra libertatem Ecclesiasticam pugnantibus ita viriliter constanterque resistit, ut Rex conquereretur non posse se cum vno Sacerdote in regno suo pacem habere. Vnde sacrum caput eadem constantia, qua iniquissimi Regis legibus resisterat, impio ferro praecidendum obtulit. O libertatem admirabilem! O pectoris constantiam invictam. O gravitatem Sacerdotis cunctis Ecclesiasticis imitandam.

Sed quid opus est pluribus Sanctorum Patrum auctoritatibus et exemplis hanc rem adstruere quando in ipsismet. Enicis huius tam laudatae gravitatis exempla conspiciamus.

Themistocles Atheniensium Dux cum ad taxillorum lusum ab alijs invitaretur negavit se talem lusum callere; percontantibus dein alijs quid tandem sciret; respondit. *Ex parva Rep. noni magnam facere*. Digna Themistocle responsio, qua significare volebat in decorum esse ut cordatus sapiensque vir levis & vilibus rebus se addicat; sed in omnibus debere maiestatem gravitatem servare; & gravioribus esse rebus semper ingenium.

Philippus Macedonum Rex cum quadam tempestate de musica arte coram peritissimo disceptaret, hoc acre responsum audivit. *Nunquam Dej à Rex tibi tantum mali faciant. ut tu mechanicis arte vincas*. Ostendere ille volebat hoc responso rerum humilium infirmarumque cognitionem tractationemque eos Principes dedocere. Et si quando artes liberales aut etiam mechanicas callent (quod non omnino indecorum immo laudabile est & ingenij exercitatio) vsum tamen & exercitium ita latum non ita eos occupatos habebit, ut à gravioribus impediat; nec palam ac publicè tales artes exercere, sed ad sumum coram domesticis & quidem magis intrinsecis; uti facere solebat

bat Alexander Severus Imperator, qui teste Lampridio quamvis peritus esset Geometra; quamvis artes pingendi, & canendi non mediocriter calleret; nunquam tamen alijs nisi pueris suis consocijs tales artes exercere solebat. Intelligebat prudentissimus Princeps non decere totius orbis Imperatorem & Monarcham rebus infimis occupari.

Accedat alter Alexander illud belli fulmen, & orbis dominator filius Philippi Macedonum Regis, de quo paulò ante. Is igitur cum Ilium Troiæ arcem subiisset, ciuesq; Iyram Paridis illi obtulissent, respondit se *Achillis lorica & arma malle*. Digna tanto Principe vox, qua edocemur magnorum viroꝝ proprium esse non humile quidpiam aut paruum desiderare, sed ad sublimia, celsaq; desiderium vota; extendere.

Non absimile fuit responsum Atreæ Scitharum Regis. Is cum conuiuio interesset & celebris quidam tibicina Ismenias nomine suauem armoniam in gratiam conuiuiarum ederet rogatus quid diceret de tam excellenti viro in tali arte qui omnibus sui admirationem incutiebat; respondit *Mallet equi generosi hinnitum audire quàm tibicinis huius harmoniam & concentum*. Regium profectò apophtegma, quo docemur Ecclesiastici cuncti magis debere nos oblectari rebus, verbis, & actionibus ad nostrum statum & nostram dignitatem pertinentibus quàm alienis; magis debere occupari in colloquijs pijs, grauitatis, & modestis ut de virtutibus comparandis, de sciencijs acquirendis, de vitijs euellendis, de tentationibus superandis, de peccatis deplangendis, de vita, passione, & morte Domini meditando, de vitis Sanctorum, de nouissimis, deq; alijs rebus animæ proficuis, quæ bellica & martialia spiritalia sunt; quàm tempus terere in iocis, risibus, verbis inanibus, & inutilibus confabulationibus.

3. *Quid sit fructus & utilis Grammaticæ.*

PRecipimus fructus & utilis est quod per grammatice instituta sequamur cum in verbis tum in moribus maiestas

tem, magnam sibi Ecclesiastici conciliant reuerentiam, magnūq; apud populos acquirunt honorem, quibus suffulti vberes animarum fructus reportant. Sanè si quid est quòd Sacerdotium commendat est hæc, quam dicimus, grauitas; nā vt planetæ superiores & sublimiores lentius progrediuntur, maioremq; in suis motibus naturalibus grauitatem & pondus ostendunt, quàm planetæ inferiores & in infima sphæra constituti. Sic Saturnus, qui est planeta altior, quatuor aut quinque annorum millibus cursum peragit, quem luna triginta diebus facile conficere consuevit. Ita planè Ecclesiastici, & præsertim Sacerdotes qui sunt veluti stellæ & planetæ orbis, & qui cæteris Christianis sublimiores sunt; in omnibus actionibus suis ac verbis graues esse debent, maioremq; præ cæteris maiestatem pondusq; præferre. In cuius rei signum voluit olim Deus vt summus Sacerdos Mosaicus in publicum prodians vestem gereret tintinnabulis circumdatam vt ipso incedente, & tintinnabulis tinnitum edentibus, maiestas quædam illi adderetur per hoc, & cæteri omnes illi honorem & reuerentiam exhiberent.

E contra qui grauitatem non seruant stocci sunt, & modicum fructum in animarum salute procuranda sperare possunt. David regno destinatus omnem magnificentiam & maiestatem exutus, morionemq; coràm Rege Achis & nimum agens omnium sannis et ludibrio fuit expositus, et vecors, emotæq; mentis habitus. *Et ait Achis ad seruos suos, inquit sacra scriptura. 1. Reg. 21. vidistis hominem insanum &c. an desunt nobis furiosi, quod introduxistis istum?* Sic planè se res habet. Sacerdotes & Prælati qui Sacerdotalem illam grauitatem negligentes scurrilibus se dedunt & mimos agere volūt coràm alijs honorem prodigentes & præclaram illam dignitatem parui facientes, omnibus se ridiculos exhibent, omnium se ludibrio, contumeliæq; exponunt, & in causa sunt cur ab alijs vecordes & cerebro imminuti habeantur.

Magnus ille Pontifex & Ecclesia Doctor Gregorius exponens mysticè significatum vestium summi Sacerdotis antiqua legis

fit

sic ait. [Auro & hyacinto purpuram permisceri vt scilicet animus Sacerdotalis sublimia & caelestia docendo ad illa adspiciat & suggestiones vitiorum reprimat, eisq; velut ex regia potestate contradicat.] Insignis profecto consideratio & dignitas tanto Pontifice. Cuius sensus est. Sacerdotes cum Reges sint, alios reprehendendo, auctoritatem quamdam regiam, gravitatemq; praeferre debere.

C A P V T Q V A R T V M.

De Gubernatione domestica.

Apostolus vult vt Ecclesiastici praesentim qui habent curam animarum, benè gubernent propriam domum & familiam dum illos informas in persona discipuli Timothei dicit. *Oportet Episcopum &c. suae domui bene praepositum.* Quapropter videndum. 1. Quid intelligat Apostolus per illa verba. 2. Quid requiratur, & quid cauendum ab eo qui vult domui suae esse benè praepositum. 3. Quinam debeat esse selectus familiarium & domesticorum. 4. quomodo debeat familia gubernari.

§. 1. Quid intelligatur per illa verba Apostoli.

Domui suae benè praepositus.

Divus Antoninus sic explicat par. 3. tit. 13. cap. 3. §. 12. & dicit. Quantum ad duodecimum Domui suae benè praepositum, quod intelligitur vt, si laicali habitu habuit uxorem & filios, à vitijs ad virtutum studia prouocet; vt quod postea praepositurus est populo prius à domesticis exigat. Quod quia Heli facere recusavit, semetipsum apud Deum districtum iudicem cum filijs graui damnatione percussit. Prohibetur ergo, *inquit Antoninus*, ordinari qui hoc non habet, quia praesumitur negligens, & quod non habeat frontem alios arguendi, ex quo suos non reprehendit;

si ta-

si tamen per eum non fiat quominus eius familia sit bona, quia diligenter cotrexerit eam; non sibi imputatur in vitium: à Domino enim gressus hominis diriguntur, nec sunt in homine viæ eius. Vnde *Hieronymus*. [Non enim iustus polluitur ex filiorum vitijs, sed libertas ab Apostolo Ecclesiæ Principi reseruetur, vt talis fiat qui non timeat propter vitia liberorum extraneos reprehendere, quod tunc fiet si non erit quod sibi imputetur, cum enim gressus hominis à Domino dirigantur nec fiat in homine viæ eius, corripere quidem potest, corrigere autem non valet: pulsare potest non aperire: manus comprimere non animum mutare.] *Sanctus Augustinus ait*. [Quantumlibet vigilet disciplina domus meæ, homo sum, & inter homines viuo: nec arrogare mihi audeo, vt domus mea melior sit quam arca Noë, vbi tamen inter octo homines vnus reprobus inuentus est: Aut melior sit quam domus Abraham, cui dictum est eijce ancillam & filium eius; Aut melior sit quam domus Isaac, cui dictum est, Iacob dilexi: Esau autem odium habui.]

Intelligi etiam potest istud Apostoli, inquit *Antoninus*, vbi benè sit præpositus domui suæ, idest Ecclesiæ sibi commissæ; vt non vni plura, sed diuersa diuersis committat officia. Vnde *Gregorius*. Nulli vni quantumlibet exercitatæ personæ vno tempore duarum rerum officia committenda sunt. Sicut enim varietas membrorum per diuersa officia & robur Corporis seruat, & pulchritudinem præstat: ita & varietas personarum per diuersa distributa officia, & fortitudinem & venustatem Sanctæ Dei repræsentat Ecclesiæ *dist. 89. cap. singula*. Item æconomos vel vicedominos in Ecclesia non debet instituire laicos; vt in *cap. volumus cum seq. dist. eadem*. Item propinquus vel fauore coniunctis non debet committere Ecclesiasticæ officia. *dist. eadem cap. decenter*, vbi tamen *Glos.* dicit quod hoc intelligitur non simpliciter sed quando sunt mali. Et ratio cur magis expressè prohibetur de istis quàm de alijs malis est; quia Prælati Ecclesiarum sunt proniores ad dandū talibus: Vel etiam quia præsumitur quod per eos bona Ecclesiæ

Ha dilapidetur. Et ista est vera ratio quam videmus quotidie
de facto. Ergo hoc non servatur in multis Ecclesiis male
indiscrepseque hinc. *Hic Dominus benedixit* immul audire. Si

§. 2. *Quid requiratur & quid capendum ab eo qui pole. domini*

M Agnus ille Pontifex & Ecclesie Doctor Gregorius in
sua Pastoralis. [Duo extrema, inquit, cadere debet Pa-
stor ne aut exterioribus curis nimis deditus ab intimis curat
aut solis interioribus occupatus, quæ foris debet proximis nō
impendat. Incidentes in primum extremum sunt illi, qui ob-
liti se datos esse in Prælatos propter salutem animarum diebus
ac noctibus solis curis externis incumbunt: quò fit ut interna,
quæ alios docere debuerant, ignorent: quæ etiam fit ut sub-
diti non proficiant sed potius in spiritualibus torpeant: quia
nō habet pastore eorū animas ad cælestia sublevantem, & du-
cem viam perfectionis ostendentem. Si enim à Duce itineris
erratur exercitus sequens quomodo pertinget? Hic enim po-
tius terreni Iudicis, quàm cælestis Ducis officium exercens
terrenis suis studiis excæcat oculos subditorum. Vnde Domi-
nus Luc. 21. non solum Pastores sed & omnes admonet dicēs,
*Videte ne graventur corda vestra crapula & ebrietate, & curis
huius sæculi.* Et Apostolus noster 2. ad Timotheum 2. *Nemo
militans Deo implicat se negotiis secularibus &c.* Et item. *Quæ
sursum sunt sapite quæ sursum quaerite non quæ super terram:
mortui enim estis &c.*

Quod si Pastores dixerint. Multa nobis secularia negotia commissa sunt. Respondet idem Gregorius adducens illud Apostoli. 1. ad Corinthios. 6. *Secularia iudicia si habueritis contentibiles qui sunt in Ecclesia illos constituite ad iudicandum, ut scilicet illi in terrenis & secularibus negotijs occupentur, qui penetrare intima nequeunt. Ideò meritò Iethro arguebat Moisen, quia terrenis populi negotijs labore seruebat nimio, consulens ut ad iurgia dirimenda alios constitueret Iudices, ut ipse*

ut ipse liberius vacaret arcanis cælestibus cognoscendis ad populum erudiendum. Igitur à subditis inferiora gerenda sunt, à Rectoribus summa cogitanda, ut scilicet oculum, qui prouidendis gressibus præminet, cura pulueris non obscuret; pedum namq; est puluere inuolui; monstruosum autē est quod caput idest Pastor, ad puluerem recuruetur, & cum eo inuoluatur. Et de his Pastoribus dicitur. Quomodo obscuratum est aurum &c. & lapides Sanctuarij dispersi sunt in medio platearum, idest in latitudine negotiorū terrenorum relinquentes secreta sanctuarij. Igitur, *concludit Gregorius*, secularia negotia aliquando ex compassione toleranda sunt, nunquam verò ex amore requirenda: ne cum mentem diligentis aggrauant hanc suo vitam pondere ad ima de cælestibus mergant. Ideo semper cauendū Pastoribus nedum temporali sollicitudini incautē deferuiunt, & vehementer incumbunt ab intimo amore refrigerant, & foras fusi obliuisci non metuant se animarum esse Pastores.

Cauendum est etiam alterum extremum. Sunt enim, *ait idē Gregorius*, quidam, qui sic sibi vacare ad spiritualia appetunt ut rebus exterioribus nullatenus occupentur quorum nimirū prædicatio pleneq; despicitur, quia subditis necessaria pro vita temporali non tribuunt. Egentis enim mentem sermo prædicantis non penetrat, quem misericordia eius non rigat. Sic ergo oues oportet interno pascu saginare, ut etiam eis exteriora prouideantur. Ideo Paulus. 1. ad Timot. 5. *Si quis autem suorum & maximè domesticorum curam non habet* &c. Igitur Pastores neq; vehementer incumbant curis exterioribus, neq; ex toto eas relinquunt: & ad hoc adducit illud Ezechielis. 44. ubi præcipitur Sacerdotibus ut neq; radant capillos, neq; comam nutrant sed duntaxat tondeant. Per capillos enim externæ curæ significantur quæ si nimis crescunt, oculos internos impediunt ne videre possint. Non sunt ergo radendæ ex toto sed tondendæ, idest sub certa mensura tenendæ. Vnde *Diuus Bernardus de consideratione ad Eugenium Papam lib. 1. sic ait*. [Itaq; consulo tibi non has seruus hominum, non consumas totum

totum tempus in audiendo leges Iustiniani, lites & cavillationes dic illud Psalmi Narrauerunt mihi iniqui fabulationes sed non ut lex tua. Tuum principale munus est ædificare Ecclesiam, docere populos, meditari in lege Domini, quæ sola est immaculata conuertens animas. Non dico quod totum te subtrahas illis secularibus occupationibus, sed quod non tradas te totum. Si es homo omnia omnibus factus esto etiam tui, alioquin quid tibi prodest si vniuersos lucreris & teipsum perdas. Habe igitur te, & si omnes veniunt ad bibendum de fonte tuo bibe etiam & tu, tu solus sitiens permanebis? Qui sibi nequam cui bonus? Itaque non totum te des actioni, neque semper; sed considerationi aliquid tui cordis & temporis sequestra vacans Deo, quia & ibi præordinas quæ agenda sunt secundum Deum ne præcipitanter fiant; ibi primo scrutaris & ordinas effectus & actus tuos, demum alienos. Itaque huic tam pio quam utili otio nullam in vita operam dare, vitam perdere est. Imitare Sanctum Gregorium qui ultimam partem Ezechielis obscurissimam in otio exposuit eo tempore quo Vrbs erat obsessa, & in summa tempestate negotiorum, ut ex eius præfatione liquet.]

Idem mellifluus Doctor ad eundem Eugenium Papam de confid. lib 4. [Diligenter, inquit, gubernare domum tuam, nam ut ait Apostolus. Si quis domui suæ præesse nescit quomodo Ecclesiæ Dei diligentiam habebit? Non quod minimis domus tuæ intendas cum sis occupatus maximis. Nullo ergo modo implices animum curis rei familiaris ac rerum tuarum cum oporteat te habere animum liberum quem nulla sibi vendicet violenta occupatio: nobilem, quem nulla deorsum trahat indigna affectio: firmum, quem nulla concutiat repentina turbatio: inuictum, quem nulla fatiget etiam continua tribulatio: amplum, quem nulla coarctet rei temporalis amissio.] *Hæc Bernardus.*

Pastor igitur debet esse sollicitus ad orationem, ut per eam Deo coniungatur interno amore; atque ab eo enixè postulet ut ipsum custodiat ne peccet cum alios à peccato auertere debeat;

vt insuper det sibi sapientiam ad populum regendum; dat .n. Deus omnibus affluenter, & non improperat. Et quia bonus Pastor tenetur orare pro tota Ciuitate imò pro omnibus viuētibz & fidelibus defunctis vt dicit S. Chrysost. lib. 6. de Sacerdotio. Ideo ter saltem in die in oratione assiduus sit, mane, meridie, & vesp̄ri: siue domi in aliquo oratorio, siue in templo, siue in cubiculo.

S. 3. Quæ ratio tenenda in seligenda familia.

Magna consideratio adhibēda est in seligendis familiaribus. Quales autem debeant esse docet *Diuus Bernardus in libris de consideratione ad Eugenium Papam sic inquit*. [Tales studeto habere familiares, qui si velles aliquatenus deuiare non sinerent, frænarent præcipitem, dormitantem excitarent: quorum libertas excedentem corrigeret, extollentē reprimeret: quorum constantia & fortitudo nutantem firmaret, erigeret diffidentem, quorum sanctitas ad omnia te bona inuitaret. Familiares tui si non sunt spirituales non diligunt te sed tua; immo nec te nec tua; sed quæ sua sunt quærunt, & ea venantur adulationibus.]

Cassiodorus ait. Ad ornamentum palatij pertinere aptas dignitatibus personas eligere, quia de claritate seruentium crescit fama dominorum. Laudat Claudianus Stiliconem suum. Quia in hoc nec nobilitati nec ignobilitati deferrebat, sed tantum meritis famulorum. Et Isocrates hoc cuidam dedit consilium dicens. Principatum adeptus nullius improbi ministerio vtor; nam quicquid ille deliquerit, tibi veluti auctori imputabitur.

Ante omnia necesse est vt Pastor inueniat virum cordatum, prudentem, grauem, doctum, pium, cum quo sua omnia communicez & cuius consilio gerenda disponat. Hinc *Sāctus Bernardus ad episcopum Gibennensem sic ait*. [Omnia fac cum consilio, nec tamen omnium aut quorumcunq; sed tantum bonorum. Bonos in consilio, bonos in obsequio, ac contubernio qui

qui vitæ, & honestati tuæ custodes sint & testes.] *Ita Bernardus. Et S. Basilius serm. de abdicat. rerum.* [Summa, inquit, vigilantia, acerrimaq; in omnes partes animi circumspectio, operam dato, ut aliquem virum tibi inuenias, quem in omnibus deinceps delectæ tibi vitæ studijs certissimū ducem sequare, cuiusmodiq; qui rectum iter ad Deum volentibus pergere, sciat is commōstrare; qui ornatus virtutibus sit, cuius vniuersæ totius ipsius vitæ actiones testimonio sint: charitatē in eo erga Deū inesse: qui diuinarū literarū sciētiam habeat, virum integerrimum nec vlli distractioni indulgentem, ab avaritia abhorrentem, minimè libenter gerendis se negotijs admittentem, quietum, amantem Deum, egentium studiosum, minime iracundum, iniuriarum immemorem, natura propensum ad eos docendos, qui ad ipsum accedant, quem gloria inanis non inflat, superbia non extollat, adulatio non frangat, seuerum, atq; constantem; cui deniq; nihil sit præstantius honore Dei.]

§. 4. Quæ ratio tenenda in gubernanda familia.

NEcesse est ut Pastor & quicumq; Prælatus benè gubernet familiam suam; nec satis sibi fecisse putet si tantummodo vitam suam ordinet. Vnde *S. Chrysostomus hom. 14. super epist. ad Timot. 1. sic ait.* [Pleriq; virtutem suam sibi satis esse ad salutem putant: & si vitam suam rectè disponant, deesse sibi nihil arbitrantur; sed hi profectò falluntur, idq; satis apertè indicat seruus ille, qui talentum vnum sibi à Domino creditum fodit in terram. Neq; imminutum illud sed integrum & huiusmodi quale acceperat retulit. Evidenter & Beatus Paulus ad Timoteum scribens idipsum asserit dicens. Si quis suorum & maximè domesticorum ad se pertinentium curam non habet, fidem negauit. Curæ nomine prouidentiam animæ & Corporis significat.]

Immo ex aptitudine & dexteritate regiminis æconomi sumitur iudicium de aptitudine ad regimen politicum & Ecclesiasticum dicit Modernus quidam. Nam qui domum suam benè moderatur signum est quod aptus erit ad benè regen-

dam Ecclesiam. Vnde *Hieronymus ad Oceanum*. Vult, *inquit*, Apostolus Episcopum domum suam benè regere non ut opes augeat; non ut regias paret epulas, non ut cælatas patinas siruat &c. sed ut quod populo præcepturus est prius à domesticis exigat. Vnde ait *Theodoretus* qui parua nescit administrare quomodo poterit ei credi cura præstantiorum ac diuinarum. Et *Sanctus Ambrosius*. Manifestum est quia tunc potest idoneus Rector futurus probari si prius domum suam rectè gubernauerit; qui enim in minimis fidelis est, & in magnis fidelis erit. Paulus enim omnino necessariò à minori negando concludit; nam qui familiam non potest rectè administrare, is Ecclesiasticæ præfecturæ, quæ multò est tum difficilior tum laboriosior par esse non potest. Sic *namq; Chrysostomus*. [Ecclesia, *inquit*, est velut domus quædam; & sicut in domo vxor est, ac filij, & serui; omniumq; cura, & regimen incumbit viro: ita fermè & in Ecclesia videas. Est autem longè facilius domum, quàm Ecclesiam regere. Qui igitur rem, ut dixi, familiarem dispensare congruè nescit is quo pacto Ecclesiæ præesse conuenienter posse putandus est?

Igitur Pastor & Præsul post ordinem sibi, vitæ suæ, & suis actionibus præscriptum: post selectam familiam, si in eius potestate fuit illam seligere; debet ordinem & viuendi rationem præscribere dictæ familiæ. Posset in specie hæc familiaribus, commensalibus, & famulis edicere, nempe.

Vt omnes quotidie Missam audiant. Vt saltem Clerici simul cum ipso semel in hebdomada ieiunent, ac bis in Aduētu; præter statuta ab Ecclesia ieiunia. Vt dum familia cibum capit sacra lectio adhibeatur. Vt modestè vestiant; & nigro tantum vel fusco colore vtentes. Ab auro, argento, serico, & coloribus varijs abstineant & simplici vestitu sint contenti. Vt non ferant arma nisi in itinere necessitatis causa.

Curet etiam Pastor ne inertio otio se dedant; sed honestis actionibus sint occupati. Vt abstineant à flagitiosorum hominum consuetudine, & à locis vbi turpiter viuatur; nec pernoctantes foris & abstinentes à iocis & inanibus oblectamentis &

etis & libris talia continentibus, religionem & pietatem præseferant ac ostendant se dignos esse qui populi Duci ministrent.

Quotidie ipse Pastor vespere antequam ad Cœnam accedatur cum ijs litanias ac preces deuotè recitet, & piè oret ac salutaribus monitis ad vitæ innocentiam, integritatem, pietatem, humilitatem, & alias virtutes Christianas exercendas hortetur.

Et, vt certior fiat Pastor quomodo illius familia viuat, visitet illam frequenter, exploret illius progressus, bonos præmijs & laudibus afficiendo; malos contrà corrigendo, & incorrigibiles expellendo.

Cum aliquis ex familia ægrotat Pastor illum paternè inuiset; & omni eius necessitati opportunè succurrat. In vniuersum attendat diligenter ne in sua familia sint rixosi, vinosi, impudici, fures, cupidi, elati, blasphemii, detractores, & voluptatū amatores vt docet Concilium Tridentinum sess. 2. cap. viic.

Hæc & his similia à sacris Canonibus, & Sanctis Patribus deprompta poterit bonus Pastor obseruare pro recta & sancta suæ familiæ gubernatione.

C A P V T Q V I N T V M.

De Hospitalitate.

INter alias Ecclesiasticorum virtutes requirit Apostolus hospitalitatem, sic inquit. *Oportet Episcopum esse irreprehensibilem &c. hospitalem & alibi, Caritas fraternitatis maneat in vobis: & hospitalitatem nolite obliuisci; per hanc, enim placuerunt quidam Angelis hospitis susceptis. Et alibi. Hospitalitatem sectantes.* Quanta sint huius virtutis præconia apparebit ex dicendis. 1. ex sacris Canonibus. 2. ex Sanctis Patribus. 3. ab exemplis.

S. 1. *Hospitalitas commendatur ex sacris canonibus.*

Conciliū Nannetēse sic ait vt refert *Bessans in suo regali Sacerdosio lib. 2. c. 5.* [Cura hospitum, inquit, maximè pauperum atq; debiliū orphanorum quoq; atq; peregrinorum habeat Presbyter quibus de mensa sua iuxtā qualitatem suam cibos impertiat domum ad hospitandum præbeat, & dignè illos tecto recipiet. Scitote enim Sacerdotes non alios vobis cliētes dedisse Deum quàm pauperes, nec alios hospites quàm peregrinos. Volumus, ait idem Concilium, vt Presbyteri qui bonum exemplum Charitatis omnibus ostendere debent hospitales existant iuxtā Dominicū & Apostolicū præceptum; & etgā eos, qui foris veniunt, benignos se exhibeant; per hospitalitatem enim placuerunt quidam Deo, Angelis hospitio receptis. Ipse quoq; Christus in die iudicij. Hospes eram & collegistis me. Iob etiam de se testatur. Ostium meum viatori placuit.]

Gratianns dist. 42. in principio sic ait. [Hospitalem verò Sacerdotem esse oportet, ne sit in numero eorum quibus in iudicio dicetur. (Hospes eram & non suscepistis me) qui enim Apostolum secutus alios ad hospitalitatem debet inuitare quomodo hospitalitatis exhortator poterit esse qui domum propriam hospitibus claudit? Si enim Sacerdos primum à se ipso, & à domestica Ecclesia sua debet exigere quod postea populis imperet: si primum, imitando Christum, ipse debet facere quæ postea populum doceat, necesse est vt pauperes hospicio recipiat, quo ad hospitalitatem facilius suo exemplo subditos attrahat.]

Et dist. 89. cap. Volumus. Sic habetur. Volumus vt frater noster Paschasius & Vice dominum sibi ordinet & maiorem domus quatenus possit vel hospitibus superuenientibus vel causis, quæ eueniunt, idoneus & paratus existere. Si verò & negligentem eum prospicis, & ea quæ diximus, implere differētem, omnis clerus eius adhiberi debet, vt communi consilio
ipfi

ipsi eligant quorum personæ ad ea, quæ prædiximus valeant ordinari.

Et 12. q. 1. cap. *quia tua. versus finem. sic habetur.* Communiter autem viuentibus iam de faciendis portionibus vel exhibenda hospitalitate, & adimplenda misericordia nobis quid erit loquendum? Cum omne quod superest in causis pijs & religionis erogandū est? Domino & Magistro omnibus dicente. Quod superest date eleemosinam; & ecce omnia munda sunt vobis.

Et 16. q. 2. cap. *quoniam sic habetur.* Quoniam quicquid habent Clerici pauperum est; & domus illorum omnibus debent esse communes, susceptioni peregrinorum & hospitem inuigilare debent &c.

§. 2. Hospitalitas commendatur SS. Patrum testimonijs.

S *Anctus Hieronymus ad Nepotianum.* Mensula tua pauperes & peregrinos suscipiat, & cum illis Christus conuiua erit.

S. Gregorius lib. 5. epist. 29. Secundino seruo Dei, relatus in cap. fratrem dist. 86. sic inquit. Nam domus Episcopi ad hoc est instituta vt sine personarum acceptione omnes in hospitalitatem recipiat; & ideò non debet habere canes quia non morsibus & latratibus capum, sed hymnis custodienda est domus eius; ne hi qui confidunt ibi se inuenturos leuamen miserationum suarum, versa vice morsibus canum laniantur.

Idem in 2. par. Pastoralis cap. 7. sic inquit. Egentis mentem doctrinæ sermo non ita facilè penetret, si hunc apud eius animum manus misericordiæ non commendat. Tunc autem verbi semen facilè germinat quando hæc in audientis pectore pietas prædicantis. De quo dicitur illud Psalmi Disperfit, deditque non Fisco; non hæretico; non ciui potenti, & factioso; non, carni & sanguini; non tenaci, & quæ nunquam compleri potest, arcæ; tantò minus non libidini & cupiditati; sed disperfit. dedit.

dedit pauperibus : hoc est, seminaria futuræ pietatis & eruditionis extruxit ; adolescentes præstantes ingenio quamplurimos domi, forisq; opibus suis educavit ; parochijs desertis ac depopulatis pastores & Sacerdotes suis copijs aluit ; redeuntes ab errore benignè & liberaliter suscepit, captiuos redemit, virgines orbas elocavit ; peregrinos hospitio suscepit, viduis, orphanis, morbo atq; ætate fractis opem tulit. Dispersit dedit pauperibus iustitia eius manet in sæculum sæculi cornu eius exaltabitur in gloria.

Sanctus Ambrosius *lib. 2. de officijs cap. 16.* Quò plus te operari viderit populus, magis diliget. Scio plerosq; Sacerdotes quò plus contulerint plus abundasse : quoniam quicunq; bonum operarium videt, ipsi confert quod ille officio suo dispenset ; securus quod ad pauperem sua perueniat misericordia. Nemo enim vult nisi pauperi suam proficere collationem. Et *cap. 2.* Est publica species humanitatis vt peregrinus hospitio non egeat, suscipiatur officiosè, pateat aduenienti ianua.

Idem *lib. 1. officiorum cap. 30. relatus in cap. non satis, & in cap. est probanda dist. 86. sic inquit.* Considera ætatem vt senibus plus largiaris, qui sibi iam nequeunt victum quærere. Considera etiam debilitatem. Considera verecundiam, quæ ingenuos prodit natales. Non tamen vult Dominus simul effundi opes, sed dispensari ; & in ipso pauperis dato mensuram tenere vt abundes pluribus. Quantò enim minora sunt, quæ sparguntur, tantò plures erunt qui recipiant. Ex puro affectu ac sincero fiat eleemosina non conciliandi fauoris gratia ultra modum effundendum.

Sanctus Clemens Papa *Epistola 1. sic ait.* Insignes & viui Charitatis fructus sunt si quis mensam suam & epulas omnibus faciat communem ; ita quippe nascitur amor ; omnisq; boni causa in hac communione consistit. Ideò cibos vestros alijs communicate ; ferculorumq; vestrorum participes sint alijs, per quæ temporalia hæc pacis obsequia, & Charitatis fructus facite, vt æterna & cælestia gaudia adipisci mereamini. Esurientes reficite ; sitientibus potum, nudis vestitum date, ægros

ægros visitate, viñtos iuuate, peregrinos in domibus vestris suscipite exemplo pijsissimi Patriarchæ Abraham. *Ita S. Glemens.* Et ecce quàm seriò Sanctus hic Pontifex misericordiæ opera Ecclesiasticis commendat.

§. 3. *Hospitalitas commendatur ab Exemplis.*

IN sacris literis multa extant exempla Sanctorum Patriarcarum, qui huic virtuti summopere addicti fuere.

Primo loco occurrit magnus ille Patriarcha Abraham, qui colligendis hospitibus sic erat deditus vt aliquando meruerit tres Angelos sub virili forma hospitio suscipere, quos propter omnimodam inter ipsos similitudinem vt vnum adorauit sicut dicit scriptura. Loth suscepit & ipse Angelos hospitio dum esset Sodomis; quos tamen putabat esse viatores transeuntes. Inuitauit, & necessaria benignè obtulit & contra incurstantes defendit; vnde meruit liberari ab incendio, quo Sodoma & Gomorra absumptæ sunt. Rebecca etiam prompta se obtulit ad hospitalitatem cum dixit seruo Abraham: *Palcarum & faniplatimum est apud nos, & locus spaciosus ad manendum & paulò post dixit Laban eidem seruo. Præparauit domum, & locum camelis.* Raab liberaliter excepit hospitio exploratores, quos misit Iosue; eosq; fideliter custodiuit ac dimisit. Proinde domus eius tota ab hoste seruata est. Mulier Sunamitis Elisæum transeuntem hospitio suscepit; qui ei ob id filium impetrauit; eundemq; postea mortuū suscitauit. Tobias in more habebat adhibere semper hospites in mensa sua. Vnde & dicebat filio suo. *Vade & addite aliquos de tribu nostra timentes Deum ut epulentur nobiscum.* Sanctus Iob recensens mèrita sua coràm Deo hospitalitatis se nomine in primis commendabat dicens, *Foris non mansi peregrinus, ostium meum viatori semper patuit.* Gaudens suscepit Dominum Zachæus in domum suam, & Dominus ipsum magis gaudentem reddidit quando dixit. *Hodie salus huius domus facta est.* Apostoli hospitio recipiebantur vt plurimum in domibus artificum, & hominum

mediocri conditionis & fortunæ. De Petro legitur. *Hic hospitabatur apud Simeonem quendam coriarium.*

Sanctus Gregorius Magnus peregrinos quotidie ad mensam adhibebat, in quibus & Angelum & Angelorum Dominum peregrini facie accepit. Pauperes & urbanos & externos, quorum numerum descriptum habebat, benignissimè sustentabat.

Sanctus Paulinus Nolensis Episcopus cum audisset in Euangelio (Vade vende omnia quæ habes & da pauperibus, & habebis thesaurum in cælo, & veni & sequere me) amplissimas diuitias suas quas in fundis, domibus & alijs rebus possidebat, diuendit & pauperibus erogauit, tamq; proluxa in miseros benignitate fuit ut cuncta quæ ad Episcopi vsum habere potuit captiuis indigentibus largiretur, cumq; iam nihil omnino superesset, viduæ postulanti pretiū pro redemptione vnicui filij captiui apud Vandalos sic respondit. (Mulier, quod possim dare non habeo sed memet ipsum tolle seruum, me iuris tui esse profiteor atq; ut filium tuum recipias me vice illius in seruitiū trade.) Vnde illum Sanctus Augustinus vocat ex opulentissimo diuitem voluntate pauperissimum, & copiosissimè Sanctū.

Balsianus Ephesinus Episcopus hospitalitatē se exercuisse ait his verbis. Ego à iuuenili ætate mea vixi cum pauperibus & Prochiunt feci, & in eo posui septuaginta lectos, & omnes languentes & ulceratos hospitio suscipiebam.

Leo eius nominis Nonus Pontifex Maximus vir fuit pietate, innocentia, benignitate gratia, & hospitalitate adeò insignis ut domus eius peregrinis & pauperibus semper pateret, nam cum semel ante fores suas leprosum inuenisset, eumq; præ misericordia collocari in lectulo suo mandasset, apertis mane à ianitore foribus nusquam pauper inuentus est. Christum pauperis nomine eo loci recubuisse creditum. Hic deinde Anno Domini. 1054. gloriosè vitam finiuit.

Cum post persecutiones Imperatorum aduersus Ecclesiam exercitas Constantinus Magnus imperaret & contra tyrannū Liciniū bellum gereret, iussi sunt plurimi iuuenes in aliquibus prouincijs referri in numerum tironum, inter quos fuit Pachomius,

mius, qui, ut ipse affirmavit, annum agebat vigesimum: omnibus ergo vno animo nauigantibus cum ijs, qui ipsos assumpserunt, militibus appulerunt in quoddam oppidulum Thebarum. Vespere autem, cum ciues vidissent eos in satis tuta esse custodia, & de eis audiissent viri Christiani & misericordes, attulerunt eis omnia, quæ erant eis ad vsum necessaria, & valde eis magnum præbuere solatium cum essent in maxima afflictione. Ego verò cum vidissem, *inquit Pachomius*, quod ab eis factum fuerat, & valdè essem miratus, didici ab eis, qui mecum erant, Christianos erga omnes quidem, præcipuè tamen erga hospites, esse benignos, & misericordes. Rogante autem me, *inquit*, quidnam esset appellatio Christianorum dicebant. Sunt homines pij & Deum colentes credentes in nomen Unigeniti Filij Dei sui Iesu Christi, & omnibus benefacientes sperant ab eo mercedem remunerationis. Ipsis autem hæc ei dicentibus mente illuminatus & fidem Christianorum admiratus, spiritu exultans cum parum recessisset, manus suas in Cælum extēdit & dixit (Domine Deus qui fecisti Cælum & terram si respiciens respexeris humilitatem meam, & mihi tuæ diuinitatis dederis cognitionem, & me liberaueris ex hac afflictione tibi seruiam omnes dies vitæ meæ & conuenienter tuis præceptis vitam instituiam.) Cum ergo esset precatus & sic Deo pollicitus vno die postea egressus è custodia cum ijs qui cum ipso erant & nauem ingressus nauigauit ex illo oppido. Interea autem dum in aliena regione versaretur si quando cum carnis voluptates, aut aliquarum rerum mundanarum vexarent cupiditates valdè auersabatur, precum memor, per quas mente illuminatus Christum fuit professus, & eius qui in ipsum extitit diuinæ gratiæ aduentus.] Hoc exemplo satis liquet quàm proprium sit Christianorum benignitatem, misericordiam, & hospitalitatem exercere. Quod si hoc decet Christianos quoscunq; quid dicemus de Ecclesiasticis, quos maior tenet obligatio, hæc eadem pietatis opera exercendi?

Multa hîc alia possent referri exempla, quæ passim videri

poterunt apud Historicos & apud collectores exemplorum præsertim apud *Daurontium florum exemplorum cap. 8. tit. 10.*

C A P V T S E X T V M.

De Beneficentia & Liberalitate.

Hæ duæ Virtutes admodum sunt affines & fortè nominibus solum differunt: ideò sub vno capite de illis agimus, Commendatas habemus has virtutes pluribus in locis diuinæ paginæ; quamuis sub alijs vocibus. Apostolus ad Hebræos. 13. *Beneficentia & cõmunione nolite obliuisci; talibus enim hostijs promeretur Deus.* Et ad Timotheum. 1. cap. 6. *Diuitibus huius sæculi præcipe non sublimè sapere, neq; sperare in incerto diuitiarum, sed in Deo vivo (qui præstat nobis omnia abundè ad fruendum) bene agere, diuites fieri in bonis operibus, facillè tribuere, communicare, thesaurizare sibi suadamentum bonum in futurum ut apprehendant vitam æternam.* Videamus igitur. 1. quid sit Beneficentia, & quid sit Liberalitas. 2. de Motiuis ad has virtutes amplectendas. 3. de Modo illas exercendi. 4. de exemplis.

§. 1. Quid sit Beneficentia, quid sit Liberalitas.

Beneficentia iuxta *Diuum Thomam 2. 2. q. 31. art. 1.* nihil aliud importat quàm facere bonum alicui; & est actus Charitatis. Vnde non est virtus specialis distincta à Charitate; sed dicit actum Charitatis. Obiectum, seu res circa quam quodammodo producendam versatur, vocatur Beneficium; Vnde hæc nomina sunt correlatiua Benefactor, Benefacere, Beneficentia, Beneficium.

Liberalitas est Virtus Iustitiæ finitima, ut inquit *Diuus Thomas 2. 2. q. 117. art. 5.* quæ versatur circa pecunias accipien-
das, conseruandas, & maximè elargiendas; habetq; pro fine bonum usum pecuniarum in datione illarum. Nam ad libera-
lem

tem pertinet emissium esse; Vnde & alio nomine liberalitas largitas appellatur; quia quod largum est non est retentium sed emissium. Vtus autem pecuniæ est in emissione illius; nam acquisitio pecuniæ magis assimilatur generationi quam vsui. Custodia verò pecuniæ inquantum ordinatur ad facultatem vtendi assimilatur habitui. Emissio autem alicuius rei quantum fit ad aliquid distantius tantò à maiori virtute procedit sicut patet in his quæ proijciuntur. Et ideò ex maiori virtute procedit quod aliquis emitat pecuniam dando eam alijs, quàm expendendo eam circa seipsum. Proprium est virtutis vt præcise tendat in id quod est perfectius; Nam virtus est perfectio quædam & ideò liberalis maxime laudatur ex datione. Ita Sanctus Thomas.

Hæc Liberalitas sicut & quælibet alia Virtus inter duo extrema posita est; nempe inter tenacitatem & prodigalitatem, de quibus S. Hieronymus lib. 16. com. in Isai. cap. 57. [Liberalitas inquit, & dispensatio virtus maxima est, & via regia, à qua declinat ad dexteram qui parcus est, & non solum alijs sed ne sibi quidem tribuit quod necesse est. Ad sinistram qui comedit substantiam suam cum meretricibus & dicit cum Israel Manducemus & bibamus, cras enim moriemur.]

Liberalitas constat ex beneuolentia & beneficentia, vt nimirum libenter simul, ac prolixè largiamur. Deus enim per Isaiam 58. sic ait. *Cam effunderis esurienti animam tuam, & animam afflictam repleueris.* Et per eundem cap. 70. *Si dederis esurienti panem tuum ex animo tuo, & animam humiliatam saturaueris.* Vbi Sanctus Hieronymus sic. [Esurienti demus non tantum panem nostrum, sed animam nostram, vt eum in quibuscunq; pressuris adiuuemus, & non quasi ex tristitia & necessitate sed ex animo tribuamus, accipientes magis quàm dantes beneficium. Nam vt dicit Apostolus ad Corinthios. Non tantum facere sed & velle cæpistis ab anno prior.] Sanctus Ambrosius lib. 1. offic. cap. 30. ait. [Perfectorum utrumq; est non pars.] Itaq; docet & liberalitatem sine beneuolentia; & beneuolentiam sine liberalitate non esse perfectam. Vnde ad per-

perfectum hortatur dicens ibidem. [Nunc ergo & facite consummate ut quemadmodum in vobis prompta est voluntas faciendi ita sit & perficiendi ex eo quod habetis.] Et ut idem S. Ambrosius ibidem, & habetur dist. 86. cap. 15. ait. [Non satis est bene velle nisi studeas etiam benefacere neque satis est iterum benefacere nisi id ex bono fonte procedat; hoc est ex bona voluntate proficiscatur. Hilarem enim datorem diligit Deus. Nam si inuitus facias quæ tibi merces est? Vnde Apostolus generaliter dicit. Si volens hoc ago, mercedem habeo: si inuitus dispensatio mihi credita est.]

Vnde cum in animo (ut omnis virtus) Liberalitas infideat, nihil prohibet eum esse magis liberalem, qui pauciora largitur, modò maiori animo, beneuolentia, & alacritate largiatur. Ideò idem S. Ambrosius loc. cit. [Affectus inquit, diuitem collationem facit, aut pauperem, & pretium rebus imponit.] Et Sanctus Gregorius hom. 6. in euang. Exteriora, inquit, nostra Domino quamlibet parua sufficiunt, cor namque & non substantiam pensat. Nec perpendit quantum in eius sacrificio, sed ex quanto proferatur & infra. Ante Dei oculos nunquā est vacua manus à munere, si fuerit arca cordis repleta bona voluntate. Nihil quippe Deo offertur ditius bona voluntate.]

Cæterum duplex est liberalitatis ratio, inquit Cicero lib. 2. de offic. nam aut opera benignè fit indigentibus aut pecunia; facilior est hæc posterior, locupletari præsertim; sed illa lautior ac splendidior, & viro forti, clarioque dignior. Ex quo mutuatus Sanctus Ambrosius sic inquit. Est duplex liberalitas una quæ subsidio rei adiuuat, id est usu pecuniæ: altera quæ operum collatione impenditur, multò frequenter splendidior multoque clarior. Et quis est qui non aliquam proximo suo operam commodare possit? Nemo igitur à liberalitate exemptus.

§. 2. De Motivis ad prædictas virtutes amplectendas.

Motiva & excitamenta ad prædictas virtutes Beneficentiae & Liberalitatis Ecclesiastico viro sunt quamplurima.

Primum quòd in hoc imitamur Deum vt docet Saluator illis verbis apud Mattheum. 5. *Benefacite his qui oderunt vos: orate pro persequentibus & calumniantibus vos, vt sitis filij Patris vestri, qui in calis est, qui solem suum oriri facit super bonos & malos &c.* & illis alijs verbis apud Lucam 6. *Veruntamen diligite inimicos vestros; benefacite & mutuum date nihil inde sperantes; & erit merces vestra multa, & eritis filij Altissimi, quia ipse benignus est super ingratos & malos. Estote ergo misericordes sicut & Pater vester misericors est &c.* Quamvis enim Liberalitas, in quantum diuitiarum cupiditatem moderatur, in Deo non sit, ex ea tamen parte, & quidè potiori qua est affectus quidà ad faciendū, plixè, sine remunerationis intuitu alijs benignè faciendū, maximè est in Deo: ipse enim ad largiendum promptissimus est, & propensissimus, & quidem hilariter, copiosè, gratuitò, quia suam decet benignitatem, & beneficentissimam naturam. *Dat enim omnibus affluenter & non improperat*, vt inquit Beatus Iacobus cap. 1. Nam 1. largitur spontè, ac perlibenter. 2. Cunctis sine vlla exceptione. 3. affluenter, per benignè sine vlla restrictione. 4. postulantis non exprobrat nimiam cupiditatem; quia sine tædio & indigentiae metu largitur. *Dines in omnes qui innocant illum.* dicit Apostolus. Hoc igitur exemplum diuinæ Maiestatis perpendens Ecclesiasticus vir nunquam beneficentiae fontes obturabit. Hac enim ratione fit filius Altissimi, & diuinæ confors naturæ. Nam vt ait S. Greg. Nazianzenus de paupere. amore. [Nihil tam diuinum homo habet, quam de alijs benè mereri, tametsi ille maiora, hic minora beneficia conferat, vterq; nimirum pro viribus suis.] Et Sanctus Gregorius Nyssenus. orat. de amandis paup. [Beneficentia, inquit, est omnium lau-

laudatarum virtutum præstantissima. Hæc est felicitatis comes. Hæc assidet Deo, & magna est cum ipso necessitudine coniuncta.]

Secundum. Quod opestantæ Ecclesiasticis donatæ sunt, vt in egenorum subsidia sint liberales. Vnde *Diuus Ambrosius lib. 2. offic. cap. 28. relatus. 12. q. 2. cap. 69.* [Aurum, inquit, habet Ecclesia non vt seruet, sed vt erogat, & subueniat in necessitatibus. Quid opus custodire quod nihil adiuuat? An ignoramus quantum auri & argenti de Templo Domini Assyrij sustulerint? Nonne melius constat Sacerdos propter alimoniam pauperum, si alia subsidia desint, quam sacrilegia contaminata asportet hostis.] Et ante B. Ambrosium *D. Cyprianus de opere & eleemos.* Patrimonium, inquit, Deo creditum, nec Resp. eripit, nec fiscus inuadit, nec calumnia aliqua forensis evertit: in tuto hæreditas ponitur quæ Deo custode seruatur. Vulgò dicitur, & benè quod non capit Christus rapit fiscus.]

Tertium motiuum erit attenta consideratio quid sint diuitiæ in se, quàm viles, quàm exiguæ, quàm incertæ, quàm instabiles. Sufficiat afferre testimonium melisui *Bernardi*, qui in sermone quarto de Aduentu Domini, sic ait. [Filij Adam genus auarum & ambitiosum audite. Quid vobis cum terrenis diuitijs & gloria temporali, quæ nec veræ nec vestræ sunt. Aurum & argentum nonne est terra rubra, & alba quam solus hominū error facit, aut magis reputat, pretiosam? Deniq; si vestra sunt hæc, tollite ea vobiscum. Sed homo cum interierit non sumet omnia, nec descendet cum eo gloria eius. Veræ ergo diuitiæ non opes sunt sed virtutes, quas secum conscientia portat, vt in perpetuum diues fiat. Quid sunt vniones quàm concharum excrementa? Quid gemme nisi lapides? Quid sericæ vestes nisi viscera turpium vermiculorum? Quid panni linei nisi ouium vellera? Quid pellicæ vestes nisi bestiarum pelles? Quid magnificæ ædes aliud sunt, quàm lapidum congeries certo ordine coagmentata? Vsq; quo igitur homo aggrauat contrâ se densum lutum.]

Quartum motiuum erit perpendere quòd diuitiæ aditum.

piæ.

præbent ad fastum, ad luxum, ad sensuum oblectationem,
ad omnem inali licentiam, ad aegritudinem, ad damnationem.
Diues ille, de quo in euangelio, induebatur purpura
& bysso, & epulabatur quotidie splendide; sed in inferno tã-
dem sepultus, dirissimisq; illius flammis cruciatus, nec vn-
quam aquæ guttam pro sua refrigeratione impetrabit: quã-
to satius illas diuitias ad Lazari inopiam subleuandam con-
tulisset? tunc misericors misericordiam consecutus fuisset,
nunc iudicium sine misericordia illi, quia non fecit miseri-
cordiam. Propterea moneri vult diuites Apostolus vt su-
bllime non sapiant, nec sperent in incerto diuitiarum sed in
Deo vivo. Nam aliter facientibus, & ad Corporis oblecta-
menta facultates suas usurpantibus gehennæ supplicium
comminatur Deus per Amos. 6. dicens: *Vae qui opulenti sitis
in Syon qui dicitis in lectis obrepitis, & lascentis in stratis vestris
qui dicitis in agnum de grege, & vitulos de medio armenie.* Et Iu-
de 6. *Vae vobis diuitibus, quia habetis hanc consolationem vestram.*
Considerandum etiam qualem quantamq; curarum & inop-
iustiarum catenam in acquirendo, augendo, conseruando
deorum diuitiis trahant. Beatus ille, ait Bernardus episcopus 1030
qui post illa non abijciunt possessa onerant, amara inquir-
unt, amissa cruciant. & Recogitandum quoq; quam paucis
sit contenta natura; quam multa sint illi superflua. *Habentes
aliments, & quibus regimus hunc orbem terrarum,* ait Apostolus 1.
Timoth. 6. *quod & contemnit Ecclesiasticus agnoscit, inq-
uiens, vna hominis aqua inter pauperes & mendicantes frangenda &
puluerem non ponderandum etiam multo huiusmodi spargenda
talisq; esse date, quam accipere; illud enim affluenti est bo-
nitatis, hoc exhaustæ indigentia. Unde Hieronymus episcopus 2.
ad Nepotianum sic inquit, [Nonqua impetentes, raro accipia-
mus rogati. Beatus enim est magis dare quam accipere.]
Dicitur enim quomodo etiam ipse, qui deprecatur vt tri-
buatur, cum acceperit viliorē, re iudicat, & mirum in mo-*

dum si cum rogantem contempleris plus te posterius veneratur.]

S. 3. De Modo exercendi Beneficentiam, & Liberalitatem.

AD exercendas rectè, prudenter & laudabiliter prædictas virtutes debent concurrere quinque nempe *Tempus, persona, locus, Causa, Modus.*

Tempus & locus. Quia reuera sicut videmus quod natura in producendo fructus servat tempora, quia scilicet in æstate producit, in hyeme verò se retrahit, atq; claudit: sic Homo non in omni loco nec omni tempore debet liberalitatem exercere, sed locum & tēpus debitum observare. Quandoq; enim se debet claudere & obstruere, ut tandem occasione reperta & necessitate opportuna inuenta possit tertius erogare. Teste *Dino Ambrosio, de offic. lib. 1. qui inquit.* Deus non vult opes effundi sed dispensari. Ad quod facit id quod dicit *Seneca epist. 83. inquit.* [Tempore beneficia magna sunt. Beneficium est enim vnus in fame panis, si eo animo, quo debet, datur; nec quantum sit, sed qua datum sit voluntate perpenditur. Maius enim sit munus, licet idem sit, tempore, loco, & causa. Igitur liberalitas tempori & loco debet coaptari.]

Persona etiam ratio habenda; nam quamvis liberalitas erga omnes homines exercenda sit; delectus tamen personarum habendus est. Quemadmodum enim Sol prius illuminat partes magis propinquas quàm remotas: & mare multò plus arenas & terras sabulosas irrigat, quam fecundas cum sibi amplius sint propinquæ. Sic verè cum liberalis homo omnibus debeat bonum facere; tamen propinquioribus hoc est consanguineis, familiaribus, & amicis: & arenosis hoc est sterilibus pauperibus & egenis debet, cæteris paribus, primò dare, & eis quod necesse est præ alijs ministrare. Et in pari

necessitate melius est subuenire suis quàm alijs. Quod tamen est contrà multos, qui scilicet liberales sunt non pauperibus sed diuitibus: non propinquis, sed forensibus: non egenis sed potentibus. Heu quot sunt hodie qui magnatibus liberales existunt, & erga eos abundanter expendunt ut ampliora habeant, vel ut largitatis nomen acquirant, sua copiosè distribuunt; pauperes verò Christi, & etiam pauperes de genere suo deserunt, & dimittunt, nec eisdem impendere quicquam volunt. De quo dicit *Petrus Ravennas in quodam sermone*. [Heliseus vasa ter vacua implebat, & deficientibus oleum dabat. Hodie verò vasa vacua contemnuntur & plena semper implentur. Ligna ad filiam, & aqua in mare deferuntur; arenti autem terræ subtrahitur; & flumina quæ non indigent irrigantur.]

Causa etiam attendenda ne scilicet detur ad malum finem puta ad inducendum ad peccatum ut ad adulteriũ, stuprum, homicidium & similia: neq; ob inanem gloriam ut reputetur largus: neq; ut expectet ampliorem retributionem: sed ob finem honestum, puta ad necessitatem subleuandam, ad virtutem exercendam, ad alliciendum ad bonum, ad charitatem fouendam, ad ciuilem societatem conseruandam & similia.

Modus etiam tenendus, qui consistit in hoc ut ille, qui vult beneficentiam & liberalitatem exercere, quando daturus est beneficium det *Cito; libenter; prudenter; de proprio*. Et primò quidem *Cito; propere, referuer*. Qui enim citò dat, bis dat. Differre rem dandam est affligere vel grauare petentem. *Spes, quæ differtur, affligit animam*; inquit Spiritus Sanctus in Prou. 13. Debemus imitari Deum & Naturam: Deus enim citò dat; nunquam procrastinat: subito solet gratiam infundere nisi obstaculum peccati faciat hoc differri. Si enim cor dispositum fuerit nunquam Deus gratiam retardabit: nescit enim tarda molimina Spiritus Sancti gratia. De natura etiam

am constat, quod disposita materia, in momento solet natura formam introducere: & turbulentis nubibus aere depurato solet solis praesentia radios suos subito diffundere, & mundum in momento suis splendoribus illustrare. Sic dicendum de homine liberali, qui postquam viderit quod medium est dispositum, & quod simul concurrunt tempus, persona, locus, causa, non debet procrastinare, sed quod dare voluerit, citò dare. Et hoc est quod dicit *Seneca* *liv. 4. de benef.* [Gratissima, inquit, sunt beneficia parata occurrentia, & facilia, ubi nulla mora fuit nisi in accipientis verecundia. Optimum est eam occupare antequam rogemur; quia probus homo rogando rubore suffunditur; qui autem hoc tormentum remittit, multiplicat munus suum. Non tulit gratis qui cum precibus accepit. Nulla res carior constat quam quae precibus emptae est; molestum enim verbum & onerosum est dimisso vultu dicere. *Rogo.*] Et *Ausonius* canit.

Gratia quae tarda est, ingrata est: grata namque

Cum fieri properat, gratia grata magis.

[Beneficium ergo, ut inquit *Seneca*, debet esse nulla dilatione suspensum, nullis precibus redemptum, nullis meritis comparatum.] Quae sententia pulcherrima est, & memoriae consignanda.

Libenter quoque dandum. Ille enim qui liberalitatem facit, debet affectuose, & ex animo ipsam facere. Ille verò, qui illam recipit, magis debet animum quam ad factum attendere, & magis dantis voluntatem & possibilitatem quam muneris quantitatem pensare. Ad quod facit exemplum pauperulae mulieris, quae duo aera minuta offerebat in templum, cum multi diuites multa & magna offerrent, & tamen *Christus* oblationem eius modicam oblationibus diuitum qui magna offerebant prae tulit. In liberalitate ergo magis pensandus est affectus quam effectus; magis voluntas quam quantitas; & potius dantis tenuitas quam liberalitas.

Prudenter. Et ad hoc applica illud quod dictum est supra in principio huius s. verba *Tempus* &c. Ad quod facit illud Gregorij qui dicit quod in liberalitate modus adhibendus est & rerum & personarum. Rerum ut non vni omnia sed singulis erogetur. Personarum, ut primò tribuamus bonis deinde alijs & primò coniunctis quàm extraneis, ut supra diximus.

De proprio. Quia reuera homo debet esse liberalis de suo, non de alieno. Quod est contra modernos diuites & potentes, qui scilicet aliunde vndiq; rapiunt, & pompas, festa & conuiuia liberaliter faciunt; ita quod alij homines tales liberales & magnificos esse dicunt, & sic nomen liberalitatis alienis expensis acquirunt. Similes Aquilis & Leonibus, qui scilicet sunt liberales non de suis sed de alienis, quia scilicet illud, quod alijs auibus & bestijs sequentibus tribuunt, aliarum auium & bestiarum carnes sunt, quas rapiunt. Vnde benè Ambrosius dicit quod illa liberalitas non probatur, vbi ab altero extorquetur ut alteri largiatur.

S. q. De exemplis illorum qui in Beneficentia, & Liberalitate illustrati sunt. Illud est exemplum quod dicitur in libro de vita hominis sapientis.

Plena sunt sacrarum historiarum volumina exemplis eorum, qui insignes fuerunt in beneficentia & liberalitate, tum viri tum mulieres sanctitate celebres, quos hic referre esset actum agere, & inane labor in transcribendo suscipere. Mitto igitur ea, quae omnibus sunt manifesta de liberalitate sanctorum Gregorij Magni, Martini, Nicolai, Caroli, Ioannis Eleemosinarii, & aliorum propemodum innumerabilium. Vnum tantum modo lubet afferre de Sancto Ephrem ex *Nicephoro lib. 9. hist. eccl. cap. 16.* Plurima ergo de sancto Ephrem memoratu digna referuntur sed praesertim hoc. Fames ingens Edessenorum urbem preme-

bat:

bat: atq; ipse qui multos annos non fuerat domo egressus, tunc philosophandi studio aliquantulum intermisso, prodijt: & in homines locupletes, qui sic turpiter rerum necessariarum inopia ciues suos pereuntes despicerent, acriter est innectus arguens eos, quòd animarum cura neglecta studium omne in corpore fouendo collocarent. Illi autem integritatem & paupertatem viri obseruantes veriti, minime sic esse affirmarunt: facile enim & promptum eis esse, indigentibus facultates distribuere: deesse saltem qui in eo ministerio pro eo atq; deceret fidelem se præberet, omnesq; lucro inhiare, & talia fædè in quæstum suum vertere, dixerunt. Tum Ephrem: Ego verò, inquit, qualis vobis esse videor? & illi: Honestus atq; bonus respondere: & talis prorsus, qui opiniononi, quæ de eo fertur, vita ipsa respondeat. Itaq; ille ait, paratus sum omnibus hac in re inservire: Et multò ab eis sumpto argento trecentas parauit mensas: & in publicis porticibus eos qui fame affliti erant, acceptos diligenter & benignè fouit: aduenas quoq; & alios qui inopia affligerentur humaniter curauit. Idemq; tãtis per fecit dum fames ibi est grassata. Ea verò depulsa ipse ad philosophiæ suæ officinam reuersus ibi paucos post dies vita est defunctus.

Amadæus Sabaudix Dux rogatus quondam a quibusdã Oratoribus, qui ad eum venerant, an etiam haberet canes venaticos ad venandum ceruum vel aprum? Annuit, ut postea die redirent. Cum verò iam adessent expectantes videre quod cupiebant, Amadæus è pergula Aulæ ingentem à latere ædium mendicorum multitudinem eis ostendit vna discumbentium. Atq; hi sunt, inquit, canes mei, quos alo quotidie, quibusq; cœlestem gloriam me spero venaturum. Et si alios canes haberem, nullum per eos leporem, vel ceruum, vel aprum caperem, qui mihi centum aureis non constaret. Malo equidem redditum meum in re magis seria collocare.

Sed quid mirum si viri fidei lumine imbuti benefici in
egros

egenos exitere, quando & ipsosmet ethnicos idem præstitisse legimus.

Titus Vespasianus Cæsar dicebat, non licere quemquam à vultu Imperatoris tristem discedere. Idem inter cænādum aliquo die recordatus, quòd nihil eo die præstitisset, memoriādam illam vocem edidit. *Amici autem perasat.* Laudanda sanè Principis beneficentia tam singularis, qui omne tempus se perdidisse putabat, quo amicis benemeritis suum non præstitisset officium. *Apud Suetonium.*

Alexander Severus descriptum habebat quid cui tribuisset. Qui nihil aut minimum petissent, eos appellabat, dicens: Quid est cui nihil petis? an me tibi vis fieri debitorum; pete ne privatus de me queraris. Idem rogatus quis esset rex optimus: Qui, inquit, amicos muneribus retinet, & inimicos beneficijs ambit, & sibi conciliat. *Max. ser. 9. de Magistratu.*

Socrates Athelao Regi roganti ut ad se veniret, respondit. Nolle se ad eum venire à quo acciperet beneficia cum reddere illi paria non posset. Timuit fortasse ne cogeretur accipere quæ noller. Negotium illi erat cum rege omnia sua magni æstimari volente. *Senec. lib. 5. de beneficiis. 6.*

Alexander regium esse affirmabat à quibus malè audias, in eos & sæpe & multum conferre. Quo innuere voluit, liberalitatem aliquando etiam erga indignos exercendam esse.

Fridericus Cæsar sæpenumero dicere solebat se ex ijs quos exiulisset quàm paucissimos gratos vidiſſe: idq; ex muneribus suis datum esse, ut ex fidelibus infideles fierent. *Aeneas Sylvius lib. 2. comment. de rebus gestis Alphonsi.*

Alphonsus Rex oblatrantibus canibus & rebellantibus offulam obijciendam dictitabat. Intelligens malevolos homines beneficijs vincendos esse. *Pontan. cap. 30. de libertate.*

Diogenes à quodam rogatus quam ob causam homines men-

mendicis darent, Philosophis verò nihil largirentur. Quia, inquit, se claudos & cecos fore sperare possunt, Philosophos autem minimè. **CAPITULUM VII.**

De Eleemosina.

Eleemosinae consideratio valde affinis est precedenti de beneficiis & liberalitate, siquidem ad eundem finem referuntur, nempe ad subleuandam alterius indigentiam. Vniuersa lex, quæ vtriusque testamento continetur, eleemosinam, seu operam misericordie cum omnibus, & maxime Ecclesiasticis commendat, ipsæque suadere conatur, iuxta Sanctum Augustinum, se tantummodo ad spectatorem esse bonorum Ecclesiasticorum non possessores, ut inde discant rebus mundi huius non adherere, cum Deus illas non ad ea possidenda, sed ad distribuenda pauperibus ab ipsis selegit. Ideo vniuersum Concilium Narniense tradit. Instruendi sunt Presbyteri, pariterque monachi, quatenus nouerint decimas & oblationes, quæ a fidelibus accipiunt, pauperum & hospitum, & peregrinorum esse stipendia, atque ideo eadem non ut propria usurpanda, sed velut fidei commissæ. Agnoscant proinde esse sibi aliquando de iis coram Deo in vniuersalis iudicii die rationem reddendam, quæ si indebito modo usurparint, nec in pauperes disperderint acriter se corripiedos. Ut igitur hos salubre Concilij monitum melius Ecclesiasticorum mentibus imprimatur videbimus. Quomodo Eleemosina (quæ est opus, quo indigentia alterius subuenitur ex misericordia procedens) commendatur Primo per auctoritates sacre Paginae. 2. per auctoritates sacrorum Canonum. 3. per auctoritates sanctorum Patrum. 4. per auctoritates Philosophorum moralium. 5. videbimus de fructibus Eleemosinae. 6. qui pos-

possint facere eleemosinam. 7. quibus sit facienda. 8. ex quo quando & de quibus sit facienda. 9. quo ordine. 10. quomodo. 11. de exemplis.

S. I. Eleemosina commendatur per auctoritates sacra pagina.

EX testamento veteri. In Ecclesiastico. *Rogationem contri-*
bulati ne abijcias, & non auertas faciem tuam ab egeno. Item. *Ab*
inope ne auertas oculos tuos propter iram. Item *Maledicentes tibi in*
amaritudine anima exaudietur deprecatio illius: Exaudiet autem
eum qui fecit illum. Item. *Congregationi pauperum affabilem te*
facio. Item. *Ante mortem benefac amico tuo, & secundum vires tuas*
da pauperi. In Prouerbijs. *De primitijs omnium frugum tuarum da*
pauperibus, & implebuntur horrea tua satoritate, & vino tortularia
tua redundabunt. Item. *Qui obturat aures suas ad clamorem pau-*
peris & ipse clamabit, & non exaudietur. Item. *Qui dat pauperi*
non indigebit: qui despicit deprecantem sustinebit penariam. It-
erum in Ecclesiastico. *Exorare & facere eleemosinam nes despicias.*
Item. *Conclude eleemosinam in sinu pauperis, & hac pro te exorabit*
à peccatis & ab omni malo. Item. *Benefac iusto, & inuenies retribu-*
tionem magnam, & si non ab ipso, certè à Domino. Item. *Da pauperi*
& accipienti. Item. *Eleemosina viri qualis sacculus cum ipso, & gra-*
tiam hominis quasi pupillam conseruabit, & postea resurges, & re-
tribuet illis retributionem unicuique in caput ipsorum, & conuertet in
inferiores partes terra. Apud Isaiam. *Frange esurienti panem tuum,*
& egenos vagoque induc in domum tuam; cum videris nudum operi
cum, & carnem tuam ne despexeris: tunc erumpet quasi mane lumen
tuum, & sanitas tua citius orietur, & anteibit faciem tuam iustitia
tua, & gloria Domini colliget te. Tunc vocabis & Dominus exaudiet
te, clamabis & dicit adsum. Iterum in Ecclesiastico. *Fili eleemo-*
sinam pauperis ne defraudes, & oculos tuos ne transuerias à paupere.
Item. *Animam esurientem ne despexeris, & non exasperes pauperem*
in inopia sua. Item. *Cor inopis ne afflixeris & ne differas quod ero-*

gaturus sis in egenum. Item. Declina pauperi sine tribita aurem tuam, & redde debitum tuum, & responde eidem pacifice cum mansuetudine. Pauperi porrige manum tuam ut perficiatur propitiatio tua, & benedictio tua.

Ex testamento nouo. In Euangelio Matthæi. Quicumque potum dederit uni ex minimis istis calicem aquæ frigida tantum in nomine discipuli, amen dico vobis non perdet mercedem suam. Ibidem. Gratis accepistis, gratis date. In Euangelio Lucæ. Veruntamen quod superest date eleemosinam & ecce omnia munda sunt vobis. Ibidem. Vendite qua possidetis & date eleemosinam. Facite vobis sacculos qui non veterascunt thesaurum non deficientem in celis quia fur non appropiat neque linea corrumpit. Item. Cum facis conuiuium voca pauperes, debiles, claudos & cecos, & beatus eris quia non habent retribuere tibi; retribuitur enim tibi in resurrectione iustorum. Item. Quare non dedisti pecuniam meam ad usuram pauperibus. In Actis Apostolorum. Beatius est magis dare quam accipere. In Epistola ad Galatas. Bonum autem facientes non deficiamus. Ibidem. Dum tempus habemus operemur bonum ad omnes, maxime autem ad domesticos fidei. In 2. ad Corinthios. In presenti tempore vestra abundantia illorum inopiam subleuat. Item qui parce seminat parce & metet. In Epistola ad Hebræos. Non enim iniustus est Deus ut obliuiscatur operis vestri & dilectionis quam ostendistis in nomine ipsius qui ministrastis Sanctis & ministratis. Ibidem. Beneficientia & communionis nolite obliuisci talibus enim hostijs promeretur Deus.

S.2. Eleemosina commendatur per auctoritates Sacrorum Canonum.

IN Distinctione 86. cap. Fratrem. Sic habetur. Fratrem nostrum Marinianum Episcopum verbis, quibus vales, excita; quia obdormisse eum suspicor. Et infra. Dic ergo ei ut cum loco mutet & mentem. Non sibi credat solam lectionem, & orationem sufficere ut remotus studeat sedere, & de manu

minimè fructificare : sed largam manum habeat, necessitatem patientibus concurrat, alienam inopiam suam credat; quia si hæc non habet vacuum Episcopi nomen tenet. Et *distinctione 87. cap. non satis. sic habetur.* Non satis est benè velle, sed etiam benefacere. Nec satis est iterum benefacere nisi id ex bono fonte hoc est ex bona voluntate proficiscatur. Et *infra.* Perfecta liberalitas fide, causa, loco, tempore, commendatur ut primum operis circa domesticos fidei. Grandis culpa si sciente te fidelis egeat, si scias eum sine sumptu esse, fame laborare, ærumnam perpeti qui præsertim egere erubescat: si in causam ceciderit aut captiuitatis suorum, aut calumniæ & non adiuues: si sit in carcere & pænis, & supplicijs propter debitum aliquod iustus excrucietur (nam etsi omnibus debetur misericordia tamen iusto amplius) si tempore afflictionis suæ nihil à te impetiet; si tempore periculi quo rapitur ad mortem, plus apud te pecunia tua valeat, quam vita morituri, non est leue peccatum. Et *7. q. 1. cap. omnis. infra medium sic.* qui negant misericordiam faciendam fugientibus, ac necessitatem patientibus ipsum Christum negant qui est misericordia & veritas. Et *16. q. 1. cap. reuertimini. infra medium sic.* Si quando fames & pecunia, & rerum omnium egestas opprimunt mundum sciamus hoc ex Dei ira descendere, qui in pauperibus si non accipiat eleemosinam fraudari se loquitur: & suas possessiones possumus decimas & primitias interpretari.

§. 3. Eleemosina commendatur per auctoritates Sanctorum Patrum.

S *Anctus Gregorius Magnus In Moralibus 19.* Tantò quisque perfectior est, quantò perfectius sentit dolores alienos. *Ibidem.* Qui indigenti proximo exteriorem substantiam præbet sed vitam suam à nequitia non custodit, rem suam Deo tribuit, & se peccato: Hoc quod minus est obtulit auctori:

hoc quod maius est seruauit iniquitati. *Ibid.* Ille perfectè tribuit qui cum eo, quod afflicto porrigit, afflicti quoq; animum in se sumit vt prius in se dolentis passionem transferat, & tunc contra dolorem illius per ministerium concurrat. Et 20. *mor. cap. 27.* qui exteriora largitur, rem extrà se positam tribuit; qui autem fletum aut compassionem aliquid sui ipsius dat. Idem 21. *mor. cap. 13.* Quidam prius pauperem contumelijs afficiunt quàm dent eleemosinam. Videtur ergo quod illata iniuriæ satisfactionem soluunt dum dona largiuntur. Idem *in Homilijs*. Sic mens per compassionem doleat vt & larga manus affectum doloris ostendat. Et *in 3. par. pastoralis adm. 22.* Admonendi sunt, inquit, qui nec aliena appetunt, nec sua largiuntur, vt sciant sollicitè quod ea, de qua sumus, cunctis hominibus terra communis est: & idcirco alimenta quoque omnibus communiter profert: & incassum se innocentes putant qui commune Dei munus sibi priuatim vendicant.

Sanctus Hieronymus ad Nepotianum. Non memini me legisse mala morte mortuum, qui libenter opera Charitatis exercuit. Habet enim multos intercessores & impossibile est multorum preces non exaudiri. *Idem ad Furiam*. Velimus nolimus senescimus. Paret sibi viaticum quod longo itineri necessarium est; secum portet quod inuitus dimissurus est; immò præmittat in Cælum, quod si negauerit terra sumptura est.

Sanctus Ambrosius de officijs. Aurum habet Ecclesia non vt seruet sed vt eroget & subueniat etiam in necessitatibus. *Ibid.* Necessitates aliorum quantum possumus iuuemus, & plus interdum possumus: nihil tam secundum naturam est, quàm iuuare consortem naturæ. *Idem in quodam sermone*. Non minoris inquit, est criminis habenti tollere, quàm, cum possis & habes, indigentibus denegare. Esurientium panis est quē tu detines; nudorum indumentum quod tu includis; miserorum redemptio & absolutio pecunia, quam tu in terra fodis:

tantorum scias te inuadere bona, quantis possis præstare & nolis. Non sunt bona hominis quæ secum ferre non potest. Sola misericordia comes est defunctorum.

Sanctus Augustinus de Confectu viri. Memento, inquit, quid purpurato diuiti contigerit, qui nō ideò damnatus est quòd aliena tulerit, sed quòd egenti pauperi sua non tribuerit: & in inferno positus ad petenda minima peruenit, qui hic pauca negauit. *Idem super Psalmos.* qui dat eleemosinam vt careat tædio interpellantis, non vt reficiat viscera indigentis, & rem, & meritum perdit.

Sanctus Leo Papa in sermone de apparit. Domini. Misericordiæ virtus tanta est vt sine illa cæteræ, & si sint, prodesse non possunt. Quamuis enim aliquis fidelis sit, & castus, & sobrius, & alijs maioribus ornatus insignibus, si misericors tamen nō est, misericordiam non meretur.

Sanctus Basilius magnus in oratione ad diuites. At tu, inquit, nonne spoliator es, qui quæ dispensanda accepisti propria reputas? *Et paulò post.* Quocirca, inquit, tot pauperibus iniuriam facis, quot dare valeres.

Sanctus Ioannes Chrysostomus Hom. 34. ad populum Antiochenū. Nunquid, inquit, tua possides? res pauperum tibi sunt creditæ, siue ex laboribus iustis, siue ex hæreditate paterna possideas.

Sanctus Bernardus in epistola ad Henricum Archiepiscopum Senonensem sic ait. Nostrum est, clamant, quod effunditis: nobis crudeliter subtrahitur quod vos inaniter expenditis. *Idem in Apologia* o vanitas vanitatum, sed non vanior quàm in-
fanior. Fulget ecclesia in parietibus, & eget in pauperibus: suos lapides auro induit, & suos filios nudos deserit: sumptibus egenorum seruitur oculis diuitum.

Sanctus Petrus Chrysologus. O insignem paupertatis excellentiam: hæc Dei persona fit, Deus in paupere absconditur: & pauper quidem porrigit manum, Deus autem suscipit quod

quod offertur. *Idem in sermone de diuite & Lazaro.* Obturatis auribus diuitis nihil esset vox vnus clamantis: Vnde Dominus ad aperiendum cor eius totum corpus Lazari vlceribus cooperuit vt tot essent ora clamantia, quot vlcera existentia.

Idem in quodam sermone. Manus pauperis est gazophilaciũ Christi; & quicquid pauper accepit Christus acceptat. Da ergo pauperi terram vt accipias regnum: da micam vt accipias totum: da pauperi vt detur tibi: quia quicquid pauperi dederis tu habebis: quod pauperi non dederis habebit alter.

§. 4. *Eleemosina commendatur per auctoritates
Philosophorum moralium.*

P*Hilo Hebraeus sic ait.* Talẽ te famulis tuis prabe, qualẽ tibi Deũ optas: audiemur enim à Deo sicut nos audimus: & aspiciemur ab ipso, vt nos aspiciamus. Offeramus igitur misericordiã pro misericordia vt pro simili simile adipiscamur.

Adilon. Miseratio comes est calamitatis.

Cicero pro Ligario. Homines ad Deum nulla re propius accedunt quàm salutem hominibus dando. *Idem 1. de oratore.* Nihil est tam regiũ tam liberale tamq; munificũ quã opem ferre supplicibus, excitare afflictos, dare salutem, liberare periculis homines.

Demacritus. Peregrinis & egentibus alimoniam ministrandam esse dicebat. Equidem quisquis indigenti victum negat; is neq; ab alio quicquam accipiet dum eguerit. *Idem dicebat.* Beneficium pro tempore exile, ingens reddi ijs qui illud in extrema necessitate acciperent.

Aristoteles cum nefario cuidam homini eleemosinam dedisset, & ob id castigaretur à quodam. Non mores, inquit, sed hominem commiseratus sum. Docuit vir sapientissimus etiam malis & indignis eleemosinam dandam esse in summa

rerum necessitate, ne penuria suadente agant quod dedecus est coràm Deo, & hominibus.

Demosthenes dicere solebat æquum esse ut pauperes piè foveantur cum delectu tamen; ita ut dimissis improbis, illorum ratio potissimum habeatur, qui præter culpam egestate premuntur.

Ovidius. Regia (crede mihi) res est succurrere lapsis

Alter quidam Poeta *Iacobus Billius* de Eleemossinæ studio sic canit.

Qui reliquis studeant virtutibus, atq; labore.

Membra premant homines cernere malle licet.

Deficit ac miseros hac una & maxima virtus

Qua sine nil alias obtinuisse iuvat.

Nam qui pauperie pressis se præbet acerbum

Cuncta licet teneat nil tamen ipse tenet.

O, quæ stultitia est : Deus emit sanguine servos:

Mercari exiguo nos piget are Deum.

§. 5. De fructibus & bonis Eleemosinæ.

Eminentissimus Cardinalis Bellarminus aequè doctus ac sanctus in aureis suis opusculis spiritualibus, præsertim in opusculo de arte benè moriendi hos offert Eleemosinæ fructus.

Primum, inquit, Eleemosina liberat à morte sempiterna, siue id fiat per modum satisfactionis, siue per modum dispositionis ad gratiam, siue aliquo alio modo. Id enim manifestè docet scripturæ divinæ. In libro Tobia sic legimus. Eleemosina ab omni peccato, & à morte liberat, & non patietur animam ire in tenebras. Et in eodem libro Angelus Raphael disertis verbis ait. Eleemosina à morte liberat, & ipsa est quæ purgat peccata, & facit inuenire misericordiam & vitam æternam. Et Daniel ad Regē Nabucdonosor ait. Quamobrem Rex consilium meum placeat tibi, & peccata tua
elee-

eleemosinis redime, & iniquitates tuas misericordijs pauperum.

Secundò. Eleemosina, si fiat ab homine iusto & ex vera Charitate, meritum habet aeternæ vitæ. Cuius veritatis testis erit Christus Iudex viuorum & mortuorum cum in iudicio dicet. Venite benedicti Patris mei possidete paratum vobis regnum à constitutione mundi Esuriui enim & dedistis mihi manducare &c. & infra. Quam diu fecistis vni ex his fratribus meis mihi fecistis.

Tertiò Eleemosina vim habet cuiusdam baptismi, peccata videlicet quoad culpam & pœnam simul delendi dicente Ecclesiastico. Ignem ardentem extinguit aqua, & eleemosina resistit peccatis. Aqua enim ignem penitus extinguit ita ut nec fumus quidem supersit; atque hoc ipsum Sancti Patres docent Cyprianus, Ambrosius, Chrysostomus, Leo. Nam Sanctus Cyprianus in sermone de Eleemosina sic ait. Sicut lauacro aquæ salutaris gehennæ ignis extinguitur, ita eleemosinis atque operibus iustis delictorum flamma sopitur. S. Ambrosius. Eleemosina, inquit, quodammodo aliud est lauacrum sicut ait Dominus. Date eleemosinam, & omnia munda sunt vobis nisi quod salua fide dixerimus indulgentior est eleemosina quàm lauacrum; lauacrum enim semel datur, & semel veniam pollicetur; eleemosina autem quoties feceris, toties veniam promereris. S. Ioannes Chrysostomus. Non est, inquit, peccatum, quod non possit purgare eleemosina, quodq; non possit extinguere. S. Leo sic ait: Eleemosinæ peccata delent, mortem perimunt, & pœnam perpetui ignis extinguunt. Hæc sanè magna est eleemosinæ prerogatiua, & deberet omnes homines ad amorem eleemosinæ inflammare; sed hoc non de quacunque eleemosina intelligendum esse videtur sed de illa dumtaxat, quæ ex magna contritione, ex magno Charitatis ardore procedit, qualis fuit S. Mariæ Magdalenæ, quæ lachrymis contritionis rigauit pe-

pedes Domini, & eleemosina vnguenti pretiosissimi pedes eisdem inunxit.

Quartò Eleemosina fiduciam auget apud Deum, & gaudium spirituale producit. Quamuis enim id commune sit eleemosinæ cum omni opere bono, tamen præcipue conuenit eleemosinæ, cum per eam Deo simul & proximo gratum præstemus obsequium, & sit opus quod nõ obscure sed apertissimè dignoscitur esse bonum. Hinc est illud Tobia. Fiducia magna erit coram summo Deo eleemosina omnibus facientibus eam. Et illud Apostoli. Vincitis compassi estis nolite itaq; amittere confidentiam vestram.

Quintò Eleemosina conciliat beneuolentiam multorum, qui pro benefactoribus Deum deprecantur; eisq; vel gratiam conuersionis, vel donum perseverantiæ, vel incrementum gratiæ & gloriæ impetrant. Nam his omnibus modis intelligi potest verbū illud Domini. Facite vobis amicos de mammona iniquitatis vt cum defeceritis recipiant vos in æterna tabernacula.

Sextò Eleemosina dispositio est ad gratiam iustificantem. De hoc fructu loquitur Salomon in Prouerbijs vbi dicit. Eleemosinis & fide delicta purgantur. Et Dominus audita liberalitate Zacchæi dicentis. Ecce dimidium bonorū meorum do pauperibus & si quid aliquē defraudaui reddo quadruplum, ait. Hodie salus domui huic facta est. Deniq; in Actis Apostolorum legitur dictum fuisse Cornelio nondum Christiano, qui erat eleemosinarū multarum largitor. Eleemosinæ tuæ ascenderunt in memoriam in conspectu Dei. Ex quo loco probat S. Augustinus Cornelium per eleemosinas impetrasse à Deo gratiam fidei Christianæ, & perfectæ iustificationis.

Septimò deniq; Eleemosina sæpe causa est vt crescant bona temporalia, id quod affirmat Sapiens cum dicit. Feneratur Domino qui miseretur pauperis. & rursus. qui dat pau-

peri non indigebit. Idem exemplo suo Dominus docuit cum iussit discipulis ut quinque panes & duos pisces, quos solos habebant, distribuerent turbis, & effecit ut reciperent duodecim cophinos plenos fragmentorum panum, & piscium, qui ad multos dies illis sufficere potuerant. Tobias quoque, qui bona sua cum pauperibus liberaliter communicabat, ingentes diuitias breui consecutus est. Vidua quoque Sarephthana, quæ modicum farinae & olei Eliæ Prophetæ in eleemosinam tribuit, id ex beneficio Dei consecuta est ut ad longum tempus farina & oleum ei non defuerit. Exempla præterea plurima, & dignissima quæ legantur, extant apud Historicos Ecclesiasticos, præsertim apud Gregorium Turonensem lib. 5. historię Francorum. Apud Leontium in vita S. Ioannis Eleemosinarij. Apud Sophronium in Prato spirituali. cap. 185. & 201. Idem confirmat S. Cyprianus in serm. de Eleemosina & Sanctus Basilus in oratione ad Diuites. Vbi elegantissimè similitudine comparat diuitias aquis puteorum, quæ si frequenter hauriantur semper meliores, & copiosiores scaturire solent; si verò immotæ conseruentur, decrescunt atque putrescunt.

S. 6. Qui possint facere Eleemosinam.

Conclusio Diui Thomæ in 2. 2. q. 32. art. 1. est. Quòd non omnes absolutè possunt facere Eleemosinam. Non enim possunt ij, qui sunt subditi alteri, de re secundum quam sunt subditi. Ratio Diui Thomæ est. Quia sic se habet ordo naturalis ut inferiora secundum superiora regantur. Et ideo oportet quod ea, in quibus inferior superiori subijcitur, dispense non aliter quam ei sit à superiore permixtum. Sic ergo ille qui est sub potestate constitutus de re secundum quam superiori subijcitur eleemosinam facere non debet nisi quatenus ei à superiore fuerit commissum. Si quis verò habeat aliquid

le-

secundum quod potestati superioris non subit iam secundum hoc non est potestati subiectus, quantum ad hoc proprii iuris existens, & de hoc potest Eleemosinam facere.

Itaq; Religiosi, Filij familias, Vxores, Serui non possunt facere eleemosinam; quia sunt subditi, & sunt alteri iuris. Excipiuntur quatuor casus generales, quos adducit Tole- tus, in quibus possunt.

Primus casus est quando est extrema necessitas indigen- tis. Tunc quilibet potest, imò tenetur, etiam rem alterius da- re, quo casu omnia sunt communia.

Secundus, quando est necessitas grauis. In hoc tamen ca- su si potest obtineri facultas dandi à superiore, tutius agitur illam petendo.

Tertiò, quando ipse superior dat commissionem subdito vt possit erogare eleemosinam.

Quartò, quando subditus animaduertit superiorem lata- ri & habere gratū quòd eleemosina erogetur. Prædicti qua- tuor casus sunt communes omnibus, qui sunt sub aliena potestate siue sint Religiosi, siue Filij, siue Serui, siue Vxores.

Præter dictos casus possunt Religiosi in alijs duobus, nem- pè .1. cum iter faciunt: tunc enim de datis in propriam su- stentationem siue à superiore, siue ab alijs, possunt etiam di- stribuere indigentibus. Idem dicito quando sunt extrà con- uentum suum in studijs vel vniuersitatibus commorantes. 2. quando cognoscunt superiorem suum gaudere de tali elee- mosina; & si ipse adesset, utiq; facturum, vel facultatem da- turum. Idem dicendum quando sunt extrà monasterium suum in studijs, vel vniuersitatibus commorantes: tunc enim possunt facere eleemosinam ac si peregrinantes essent.

Quando autem Vxores, Filij familias, & serui possint eti- am præter illos enumeratos casus facere eleemosinam absq; licentia suorum superiorum dicerem; nisi hoc esset extrà li- mites nostri instituti egredi: dirigitur enim hoc opus ad di-

disciplinam Ecclesiasticorum non laicorum. Quitalia scire optat videat Doctores præsertim summistas qui de talibus tractant.

S. 7. *Quibus Facienda sit Eleemosina.*

B Reuiter & dilucidè hoc punctum tractat suo more *Tol-*
ius lib. 8. sua summa. Dicit ergo.

Eleemosina est facienda indigentibus: est enim actus Misericordiae, quæ non versatur nisi circa mala & misérias proximorum. Non solum autem bonis sed etiam malis fidelibus & infidelibus est benefaciendum; nam misericordia nascitur ex Charitate quæ nullum excludit. Debent tamen adesse aliqua requisita in indigente, ut ei sit eroganda eleemosina.

Primò requiritur. Ut nequeat laborare & comparare sibi victum: nam quando potest, sed otio vacat, non tenemur dare; nisi in extrema necessitate, quando iam laborare non potest: aut nisi inueniat qui ei det ad laborandum: aut nisi per laborem subeat detrimentum honoris. Sunt enim nobiles viri, & fæminæ, quibus esset magno dedecori alijs inservire, & manibus laborare. His igitur non est deneganda eleemosina quamuis non laborent.

Secundò requiritur. Ut talis indigens non accipiat ansam & occasionem peccandi per eleemosinam. Sunt enim qui securi de eleemosina dant operam rebus illicitis & malis; immò conuertunt ipsas eleemosinas in malum vsum: his melius est negare eleemosinam ut corrigantur. Ita habetur à *S. Augustino*. *Utilius, inquit, esurienti panis tollitur, si decibo securus iustitiam negligat; quàm esurienti panis frangatur, si iniustitiæ seductus acquiescat.*

Tertiò requiritur. Ut indigentia non sit in pœnam v. g. per sententiam Iudicis; ut qui damnati sunt siti & fame perire; his enim non tenemur facere eleemosinam, ut dicit *Beatus Tho-*

Thomas: nihilominus licitum erit volenti facere; modò is non sit minister iustitiæ: ministris enim opus est exequi sententiam Iudicis. Dicit autem Soto quòd ille damnatus potest, si vult, non acceptare cibum, & permittere se mori. Caietanus verò dicit eum teneri sumere cibum oblatum, & conseruare vitam quantum potest.

Quartò requiritur. Vt indigentia non sit in bello iusto. Cum enim ciuitas hostilis est iustè oblecta, & fame cogitur se tradere, tunc non est ei ministrandus cibus; nec licet, esset enim graue peccatum. Secus autem in bello iniusto, quando aliqua ciuitas iniusta obsidione premitur tunc enim tenemur oblectis per eleemosinam succurrere quantum fieri potest.

Aduertendum est hñc posse dispensatorem Eleemosinarum alterius, sibi & suis facere de tali pecunia seu re eleemosinam, si ita indiguerit vt illi, quibus talis eleemosina eroganda est. Sed vt rectè sibi applicet debet se considerare vt tertiam personam; & quam tertio eleemosinam faceret sibi faciat.

S. 8. Ex quo facienda sit Eleemosina, & quando.

Regula sit. Eleemosina debet fieri de propria substantia non de aliena. Vnde non potest fieri de commo-
dato, deposito, pignore: quia hæc sunt dominis proprijs reseruanda. Excipe casum extremæ necessitatis, quando licitum est etiam accipere rem alienam ad erogandam eleemosinam. Similiter non est facienda eleemosina de re obnoxia creditori quapropter qui multa contraxit debita, quæ vix potest suis pecunijs diluere, non potest erogare eleemosinam, & se impotentem reddere ad soluendum debita (excipe prædictum casum extremæ &c) Quod enim homo habet, antequam debita soluat, non est propriè suum, sed alienum:

id

id autem dicitur propriè suum, quod remanet sibi detractò ære alieno.

Verùm quia adhuc substantia propria potest esse aut licitè, aut illicitè acquisita: Rursus licitè acquisita (vel saltè licitè retenta vt dicitur) potest esse aut necessaria propriæ conseruationi aut superflua; idè.

Notandum 1. Quoad illicitè acquisita bona, tripliciter posse dici aliquid esse illicitè acquisitum ex Diuo Thoma. Vno modo quando tam ipsa acquisitio quàm retentio est illicita & iniusta vt cum aliquis acquirit per rapinam, per furtum, per vsuram, vel per alium iniustum contractum: & tunc res acquisita non est propria sed aliena; & non potest retineri, sed debet restitui Domino. Alio modo quando tam acquisitio quàm retentio est quidem illicita ex parte accipientis: veruntamen non debet fieri restitutio ei à quo acceptum est, quia etiam datio est illicita sicut contingit in Simonia. Tertiò quando nec acquisitio nec retentio est illicita seu iniusta; sed opus, ex quo acquiritur est illicitum; alij dicunt, acquisitionem illicitam, sed retentionem licitam & iustam; vt accidit in lucro factò per meretricium, quod propriè vocatur turpe lucrum.

Not. 2 Quoad licitè acquisita, aut saltè licitè retenta (vt in meretricio) hæc posse esse vel Necessaria, Vel superflua. Necessaria item Vel simpliciter Aut ad vitæ propriæ, suæq; familiæ sustentationem; & dicitur necessitas naturæ seu indiuidui: Aut ad decentiam sui status; & dicitur necessitas personæ: Vel secundū quid; quādo scilicet homo potest quidem se, suam familiā, & status sui decentiam conseruare sine tali re, vel pecunia; sed difficulter & nō commodè. Superflua sunt quæ nullo modo sunt necessaria aliquo ex prædictis modis. Aduertendum tamen quod Necessarium, & superfluum non debet attendi solum respectu temporis & status præsentis; sed etiā, respectu futuri, & periculorum, quæ probabiliter pos-

possunt accidere. Sit exemplū. In præsenti quidam habet solā vxorem aut sponfam. Pecunia, quam habet quamvis sit superflua respectu status præsentis, nō erit tamen superflua respectu futuri; quia sperat filios & filias. Similiter. Aliquis hoc anno, quo res minus valent, habebit fortē rem familiārē superfluam: tamen, quia sequēti anno res carius valebunt, & possunt etiam multa pericula euenire, illa res familiaris non erit superflua. Verum quidem est quod non sunt confingenda pericula; sed sunt considerata ea, quæ probabiliter & iudicio prudentis viri possunt accidere.

Not. 3. Esse diuersos status in Rep. Christiana tam Ecclesiastica, quā laicali: nec debent esse expensæ æquales in omnibus, sed in aliquibus maiores, in alijs minores secundum statum & dignitatem cuiusque.

Not. 4. triplicem esse posse indigentiam illius, cui elemosina erogāda est nempe aut extremam, aut grauem, aut communem. Extrema dicitur cum quis est in periculo amittendæ vitæ nisi subueniatur illi. Grauis, cum imminet periculum, vel amittendi honorem & decentiam sui status, vel peccandi; vel alterius notabilis mali. ver. gr. cum mater propter indigentiam vult prostituere filias: hæc dicitur grauis necessitas. Communis dicitur quæ nec est extrema, nec multum grauis. His igitur prænotatis per aliquot conclusiones rem totam breuiter explicabimus.

Prima Concl. In extrema indigentia alicuius indigentis quilibet tenetur de præcepto illi succurrere tam de illicite, quocunq; modo acquisitis, quā delicitè acquisitis; & tam de necessarijs quocunq; modo, quā de superfluis: modò ipse aut familia non sit in eadem extrema necessitate. Excipiunt vnum casum, scilicet quando de illis duobus alter est persona publica & valdè proficua Reip. tunc dicunt potius huic quā alteri subueniendum: omnes Doctores conueniunt in hoc, quòd ille alter priuatus potest subtrahere sibi cibum & dare

dare alteri : sed an teneatur de præcepto hoc facere discordant Doctores, ut videre est apud Toletum.

Secunda Concl. In graui indigentia alicuius quilibet tenetur de præcepto illi succurrere tam de illicite acquisitis 2. & 3. modo dictis in primo notando, (non autem .i. modo quia sunt obnoxia restitutioni) quam de licite acquisitis etiam necessarijs secundum quid tamen ad decentiam status, non autem de necessarijs simpliciter vel ad vitæ suæ suorumque conseruationem; vel etiam ad ipsam decentiam status. In hoc etiam omnes conueniunt. Aduerte tamen prædictas necessitates extremas & graues esse intelligendas quando quis in illis reperitur absq; culpa & potestate sua. Nam si quis diceret ego me volo occidere, nisi des mihi centum aureos; & de facto vult se occidere; non ob id sunt illi dandi centum aurei; quia laborat culpa, non necessitate. Obseruandum etiam duas condiciones requiri ad constituendum peccatum mortale in hoc genere. prima ut quis certò sciat talem esse positum in extrema aut graui necessitate (Pastores animarum tenentur etiã inquirere tales indigētes) secūda, ut quis sciat nullum alium adesse qui succurrat. Si enim scis aliquem alium laturum opem, non peccas mortaliter si non succurras. Debes tamen certò scire futurum alium nec sufficit opinari.

Tertia Concl. In cōmuni indigentia pauperum nullus tenetur de præcepto & sub mortali facere eleemosinam etiam de superfluis. Hæc videtur esse communis opinio, de qua Toletus. Nihilominus pro certo tenendum quod negans eleemosinam pauperibus cōmuniter indigentibus absq; rationabili causa de superfluis sibi & suæ familiæ peccat saltem venialiter. Et Paulus Layman addit si diues aliquis nulla rationabili excusatione fretus omnes pauperes à se inhumane repellat, quod is in malo statu versari videatur tanquam nimis inordinato diuitiarum amore captus; & Dei ac proximi charitate spoliatus, de quo verificetur illud Domini verbum.

bum. Non potestis Deo seruire & mamonz. Confessarius tamen non debet de facili absolutionem à peccatis negare huiusmodi diuiti: tum quia de obligatione hac an & qualis sit Doctores non conueniunt: tum quia moraliter vix accidit diuites non posse aliquam afferre causam cur non soleant dare eleemosinam: multi enim quauis non dent singulis pauperibus ad se accedentibus; habent tamen propositum dandi vel suo loco & tempore alijs: vel pauperioribus: vel conuertendi superflua, si quæ habent, in alium pium vsum. Et hoc sufficit vt excusentur etiam à peccato veniali. Consilium tamen datur vt diuites largè de superfluis distribuant etiam in communibus indigentijs. Et ad hoc debent illos hortari tam Concionatores quam Confessarij: sicut illos hortantur passim Sancti Patres.

Firmis manentibus prædictis Conclusionibus Ecclesiastici adhuc strictius tenentur præcepto Eleemosinæ, quia de redditibus bonorum Ecclesiasticorum tenentur erogare in communes etiam pauperum indigentias quicquid illis est superfluum & superest congruæ & decenti ipsorum sustentationi. An vero teneantur ex charitate, aut ex iustitia, itaut si non erogent, teneantur ad restitutionem, videbimus capite sequenti.

S. 2. De ordine faciendæ Eleemosinæ.

Quamuis difficile sit, ut ait Toletus, ordinem vniuersalem & certum faciendi eleemosinam constituere, vt omnes Doctores fatentur; immo Diuus Thomas relinquit vt plurimum prudentiæ dantis; nihilominus aliqua notitia ex sequentibus conclusionibus, quas ponit Toletus, haberi potest quarum.

Prima est. Maiori seu grauiori necessitati prius est succurrendum quam minus graui, in quacunque persona ea sit. In

hoc omnes conueniunt. Quāuis enim consanguineis, amicis, benefactoribus, notis & alijs sit eroganda eleemosina; tamen prius indigentiori est eroganda quicunq; ille sit. Vnde si necessitas alieni est extrema, & necessitas cōsanguinei est communis aut etiam grauis, prius extraneo dāda est eleemosina. Similiter si illa est grauis, & hæc communis. Hinc sequitur quòd Personæ Ecclesiasticæ, quæ volunt suos nepotes ditare: & seculares qui volūt augere suos status non possint cū graues in Republica sunt necessitates, quibus prius satisfacere tenentur.

Secunda existente æquali necessitate, & indigentia, prius homo sibi met quàm alijs prouidere debet. In hac etiam omnes conueniunt. Non semper tamen ad id tenetur. Nam ille alter, qui est in æquali indigentia, aut est persona publica & valdè vtilis Reipublicæ: aut est æqualis conditionis cum altero: aut est inferioris & minus vtilis Reipublicæ. Si est valdè vtilis, dicunt multi Doctores & fortè maior pars quòd tenetur iste sub peccato subtrahere sibi & dare illi personæ publicæ. Si est æqualis, potest si vult subtrahere sibi & dare illi, & est consilium actusq; magnæ Charitatis; sed non tenetur de præcepto. Si autem ille est inferior & minus proficiuus Reip. iste non potest illi dare sed tenetur sub peccato sibi prius prouidere.

Circa hanc Conclusionem emergunt duo dubia. Primum. An homo in extrema necessitate positus teneatur potius sibi succurrere quàm creditori suo existenti in æquali necessitate. Varij variè respondent. Fortè alicui nō displicebit responsio Nauarri, qui dicit quòd, si res debitoris est in specie reddenda (puta quia est commodatum, aut depositum) teneatur dare creditori. Si verò non est talis res, quòd potest sibi retinere. Sed opinio Caietani, Tabienæ, Soti, & aliorum videtur magis recepta quòd non teneatur dare creditori, sed quòd possit sibi retinere. Omnes tamen Doctores conueniunt
in

in hoc, quod nulli fas sit, (etiam existenti in extrema, & etiam personæ publicæ) accipere seu suffurari ab alio in eadem necessitate existenti. Secundum dubium. An quemadmodum potest quis seipsum præferre creditori in supradicto casu: ita etiam possit præferre familiam suam? Tabiena dicit non posse, & succurrendum potius creditori. Soto verò tenet posse præferre parentes, filios, & uxores: non autem fratres & alios. Hanc sententiam Soti approbat Toletus. Fundamentum ipsorum existimo; quia propter tantam sanguinis coniunctionem reputantur eadem persona.

Tertia. Parentibus potius quam filiis in eadem necessitate est succurrendum. v. g. laborat pater Titij extrema necessitate, laborat insimul & filius Titij eadem necessitate; nec potest Titius ambobus succurrere: In hoc casu tenetur Titius potius succurrere patri, aut matri, quam filio. In hoc omnes etiam conveniunt, & est doctrina Sancti Thomæ.

Quarta. In equali necessitate iste ordo communiter est servandus, vt. 1. locum obtineant consanguinei: 2. hi, quorum cura nobis incumbit: 3. benefactores: 4. amici: 5. noti: 6. extranei. Hoc intellige, cæteris paribus, nam aliquando potest dari casus vt extraneus sit valde utilis Reip. & tunc præponendus est cæteris, etiã consanguineis: & aliquando amicus erit tam intimus, vt præponendus sit modico benefactori.

Quinta. In singulis ordinibus ij qui sunt meliores, aut utiliores Reip. sunt præponendi alijs eiusdem ordinis in æquali ipsorum necessitate v. g. Inter æquales consanguineos præponendus est is, qui est melior, & studiosior, aut Reip. utilior. Idem dicendum de ordine amicorum, benefactorum &c. Ex allatis conclusionibus potest haberi aliqua notitia ordinis erogandi eleemosinas.

Si 10. *Quo modo faciendū sit Eleemofina.*

Necessesse est primò ut eleemofinam faciamus intentione rectissima placendi Deo non autem ad captandam auram popularem, aut ad alium prauum finem. Id enim Dominus noster vultis verbis docet cum ait. *Cum facis eleemofinam non iube te pauperem. Et si feceris sinistram tuam quid faciat dextera tua.* Explicat hunc locum Sanctus Augustinus, & dicit per sinistram intelligi intentionem faciendi eleemofinam propter honorem temporalem, vel aliud quodcunq; temporale lucrum: per dexteram verò significari intentionem faciendi eleemofinam propter gloriam Dei; propter vitam æternam; propter proximi Charitatem.

Secundo faciendā est Eleemofina promptē, & facili ut non videatur extorta precibus; & si statim potest fieri, ut non differatur de die in diem. Ne dicas, inquit sapiens, vade & reuertere cras dabo tibi cum statim possis dare. Abraham amicus Dei rogat hospites ut ad se veniant non expectat ut ab eis rogetur. Quod idem fecit nepos eius Loth: Sic etiam Tobias non expectabat pauperes ut ad se venirent, sed ipse eos querebat.

Tertiò requiritur ut eleemofina fiat hilariter non cum tristitia. In omni dato, inquit ecclesiasticus, hilarem fac vultum tuum. Et Apostolus. Non ex tristitia aut ex necessitate, hilarem enim datorem diligit Deus.

Quartò necesse est ut Eleemofina fiat humiliter sic, ut intelligat dans se plus accipere, quàm dare. De qua re sic dicit Sanctus Gregorius. [Multum ad edomandam dantis superbiam valet si cum terrena tribuit, verba sollicitè penset cælestis magistri, qui ait. Facite vobis amicos de mammona iniquitatis ut cum defeceritis recipiant vos in æterna tabernacula. Si enim eorum amicitijs æterna tabernacula acquirimus

rimus dantes, proculdubio pensare debemus quia patronis potius munera offerimus, quàm egenis dona largimur.

Quintò opus est ut eleemofina fiat abundanter pro modo facultatum. Sic enim docet Tobias insignis eleemosinarius. Quomodo, inquit, potueris ita esto misericors: si multum tibi fuerit abundanter tribue: si exiguum tibi fuerit etiam exiguum libenter impertiri stude. Et Apostolus docet Eleemosinam esse dandam ut benedictionem non ut auaritiam. Et *S. Iulianus Chrysostomus addit*: Non dare, sed copiose dare eleemofina est. Et in eodem sermone ait eos, qui ex audiri volunt à Deo cum dicunt (Miserere mihi Deus secundum magnam misericordiam tuam) debere etiam miserere pauperum secundum magnam eleemosinam suam. Verùm hoc abundanter non est intelligendum ita simpliciter ut imò portet solum magnam copiam & magnam quantitatem eleemosinæ, quia si hoc modo, qui habet tenuem facultatem non posset abundanter dare. Sed nihilominus legimus vetula illam Evangelicam pauperulam plus dedisse & abundantius dando minuta quàm multi diuites qui maiorem quantitatem ponebant in gazophiliam. Itaque si abundanter si accipiat ex parte dantis, intelligitur proportionaliter habita ratione facultatum ipsius dantis, & magnitudine affectus qui datur: si accipiat ex parte accipientis, intelligitur ita ut sufficiat toti necessitati indigentis. Verùm quidem est, quod dare hoc modo vni & soli pauperi non est in præcepto sed in consilio: satis enim est dare partem aliquam ad subleuandam inopiam indigentium præsertim cum alij simili modo eleemosinam faciunt. Immo bonum consilium datur ut eleemosina facienda regulariter non vni soli sed pluribus distribuatur. Vnde & Apostolus dicit. Si distributo in cibos pauperum &c. Vbi Glosa dicit. Per hoc cautela eleemosinæ docetur ut non vni sed multis detur, ut pluribus proficiat.

S. 11. *De Exemplis Ecclesiasticorum in erogandis
elemosinis insignium.*

HAbent in hoc genere Domini Ecclesiastici præstantissimos & Sanctissimos sui ordinis, quos æmulentur, viros in egentes profusissimos.

Sanctus Ioannes Alexandrinus Patriarcha cognomento Eleemosinarius, ut in eius vita auctor est Leōtius Episcopus Neapoleos in Cypro; in secunda Synodo Nicena A.D. 4. commendatus. cum quintum decimum annum ageret misericordiā sibi desponsavit. Ipso suæ in Patriarcham electionis die. Non iustum, inquit, o fratres, ante alterius cuiusquam curam habere, quam Christi, Euntes ergo per rotam ciuitatem conscribite mihi ad vnum omnes dominos meos & auxiliares (ita vocabat pauperes) Mira autem celeritate adnotati sunt supra septem millia quingentos, quibus cum ad nonam, & in singulos dies per suum procuratorem sustentationem constituisset ad templum consecrā dus perrexit. Eius institutis formatus ipsius minister Zacharias quicquid habere potuit è vestigio pauperibus dilargitus est, cuius & vox audita. Sic, sic Deus, aut tu mittendo aut ego dispergendo videbimus quis vincat. Liquet enim quoniam tu diues Domine, & vitæ nostræ miseratores. S. Ioanni singulis hebdomatibus Nosoconium bis serue inuisenti quidam peregrinus mutato semper habitu licet agnosceretur tribus viribus largissimam accepit ei obuiam factas elemosinam sex & duodecim aureorum. Plura ibidem de Petro Telonario, de Troilo Episcopo, de S. Ioannis famulo, de Trapezita. Quicquid illi donauit Deus in pauperibus reddidit.

Sanctus Martinus Turonensis Episcopus, cum adhuc esset baptismi Candidatus, & sub Iuliano militaret continenter assistebat laborantibus, opem ferebat miseris, egentes al-
bat,

bat, nudos vestiebat, nihil sibi ex militiae stipendijs præter quotidianum victum reservans. Ambiani chlamidem suam, cum aliud ad manum non esset omnibus in materiæ opera expositis, cum paupere paritibus, ea Christum insecuta nocte vestitum conspexit dicentemq; ad Circumstantes Angelos inaudiuit. *Martinus adhuc Cathecumenus hac me veste contexit.* Ita in eius vita seuerus sulpitius. Qui etiam de eodem commemorat, quòd ad Missarum solennia processurus ipse sibi latenter vestem detraxerit, eaq; seminudum & algentem pauperem induerit.

Doctorem Ecclesiæ antesignanus S. Augustinus in Epistola. 89. ad Hilarium quest. 4. Ego, inquit, qui hæc scribo, perfectionem, de qua Dominus locutus est quando ait adolescenti. (Vade vende omnia quæ habes, & da pauperibus, & habebis thesaurum in cælo, & veni & sequere me) vehementer admaui, & non meis viribus, sed gratia ipsius adiuuante sic feci. Et ad hoc propositum quantis possum viribus alios exhortor, & in nomine Domini habeo confortes. Cum his Dei seruis viuit (ait Possidonius illius discipulus, & 40. annis contubernalis Calumensis Episcopus in eius vita) Pauperum verò semper memor erat, eisq; inde erogebat, vnde & sibi suisque omnibus secum habitantibus erogabatur, hoc est ex redditibus possessionum Ecclesiæ, vel etiam ex oblationibus fidelium. Interea dum Ecclesiæ pecunia deficeret hoc ipsum populo Christiano denunciabat non se habere quod indigentibus erogaret. Nam & de vasis Dominicis propter captiuos & quamplurimos indigentes frangi & confari iubebat, & indigentibus dispensari. Quod & ante fecit & laudauit S. Ambrosius.

S. Basilii Magni Episcopi Cæsariensis in fame gravissima facultates suas diuendidit: frumentum comparauit, ex quo pauperes omnes etiam Iudæorum liberos aluit.

Anastasius Quartus Pontifex Maximus pauperes pauit sua
pc.

pecunia, cum vniuersam propè Europam torqueret fames.

Rabanas Maurus Fuldenfis Antistes, mox Archiepiscopus Moguntinus cum tanta fames Germaniam occuparet, ut etiam pater filium suum deuorare vellet, multam beneuolentiam pauperibus exhibuit.

Sed quid ego hunc inanem laborem suscipio commemorandi eos qui ex Ecclesiasticis insignes fuere in erogandis eleemosinis, cū plena sint sacrarum historiarum monumenta similium exemplorum; & vix legitur extitisse vllum probum Antistitem qui non continuò claruerit etiam in beneficiis erga pauperes. Sed de probis viris & Christiana pietate exculcis non magnam capio admirationem. Quod verò mirare non desino est intueri seculares immo & ipsos ethnicos in hos excelluisse.

Tullius Hostilius Romanorum Rex quot agrorum ceteri Reges in usum suum seruabant, publicè pauperibus diuitit. Multorum regum moribus dissimilis, qui quod pauperum est sibi usurpare consueverunt.

Nerua Imperator ciuibz egenis vt vitam sustentarent decies & quinquagiescentena millia nūmum erogauit. Idem puellas puerosq; parentibus pauperibus natos, sumptu publico per Italiae oppida ali iussit.

Adrianus Imperator factus pueris ac puellis, quibus Traianus alimenta statuerat, incrementa dedit.

Henricus Quartus Imperator agmina pauperum sustentauit, qui cum domi, in cubilibus, in campis, in castris sequebantur: & in demortuorum locum mox alios substituerebat.

C A P V T VII.

De Distributione Redditiuum Ecclesiasticorum.

Quia Ecclesiastici arctius tenentur precepto Eleemosinæ quam laici propter bona Ecclesiastica quæ possident

dent, quorum an sit domini vel tantum dispensatores magna est controuersia inter Doctores; ideo præter ea, quæ generaliter vidimus de Eleemofina capite superiori videndum est modò in specie de eleemofina, quæ ab Ecclesiasticis eroganda est de redditibus bonorum Ecclesiasticorum quæ possident, & vocantur beneficia & pensiones: ideo instituiamus hoc caput de distributione reddituum Ecclesiasticorum. Circa quam materiam videndum. 1. In quotuplici genere sint bona, quæ Ecclesiastici possident. 2. quorum bonorum sint veri Domini. 3. An sint Domini vel solum dispensatores reddituum, quos ex bonis Ecclesiasticis habent. 4. An teneantur erogare in pauperum eleemofinas, aliosq; pios vsus illos redditus qui supersunt congruæ seu decenti illorum sustentationi. 5. quo præcepto teneantur erogare, Charitatis ne an Iustitiæ. 6. quanam sit congrua reddituum portio cuiusque Ecclesiastici. 7. An Ecclesiastici possint dare consanguineis de eo quod superest congruæ. 8. An testari possint de superfluis redditibus qui reperiuntur tempore mortis eorum. 9. An peculium Ecclesiastici, quod reperitur tempore mortis eius, censendum sit profectum ex bonis Ecclesiæ vel aliunde acquisitum.

§. 1. In quotuplici genere sint bona ad Ecclesiasticos pertinentia.

In triplici genere sunt bona ad Ecclesiasticos seculares pertinentia. Primum genus est bonorum, quæ ipsis obueniunt ex hereditate, legato, donationis contractu, aut alia simili ratione, quæ sibi cum laicis communis est: & hæc bona vocantur à Doctoribus patrimonialia. 2. genus est bonorum, quæ ipsis obueniunt ex ministerio Ecclesiastico, puta ex concionibus, confessionibus, funeralibus, missis, diuinis officiis, & similibus ministerijs Ecclesiasticis, pro quibus accipiunt aliquod laboris & vitæ stipendium: & hæc vocantur bona

quasi patrimonialia .3. genus est bonorum, quæ ipsis obveniunt ex beneficijs, vel pensionibus, & sunt fructus seu redditus beneficiorum consistentium aut in bonis immobilibus puta agris, domibus, cæsis & similibus: aut in decimis, primitiis, oblationibus, canonica portione, distributionibus quotidianis: & hæc vocantur bona Ecclesiastica; seu redditus & prouentus Ecclesiastici, quia secundum originem suam ad Ecclesiam pertinent; sed ab Ecclesia postea Clericis peculiariter deputata sunt, tanquam beneficium siue stipendium ob spirituale ab eis præstitum officium.

S.3. Quorum bonorum dominium habeant Ecclesiastici.

IN confesso est apud omnes Doctores, Ecclesiasticos habere plenum dominium bonorum patrimonialium, & quasi patrimonialium ad instar laicorum, ita ut de illis possint ad libitum disponere. Ita Nauarrus de redditibus Ecclesiasticis, quem sequuntur omnes. De bonis Ecclesiasticis est magna controuersia. Nihilominus quoad illam partem reddituum ex beneficijs prouenientium, quæ necessaria est congrua ac decenti sustentationi Doctores frequentiori calculo asserunt etiam Ecclesiasticos habere huius partis dominium non minus quam bonorum patrimonialium: adeo quidem ut si ex victu, alijsq; competentibus impendijs aliquid propria parsimonia Ecclesiasticus detrahat, de eo possit arbitrato suo disponere dando v. g. consanguineis; sicut idem Nauarrus docet. Adde licet beneficiatus propria patrimonialia bona habeat, posse tamen, ijs in quemcunque usum seruatis, ex Ecclesiasticis redditibus competere sibi sustentationem accipere ita Layman, qui plures Doctores adducit. Probat ex Apostolo 1. ad Cor. 9. *Quis militat suis stipendijs unquam?* Et infra: *Qui in sacrario operantur quæ de sacrario sunt edunt. Et his altari deseruiunt, cum altari participant.* Ita & Dominus ordi-

nauit ijs qui Euangelium annunciant de Euangelio viuere. Et Luc. 10. *Dignus est operarius mercede sua.* Sed Ecclesiasticus beneficiatus quamuis patrimonium habeat, operarius tamen est & Ecclesiæ seruit si officium suum præstet; Ergo ex iustitia debetur ei stipendium. Tota igitur difficultas est de redditibus beneficiorum vel pensionum, qui supersunt congruæ, an horum etiam dominium spectet ad Ecclesiasticos beneficiatos, de qua re S. sequenti.

S. 3. An Ecclesiastici sint domini reddituum Ecclesiasticorum præsertim illorum, qui supersunt congruæ sustentationi.

Hoc punctum valdè est controuersum. Et Barbosa refert tres opiniones.

Prima celebris tenet Ecclesiasticos non esse dominos, sed solummodo dispensatores; ita ut illi redditus non sint proprii; sed communes sibi & pauperibus erogandi; vel si supersint, in utilitatem Ecclesiæ conuertendi, quod si aliter fecerint, furtum committunt & sacrilegium; & ad restitutionem teneantur. Huius sententiæ auctor fuit Archidiaconus cum multis alijs, præsertim Nauarro, qui nimis acriter in hac materia loquitur. Fundamentum huius sententiæ est; quia bona Ecclesiastica fuerunt Ecclesijs donata pia fidelium deuotione ad ministrorum & pauperum congruam sustentationem; ergo ipsi ministri saltem eorum, quæ superant congruam sustentationem, dominium habere non possunt.

Secunda sententia etiam celebris tenet contrarium, nempe quod Ecclesiastici sint domini etiã reddituum qui supersunt congruæ. Hæc sententia à Barbosa tribuitur Diuo Thomæ, quem sequitur ipse cum innumeris alijs. Hanc adstruit Laymam hac argumentatione. Beneficiati, inquit, acquirunt dominium reddituum, qui ad ipsorum congruam sustentationem requiruntur; ergo etiam acquirunt domi-

nium superfluum. Antecedens admittitur communiter, & merito; quia Ecclesiastici seculares sunt capaces domini rerum, cum paupertatem non voucant, & Ecclesia, quæ annuos ipsis redditus largitur, nō reddit eos incapaces. Consequentia probatur; quia cum ipsi beneficiati promiscuè excipiant redditus omnes suorum beneficiorum, dici non potest aliquorum dominium eos acquirere, & aliquorum non acquirere; neq; assignari potest in indiuiduo pars, cuius sint domini, & pars cuius non sint Domini: ergo habent dominium omnium reddituum etiam illorum qui congruè superfluum.

Tertia sententia est illorum, qui mediam quodāmodo tenent viam; & faciunt Ecclesiasticos beneficiatos aliquādo solummodo vsuarios; aliquādo tam in vita quàm in morte vsufructuarios. Ita Glos. 2. in cap. quia nesc. 3. de testam. Et alij Doctores relati à Barbosa.

Ad videndum quænam ex præfatis sententijs sit probabilior, consideranda sunt cum Barbosa quinque tempora, quibus bona Ecclesiastica sunt Ecclesijs data.

Primum tempus fuit quando neq; Ecclesia; neq; Christiani siue Clerici siue laici nec in communi nec in particulari bona propria possidebant; sed euangelicam perfectionem imitantes, omnia sibi oblata vendebant; pretiumq; ad Apostolorum pedes ponebant ut suis & cæterorum indigentium necessitatibus subuenirent; & diuidebatur singulis prout cuiq; opus erat; ut habetur in Actis Apostolorum.

Secundū tēpus fuit, quādo (cū numerus fidelium sūmopere excreſceret, & idē commodē, nec in communi vitam agere, nec ad victum aut vestitum necessaria eisdem suppeditari possent) laici Christiani ceperunt bona propria ex commissione retinere: Clerici verō & Ecclesiæ adhuc communem vitam agebant, nihil proprium habentes in particulari: prædīa tamen illo tempore à fidelibus donata, vel alias quæſita materialibus Ecclesijs tradebantur, quibus Episcopi

pi præsidebant vt ex illorum redditibus, decimis, & oblationibus, alijsq; eleemosinis Clerici communem vitam ducentes sustentarentur.

Tertium tempus fuit, quando Clericis agrè ferentibus carere rebus proprijs fuit approbatiue permiffum vt parentum patrimonia, vel bona aliunde quæfita habere possent; ita tamen vt proprium habentes nihil caperent de bonis deputatis ad pauperum & laicorum sustentationem.

Quartum tempus fuit quando Parochiæ sunt diuise, singulaque singulis Presbyteris assignata; bonaque Ecclesiarum quoad redditus in quatuor partes distributa; Vna Episcopo, altera Parocho, tertia fabricæ, quarta hospitibus, peregrinis, & pauperibus. Executio autem seu applicatio huius diuisionis per Episcopum fieri solebat.

Quintum tempus est hodiernum, quando bona Ecclesiarum iam sunt distributa & applicata, ita vt Bpiscopi iam habeant sua bona separata, similiter Capitula Cathedraliũ, Collegiatarum, Rectores Ecclesiarum, ceteriq; beneficiati: immo aliquibus in locis etiam fabrica Ecclesiæ habet suos redditus separatos, quæ fabrica habet etiam onus circa ornamenta necessaria, vestes sacras, vasa, & alia id genus: alijs in locis Rectores Ecclesiarum habent prædicta onera.

Posita igitur præfata diuisione temporum liquidò sequitur secundam sententiam esse probabiliorem attento tempore hodierno quando singulis ministris Ecclesiasticis sua portio constituta & assignata est; non ergo dispensatores sed veri domini: prima autem sententia quæ facit illos solum dispensatores procedit attento tẽpore antiquo ante factam diuisionem. Non obstat fundamentum dictæ primæ sententiæ; quia procedit secundum tempus antiquum ante factam assignationem suæ cuiq; portionis, Episcopo, Beneficatis, fabricæ, & Pauperibus. Vnde sicut Episcopus & fabrica acquirit dominium reddituum qui obueniunt ex portione ipsis as-

signa-

nium superfluum. Antecedens admittitur communiter, & meritò; quia Ecclesiastici seculares sunt capaces domini rerum, cum paupertatem non voueant, & Ecclesia, quæ annuos ipsis redditus largitur, nō reddit eos incapaces. Consequentia probatur; quia cum ipsi beneficiati promiscuè excipiant redditus omnes suorum beneficiorum, dici non potest aliquorum dominium eos acquirit, & aliquorum non acquirere; neq; assignari potest in indiuiduo pars, cuius sint domini, & pars cuius non sint Domini: ergo habent dominium omnium reddituum etiam illorum qui congruè superfluum.

Tertia sententia est illorum, qui mediam quodammodo tenent viam; & faciunt Ecclesiasticos beneficiatos aliquādo solummodo vsuarios; aliquādo tam in vita quàm in morte vsufructuarios. Ita Glos. 2. in cap. quia nos. 3. de testam. Et alij Doctores relati à Barbosa.

Ad videndum quænam ex præfatis sententijs sit probabilior, consideranda sunt cum Barbosa quinque tempora, quibus bona Ecclesiastica sunt Ecclesijs data.

Primum tempus fuit quando neq; Ecclesia; neq; Christiani siue Clerici siue laici nec in communi nec in particulari bona propria possidebant; sed euangelicam perfectionem imitantes, omnia sibi oblata vendebant; pretiumq; ad Apostolorum pedes ponebant ut suis & cæterorum indigentium necessitatibus subuenirent; & diuidebatur singulis prout cuiq; opus erat; ut habetur in Actis Apostolorum.

Secundū tēpus fuit, quādo (cū numerus fidelium sūmopere excreceret, & ideò commodè, nec in communi vitam agere, nec ad victum aut vestitum necessaria eisdem suppeditari possent) laici Christiani cæperunt bona propria ex commissione retinere: Clerici verò & Ecclesiæ adhuc communem vitam agebant, nihil proprium habentes in particulari: prædia tamen illo tempore à fidelibus donata, vel alias quæ sita materialibus Ecclesijs tradebantur, quibus Episco-

pi præsidebant ut ex illorum redditibus, decimis, & oblationibus, alijsq; elemosinis Clerici communem vitam ducentes sustentarentur.

Tertium tempus fuit, quando Clericis agrè ferentibus carere rebus proprijs fuit approbatiue permissum ut parentum patrimonia, vel bona aliunde quæsitâ habere possent; ita tamen ut proprium habentes nihil caperent de bonis deputatis ad pauperum & laicorum sustentationem.

Quartum tempus fuit quando Parochiæ sunt diuise, singulaque singulis Presbyteris assignatæ; bonaque Ecclesiarum quoad redditus in quatuor partes distributa; Una Episcopo, altera Parocho, tertia fabricæ, quarta hospitibus, peregrinis, & pauperibus. Executio autem seu applicatio huius diuisionis per Episcopum fieri solebat.

Quintum tempus est hodiernum, quando bona Ecclesiarum iam sunt distributa & applicata, ita ut Episcopi iam habeant sua bona separata, similiter Capitula Cathedraliû, Collegiatarum, Rectores Ecclesiarum, ceteriq; beneficiati: immo aliquibus in locis etiam fabrica Ecclesiæ habet suos redditus separatos; quæ fabrica habet etiam onus circa ornamenta necessaria, vestes sacras, vasa, & alia id genus: alijs in locis Rectores Ecclesiarum habent prædicta onera.

Posita igitur præfata diuisione temporum liquidò sequitur secundam sententiam esse probabiliorē attento tempore hodierno quando singulis ministris Ecclesiasticis sua portio constituta & assignata est; non ergo dispensatores sed veri domini: prima autem sententia quæ facit illos solum dispensatores procedit attento tēpore antiquo ante factam diuisionem. Non obstat fundamentum dictæ primæ sententiæ; quia procedit secundum tempus antiquum ante factam assignationem suæ cuiq; portionis, Episcopo, Beneficatis, fabricæ, & Pauperibus. Vnde sicut Episcopus & fabrica acquirit dominium reddituum qui obueniunt ex portione ipsis as-

signa-

signata; ita etiam Beneficiati Ecclesiastici: *Et nihilominus adhuc tempore praesenti adimpletur pia fidelium voluntas donantium bona Ecclesiastica ad ministrorum, pauperumq; sustentationem; quia quilibet habet portionem sibi assignatam dictorum bonorum.*

S. 4. An Ecclesiastici beneficiati teneantur in pauperum Eleemosinas aliosq; pios vsus erogare illam portionem, qua excedit congruam.

Videretur prima facie respondendum quod nō teneantur; quia ut dictum est sunt domini; quilibet autem dominus alicuius rei potest de illa disponere ad libitum etiā in prophanos vsus absq; eo, quod faciat alicui iniuriam. Nihilominus dicendum teneri Ecclesiasticos expendere in pauperum eleemosinas & pios vsus quicquid illis superest congruae ac decenti suae, familiaeque sustentationi. Et ratio est quia habent de bonis Ecclesiasticis dominium quodammodo restrictum & limitatum; fuerunt enim illis assignata dicta bona cum hac tacita conditione ut detracto eo, quod ad suam congruam sustentationem requiritur, reliquum in pios vsus expendant. Neq; id videatur alicui nouū: quia duobus modis potest aliquis acquirere dominium alicuius rei, scilicet vel liberè: vel limitatè cum adiectione pacti seu oneris; ut patet in fideicomisso, in legato, in donato, sub modo & gravamine. Exemplum est. Si quis det Titio centum aureos nomine viatici ad peregrinationem, ea tamen conditione & pacto ut quod ipsi superfuerit pauperibus erogare debeat. In tali casu acquirit quidem Titius dominium centum aureorum sed restrictè & limitatè. Ita in proposito. Igitur non sequitur Beneficiati habent dominium reddituum superfluum; ergo illos possunt expendere ad libitum etiā in vsus prophanos; quia habent tale dominium restrictum cum onere expendendi quod superest in vsus pios, pauperumq; eleemosinas.

S. 5.

Superest, precepto ne iustitiam, an solius Charitatem. in omni
superest, precepto ne iustitiam, an solius Charitatem.

Hoc etiam non indidice est controuersum apud Docto-
 res. Omnes videntur in hoc conuenire quod Ecce-
 -siasticus, qui in prophanos & suos expendit quod sibi superest,
 peccet; & quidam grauitur pro quantitate & qualitate im-
 -pendarum; & si omnino omittat erogare in pauperes aut pios
 usus. Sed iam peccet contra iustitiam ita ut teneatur ad resti-
 -tutionem; at si uero solum contra Charitatem, non liquet. Bat-
 -bosa autem peccare solum contra Charitatem. Layman uero
 cum alijs peccare contra iustitiam. & certe loquuntur conse-
 -quentes; quid si Ecclesiastici habent dominium bonorum
 Ecclesiasticorum restitutum & cum illo onere; ergo non
 -adimplendo pactum, vel conditionem, vel onus appositum
 dicto domino peccant contra iustitiam, & tenentur ad re-
 -stitutionem; sicut peccaret contra iustitiam legatarius, qui
 accipiendo legata non adimpleret onus legati impositum:
 & peccaret contra iustitiam Titius non dispensando paupe-
 -ritatem quod sibi superest de uatico ceterum autem sibi do-
 -nato nihil minus improprie. Hanc opinionem non videtur recepta:
 -nunquam enim Ecclesia coegit Clericos turpiter expenden-
 -tes suos redditus ad faciendam pauperibus restitutionem.

Superest, precepto ne iustitiam, an solius Charitatem. in omni
superest, precepto ne iustitiam, an solius Charitatem.

Nomine congrue intelligimus redditus illos qui necessar-
 -ii sunt sub Ecclesiastico ad honestam, & decentem uitae
 sustentationem. Ceterum ad hanc honestam & decentem
 uitae sustentationem pertinent in primis ea, quae requirantur
 -ad habendum ipsum Ecclesiasticum, eiusque familiam, quam
 -communiter suo statui habet, deinde ad hospitalitatem exer-

cendam erga consanguineos, amicos, peregrinos: tum verò ad præstandas donationes remuneratorias beneficiorum, imò interdum & liberales, non tamen prodigas: denique ad alias honestas & statui convenientes animi ac corporis relaxationes. Quæ autem quantitas reddituum sit necessaria ad prædicta omnia perficienda non potest ita ad amissim designari, & certò definiti nam in aliquibus ecclesiis maior aut minor, & debet æstimari tam ex personarum, & officij dignitate: tum ex reddituum amplitudine & copia: tum ex ipsius Ecclesiæ stitit meritis, ac laboribus, quos Ecclesiæ utiliter præstat doctrina, consilio, scriptione: Eiusmodi enim Persona plus quam aliæ in eodem ordinis ac status, sed minus Ecclesiæ utiles, ad sustentationem suam ex redditibus Ecclesiæ stitidis accipere potest sumptu argumentum ex verbis Apost. ad Timot. *si qui bene præsum electi sunt duplici honore. (i. munerum largitione uti S. Hieron. in cap. 13. Matth. interpretatur) digni habeantur maximè qui laborant in verbo & doctrina.* Ex prædictis igitur omnibus arbitrio boni, docti & prudentis viri debet pensari quantitas congrua cuiusque Ecclesiastici ita *Rayman in Theolog. Mor. lib. 4. tract. 2. cap. 3. nu. 2.* *Barbosa de Iure Ecclesiastico lib. 3. cap. 17. nu. 20.* in assignanda hac congrua quantitate dat hanc regulam ex Navarro & Azorio, ut videlicet pro beneficiato infimæ sortis ea quantitas sufficiat, qua ipse, famulus unus, coquus, & equus ali possint. Pro beneficiato Doctore aut simili, ea quantitas satis sit, qua ipse, famuli duo, coquus, & equus iuxta patriæ morem sustentari queant. Pro beneficiato nobiliori ea quantitas assignetur, qua ipse, famuli tres, vel quatuor, equi duo cum curru, coquus, & sedatio ali possint, & sic de cæteris habitatione qualitatibus personarum, aliarumque circumstantiarum de quibus supra. Cardinalibus verò aliqui Doctores mille aureos in singulos menses sufficere arbitrantur exceptis Cardinalibus Principibus, & Nepotibus summorum Pontificum, à qui.

à quibus mille aureos singulis hebdomadis ad sui & familiæ sustentationem tuta conscientia insumi posse nonnulli Doctores existimant. Sed tandem ipse Barbosa standum esse censet arbitrio boni & prudētis viri. Et Layman monet longè consultius atq; securius esse ipsis beneficiatis facultatem hanc insumendorum reddituum restringere potius quàm laxare; quia reuera Concilia, Canones, & Sancti Patres valdè strictè loquuntur in hac materia.

§. 7. An Ecclesiastici beneficiati possint dare consanguineis de eo, quod superest congrua.

B Reuiter distinguendum cum Layman loco citato. Aut Consanguinei sunt diuites; aut sunt pauperes considerato statu suo, quem honestè sustentare non possunt. Si diuites, non potest beneficiatus ex sibi superfluis dare consanguineis, quia tenetur dare pauperibus, & expendere in pios vsus: potest quidem detrahere de congrua viuendo parcè, & de hoc dare illis; quia vt dictum est suprà, de hac portione habet plenum dominium. Si verò sunt pauperes, potest etiam de superfluis dare illis non quidem tanquam consanguineis sed tanquam cæteris pauperibus. Et potest etiam, immo tenetur ex bonis Ecclesiasticis alere liberos suos non solum legitimè natos; sed etiam illegitimos & spurios; & consequenter dare dotem competentem filiæ, quia dos succedit loco alimentorum. Cæterum si filij habeant bona propria sufficientia v. g. aduentitia à matre; itaut non sint indigentes; vel si Pater propria bona patrimonialia possideat, tunc non conceditur beneficiato ex bonis Ecclesiasticis dare liberis dotem & alimenta; nisi ipsi liberi sint in obsequio vel in familia ipsius beneficiati, quam alit conuenienter suo statui. Ita Laym. loc. cit. nn. 4. Immo potest etiam (si patrimonialia non sunt satis) dare de eo, quod superest congrua, filio.

ut illum alere possit in studijs : item fratri, nepoti, aut alteri consanguineo, cuius Pater non est satis idoneus ad sumptus ei ministrandos.

S. 8. *An Ecclesiastici beneficiati testari possint de redditibus suorum beneficiorum, & fructibus qui exstant tempore mortis.*

Non possunt; neq; ad pias causas ut videre est in cap. 1. cap. quia nos. cap. relatum 2. de testam. & in anth. licentiam C. de Episc. & Cleric. Ratio est. Quia redditus Ecclesiastici superflui debentur Ecclesiæ, ex qua profecti sunt. Quamvis enim Ecclesia potestatem tribuat beneficiatis erogandi redditus Ecclesiasticos in pias causas dum in viuis sunt, non tamen disponendi de illis in tempus post mortem eorum. Vnde omne ius Beneficiati in bonis Ecclesiasticis finitur ipsius morte; & redditus qui supersunt, redeunt vel ad Ecclesiam, si is qui moritur erat ex Congregatione seu Collegio Clericorum puta Canonicus: vel ad successorem si erat Parochus, aut similis Beneficiatus, cap. relatio de testamen. In quibusdam locis bona deuoluuntur ad Episcopum: Vel applicantur Cameræ Apostolicæ tanquam spolia, ubi adest talis consuetudo, de qua re *Molina disp. 174.* Et sanè optimo consilio ita decretum fuit ut Beneficiati promptiores essent ad erogandum in pias causas bona quæ ipsis supersunt scientes nullam facultatem sibi esse de illis post mortem disponendi.

Excipiēda sunt tamen minutiora quædam, quæ in signum grati animi & in locum remunerationis relinquere testamento, vel mortis causa donatione dare possunt famulis pro seruitijs præstitis. Dico (minutiora) quia maiora dona etiam remuneratoria beneficiorum non possunt per dispositionem ultimæ voluntatis relinquere. Si tamen verè debita sint, ita ut nisi ea munera præstentur non solum vitium ingratitude in-

incurratur, sed etiam actio negotiorum gestorum vel alia similis possit contra defunctum seu successores intentari; quia illa obsequia non merè gratis exhibita censebantur: tunc successores Beneficiarii solvere debent. *Layman. loc. cit.*

De bonis patrimonialibus, & quasi patrimonialibus; nec non de bonis per parsimoniā detractis ex cōgrua possunt disponere pro suo arbitratu. Verum quidem est, quod si intestati decedant & nullum habeant consanguineum; in dictis bonis succedit Ecclesia, vel potius applicantur beneficio, cui obligati erant; vel aliter prout locorum consuetudo se habet, sicuti constat ex *cap. 1. ubi Abbas n. 3. de success. ab intest.* *Layman. loc. cit.*

S. 9. *An peculium Ecclesiastici, quod reperitur tempore mortis eius, & ignoratur quale est, censendum sit profectum ex bonis Ecclesie, vel aliunde quassum.*


R Espondeo præsumendum esse profectum ex bonis Ecclesie ita ut ad hæredes defuncti nō transeat *cap. quicunque in fin. 12. q. 3.* Barbosa qui multos auctores citat *loc. cit. n. 38.* Hac de Causa ad tollendas ambiguitates Sacri Canonis statuerunt in *cap. manifesta cum seqq. 12. q. 1.* ut manifesta esse debeant quæ ad Ecclesiam pertinent, & quæ ad beneficium cuiuscunque sit dignitatis: ac propterea si Clericus vel Prælatas de bonis Ecclesie alia bona præsertim immobilia acquisierit debet eius rei scriptum nomine Ecclesie conficere non autem proprijs vsibus deputare *cap. 1. & fin. 12. q. 4.*

Ellet hic locus quærendi ad quem pertineant fructus pēdentes mortis beneficiarii tempore, ad hæredes ne illius, vel ad successorem in beneficio, vel ad creditores? sed remitto ad Auctores qui de hoc tractant scilicet ad Layman *loc. cit.* & alios. Breuiter solum dico esse valdè probabilem senten-

tiam illorum qui dicunt diuidendos esse inter hæredes Beneficiati, aut Pensionarij mortui, & inter successorem in beneficio pro rata parte anni; & est sententia valdè consona æquitati, multisq; Diæcesibus recepta. Eam tradit *Layman* loc. cit. nu. 10. quam tribuit *Conarunia*, *Molina*, alijq;. Argumentum sumit ex *l. diuortio. ff. sol. matrim.* vbi hoc idem statuitur de marito, soluto matrimonio, lucrante pendentes fructus in fundo dotali habita ratione temporis præcedentis, quo mulier in matrimonio fuit.

CAPVT IX. *De Prædicatione Verbi Dei.*

Apostolus noster. 2. ad Thimotheum. 4. sic ait. *Testificor coràm Deo, & Christo Iesu, qui iudicaturus est viuos & mortuos per aduentum ipsius & regnum eius prædicare verbum in sta oportune importune &c.* Quibus verbis perspicuum planè fit, Verbi Dei prædicationem munus esse præcipuum Ecclesiasticorum, idemq; maximè necessarium. Quapropter breuitate & claritate solita procedentes videbimus. 1. Quibus Personis Ecclesiasticis Verbi Dei prædicandi munus præcipuè incumbat. 2. de Vitæ probitate in Concionatore requisita. 3. de scientia pariter in illo requisita. 4. de præparatione generali ad huiusmodi munus salubriter exequendum. 5. de Vitæ ratione tenenda in loco vbi concionator hoc munus actualiter exercebit. 6. de præparatione adhibenda ad singulas conciones. 7. de materia concionum. 8. de forma concionis componendæ. 9. de forma concionis recitandæ.



S. I. De Personis Ecclesiasticis, quibus præcipuè Verbi Dei prædicandi munus incumbit.

TRiplex Personarum Ecclesiasticarum genus reperitur, quibus Verbi Dei prædicandi munus incumbit, ut colligitur ex *Actis Ecclesie Mediolanensis par. 4. in instructiones prædicationis Verbi Dei*. Et sunt. 1. Episcopi. 2. Parochi. 3. Regulares.

Quod attinet igitur ad Episcopos. Ita præscribitur in *Conc. Trid. sess. 24. cap. 4. de Reform.* [Prædicationis, inquit, munus quod Episcoporum præcipuum est cupiens Sancta Synodus quo frequentius possit ad fidelium salutem exerceri canones alias super hoc editos à fel. rec. Paulo. 3. apertius præsentium temporum vsui accomodando mandat ut in Ecclesia sua ipsi per se, aut si legitimè impediti fuerint per eos, quos ad prædicationis munus assument: in alijs autem Ecclesijs per Parochos, siue ijs impeditis per alios ab episcopo impensis eorum, qui eas præstare vel tenentur vel solent deputandos in ciuitate, aut in quacumq; parte diæcesis celebrent expedire &c.] Ecce quomodo per Concilium clarè testatum relinquitur hoc munus esse Episcoporum præcipuum. Et quamuis Episcopus assiduis officij sui pastoralis laboribus, curisq; occupatissimus, sæpè ad omnem populum sibi commissum concionem habere non possit; tamen veterem illam atq; adeò ab Apostolicis vsq; temporibus derivatâ rationem saltem adhibeat, qua Diæcesis suæ populis à se distantibus per literas pastorales aliquando concionetur. Hanc enim Verbi Dei disseminandi viam non modò Sanctus Paulus Apostolus tenuit; sed etiam cæteri Apostoli, qui per Epistolas absentibus prædicarunt. Idem ab antiquis sanctissimisq; Patribus factitatum esse constat: quorum animi eo charitatis amore flagrarunt ut alij in exilium pulsi, alij

alij in custodiam detrufi, vel alia ratione à grege commiffo procul remoti, abfentefuè, cum coràm non poffent, epiftolarum pastoralium. fcriptione vterentur ad concionandum. Atq; hoc quidem concionis genere Epifcopus cum fepe vteretur, tum maximè quo tempore folemnes anniuerfariæ myfteriorum noftræ redemptionis celebritates aguntur.

Parochi præterea, animarumvè Curatores muneris fui non immemores eam præcipuam prædicationis Verbi Dei curam fibi quoq; impositam exercere ftudebunt, vt illis præfcribit *idem fac. Conc. Trid. illis verbis*. In alijs autem Ecclefijs per Parochos. *Et paulò inf. a.* [Moneat Epifcopus populū diligente, teneri vnumquenq; parochiæ fuæ interefle, vbi commodè id fieri poteft, ad audiendum Verbum Dei.] Quibus verbis fatis datur intelligi Parochos teneri hoc munus præftare eo melior modo quo Deus illis dederit: nec mirum, funt enim vocati in partem follicitudinis pastoralis tanquā fideles operarij, vt epifcopos opera fua coadiuuent.

Regulares etiam tanquam Epifcoporum, ac Parochorum coadiutores in hoc munere vicariam opem laudabiliter nauant: ea tamen adhibita moderatione vt quamuis ab illis, qui eorum curæ præfunt concionandi facultatem habeant, in fuis Ecclefijs non concionentur nifi petita prius benedictione ab epifcopo vt per *Conc. Trid. fanctum elt felf. 5. cap. 2. de reform. his verbis*. [Regulares verò cuiusconq; ordinis nifi à fuis fuperioribus de vita, moribus, & fcientia examinati & approbati fuerint, ac de eorum licentia, etiam in Ecclefijs fuorum ordinum prædicare non poffint: cum qua licentia personaliter fe coràm Epifcopis præfentare & ab eis benedictionem petere teneantur antequā prædicare incipiant.] *Idem Trid.* Et fi fortè Epifcopus aliqua iufta de caufa renuat: hoc præftare illo contradicente nequaquam audebunt. Sic enim *idem Conc. ftatuit felf. 24. cap. 24.* [Nullus autem fecularis fivè regularis etiam in Ecclefijs fuorum ordinum contradi-

cen.

cente Episcopo prædicare præsumat. *Ita Conc.* In Ecclesijs quæ ordinis sui non sunt, nullo modo nisi scripta facultate ab Episcopo concessa.] *Sic idem Conc. a. s. ss. 5. cap. 2.* [In ecclesijs verò, *inquit*, qui suorum ordinum non sunt, vltra licentiam suorum superiorum etiam Episcopi licentiam habere teneantur, sine qua in ipsis Ecclesijs non suorum ordinum nullo modo prædicare possint. ipsam autem licentiam gratis Episcopi concedant.]

Præter tria dicta Personarum genera non debent Episcopi munus hoc alijs de facili demãdare, præsertim ijs qui Sacerdotes non sunt. Si quãdo verò ob iustam aut necessariam causam Diacono permittit, habebit rationem nõ solum doctrinæ & morum disciplinæ (quæ duæ res, vt dicemus, in concionatore requiruntur) sed etiam ætatis, quæ solida & confirmata spectari in eo debet iudicio Sanctissimi Pontificis Gregorij Magni. Nullo autem modo concionandi potestatem faciat ei qui Diaconus non sit: neque item in docto, vel inepto, vel vitioso, vel vitij criminisue infamia notato, neque secularibus negotijs implicito. Qua in re habenda etiam ratio Corporis. Ideò cui concionandi munus committitur non erit is turpiter distortus, vel aliqua corporis parte vsq; adeò deformatus itaut indecore ac non sine aliqua populi offensione ille præstiturus sit tam graue prædicationis ministerium. Solent enim in concionatore quædam Corporis deformitates, præsertim si sint perinsignes, tum offensionem tum risum afferre. *Ita ex actis Ecclesie Mediolanensis loc. cit.*

§. 2. De Vita probitate in Concionatore requisita.

Illud maximè sibi persuadebit qui concionandi munus suscipit, se (nisi rectè & euāgelij, quod prædicat, legibus congruenter vixerit) non magnam in audientium animis vim impressurum. Quemadmodum enim in arca testamenti duo illi Cherubim ita collocati erant vt semper mutuò se aspicerent: ita

ita vita concionatoris doctrinæ ex altera parte respondere debet usque adeò ut & vitam doctrina collustret, & doctrinam rursus vita corroboret, viresq; eidem perpetuò addet. Nam de abstinentia, ieiunio, lachrymis, oratione, elemosina, patientia, alijsq; Christianis virtutibus cum concionatur magnum certè pondus maximumq; momentum apud auditores habebit, si in omni eius vita virtus eluceat, cuius præcepta concionando tradit.

• Erit igitur Concionator singulari vitæ innocentia, moribus sanctissimis, & diuinis virtutibus instructus. Dei nempe timore, terrenarum rerum despicientia, animarum salutis zelo, humilitate, mansuetudine, patientia, charitate, cæterisq; religiosæ disciplinæ ornamentis bene munitus. Quo de genere toto audiat sanctissimum ac sapientissimum virum *Ioannem Chrysostomum* ita monentem, [Doctor, inquit, concionatorum omnibus debet virtutibus esse excultus. Debet enim pauper spiritu esse, ut avaritiæ studium, atq; omnem questus cupiditatem liberè reprehendat. Debet perpetuò & sua & aliena peccata lugere, ut eos exagitet qui anteaquam peccant peccare non verentur; & ubi peccauerint dolorem non concipiunt scelerum quæ admiserint. Debent esurire & sitire iustitiam, ut operum bonorum studio languescens excitet verbo Dei & exemplo suo accendat. Debet esse mansuetus, & ametur potius quam timeatur. Debet esse misericors erga alios & seueritatem sibi adhibere. Debet esse mundo corde ut ne cogitationes quidem inanes & inutiles huius seculi suscipiat, nedum secularis negotijs se implicet. Debet esse pacificus ut populus quæ docet sollicitus sit seruare unitatem spiritus in vinculo pacis. Debet esse paratus ad omnes res vel difficillimas pro gloria Dei, proq; Ecclesia ferendas non inani quodam animi impetu sed solida veraq; constantia digna martyribus.] *Hæc Chrysostomus.*

Neq; sanè solum his Chrysostomi monitis se confirmabit; sed

sed illud potissimū perfectæ vitæ genus sequetur, quod Magnus ille Gregorius Pontifex Sanctissimus, idemq; sapientissimus præscribit, qui cum sæpe concionatorem informat; tum verò & *in libro pastoralis & in moralibus præsertim lib. 30. cap. 21. & lib. 6. cap. 25.* alijsq; præterea locis, quibus perspicuum fit qui verbi diuini ministerium suscipit talem esse debere qualem se fuisse Sanctus Paulus Apostolus ostendit his verbis. *Mihi mundus Crucifixus est & ego mundo.*

S. 3. Descriptio in Concionatore requisita.

Quamuis omnia, quæ in Ecclesia Catholica habentur ministeria pro ingenij nostri tarditate, difficilia nobis se præbeant; prædicationis tamen verbi Dei munus sicut vtilissimum & præstantissimum est: ita cæterorum omnium difficillimum existit si pro rei dignitate & animarum fructu illud exercere desiderat. Tàm multa enim & supernaturalia, & naturalia, & acquisita requiruntur, vt vix aliquis reperiatur, qui omnia perfectè possideat. Supernaturalia enim sunt gratiæ diuinæ, & superni spiritus infusio; zelus salutis animarum, & virtutes caelestiales. In naturalibus computamus vires corporis, formæ elegantiam, laterum firmitatem, sonoritatem vocis, suauitatem oris, acumen ingenij, memoriæ tenacitatem, linguæ promptitudinem & similia, quæ non in mechanicis platearum officinis emuntur; sed ab ipsa natura in ipso vitæ exordio comparantur. Ad acquisita reducimus scientiarum peculium, quod nobis studio & labore conquirimus. Et de his erit nobis sermo in hoc loco; nam de supernaturalibus & naturalibus non est opus disserere; non enim cadunt sub arte, nec possumus de illis dare præcepta.

Tria igitur obseruanda sunt (quæ adnotauit Aresius in sua arte concionandi lib. 4. cap. 27.) ad scientiam concionatori ne-

oo

cessa-

cessariam plenissimè comparandam: videlicet .1. Selectus librorum, quibus concionator studere debet .2. Modus ipse studendi. 3. Fructus studiorum seu modus conseruandi quicquid utilitatis & fructus ex libris perceptus est. Quemadmodum diligens agricola ad excolendos fructuosè agros; primum excogitat quem fundum excolere debeat: secundò quam rationem excolendi tenere debeat: tertio quo pacto fructus percipere debeat, perceptosq; asseruet.

Quantum ad Primum de libris ad duo Capita reuocari possunt omnes & singuli Concionatorum libri.

Primum Caput comprehendit eos omnes, quos concionator antequam munus concionandi aggrediatur, perlustrasse necesse habet. Sunt autem ij, qui agunt de concionandi arte. Qui tradunt regulas rectè, emendatè, & ornatè dicendi. Qui præbent materiam vniuersim necessariam omnibus concionibus, quales sunt vt plurimū sibi Sacræ Theologiæ. Hos omnes vidisse opus habet concionator; & satis erit deinde aliquando illos percurrere ad memoriam excitandam prout opus fuerit.

Secundum Caput complectitur eos libros, quibus Concionatores vt solent quando actu munus concionandi exercent. Sunt autem ij qui materias peculiare exhibent pro concionibus vtpote conceptus (vt dicunt) rationes, exempla, similitudines, auctoritates &c. Horum tres Classes possunt assignari. Prima Classis erit eorum, qui continent materiam proximam concionum, quales sunt omnes, in quibus habentur vel ipsæ conciones extensæ aut annuales aut quadragesimales: Vel expositiones Euangeliorum & Epistolarum, quæ leguntur infrà annum in missis: Vel conceptus & materiæ pro concionibus ad loca propria redactæ. Secunda Classis eorum, qui continent materiam non tam proximam: vt sunt libri Sanctorum Patrum, & expositorum Sacræ Scripturæ, in quibus continentur quidem materiæ prædicabiles sed

sed non ita ad amissimam extensionem & in conciones digestam, applicabiles tamen pro labore & industria concionatoris varijs Euangelijs. Tertia Classis eorum, qui continent materiam remotam; quales sunt ij, in quibus non extant quidem materiae pro concionibus praecise & per se in nihilo minus iuxta ingenium concionatoris possunt ad conciones aptari formando ex illis conceptus praedicabiles: huiusmodi sunt ut plurimum libri historiarum, item rerum naturalium, item disciplinarum mathematicarum. Vsus librorum huiusmodi classium talis esse poterit, ut scilicet in ipsa actuali compositione & extensione concionis adhibeantur libri primae Classis utpote in quibus reperitur quicquid ad institutum pertinet. Ante tale tempus sint praemanibus libri secundae Classis; quia si eos non habuerit concionator familiares ante, minus poterit illis uti tempore concionum; cum tamen illorum lectio sit necessaria, Vsus librorum tertiae classis si sit frequens, & quodammodo quotidianus non approbatur: at summo opere commendatur si aliquando inter graviora studia intermiscatur; est enim perutilis & periucundus.

Esset hic locus recensendi si non omnes (hoc enim esset fere impossibile) saltem aliquos praedictarum classium libros & auctores; sed remitto Lectorem ad eos qui tractant de concionandi arte, praesertim ad Aresium loco citato.

Quantum ad. 2. de Modo studendi. Hic modus talis esse debet, ut lectio libri, qui praemanibus habetur, attente fiat perpendendo non modo res, sed verba, phrasim, modum explicandi, ordinem, & quicquid boni in illo libro continetur quia in re prudenter dicebat Pater Granata. Non satis est multa tumultuariè & properanter legere. Et Quintilianus dicebat debere nos mente reuolvere perlecta; & ad instar cibi saepe ruminare. Seneca pariter pulcherima documenta tradit circa lectionem, atque inter caetera hortatur ut non tanti faciamus legere multa, quanti perlecta mente repetere.

re. Nobis, inquit, nihil tam inutile est, quod in transitu proficit: fastidientis stomachi est multa degustare, quæ ubi varia sunt & diuersa inquinant non alunt &c. Deniq; Aresius addit & aliud consilium, nimirum, & legens ex lectione illius libri arripiat occasionem aliquid ingenio proprio commentandi vel addendo, vel immutando, & applicando alteri argumento ea, quæ in libro repererit. Hoc studium erit satis utile in libris præsertim tertiæ Classis.

Quantum ad 3. de Modo percipiendi fructum è studio, perceptumq; asseruandi, sciendum est hunc modum non in alio consistere quàm in usu siluarum, ut vocant, idest in distributione quadam rerum prælectarum, quæ magis placuerint, ad loca communia, ut illis suo tempore uti possimus in exarandis concionibus. Qui usus necessarius profectò est, nisi quis adeò felici polleret memoria, ut quicquid legeret retineret. Circa usum igitur siluarum duo sunt obseruanda, nempe Numerus illarum, & Modus illas disponendi.

Circa Numerum. Non vna sufficit Concionatori, sed multiplex requiritur, sicut & multiplex est genus rerum ad tale munus rectè obeundum pertinentium.

Prima igitur Silva, eaq; per necessaria erit rerum seu materialium puta de Tribulatione; de Amore Dei, de Mortè; de Inferno; de Iudicio; de Damnis peccati; & similibus; quæ solent esse argumenta cõcionum. In hac Silva collocari debent non solum simplices conceptus, sed etiam doctrinæ, historie, auctoritates Patrum, & quicquid deferuere poterit materiæ propositæ.

II. Secunda erit Euāgeliorum, & Festorum totius anni, quæ & necessaria quoq; est: Multa enim occurrere possunt in hac Silva prænotanda, quæ non conuenienter in priori collocari poterunt. In hac igitur ponentur tituli argumentorū, seu materialium, quæ tractari possunt super tale & tale Euāgelium, & in tali festo. ex. gr. Primo die Quadragesimæ concio:

gionator poterit tractare de Ieiunio, de Hypocrisi, de bonis operibus &c. (Dixi titulos solummodo; nam conceptus pertinentes ad has materias reponi debent in silua materiaram) Præterea in hac silua adnotari poterunt inuentiones super illud Euangelium, expositiones, & moralitates ad illud pertinentes. ex. gr. si adesset catena Patrum, vel conceptum super hunc textum. *Upe caput tuum & faciem tuam laua* &c. in hac silua adnotari deberet sub ser. 4. Cinerum. Hæ duæ prædictæ siluæ magnā facilitatem nobis præbent quamcunq; concionem habendi: nam si voluerō v. g. habere concionem in prima Dominica Quadragesimæ, accipiam siluam Euangeliorū, ibiq; deprehendā multas materias posse super tale Euangelium pertractari: selecta igitur vna, aut altera, statim erit præ manibus silua materiaram, in qua repertis conceptibus, rationibus, auctoritatibus ad rem facientibus, non erit mihi opus aliud, nisi illos ordinare, & exponere.

Tertia Silua erit partium diuersarum eiusdem concionis puta Proemij, Introductionis, Narrationis, Confirmationis, Epilogi, collocando in prima illarum v. g. Proemij quicquid pertinet ad Proemium: in alia quicquid pertinet ad Introductionem; & sic de singulis. Multum deseruiet referre ad hanc siluam varias sacre scripturæ auctoritates ad exagrandum, ad reprehendendum, ad mouendum affectum appositas. Intellige hoc debere fieri de ijs sententijs, quæ possunt diuersis materijs adaptari: nam ea quæ sunt propria alicuius materiæ aut euangelij ad alias superiores siluas debent referri.

Quanta deseruiet elocutionisq; in ea collocabuntur verba, & phrasæ elegantiores nostræ linguæ. Arcsius dat hoc consilium vt sub eodem Verbo tria adnotentur, nimirum. 1. synonyma tam propria quàm metaphorica. 2. epitheta. 3. phrasæ. Ex. gr. In hac Silua Verbo Italico (Capelli) adnotentur. 1. synonyma huius vocis, quæ sunt (chioma, crin. &c.)

re. Nobis, inquit, nihil tam inutile est, quod in transitu proficit: fastidientis stomachi est multa degustare, quæ ubi varia sunt & diuersa inquinant non alunt &c. Deniq; Aresius addit & aliud consilium, nimirum, & legens ex lectione illius libri arripiat occasionem aliquid ingenio proprio commentandi vel addendo, vel immutando, & applicando alteri argumento ea, quæ in libro repererit. Hoc studium erit satis utile in libris præsertim tertie Classis.

Quantum ad 3. de Modo percipiendi fructum è studio, perceptumq; asservandi; sciendum est hunc modum non in alio consistere quàm in usu silvarum, ut vocant, idest in distributione quadam rerum prælectorum, quæ magis placuerint, ad loca communia, ut illis suo tempore uti possimus in exarandis concionibus. Qui usus necessarius profectò est, nisi quis adeò felici polleret memoria, ut quicquid legeret, retineret. Circa usum igitur silvarum duo sunt observanda, nempe Numerus illarum, & Modus illas disponendi.

Circa Numerum. Non una sufficit Concionatori, sed multiplex requiritur, sicut & multiplex est genus rerum ad tale munus rectè obeundum pertinentium.

Prima igitur Silva, eaq; pernecessaria erit rerum seu materialium, puta de Tribulatione; de Amore Dei, de Mortè; de Inferno; de Iudicio; de Damnis peccati; & similibus; quæ solent esse argumenta concionum. In hac Silva collocari debent non solum simplices conceptus, sed etiam doctrinæ, historiæ, auctoritates Patrum, & quicquid deferuire poterit materiæ propositæ.

II. Secunda erit Euāgeliorum, & Festorum totius anni, quæ & necessaria quoq; est: Multa enim occurrere possunt in hac Silva prænotanda, quæ non convenienter in priori collocari poterunt. In hac igitur ponentur tituli argumentorū, seu materialium, quæ tractari possunt super tale & tale Euāgelium, & in tali festo. ex. gr. Primo die Quadragesimæ concio.

cionator poterit tractare de Ieiunio, de Hypocrisi, de bonis operibus &c. (Dixi titulos solummodo: nam conceptus pertinentes ad has materias reponi debēt in silua materiaram) Præterea in hac silua adnotari poterunt inuentiones super illud Euangelium, expositiones, & moralitates ad illud pertinentes. ex. gr. si adesset catena Patrum, vel conceptum super hunc textum. *Vpse caput tuum & faciem tuam laues* &c. in hac silua adnotari deberet sub fer. 4. Cinerum. Hæ duæ prædictæ siluæ magnā facilitatem nobis præbēt quamcunq; concionem habendi: nam si voluero v. g. habere concionem in prima Dominica Quadragesimæ, accipiam siluam Euangeliorū, ibiq; deprehendā multas materias posse super tale Euangelium pertractari: selecta igitur vna, aut altera, statim erit præ manibus silua materiaram, in qua repertis conceptibus, rationibus, auctoritatibus ad rem facientibus, non erit mihi opus aliud, nisi illos ordinare, & exponere.

Tertia Silua erit partium diuersarum eiusdem concionis puta Proemij, Introductionis, Narrationis, Confirmationis, Epilogi, collocando in prima illarum v. g. Proemij quicquid pertinet ad Proemium: in alia quicquid pertinet ad Introductionem; & sic de singulis. Multum deseruiet referre ad hanc siluam varias sacre scripturæ auctoritates ad exagrandum, ad reprehendendum, ad mouendum affectum appositas. Intellige hoc debere fieri de ijs sententijs, quæ possunt diuersis materijs adaptari: nam ea quæ sunt propria alicuius materiæ aut euangelij ad alias superiores siluas debent referri.

Quarta deseruiet elocutionisq; in ea collocabuntur verba, & phrasæ elegantiores nostræ linguæ. Arcsius dat hoc consilium vt sub eodem Verbo tria adnotentur, nimirum. 1. synonyma tam propria quàm metaphorica. 2. epitheta. 3. phrasæ. Ex. gr. In hac Silua Verbo Italico (Capelli) adnotentur. 1. synonyma huius vocis, quæ sunt (chioma, crin. &c.)

&c.) 2. epitheta, quæ sunt (biondi, crespi, aurei, pomposi, canuti &c.) 3. phrasæ, quæ sunt (inanellare, intrecciare, radere, spargere &c.) Atq; hæc silua valdè conferet ad locupletandum nos verbis pulcherrimis, & ad describendum atq; explicandum ornatè & copiosè quicquid libuerit.

Quinta Silua ab aliquibus conficitur pro varijs descriptionibus puta Terræ, Maris &c. Verùm quia huiusmodi descriptiones ut plurimum fiunt ad ostentationem quamdam, ideo non est necesse ut simus multum solliciti de hac silua præsertim cum præcedens possit deservire ad huiusmodi descriptiones conficiendas.

Circa Modum ordinandi, & disponendi dictas Silvas varij varia dicunt. Breuiter pro. 1. & 4. quæ sunt ampliores & difficiliores sit talis ordo. Seruentur literæ Alphabeti incipiendo ab. A. & ad singulas literas reducantur materiæ quæ incipiunt per aliquam ex ipsis literis (v. g. Amor Dei ad. A. Tribulatio ad. T. & sic de singulis) incipiendo siluam melius est adhibere folia soluta, quàm librum compactum, ut possit silua de die in diem augeri prout legendo auctores, adnotationes materiarum excrescunt. Et quia aliquando dubitamus ad quam literam debeamus reuocare inuenta: ideo magis obseruandum est quid illa doctrina seu conceptus seu sententia prober; & quid possit inde inferri; quàm quod contineat in superficie. Sit exemplum legendo reperio Christum flere videndo Hierusalem, & prædicendo illius mala. In hoc loco quamuis nullum verbum habeatur de pietate & dilectione erga inimicos, nihilominus hic est locus proprius, quia pietas Christi ex hoc probatur eò quod defleat calamitates illius Ciuitatis sibi ingrata & crudelis. Igitur potius ad materiam dilectionis inimicorum quàm ad materiam lachrymarum debeo reponere inuenta; & potius verbo Dilectio litera. D. quàm verbo lachryma litera. L. quia illud probant non hoc; lachrymæ enim in hoc casu
stant

stant materialiter & superficialiter. Et sic de alijs. Et quia idem conceptus aliquando probat diuersas materias diuersimodè consideratas; ideò poterit sub diuersis materijs referri, in vna tamen fusius, in altera breuius & relatiuè ad alterum locum.

Et breuiter dicta sint pro comparanda aliqua scientia ad conciones necessaria. Nec paruifacienda sunt monita quæ habentur in *Actis Eccles. Mediolanen. par. 4. S. de scientia Concionatoris.* vbi habentur infra scripta.

Traditionum Apostolicarum Ecclesiasticarumq; notitiam tenere studebit. In Sanctorum Patrum scriptis atq; sermonibus peritè versatus erit. Nec verò ignorabit Sacros Ecclesiæ ritus, qui in Sacramentis, in diuinorum officiorum cultu, in tota deniq; Ecclesiastica ratione instituti sunt: eorumq; mysteria & significationes explicabit, quorum explicatione mentes fidelium ad pietatis studium accendantur. Cognoscet item rerum in Ecclesia sancta gestarum ac memoriæ veteris & antiquitatis Ecclesiasticæ ordinem; maximè autem Sanctorum Patrum historiam, summorumque Pontificum & Episcoporum, quorum sanctitas præclare eluxit; vitas. Tenet præterea aliquam vererum canonum scientiam, summorumq; Pontificum descripta iura, atq; instituta, & Conciliorum decreta &c. *Hæc habent Acta Eccles. Mediol. loco citato. Et paulo infra.* Sanctarum Meditationum, orationisq; mentalis vsum ac peritiam habebit vt alios ad cælestium contemplationem erudire concionando possit. Casuum conscientie doctrina instructus erit. Morum & virtutum Christianarum locos non solum ordine collectos, sed rectè notos habebit.

Hæc omnia prædicta, & alia, quæ in dictis Actis habentur requiruntur ad exercendum pro dignitate & cum animarum fructu hoc præstantissimum Verbi Dei prædicandi munus.

S. 4. De Preparatione generali ad prædicandi munus sine quo
exercendum.

QUO studiosius atque adeo religiosius concionator sui muneris partes exequatur quamdam præviam generalem præparationem adhibere studebit. Consistit autem hæc præparatio in tribus, nempe. 1. in attenta ponderatione. 2. in recta intentione. 3. in ferventi oratione.

Quantum ad ponderationem. Hæc debet esse de tribus, videlicet de Præstantia, de Difficultate, & Utilitate tanti muneris.

Præstantia ex multiplici capite ostendi posset; sed in præsentiarum facis sit illam demonstrare ex Fine illius; ex Medijs ad finem; & ex Personis quæ tale munus omni tempore exercerunt.

Ex fine; qui sublimis est; agitur enim non de congregandis diuitijs temporalibus, non de comparandis mundanis honoribus, non de conservanda sanitate, non de tuenda vita Corporis; sed de lucrificandis, animabus, etq; è Dæmonibus servitutis liberandis, & ad Cœlestem patriam evocandis. Huius autem rei quanta sit dignitas nemo nō videt; cum sit opus Dei; & prædicatores in hoc sint quodammodo coadiutores & cooperatores ipsius Dei, qui in Conversione animarum, & in iustificatione impij ostendit maximè suam omnipotentiam ut Ecclesia ait in quadam Collecta: *Deus qui potentiam tuam parces omnino & miseramur manifestas.* Et certe iustificatio impij, aliqua ex parte excedit ipsam mundi Creationem, scilicet si non quantum ad modum operandi saltem quantum ad terminum productum ut ait *Divus Thomas*; Nam in Creatione confertur rebus esse naturale; sed in iustificatione impij (cum hæc perficiatur per gratiam iustificantem) confertur iustificato esse supernaturale. Hinc merito *magnus ille*

ille Gregorius lib. 3. Dial. cap. 17. asserit maius miraculum esse peccatorem à via praua ad salutis semitas reducere quàm mortuū ab inferis excitare, atq; optimam reddit rationem: inquit enim. *In isto resuscitatur caro moritura: in illo verò anima in alicuium victura.* Et paulò post. *Et quidem post resurrectionem carnis de Lazari virtutibus tacetur: at post resurrectionem animæ capere nostra infirmitas non valet, quanta in sacro eloquio de Pauli virtutibus dicuntur.* Et si conuersio vnus solummodo peccatoris maius miraculū censetur quàm excitatio mortui, quid dicemus de conuersione non vnus aut alterius, sed plurimorum errantium, ad quem finem prædicatio ordinatur?

Ex medijs ad prædictum finem. Sunt autem hæc media & instrumenta prorsus eadem cum illis, quibus Deus vtitur ad mirabilia facienda, scilicet verbum Dei. *Verbo Dei, inquit psaltes, cæli firmati sunt & spiritu oris eius omnis virtus eorum. Ipse dixit & facta sunt, ipse mandauit & creata sunt.* Hoc eodem medio verbi diuini concionator vtitur ad conuersionem animarum. Nec quisquam miretur; nam illud fulgidum ecclesiæ iubar Augustinus non veretur verba diuina à Concionatore prolata conferre cum ipsomet Christi Domini corpore; quod certè ex vnione hypostatica ad Personam diuinam Verbi est infinitæ dignitatis. Sic autem ait. *Quid vobis plus esse videtur Verbum Dei an Corpus Christi? Si verum vultis respondere hoc utiq; dicere debetis quòd non sit minus verbum Dei quàm Corpus Christi.* Et paulò post. *Non minus reus erit qui verbum Dei negligenter audierit quam ille qui Corpus Christi in terram cadere negligentia sua permiserit.* Hæc Augustinus.

Ex Personis, quæ hoc munus omni tempore exercuerunt. In lege veteri fuerunt Prophetæ, & Sacerdotes. In lege noua prior omnium extitit Christus Dominus, qui è cælis in terras descendens nihil antiquius habuit, quàm euangelium prædicare; imò ad hoc se missum esse testatur illis verbis Isaia: *Spiritus Domini super me cò quod unxit me, ad euangelizandum*

pauperibus misit me. &c. Et apud Ioannem. *In hoc natus sum, inquit, & in hoc veni in mundum ut testimonium perhibeam veritati.* Post Salvatorem huic officio fuere maximè additi Apostoli, qui relictis quodammodo omnibus alijs curis huic vni insitebant, ut habetur in Actis Apostolorum, dicitur enim ibi quod conuocantes duodecim multitudinem discipulorum dixerūt. *Nam est aqua nos derelinquere verbum Dei & ministrare mensis.* Deniq; quemadmodum non est in Ecclesia Dei maior dignitas Episcopali; ita munus proprium Episcoporum veluti cæterorum omnium sublimissimum est, prædicare verbum Dei; uti *suprà S. 1. huius Capitis* innuimus. Quinimmo fateri possumus hoc esse officium Angelorum, quia Angeli etiam illo functi sunt, ut habetur in *libris Iudicum*. Idcirco sæpe in sacro eloquio appellantur Angeli, ipsi Sacerdotes & Prædicatores. Sic in Malachia. *Labia Sacerdotis custodiunt scientiam, & legem requirent ex ore eius, quia Angelus Domini exercituum est.* ac si diceret. Angelus appellatur, imitetur ergo Angelos, quorum munus est prædicare verbum Dei, & legem Altissimi hominibus nuntiare. Hinc S. Augustinus contemplatus mirabilem illam scalam, in qua Iacob Patriarca vidit Angelos ascendentes, & descendentes dicit per Angelos prædicatores significari. *Angeli Dei, inquit, prædicatores sunt veritatis, ascendant ut erigant magnos, descendant ut nutrant pauperes.* Sed quid mirum si Prædicatores vocentur Angeli, & prædicare sit opus Angelicū; cum sit etiam quid sublimius, nempe opus diuinum teste magno illo Dionisio Areopagita dicente *omnium diuinorum diuinissimum est dare operam conversioni animarum.* Et ecce quanta est præstantia sublimis huius prædicationis officij.

Difficultas etiam non levis sese offert in præstantissima huius muneris functione; siquidem tot tantaq; exiguntur in perfecto ac numeris omnibus absoluto concionatore, ut impossibile ferè videatur omnia in vno ac eodem homine feliciter

citer inu eniri : Complexus est ea paucis sed ponderosis verbis & carminibus Homerus celeberrimus poeta apud antiquos cum cecinit.

Cælestes etenim non omnibus omnia præbent.

Eloquium ingenium, membrorum gratia, virtus

Vni haud conueniunt.

Quæ omnia in absoluto Ecclesiastico concionatore exiguntur, nec sunt satis : quia præter ingenium ad inueniendum dicenda : præter eloquium ad explicandum inuenta : præter gratiam ad inferendum quodammodo in auditorum animis explicata : præter virtutem ad prosequendum indefessis viribus firma voce ; & forti pectore concionem ; præter, inquam, hæc ; si Concionator non polleat memoria tenaci, voce clara, aspectu iucundo, solida doctrina, pronto animo, & (quod omnium caput est) vero cordis spiritu, & sensu affectuq; diuinorum misteriorum, haudquaquam perfecti absolutiq; Ecclesiastici concionatoris nomenclaturam poterit obtinere. Vnde meritò possumus cum M. Tullio dicere. *Mirari desinamus quæ causa sit eloquentiæ paucitatis cum ex illis rebus vniuersis eloquentia constet, quibus in singulis elaborare permagnum est.* Hanc non leuem difficultatem ad concionandum prout rei dignitas postulat innuimus non ut deterreamus Ecclesiasticos nostros ab hoc tam vili, tam necessario, ac tam sublimi munere capeffendo ; sed ut cognita illius arduitate eò maiori studio ac diligentia ad illud arripiendum se conferant.

Utilitas autem, quæ ex hac functione ritè & rectè peracta promanat, est maxima. Etenim quæ maior utilitas ad inueniri potest quàm lucrari animas Deo ? Quis fructus vberior ? Quod lucrum copiosius ? Quis non constanter assereret pro vna solummodo mercanda anima omnes Concionatoris labores esse vtillimè impensos ? Romani olim ut audaciores, & promptiores redderēt suos milites ad magna quæque ag-

gredienda facinora, diuersas illis coronas proponebāt quas aureas, quas argenteas, quas murales, quas nauales, iuxta diuersitatem meritorum. Inter ceteras plurimi faciebāt coronam ciuicam, quæ pro seruata alicuius ciuis vita conferebatur. Si ergo tanti æstimabant illi salutem & vitam corporalem vnius ciuis, quanti nos facere debemus salutem Animæ vniuscuiusq; nostrum; cum anima longè corpus antecedat. Certè si nullum aliud præmium concionatori seruatum esset, hoc illi sufficere deberet, nempe per suas Conciones lucrari animas. Nec gratis à nobis hoc dicitur. Satis apertè id testantur sacra eloquia. Redemptor noster apud Matthæum. 18, *Lucratis eris fratrem tuum.* Et Iacob. 5. *qui conuerit fide-
ris peccatorē ab errore viæ suæ saluabit animam eius &c.* Sed adhuc maiora & sublimia sunt præmia in calis reposita verbi Dei præconibus: nam in primis donatur illis peculiaris eaquæ pretiosa corona à Theologis Aureola nuncupata, quæ cum sit triplicis generis videlicet Aureola Martyrum, Aureola Virginum, Aureola Doctorum seu verbi Dei præconum; hæc vltima fortè tanto dignior & præclarior, quantò callidior, sauior, & fortior hostis ab his deuictus; quia Virgini-
bus datur corona pro victoria de Carne; Martyribus coro-
na pro victoria de Mundo; Doctoribus verò & Prædicatori-
bus corona pro victoria de Diabolo reportata. Hunc enim à fidelium mētibus per verbum Dei ab ipsis prædicatum ex-
pulerunt. Quàm difficilior autem sit, & quàm illustrior vi-
ctoria de Diabolo, quam de Mundo, & Carne testis est ipse
Apostolus Paulus egregius militiæ Christianæ Dux, qui ab
his tribus hostibus sapius & acerrimè opugnatus, parui ta-
men faciebat Mundi & Carnis conatus comparatione eorū,
quos in conflictu Dæmonum sustinebat: Vnde & dicebat.
*Non est nobis colluctatio aduersus carnem & sanguinem, sed aduer-
sus Principes & Potestates tenebrarum harum.* Hoc autem dice-
bat, non quòd ignoraret configendum sibi esse etiam cum
pro-

propria carne; sed quod arbitraretur hunc conflictum cum carne flocciesse faciendum respectu hostium inferorum. Premium igitur Prædicatoribus seruatum in cælis est Aureola Doctorem. Nec est opus ut plurimis verbis etiam adstruā, gloriam essentialem in cælis repositam Prædicatoribus esse quoque ampliorem: hoc enim promisit illis ipse Dominus Cælorū Rex dicens. *Qui fecerit & docuerit hic magnus vocabitur in regno cælorum.* Atque inter illa beatorum agmina fulgebunt, quemadmodum sydera fulgere solent inter alias partes cælorum: sic enim habemus à Daniele Propheta cap. 12. dicente. *Qui docti fuerint fulgebunt quasi splendor firmamenti; & qui ad iustitiam erudiunt multos quasi stellæ in perpetuas æternitates.* Et quia non quibuscumque prædicatoribus hoc re promittitur; sed ijs tantummodo, qui hoc munere funguntur ea intentionis puritate, eo diligentis studio, eo salutis animarum zelo, quibus oportet & decet: Ideo.

Quantum ad intentionis puritatem (quæ erat una ex tribus conditionibus requisitis in perfecto Concionatore ut in principio S. diximus) sciendum hanc esse summopere necessariam Evangelico Concionatori, ut scilicet non alium intendat finem, non alium sibi præfigat scopum, in quem collimare debeat, nisi omnipotentis Dei gloriam, animarumque salutem. Hic est fructus, quem Dominus à suis missis exquirat, dum ait: *Non vos me elegistis, sed ego elegi vos, & posui vos ut eatis & fructum afferatis & fructus vester maneat.* Væ illis, qui aliud intendūt, quàm prædictum finem. Væ illis, qui in suis concionibus aut corporis commoda, aut populi plausum, aut Principum gratiam, aut Præsulum fauores, aut humanam gloriolam, aut, quod deterius est, turpe lucrum veniunt. Hi sunt, qui adulterantur verbum Dei, de quibus meminit Apostolus verbis illis. *Non sumus sicut quidam adulterantes verbum Dei, sed tanquam ex Deo, coram Deo in Christo loquimur.* Nam quemadmodum is, qui ad mulierem alteri viro desponsatam

accedit, & alienum vitiat torum, dicitur adulter; sic planè qui verbum Dei, & sanctum prædicationis ministerium soli Christo dicatum peruertunt & in alios terrenos vsus cōuertunt, sunt adulteri, pōindeque grauiter delinquunt, atq; vt adulteri grauiter puniuntur.

Inmò non solum in habendis concionibus & in docendo populo puritas intentionis requiritur, itaut nil aliud nisi Dei gloriam; & nostram, proximorumq; ædificationem intendere debeamus; sed hæc eadem intèrioris puritas requiritur in ipsamet comparanda doctrina & scientia. Audiamus *mellifluum Bernardum ser. 36. in cant.* de hac re mellifluè loquentem. Sic enim ait super Cantica [Qui se (inquit Apostolus) putat aliquid scire, nondum scit quo modo oporteat eum scire. Vides quoniā non probat multa scientem si sciendi modum nescierit? Vides, inquam, quomodo fructum & vtilitatem scientiæ in modo sciendi constituit? Quid ergo dicit modū sciendi? quid? nisi vt scias quo ordine, quo studio, quo fine quæq; nosse oporteat? quo ordine? vt id prius quod maturius ad salutem. quo studio? vt id ardentius quod vehementius ad amorem. quo fine? vt non ad inanem gloriam, aut curiositatem, aut aliquid simile; sed tantum ad ædificationem tuam vel proximi. Sunt namq; qui scire volunt eo fine tantū vt sciant; & turpis curiositas est. Et sunt, qui scire volunt, vt sciantur ipsi; & turpis vanitas est (Qui profectō non euadent subsannantem satyricum, & ei qui est eiusmodi decantantem. Scire tuum nihil est, nisi te scire hoc sciat alter.) Et sunt item, qui scire volunt, vt scientiam suam vendant v. g. pro pecunia pro honoribus; & turpis quaestus est. Sed sunt quoq; qui scire volunt, vt ædificent; & Charitas est. Et item qui scire volunt, vt ædificentur; & prudentia est. Horum omnium soli ultimi duo non inueniuntur in abusione scientiæ, quippe qui ad hoc volunt intelligere vt benè faciant. Deniq; intellectus bonis omnibus facientibus

bus eum. Reliqui omnes audiant. Scienti bonum & non facienti, peccatum est ei. Ac si per similitudinem dicatur: Sumenti cibū, & non digerenti, perniciosum est ei. Cibus siquidem indigestus, & qui bonam non habet decoctionem, malos generat humores, & corrumpit corpus & non nutrit. Ita & multa scientia ingesta stomacho animæ, quæ est memoria; si decocta igne Charitatis non fuerit, & sic per quosdam artus animæ, mores scilicet atq; actus, transfusa, atq; digesta, quatenus ipsa de bonis, quæ nouerit, vita attestante & moribus bona efficiatur: nonne illa scientia reputabitur in peccatum tanquam cibus conuersus in prauos, noxiosq; humores? An non malus humor peccatum? an non mali humores prauis moribus? An non inflationes & tortiones in conscientia sustinebit qui huiusmodi est, sciēs videlicet bonum & non faciens? An non responsum mortis & damnationis toties in semetipso habebit, quoties in mentem venerit sermo, quem dixit Deus; quia seruus sciens voluntatem Domini sui & non faciens digna, plagis vapulabit multis?] *Hæc Bernardus.* quæ certè magnum timorem Prædicatoribus, & Doctoribus incutere debent.

Quantum ad orationis feruorem (erat enim tertia conditio requisita in Concionatore) hoc admonere iuuat, ut futurus Concionator perspectis & benè perceptis præstantia, difficultate, & utilitate muneris quod aggredi intendit; nec non pensata intentionis puritate, qua imbutus esse debet (de quibus omnibus supra egimus) perceptis, inquam, benè supradictis omnibus se humillimè coràm Deo prosternat imbecillitatem suam agnoscens, eumq; ex præcordijs deprecetur ut cælesti benignitate se quamuis vilem vermiculum, & prædicationis officio indignum adiuuet; quatenus diuino suffultus auxilio nulla propriæ laudis, aut gloriolæ affectatione ducatur. Ut se vehementius in dies inflammet tum ad præclaram illam diuinæ gloriæ cupiditatem; tum ad ignitam

erga proximos charitatem concipiendam. Ut deniq; diuina ope adiutus respondere possit congruè tum sanctitati rerum quæ pertractare intendit; tum dignitati personæ quàm sustinet.

Lubet in calce huius paragraphi & pro Conclusionem illius referre admonitionem, quæ habetur ad Concionatores in *Actis Ecclesie Mediolanensis*, his conceptis verbis. [Fugiet autem tanquam pestem omnem ambitionem, omnemq; illius suspicionem. Ne loca insigniora, ubi prædicationis suæ semen spargat, ambiat, affectetur: memor Christi Domini quem à Patre è caelo demissum ad erudiendum genus humanum, pagos & vicos & castella obijisse legimus. Nunquam in opinionem inducet maiori atq; meliori suggesto se dignum esse. Fuit hæc quondam Ethnicorum ambitio oratorum. Christianus autem Concinator ab istius ambitionis suspitione alienus esse debet, qui ad prædicandum Christum Crucifixum non ad sui ingenij ostentationem vocatus est.]

§. 5. De Vita ratione tenenda in loco, ubi Predicator actualiter hoc munus exercet.

Concinator ut ex suis laboribus optatum conuersionis animarum fructum reportet, instructus esse debet Verbo, exemplo, oratione. De Verbo, idest scientia, & de oratione iam diximus §. antecedenti. Superest ut in hoc §. aliquid dicamus de exemplo. Magis enim mouent exempla quàm Verba ut est commune adagium.

Ut igitur non minus exemplo quàm Verbo prædicet, aliqua obseruare debet pertinentia ad rectam disciplinam tenendam & cum seipso, & cum alijs.

Cum seipso seruabit Quædam spectantia ad Cultum Dei; Quædam ad externam conuersationem. Quod attinet ad Cultum Dei curabit in primis officium diuinum quotidie ritè,
di-

distinctè, pièq; recitare. Deinde si aliquid temporis superest, optimum erit in diuinorum mysteriorum contemplatione aliquantum vacare: sic enim fiet vt diuini amoris igne succendatur, vt de se testatur Propheta illis verbis; *Erit in meditatione mea exardescet ignis.* Quo succensus facile deinde auditores suos eodem igne poterit inflammare, atq; ad fugienda vitia, virtutesq; amplectendas efficacius adhortari. Sacrosanctum Missæ Sacrificium singulis diebus, nisi legitima impediatur causa, offerre non desinat. Hoc enim cibo spirituali refectus tum sibi multum proderit ad omnes muneris sui partes rectè exequendas; tum fideles ad illius frequentiam, & ad Missæ venerationē poterit vehementius excitare.

Quod verò attinet ad externam conuersationem. Incedendo, stando, sedendo, accubando, loquendo, comedendo, aspiciendo, quicquid deniq; exterius operando eam seruabit modestiam, & morum compositionem, quæ concionatorem Ecclesiasticum non dedecet. Erit in omni colloquio gravis, mansuetus ac salutaris. In habitu ac indumento religioso, aut sacerdotale modestus. In victu temperatus, in potu sobrius; & ciborū multiplicem varietatem fugiens frugalitatem sectabitur. Apud laicos cenare, prandere uero quoad fieri potest deuitet. Nec ad mensam & conuietum adhibeat aliquem præsertim laicum nisi spiritualis, religiosæq; vitæ studiosum. Familiaritates & consuetudines laicorum valdè vitabit. Si Concionator erit regularis, bonum erit si habitauerit in proprio monasterio; aut in ædibus Parochialibus, Collegiataeue Ecclesiæ loci, in quo concionatur: aut saltem in alijs Ecclesiasticis domicilijs à laicali habitatione seiunctis. Ne eò faminas ad colloquium secum incundum introducat, & admittat.

Cum alijs quædam adimplere, quædam vitare studebit.

Adimplenda. Communi vtilitati seruiet. Erit in omnes beneficus: singulis, prout opus fuerit, opitulabitur & conlo-

lando, & consulendo, & benignè se gerendo. Nihil nisi sanctum, honestum, religiosum, & pium in admiratione, aut in desiderio habebit. In rebus aduersis erit constans & infractus. Pro gloria Christi, & pro salute animarum fortiter viriliterq; aget in omni, si qua inciderit, contradictione. Amore Dei inflammatus non modo probra, conuiicia & contumelias patienter feret; sed mortem ipsam, si opus fuerit, forti inuictoq; animo subire non dubitabit.

Vitanda. Prædicationis nomine occasioneue Concionator regularis eleemosinam nullam paciscatur. Si quæ spontè datur (præter illum, quando extra monasterium degit, quotidiana cibum) monasterio ordinis, sui eam in commune conferet: aut superiori pro instituti cuiusq; ratione & regula tradet; memor voti paupertatis, quo adstrictus nihil proprium habere debet: immo illud proprietatis vitium in homine regulari detestabile fugiet & corde & ore, & opere. Nihil sibi petet, nec verò extorquebit, non vestem, non indufia, non sudariola, nō cætera id generis sibi quæsitabit. Parochus etiam, aliusue quicumq; in hoc sacro prædicationis munere occupatus, itidem rectè seruabit.

Superbiam, fastidium, atq; arrogantiam valdè vitabit: ac propterea solum ea proferre studebit quæ auditoribus salutaria sint futura; non autem ea, quæ ostentationem aliquam sapere videantur.

Nullis permittat se perturbationibus concuti. Non iracundiæ det locum. Non alteri in eadem Vrbe, eodemue oppido concionanti inuideat frequentiores auditorum conuentiam. Et minus (quod diligentissimè cauere debet) ei detrahat aut verbo, aut facto, aut alio quocunq; modo. Auditores ab illo auertere non studebit. Nec præterea despondebit animum si per paucos ad se conuenire perspexerit auditores; nam summus ille vitæ magister Iesus Christus cum Dei sapientiam, vitamq; æternam mundo patefaceret, paucos

cos habere discipulos non est dedignatus; immò solam aliquando mulierem audientem habuit, & hæc fuit Samaritana, cui soli de diuino cultu, deq; celesti gratia sermonem habere non renuit.

Quilibet deniq; Concionator caueat quantū fieri potest ne cuiquam occasionem, aut dictis aut factis præbeat (etiam arripere volenti) vel obloquendi, vel malum suspicandi quavis de re, quæ reprehendi meritò possit; ne eius ministerium quod sanctum est vituperetur; sed in omni actione, & functione vniuerso populo spiritale gaudium, sanctarumque exempla virtutum præferat.

S. 6. De preparatione ad Singulas Conciones habenda.

HÆc preparatio completi potest tria. 1. Aliquot pietatis exercitationes. 2. Breues quædam considerationes. 3. Modum tenendum in habenda concione.

Pietatis exercitationes erunt huiusmodi aut similes. 1. Conscientiam ab omni peccatorum labe præsertim mortalium penitentiae sacramento mundabit antequam ad verbi Dei tractationem accedat. Et verò grauissimam illam Prophetæ obiurgationem non parum extimescat. *Peccatori autem dixit Deus quare tu enarras iustitias meas & effamis testamentum meum per os tuum.* Deinde daturus se studio concionis habendæ sanctum Thomam Aquinatem aliosq; sanctitate claros viros sibi ad imitandum proponet, qui religiosa aliqua precatone vsi sunt prius quàm studijs se daret. Peracta breui ad Deum oratione id curabit vt quod in concione dicturus est, benè cognitum prius habeat. Vbi verò ex studio librorumq; lectione hauserit quod prolaturus est, tùm Concionis partes, quas animo concepit, etiam atq; etiam diligenter pieq; meditabitur. Optimum factu erit, si nocte antecedente concionem habendam ante Deum prostratus

illum humillimè roget ut sibi suisq; auditoribus diuine sue gratiæ lumen infundat, quo illuminati & ipse congruè dicere, & illi fructuose valeant audire. Nec potest aliquando defuere sancti Dei viri, qui non solum effusa lachrymis, sed etiam verberibus corpore id à Deo impetrare confluxerunt.

Considerationes autem breues immediatè ante Concionem poterunt esse huiusmodi. Consideret se Primò piscatorem hominum esse, ideòq; debere nervos omnes intendere ut sagenam euangelicam impleat, id est ut animas errantium in viam salutis reducat, & Christo lucratur: quare videat ne in prædicationis officio languescat. Consideret præterea populum ad concionem audiendam confluentem, esse veluti multitudinem hominum esurientium: vel cæcum claudum, paraliticorum, mutorum, cæcorum, surdorum, hydro-pisi laborantium, malo demone æstuantium, talemq; multitudinem valetudinis beneficium expectare. Hæc & similia consideret, atq; ita in omni concionandi materia se accommodet, ut illorum salutem prospiciat tum consulendo, tum consolando, tum omni officio præstantiq; remedio.

Modus in habenda Concione talis esse poterit; nimirum quemadmodum sanctas commotiones in alijs, ita tales primum animo suo ipse concipiet atq; in se excitabit, ita ut quales in aliorum mētes transfundi cupit ipse, illas animi sui sensibus rectè conceptas quasi spectandas cæteris proponat. Id assequi studebit primum ardenti precatione, deinde rei de qua dicturus est explorata cognitione, tum vehementi cogitatione, & quasi ob oculos posita specie ipsius rei quam meditatione concepit; ac præterea attenta lectione loci sacre scripturæ; qui cum re conueniat, quam animo excogitatum habet.

Et quoniam ad commouendos animos parum valet concionalieno labore conscripta, nunquam ad affectionum ex-

cogitationē alienae concionis industria utetur: sed ingenio suo concipiet & gignet, quo vehementius primum se, deinde alios afficiat: disciplina enim eibus, qui populo proponitur, mente propria quasi stomacho concoctus vires maiores habet ad omnem sanctorum commotionem.

Ne igitur Concionator se totum in alienas Conciones temerè ingurgitet: satius erit eas ex Sanctissimorum Ecclesiae Doctorum Gregorij, Ambrosij, Augustini, Chrysostomi, aliorumque Patrum homilij, sermonibus, & tractationibus consistare. Atque ut vno verbo omnia complectar: Quem devotionis ardorem ex religiosa diuinarum preclari refectione, sacra celebratione, & pia meditatione Deo iuvante conceperit, eundem studiosè caret secum in suggestum afferre.

§. 7. De Materia Concionum.

Materia triplicem considerare possumus in concionibus scilicet Materiam In qua, & hæc sunt universi homines quibus predicatur. Materiam Circa quam, & hoc est Evangelium iuxta illud Domini apud Marcum cap. ultimo. *Predicate Evangelium omni Creatura.* Et Materiam Ex qua, & hæc sunt Auctoritates Sacrae scripturae tam veteris quam noui testamenti, Auctoritates Sanctorum Patrum, Sacrorum Canonum, Sacrarum Constitutionum, Rationes, Ecclesiae traditiones, Historiae, Exempla, Similitudines, omnis denique doctrinae & eruditionis apparatus; quia ex his omnibus tanquam flosculis & sertis contexitur concio: Sed Materia præcipua, quæ hic nobis considerata occurrit est Circa quam nempe Evangelium. *Est autem Evangelium* (ut omittam pro nunc alias significationes) *scriptura continens Verbum & Verba Christi Domini.* Et quia Christus Dominus in evangelio reprehendit vitia, & hortatur ad virtutes promittendo his præmium Vitæ æternæ, & comminando illis

pœnam gehennæ. ideo quatuor hæc erunt scopus omnium Cōcionum præsertim versantium circa morū reformationē, sunt ferè omnes Conciones quæ ad Christi fideles habentur, quos supponimus iam tenere dogmata fidei, & quid credere & quid sperare debeant. Id benè notauit *Sac. Conc. Trid. sess. 1. cap. 2. de refor.* dum mandat Episcopis per illa verba. [Pleb-
bes sibi commissas pro sua, & earum capacitate pascant sa-
lutaribus verbis; docendo, quæ scire omnibus necessarium est
ad salutem annunciendoq; ei cum breuitate & facilitate ser-
monis vitia quæ eos declinare, & Virtutes quas sectari oport-
reat, vt pœnam æternam euadere, & cælestem gloriam con-
sequi valeant.] Sed vt aliquo ordine in hac re, sicut in cæte-
ris, procedamus. Videamus. 1. quomodo & à quibus præci-
puè vitij & peccatis Cōcionator deterrere suos debeat au-
ditos. 2. quomodo, & ad quas virtutes debeat eos adhortari
. 3. quas regulas tenere debeat in Concione vt sciat quæ pro-
ferre, quæ vitare debeat concionando. Sequemur autem in
hac re Instructiones gloriosi & Sanctissimi Præsulis Caroli
Borromæi, quæ habentur in *Actis Ecclesia Mediolanensis par. 4.*

Quoad vitia & peccata. Hæc frequentius reprehendet, &
detestabitur; pro qualitate tamen locorum, personarum, &
temporum. Scilicet.

Detestabile blasphemix scelus, ac nefaria maledicta, quæ
in Deum, sanctosq; coniiciuntur.

Superstitiones, auguria, diuinationes, venificia, incanta-
tiones, & cætera huiusmodi.

Dierum festorum violationem. Immodestum quorundam
accessum ad Ecclesias ad Indulgentias ad Stationes ad sup-
plicationes publicas &c.

Contractus illicitos, & omnem illicitam rei alienæ accep-
tionem, & detentionem.

Adulteria, & alia Carnis opera.

Falsa testimonia, & omnes Detractionis species.

Gu.

Gulæ & ventris explendi, & ebrietatis vitia.

Deniq; omnia peccata quæ committuntur contra Divinæ legis præcepta.

Et quia homines depravata consuetudinis nonnulli errore ducti pro nihilo putant quasdam publicorum peccatorum illecebras & occasiones; ideo Evangelicus Concionator in illas inuchi non prætermittat, easq; in summū odium adducere quantum fieri potest, contendat; atque ostendat quàm grauter Deus in illis offendatur; quàm multa mala, quàm innumeræ calamitates etiam publicæ, quàm graua detrimenta inde emanent. Huiusmodi sunt spectacula, ludi, resq; ludicræ id generis, quæ ab ethnicorum moribus originem ducunt, disciplinæq; Christianæ aduersantur. Iç Choræ, saltationes, ac tripudia, e quibus mortiferæ cupiditates excitantur. Scenicæq; personatæq; actiones, vnde tanquam è quodam seminario semina malefactorum ac flagitiorum penè omnium existunt. Omnis in muliebri vestitu luxus, caudatæ vestes, superbus ornatus, muliebres fuci ac pigmenta, cæteraq; ad molliem atq; adeò ad libidinis incitamentum fædè excogitata. Effusa virorum impensa, & omnis intemperantia, quæ ad barbararum gentium à fide alienarum similitudinem tam valdè accedit. Epulæ sumptuosæ, & commensationes immoderatæ à frugalitate Christiana alienæ. Omnis alea, omnisq; eius generis ludus; vnde iurgia, furta, maledicta, pleraq; alia mala oriuntur. Eorum peccatum insectabitur, qui ædes suas quasi ludum aleatorium exponunt. Multorum otiosam vitam, ac voluptariam ita facile peccatis expositam repræhendat quàm sapissimè.

Et quoniam pleriq; sunt qui certis vulgaribus argumentationibus disciplinæ Christianæ repugnantibus vtuntur ad peccatorum excusationem; de industria aliquando prout usu venerit concionator piè doctèq; ostendat quàm magnopere isti argumentationis atq; opinionis humanæ decepti à

via

via salutis aberrant. Istorum alij sunt qui honorum studiis, ambitioniq; seruiunt propterea quod & mundo & propinquis satisfaciendum putent. Alij angustam illam viuendi viam ad euangelij præscriptum minimè tenent quia communem vitæ consuetudinem amplectendam arbitrentur. Alij pietatis opera multa aspènantur, quoniam anicularum ea potius esse arbitrantur quàm virorum. Sunt qui à perfectioni vitæ ratione, atq; à frequenti sacramentorum vñu se atq; alios abducunt, quod sine tali diligentiori studio homo salutem consequi possit. Sunt item qui peccata excusant adolescentiæ nomine, vel aliam causam prætexunt. Atq; ita quidem multi malè agere pergunt vulgi opinionibus falsis, ineptisq; argumentationibus ducti, quæ à concionatore coarguendæ atq; refutandæ sunt.

Vniuersa denique peccata omni increpatione exagitet. Cruciatu, tormentaq; perennia ac sempiterna damnatorum exaggeret. Sæpè mundi res caducas, breuique interituras & eius infinita incommoda studiosè proponat, ac recenscat calamitates.

Quoad Virtutes & pietatis opera. Curabit Concionator Virtutes, eorumq; præcipua officia non modò in vniuersum sed etiam singillatim diligenter exponere descendendo ad certas species. Quamobrem hortabitur suos auditores Ad euangelica consilia amplectenda: Ad perfectionis vitæ disciplinam suscipiendam: Ad misericordiæ atq; eleemosinæ tum spiritualis tum corporalis opera exercenda, præsertim ad Correctionem fraternam: Ad Hospitalitatis officia: Ad penitentiaæ exercitationes, Corporis macerationem, castigationemq; Ad Ieiunium prout Vigiliæ, quatuor tempora, Auentus, & Quadagesimæ exposulant: Ad lectionem piorum librorum, & euitationem inutilium: Ad Cultum Sanctorum Imaginum: Et ad alia similia pietatis opera & Virtutum officia.

Præterea illud præcipuum munus suum esse putabit concionator, vniuscuiusq; status homines docere atq; instruere beati Pauli exemplo, qui excellens vniuersarum gentium concionator omnes ad officij sui functiones erudiuit. Monabit igitur sæpissimè parentes & liberos: viros & vxores: dominos & seruos: Clericos & laicos: principes & subditos: magistratus & priuatos: deniq; omnes cuiuscunq; conditionis & status prout locorum & temporum ratio postulat, docendo singulos quod cuiusq; proprium est: qua ratione bonis animi, corporis, & externis ad consequendam sempiternam beatitudinem vri possint: Item qua moderatione prospera; qua patientia aduersa ferre debeant. Et similia virtutum opera.

Cæterum in qualibet materia, & in quolibet concionum genere hæc cauebit Concionator. Ne à veteri, vulgataq; bibliorum editione, in proferendis diuinarum literarum sententijs discedat: ad pleniorẽ tamen illius explicationem vri etiam poterit, & licitum erit, græca & hebraica lectione. Ne sacram scripturam ad suos sensus contorqueat contra eum sensum, quem tenuit, & tenet Sancta mater Ecclesia, aut contra vnanimem Patrum consensum. Subtiliores quaestiones apud imperitam multitudinem ne attingat. Ne de Beatissimæ Virginis immaculatæ conceptione disputare ausr. Ne facerias, ridiculaue dicta afferat. Ne res ineptas vel superuacaneas, vel parùm fructuosas afferat. Ne nouas allegorias comminiscatur, sed eas seligat ex receptis ab ecclesia scriptis. Ne historias ex apocriphis scriptoribus narret. Ne miracula narret, quæ certi auctoris testimonio non commenduntur. Ne incerta, & quæ falsi speciem præferunt, commemoret. Ne futurorum prædictionem sibi sumat. Ne ex prophanis libris, quæ non sine reprehensione ab hominibus religiosis legi posse videntur, quidquam in medium afferat. Ne Patrum sententiam temerè vnquam refutet. Ne doctor

res & auctores neoteticos in medium affetat. Ne sanctorum Doctorum prolixas sententias, sed breues latino sermone recitet. Ne prophanum quidquam. Non edicta laicalia. Nec cætera id generis de suggestu enunciet. Ne Indulgentias promulget; aut pauperes commendet ad eleemosinas, nisi annuente Episcopo. Ne quemquã nominatim insectetur; Vel ita verbis depingat; vt de quo loquatur facile possint auditores animaduerrere. Ne in ordinem ullum, aut statum, aut vitæ genus ab ecclesia receptum inuehatur. Ne Episcopos aliosue Prælatos; nec verò Ciuiles magistratus asperius obiurget; sed si quando occasio tulerit, piè potius admoncat. Ne vitijs exagilandis quasi furenter iratus exsurgat nimis. Ne iniuriosa verba proferat neq; ignominiosa. Ne obrectationibus, quæ aliquando fiunt, & querimonijs de suggestu respondeat. Ne de suggestu vnquam conqueratur sibi coronam non adesse frequentium auditorum. Ne aures facile præbeat laicis Clericorum vitæ detrahentibus, aut Ciuitatis Rectorũ: sed omnia ante diligenter diuq; perpendat quàm ad reprehensionem descendat. Ne statim cum concionari aggressus est; sed postquam aliquot concionibus habitis prudentis, docti, & religiosi concionatoris nomen adeptus est, ad vitia acius insectanda se conferat. Sed in omni genere, atq; in omni admonitionis & exhortationis officio eam beneuolentiam & charitatem auditoribus suis ostendat qua parens liberos amplectitur, assiduèq; secum reputet quod Apostolus scripsit. *Filioli quos iterum parturite donec formetur Christus in vobis.*

§ 8. De forma componenda Concionis.

CVM ars concionandi (quatenus respicit partes acquiritas pendentes ab industria, & labore hominis) reducalur ad artem oratoriam seu Rethoricam: ideo non erit abs

re hic recolere illa quinque instrumenta, seu quinque partes ar-
ratoriarum, quas solent Rhetores communiter assignare nem-
pe *Inventionem, Dispositionem, Elocutionem, Memoriam, Pronun-*
ciationem. His enim quinque constat forma Concionis; ita-
ramen ut tria priora spectent ad formam, ut ita dicam, in-
trinsecam concionis, idest ad texendam & componendam
concionem, de qua forma erit sermo in hoc. §. alia duo po-
steriora spectent ad formam extrinsecam, idest ad habenda-
dam & recitandam ipsam Concione; de qua forma §. sequenti.

Inuentio est argumentorum ad propositionem probandam à varijs
locis collectio. Nam ad tria genera ut plurimum solent omnes
Conciones reuocari: 1. Genus vocatur Materia, ut concio
de oratione, de peccato, de laudibus alicuius sancti. 2. pos-
sumus vocare expositorium seu Paraphrasticum seu Humilia-
rium, in quo explanatur Euangelium, vel alia pars sacrae
scripturae. 3. Mixtum, & erit illud, in quo & Materia & Euan-
gelium simul pertractatur veluti erucendo materiam ab Epā-
gelio, Vel reuocando Euangelium ad aliquam unam mate-
riam. Non difficile autem erit cognoscere statim, aut deter-
minare in quonam ex praedictis generibus sit Concio, vel de-
beat esse. In 1. & 2. genere Propositio potest esse simplex,
& vocatur thema simplex. Ut gr. in 1. sic. (*Tentatio est utilis*)
in 2. sic; (*Euangelium est mirabile*) sed in 3. genere propositio
debet esse necessario composita. ut gr. (*Quod tentatio sit utilis*
ostenditur ex Euangelio Matthaei) & vocatur thema compositum.

Proposito igitur Themate siue simplici siue composito, ad
inueniendum materiam pro argumentis & probationibus
opporget: 1. oibz omnibz materiam oportet investigare
Primo investigare tam subiecti quam praedicti. Nomen,
Causas, Effectus, Definitionem, Partitionem, Subiecta,
Adiuncta, Consequentia, Dissentanea, & quae de ijs circum-
feruntur Testimonia. Nihil enim ad rem aliquam spectare
potest quod ad aliquem ex his locis non referatur. Ideo vo-

cantur (loci Argumentorum) seu aliter (loca Topica) tanquam loca caplarum, tituli que pixidum, qui indicant ubi aromata condantur. Non immoror in illorum explicatione, quia suppono illa nota concionatoribus ex Rhetoricis, & ex Dialecticis.

Secundò inspicere Circumstantias tam Personæ, quam facti. Circumstantiæ Personæ sunt 11.

Consilium, Affectus, Natura, Oratio, Nomen

Sors, Habitus, Virtus, Studia, Facta, Casus.

Consilium importat opiniones, intentiones; fines, ad quos Homo dirigit suas actiones & vitam.

Affectus vocantur illæ passionēs quæ solent animum perturbare, suntq; etiam 11. nimirum Amor, Odium, Desiderium, Fuga, Delectatio, Tristitia, Audacia, Timor, Spes, Desperatio, Ira.

Natura. Sub hac continetur Natio, Patria, Genus, Parentes, Sexus, Conditio, Qualitates naturales, ut si ingeniosus pulcher, robustus &c.

Oratio idest sermo, lingua, idioma, modus loquendi, eloquentia, vis in dicendo &c.

Nomen tam proprium ut Petrus Paulus &c. quam appellativum ut Religiosus, Secularis. Ab appellativis melius est ducere argumenta utpotè imposita magis studiosè, & cum ratione; nisi fortè nomen propriū esset diuinitus impositum.

Sors amplectitur hæc illa omnia bona & mala quæ vocantur fortunæ, ut esse diuitem, pauperem. &c.

Habitus significat qualitatem quamdam, quæ est difficilè mobilis, utpotè comparatam diuturno studio & frequentatis actibus. Huiusmodi sunt scientiæ, & Artes ut ars canendi, pulsandi, scribendi, pingendi &c.

Virtus importat educationem, amicitias, conuersationes, modum viuendi.

Studia. Studium est vehemēs applicatio animi ad aliquid

ut

ut Poetis, &c. Igitur per studia intelliguntur applicationes ad varia negotia, artes, & scientias.

Facta omnia quæ quis egit, agit, & acturus est, comprehenduntur hoc verbo (facta.)

Casus importat omnia, quæ acciderunt fortuito Personæ, ut vulnera, mors, amissio rerum &c.

Circumstantiæ facti sunt octo.

Quis, Quid, Vbi, Per quæ, Quoties, Cur, Quomodo, Quando.

Quis. Dicit Personam, quæ operata est factum, cuius circumstantias explicamus v.g. Homicidium.

Quid. Dicit rem factam. Si fuit homicidium proditorium, in rixa, casuale &c.

Vbi. Dicit locum si fuit sacer vel prophanus; in publico aut occulto.

Per quæ. Dicit media & auxilia, v.g. si vulneravit gladio, aut lapide, si solus vel cum socijs.

Quoties. Dicit numerum rei patratae. Multi non ponunt hanc inter circumstantias.

Cur. Dicit motum & finem, unde mota est illa persona ad talem actionem patranda, si propter lucrum, aut vanam gloriam, aut amicitiam.

Quomodo. Dicit modum actionis si audacter aut modeste; si velociter aut tardè.

Quando. Dicit tempus si de die vel noctu: si manè vel sero &c.

Tertiò legere Auctores querendo in illis quicquid pro thema proposito defendere potest. In primis laudatur Sanctus Thomas in sua summa; quia non erit fortè materia vlla tractabilis in Concione, de qua ipse non agat. Expediens erit illum videre ante: tum ne fortè fiat error in dogmatibus fidei; quicquid enim ipse docet potest inoffenso pede prædicari: tum quia in illo inueniemus rationes solidas, plurimasque auctoritates etiam sacrae scripturae & Patrum, quæ

arcto-

auctoritatem & splendorem dabunt nostrae concionibus, in quibus
quia ansam dabit nobis novas rationes & conceptus ad inue-
niendum ex eo, quod ipse optimè explicat naturas rerum, quas
tractat. Poterunt etiam alij Scholiastici videri, ut Diuus Bo-
naventura & Nedterius, qui explicant res satis bonè & fusè.
Non erit abs re videre auctores qui exponunt illud Euange-
lium præcipuè Patres: & eos qui super idem Evangelium
conclusiones habent: item videre auctores qui tractant mate-
riam nostræ thematis tam quoad subiectum, quàm quoad
prædicatum. Et si adhuc posito ipso præcedenti apparatu, &
collecta suppellectile non habemus materiam sufficientem
pro texenda concione, poterimus alios etiam libros peruni-
luere, & videre in indice si de illa materia prætrahant, vel si
exponunt aliquem textum illius Evangelij, quod occurrat.

Quartò fabricare ex nobis ipsi conceptus ex sacra scri-
ptura. Quod quomodo debeat & possit fieri videntur: est
Aresius de arte prædicanda lib. 1. cap. 16. & sequenti lib. 1. c. 17.
quia non satis est inuenire quid dicas, nisi etiam scias inuen-
ta disponere, ideo post inueniendum argumentum, conce-
ptum, probationum, & materiam nostram conclusionem
deservientium, necesse est illa disponere. *Ignorant.*

Dispositio est probationum materiarumque in se congruarum & ac-
commodata distributione. Triplicem autem dispositionem debet
Concionator servare. 1. inter partes prædictas Concionis,
quas septem enumerat *Aresius*, nempe Proæmium, Introductio-
nem, Propositionem, Confirmationem, Finem, per quam pars Concionis,
secundam partem, & Epilogum. Verum quia ipse supponit Con-
cionem esse dividendam in duas partes, quod non semper nec
ubiq; terrarum nec ab omnibus observatur, ideo melius pos-
sumus dividere Concionem in quatuor partes, nempe in
Exordium Narrationem, Confirmationem, Epilogum. Vel brevius
in tres partes, Propositionem, Confirmationem, Conclusionem, seu
Epilogum. 2. dispositio erit inter argumenta seu conceptus,
quia

quis cum possimus quamlibet propositionem probare pluribus argumentis dispositio docet nos quodnam ex illis primo loco, quodnam secundo debeamus collocare. 3. dispositio erit in forma una & eiusdem argumenti, ut omnia ordinatè procedant. Eset hic agendum de singulis præfatis dispositionibus & de singulis partibus primæ dispositionis scilicet de illis aut septem, aut quatuor, aut tribus iuxta diversorum placita; sed quia nimium excederemus limites nostri instituti, præterquam quod esset actum agere; ideo remitto Lectorem ad eos qui agunt de arte oratoria & de arte Concionandi; inter quos videri poterit *Aresius lib. 2. de Arte concionandi Italico idiomate. (Dell'arte di ben predicare) Et Iacobus Peresius de Sacra oratione concionandi. Et Ludovicus Granatensis Rhetorica Ecclesiastica & alij Auctores.*

Elocutio est verum instrumentum Oratoris & Concionatoris; quia non satis est inuenisse materiam, eamq; disposuisse; sed necesse est etiam habere verba, quibus inuenta & disposita auditoribus proferas; & non solum proferas quocunq; modo; sed ornatè & appositè & ad persuasionem. Quamvis enim tria sint officia concionatoris; immo cuiuslibet oratoris scilicet Docere, Delectare, Mouere; hoc tamen ultimum, quod est Monere, seu Persuadere primum obtinet locum in dignitate quia est finis oratoris; & reliqua duo sunt media ordinata ad hunc finem; ideo enim orator & Concionator docet & delectat dicendo, ut tandem moueat auditorem, & persuadeat illi esse faciendum, vel fugiendum quod ipse dicit; & ut trahat auditorem in suam sententiam. De elocutione etiam videri possunt auctores citati præsentim Aresius libro 2.

Referam hic monita quædam à S. Carolo Borromæo relicta; ad nostrum institutum facientia contenta in *Affricæ Ecclesiæ Mediolanensis par. 4. de Instruc. præd. verb. Dei.*

Elocutionis genus, inquit, exquisitum ne affectet. Futile sonum fugiat. Impeditur multitudo in consuetudinem lo-

quendi ne sequatur, cum in ea sint multa absurda, multaq; indigna Concionatoris gravitate. Dicendi forma utatur, cui per artem, atq; exercitationem par esse possit. Verba antiqua & peregrina fugiat. Fati; Fortuna; Infortunij nomina, aliaq; id generis ab Ecclesiæ usu iam pridem explosa omnino cauebit. Anicularum non adhibeat prouerbia. Inflata oratione ne utatur sed graui. Exordiaturo moderato & temperato dicendi genere; in quo exordio vitentur similitudines præsertim poetico more explicatæ. Vocabulorum frequentem synonymiam omnino caueat, nisi cum vnus altero significantius aut magis proprium fuerit. Metaphoras, similitudines, & exempla à rebus maximè notis & insignibus sumat; nam deijcit maiestatem orationis qui à rebus humillimis similitudines frequenter trahit. Eiusdem rei repetitionem vitet, quoniam molesta est, & affectum restringit. Cum de peccatis ad luxuriam pertinentibus agit cautionem adhibeat ne imprudens in obscena verba incidat. Et videat in primis ne loquendo turpes cogitationes iniiciat. Adulationis verba omnino fugiat cum de Magistratibus, aut apud eos verba facit. Ambitiosum dicendi genus caueat. Splendidos titulos, & nomina adiuncta illustria, ut serenissimus David, planè reijciat. Honorifica tamen breuiq; præfatione eos viros excipiet, quorum exempla proponit ad imitationem. Verba Ecclesiastica, & summius elegantia habent ne dicere recuset: at prophana & noua repudiet omnino. Apostolos, Martyres Confessores, Virgines, & qui celesti gloria perfruuntur sancti nomine semper appeller. Dictionem vitet, quæ indignationem & fastidium parit præsertim cum de incommodis suis loquitur. Attentionem cum peti ne arroganter faciat; ne se magna dicturum & admirabilia polliceatur. Ne ambigè loquatur, ut eadem oratio varium sensum possit asserre. Ne concisè item ut auditores incerti sint & animo pendcant. Nè obscurè ut dictum facile percipi non queat.

S. 9. De Forma Concionis recitanda.

Quinque diximus esse partes, seu ut alij dicunt instrumenta artis oratoriae seu Rhetoricae nempe *Inventionem*, *Dispositionem*, *Elocutionem*, *Memoriam*, *Pronunciationem*. Tria priora diximus spectare ad formam componendae Concionis & orationis, quam appellauimus formam intrinsecam, de quibus S. superiori. Restaret hic agendum de alijs duobus pertinentibus ad formam recitandae orationis quam vocamus formam extrinsecam; & sunt *Memoria*, & *Pronunciatio*. Plurimi hæc duo complectuntur in vno, quod vocant *Actionem*.

De Memoria & Pronunciatione latè tractant Auctores suprà citati, præsertim Aresius lib. 4. per totum.

Hic iuuat afferre monita S. Caroli Borromæi in *Actis eccles. Mediolan. loc. cit.* Sic igitur ait. Primò totam concionem accommodabit concionator ad ingenium, conditionemq; hominum, apud quos concionaturus est. Nihil enim ineptius & absurdius dici, fingiue potest quàm si in pauperrimo pago apud rusticos fame, frigoreq; confectos ita concionetur, ut in opiparas epulas, splendidissimas vestes auro argentoq; intextas, quas homines indigentissimi ne somniant quidem, perpetuò inuehatur. Concionaturo igitur hæc erunt cogitanda omnia, non solum scilicet auditorum status, sed etiam locus, tempus, res, de qua dicturus est, & personæ suæ auctoritas, & vitæ genus ut aptè, decore, conuenienter & cum dignitate concionetur. Itaq; rudibus facilia, doctis subtiliora & sublimiora, variamq; eruditionè subministrabit. Sed quando non a qualis est omnium conditio, ut diximus, nec idem vitæ modus, certè concionis argumentum non dissimile erit à statu eorum qui audiunt. Et verò quemadmodum ab audientium conditione discrepare non de-

Si

bet:

bet: ita talem etiam esse conuenit; qualem eorum mores requirunt. *Mendaces Cretenses, mala bestia, ventres pigri* inquit S. Paulus. Omnis potrò obiurgatio vel acerrima ad eorum emendationem adhibenda fuit. Duri certè obiurgandi sunt & tractandi durius: at mitius qui in pestitera viuendi consuetudine non persistunt. Hoc docet idem Sanctissimus Pontifex Gregorius exemplo Galli, qui vt media nocte in arctissimo hominum somno rauce quodammodo canit, deinde sub auroram suauius cantum emittit: ita concionator homines in peccatorum quasi somno grauissimè dormientes obiurgationibus acribus excitet: tum ijs verò qui in via virtutis tanquam vigilantiores facti sunt cohortationum suauitate alliciat ad omnem in rectè sanctèq; agendo progressionem. Neq; præterea concio diuersa erit ab euangelij, quod eo die à populo auditum est, historia: quæ si subministrat genus concionandi de penitentia, non aliud concionator sumet, quod nullo modo conueniat cum illius diei euangelica lectione; nisi aliquando à repropofita digrediendi materiam aliquis locus, aut occasio præbeat.

Præterea de Voce & Corporis Motu hæc ibidem præscribuntur. Vocem & actionem ita temperare conabitur Concionator, vt non ex arte petere; sed verè & ex natura dicere videatur. Pro rerum, quas dicit varietate, voce & gestu vario vti studebit: ne fortè res mediocres aut etiam fortasse leues magna contentione tractet, quasi sola voce & gestu velit perluadere: aut verò quæ magna sunt imminuat: aut cuidam recitanti potius quàm ex animo dicenti similis videatur. Ita illud vitium quoq; cauebit ne vno vocis sono tota constet oratio quod satietatem, vt plurimum tum in dicente, tum in auditoribus parere consuevit. Vocis mollitiem vel suauitatem quamdam, magnitudinem item ne affectet; ne item in quouis genere nimiam contentionem. Vt nimiam tarditatem quasi verba difficilè inueniens, ita nimiam celeritatem.

ritatem fugiat; non enim proficit oratio ita effusa, sed quasi animos auditorum præteruolat. Itaq; pro rerum oportunitate nunc tardè nunc celeriter eloquatur. Canoram vocem in exordio, & magnam fugiat; hæc enim & modestum exordium esse vitat; & reliquæ orationi pronunciandæ nocet. In alijs fortasse imitandis prudentiam adhibeat; ne vel leuia quædam aut etiam vitiosa imitetur, aut ea, quæ quamuis alijs conueniant, à se tamen aliena sunt. In gestu & Corporis motu tantum item faciet, quantum natura rerum patitur, quod vel ex eo discere potest si aliquos rectè natura tantum pronunciantes in communi consuetudine obseruet. Ita neq; eodem gestu semper vtatur, neq; manu eodem modo composita; neq; vno brachio tantum, neq; eodem motu Corporis, & eadem vultus moderatione. Non importunè suggestum palmis feriat; sed cum rei magnitudo poscit. Non per suggestum quasi volitabit nunc ex hoc nunc ex illo angulo profiliens. Non quasi è suggesto medium corpus demittat, aut alijs multis motibus vtatur, qui aut deformes sunt aut digladiantis potius quàm dicentis esse videntur.

Hæc omnia facilè vitabit si Christianam modestiam, & grauitatē prædicatoris non obliuiscatur, nihilq; audebit quod suprà vires, artem, & exercitationem suam esse suspicetur, quodq; ex concepto affectu non proficiatur.

Sed vt distinctius de pronunciatione (quæ in voce, & corporis motu versatur) aliquid eloquamur, hæc Cōcionator teneat. In Exordio vocem sedatā adhibeat, & quotidiano sermoni proximā. In Narratione vocis varietate vtatur, vt quicquid pacto gestū sit, ita narrate videatur: es enim strenuè gestæ vocis celeritate; quæ verò dignitatē habent plenis faucibus, & sedatissima voce narrandæ sunt. In cohortatione quæ in Epilogo Concionis fit, primò voce vtatur attenuatissima, quæ fit faucibus contractis: deinde clamore leni non obstreparo, mox sano æquali, ac postremo voce celeri.

In conquestione item quæ pars etiam epilogi est vocem adhibeat depressam, crebra interualla, longa spacia, & magnas commutationes.

In Corporis statu & motu hæc caueat. Ne in suggesto vnquam corpore innitatur: sed rectus stet aut sedeat. Ne deiecto, ne supino, ne prædуро, ne in latus inclinato capite sit, sed planè recto. Ne supercilia contrahat, ne diducat, ne remittat. Ne nares corruger, ne moueat, ne inflet, ne digito diducat, ne plena manu resupinet. Ne labia lambat, ne moueat. Ne mentum pectori affligat. Ne humeros attollat, ne rursus contrahat. Ne brachium tanquam gladiator immoderate proijciat. Ne laeuam manum iactet nisi raro, & in maximo concionis actu. Ne manum supra oculos tollat, ne dimittat infra pectus. Ne femur feriat nisi raro cum indignationem mouere studet. Ne pedibus supplodat nisi oportune in summa contentione. Ne tussiat, ne expuat crebro nisi necessitate coactus. Ne in eloquendo maiorem spiritus partem per nares effundat. Ne crebro anhelitu iumenta imitetur onere laborantia. Ne digitorum gestum indecorum adhibeat sed decentem; nempe in principijs lenem, & in vtramq; partem modicè prolatum; in narrando paulò productiorem; in reprehendendo acrem & instantem. Ne argutijs digitorum utatur. Hæc atq; adeò alia vt fugiat, in consilium adhibeat prædicationis vsu peritos. Et hæc dicta sint satis de Prædicatione Verbi Dei.

C A P V T X.

De Instructione simplicium & exhortationibus priuatis.

Materia præsentis capitis valdè affinis est præcedenti; instruere enim simplices & rudes de rebus spectantibus ad salutem æternam consequendam; & exhor-

exhortari priuatim ad opera pietatis, & ad peccata vitanda est prædicare verbum Dei: differentia solum consistit in modo vt prædicare & concionari consistat in communicando populis verbum Dei cum quadam emphasi, dignitate, & Maiestate, & pro suggesto; instruere verò & exhortari sit idem verbum Dei seminare modo faciliiori, humiliori & ad captum simplicium accommodato quasi familiariter loquendo. Cum igitur hæc materia sit affinis immo eadem genericè cum præcedenti ferè omnia quæ in capite præcedenti dicta sunt, possunt proportionaliter huc applicari. Et nihilominus ne hoc caput præterijisse videamur, etiam de hac materia aliquid dicemus.

De Necessitate Instructionis simplicium, & exhortationis priuatæ.

Igitur omnibus incumbit tum verbo, tum exemplo præ ratione status & conditionis personarum, locorum & temporum promouere alios ad Cognitionem & Amorem Dei, & ad salutem æternam consequendam; nihilominus hoc munus præsertim incumbit Ecclesiasticis, & inter Ecclesiasticos præ omnibus incumbit Pastoribus animarum; vt declarauit & decreuit *Sacrum Concilium Tridentinum* pluribus in locis.

Et 1. sess. 5. cap. 2. de reform. sic decernit. [Archipresbyteri quoq; Plebani, & quicunq; Parochiales, vel alios idoneos si legitimè impediti fuerint diebus saltem Dominis, & festis solemnibus plebes sibi commissas pro sua, & earum capacitate pascant salutaribus verbis, docendo ea quæ scire omnibus necessarium est ad salutem, annunciando eis cum breuitate & facilitate sermonis, vitia, quæ eos declinare, & virtutes quas sectari oportet vt pænam æternam euadere, & celestem gloriam consequi valeant. Id verò si quis eorum præstare negligat, etiam si ab Episcopi iurisdictione quauis ratione exemptum se esse prætenderet, etiam si Ecclesiæ quouis modo

do exemptæ dicerentur, aut alicui Monasterio etiam extrâ Diœcesim existenti forsan annexæ vel vnitæ, modo reipsa in Diœcesi sint, prouida pastoralis Episcoporum sollicitudo non desit ne illud impleatur: *Paruuli petierunt panem, & non erat qui frangeret eis.* Itaq; vbi ab Episcopo moniti, trium mensium spatio, muneri suo defuerint, per censuras Ecclesiasticas seu alias ad ipsius Episcopi arbitrium cogantur; itaut etiam si ei sic expedire visum fuerit ex beneficiorum fructibus alteri, qui id præstet, honesta aliqua merces solvatur, donec principalis ipse resipiscens officium suum impleat.]

Præterea sess. 22. de sacrificio Missæ cap. 8. sic habetur. [Mandat synodus pastoribus & singulis curam animarum gerentibus vt frequenter inter Missarum celebrationem vel per se vel per alios ex ijs, quæ in Missa leguntur aliquid exponant atq; inter cætera sanctissimi huius sacrificij mysterium aliquod declarent diebus præsertim Dominicis & festis.]

Vltèrius sess. 24. de reform. cap. 7. tale decretum habetur. [Vt fidelis populus ad suscipienda Sacramenta maiori cum reuerentia atq; animi deuotione accedat præcipit Sancta Synodus Episcopis omnibus vt non solum cum hæc per se ipsos erunt populo administranda prius illorum vim & vsum pro suspicientium captu explicent; sed etiam lingua vernacula si opus sit & commodè fieri poterit, seruari studeant iuxta formam à Sancta Synodo in Catechesi singulis Sacramentis præscribendam, quâ Episcopi in vulgarem linguam fideliter verti, atq; à Parochis omnibus populo exponi curabunt nec non, vt inter Missarum solemnias aut diuinorum celebrationem sacra eloquia, & salutis monita eadem vernacula lingua singulis diebus festis vel solemnibus explanent, eademq; in omnium cordibus postpositis inutilibus questionibus insérere, atq; eos in lege Domini erudire studeant.]

Ex verbis præfatis Sac. Conc. Trid. quatuor colligere debet quilibet animarum Pastor & Rector.

Pri-

Primò obligationem & necessitatem, cui est adstrictus, docendi populum ea, quæ sunt necessaria ad salutem.

Secundò res, quas docere debet: huiusmodi sunt eæ, quas populus tenetur credere, & agere: item valor, efficacia, & virtus Sacramentorum; deniq; quidquid homines præstare debent, & quidquid cauere ad æternam salutem.

Tertiò tempus docendi, quod est saltem diebus Dominicis & festiuis.

Quartò modum, qui seruari debet in sermonibus; consistit autem ex præscriptione Concilij in tribus conditionibus; nempe vt materia quæ pertractatur sit accommodata auditorum intelligentiæ & captui; vt adsit breuitas; vt facilitas dictionis.

Quantum ad primam conditionem de materia accommodata. Optimum erit si Pastor verba faciendo ad rudes & simpliciores, omittat quæstiones difficiliore & abstrusas, contentus tradere ea, quæ Euangelium continet. Quapropter studebit prius sacri Euangelij historiam ita planè referre vt omnes intelligant omittendo altiores & subtiliores illius expositiones; deinde poterit documenta ad mores pertinentia inde deducere. Utatur illa regula à B. Francisco suis concionatoribus præscripta, nimirum vt suus sermo quatuor veluti rotis feratur idest *reprehensione vitiorum, adhortatione virtutum, penarum comminatione, & promissione premiorum.*

Quantum ad secundam de breuitate. Hanc seruabit vt populus alliciatur ad frequentius conueniendum; curabit autem semper breuitatē tenere, sed præcipuè temporibus, quibus populus detinetur laboribus corporis & rerum domesticarum seu publicarū curis & negotijs. Talis autem sit breuitas vt saltem tria puncta sermo contineat, quæ tamen non prolixè, sed tantum quantum est satis, exponantur. Illud tamen in primis curabit vt talis sit ordo & distinctio rerum dicendarum, vt auditorum memoriæ facili negotio insideant.

Quan-

Quantum ad tertiam de facilitate, & decore seruando. Studeat vt omne, quod dicturus est, sit doctrinæ sanæ, & Catholicæ consonum, cauendo idcirco ab opinionibus nouissimis aut singularibus; & generaliter caueat ab ijs rebus, quas ipse non benè tenet & percipit; ne fortè proferat aliquid, cuius ipse nequeat esse iudex an sit benè vel malè prolatum. Et si fortè aliquid protulerit, quod non benè consentiat Catholicæ doctrinæ, de quo vel ipse postea aduertat, vel ab alijs sit admonitus, curet prima sequenti vice, qua verba facturus est, declarare quod malè, aut ambiguè, aut obscurè, aut æquiuocè locutus est, ne populus deceptus existat. Cæterum quæ hic possent adduci de obseruandis aut vitandis in sermone habendo videantur *suprà cap. anteced. S. 7. de materia Concionum, versus finem.*

CAP. V. T. XL. *De Correctione Fraternali.*

Illud Domini præceptum, quod habetur Matth. 18. illis verbis. *Si peccauerit in te frater tuus, vade & corripe eum inter te & ipsum solum.* Quod est præceptum correctionis fraternæ ad omnes Christi fideles spectat sed maximè ad ecclesiasticos quia illis præcipuè incumbit cura salutis proximorum; idcirco de Correctione fraternali dicturi Videbimus. 1. quanta sit necessitas huius correctionis fraternæ. 2. quæ Utilitates inde consequantur. 3. quæ Personæ in specie teneantur ad illam. 4. quo præcepto & quibus rationibus. 5. quibus Personis sit faciendæ. 6. quibus modis sit faciendæ. 7. An dentur casus, in quibus possit imò debeat omitto fraternali Correctio.

§. 1. Quanta sit necessitas Correctionis fraternæ.

MAior est necessitas Correctionis fraternæ (debito loco, tempore, & modo faciendæ ut dicemus) quàm sit necessitas eleemosinæ indigenti; & medicinæ aegroto. Et ratio est, *ut inquit Dignus Thomas*, quia est remedium contra peccatum alterius. Peccatum autem alicuius dupliciter considerari potest. Vno quidem modo in quantum est nocivum ei qui peccat. Alio modo in quantum vergit in nocumentum aliorum, qui ex eius peccato læduntur & scandalizantur: & etiam in quantum est nocumentum boni communis, cuius iustitia per peccatum hominis perturbatur. Duplex ergo est correctio delinquentis & utraq; necessaria. Vna quidem, quæ adhibet remedium peccato in quantum est quoddam malum ipsius peccantis, & ista est propriè fraterna correctio quæ ordinatur ad emendationem delinquentis; & est actus Charitatis nō minus ac eleemosina, immo magis, quemadmodum maior Charitas est removere malum spirituale, quàm removere malum temporale siue corporale in proximo: per correctionem autem repellimus malum spirituale fratris, scilicet peccatum. Alia verò correctio est, quæ adhibet remedium peccati delinquentis secundum quod est in malum aliorum, & præcipuè in nocumentum boni communis; & talis correctio est actus iustitiæ, cuius est conservare rectitudinem iustitiæ unius ad alterum.

Deducitur etiam eius necessitas ex hoc, quod valdè congruit, immò est necessaria loco in quo vivimus, scilicet in terris. In Cælo enim non habet locum correctio, cum nulla ibi sit peccati corruptio. In Inferno non est possibilis, quia damnati sunt obstinati in malo. Sed hic in terris, in hac lachrymarū valle & est peccati corruptio, & est possibilis correctio. Propterea Deus posuit hominem in hoc loco ut sub

virga diuinæ disciplinæ viueret & mala sua ibi corrigeret. Corrigibilitas est de maximis bonis præsentis vitæ, quo bono amoto melius esset homini si natus non fuisset. Cur tot peccatores damnati sunt nisi quia defuit eis disciplina correctionis? de qua Regius Psalter ait. *Et disciplina tua corripuit me in finem, & disciplina tua ipsa me docebit.* Est igitur necessaria in mundo correctio

Est etiâ maximè necessaria correctio ex parte ipsius Personæ corrigendæ dupliciter. 1. vt distinguatur à Diabolo; corrigibilitas enim distinguit moraliter homines malos à Diabolo; quia mali dum degunt in hac mortali vita susceptibles sunt correctionis; Diabolus verò nequaquam: Vnde incorrigibilitas reddit hominem valdè similem Diabolo. Dicitur enim Eccles. 21. *Qui odit correctionem, vestigium est peccatoris.* Vestigium autem pedis assimilatur pedi; sic vestigium peccatoris assimilatur peccatori; peccator autem per antonomasiam dicitur Diabolus. 2. Ne damnetur; nam defectus correctionis est valdè noxijs & periculosus: vbi enim deest correctio, ibi abundat peccati corruptio. Vnde qui odit correctionem videtur amare corruptionem; & idè qui hic non corriguntur, in inferno damnantur. Habetur in Exodo quod Moyses proiecit virgam, & versa est in colubrum. Coluber occidit; Virga autem non occidit; vt habetur in Prouer. 23. *Si percusseris eum virga non morietur.* Virga igitur correctionis vertitur in colubrum, quia qui hic non corrigitur, à serpentibus infernalibus in futuro cruciabitur. Sic enim habetur etiam in Prouerbijs. *Qui increpationes odit morietur.* Item ibidem 29. *Viro, qui corripientem se dura cervice contemnit, repentinus ei superueniet interitus.* Hinc dicebat David. *Virga tua, & baculus tuus ipsa me consolata sunt.* Vt igitur delinquens distinguatur à Diabolo: & vt effugiat damnationem æternā, necessaria est illi fraterna correctio.

S. 2. *Quae utilitates ex fraterna correctione oriuntur.*

Multae utilitates consequuntur ex correctione. Prima est Animae sanatio. Qui enim non suscipit correctionem est signum mortis. Vnde Iob. 5. dicitur. *Beatus homo qui corripitur à Domino. Increpationem ergo Domini ne reprobess; quia ipse vulnerat & medetur; percutit & manus eius sanabunt.* Sic enim putridae carnes ferro, & cauterio curantur; sic peccata austeritate & dolore expelluntur Iob. 36. *Reuelabit aurè cori (s. peccatorum) ut corripiat & loquatur ut reuertantur ab iniquitate.*

Secunda est. Maculae cognitio. Nam sermo corrigentis quasi speculum peccatori proponitur. Mulier autem habens speculum ante se quod tortum viderit corrigit, & non frangit speculum; ita iustum est ut peccator ad correctionem fratris se emendet. In Prou. 19. *Quomodo in aquis resplendent virtus prospicientium, sic corda hominum manifesta sunt prudentibus.* Et ibidem 28. *Qui corripit hominem postea gratiam inueniet apud eum magis quam ille qui per lingua blandimenta decipit.*

Tertia est. Malorum ab inuicem separatio. Sicut enim in sepe vna spina aliam defendit; & sicut squamæ sibi inuicem colligantur ut nec spiraculum quidem per eas transeat; sic mali & peccatores separandi sunt ab inuicem per correptionem. In Osea. 5. *In desolatione eris in die correptionis. In tribubus. Israel ostendi fidem, &c.*

Quarta est. Præseruatio aliorum à malo maximè per correctionem iustitiæ. Vnde S. Ambrosius super Epistolam ad Corint. 1. dicit sic. [Peccatum vnius quod cognitum non arguitur multos contaminat; immò omnes qui norunt & non deusant, aut cum possint arguere dissimulant. Non enim sibi videtur peccare, quando à nullo corripitur vel vitatur.]

S. 3. *Quæ Persona in specie teneantur ad correctionem fraternam.*

QUærit *D. Tho. 2. 2. q. 23. a. 3.* Vtrū correctio fraterna pertineat solum ad Prælatos. & respondet cū distinctione hoc modo. [Duplex est, *inquit*, correctio. Vna quidem quæ est actus Charitatis, quæ specialiter tendit ad emendationem fratris delinquentis per simplicem admonitionem, & talis correctio pertinet ad quemlibet Charitatem habentem siue sit subditus siue Prælatus. Est autem alia correctio quæ est actus iustitiæ, per quam intenditur bonum cōmune, quod nō solum procuratur per admonitionē fratris, sed etiam interdum per punitionem ut alij à peccato timentes desistant. Et talis correctio pertinet ad solos prælatos, qui non solum habent admonere sed etiam corrigere puniendo.]

Quamvis autem omnes teneantur ad correctionem fraternam negari tamen non potest quin Ecclesiastici magis teneantur quàm laici, & inter Ecclesiasticos magis Prælati quàm subditi (loquor de Correctione propriè fraterna, quæ ad omnes pertinet) Dicit enim *S. Hieronymus*. [Sacerdotes studeant illud Euangelium implere. Si peccaverit in te frater tuus vade & corripe eum &c.] Et *Divus Augustinus in primo de Ciuit. Dei*. [Sicut enim temporalia beneficia potius debet aliquis exhibere illis, quorum curam temporalem habet: ita etiā beneficia spiritualia puta Correctionem, doctrinam, & alia huiusmodi magis debent exhibere illis, qui sunt suæ spirituali curæ commissi.]

Quæres quid si Ecclesiasticus siue Prælatus siue subditus: aut etiam laicus sit in peccato mortali, tenetur ne habere correctionem fraternam ad fratrem delinquentem? Respondeo *ex sententia Divi Thomæ* cum distinctione. Peccator per se loquendo tenetur corrigere delinquentem, & ratio est. quia correctio delinquentis pertinet ad aliquem, inquantum

tum viget in eo rectum iudicium rationis: At peccatum non tollit totum bonum naturæ, quin remaneat in peccante aliquid de recto iudicio rationis; ergo omnis etiam peccator per se loquendo tenetur ad Correctionem, modo concurrant alia requisita, de quibus infra. Per accidens autem peccator impeditur à correctione propter tria scilicet Vel ratione suppositi indigni. Vel ratione superbiæ. Vel ratione scandali.

Primò ratione suppositi indigni: ex peccato enim præcedenti indignus aliquis redditur ut alium corrigat, & præcipue si maius peccatum commisit non est dignus ut alium corrigat de minori. Vnde super illud Matth. 7. *Quid vis ut saluamur &c.* dicit Hieronymus. De his loquitur, qui cum mortali crimine detineantur obnoxij, minora peccata fratribus non concedunt.

Secundò ratione scandali, quod sequitur ex correctione, si peccatum corripientis sit manifestum, quia videtur quod ille qui corrigit non corrigat ex Charitate, sed magis ad ostentationem. Vnde super illud Matt. 7. *Quo modo dicis fratri tuo &c.* exponit S. Chrysostomus. [In quo proposito puta ex Charitate ut salues proximum tuum? Non: quia teipsum saluares. Vis ergo non alios saluare, sed per bonam doctrinam malos actus celare, & scientiæ laudes ab hominibus quarere.]

Tertiò ratione superbiæ, inquantum scilicet aliquis propria peccata paruipendens seipsum proximo præfert in corde suo peccata eius austerâ seueritate dijudicans ac si ipse esset iustus. Vnde & S. Augustinus dicit in lib. de sermone Domini in monte. Accusare vitia officium est bonorum virorum & beneuolorum, quod cū malifaciunt alienas partes agunt. Et ideo sicut idem Augustinus dicit ibidem. Cogitemus cum aliquem reprehendere necessitas nos cogit verum tale sit vitium quod nunquam habuimus, & tunc cogitemus nos homines esse

esse & habere potuisse: Vel tale quid aliquando habuimus, & iam non habemus; & tunc tangat memoriam communis fragilitas ut illam correctionem non odium sed misericordia precedat. Si autem inuenerimus nos in eodem vicio esse non obiurgemus, sed congemiscamus & ad æqualiter currendum inuitemus.]

Ex his ergo patet quòd peccator non excusatur à præcepto Charitatis fraternæ quando urget (quod infra videbitur) quemadmodum nec excusatur ab Eleemosina præstanda, & à quocunq; alio præcepto affirmatiuo quando obligat.

Et si obijciatur illud dictum Isidori. *Non debet vicia aliorum corrigere qui est vitijs subiectus.* Et illud Rom. 2. *In quo alium iudicas teipsum condemnas; eadem enim agis, qua iudicas.* Ex quibus locis videtur inferri quod peccator corripuens fratrem nouiter peccet, & sibi nouam condemnationem acquirat.

Respondetur quòd si corripiat cum humilitate sicut facere debet, & non cum animi elatione & ex tumore superbia, non peccat: quamuis per hoc vel in conscientia fratris, vel saltem sua condemnabilem se esse ostendat.

S. 4. Quo præcepto, & quibus rationibus Homines teneantur ad Correctionem fraternam.

N Vlli dubium est adesse præceptum de correctione fraterna quod omnes afficit, & habetur in illis Domini verbis Matth. 7. *Si peccauerit in te frater tuus vade & corripe eum inter te & ipsum solum &c.* super quæ verba dicit S. Augustinus. [Si neglexeris corripere peior eo factus es, qui peccauit.] Sed hoc non esset nisi per huiusmodi negligentiam aliquis præceptum omitteret. Et unicuiq; mandauit Deus de proximo suo.

Sed considerandum est, ut inquit D. Thomas, quod sicut præcepta negativa legis prohibent actus peccatorum, ita præ-

præcepta affirmatiua inducunt ad actus virtutum. Actus autem peccatorum sunt secundum se mali, & nullo modo bene fieri possunt, nec aliquo tempore, aut loco; quia secundum se sunt coniuncti malo fini *ut dicitur in 2. Ethic.* Et ideò præcepta negatiua obligant semper & ad semper: sed actus virtutum non quolibet modo fieri debent, sed obseruatis debitis circumstantijs, quæ requiruntur ad hoc quod sit actus virtuosus, ut scilicet fiat ubi, quando, & secundum quod debet. Et quia dispositio eorum quæ sunt ad finem attenditur secundum rationem finis, in istis circumstantijs virtuosus actus præcipuè attendenda est ratio finis, quæ est bonum virtutis. Si ergo sit aliqua talis omissio alicuius circumstantiæ circa virtuosum actum, quæ totaliter tollat bonum virtutis hic actus contrariatur præcepto; si autem sit defectus alicuius circumstantiæ quæ non totaliter tollat virtutem, licet non perfecte attingat ad bonum virtutis, non est contra præceptum. Correctio autem fraterna ordinatur ad fratris emendationem; & ideò hoc modo cadit sub præcepto secundum quod est necessaria ad istum finem; non autem ita quod quolibet loco, vel tempore frater delinquens corrigatur. Hinc nota *Cum Caetano pro timoratis conscientijs* quod quando correctio fraterna omittitur Vel propter defectum spei emendationis, quia scilicet non sperat illum se emendaturum: Vel propter respectum humanum, quia timet ne illum offendat, aut timet ne reputetur præsumptuosus: Vel propter ignorantiam, quia non credit se in tali casu obligari: Et breuiter ex quacunque causa omittatur; (si tamen saluatur in præparatione animi hoc, quod si crederet probabiliter quod illum à mortali peccato retraheret, omnia postponeret Charitati fraternæ, & non omitteret correctionem) non est peccatum mortale. Et ratio est, quia in tali ommissione non tollitur totaliter bonum virtutis, quia saluatur finis; saluatur. n. intentio emendationis fratris, quam intendit Charitas, & præceptum Correctionis:

& de-

& defectus solum cōtingit in alijs circumstantijs puta in cōsideratione temporis, modi, vel debiti, & huiusmodi; propter quos defectus veniale peccatum committitur. Omnes igitur tenentur ad Correctionem precepto affirmatiuo; sed non ad semper, sed solum quando adest tempus, locus, & modus congruus; ita ut tunc probabiliter secutura sit emendatio fratris.

Sed ut descendamus ad particularia, & ad aliquot Personarum genera.

Prælati maximè tenentur ad correctionem faciendam; alioquin dicuntur Canes muti, ut habetur *dist. 43. cap. sit rector, ubi dicitur*. [Sepe namque rectores improuidi humanam gratiam amittere formidantes, loqui liberè recta pettunt, & iuxta veritatis vocem nequaquam iam gregis custodiæ pastorum studio; sed mercenariorum vice deseruiunt; quia venienti lupo fugiunt dum se sub silentio abscondunt. Hinc namq; eos per Prophetam Dominus increpat dicens in Esaiâ. Canes muti non valentes latrare.] Propterea *dist. 47. cap. quod a nos attinet*; [Conscientiæ nostræ conuenit semper dare operam ne quis culpa nostra de Ecclesia pereat. Si autem quis ultro & crimine suo perierit, & pœnitentiam agere, & ad Ecclesiam redire noluerit; nos in die iudicij inculpato futuros credimus, qui eorum consulerimus sanitati: illos solos in pœnis remansuros, qui noluerunt consilij nostri salubritate sanari.]

Parentes etiam maximè tenentur respectu filiorum suorum. Necessarium est enim ut parentes corrigant filios; quia parens tenetur proli non solum in educatione corporali; sed etiam in disciplina morum. Vnde *dist. 47. cap. sicut h. S. necesse dicitur sic*. [Qui in laicali habitu uxorem habuit; filios à vitijs ad virtutum studia & verbo & exemplo prouocet. Vnde Apostolus ad Ephesios scribit. Ut viri uxores suas sicut corpora sua diligant, & filios suos non ad iracundiam prouocant;

nocent; sed nutriant illos in omni disciplina & correctione Domini. Vnde de Beato Iob legitur, qui pro filiis suis quotidiana offerebat sacrificia Deo offerens holocausta per singulos dies, quos tanta Charitatis perfectione constrinxit in vnum, ut sua quisque die conviviū faceret cæteris fratribus, & ad epulandum secum tres sorores ipsorum pariter invitarent. Quod quia Heli facere dissimulavit, & falsa pietate ductus filios delinquentes ferire noluit ut in libris Regum legitur, apud districtum Iudicem semetipsum cum filiis crudeli damnatione percussit. Vnde ei diuina voce dictum fuit. Honorasti filios tuos plus quam me.]

Domini quoque respectu famulorum suorum tenentur. Necessarium est enim ut qui præest in domo corrigat familiam; quia familia debet per Dominum corrigi, ad bonumque incitari ne descendant in infernum viuentes quoniam nequitia in habitaculis eorum, ut dicit Psalmista. Et sicut dicit Apostolus 1. ad Timotheum. *Qui suorum & maxime domesticorum curam non habet, fidem negauit, & est infideli deterior.*

S. 5. Quibus Personis sit facienda Correctio.

Sicut omnes tenentur ad Correctionem actiue, id est ad faciendam; ita etiam passiuè, ad recipiendam; Vnde omnibus est facienda. Sed est specialis difficultas de Prælati; Vtrum scilicet subditus teneatur corrigere Prælatus suum? Cui difficultati *Sanctus Thomas 2. 2. q. 33. art. 4.* respondet cum distinctione. [Correctio, inquit, quæ est actus iustitiæ per correctionem pænæ non competit subdito respectu Prælati; Sed correctio fraterna quæ est actus Charitatis pertinet ad vnumquemque respectu cuiuslibet personæ, ad quam debet habere Charitatem si in ea aliquid corrigibile inueniatur. Actus enim ex aliquo habitu vel potentia procedens se extendit ad omnia quæ continentur sub obiecto illius potentie

vel habitus: sicut visio ad omnia quæ continentur sub obiecto visus: sed quia actus virtuosus debet esse moderatus debitis circumstantiis; ideo in correctione, qua subditi corrigunt Prælatos, debet modus congruus adhiberi, ut scilicet non cum protervia & duritia sed cum mansuetudine & reuerentia corrigantur. Vnde Apostolus dicit 1. ad Timot. *Seniorem ne increpaueris, sed obsecra ut patrem.* Hinc Augustinus dicit in *Regula*. Non solum vestri; sed etiam ipsius, (idest Prælati) miseremini, qui inter vos quanto in loco superiori tanto in periculo maiori versatur. Correctio autem est opus misericordie.] Et quamvis *Diuus* Gregorius dicat. *Sanctorum vitam corrigere non præsumant nisi qui de se meliora sentiunt.* Nemo autem debet de se meliora sentire, quam de Prælato suo. Nihilominus benè satisfacit *Diuus* Thomas dicendo. Quod præsumere se esse simpliciter meliorem suo Prælato videtur esse præsumptuosæ superbiæ: Sed æstimare se meliorem quantum ad aliquid non est præsumptionis; quia nullus est in hac vita qui non habeat aliquem defectum. Et etiam considerandum est quod cum aliquis Prælatum charitatiuè monet non propter hoc se maiorem existimat; sed auxilium impertitur ei, qui quanto in loco superiori, tantò in periculo maiori versatur, ut dicit Augustinus.

Itaq; omnibus facienda est Correctio. Et quidem filij stalis adhibenda est ut etiam pænalis si opus sit; immo pænalis de ultimo supplicio. Quod etiam ethnicos fecisse legimus apud *Val. Max. lib. 5. cap. 8.* qui adducit quædam exempla. Referam hic quatuor. Primum de Bruto, qui filios virgis cæcos & ad palum religatos securi percussit, quia volebant dominationem Tarquinij à se expulsam introducere. *Patrem exiit* (inquit Valerius) *ut Consulem ageret, orbisq; vinere, quam publica vindicta deesse maluit.* Secundum de Cassio, qui filium suum ob crimen affectati regni damnauit, & verberibus affectum necari iussit, peculiumq; eius Cereri consecrauit. Ter-

tium

tium de Manlio Torquato, qui filium suum, eo quod probatum esset ipsum accepisse pecuniam à socijs, indignum iudicavit domo sua; qui filius, scilicet Decius Syllanus, se suspendit, cuius exequijs nec pater interfuit. Quartum de Aulo Fulvio, qui filium suum amicitiam Catilinæ sequutum ad se reuocavit, & propria manu interfecit. Dixit enim *non se Catilina illum aduersus patriam, sed patria aduersus Catilinam genuisse.*

§. 6. *Quibus modis facienda sit correctio seu de requisitis ad illam.*

VT Correctio suum sortiatur finem, qui est emendatio fratris, quatuor exiguntur.

Primò. Vt Correctio fiat cū misericordia, cum iustitia, cū humilitate: ideo dicitur in Euangelio. *Si. nā litera illa. s. aliquando scribitur per virgulam rectam; vbi notatur rectitudo iustitiæ; & super illam producit virgula reflexa quæ designat flexibilitatē misericordiæ. & litera. I. cum sit minima inter ceteras designat humilitatē. Quæ omnia vno verbo dicunt Correctionē debere esse moderatam. Vnde illa Carmina.*

Immoderata facit correctio deteriore.

Sed moderata illi correctio gignit amorem,

Secundò. Vt peccatum, de quo fit correctio sit mortale: ideo dicitur, (*peccaueris*)

Tertiò. Vt corrigens credat probabiliter eum, qui corripitur, recepturum correptionem & se emendaturum: ideo dicitur *in te*, id est, te sciente, vel contra te, vel malo exemplo te corruptente.

Quartò. Vt locus & tempus oportunè se offerant ad faciendam correctionem: ideo dicitur, (*frater tuus*) Cum enim *tuus*, sit pro nomen possessiuum designat quod frater, quem corrigere intendis, sit in potestate tua quoad locum & tempus correctionis. Locus vt sit in occulto; ideo dicit (*inter te*

vel habitus: sicut visio ad omnia quæ continentur sub obiecto visus: sed quia actus virtuosus debet esse moderatus debitis circumstantiis; ideo in correctione, qua subditi corrigunt Prælatos, debet modus congruus adhiberi, ut scilicet non cum protervia & duritia sed cum mansuetudine & reuerentia corrigantur. Vnde Apostolus dicit 1. ad Timot. *Seniorem ne increpaneris, sed obsecra ut patrem.* Hinc Augustinus dicit in *Regula*. Non solum vestri, sed etiam ipsius, (idest Prælati) miseremini, qui inter vos quanto in loco superiori tanto in periculo maiori versatur. Correctio autem est opus misericordie.] Et quamvis *Diuus* Gregorius dicat. *Sanctorum vitam corrigere non præsumant nisi qui de se meliora sentiunt.* Nemo autem debet de se meliora sentire, quam de Prælato suo. Nihilominus benè satisfacit *Diuus* Thomas dicendo. Quod præsumere se esse simpliciter meliorem suo Prælato videtur esse præsumptuosæ superbiæ: Sed æstimare se meliorem quantum ad aliquid non est præsumptionis; quia nullus est in hac vita qui non habeat aliquem defectum. Et etiam considerandum est quod cum aliquis Prælatum charitatiuè monet non propter hoc se maiorem existimat; sed auxilium impertitur ei, qui quanto in loco superiori, tantò in periculo maiori versatur, ut dicit Augustinus.

Itaq; omnibus facienda est Correctio. Et quidem filij stalis adhibenda est ut etiam pænalis si opus sit; immo pænalis de ultimo supplicio. Quod etiam ethnicos fecisse legimus apud *Val. Max. lib. 5. cap. 8.* qui adducit quædam exempla. Referam hic quatuor. Primum de Bruto, qui filios virgis cæsos & ad palum religatos securi percussit, quia volebant dominationem Tarquinij à se expulsam introducere. *Patrem exiit* (inquit Valerius) *ut Consulem ageret, orbisq; vinere, quam publica vindicta deesse maluit.* Secundum de Cassio, qui filium suum ob crimen affectari regni damnauit, & verberibus affectum necari iussit, peculiumq; eius Cereri consecrauit. Ter-

cium

tium de Manlio Torquato, qui filium suum, eo quod probatum esset ipsum accepisse pecuniam à socijs, indignum iudicauit domo sua; qui filius, scilicet Decius Syllanus, se suspendit, cuius exequijs nec pater interfuit. Quartum de Aulo Fulvio, qui filium suum amicitiam Catilinæ sequutum ad se reuocauit, & propria manu interfecit. Dixit enim *non se Catilina illum aduersus patriam, sed patria aduersus Catilinam genuisse.*

§. 6. *Quibus modis facienda sit correctio seu de requisitis ad illam.*

VT Correctio suum sortiatur finem, qui est emendatio fratris, quatuor exiguntur.

Primò. Vt Correctio fiat cū misericordia, cum iustitia, cū humilitate: ideo dicitur in Euangelio. *Si. nā litera illa. s. aliquando scribitur per virgulam rectam; vbi notatur rectitudo iustitiæ; & super illam producit virgula reflexa quæ designat flexibilitatē misericordiæ. & litera. I. cum sit minima inter ceteras designat humilitatē. Quæ omnia vno verbo dicunt Correctionē debere esse moderatam. Vnde illa Carmina.*

Immoderata facit correctio deteriolem.

Sed moderata illi correctio gignit amorem,

Secundò. Vt peccatum, de quo fit correctio sit mortale: ideo dicitur, (*peccaueris*)

Tertiò. Vt corrigens credat probabiliter eum, qui corripitur, recepturum correptionem & se emendaturum: ideo dicitur *in te*, idest, te sciente, vel contrā te, vel malo exemplo te corruptente.

Quartò. Vt locus & tempus oportunè se offerant ad faciendam correctionem: ideo dicitur, (*frater tuus*) Cum enim *is, tuus*, sit pro nomen possessiuum designat quod frater, quem corrigere intendis, sit in potestate tua quoad locum & tempus correctionis. Locus vt sit in occulto; ideo dicit (*inter te*

& ipsum solum) Tempus ut sit aptum, ut ille sit dispositus ad correctionē recipiendam: omnia enim debent fieri tempore oportuno ne quodammodo inferatur violentia rebus. Vnde canit Ovidius.

Dum furor in cursu est currenti cede furori

Difficiles aditus impetus omnis habet.

Stultus ab obliquo qui cum discedere possit

Pugnat in aduersas ire natator aquas.

Impatiens animus nec ad huc tractabilis arte

Resquit, atq; odio verba momentis habet.

Aggrediar melius tunc cum sua vulnera tangi

Iam sinet; & veris vocibus aptus erit.

Quis matrem nisi mentis inops in funere nati

Flere vetat, non hoc illa monenda loco est.

Cum dederis lachrymas animumq; impleueris agrum

Ille dolor verbis emoderandus erit.

Temporibus medicina valet; data tempore profunt

Et data non apto tempore vana nocent.

Et quia varia sunt genera, conditiones, & temperamenta personarum quibus adhibenda est correctio; ideò sciendam quod circa corrigendos est quadruplex differentia. Quidam corrigendi sunt cum amore: tales sunt humiles & mansueti, qui si aliquando offendunt, continuo resipiscunt, & leui admonitione emendantur. Vnde S. Augustinus, *Prudenti mirum, & corrigi paratum breuiter admonuisse sufficit*. Immo aliquando sola superioris respectione corripitur S. Ambrosius super psalmos. *Iusti aspectus perfectioribus letitia est; plerumque vero correctionis admonitio*. Ideò dicitur in Euangelio. *Vade & corripe eum inter te & ipsum solum*, id est dulciter & secrete. Quidam corripiendi sunt cum rigore sicut astuti, qui peccata sua abnondunt & defendunt nec se corrigere volunt. tales corrigendi sunt cum rigore & astutia, ut fecit Daniel contra senes qui iniuste accusauerant Susannam. Ideò dicitur in Euan-

Euan-

Euangelio. *Si te non audierit, adhibe tecum duos vel tres testes &c.*
 Quidam corripiendi sunt cum timore: tales sunt superbi, &
 presumptuosi qui pœnis & flagellis sunt coercendi; ideo di-
 citur in euangelio. *Si eos non audierit dic Ecclesia;* id est Præla-
 to. Quidam sunt corripiendi cum rubore: tales sunt obstina-
 ti qui debent præcidi & excommunicari ab Ecclesia; ideo
 dicitur in Euang. *Si Ecclesiam non auerit sit tibi tanquam ethi-
 nicus & publicanus.*

§. 7. An dentur casus, in quibus omitti possit Correctio.

Divus Thomas 2. 2. q. 33. art. 6. quærit *Utrum* quis debeat
 à Correctione cessare propter timorem ne fiat ille
 corrigendus deterior. & respondet cū distinctione inquiring.
 Duplex est correctio delinquentis. Vna quidem pertinet
 ad Prælatos, quæ ordinatur ad bonum commune; & habet
 vim coactivam; & talis correctio non est dimittenda propter
 turbationem eius qui corripitur, tum quia si propria sponte
 emendati non velit cogendus est per pœnas ut peccata di-
 mittat; tum etiam quia si incorrigibilis sit per hoc provide-
 tur bono communi dū servatur ordo iustitiæ, & unius exem-
 plo alij deterrentur; Vnde Iudex non prætermittit ferre sen-
 tentiam condemnationis in peccantem propter timorem
 turbationis ipsius, vel etiam amicorum eius. Alia verò est
 Correctio fraterna, cuius finis est emendatio delinquentis
 non habens coactionem sed simplicem admonitionem. Et
 ideo ubi probabiliter æstimatur quod peccator admonitio-
 nem non recipiat sed ad peiora labatur, est ab huiusmodi
 correctione desistendum; quia ea quæ sunt ad finem debent
 regulari secundum quod exigit ratio finis.

Dices. Peccatum est quædam animæ infirmitas iuxta il-
 lud Psal. 33: *Miserere mei Domine quoniam infirmus sum &c.* Sed
 ille cui imminet cura infirmi non debet cessare ab illius cu-

ratione ob eius contradictionem vel contemptum, quia tunc maius imminet periculum ut patet in furiosis; Ergo multò magis debet homo peccantem corrigere quantumcumque grauitè ferat.

Respondeo quòd Medicus quadam coactione utitur in phrenetico, qui curam eius recipere non vult; & huic assimilatur correctio Prælatorum, quæ habet vim coactiuam: non autem simplex correctio fraterna.

Quærit etiã *Diuus Thomas art. 7.* Vtrum in correctione fraterna debeat ex necessitate præcepti admonitio secreta præcedere denuntiationem. Et respondet etiam cum distinctione dicendo. Aut peccata sunt publica, aut sunt occulta. Siquidem sunt publica, non est tantum remedium ei, qui peccauit ut melior fiat; sed etiam alijs in quorum notitiam deuenit ut non scandalizentur. Et idcò talia peccata sunt publicè arguenda secundum illud Apostoli. 1. ad Timot. 5. *Peccantes coram omnibus argue, ut ceteri timorem habeant.* Quod intelligitur de peccatis publicis ut Aug. dicit in lib. de Verbis Domini. Si verò sint peccata occulta, sic videtur habere locum quod Dominus dicit. *Si peccauerit in te frater tuus.* Quando enim te offendit publicè coram alijs; iam non solum in te peccat; Sed etiam in alios, quos turbat: sed quia etiam in occultis peccatis potest parari proximorum offensa, idcò adhuc videtur distinguendum esse. Quædam enim peccata occulta sunt quæ sunt in nocumentum proximorum Vel corporale, Vel spirituale, puta si quis occultè tractet quomodo Ciuitas tradatur hostibus; Vel si hæreticus priuatim homines à fide auertat. Et quia ille qui sic occultè peccat non solum in te peccat, sed etiam in alios oportet statim procedere ad denuntiationem, ut huiusmodi nocumentum impediatur (nisi fortè aliquis formiter æstimaret quod statim per secretam admonitionem posset huiusmodi mala impedire) quædam verò peccata sunt quæ
so.

solum sunt in malum peccantis, & eius in quem peccatur, vel quia à peccante solum laeditur, vel saltem ex sola notitia & tunc ad hoc solum tendendum est vt fratri peccati subueniatur. Et sicut medicus corporalis sanitatem aegroto confert si potest sine alicuius membri abscissione: si aut non potest abscindit membrum minus necessarium vt vita totius conseruetur: ita etiam ille qui studet emendationi fratris debet si potest emendare fratrem quantum ad conscientiam vt fama eius conseruetur, quæ quidē est utilis. Primò quidē & ipsi peccanti non solum in temporalibus, in quibus quantum ad multa homo patitur detrimentum amissa fama; sed etiam quantum ad spiritualia, quia præ timore infamiae multi à peccato retrahuntur: & quando se infamatos conspiciunt irrefrenatè peccant. Vnde Hieronymus dicit. *Corrigendus est seorsum frater ne si semel pudorem vel verecundiam amiserit permaneat in peccato.* Secundò debet conseruari fama fratris peccantis; Tum quia vno infamato alij infamantur secundum illud *Augustini.* [Cum de aliquibus qui sanctum nomen profitentur aliquid Criminis vel falsi sonuerit, vel veri patuerit; instant, satagunt, ambiunt vt de omnibus hoc credatur:] Tum etiam quia ex peccato vnus publicato alij prouocantur ad peccandum. Sed quia conscientia præferenda est famæ, voluit Dominus vt saltem cum dispendio famæ fratris conscientia per publicam denunciationem à peccato liberetur. Vnde patet, quod potest esse de necessitate præcepti quod secreta admonitio publicam denunciationem præcedat.

Dices. Religiosi tenentur suis Prælati obedire; sed quandoq; Prælati præcipiunt vel communiter omnibus, vel alicui specialiter, vt si quid corrigendum nouerint, sibi dicant. Ergo videtur quod eis teneantur dicere etiam ante secretam admonitionem; non ergo est de necessitate præcepti vt secreta admonitio præcedat publicam denunciationem.

Respondeo quod Prælato non est obediendū contrā præceptum

ceptum Domini secundum illud Act. 5. *Obedire oportet Deo magis quam hominibus*. Et ideò quando Prælatus præcipit ut sibi dicatur quod quis sciuerit corrigendum, intelligendum est præceptum sanè, saluo scilicet ordine fraternæ correctionis, siue præceptum fiat ad omnes communiter, siue ad aliquem specialiter. Sed si Prælatus expressè præciperet contra hunc ordinem à Domino institutū, & ipse peccaret præcipiens, & etiam alter obediret, quasi contra præceptum Domini agens. Vnde non esset ei obediendum, quia Prælatus non est Iudex iudiciorum occultorū sed solus Deus: Vnde non habet potestatem præcipiendi aliquid super occultis nisi in quantum per aliqua indicia manifestantur puta per infamiam, vel per aliquas suspiciones, in quibus casibus potest Prælatus præcipere eodem modo sicut & Iudex secularis vel Ecclesiasticus potest exigere iuramentum de veritate dicenda. Ita *Dr. Thomas* loc. cit. ad 5. q. 1. d. 1. c. 1. §. 1.

C A P V T XII.

De Irreprehensibilitate, & Integritate seruanda in omnibus vite actionibus.

Apostolus scribens ad Timotheum ait. *Oportet Episcopum irreprehensibilem esse &c.* Et idem Apostolus ad Titum. *Oportet Episcopum sine crimine esse sicut Dei dispensatorem*. Et infra. *In omnibus te ipsum præbe exemplum bonorum operum in doctrina, in integritate, in grauitate, Verbum sanum, irreprehensibile, ut is qui ex aduerso est vereatur nihil habere malum dicere de nobis*. Sub nomine autè Episcopi Apostolus informat omnes Ecclesiasticos ut aliàs dixi. Videndum est igitur. 1. quid intelligat Apostolus per illa verba (*Irreprehensibilem*) & (*sine Crimine*). 2. quàm necessarium sit bonum exemplum Ecclesiasticorum præsertim Pastorum. 3. quanti facere debeat Ecclesiasticus suam bonam famam apud omnes.

S. 1.

S. 1. Quid intelligat Apostolus per illa verba (Irreprehensibilem)
& (sine Crimine.)

V Erbum *Irreprehensibile* dupliciter potest intelligi. Primo quod idem sit ac sine crimine, ita ut dicta verba idem sonent. Esse autem sine crimine est esse sine notabili defectu, & integræ famæ ac fidei ut explicat Glosa Lirani in illis locis Apostoli. Nam Crimen quatuor modis accipitur ut ait Glos. dist. 25. S. nunc autem verbum. Aliquando enim significat omne delictum siue mortale, siue veniale quomodo-
eunq; procedat vel ex deliberatione vel ex ignorantia, & ita intelligitur illud (*Nemo sine crimine vivit*) Aliquando significat delictum procedens ex mera deliberatione siue sit mortale siue veniale. Aliquando delictum dignum depositione. Aliquando infamiam procedentem ex delicto. In hac ultima significatione accipitur in epistola ad Titum *li (sine crimine)* id est sine infamia, & vir integræ famæ. Idem est igitur dicere *Irreprehensibilem* ac dicere esse crimine, sine infamia, & esse integræ famæ.

Secundò potest intelligi (*Irreprehensibilem*) ut idem importet ac carentem omni vitio, ac ornatum omni virtute. S. Chrysostomus hom. 10. in Timot. Vel *irreprehensibilem*, id est; sine reprehensione: is autem est sine reprehensione qui fungitur, ut decet, officio suo, & perfectè partes suas adimplet. Ut autem Ecclesiasticus partes suas adimpleat, debet attendere ad exemplum bonorum operum, & ad doctrinam verborum, ut idem Apostolus eodem loco ad Titum ait. *In omnibus te ipsum prabe exemplum bonorum operum in doctrina* (id est informando eos verbis sacris) *in integritate* (id est puritate mentis & corporis) *in gravitate*, (id est in gestu & motu corporis composito) *Verbum sanum & irreprehensibile* ut is qui ex aduerso est vereatur nihil habens malum dicere de nobis (id est nihil habens quod re-

prehendere possit in nobis: & meritò quidem, quia ut ait. *¶ Hieronymus ad Oceanum Epist. 83.* [Futurus Pastor Ecclesię talis eligitur, ad cuius comparationem recte grex ceteri nominentur.] *¶ Et idem ad cap. 3. Michę ait.* Reuera qui ad hoc eliguntur ut ceteris pręfint, sicut pręordinantur dignitate ita pręminere debent sanctitate.

*§. 2. Quam necessarium sit exemplum bonum Ecclesiasticorum
pręcipue Pastorum.*

DE bono exemplo Ecclesiasticorum alibi tractauimus nempe in prima parte huius operis; & multa ad hanc rem facientia reperiuntur passim apud Auctores; ideo breuiter hic agemus de hac materia.

Magnum igitur onus Ecclesiasticis incumbit bonum sui exempli prębendi ceteris, tum propter multas utilitates & sibi & alijs inde emanantes; tum pręsertim ad comprobandum id, quod alios docet; etenim exemplum quamdam occultantissimam & efficaciam imprimit verbis, quibus alios instruimus ita ut & auidius ab auditoribus excipiantur, & firmitus; cordibus inhæreant, & libentius opere compleantur. Vnde *Diuus Bernardus epist. 201. ad Bal. Abbat. admonens quemdam Præsulem aiebat.* [Memento dare voci tuę vocem virtutis ut opera tua verbis concinant, immo verba operibus, ut cures videlicet prius facere, quàm docere. Alioquin subsannabit te sapiens, utpote pigrum illum, cui labor sit manum porrigere ad os. Arguet & te Apostolus dicens. Tu qui alios doces te ipsum non doces. *¶ Et Alibi.* Sermo vicius & efficax exemplum est operis faciens suadibile quòd dicitur, dum monstratur factibile quòd suadetur.]

Sanctus Gregorius Nazianzenus suo graui eloquio commendans illum nunquam satis commendatum suum socium sanctum Basilium sic inquit *Tonitruum erat oratio tua à Basile, & fulgur vita. Doctrinam facit similem tonitruo, & vitę exemplum*

plum comparat fulguri. Et quidem meritò quia quemadmodum fulgur præcedit tonitruum, sic in viro Ecclesiastico & præcipuè in Pastore & Rectore Animarum exemplum vitæ præcedere debet sermonem quem dicit, & doctrinam quam docet: Et sicut à fulgure splendor, à tonitruo autem fragor egreditur: ita bonum vitæ exemplum actus splendescere facit; doctrina autem auribus & cordibus intonat auditorum: Pariter sicut fulgur excitat homines ad tonitruum audiendum; ita vitæ exemplum excitat homines ad doctrinam Pastoris libentius excipiendam.

Bonitas & scientia sunt quodammodo duo pedes, quibus Ecclesiasticus Pastor antecedere debet suum gregem, eumque ad æternitatis pascua ducere. Altero illorum deficiente non benè gradietur; nam scientia sine bonitate degenerat in malitiam: bonitas autem sine scientia sapit insipientiam. Hoc perpendens deuotus Bernardus super verba Euangelistæ Ioannis in laudem Diui Ioannis Baptistæ prolata scilicet (*ille erat lucerna lucens & ardens*) sic dicit. *Lucere minus est, ardere parum, lucere & ardere perfectum.*

Quapropter debet Ecclesiasticus Pastor præcedere suum gregem exemplo vitæ, ut quemadmodum excedit dignitate & gradu, ita vitæ bonitate, virtutibus & doctrina suum populum antecellat. Quod utique fuit nobis ostensum in præcepto illo à Deo Sacerdotibus imposito in testamento veteri, quo illis præcipiebatur ut ferentes arcam fæderis præcederent populum, isque sequeretur, sed tanto inter Sacerdotes & populum intervalllo, ut duo millia cubitorum spatio distarent ab invicem; Volens Deus per hoc docere nos (ut explicat Origenes hom. 9. in 3. Ios.) quantum distare debeat, & quantum antecellere debeat vita Pastoris vitam gregis. Quod etiam egregiè protulit illud exemplar Pastorum Gregorius Magnus sic inquit. *Tantum debet actionem populi actio transcendere Presulis, quantum astitit solet à grege vi-*

ta Pastoris. Esset hic addendum quot mala secum afferat malum vitæ exemplum Sacerdotum præcipuè Pastorum. Sed breuitatis gratia omitto; præsertim cum de hoc alibi egerimus. Satis etiam benè hæc adducit auctor quidam qui composuit Monita pro Rectoribus animarum par. 1. tit. 2. cap. 2. liber inscribitur. *Auvertimenti per l'Vfficio del Rettore Curato.*

S. 3. *Quanti facere debeat Ecclesiasticus suam bonam famam.*

Famam, quæ est bona & præclara existimatio apud alios, quilibet Ecclesiasticus debet & habere, & conseruare, & augere; immo cauere ne amittat. *Opôrret autem* ait Apostolus. 1. Timot. 3. *& illud testimonium (bonæ vitæ) habere ab illis qui fæci sunt* (ab ipsis Ethnicis ne illi pristina approbent peccata) *ut non in opprobrium (infamiam) incidat* (fiatq; commune probum) *& in laqueum Diaboli* (ut illius ignominia quasi laqueo Diabolus partim fideles partim infideles irretiat, eosq; & à Sacerdote, & à Religione auertat).

De hac famæ integritate sollicitè tuenda præclarissimè philosophatur S. Augustinus multis in locis sed præcipuè serm. 49. de diuinis, qui est primus de communi vita Clericorum, & habetur 12. 7. 1. cap. 10. Nolo. [Vobiscum, inquit, hic viuimus, & propter vos viuimus; & intentio votumque nostrum est ut apud Christum vobiscum sine fine viuamus. Credo autem ante oculos vestros esse conuersationem nostram; ut & nos dicere fortassis audeamus, quamuis illi multum impares qui dixit Imitatores mei estote sicut & ego Christi. Et ideò nolo ut aliquis de nobis inueniat malè viuendi occasionem. Prouidemus enim bona, ut ait idem Apostolus, non solum coram Deo; sed etiam coram hominibus. Propter nos, cōscientia nostra sufficit nobis: propter vos fama nostra non polluit, sed pollere debet in vobis. Tenete quod dixi, atque distinguite. Dux res sunt Conscientia & fama. Conscientia tibi.

Fama

Fama proximo tuo. Qui fidens conscientiae suae negligit famam suam, crudelis est: maximè in loco isto positus, de quo dicit Apostolus scribens ad discipulum suum Titum. Circa omnes teipsum bonorum operum præbe exemplum: nostis omnes, aut pænè omnes sic nos viuere in ea domo, quæ dicitur domus Episcopi; ut quantum possumus imitemur nos Sanctos, de quibus loquitur liber Actuum Apostolorum. Nemo dicebat aliquid proprium, sed erant illis omnia communia.]

Verè & disertè pro suo ingenio *Beatus Hieronymus Epist. I. ad Ageruchiam cap. 5.* [Si Timotheo, inquit, dicitur adolescentiores viduas deuita. & iterum ama anus ut matres, adolescentulas ut sorores cum omni castitate: quare tu me com-
monentem non audias? Fuge personas, in quibus potest malæ conuersationis esse suspicio: nec paratum habeas illud è triuio. Sufficit mihi conscientia mea; non curo quid de me loquantur homines. Et certè Apostolus prouidebat bona non tantum coràm Deo sed etiam coram hominibus; ne per illud nomen Dei blasphemaretur in gentibus.]

Itaq; sic nos existimat homo (quilibet) ut ministros Christi, & dispensatores mysteriorum Dei (hoc est arcanae & diuinæ doctrinae ac Sacramentorum Christi.) Et in omnibus exhibeamus nosmetipsos sicut Dei ministros in multa patiëntia. Profectò qui de sustentatione, de diuitijs solliciti sunt, multò magis pro fama laborare debent; siquidem *Melius est nomen bonum quàm diuitia multa, super argentum & aurum, gratia bona.* Docet Salomon præclaram famam longè antepōndam opibus; & gratiositatem ac amabilitatem apud Deum, & homines plurimùm præstare thesauris: hæc enim bona utilia sunt, illa verò honesta; honestas autem utilitati præponde-
rat. Plautus.

Ego si bonam famam seruare, sat ero diues.

Et salutare monitum est.

Om-

Omnia si perdas, famam servare memento

Qua semel amissa, postea nullus eris.

Et illud Ecclesiastici 41. *Curam habe de bono nomine; hoc enim magis permanebit tibi, quam mille thesauri pretiosi; & magni. Famam, & virtutis celebritatem in omnibus Ecclesiasticis exquirat Sac. Trid. Synodus etiam in Episcopis & purpuratis Principibus, dum sess. 25. cap. 1. de Reform. sic ait. [Optandum. ut ij, qui Episcopale ministerium suscipiunt, quæ suæ sint partes agnoscant; ac se non ad propria commoda non ad divitias aut luxum; sed ad labores & sollicitudines pro Dei gloria vocatos esse intelligant; nec enim dubitandum est & fideles reliquos ad religionem, innocentiamque facilius inflammandos si Præpositos suos viderint non ea, quæ mundi sunt, sed animarum salutem, ac celestem patriam cogitantes. Hæc cum ad restituendam Ecclesiasticam disciplinam præcipua esse Sancta Synodus animadvertat; admonet Episcopos omnes, ut secum ea sæpè meditantes, tactis etiam ipsis ac vitæ actionibus, quod est veluti perpetuum quoddam prædicandi genus se muneri suo conformes ostendant; in primis verò ita mores suos componant, ut reliqui ab eis frugalitatis, modestiæ continentiæ, ac quæ nos tantopere commendat Deo, sanctæ humilitatis exempla petere possint. Quapropter, exemplo Patrum nostrorum in Concilio Carthaginensi non solum iubet ut Episcopi modesta suppellectili & mensa, ac frugali victu contenti sint; verum etiam in reliquo vitæ genere ac tota eius domo caueant ne quid appareret quod à Sancto hoc instituto sit alienum; quodq; non simplicitatem, Dei zelum, ac vanitatis contemptum præferat. Quæ verò de Episcopis dicta sunt, eadem non solum in quibuscunq; beneficia Ecclesiastica tam secularia quam regularia obtinentibus pro gradus sui conditione observari sed & ad Sanctæ Romanæ Ecclesiæ Cardinales pertinere decrevit.]*

O utinam hoc Sanctum decretum ab omnibus Ecclesiasticis

cis

cis tam secularibus, quam regularibus executioni demandaretur.

DISTINCTIO TERTIA.

De Disciplina servanda circa Loca, Res, & Actiones Ecclesiasticas.

OMnia vestra cum ordine fiant, *inquit Apostolus.* Cum igitur in prima huius libri distinctione egerimus de Disciplina Ecclesiasticorum circa Personam propriam; & in secunda tractatum sit de Disciplina circa Alios; superest ut pro completa huius re tractatione agamus de Disciplina Ecclesiasticorum circa Loca, Res, & Actiones Ecclesiasticas: sic enim monitum Apostolicum quantum fieri potest Deo dante adimplere conabimur. Porro loca sunt Templum seu Ecclesia, Sacristia, Chorus, Altaria, Sacella, Sacrarium, Baptisterium, Cæmeterium seu Sepulchra mortuorum. Rerum autem Aliæ pertinent immediatè ad Sacrosanctum Missæ Sacrificium, ut Calix, Patena, Corporale &c. Aliæ mediare ut vestimenta Sacerdotalia, & ornamenta Altarium. Aliæ remotè ut Reliquiæ, Imagines, Organa, Campanæ &c. Actiones verò Ecclesiasticæ frequentiores sunt Celebrare Sacrum, Recitare Officium, Administrare Sacramenta, Benedicere populo. De his igitur omnibus per duodecim capita agemus. Itaq; Caput. 1. erit de Templis. 2. de Altaribus. 3. de Cappellis, Choro, Sacristia, Sacrario. 4. de Baptisterio, Cæmeterio, & Sepulchris mortuorum. 5. de Calicibus, Patenis, Corporalibus. 6. de Purificatorijs, Velis pro Calicibus, Ampullis alijsq; pro Missa. 7. de vestibus sacris Ecclesiasticorū. 8. de Reliquijs, Imaginibus &c. 9. de Celebratione Missæ. 10. de Recitatione officijs. 11. de Admi-

nistracione Sacramentorum. 12. de Benedictionibus. Et per
hæc remanebit absoluta præfens Secunda pars nostri Spec-
culi Ecclesiastici.

C A P V T I.

De Disciplina seruanda circa Templum seu Ecclesias.

VT disciplina circa templa vberius tradatur opera
pretium erit videre. 1. quid significet Templum
& Ecclesia; & de varijs illorum nominibus. 2. de
ratione construendi Ecclesias. 3. de fine illarum. 4. de
reuerentia illis adhibenda. 5. de penis eorum, qui templa
prophanarunt.

*S. 1. Quid significet Templum, & Ecclesia, & de varijs
illorum acceptionibus.*

HÆc nomina *Templum* & *Ecclesia* idem planè significant,
nempè *Ædem Sacram*, in quam fideles conuenire so-
lent ad orandum ad verbum Dei audiendum, & ad diuina
percipiendâ mysteria. Vel breuius. *Templum*, seu *Ecclesia* est lo-
cus cultus Dei dicatus. Nomen *Templi* fuit etiam ab ethnicis
vsurpatum ad significanda loca, in quibus eorum falsis Dijs
cultum exhibebant: Vnde *Diuus Hieronymus* ait [*Ecclesias*
Christianorum conuersas in templa à Iuliano.] Sed impro-
priè talia Gentilium loca appellabantur templa: etenim cum
illi errarent in oratione veri Dei, ita etiam in nuncupatio-
ne loci falso illorum cultui deputati.

Præter nomen *Templi* commune ædibus tam sacris vero
Deo dicatis, quam prophanis deputatis falsis Dijs seu Ido-
lis vt supra diximus, & colligitur & sacris litteris, in quibus

ap-

appellatur Templum tam illa ædes magnificentissimè à Salomone extructa Hierosolimis in honorem veri Dei, quam ædes Idoli Dagon Philistinorum: præter, inquam, nomen Templi sunt alia nomina idem significantia vt *Fanum*, *Delubrum*, quibus nominibus Historici; imò ipsa sacra pagina vocat templa Idolorum. Sic Isaias. *Qui in delubris idolorum dormiunt.* Et Ieremias. *Succendit ignem in delubris Deorum Aegypti.* Et Reg. 3. *Edificauit Salomon fanum Chamos Idolo Moab.* Verùm hæc nomina *Fani* & *Delubri* non inueniuntur apud Sacros Auctores attributa ædibus sacris; vt notat Baronius, quemadmodum attributa inueniuntur sequentia, nimirum *Damus*, *Dominicum*, *Martyrium*, *Basilica*. De Domo dicitur. *Edificauit Salomon domum nomini Domini.* & Item. *Domus mea Domus orationis est.* Nomen *Dominici* usurpatum à Concilio Laodicensi & à Sancto Cypriano inuenitur, quasi Domini locus. *Martyrium*, quia in ædibus sacris erant sepulchra martyrum. *Basilica*, idest domus Regis: basilicæ enim (quod est nomen græcum) antiquitus dicebantur palatia Regum; ædes autem sacre sunt domus Regis Regum Iesu Christi Domini Nostri; verùm hoc nomen aptatur ædibus sacris insignioribus, & antiquioribus; fortè quia vt plurimum sunt extructæ ad instar Basilicarum, quæ Romæ extabant antiquitus; erant enim illæ Basilicæ Porticus quædam multis columnis sustentatæ in foris, quò confluebant negotiatores causa negotiorum, cæteri; se in illas recipiebant ad declinandam pluuiam, solis ardorem, omnemque aeris intemperiem; vt scribit Vitruuius. Sed nomen frequentius usurpatum apud Christi fideles est *Ecclesia*. Hoc nomen est Græcum, & idem est *Ecclesia* græcè, ac latinè *Concio*. Erat autem *Concio* apud Athenienses *Conuentus* seu *Congregatio* Civium Vniuersorum. Vnde apud nos idem est *Ecclesia*, ac *Congregatio* Fidelium. Sic in psalmis. *In medio Ecclesie laudabo te.* Et Diuus Paulus de se. *Quoniam persecutus sum Ecclesiam Dei.* Et Salua-

tor dixit Petro. *Super hanc petram edificabo Ecclesiam meam.* Translatum est autem hoc nomen deinde ad significandam ipsa loca sacra, in quibus congregantur ipsi fideles, accipiendo continens pro contento. Sic apud Iudith. *Omnis populus per totam noctem intra Ecclesiam orauerunt petentes auxilium à Deo.* Et Dilius Paulus. *Conuenientibus vobis in Ecclesiam audio scissuras esse inter vos.* & alibi. *Mulieres in Ecclesijs taceant.* & alibi sapius. Hoc nomine nunc vocantur communiter ædes sacra.

Cæterum vt redeamus ad nomen *Templi* relictis varijs illius ethimologijs, quas videre est apud *Stephanum Durandum de Ritibus Ecclesiasticis*, variè hoc nomen accipitur, & multiplices habet significationes tùm litterales tùm mysticas iuxtà quadruplicè sacrae scripturae sensum, videlicet Litteralem, Allegoricum, Anagogicum, Tropologicum.

Litteraliter Templum significat. 1. Tabernaculum, vbi ante constructionem templi Hierosolomitani Israelitæ adorabant Maiestatem veri Numinis, ibiq; Sacrificia offerebant. Iuxtà hunc sensum intelliguntur illa verba Davidis: *Adorabo ad templum sanctum tuum &c.* & illa. 1. Regum *Ascenderunt ad templum &c.* Samuel autem dormiebat in templo &c. quæ loca intelligi non possunt nisi de Tabernaculo à Moise iussu Dei fabricato. 2. significat augustissimum illud & toto orbe celeberrimum ædificium à Salomone Rege Hierosolymis in Dei honorem extructum, quod antonomasticè vocabatur Templum, de quo sæpè fit mentio in sacris literis, præsertim in 3. Regum & 2. Paralipomenom.

Allegoricè significat Corpus Domini Nostri Iesu Christi tùm verum, tùm mysticum. De Vero dicitur Ioan. 2. *Soluite templum hoc, & in tribus diebus excitabo illud.* Vbi Euangelista ait. Ille autem dicebat de Templo Corporis sui. De Mystico, quod est Ecclesia, loquitur Propheta Zaccharias cap. 6. vbi prophetat, & prædicat Messiam extructurum tēplum Deo. Quod

planè est Ecclesia Sancta Diuinæ Maiestati dicata, totaq; diuino cultui mancipata. Sic explicant omnes Sancti Doctores, præsertim *Origenes, Sancti Hieronymus, & Augustinus.*

Anagogicè significat Ecclesiam triumphantem, ipsumq; Cælum empireum, qui est locus Beatorum gloriæ deputatus. *Diuus Gregorius, & Angelicus Doctor.* Hinc in Apocalypsi de Sanctis illis, qui induti vestimētis albis, deseruiunt Deo die ac nocte in templo, dicitur. *Dominus in templo sancto suo, Dominus in Cælo sedes eius. & in psalmis Exaudivit Dominus de templo Sancto suo vocem meam &c.*

Tropologicè, vel vt alij dicunt Moraliter, significat Animam rationalem fidelem Deo caram atq; dilectam, iuxta illud Apostoli ad Corinthios. 1. *Templum Dei estis vos.* Quod iterum repetit ad Corinthios. 2. Et quidem meritò Anima iusti vocatur templum Spiritus Sancti, quia inhabitat in illa non solum per sua dona; sed personaliter vt idem Apostolus asserit ad Romanos illis verbis. *Charitas Dei diffusa est in cordibus nostris per Spiritum Sanctum qui datus est nobis.* Et clariùs ipsemet Dominus Noster in Euāgelio Ioannis. 24. *Apud vos manebit, & in vobis erit.* Et ne putemus hanc promissionem in solis Apostolis fuisse adimpleram die Pentecostes, exprefus idem Dominus de omnibus sua mandata seruātib; ait. *Si quis diligit me sermonem meum seruabit, & Pater meus diliget eum, & ad eum veniemus & mansionem apud eum faciemus.* Quapropter meminir Palladius de quodam Sancto Anachoreta, qui vbicunq; alicui religioso, vel alicui probi viro occurrebat, humiliter illum reuerabatur tanquam vicinū templum Domini.

S. 2. De ratione Construer. de Ecclesiis.

Instructio edificandæ Ecclesiæ latè fuit tradita à S. Carolo, & habetur in *Actis Ecclesiæ Mediolanensis.* Hic qua-

dam generalia tantummodo adnotabimus, quæ magis ad nostrum faciunt institutum.

Igitur quod spectat ad constructionem Templorum seu Ecclesiarum; quædã per sacros Canones expressè circa hoc decernuntur. Nempè.

Primò. Ne extruantur Ecclesiæ nisi cum licentia Episcoporum, in quorum diæcesibus sunt loca, in quibus construendæ sunt: Et hoc intelligitur tam de numero Ecclesiarum, quàm de situ, ut scilicet sint commodæ populis; quàm etiam de amplitudine, ut sint capaces multitudinis incolarum habitatione locorum.

Secundò. Ne Ecclesiæ nouiter extruendæ præiudicium inferant iam extructis.

Tertiò. Ut ipsa loca, vbi sunt Ecclesiæ construendæ, prius ab Episcopis, aut ab alijs de ipsorum mandato visitentur, & benè inspiciantur.

Quartò. Ut in loco, in quo futura est Ecclesia, habitis prius ab Episcopo precibus Crux in terra plantetur. Quod seruatum semper fuit, ut scribit Metaphrastes; ab Episcopis Sanctorum rituum Zelatoribus. Vnde in cap. *Nemo de consecr. dist. 1. dicitur*. Nemo Ecclesiam ædificet antequam Episcopus veniat, & ibidem Crucem figat.

Quantum ad formam seu figuram, quamuis nō extet Idea seu exemplar aliquod determinatum, ad cuius normam debeant construi; tria tamen è sacris scriptoribus colliguntur fuisse omni tempore seruata.

Primum. Quòd priscis temporibus Ecclesiæ insigniores tribus partibus constabant. 1. vocabatur *Atrium*, & erat veluti Porticus, quæ pluribus columnis fulciebatur. Hac pars deserviebat præcipuè Cathecumenis antequam introducerentur in Ecclesias ad fontem baptismatis. Item pauperibus ne per Ecclesias vagarentur; atq; interim à sole, pluvia, aerisque iniurijs se defenderent. Item publicis

pæ-

penitentibus, quibus ingressus in ecclesiam erat interdictus. 2. pars erat *Corpus Ecclesie*, intra quam conueniebant fideles ad orandum, & exercendam diuinum Cultum. Et hec pars vocabatur propriè *Templum*, vt scribit Sanctus Maximus; & à Romanis fuit dicta *Cella*, postea *Nauis*. 3. pars erat *Altare maius*, seu *Cappella maior*, vbi diuina vt plurimum agebantur præsertim ab Episcopis; ibiq; asservabatur Sanctissimum Sacramentum; quam ob causam dicta fuit etiam *Sacrarium* seu *Sanctuarium*. Erat hæc pars eleuata aliquantulū super alias per gradus aliquot, vbi Clerus psallebat, ad quam non patebat aditus laicis, nec infimis Ecclesie ministris. Ad quam Sanctus Ambrosius nec ipsum Imperatorem Theodosium ingredi passus est.

Secundum. Quod illa pars interior dicta *Corpus Ecclesie*, & *Nauis*. Longior, latior, & amplior extruebatur ex ipsorum Apostolorum præscripto, vt scribit Clemens Romanus in Cōstitutionibus Apostolicis. Cur autē Ecclesie in figuram *Nauis* construantur triplex ratio cōmuniter affertur. 1. *Secundum Gregorium*: Quia inquit sūt celestibus onustæ thesauris, diuinisq; mercibus refertæ, qualia sunt sancta Sacramenta, Indulgentiæ, diuini verbi prædicatio, & similia, quibus fideles Dei gratiam, virtutes, & dona, ac postmodum Cælorum gloriam assequuntur. 2. *Secundum Hieronymum*: Quia inquit Ecclesia figurā gerit Arce Noe; & sicut in illa salutæ factæ sunt ab Vniuersali diluuiio ille paucæ Animæ nempe Noe & filiorum eius cum vxoribus ipsorū: ita fideles saluantur ab inferis per auxilia, quæ in Ecclesijs recipiunt. 3. *Secundum Ambrosium*: quia inquit mediātibus Ecclesijs tāquā nauibus facile transfretamus mare huius seculi, & vitæ huius tempestates superamus: nec non eleuamur super omnia creata tanquam super aquas, dum sumus in hoc fragili corpusculo: iuxta illud Apostoli. *Nostra autem Conuersatio in Cælis est.*

1. Tertium. Quod ex quatuor Ecclesie lateribus, quæ qua-

tuor

tuor mundi plagis respondent, scilicet Orienti, Occidenti, Austro, & Septentrioni, latus illud in quod fideles orandi causa faciem vertunt, respicere debeat Oriens: (Hoc tamen dictum intelligitur, modò commodè fieri possit habitatione situs ipsius Ecclesiæ) Rationem reddit *Tertullianus*, inquit ab Oriente venit suavissima illa aura, quæ Pentecostes die perflavit in Collegium Apostolicum] *Iustinus* ait; id fieri quia orientis pars est reliquarum orbis partium nobilissima: ideo ad illam debet esse adoratio, quæ inter actus Religionis est excellētiior. *Gregorius Nissenus* sensit paradysum terrestrem fuisse in eadem orientali plaga; ideo convertimur orando ad illam quasi suspirantes ad illam pristinam innocentiam, in qua noster protoparens conditus fuit. *Cosmodorus* addit, quia Christus Crucifixus est conversus ad occidentem; ideo nos vertimur ad orientem orando, tãquam benignissimam illius faciem intuentes. Alias rationes huius praxis orandi publicè in Ecclesijs afferunt alij auctores, quas passim inuenire est apud eos, qui agunt de Ritibus Ecclesiasticis cæterum hæc pars esse eminentior, ibiq; adesse solet altare maius.

§. 3. De Fine construendi Ecclesias.

Quamuis Deus ubiq; coli possit & debeat, quia ubique est: nihilominus sine illius maiestatis imminutione; immo cum maxima sui nominis honorificatione in Ecclesijs præcipuo ac peculiari quodam cultu adoratur & colitur. Hoc ipse in lege veteri mandavit. Hoc Sanctissimi Dei viri verbo & exemplo docuerunt. Commendatur Centurio quod Iudæis synagogam extruxerit; quantò est commendatior, inquit D. Ambrosius, qui edificauit Ecclesiam? Hic est itaq; finis construendi Ecclesias; Cultus scilicet Diuinus, qui varias sacras actiones complectitur; omnes tamen à Sacris Theologis ad quatuor præcipua capita reducuntur; Er-
sunt

sunt hæc Offerre sacrificium. Conferre & suscipere Sacramenta. Effundere preces. Et verbū Dei prædicare, & audire.

Primum igitur, cuius gratia Ecclesiæ eriguntur, est, ut in illis Sacrificium Divinæ Maiestati offeratur, quæ actio est præstantissima reliquarum omnium ad adorationē spectantium peculiariter Deo debita ut explicat *Sac. Conc. Trid.* & doceant communiter Doctores. Et quamvis templa erigantur aliquando in honorem & sub inuocatione Sanctorum: nihil hoc tamen obstat, quin præcipuè dicantur erigi in cultum diuinum; nam Sacrificium Missæ, quod in illis offertur (est autem corpus & sanguis pretiosus Domini Nostri Iesu Christi) soli Deo debetur, eiq; offertur: est enim oblatio Sacrificij actio protestatiua supremi dominij super omnia competentis illi personæ cui offertur; hoc autem supremum super omnia dominium, & suprema excellentia nulli alteri convenit nisi Deo.

Secundū est administratio & susceptio sacramentorū, (excepta extrema unctione) cuius nihilominus materia nempe oleū sanctū in Ecclesijs asservatur, in eisq; benedicitur & consecratur ab Episcopis) Sacramenta igitur administrantur & suscipiuntur in Ecclesijs secundū Ecclesiasticos ritus: Et si quando extrā Ecclesiam id præstatur, hoc fit ex magna & rationabili causa; & nihilominus semper eum dependentia & subordinatione ad Ecclesiam, siue propter materiam dictorum Sacramentorū, ut accidit de aqua in Baptismate; Sacro Crismate in Confirmatione; & oleo sancto in Extrema Unctione: Siue propter benedictionem ut accidit in Matrimonio iuxta decretum *Sac. Conc. Trid.* Siue saltem propter licentiam Episcopi in vrgenti causa, ut est de Sacramento Eucharistiæ; quamvis hoc nunquam conficiatur absq; altari saltem portatili consecrato ad præscriptum Bonifacij Octavi. Hæc tamen necessitates aut causæ rationabiles à Sancta Ecclesia approbatæ non derogant huic fini quem dicimus.

Ter

Tertium est Publica oratio præsertim ea, quæ nondum in templis & Ecclesijs ordinariè haberi solet. Vnde Rex Salomon assererebat magnificentissimū illud Templū à se ad hunc finem fuisse extructum, ut scilicet orationes ibi effusæ exaudiretur à Deo. *Quicumq; inquit, orauerit in loco isto exaudi de excelsis habitaculo tuo, & propitiare.* Quod Diuina Maiestas paulò deinde ei promisit dicens. *Audiui orationem tuam & elegi locum istum mihi in domum sacrificij. Si populus meus deprecatus me fuerit ego exaudiam de Cælo, & propitius ero peccatis eorū; oculi quoq; mei erunt aperti & aures meæ erectæ ad orationem eius qui in loco isto orauerit.* Hinc Anna mater Samuelis accessit ad Tabernaculum ut exaudiretur. Et Daniel dum captiuus detineretur Babilone, cum non posset amplius ingredi Templum iam à Caldæis exustum, & dirutum, conuertebat saltem faciem suam versus illud, sicq; suas ad Deum preces humillimè effundebat. Et de pia illa femina Anna filia Fanuel scribit Sanctus Lucas quòd nō discedebat à templo ieiunijs & obsecrationibus seruiens nocte ac die. Et de Sanctis Apostolis Petro & Ioanne legimus in Actis Apostolorum quòd ascenderunt in Templum ad horam orationis nonam. Quapropter ab Isaia; imò ab eodem Christo Domino Ecclesia seu Templum vocatur Domus orationis. *Domus mea, inquit, domus orationis est.* Et quamuis vbique orare possimus, ut initio diximus, nullibi tamen decentius, quàm in Ecclesijs quando commoditas sese offert; sunt enim loca ad hoc specialiter deputata.

Quartum est, Diuini verbi prædicatio: ad hanc enim pariter institutæ sunt ecclesiæ: quod suo exemplo docuit ipse met Dominus Noster Iesus Christus, qui frequentius docebat & prædicabat in Templo. Vnde apud Matthæum habetur. *Quotidie sedebam apud vos docens in templo.* Et apud Ioannem. *Ego semper docui in synagoga & in Templo.* De Sanctis Apostolis Paulo & Barnaba idem legimus, quòd euntes ad euangelizandum in diuersas regiones ingrediebantur in Sy-

na.

nagogas, & Conuentus virorum ac mulierum ad iustar oratoris disputabant de lege. Et de priscis illis fidelibus scribunt *Tertullianus, Iustinus Martyr, Eusebius & alij*, quod conuenientes ad Synaxim idest ad Missę celebrationem in iisdē locis verbum Dei audiebant, & Sacramenta percipiebant. Valdē igitur rationi congruit, vt Diuini verbi prædicatio in Ecclesijs peragatur, cum hoc sit opus præstantissimum, immo necessarium pro fidei Catholicę conseruatione, & pro legis Euangelicę, Christianęq; obseruantia.

S. 4. De Reuerentia & Deuotione Ecclesijs debita.

CVM in Ecclesijs Dei Cultus singulariter exerceatur, ibiq; ipsemet Deus singulari modo resideat, quis non videat quanta reuerentia, deuotio, & Sanctitas dictis locis debeatur? Hinc Regius Propheta ait. *Domum tuam Domine decet sanctitudo.* Bene quis putaret determinatis solum temporibus hanc exquiri, puta diebus Quadragesimę, Aduentus & similibus(si fortē tunc præsto est, quod vtinam ita se habeat) ideo subdit idem *In longitudinem dierum.* Hęc igitur sanctitudo quatuor præcipuē postulat, nempe. 1. Cordis munditiā a peccatis. 2. Suimet ipsius humilem cognitionem. 3. Rectam intentionem accedendi ad Ecclesiam. 4. deniq; Corporis, totiusq; exterioris hominis compositionem. Et quidē Primò. Quod attinet ad Cordis munditiā Quisquis Ecclesiam ingreditur consciētia habere debet ab omni peccatorum labe purgatam; tum quia oculi Domini in isto loco specialiter sunt aperti iuxta illud. 3. Reg. *Oculi mei erunt aperti ad orationem eius qui in loco isto orauerit.* Vnde ingredientes a se remonere debēt quicquid oculis Domini displicere posset: tum quia ad Ecclesiam fit accessus vt laudes & grates omnipotenti Deo reddantur; hoc autem munus solos decet iustos & sanctos iuxta illud Propheta. *Rectos decet collaudatio.*

Hinc idem Propheta inquirens quid sint ij, qui dignè versentur in templis: & loquens ad Dominum illis verbis, *Domine quis habitabit in tabernaculo tuo, aut quis requiescet in monte sancto tuo?* Respondet dicens. *Innocens manibus & mundo Corde.* Hoc perpendens eximius ille Ecclesiæ Doctor, & sanctitatis speculum Hieronymus Sanctus scribens cōtra Vigilantium ait se vix ausum fuisse Ecclesiam ingredi si forte aliqua iræ perturbatione, aut cogitatione illicita, aut illusione nocturna se reum esse cognouisset. *Quando iratus fuero, inquit, & aliquid mali in animo cogitauero, & me nocturnum phantasma deluserit, basilicas introire non audeo, ita totus corpore & animo contremisco.* Nec mirum id alicui videri debet: nam si terrenorum Principum cubicularij & aulici non audent coram suis Dominis immundi & sordidi aut incomptis vestibus apparere, quis coram Rege Regum, & Domino Dominantium immundus peccatorū sordibus audebit assistere? Heu quàm verum est illud. *Prudēiores sunt filij huius seculi filijs lucis.* Diuus Ioannes Chrysostomus optabat ut Christi fideles ea saltem sollicitudine munditiem cordis & animæ in templo curarent, qua mundani curant vestimentorum & Corporis compositionem. *Multi, inquit, audent quomodo lotis manibus & vestibus candidis induti in Ecclesiam ingrediantur; quomodo autem animam aut mentem suam putam afferant nullam curam habent: hoc dico non quia lauare manus aut os prohibeam sed quia non aqua solum lauare os velim, sed etiam, ut aquius est, omni virtute.* Vult itaq; iste sanctus ut mundities corporis sit iuncta cum Animæ puritate; sin secus laudes & orationes iniquorū Deo placere nequaquam possunt. *Peccatori autem dixit Deus, inquit Regius Propheta, quare tu enarras iustitias meas, & assumis testamentum meum per eos tuum?*

Ergo, dicet aliquis, teneor tgo confiteri quoties volo accedere ad Ecclesiam si sensero me conscientia alicuius peccati prægrauatum? Respondeo absolutè non teneri; si id feceris

geris, optimè feceris. Nemo tamen audebit in facia teneri nos ingredi Ecclesiā cum dolore delictorum praeceptorum, cum proposito emendationis in futurum; & cum intentione postulandi à Deo veniam pro commissis, eliciendo, quoad fieri potest, actum contritionis. Sic Deus promisit Salomoni se exaudieturum eos, qui in templo pro suis delictis fuissent deprecati. *Si peccauerint, inquit, & conuersi in toto corde suo egerint penitentiam, & deprecati se fuerint tu exaudies de Cælo.* Ratio nostri dicti est; quia solis iustis, & ijs qui toto corde esuriunt iustitiam ianuæ Cælorum atq; Ecclesiarum patere debent; ut inquit David. *Aperue mihi portas iustitiæ, & ingressus in eas confitebor Domino.* Adeò hæc Córdis munditia requiritur in templis, & in accedentibus ad Ecclesias etiā ad oblationes præstandas, ut Vualfridus dixerit. *Fructuà dona & pecunies conportant, qui intus Diuina Maiestatis oculum non placant.*

Secundò. Requiritur humilis suimet cognitio, ad quam nos hortatur Diuus Iacobus his verbis. *Humiliamini in conspectu Domini & exaltabit vos.* Subintellige suis donis & gratijs. Atq; hoc est gratius ac præstātius sacrificium quod nos Deo offerre possimus. *Sacrificium Deo Spiritus contritus, inquit Propheta, cor contritum & humiliatum Deus non despicies.* Tali dolore, ac tali humilitatis veste indutus Publicanus ille ascendit in Templum oraturus, qui & ab ipso Domino meruit cōmendari illis verbis *Descendat hic iustificatus ab illo. id est à Phariseo.* Dolor huiusmodi atq; humilitas hæc oritur à timore quodam reuerentiali erga supremam illam maiestatem, quem timorem ipse Deus suprà quodlibet materiale templum, & suprà omnem cultum exteriorum estimat, quemadmodum Isaias testatur his verbis. *Hæc dicit Dominus: Cælum mihi sedes est: Terra autem scabellum pedum meorum; quæ est illa domus; quam edificabitis mihi, & quis est locus quietis meæ? omnia hæc manus mea fecit; hæc dicit Dominus, ad quem respiciam nisi ad pauperculum, & contritum spiritum, & trementem sermones meos?*

Hoc timore filiali & reuerentiali aiebat Sanctissimus ille Rex & Propheta se adorare suum Deum ac Dominum. *Adorabo, inquit, ad templum Sanctum tuum in timore tuo.*

Tertiò. Necessaria est recta intentio, itant ingrediens Ecclesiam, & diuinis mysterijs, tremendoq; Missæ sacrificio assistens nullam aliam intentionem & finem habeat nisi adorandi & laudandi Deum, gratias illi agendi, eiq; cultum & gloriam exhibendi iuxta illud Psalmi. *In templo eius omnes dicent gloriam.* Procul; procul igitur à viro quocunq; fideli, fines illi prauis accedendi ad Ecclesias causa vel aspiciendi impudicè; vel concupiscendi formosas mulieres & adolescentes; vel sermones vanos cum familiaribus habendi; vel negotia pertractandi; vel proximis detrahendi; vel quid aliud simile contra legem Dei, bonosque mores peragendi. [Audiant, inquit magnus ille Basilus, & subpudescant ij, qui in templo prolixiora intexunt colloquia; qui enim in templo Dei sunt non maledicentiam, non vanitatem, ac de obsecrans rebus disertos sermones pronuntiant; sed in templo eius omnes dicent gloriam.] Benè conquereretur Deus de huiusmodi hominum genere per Isaiam dicens. *Populus hic labijs me honorat, cor autem eorum longè est à me.* Quapropter necesse habemus ingredientes Ecclesiam dirigere Cor in Deum. Si non actualiter saltem virtualiter, id est intentione quadam implicita reddendi debitum cultum omnipotenti Deo; quod tunc sanè præstatur quando quis habet piam quamdam ac deuotam attentionem ad mysteria quæ ibi peraguntur, attendendo aut ad verba quæ proferuntur & audiuntur; aut ad sensum illorum; aut saltem ad finem ipsorum mysteriorum, qui est honor & gloria Dei, & nostræ animæ utilitas. Hinc benè hortatur S. Chrysostomus inquitens *Ecclesias ingressuri, curas omnes deponite.* Alioquin proferre preces labijs tantummodo, erit fundere preces ad auram, atque vt Apostolus inquit ad Corinthios, *In aere loquentes.* Vnde subdit. *Nam si orem*
lin

lingua, mens mea sine fructu est. quare concludit. Quid ergo? orabo spiritu, orabo & mente: psallam spiritu, psallam & mente. Intellige per spiritum flatum seu vocem, sicut etiam intelligitur ille psalmi locus. Et in spiritu oris eius omnis virtus eorum. Et idem Apostolus alibi. Interficiet impium spiritu oris sui. Pro mente verò intelligitur Cor iuxta illud. Et meditatio cordis mei in conspectu tuo semper.

Quartò. Requiritur externa Corporis compositio, quam summopere Deo placere nulli dubium esse potest. Hac enim de causa Deus præcepit Moyse vt solueret calceamenta de pedibus antequam accederet ad locū, vbi sese illi in ardenti rubo ostendebat. *Solve, inquit, calceamenta de pedibus tuis: locus enim in quo stas terra sancta est.* Huiusmodi locus censetur Ecclesia. Hac etiam de causa idem Dominus mandauit Sacerdotibus antiquæ legis ne accederent ad suum sacrum. Altare induiti vestimentis domesticis & frequentioribus; sed ornati byssino mundo & albo. Hac quoque de Causa Sacri Canones multa fidelibus præscribunt ad id facientia.

Gregorius X. in Cont. Lugdunenſi mandat vt modus ingrediendi Ecclesiam sit humilis deuotus, quietus, ac venerabundus itaut placeat Deo, & ædificet proximos. Præcipue mandat vt deuotè inclinēt se diuino ac dulcissimo nomini Iesus. Hac sūt verba Canonis. [Sit tanta hac modestia corporis externa, quanta decet loci Sanctitatem, & Maiestatem eius, qui inhabitat; & finem intētum ab ingredientibus qui est venerari Deum, ei;q; inseruire. Sit itaq; in Ecclesijs humilis & deuotus ingressus. Sit in ea deuota conuersatio, Deo grata, aspicientibus placita, quæ considerantes non solum instruat, sed & reficiat conuenientes ibidem. Nomen illud quod est super omne nomen, videlicet IESV, exhibitione reuerentiæ specialis attollant, flectant genua cordis sui, quod vel capitis inclinatione testantur: attendantur in locis eisdem intētis præcordijs sacra solemnia: deuotis orationibus insistatur.]

Pius

Pius huius nominis Quintus Sanctissimus Pontifex post prædictorum confirmationem statuit insuper [Ne ullo pacto fideles terga vertant Sanctissimo Sacramento; aut indecenter in Ecclesijs conversentur; sed ingredientes in templum ad terram prostrati & flexis genibus Divinum Nomen adorent agnoscentes suum Conditorem, Conseruatorem, Gubernatorem, Principium & finem omnium rerum, summum atque ultimum bonum.] Hac adoratione latræ peracta, soli Deo debita, debent fideles venerari Sanctissimam Dei genitricem Mariam, ac Sanctos titulares, & tutelares Ecclesiæ rogando illos tãquam mediatores pro obtinendis gratijs quas à Deo expolcimus, præcipuè pro venia peccatorum; pro emendatione vitæ; pro obseruantia diuinæ legis; pro necessitatibus publicis Sanctæ Ecclesiæ; pro pace & vera concordia inter Principes Christianos; denique pro necessitatibus priuatarum proprijs, tum consanguineorum & amicorum cuiuscunque generis, ad honorem tamen & gloriã omnipotentis Dei. Caterum huiusmodi deprecatio fieri potest siue mente solum, siue voce etiam psallendo, aut recitando Orationem Dominicalem, & Salutationem Angelicam similemq; preces à Christo & à Sancta Ecclesia institutas protestantes pariter Sanctam & Catholicam fidem in Symbolo Apostolorum contentam, offerentes etiam suimet sanguinis effusionem pro illius confessione, si casus aliquando eueniret.

Neq; in calce huius .S. prætermittere volo laudabilem illam consuetudinem muniendi se ante omnia signo Crucis contrà diabolicos incursus testando etiam se coràm Deo apparere iunxum meritis infiniti valoris Christi Domini, & Crucis eius. Et alteram consuetudinem sumendi aquam benedictam ad hosce fines nempe. Ut deleantur venialia delicta: Ut Corda mundentur antequam accedamus ad Deum; Ut tali actione testemur nos esse veros Christi fideles sacri baptismatis aqua mundatos, & renatos.

Sec. De Panis violantium sacra Templum.

Apostolus Paulus ad Corinthios scribens ait. *Si quis Templum violauerit disperdet illum Deus.* Hinc Optatus Milerianus asserit peccatum hoc prophanationis sacrorum locorum simile esse peccato eorum, qui Dominum Nostrum Crucifixerunt [quid est, inquit, tam Sacrilegum quam Altaria Dei frangere, radere, & remouere, in quibus vota populi, & membra Christi portata sunt? hoc modo Iudæos estis imitati: illi iniecerunt manus Christo in Crucem; à vobis percussus est in altari. Quapropter quemadmodum illi, sic isti seuerè ab omnipotentis Dei brachio punientur.] Jeremias Propheta ex parte Dei horrendas minas Caldaeis & Babilonijs, eorumque Principi Nabuccodonosor interminat eò quod diripuerint & incenderint Sacrosanctum Domini Templum Hierosolimitanum. *Hæc dicit Dominus, inquit ille, Ecce ego visitabo Regem Babylonis & terram eius. Omnis qui transibit per Babylonem stapebit, & sibilabit super plagas eius. Gladius ad Caldaeos dicit Dominus, & ad habitantes Babylonis, ad Principes, & ad Sapientissimos eius: gladius ad fortes eius qui timebunt: gladius ad equos, & ad currus eius: gladius ad thesauros eius qui diripientur. & siccitas super aquas eius, & arsecent &c.* Quoniam & illo Dominus est, vltimo templi sui. Quæ omnia sicut Propheta prædixit adimpleta sunt, ut patet per uoluentibus sacras historias.

Horrendum est exemplum Antiochi Regis descriptum in libris Machabeorum. Hic enim post prophanationem eiusdem supradicti Templi, & post multas grauesq; iniurias ac cades inflictas sanctioribus de Templi ministris, dum post fugam turpiter arreptam à Perside reuerteretur, miserimè obiit in via; nam contigit illum impetu euntem de curru cadere, & graui corporis collisione membra vexari ita ut humiliatus ad terram in gestatorio portaretur manite nam Dei vir-

icum

tutem in seipso contestans; ac malis crescentibus etiam vermes de illius corpore scaturirent; & viventis in doloribus carnes effluerent; illius etiam & fatore exercitus grauaretur: & qui paulò ante sydera Cæli contingere se posse arbitrabatur, cum nemo poterat propter intolerantiam factoris portare. Tunc verò quasi expergestus agnovit iustam Dei ultionem, & dixit *Reminiscor malorum, quæ feci in Hierusalem.* Et subdit sacer textus. *Orabat autem scelestus ille Dominum, & non est misericordiam consecutus.*

Sic etiam impius Alcimus, ut habetur etiam in libris Machabæorum, cum præcepisset dirui mœnia interioris & sanctoris Templi illicò effectus est mutus ac paralyticus, & vitam finiuit grauib; doloribus diuexatus.

Nec dissimilem vitæ suæ exitum sortitus est immanis ille Ecclesiæ persecutor Diocletianus, qui iusserat omnia Christianorum templa solo coæquari. Hic igitur amens effectus abdicauit se imperio, & vitam priuatam degit ad annum usq; 316. Domini Nostri Iesu Christi, qui annus fuit vndecimus Imperij pijsimi Imperatoris Constantini Magni sic disponente omnia de ut impijsimus ille eousq; vitam protraheret ad hoc ut proprijs oculis cerneret nō depressam sed exaltatam Christianam Religionem; Christianorum templa non disiecta sed erecta, non desolata sed frequentata: & sic adimpleretur quod dictum est per Prophetam. *Peccator videbit & irascetur dentibus suis fremet & tabescet desiderium peccatorum peribit.* Fertur etiam orbatum fuisse lumine oculorum, & continuis cruciatum doloribus per diffusionem intestinorum, & vermium ex ora emissionem, tandem infelicem vitam cum morte infelicioꝝ commutasse.

Patia supplicia experti fuere illi duo impijsimi Iuliani Patruus & Nepos, ille Præses Orientis, hic scelestissimus Imperator sed Apostata: vterq; tamen Ecclesiarum prophana-
tor, destructor, incentor. Patruus igitur, teste Theodoro to,

accr-

acerbissimo laterum dolore correptus, ex ore fetida turpiter euomens excrementa tandem sic afflictus donec effusa per omnes corporis meatus magna sanguinis copia miserrimæ tum temporalis tum æternæ mortis exemplum orbi reliquerit; impænitens enim decessit à vita, nam à religiosa uxore enixè rogatus ut pæniteret, noluit à Deo suorum petere veniam peccatorum. Nepos autem, qui & Apostata, cum esset in castris, & suo stipatus exercitu lancea diuinitus in latere confossus ab ignota manu, in furorem adactus, & doloribus excruciatu agnoscens tamen vlticem omnipotentis manum, miserrimam animam exhalauit. Ferunt proprium sanguinem suis manibus in Cælum proiecisse in impia illa verba erumpentem. *Vicisti tandem vicisti Galilee.* Sic appellabat per contemptum Dominum Nostrum Iesum Christum.

Iustinianus Imperator (non ille qui Pandectæ Iuris orbi protulit sed iunior alter) qui erga Ecclesias tanto fuit sceleratior, quanto alter senior fuerat religiosior. Is igitur cum ad nouum ampliandum palatium Ecclesiam quamdam inuito Patriarcha Gallinico diruisset, sequenti anno à Leontio consulari viro contra ipsum conspiratione facta non solum imperio orbatus, sed naso etiam mutilatus, infelicitè fuit relegatus in Chersonesum *ut scribit Nicephorus.*

Saraceni seu Mauri in Hispanias irrumperes anno circiter 966. Duce Almanfore cum parietes Ecclesiæ S. Iacobi magna ex parte deiecissent terè omnes morbo dysinteriæ ceciderunt. Quapropter admonitus illorum Dux hoc esse diuinum supplicium celerrimè reliquias exercitus ab eo loco retraxit, quo non obstante ipse quoque vitam miserrimè finiuit, *ut scribit Michael Riccius.*

Gaius Duci strenuo sed barbaro, eo quod incendio absumpserit quamdam Sancto Alexandro dicatam Ecclesiam, una ipsa die septem illius filij (totidem enim habebat & non plures) mortem celesterrimam oppetiere, quod adnotarunt *Nicephorus & Eutropius.*

Narrat *Baronius* quòd irrumpentibus Hunnis in Saxoniam, & Ecclesias omnes barbarè deuastantibus, tam validus ventus repentè coortus fuit ac tanto impetu perflauit, vt tegulas femiustas Ecclesiarum attolleret & in ora barbarorum immitteret. Quare fugam arripientes partim præcipientes sese dederunt in flumen, partim in manus hostium illapsi miserimè detruncati fuere.

Amaulphus Angliæ Princeps Ecclesiam quamdam incendens subitanea fuit morte correptus. Vnde pius ac religiosus *Ademundus* eius frater successit in Principatu, & totius Angliæ Rex fuit pronuntiatus.

Gregorius Turonensis narrat de quodam Duce hærenico in Lusatia, qui Ecclesiam in stabulum equorum conuertit. Hic nocte insequenti exclamans vt equi remouerentur ab eo loco adeò furiosus euasit vt proprijs seipsum dentibus discerneret, propriasq; carnes deuoraret donec horribiliter vociferans infelicem animam in Diaboli manus efflaret.

Idem Auctor scribit de quibusdam Regis Francorum *Chilperici* militibus; quòd illorum nonnulli per vim effringentes & incendentes fores Ecclesiæ Sancti Vincentij Martyris ad diripiendum bona Ciuium ibi asseruata, arrepti fuere & oppressi à Dæmonibus. Quapropter alij crudeliter ab hostibus cæsi: alij frigore, fameq; consumpti, omnes postremò miserabiliter periire: immo Rex ipse in proprio palatio fuit conspiratione facta crudeliter iugulatus.

Plurima alia non minus terrifica exempla extant apud Auctores; & refert *Tobias Corona ex nostris in suo opere de Templis sacris par. 1. cap. 41.*

Discant igitur omnes, & præcipuè Ecclesiastici timere Deum, & illius Ecclesias debito prosequi honore & reuerentia. Sciant supremum illud Numen, cuius cultus in Ecclesijs exercetur, dominum esse vitæ, bonorum, honoris, & principatum. Audiant Christum Dei filium & Regem Regum.

gum dicentem. *Quicumq; honorificauerit me glorificabo eum: qui autem contempserint me erunt ignobiles.* Gens enim & Regnum, quod non seruiuerit tibi, peribit. Audiant Paulum clamantem. *Deus non irridetur.* Item *si quis violauerit templum Dei disperdet illum Deus.* Item. *Horrendum est incidere in manus Dei uiuentis.* Et quamuis videatur Deus aliquando dissimulare, non vlisci, nec statim punitionem habere; id tamen ex summa benignitate facit, vt tandem ad penitentiam nos adducat. Ceterum in ipsum non cadit obliuio delictorum. Et verissimum est illud commune proloquium. *Tarditatem suppl. cę, pena grauitate compensat.* Ad instar planè illius, qui percussurus eleuando toto conatu brachium quamuis ictum retardare videatur, grauius tamen per hoc percutit & vulnerat. Hinc Poeta cecinit.

Discite iustitiam moniti, & non temnere Deos.

C A P V T II.

De Disciplina circa Sacra Altaria.

Quia Tempia instituta sunt ad cultum diuinum habendum, qui maximè perficitur per Sanctissimum Missæ Sacrificium; hoc autem non perficitur absq; Altari: ideo post considerationem Templorum seu Ecclesiarum consequens est vt agamus de Altaribus tanquam de præcipuo Ecclesiarum sine. Videndum igitur. Primo. Quid sit Altare; vnde dicatur & de varijs significationibus. 2. Quot genera altarium reperiuntur. 3. Qui ritus seruari debent circa altaria; & quæ disciplina.

Sup. Quid sit Altare, vnde dicatur, & de varijs significationibus,

Altare est locus, super quo offertur sacrificium omnis potenti Deo, dictum ab altitudine eo quod antiqui

Dijs superis sacra faciebāt in ædificijs à terra eleuatis. Vñus altaris est antiquissimus; quia non solum fuit præscriptus à Deo Moyfi vna cum ritu illius consecrationis vt apparet legentibus sacram scripturam in libris *Exodi, Leuitici, & Numerorum*: Sed etiam extitit in lege Naturæ. Vnde legimus de Noe quod ædificauerit altare Domino. Idem habetur de Sanctis Patriarchis Abrahamo, Isaac, Iacobo, qui iussu Dei pariter ædificauerunt altaria; ex quo colligimus vñum altarium antiquiorem esse vñu tabernaculi & templi. Nec mirum alicui hoc videri debet; etenim ipsa religio innata hominum mentibus, diuiniq; cultus magistra hunc vñum ab initio docuit: Quapropter ipsi quoq; Ethnici quamuis lumine supernaturali destituti altaria erigebant, in quibus eorum falsis Dijs sacrificia offerebant, vt ipsa sacra pagina testatur præsertim in libris *Iosue, & Regum*, in quibus legitur de sacrificijs & altaribus erectis Dijs Moloch & Astaroth. Et prisci illi Romani (qui sicut principatu omnibus gentibus imperabant; ita omnium gentium deseruiebant erroribus, & in sola Romana Vrbe diligentissima superstitione habebant collectum quidquid vsquam fuerat vanis erroribus institutum) cum haberent & Deos cælestes seu superos, Deos terrestres seu lares, & Deos inferos seu manes; superis erigebant *Altaria* ab altitudine dicta quia supra terram erant eleuata: alijs verò Dijs extruebant *Aras* sic dictæ Vel ab ara, quia erant in plana terra: Vel ab ariditate, quia in illis adolebatur ignis, quo victimæ mactatæ cremabantur: Vel à precationibus, quas Græci *apac* vocant.

Hinc Ecclesia Catholica à Spiritu Sancto edocta iam inde à sui exordio Altaria instituit ad offerendum Omnipotenti Deo Sacrosanctum Missæ sacrificium. Vnde Diuus Paulus ad Corinthios scribēs sub appellatione mensæ (vt notat S. Ambrosius & Sac. Trid. Conc.) distinguit Altare Domini Nostri Christi ab Altari Dæmonum dicens. *Non potestis men-*

sa

se Domini, & mensa Daemoniorum participes esse. Et clarius ad Hebræos. Habemus altare, de quaedere non habent qui tabernaculo deseruiunt. Et legimus in sanctionibus Apostolicis: & manifestè de hac re scribunt Sancti Patres & Doctores signanter Sancti Dionysius Arcopagita, Iræneus, Athanasius, Hieronymus & alij vt adnotauit Tobias Corona de sacris Templis par. 1. cap. 7. Hoc laudabile institutum semper retinuit, ac retinet sancta Mater Ecclesia Catholica Romana.

Cæterum variæ sunt Altaris significationes, vt videre est apud Guglielmū Durandū in *Rationale officiorū diuinorū*. Primò enim *literaliter* significat locum, vbi offertur sacrificium, vt dictum est, qualecunq; sit sacrificium, vt diximus in 1. parte nostri *Speculis Ecclesiastici de Sacrificiis Missæ*.

Secundò. *Allegoricè* significat Tum aram Crucis, in qua Christus Dominus seipsum obtulit sacrificium immaculatū Patri Omnipotenti pro peccatis totius mundi: Tum sepulchrum in quo Corpus Christi depositum fuit post mortem suam: Tum mensam, in qua conuiuatus est Christus cum discipulis suis.

Tertiò. *Anagogicè* datur Altare superius, & inferius. Altare superius significat Tum Sanctissimam Trinitatem: sic intelliguntur illa Verba Canonis Missæ *Tube hac perferris in sublime altare tuum &c.* Item illa Apocalypsis. *Vidi sub altare Dei animas intersectorum &c.* Tum Ecclesiam triumphantem iuxta illud psalmi. *Tunc imponent super altare tuum vitulos.* Altare autem inferius significat Tum Ecclesiam militantem, sic aliqui exponunt illud. *Si altare lapideum feceris mihi non adificabis illud de sectis lapidibus.* Tum mensam Templi, de qua dicitur. *Construite autem solennē in eandem usq; ad cornu altaris.*

Quartò. *Tropologicè* seu *Moraliter* significat Tum Cor mundum iuxta illud. *Ignis in altare meo semper ardebit.* Tum mortificationem nostri Corporis, per quam carnales motus feruore Spiritus Sancti consumuntur.

S. 2. Quot genere Altarium reperiantur.

Altaria sunt duplicis generis. Quædam sunt stabilia, firma, sublimia, maiora, quæ communiter & vulgariter dicuntur (*gl' Altari*) Hæc ædificantur & eriguntur in Ecclesijs: de quibus loquitur Alexander Tertius & Hormisdas summi Pontifices. Quædam sunt portatilia, mobilia, & gestatoria, quæ vulgariter vocantur (*Pietre Sacrate*) Hæc feruntur de vno loco ad alium. A Bonifacio Octauo vocantur *Viatica*, & à Concilio Tiburense *Tabula Sacra*. Horum altarium magnitudinem dicunt Doctores debere esse tantam, ut cōmodè capere possit Hostiam consecratam, & Calicis pedem: *Ex in Actis Ecclesie Mediolanensis* habetur debere illorum longitudinem esse vnciarum. 20. & latitudinem vnciarum. 16. quæ debeat claudi intra Coronices ligneas. Sic enim ibi dicitur. Lapis longè vncias. 20. latè. 16. pateat præter capsæ dimensionem, cui insertus est. Capsa eius è nuca omnino tabula sit, crassitudine vnciarum circiter duarum aut plurium pro lapidis crassitudine. Tabulæ verò illi in omni latere intus à summa parte pro lapidis longitudine & crassitudine concavata ipse lapis inseratur: itaut illa concavata tabulæ linea prominente eiusdem lapidis scatura operiatur. In qua capsæ sacrarum reliquiarum reconditarum, quarum nomen constat, inscriptio planè fiat. *Ita in Actis Altis.*

Hæc altaria portatilia postquam fuerint consecrata, solent cooperiri tela cera illita propter reuerentiam; & vocantur portatilia, quia possunt de vno in alium locum deferri absq; eo quod amittat consecrationem: & possunt adhiberi à quolibet Sacerdote super alia altaria firma alta & maiora quæ extant in Ecclesijs, si illa non fuerint consecrata, secus si consecrata. Extra Ecclesias non possunt ad Missam celebrari.

brandam adhiberi absq; speciali priuilegio summi Pontificis concessio Vel Personis priuatis propter aliquam necessitatem, vt in exercitu militari: aut propter infirmitatem: Vel generaliter alicui statui & conditioni Personatum, vt Episcopis præsertim in itinere: quibus id concessit *Honorius. 3. & Bonifacius. 8.* Et consequenter omnibus illis, qui communicant in priuilegijs Episcoporum. Idem concedit *Concilium Tiburense, & Maguntinum* in locis, vbi non extant Ecclesiæ, in quibus celebrari possit.

Si quis desideret habere & tenere formam expressam & distinctam Altarium stabilium & maiorum, quæ extruuntur in Ecclesijs: Item illorum mensuras, loca, situs, ornatum, modum, & decentiam, quibus extrui debent, perlegat Concilia Prouincialia in *Actis Ecclesiæ Mediolanensis* præsertim quartum: & synodus diocæsanas ibidem cum instructionibus, quæ ad hanc rem digestæ fuere à Sanctissimo Præsule Carolo Borromæo.

S. 3. Qui ritus seruandi circa Altaria, & quæ disciplina.

Circa Sacra Altaria fuere per Sacros Canones infra scripta sancita.

Primò Hormisdæ Papa decreuit nequis Sacerdos, nedum laicus, extruere possit noua Altaria in Ecclesijs iam consecratis nisi cum licentia proprij Episcopi. Itaq; ante Consecrationem Ecclesiæ potest quicunq; erigere quotquot altaria voluerit modò vtilia & decencia absq; alia facultate iuxta *Conc. Africanum, & notas Gles. in cap. placuit de consecr. dist. 1.* Idem præscribitur quoad demolitionem eorundem in Ecclesijs iam consecratis, scilicet nefiat absque Episcopi licentia iuxta idem *Conc. Aphr. & relatum à Gratiano*. Hoc tamen intelligitur de altatibus firmis & stabilibus; non autem de gestatorijs.

Se-

Secundò. In Altari stabili, suprà quod Episcopus celebravit, non potest alter quicunq; Sacerdos Inferior eadem die absq; eiusdem Episcopi licentia, aut absq; graui necessitate celebrare. Ita præcipit Concilium Orbicense, & Antisiodorense; & docent Doctores præsertim Angelus & Syluester cum alijs. Quod tamen vsus declarauit habere locum quando Episcopus, qui celebravit, est proprius Pastor, in cuius Diœcesi est altare, in quo celebravit vt notant *Azorius, & alij*: & hoc in reuerentiam superioris. Multò magis hoc habet locum in altari, in quo Summus Pontifex celebravit, vbicunq; existat, quia ipse est caput omnium Ecclesiarum. Idem dicendum de Cardinalibus qui sunt Legati à latere in confinibus tamen suæ legationis; sustinent enim & repræsentant Personam Summi Pontificis; atq; idcò debent vbique in summo honore haberi. Notandum tamen quod non tenetur Sacerdos celebraturus hoc inuestigare nisi quando adesset aliqua probabilis ratio id opinandi & dubitandi. *Ita Doctores.*

Tertiò. Altaria fieri debent è lapide solido, & vt dicunt, viuo: non autem è lateribus aut è terra: quod intelligitur præcipuè de Altaribus mobilibus; & gestatorijs, quæ debent esse lapidea, vt supradictum est. Cæterum Altaria stabilia, satis est quòd habeant mensam seu superficiem lapideam, suprà quam habetur sacrum; sin secus non possunt consecrari. Ita statuit Concilium Hipponense, cui interfuit S. Augustinus: & asserunt Sancti Patres Cyprianus, Nyssenus, Chrysostomus & alij. Huius rei Alexander de Ales, & Diuus Thomas tres præcipuas asserunt rationes. Prima quia Altare in Ecclesia est figura Christi, qui est caput ipsius Ecclesie iuxta illud Apostoli. *Ipsa est caput Ecclesia*. Et Sancti Ambrosius & Augustinus, inquiunt. *Christus altare est*. hac de causa Altare saltem maius extruitur in loco Ecclesie eminentiori, magisq; conspicuo. Secunda quia Altare, suprà quod celebra-

celebrant, representat sepulchrum, in quo Christus condi-
 tus fuit (ut supra diximus) quod erat pariter lapideum; seu,
 ut verbis Evangelistæ utar, excisum in petra. Tertia propter
 commoditatem & securitatem sacrificij: Verum quidem est
 quod in primitiva Ecclesia Altaria erant lignea. Quod mi-
 rum non est (inquit Brenzium Romanum) nam cum à San-
 cto Petro usque ad Sylvestrum propter persecutiones, Ponti-
 fices certo loco consistere non possent, quocumque eos neces-
 sitas compulisset siue in cryptis, siue in Carmine, siue in
 edibus piorum super illo altari ligneo ad arce similitudinem
 concavo sacra faciebant. Quo a hunc Sanctus Sylvester red-
 dit a Ecclesiæ patre honoris causa Principis Apostolorum qui
 in illo sacrificasse dicitur, & reliquorum Pontificum, qui usque
 ad id tempus ad mysteria conficienda eo usi fuerant, in La-
 teranensi prima Ecclesia collocato, sancivit ne quisquam in
 ea præter Romanum Pontificem Missam deinceps celebrare.
 Nota quod ille lapis Altaris præsertim portatilis debet esse
 integer: & lapis mensæ seu superficiæ Altaris stabilis si non
 potest esse integer, debet saltem esse ita vnitus & conglutina-
 tus vt videatur vnus & non plures propter mysterium unita-
 tis Personæ diuinæ in Christo. *Quarto* necesse est vt Altare sit consecratum ad hoc vt su-
 præ illud possit confici sacrum; alioquin celebrare isciens
 super altare non consecratum (intellige saltem portatile) es-
 set graue peccatum sacrilegij. In hac consecratione effundi-
 tur super altare consecrandum Chrisma copiose ad signifi-
 candam plenitudinem gratiæ humanitatis Christi. Hinc Da-
 uid ait: *Prostratus Deus, Deus tuus oleo latuit præ confectione eius.*
 Et Diuus Ioannes: *Vidimus gloriam eius gloriam quasi viginti*
à Patre plenum gratia & veritate. Quod autem Altaria debeant
 consecrari statuit Conc. Agathense, Aquisgranense, Meli-
 dense, & Papa Euaristus. Et scripserunt Sancti Dionysius
 Areopagita, Hieronymus, Augustinus. Ritus, quibus conse-

crantur Altaria, aliquatenus differunt ab ijs, quibus dedicantur Ecclesie; nō est tamen differentia essentialis. Qui plenius rem de hac re notitiam habere desiderat, videat Pontificale Romanum, Turrecrematam, & Durandum. Solum hic repeto altaria portatilia debere esse omnia consecrata, quia super illa offertur immediatē sacrificium: altaria verō stabilia non est necesse ut omnia consecrentur. Vnde aduertendum quod si quis Sacerdos velit celebrare super aliquod altare non consecratum, debet necessariō curare ut super illud ponatur altare portatile consecratum.

Quintō. In Altaribus consecratis cuiuscunque generis debent recondi Reliquiæ, collocando eas in foramine seu sepulchro in media superficie effosso ponēdo nomen reliquiarum & ipsius consecrantis; deinde superimponendo sigillum etiam lapideum. Sic statuit Conc. Africanum & Carthaginense, & scribunt Sancti Doctores Ambrosius, Augustinus, Chrysostomus & alij relati à *Patre Corona de Templis sacris par. 1. cap. 7. versus finem*. Verum quidem est quod si Altare deserviret pro deposito seu sepulchro corporis, siue ossium siue cinerum alicuius Sancti; tunc non esset necesse apponere alias reliquias nisi fortē illa ossa essent ab altari separata.

Nec mysterio vacat hæc positio Reliquiarum; quia cum petra sit figura ipsius Christi Domini iuxta illud Apostoli, *Petra autem erat Christus*, recondere intrā illam reliquias est planē ostendere quod Apostolus Paulus ad Colossenses scribit. *In ipso abscondita est vita & gloria Sanctorum*. Vel ipso opere demonstrare quod Euangelista Ioannes in Apocalypsi dicit. *Vidi sub altare Dei animas interfectorum propter verbum Dei, & clamabant voce magna dicentes. Usquequò Domine non vindicas sanguinem nostrum de his qui habitant in terra. Hinc Divus Augustinus. Videte, inquit, quem locum Martyres apud Homines mercantur, qui apud Deum sub altari meruerunt. Et paulō infra. Rectē sub Altari iusto-*

rum animæ requiescunt quia super altare Corpus Domini offertur; nec immerito illic iusti vindictam Sanguinis postulant, vbi etiam pro peccatoribus Sanguis effunditur quibus verbis Sanctissimus hic Doctor duas causas huius sacri ritus videtur afferre: Alteram, quòd Sancti quiescentes sub altari testantur ab altare Crucis omne meritum, gratiam & gloriam se traxisse: Alteram quòd postulant à Deo conversionem eorum, à quibus lani & afflicti fuerunt. Adde etià quòd intercessores existunt apud Deum pro nobis, vt consequamur fructum illius vinifici sacrificij, quod ibi offertur veri scilicet Corporis & Sanguinis Domini Nostri Iesu Christi.

Sextò. Denique Nullus laicorum, & præsertim mulierum accedere debet ad Altare. Sic Concilium Agathense & Thuronense, cuius hæc sunt verba *Laici secus Altare stare non presumant.* Et Conc. Maguntinum. *Nulla femina ad Altare presumant accedere.* Idem præcipit Conc. Laodicenum & Gelasius Papa. Quamobrem quidam Auctor grauitè inuehitur in eos qui hoc non seruant: Et Ecclesiastici, ad quos dirigitur nostrum hoc opus, deberent ipsos Laicos admonere, quia hoc mandat Conc. Laodicenum.

C A P V T III.

De Disciplina seruanda circa Cappellas, Chorum, Sacristiam, Sacrarium.

Quia Altaria sita sunt in Cappellis: & quia Ecclesijs adnexæ sunt aliæ tres partes nempe Chorus ad recitandum diuinum officium: Sacristiæ ad asseruandas res sacras & Ecclesiasticam suppellectilem: & Sacrarium ad recondendum in illo quicquid aliquo modo participat de consecratione, & benedictione, & amplius non deseruit Ecclesiasticis functionibus; Ideo de prædictis omnibus in hoc capite agendum est per paragraphos distinctos.

in modum quoque...
 -usque...
 and...
 ...

Duo genera Cappellarum apud Doctores inueniuntur. Quædam sunt veluti Ecclesiæ Minores habentes structuram omnino seiunctam ab alijs Ecclesijs: unde à quibusdam Doctoribus quædam Ecclesiæ parochiales minores, quæ non sunt Collegiatae, vocantur Cappellæ. Quædam verò sunt intra ipsas Ecclesias maiores à latere; in quibus sita sunt altaria: Sacerdotes autem ibi ex obligatione celebrantes vocantur Cappellani. Et illa obligatio celebrandi, siue sit ex beneficio, siue ex dote, siue ex quocunq; alio titulo, dicitur communiter Cappellania. Et de his præcipuè hic agimus; nam aliæ dicuntur simpliciter Ecclesiæ.

Cappella igitur venit à nomine Italico Cappa: Quia sicut hæc operit hominem (est enim latine pallium) ita illa operit altaria ad instar tentorii, seu tabernaculi. Ad celebrandum in dictis Cappellis sufficit altare portatile consecratum, præsertim in campis & sub tentorijs quemadmodum habebant in more præci illi Francorum Reges Christianissimi; quando in castra proficisciebantur. Mos etiam erat apud eosdem deferre secum reliquias sanctorum vt scribit Gregorius Turonensis; quas in castris decenter asservabant sub eodem tentorio, sub quo habebatur sacrum; inter quas præcipuo honore colebatur pallium Sancti Martini Episcopi Turonensis.

Prædictæ Cappellæ antiquitus dictæ sunt etiam Oratoria, vt notauit Baronius, dimissum ab effectu quodam in illis religiosiores fideles ad vacandum orationi se recipiebant. Et in vitis Pontificum manuscriptis, quæ habentur in Bibliotheca Vaticana, Cappellæ binæ ab Hilario Papa prope Basilicam Lateranensem extructæ in honorem S. Ioannis Baptistæ, & S. Ioannis Euangelistæ appellantur Cubicula, & Ora-

to.

toria: Cubicula quidem; quia sunt extruata ad instar Cubiculorum; Oratoria verò sine; quia in illis solet orari. Quæ duo significare voluit Christus Dominus apud S. Mattheum illis verbis. *Tu autem cum oraveris intrà in cubiculum tuum, & clauso ostio ora Patrem tuum.*

Et quia hoc nomen Cappellæ commune est minoribus, & ipsi Cappellæ maiori, in qua est Altare maius, idè ad distinctionem illarum, aliquando Cappella maior reperitur insignita nomine Sacrarij, in qua exceptis Prosbyteris & Diaconis nemini licebat ingredi. Sic in *Concilio Agathense* legitur. [Non oportet in sacros ministros licentiam habere in Sacrarium, quod Græci Diaconium appellant, ingredi & cōtingere vasa Domini.] Et meritò quidem Cappella cum Altare maiori dicta est Sacrarium (quamvis hoc nomen, ut infra videbimus, nunc aliter usurpetur) quia semper obtinuit peculiarem quandam excellentiam super alias: Tum quia respondet illi parti Templi Hierosolomitani quæ dicebatur Sancta Sanctorum, ad quam nemini patebat accessus nisi summo Sacerdoti: Tum quia ibi asservari solet sanctissima Eucharistia, & consequenter adstant innumerabiles Angeli, ut testatur S. Ioannes Chrysostomus his verbis. *Et in illis honorem, inquit, qui ibi iacet, locus ille Angelorum repletus est.* Ab hac reverentia (quæ omnibus Altaribus sed præsertim Maiori propter rationes iam dictas debetur) originem trahit laudabilis illa cōsuetudō sepièdi Cappellas cancellis vel terreis, vel ligneis, vel lapideis separando eas à loco, ubi cōmoriuntur laici. Hic usus cancellorum existit etiam in magnifico illo Salomonis Templo; nam ut refert Ioseph historicus, Titus Imperator exprobatuit Iudæis eò quòd ausi fuissent transgredi Cancellos, quos transgredi nefas erat, sic inquit. [Nunc vos scelestissimi Cancellos sanctum locum protulistis? Nonne litteris Græcis ac nostris (idèst Latinis)

incisas tabulas constituitis, quibus ne septa cuiquam transgredi liceat, edicitur? Nonne eos qui transierunt, quamuis Romanus quis esset, vobis necari permissimus? &c.] Ex quo constat usum hunc esse antiquissimum, & optima ratione institutum, nempe ad separandum populum & laicos à Clero. Hinc Concilium Calcedonense testatur Magnates Imperij, imo & ipsum Senatū fuisse solitos in Ecclesia tenere suū locum extra Cancellos. Sic enim inquit. [Post hac residenti-
bus magnificentissimis Iudicibus, & amplissimo Senatu in medio ante cancellos Sanctissimi Altaris, & ex laeva quidem parte sedentibus &c.] Quod egregiè seruauit clarissimus ille Ecclesiæ Mediolanensis Antistes Præsulū omnium exemplar Ambrosius erga Magnum illum Imperatorem Theodosium, quem intrā Cancellos seu sepimenta Cappellæ maioris permanere non est passus, & correptus de hac re intrepidè respondit dignam Ambrosio sententiam *Purpure Imperatores non Sacerdotes facit*. Quem actum deuotissimus Imperator non agrè tulit, immo summo opere cōmendauit, & quod ab Ambrosio didicit semper seruauit, vt testatur Nicephorus; nam Constantinopolim Mediolano reuersus & inuitatus à Patriarca ad ingrediendum in Chorum intrā Cancellos, & sistendum ibi vnā cum Clero, modestè renuuit dicens se in Italia ab Ambrosio didicisse quem sibi locum in Ecclesia deberet eligere; & conuersus ad Proceres inquit Inter Episcopos vix alterum se Ambrosium inuenisse. Sic scribunt Nicephorus, Theodoretus, & alij à *Patre Domino Tebe Corona relati de Sacris Templis* par. 1. cap. 8.

Præfatum tanti Principis & Imperatoris exemplum sequi deberent cæteri Catholici Principes, ij præsertim qui nec auctoritate, nec dignitate, nec opibus, nec potentia cum Theodosio conferri vilo modo queunt. Sed heu miseranda temporum conditio. Hac tempestate nō modò Principes vi-
ri, quibus tamen per quādam consuetudinem hoc ab Ec-
cle-

clesia permittitur: sed domicellus quisque arrogat sibi locum in Ecclesijs non solum intra Cancellis, sed ipsismet Episcopis corqualem. Nunquid volunt sibi locum penes Dei solium arrogare? Nunquid imitatores Luciferi effecti dicent cum illo. In celum ascendam, super astra exaltabo solium meum, sedebo in lateribus Aquilonis? Sed quid? Verumtamen in infernum detraheris. Videant, videant igitur Principes, attentè considerent, & opere impleant quicquid circa hanc rem eos monesacit Sacrum Conc. Tridentinum. Suo sint gradu & loco contenti; immo ad honorem & gloriam adscribāt sibi quod laicalis dignitas Episcopali infusae primas deferat. Quod hic dicimus de Principibus; multo magis locum habere debet in illorum Vicarijs & locum tenētibus, qui licet personam suorum Dominorum repræsentent, tamen illorum auctoritas, dignitas, & iurisdictio non est simpliciter eadem cum illa Dominorum; est enim intra quosdam veluti limites comprehensa; non autem absoluta. Vnde nonnulla spectantia & ad reuerentiam, & ad gradum, & ad auctoritatem conceduntur Personis Dominorum, quæ à suorum locumtenentibus & ministris non sine magna præsumptionis nota usurpari contingeret.

S. 2. De Choro & Subsellis.

Ecclesijs adiungi solet Chorus ad psallendum pro Clero. Dupliciter autem accipitur hæc vox, Chorus (vt etiam dictum est de voce, Ecclesia) nempe Vel pro re contenta; Vel pro continente: seu loquendo Philosophicè Vel Formaliter, Vel Materialiter.

Si accipiatur primo modo, scilicet pro re contenta & formaliter. Chorus iuxta Augustinum est consensus cantantium. Vel iuxta Isidorum Chorus est multitudo cantantium. in qua significatione sæpè accipitur in sacris litteris; nam quando

do mulieres Israelitæ iuerunt in occursum Dauid & eadē gigantē Goliath reuertenti; dicitur in libris Regum quod regressæ sunt mulieres in occursum cantantes, chorosq; ducentes. Et in Esdra habetur. Stauerunt duo Chori laudantium in domo Domini. Atq; ad hunc Dei laudandi modum iauit Regius Propheta dicens. *Laudate nomen eius in Choro.* Dicitur autem Chorus, teste eodem Isidoro, à forma Coronæ, quod planius & apertius explicant Rabanus, Maurus, & Fortunatus his verbis [Dicitur est Chorus, quod initio in modum Coronæ circum aras starent, & ita pallerent.] *ut in concilio.* Si autem accipiat (ut nos hic accipimus) pro continente & materialiter. Chorus est locus in quo Clerici psalmos, hymnos, & laudes diuinas concinere & psallere consueverunt. & ab altari; nec non à parte Templi; in quo populus adstat, discerni solet; ut in Concilio Toletano quarto præscribitur. Hic locus Cleri, qui Chorus dicitur, appellatur Presbyterium in *Cap. Sacerdotum Dist. 2.* Nam hæc vox Presbyterium ibi referri non potest ad Altare: & ratio est, quia ibi expressè agitur de loco, in quo Sacerdotes & reliqui Clerici consistunt. Reliqui autem Clerici non ingrediuntur ad Altare seu Diaconium; solis enim Presbyteris & Diaconis id concessum fuerat *cap. non oportet dist. 23.*

In Choro construuntur sedilia, seu subsellia pro Clero; quod etiam Sanctus Clemens indicat dum Presbyteros ex utroq; latere Episcopi sedere scripsit. Et Sanctus Athanasius *Epist. ad solitariam vitam agentes* dolens commemorat Arianos thronum, & subsellia; mensam ligneam, tabulas Ecclesiæ Alexandrinæ &c. quæ foras delatæ ab Ecclesia combusserant ante vestibulum in magna platea. Et Postea. *O quis hac audiens non fleuerit?*

Subsellia fieri consueuisse in Ecclesijs testis est Iulianus Apostata, qui ut referunt Sozomenus & Nicephorus, instituerat delubra gentium tum ordine tum apparatu Chri-

stia-

Mane Religionis. Itaque in Idolorum templis tum subcellis
tum primarios suggestus fieri mandauit.

S. 3. de Sacristia.

Sacristia est locus, ubi suppellex sacra reconditur. Vocatur aliquando Secretarium sic *cap. non liceat de Consecr. di. 23.* [Non liceat cuiuslibet ministeria tangere nisi subdiacono in secretario, & sacrario.] Aliquando etiam vocatur Camera saluatoria, seu saluatorium; quia Clerici inuicem in eo loco se salutant; ibique Episcopi olim à populo honore excipiebantur; indeque pontificalibus induti egrediebantur ut diuina peragerent.

De Sacristia Concilium Prouinciale Mediolanense primum sub Sanctissimo Præsule Carolo Borromeo habitum habuit in Instructione Fabricæ Ecclesiæ, ut in Actis Ecclesiæ Mediolanensis.

In omni cuiusvis generis Ecclesia extruatur Sacristia, quæ pro Cathedralis, Collegiata, & Parochialis Ecclesiæ magnitudine & pro numero ministrorum, proque copia Sacrae suppellectilis ampla sit atque eiusmodi ut paulò longius pateat.

Ab Cappella, Altariue maiori tantum interfit ut Sacerdos Missæ sacrum solemniter facturus cum illis, qui ei ministraturi sunt, inde processionaliter ad altare ordine progredi possit, ut antiqui moris est cum mysterij significatione. In cæteris parochialibus, & alijs inferioribus Ecclesijs commodi causa permitti poterit Episcopi iudicio, ut Sacristia à Cappella, Altariue maiori minus absit; tunc verò curandum ut à Domicilio Parochi non valde distet.

De situ Sacristiæ & Fenestris.

Omnis autem Sacristia ad Orientem, & Meridiem versus quo ad eius fieri potest omnino spectet. Ita verò constituatur

ut illius substructione luminibus eiusdem Cappellæ maioris non obstruatur. Fenestras duas, pluresuè habeat, easq; ubi potest è regione sibi respondentes, ac præsertim à dextro & à sinistro latere, ut cum habeat, unde aer exeat, eius locus non humidus sit, neq; vliginosus. Quæ fenestræ duplicibus clathris ferreis vel simplicibus saltem densioribus, & firmioribus sepiatur, & muniatur; tum etiam opere vitreo, & reti. Contecta verò sit opere fornicato, aut saltem laqueato.

De Pavimento Sacristiæ.

Pavimētum habeat non tabulis constructum, sed eiusmodi quod subtus parvulis fornicibus constans totum amplè fornicatum ab humo altius aliquanto, ubi potest, præ humiditate extretur, ne indumenta sacra ob loci situsq; vliginem putrescant aut corrumpantur. Cuius rei, quò cautius provideatur, extrinsecus etiam terra congesta parieti adhærens ac stillicidia item quæ humiditatem gignunt inde procal amoveantur; tum solum præterea exterius statu minetur, rudibusq; & calce solidetur.

De Ostio Sacristiæ.

Ostium Sacristiæ huiusmodi sit, cuius aditus non in Cappellam maiorem, nisi in Ecclesijs minus insignibus secus permittendum Episcopus duxerit, sed in locum publicum nempe in gremium Ecclesiæ rectè pateat. Benè autem septum sit firmissimis valvis sera, & claue itidem firma.

Alia quædam minutiora præscribuntur quoad valvas; quæ tamen non sunt necessaria simpliciter, sed ad benè esse.

De loco Sacrae Imaginis & Altari in Sacristia.

In omni Sacristia loco magis conspicuo sit sacra Icona, tum etiam, si amplitudo Sacristiæ patiatur, Altare vel Mensa, Amariumq; quod formam altaris præbeat, instructum Cruce, Candelabris, Mappaq; contratum, apud quod Sacerdotes celebraturi sacris vestibus induantur.

De Oratorio & Altari in Sacristia; & Tabella Orationum.

Sit

Sit præterea oratorium ab aliqua Sacrificiæ parte siue foris prominens siue intus decenti loco, idque instar paruuli cubiculi, quò Sacerdos Missæ sacrum facturus se recipiat, ibiq; sese colligans paulisper meditetur & oret. Proinde tum altare paruum sit, in quo proposita Crucifixi imagine, aut pia alia, sanctè precetur; tum scabellum, ubi orando genua flectat.

Si verò Sacrificia ita exigua & angusta sit, ut eiusmodi Oratorium habere nullo modo possit, ab aliquo eius latere, quod orationi commodius sit, scabellum saltem vel panno obducto collocetur, ubi Sacerdos genua flectens oret, affixa in pariete aliqua, ut suprà, sacra imagine.

In Oratorio quocūq; sit tabella, in qua orationes ad Missæ sacrum præparatoriæ descriptæ sint.

De Vase Aquario.

Vas præterea aquarium, quod manibus abluendis vsui sit, è solido lapide fiat, cui papilla vna, aut, prout opus est, plures infigantur. Ab inferiori parte sinus aquarius concavus ad excipiendam aquam, quæ inde effluit, è lapide item marmoreo solido sit, foramenq; habeat, vnde per fistulam aqua in paruulam cisternam subterraneam, vel aliò defluat.

Vbi verò redditus exiguus est, pro eo vase aquario situla adhiberi poterit appensa, cui papilla affixa instar gallinæ ihereat; Vnde aqua ad ablutionis vsum sensim effluat, subiecto ut suprà sinu aquario. Sinus autem & vas aquarium omnino, aut aliqua ex parte, in parietis concavitate, quæ semicycli exigui formam præbeat, ornatè extructum intus ihereat; ne si foris extet, Sacrificiæ situm impediat.

Ad abstergendas manus linteum vasi aquario proximum ab opere, instrumetoq; tornatili pendeat, idq; candidū sit.

De Armario Sanctorum Indumentorum.

Armariū præterea amplum, in quo sacra indumenta asser-

mentur de tabulis nuceis conficiatur.

A panimento Sacristiæ altè extructum sit cubitis duobus & vncijs quinq. Capsulas ductiles habeat easq; distinctas ac longè patientes, in quibus & pro colorum varietate indumenta sacra expansa, dispartitaq; & ordine afferuentur.

Super eo præterea armariola item, aut sub eo loculi ab illarum capsularum latere sint separatam etiam extructi, ubi sacri Calices, Patenæ, Corporalia, Purificatoria, Vela, & alia id generis munda, rectè atq; accommodatè recondantur.

Ab altero latere loculi item, in quibus illa, quæ abluenda sunt, reponantur. Claudatur hoc tùm armarium tùm armariola valvulis politè, ac distinctè confectis, seris, & clauibus item distinctis. Atque eiusmodi armaria totidem sint quos multitudo Sacræ suppellectilis poscit.

De Armario Librario.

Alia præterea armaria structura, quæ cæteris suprâ præscriptis respondeat; fiant: Vnum scilicet, in quo libri Ecclesiastici ad psalmodiam; & alium Chori & Ecclesiæ vsum, pertinentis aptè conseruentur. Alterum, in quo iura, instrumenta, & scripturæ omnes sint ad ipsam Ecclesiam spectantes; idq; ubi aptius, tutiusq; Archiuum Ecclesia non habeat. Tertium item, si Ecclesia parochialis sit, in quo certi libri parochiales scilicet Matrimoniorum, & Baptizatorum, Confirmatorum, & alia eiusmodi seruentur; tum etiam separato loco literæ Pontificiæ, Edicta Episcopalia, literæ Episcopi pastorales, quæ in dies promulgantur; tum etiam alia scripta ad Ecclesiæ vel Animarum parochiali curæ commissarum regimen spirituale spectantia.

Hæc tria armaria singula singulis clauibus tuto claudantur: eorum autem loco vnum solum armarium, loculis tamen pro librorum, scripturarumue ratione, intrinsecus aptè distinctum extrui possit: ubi vel codicum, scripturarumue paucitas, vel Ecclesiæ exiguitas, non duo aut tria vt suprâ requirit.

etiam dicitur, ut in quibusdam scriptis habetur, ut in
 etiam dicitur, ut in quibusdam scriptis habetur, ut in

Nomine Sacriarij apud antiquos scriptores intelligebatur non solum locus ille, qui modo communiter Sacriarium dicitur, sed etiam Sacristia, & Cappella major cum Altare maiori, ut supra diximus. Verum proprie loquendo distinguuntur, & Sacriarium proprie est ille locus, in quo res Ecclesiae usu attritae, vel laetae, & ea quae Ecclesiasticis usibus amplius deservire vel non possunt vel non debent, reconduntur ne pedibus incedentium proterantur, aut ne prophanis, usibus applicentur. Huiusmodi res sunt v.g. Aqua baptismalis veteris quando nova benedicitur. Ablutio Calicum Corporalium, Purificatoriorum, & similium, quae immediate deservunt divino Missae sacrificio. Item Cineres praedictarum rerum, & Vestium Ecclesiasticarum, & multo magis bombix, qua abstergitur Sacrum Chrisma à fratribus eorum, qui Sacramentum Confirmationis susceperunt. Ita praecipit *S. Clemens Romanus* episcopus, *ad Iacobum fratrem suum*.

Forma Sacriarii.

Duplex Sacriarii forma à *S. Gerolamo* praescribitur. Sacriarii prima forma haec est. Vas scilicet è marmore, lapideve solido fiat, in statq; fontis baptismali concutetur. Longè patens sive cubitum unum, latè uncias sexdecim; forma rotunda vel ovata, vel quadrata, aliave, quae minus situm impediatur. In medio fundo, sive aut foramina habeat firma, quadrata, quod largè ab omni parte pateat uncias circiter quinque. Sufficiat columella quadrata, aliave pro ratione. Vasis supposita parvula, si sit aut ab Ecclesia pavimento usque ad summum eius labrum altè extructum sit cubitis duobus. Habeat sub foramine parvulum tubulum aquae ductum in media Columella effossū sculptumve, qui quadrata etiam forma amplè itidem pateat uncias quinque, ut per eum aqua, cinder-

ne.

neres, aliaq; id generi quæ effunduntur, aut proijciuntur, deorsum defluant. Infra hunc tubulum, aquæ ductumue cisterna suffodiatur, in quam quæcunq; effusa, projectæue erunt, recipiantur. Id sacrarium integumentum operiat, quod ex tabulis nuceis sit atq; eiusmodi ut à parte superiori sensim leni accliuitate quasi pyramidis instar, emineat. Claudatur autem firmissimè pessulo, sera, & clauæ.

Altera Sacrarij forma hæc est. Fenestella in pariete vnicuique viginti, vel cubito, prout illius crassitudo est, concaua extruatur; quæ cubito etiam vno ac paulò amplius latè pateat: alta verò sit cubito item vno, & dimidio. Ab Ecclesiæ pavimento in altitudinem extruatur cubitis circiter duobus. Cuius Fenestellæ solum è solido lapide, eoq; concauo sit, in quo foramen insit ut supra. Forma amplè quadrata; tum aquæ ductus, & subtus item suffossa cisterniola. Valvulis suis, sera & clauæ occludatur.

C A P I T U L U M IV.

De Baptisterio, Cameterio, & Sepulchris.

Baptisteria, & Cameteria vel sunt partes Templorum, vel contigua illis vtpotè loca, per quæ aut ingredimur in societatem fidelium & renascimur Christo, effici-murq; ipsius membra; & huiusmodi est Baptisterium: aut egredimur per mortem ab hoc sæculo seu Ecclesia fidelium, & reuertimur ad Christum, & tale est Cameterium seu sepultura. Ideo postquam vidimus de Templis seu Ecclesijs; item de illarum partibus nempe de Altaribus, Cappellis, Choro, Sacristia, & Sacrario; consequens est ut agamus de præmissis, quæ ad Ecclesias aliquo modo reducuntur.

De Baptisterio, & sacro fonte Baptismatis.

Baptisterium dupliciter accipitur vno modo pro re, con-
tenta, Alio modo pro continente vt in similibus dictam
est aliàs. Baptisterium acceptum pro contento est Vas, in
quo est fons seu aqua baptismalis, qua baptizantur fideles.
Baptisterium acceptum pro continente est ipse locus, in quo
asseruatur Vas prædictum.

Antiquitus credentes fideles baptizabatur in fluuijs & fon-
tibus. Vnde ipsemet Christus in flumine Iordano baptiza-
tus est à Ioanne Baptista; non quidem quia indigeret bap-
tismo; sed vt sanctificaret & consecraret baptismum, quo fide-
les lauandi erant. Lydiam in flumine baptizaram legimus in
Actis Apostolorum. Eunuclus Reginae Candacis in via cum
venisset ad aquam baptizatur. Custos carceris cum familia
sua in ipso carcere baptizatur. Itaq; in fluminibus, in fōtib;,
in domibus, in carceribus, in vijs, & vbiq; baptisma admini-
strabatur prout se dabat occasio, & necessitas postulabat.

Crescente verò, temporum successu, Christianæ Religio-
nis honore, creuit etiā institutionum Ecclesiasticarum decus,
in simul & creuit huius mystici lauacri solemnior admini-
stratio. Quamobrem amplissima instituta & erecta fuere ba-
ptisteria, in quibus Presbyteri præscriptis sibi quibusdam ri-
tibus & ceremonijs hoc Sacramentum fidei, & Christianæ
professionis initium credentibus exhiberent.

Præseis tēporibus vno tantum baptisterio per singulas Vr-
bes nostri maiores utebantur, quod ad nostra vsq; tempora
in quibusdam locis adhuc seruari videmus, vt Florentiæ, Se-
nis, Pisis, Bononiæ, Parmæ, & fortè aliquibus alijs Italiæ Vr-
bibus. In quo vno loco baptizabantur simul iuuenes, & senes;
diuites & pauperes &c. Erat tamen separatio faminarum à
masculis, quia diuerso tempore, & nō vnā cum masculis bap-

tizabantur. Vt ex Diuo Augustino refert *Stephanus Duranti de Ritibus Ecclesiasticis*. Ea tamen baptisteria vt plurimum extra Basilicas extruebant, vt apparet tum ex illo Lateranensi, in quo Constantinus Magnus à S. Syluestro baptizatus fuit, tum ex S. Cyrillo *Cathechesi mystagogica* prima illis verbis. *Primum ingressi es in porticum baptisterij*: tum ex Greg. Turon. & S. Paulino, quos refert & citat idē *Stephanus Duranti*. Hinc *Anastasius bibliothecarius* in *Vita Adriani Papæ* scribit *Carolus Magnus Francorum Regem cum Clero & Populo Romano stetit Sabbato Sancto in Ecclesia Lateranensi quousq; Pōtifex in baptisterio Sacramentum conferebat baptismatis*. Excrecente autem numero credentium cum baptisma rationabilibus de causis non vsq; ad ætatem adultam vt antea, sed in ipsa quoq; infantia conferri cœpisset, cœperunt etiam baptisteria fieri in Ecclesijs propè illarum vestibulum vt consuleretur tenerrimæ infantum ætati. Qui vsus iam à Clodouei Regis Francorum temporibus inolere cœpit; nam Regem istum à Sancto Remigio consimili in loco baptizatum fuisse textatur *Greg. Turonensis*.

Vas baptismale confici debet è lapide solido marmoreo non autem fragili & spongioso, vt statuit *Conc. Ilrdehsē*, idq; ne aqua per poros paulatim effluat, aut ne per lapidem fractum tota dispergatur & dissipetur. Et quādo id fieri non possit iubet *Conc.* vt tale Vas conficiatur ex alia materia solida, puta metallo, aut simili, prohibetq; ne alijs vsibus inferuiat, & ne ab Ecclesia dimoueat. In instructionibus *Fabricæ Ecclesiasticæ*, de quibus in *Actis Eccles. Mediol.* præscribitur vt vbi comoditas fuerit in Ecclesijs insignioribus cōstruatur Cappella cum Altari S. Io: Baptistæ dicata cum ipsius Sancti Christum Dominum baptizantis effigie, quæ Capella extet propè ianuam Ecclesiæ conuersa ad Altare maius; in cuius medio erectum sit baptisterium suprà Columnellam, cuius pavimentum sit aliquantò altius basi Columnellæ.

melle itaut ingressus sit quasi descensus, dictaq; Cappella speciem exhibeat sepulturæ magis minusq; amplæ iuxta opportunitatem situs. Intrà quem situm demissiore iubet confici cisternam ad instar sacrarij, in quam per tubulum recipiatur aqua effusa super caput baptizati, vbi baptismum confertur per infusionem. Mandat insuper vt illa Cappella, seu locus quilibet alter, in quo est baptisterium, cancellis sepiatur ita, vt nemo possit ad illam accedere, nec minus illi indecenter incumbere, aut impellendo dictum vas ad terram deijcere.

Præter supradictum Vas requiruntur quædam alia, nempe panniculi linei mundi ad abstergendum Caput baptizati; item vascula pro Chrismate, & pro oleo Cathecumenorum, quibus inunguntur ij qui baptizantur; & hæc custodiri debent in loco semoto in aliqua fenestella intrà Cappellam, sed propè baptisterium, vel saltem intrà ipsummet baptisterium.

In instructionibus. S. Caroli de suppellectili Ecclesiastica præscribitur etiam Vasculum vel argenteum, vel saltem stanneum cum suo operculo, quod deferuire debeat Parochis ad accipiendam ab Ecclesia Cathedrali vel à Matrice aquam baptismalem die sacro Sabbati sancti, vel in Vigilia Pentecostes. Et expressè prohibetur ne hoc vas alijs vibus deputeretur.

Et vbi hoc Sacramentum administratur per asperisionem seu infusionem mandat adhiberi cochleare argenteum ad aquam capiti baptizandi infundendâ; quod manubrio paululam adunco appendi possit; & à parte sinistra labrum habeat paulò contractius instar paruuli canalis; vnde in infantis caput aqua tenuiter effundatur.

Cæterum quod attinet ad cultum & honorem baptisterijs debitum semper apud antiquos etiam Principes mos fuit illa magnificè exornare & insignire, vt de baptisterio Lateranensi latè refert *S. Damasus de Vitis Pontificum in vita S. Sil-*

uestri. & Honuphrinus cap. de baptisterio. Mos etiam fuit columbas aureas, atq; argenteas in figura Sancti Spiritus supra sacrum fontem suspensas collocare, vt apparet ex. 2. Synodo Nicena art. 5. & Honufrio de præcipuis Urbis Romæ Basilicis cap. d. de Baptisterijs. Qui auctor ornamenta Lateranensis baptisterij, & quæ in eo à Summis Pontificibus instaurata deinde fuerunt, & quam in formam redactum fuerit pluribus enarrat.

Tanta reuerentia huic sacro lauacro à priscis adhibebatur, vt olim baptisteria consecrari solerent, cuius consecrationis ritus distinctos ab ipsa consecratione aquæ Rituale vetus Romanum seu ordo Romanus habet. Quapropter tum ob id, tum præcipuè propter veniam peccatorum, & diuina Charismata, quæ fideles per baptismum consequuntur, hic locus à Christi fidelibus in honore semper est habitus. Vnde Sanctus Athanasius magnoperè conquerebatur de impijs Arianis in Epistola ad orthodoxos, quod illi baptisteria succenderint illis verbis. [Vbi enim, inquit, apud priscos talis tragædia, aut quid simile in bello & persecutione factum est vnquam? siquidem & Ecclesijs, & Baptisterijs flammæ iniecere. Magnus igitur luctus &c.] Non mirum si propter irreuerentiam erga hunc sacrum fontem adhibitam nonnulli etiam in hac vita penas luere; quamuis etiam sine voluntate, dolo, ac malitia huiusmodi irreuerentiam exercuerint. Vnde obseruatum est de Constantino Copronimo Imperatore Constantinopolitano, de Vuenceslao Rege Boemiæ, & Imperatore filio Caroli quarti Imperatoris, de Sebredo Rege Angliæ, quòd dum baptizarentur sædauerint excrementis hunc sacrum fontem, & ij omnes pariter scelestissimam vitam duxere, finemq; vitæ miserrimum sunt sortiti; quamuis propter infantilem ætatem illa irreuerentia non esset culpabilis; & potius dici poterat illam sæditatem nō obscurum fore præsagium illorum fedissimæ vitæ. De quodam militè
im-

impudentissimo fertur quod in quodam castro propè Coloniā ausus esset impudenter fœdare baptisterium illius Ecclesiæ. Vnde repente cæcus effectus, & ab hostibus captus fuit suspensus ante fores eiusdem templi, cui tantam irreuerentiam irrogauit, sic puniente Deo morte temporali illum qui vilificerat locum, vnde ipse Vitam & spiritualem generationem fuerat consequutus.

§. 2. De Sacris Cameterijs.

Cameterium, nomen est Græcum, & iuxta variam derivationem à varijs vocibus Græcis (vt notat Stephanus Duranti) significat vel locum, vbi cineres mortuorum conseruantur: vel locum ante Ecclesiam (vel; quod probabilius est) dormitorium, quasi locus, vbi dormiunt, & quiescunt mortui; nam persæpe in sacris litteris, & præsertim in nouo testamento fideles, qui moriuntur in Domino, dicuntur dormire. Sic apud Ioannem Christus Dominus de Lazaro dicebat. *Lazarus amicus noster dormit.* Et Apostolus ad Thessalonicenses. *Nolumus vos ignorare me dormientibus vt non contristemini sicut & ceteri qui spem non habent.* Et multi Sancti Patres vocant somnum, mortem iustorum. Sic Diuus Hieronymus de Christi fidelibus pronuntiat. In Christianis, inquit, non est mors; sed dormitio & somnus appellatur. Et Diuus Chrysostomus. Mors non est mors; sed somnus & dormitio. Et meritò sane, quis qui moriuntur in Domino ad instar morientium se habent; iacent quidem exanimés in terris, sed vitam beatam viuunt in Cælis. Vnde Paulus. *Quasi morimur, & ecce viuimus.* Præterea qui dormitat non est in obliuione apud domesticos, neq; est derelictus; & ideò in psalmis dicitur. *In memoria æterna erit iustus.* Contrà verò de impijs dicitur. *Perijt memoria eorum cum sonitu.* Rursus qui dormit, iterum euigilat & è somno vegetior & robustior euadit: Sic de iustis

à mortuis resurgentibus dicitur. *Et procedent qui bona fecerunt in resurrectionem vite.* Vnde quemadmodum dulcis ac suavis est somnus & requies post laborem; ita suavis est somnus mortis ijs, qui pro Christo in hac vita laborauerunt. Iustus, inquit sapiens, si morte præoccupatus fuerit in refrigerio erit.

Hæc igitur Cæmeteria seu dormitoria apud Priscos fideles extabant ferè omnia extrà Vrbes, & præsertim Romæ. Quia vt refert Tullius prohibitum erat apud Romanos sepelire mortuos intra mœnia Ciuitatis exceptis ijs qui ob aliquam insignem victoriam triumphum agere meruissent. Quapropter idem etiam seruabatur à pijs illis fidelibus; ni fortè aliquando deuotionis, aut maioris commoditatis gratia occultè in proprijs domicilijs alicuius Sancti Martyris corpus sepelissent, vt legimus fecisse Sanctas illas Sorores Pudentianam & Praxedem filias Sancti Pudentis Senatoris, & discipulas Sancti Petri Apostoli. Hæ namq; Martyrum corpora eorumq; sanguinem recondébant in ipsarum domibus, quæ postea in Ecclesiam dedicatæ adhuc his temporibus visuntur & coluntur Romæ, altera in Colle exquilino sub titulo Sanctæ Præcedis, altera ad radices collis Viminalis sub titulo Sanctæ Pudentianæ.

Hæc mortuos extrà mœnia Ciuitatum sepeliendi lex fuit à Leone Imperatore abrogata, sed iterum à Teodorico Gotho Rege Italiæ fuit confirmata. Et hæc legis variatio fortè fuit in causa Cur extent modò Cæmeteria tam intrà, quàm extrà Urbem. Usus tamen frequentior & communior erat, vt Cæmeteria extarent extrà Ciuitates; vt innuit S. Chrysostomus his verbis. [Omne Ciuitatem] & omne Castellum ante ingressum habere sepulchra.]

Et quamuis Ethnici olim haberèt in more suorū cadauera defunctorum igne absumere, & in cineres redigere; at tamen fideles vtriusq; testamenti hoc nunquam egerunt; im-

mo

mo antiquitus corpora defunctorum condire solebant pretiosis balsami, mirrhæ, aloes, siniliumq; aromatū vnguentis, quæ à putredine præservandi vim habent; hoc pacto quodammodo contestantes eos defunctos interim suauiter in amplexibus Domini requiescere (iuxta illud. *Iustorum anima in manu Dei sunt*) quousq; à somno mortis euigilent ad sonitū illius tubæ, de qua Apostolus ad Corinthios. *Canet enim tuba, & mortui resurgent incorrupti*. Et hanc rationē observauit Tertullianus. Quapropter illud etiam in more fuit receptum sepeliendi mortuos intrā criptas & in cauernis seu speluncis, ut legimus de Abrahamo, qui emit speluncam Ephren Hetcei ad sepeliendam Saram suam dilectam coniugem, in qua etiam spelunca fuerunt tractu temporis recondita corpora, & ipsius Abrahami, & Isaac, & Iacob, coniugumq; ipsorum. Immo ipsemet Christus Dominus elegit sibi sepulchrum excisum in lapide.

Non dissimilia à prædictis speluncis sunt sacra illa Martyrū conditoria, quæ extant Romæ vulgariter dicta, *Catacombe*, in quibus prisci illi Christi fideles suorum corpora defunctorum & præsertim Martyrum sepeliebant. Fuerunt etiam dicta Arcæ eo quod extarent sub campis, vel quia erant loca spatiosa tanquam plateæ; quò nomine appellat ea Tertullianus. Ab Historicis latinis vocantur Criptæ arenariæ eò quod formarentur tales ex fossione arenæ pro construendis ædificijs: & quia Romæ olim plurima, eaq; magnifica extruebantur ædificia; hinc est quòd multæ tales Criptæ arenariæ subterraneæ in districtu Sanctæ illius Urbis comperiuntur: immo nonnullæ sic per varios, longosque anfractus protenduntur sub terra, ut post ingressum ad illas, difficillimum deinde sit exitum inuenire. Tales criptas & *Catacumbas* describit Sanctus Hieronymus in Ezechielem cap. 40.

In istis locis toto tempore, quò durauit Ecclesiæ persecutio à varijs tyrannis excitata (quæ sanè durauit per annos
cir-

à mortuis resurgentibus dicitur. *Et procedent qui bona fecerunt in resurrectionem vite.* Vnde quemadmodum dulcis ac suavis est somnus & requies post laborem, ita suavis est somnus mortis ijs, qui pro Christo in hac vita laborauerunt. Iustus, inquit sapiens, si morte præoccupatus fuerit in refrigerio erit.

Hæc igitur Cæmeteria seu dormitoria apud Priscos fideles extabant serè omnia extrà Vrbes, & præsertim Romæ. Quia vt refert Tullius prohibitum erat apud Romanos sepelire mortuos intra mœnia Ciuitatis exceptis ijs qui ob aliquam insignem victoriam triumphum agere meruissent. Quapropter idem etiam seruabatur à pijs illis fidelibus, ni fortè aliquando deuotionis, aut maioris commoditatis gratia occultè in proprijs domicilijs alicuius Sancti Martyris corpus sepelissent, vt legimus fecisse Sanctas illas Sorores Pudentianam & Praxedem filias Sancti Pudentis Senatoris, & discipulas Sancti Petri Apostoli. Hæ namq; Martyrum corpora eorumq; sanguinem recondébant in ipsarum domibus, quæ postea in Ecclesiam dedicatæ adhuc his temporibus visuntur & coluntur Romæ, altera in Colle exquilino sub titulo Sanctæ Præcedis, altera ad radices collis Viminalis sub titulo Sanctæ Pudentianæ.

Hæc mortuos extrà mœnia Ciuitatum sepeliendi lex fuit à Leone Imperatore abrogata, sed iterum à Teodorico Gotho Rege Italiæ fuit confirmata. Et hæc legis variatio fortè fuit in causa Cur extent modò Cæmeteria tam intrà, quàm extrà Urbem. Vfus tamen frequentior & communior erat, vt Cæmeteria extarent extrà Ciuitates; vt innuit S. Chrysostomus his verbis. [Omniem Ciuitatem & omne Castellum ante ingressum habere sepulchra.]

Et quamuis Ethnici olim haberèt in more suorū cadauera defunctorum igne absumere, & in cineres redigere; at tamen fideles vtriusq; testamenti hoc nunquam egerunt; im-

mo antiquitus corpora defunctorum condire solebant pretiosis balsami, mirrhæ, aloes, siniliumq; aromatū vnguentis, quæ à putredine præservandi vim habent; hoc pacto quodammodo contestantes eos defunctos interim suauiter in amplexibus Domini requiescere (iuxta illud. *Iustorum anima in manu Dei sunt*) quousq; à somno mortis euigilent ad sonitū illius tubæ, de qua Apostolus ad Corinthios. *Cantet enim tuba, & mortui resurgent incorrupti.* Et hanc rationē observauit Tertullianus. Quapropter illud etiam in more fuit receptum sepeliendi mortuos intrā criptas & in cauernis seu speluncis, ut legimus de Abrahamo, qui emit speluncam Ephron Hethei ad sepeliendam Saram suam dilectam coniugem, in qua etiam spelunca fuerunt tractu temporis recondita corpora, & ipsius Abrahami, & Isaac, & Iacob, coniugumq; ipsorum. Immo ipsemet Christus Dominus elegit sibi sepulchrum excisum in lapide.

Non dissimilia à prædictis speluncis sunt sacra illa Martyrū conditoria, quæ extant Romæ vulgariter dicta, *Catacombe*, in quibus prisci illi Christi fideles suorum corpora defunctorum & præsertim Martyrum sepeliebant. Fuerunt etiam dicta Arcæ eo quod extarent sub campis, vel quia erant loca spatiofa tanquam plateæ; quò nomine appellat ea Tertullianus. Ab Historicis latinis vocantur Criptæ arenariæ eò quod formarentur tales ex fossione arenæ pro construendis ædificijs: & quia Romæ olim plurima, eaq; magnifica extruebantur ædificia; hinc est quòd multæ tales Criptæ arenariæ subterraneæ in districtu Sanctæ illius Urbis comperiuntur: immo nonnullæ sic per varios, longosque anfractus protenduntur sub terra, ut post ingressum ad illas, difficillimum deinde sit exitum inuenire. Tales criptas & Catacumbas describit Sanctus Hieronymus in Ezechielem cap. 40.

In istis locis toto tempore, quò durauit Ecclesiæ persecutio à varijs tyrannis excitata (quæ sanè durauit per annos
cir-

circiter trecentos) Christi fideles exercebant diuina; ibi Concilia agebantur; quia publicè ista agere non audebant: quæ in re haud dissimiles sanctis testamenti veteris videbantur, de quibus Apostolus ad Hebræos scribens sic ait *Egentes, angustati, afflicti, quibus dignus non erat mundus, in solitudinibus errantes, in montibus, & speluncis, & cauernis terra.* In Isthis pariter locis suorum corpora defunctorum ac Martyrum deponebant itaut in Cæmeterio & Catacumbis Ecclesiæ Sancti Sebastiani Romæ adnotentur sepulta 77740. corpora fidelium: necnon 46. Sanctorum Pontificum; sic descriptum & adnotatum inspicitur vsque in hanc diem suprâ portam dictæ Catacumbæ intrâ Ecclesiam à dextris. Vt autem illi pij fideles corpora Sanctorum Martyrum ab alijs distinguerent, solebant super loculos ipsorum nomen & annum passionis & mortis insculpere; & insuper etiam nomen Imperatoris vel Iudicis sub quo passi erant; super loculos autem aliorum fidelium simplicem Crucem efformabant. Et quia non rarò tantus erat Martyrum numerus vt singulorum nomina sciri non possent; ideò suprâ Criptas, vbi eorum corpora deponebant, soliti erant inscribere has voculas, *Pro Christo*, vel etiam efformare in lapide gladium, aut caput præcisum, aut palmam, quam tamen Sanctis Pontificibus martyrio coronatis duplicabant. Igitur ex his locis, quæ Cæmeteria vocantur, extabant olim Romæ ad quadraginta tria vt adnotauit Baronius.

Cæterum de Cæmeterijs, quibus hac nostra tempestate fideles vtuntur, quid statuendum, qualia debeant esse, & qualiter custodiri, videri possunt *Instructiones descriptæ in Actis Ecclesiæ Mediolanensis part. 4.* desumptæ à Sacris Canonibus, Concilijs, & Ritibus antiquis. Specialiter ibi præscribitur d. Cæmeteria circumcingi muro itaut nullius generis belluæ possint in illa penetrare. Intus in medio erigi Crucem in signum loci sacri & religiosi. Adesse aquam benedictam in aliquo

quo vasculo. Aedificari ibi ædiculam ad instar Cappellulæ desuper contectam, in qua reponantur ossa defunctorum quæ exhumata iacent in terra. Eradicari omnes arbores ibi existentes. Nulla ibi pertractari commercia nundinarum, emptionum, & venditionum, nec alia prophana. Non sepeliri ibi eos, quibus hoc à Sacris Canonibus est interdictum. Plurima alia sanctissima monita ac decreta ad hanc rem faciētia loco citato præscribuntur notatu digna.

S. 3. De Sepulturis.

Licet in re idem sint Cameteria & Sepulture quantum ad finem & præcipuum illorum effectum, qui est sepeliendi mortuos: aliquod tamen inter hæc duo intercedit discrimen tum quoad situm, quia Cameteria fiunt extrâ Ecclesias; sepulture autem & intrâ & extrâ, tum quoad magnitudinem, quia Cameteria continent in se multas sepulturas, nō autem è conuerso. Hac igitur de causa instituimus hic distinctum paragraphum de sepulturis, præsertim cum Sacri Canones multa specialiter præscribant sub titulo de Sepulturis; quæ non præscribunt sub titulo de Cameterijs.

Quod igitur attinet ad Sepulturas ante omnia obseruandum est olim fuisse vetitum tumulare mortuorum corpora intrâ Ecclesias, vt expressè testantur Concilia Triburense, Nannetense, & alia quæ refert Gratianus. Quapropter nullæ in templis extabant Sepulture, & ad sepeliendum inseruiebant Cameteria. Erat tamen prærogatiua specialis summorum Principum, siue Ecclesiasticorum, siue laicorum vt ipsorum cadauera deponerentur in atrijs Templorum: sic de duobus Theodosijs, & de Arcadio Imperatoribus testatur Nicephorus: & Sanctus Chrysostomus narrat peculiare fuisse priuilegium Constantini Magni, vt Corpus eius in atrio Ecclesiæ Sancti Petri Constantinopo-

li collocaretur, ac si post mortem effectus esset quodammodo Ianitor Piscatoris. Consuetudo hæc adhuc seruatur in Gallijs per leges Caroli Magni vt refert Stephanus Durantius. Temporum autem successu cæpit inualescere mos deportandi ad Ecclesias ibiq; condendi etiam corpora Sacerdotum, aliorumq; Ecclesiæ ministrantium, item magnatum, & virorum illustrium; ac tandem omnium etiam promiscuè fidelium, vt habetur in Concilijs Moguntino, Meldense, & Triburense. Et sic ab Ecclesia Dei semper inde fuit approbatum & seruatum simul cum vsu illo habendi Cæmeteria, extrâ Ecclesiam: mansit tamen illa prohibitio & manet vsq; adhuc ne cadauera tumulentur propè altaria, in quibus Sacrificium offerri solet: sic Concilium Meldense præcipit vt exhumentur cadauera & ossa fidelium propè altaria tumulata; & vbi propter magnam copiam & quantitatem id exequi commodè non potest, mandat vt ipsum Altare demoliat. Sic Iuo.

Porro loca ordinaria sepeliendi fideles sunt Ecclesiæ parochiales, in quibus fideles suscipiunt Sacramenta, & soluunt decimas. Sic statuit Dionisius Papa, Innocentius. 3. Leo. 3. & Concilium Triburiense. Excipiuntur tamen aliqui casus.

Primus quando defunctus adhuc viuens elegit sibi sepulturam, quæ tamen sit in loco sacro & publico: Datur consilium vt talis electio sit de loco, quoad fieri potest, religiosiore; vbi frequentius & deuotius diuina peragantur, quales sunt Ecclesiæ Cathedrales & huiusmodi.

Secundus quando defunctus habet propriam sepulturam pro familia sua. Id asserunt Sancti Hieronymus & Augustinus relati in Decreto; idq; intelligitur etiâ de vxoribus, quæ ex hac vita migrantes absq; alia sepulturæ electione debent cum viris in eodem tumulo humari: & si quando contingat aliquam plures habuisse viros, in tali casu communiter Doctores volunt esse sepeliendam in sepulchro postremi & ultimi

timi viri, si illa secus non disposuerit.

Tertius, quando defunctus est filius familias, & moritur ante usum rationis: tales enim non possunt eligere sibi sepulturam, sed sepeliri debent iuxta voluntatem parentum si contraria non obstat consuetudo ut explicat Lucius 3. Papa. Hæc exceptio locum non habet quando filij iam habent usum rationis, vel sunt emancipati; quamuis absq; rationabili causa nec isti parentum sepulturam relinquere debeant iuxta decretum Melchiadis Papæ, & Leonis Tertij.

Si quis igitur, exceptis prædictis casibus, & similibus, sepeliret defunctum aliquem fidelem; ij, ad quos de iure spectat, repetere possunt & sibi vindicare cadauer cū omnibus emolumentis inde consequentibus, ut communiter asserunt Doctores. Aduertendum tamen laicos nullum habere ius in sepulturam sed tantummodo usum; & ratio est quia sunt loca sacra. Illa verò Canonica portio, seu quarta à pluribus summis Pontificibus instituta non est pretium sed signum subiectionis. Quapropter Cathedrali aut Parochiali Ecclesiæ tribuitur Eleemosina determinata Vel à Iure Canonico, vel à legitima consuetudine, eaque proministrorum Ecclesiæ subuentione; quemadmodum cætera alia emolumenta, quæ sepulturæ causa persolui consueuerunt; nam ut ait Apostolus. *Qui in Sacrario operantur, quæ de Sacrario sunt edunt.* Quo pariter modo præscripta est Eleemosina debita pro celebratione Missarum. Prædicta omnia docent Sacri Doctores.

Ex omnibus prædictis, quæ de Cæmeterijs & sepulturis diximus, duo colliguntur. Primum. Quod tribuere sepulturam mortuis est opus pium, sanctum, Deoque summè acceptabile, vti clarè per Angelum Rafaelem testatum fuit Tobiaë illis verbis. *Quando orabas cum lachrymis, & sepeliebas mortuos, ego obtuli orationem tuam Domino.* Et David Rex ijs, qui sepelierunt Saul dixit. [Benedicti vos à Domino,

Ecc

quia

quia fecistis misericordiam hanc cum Domino vestro Saul, & sepelistis eum, & nūc retribuit vobis Dominus.] Atq; idem Christus Dominus cōmendat pium illud officium vñctionis, quo feruēs illa Magdalena præuenit suam sepulturā. [Opus, inquit, bonum operata est in me; mittens enim vnguentum hoc ad sepeliendum me fecit.] *Hinc Diuus Augustinus.* [Non contemnenda, inquit, non abijcienda sunt Corpora defunctorum, maximèq; iustorum & fidelium; vnde & antiquorum funera officiosa pietate curata sunt, exequiæ celebrata, & sepultura prouisa.] Sicut autem piissimum & laudabile est dare sepulturam corporibus defunctorum; ita deestabile in sacris litteris habetur defunctorum Corpora inhumata relinquere. *Posuerunt mortalia seruorum tuorum, estas volatilibus Cæli, & carnes sanctorum tuorum bestiis terræ.* Non quòd ex hoc Animæ defunctorum patiantur aliquid, aut illarum felicitas minuatur: sed quia non modica illis irrogatur iniuria sic eorum corpora despecta & insepulta deferere; est enim hoc contrà innatum hominis desiderium, cum vnusquisq; communiter appetat post suum obitum honorificè sepeliri. Hinc est quod Sancti illi testamenti veteris Patriarchæ tanti fecerunt ipsorum Sepulturas vt Iacob expressè mandaret filiis suis, vt se in Ebron sepelirent cum suis patribus *sepelire me*, inquit, *cum Patribus meis.* Et Ioseph eius filius etiam mandauit vt, quando de Egipto exirent, secum ossa sua deferrent. Tobias quoq; senior præcepit filio suo, vt suum corpus deponeret iuxta matrem suā; multaq; alia consimilia exempla habentur in veteri testamento. In lege autem gratiæ legimus quamplurimos beatos apparuisse suis deuotis, eisq; mandasse vt honorificè tumularent sua corpora. Sic in vitis Sanctorum multa talia leguntur. Et meritò; quia vt inquit Apostolus *Nemo est, qui carnem suam odio habeat.* Quod explicat Diuus Augustinus his verbis [Ex illo humano cordis affectu, quo nemo vnquam carnem suam odio

odio habet, si cognoscant homines aliquid post mortem suam suorumq; defunctorum deesse quod in sua cuiusq; gente vel patria possit solemnitas sepulturae, contristantur ut homines, & quod ad eos post mortem non pertinet, ante mortem his corporibus timent.]

Alterum quod ex supradictis colligitur est hoc, nimirum quod Corpora fidelium humari debent in loco sacro siue Cameterio, siue Ecclesia. Talem extitisse in Ecclesia Dei ab antiquo tempore consuetudinem testantur multi Sancti Patres Gregorius, Hieronymus, Ambrosius, Augustinus; & omnium primus Sanctus Cyprianus, qui scribens ad Martialem reprehendit Christianum quem duam, qui suos sepelierat filios in prophano. Hinc apparet quam stultè, & perversè sentiebant heretici illi ab Aenea Silio relati, qui Catholicum hoc & pium institutum sepeliendi mortuos in Cameterijs, inq; Ecclesijs, carpebant. Cum & ipse Licurgus legislator Lacedemoniorum quamvis Ethnicus legem tulerit ut defunctorum cadauera iuxta templa sepelirentur. Caterum tam laudabilis consuetudo in Ecclesiam Dei inuenta est ab ipsis Constantini Magni Imperatoris temporibus, quando sedatis persecutionum fluctibus sub hoc pijsimo, & religiosissimo Principe, tandem ipsi Ecclesiae reddita est optata tranquillitas. Causa id inducendi ea, ut arbitror, fuit; quia cum quam plurima Sanctorum Martyrum Corpora in Tempia illis dicata transferrentur, fideles omnes optabant deuotionis gratia post suam mortem in eisdem templis tumulari. *Sic ait Cardinalis Baropius.* Vnde semper ad hac vique tempora talis consuetudo continuata praxi seruata est.

Huius laudabilis instituti Corpora fidelium defunctorum in Ecclesijs Sanctorum sepeliendi varias Sancti Patres afferunt rationes. *Sanctus Maximus inquit;* [quia defunctorum animae suffragia percipiunt ex intercessione eorum Sanctorum, quorum in Ecclesijs requiescunt.] *S. Dionysius Areopagita*

an; [quia corpora fidelium sunt eiusdem conditionis & massæ cum Sanctorum Martyrum corporibus, iisdem Sacramentis sanctificata, eodem spiritu viuificata, socij in laboribus & consortes in gloria, & eiusdem corporis mystici Sanctæ Ecclesiæ membra.] *Sanctus Clemens addit*; [quia fideles sacra templa frequentantes, suorumq; parentum & amicorum monumenta cernentes, ad fundendum Deo preces, aliaque pietatis opera pro animabus illis exercenda excitantur.] Idem scriptum reliquit *Sanctus Gregorius his verbis*. [Hoc, inquit, prodest mortuis, quos in Ecclesia sepelierunt, quod eorum proximi quoties ad ea sacra loca veniunt, eorum, quorum sepulchra aspiciunt, recordantur, & pro eis Domino preces fundunt.]

Cum igitur tot commoda consequantur ex sepultura habita in locis sacris & in Ecclesijs, hinc est quod Deus inter ceteras penas, quas impijs infligere solet, non minima est priuare illos sepultura: Et ita factum est cum Ieroboam Rege Israelis, de quo dictum fuit. *Qui mortui fuerint de Ieroboam in Ciuitate comedent eos canes; qui autem in agro verabunt eos aues Celi*. Idem pronunciatum fuit de Iezabelle, de Ioram, multisq; alijs. Et hinc est quod Sancta Ecclesia diuinæ iustitiæ lequens ordinem eandem prorsus penam imponit aliquibus hominum generibus. Qua in re diuersis variisque finibus mouetur. Nam quosdam priuat Ecclesiastica sepultura; quia non agnoscit illos vt filios, & ideo in suum sinum excipere recusat: tales sunt omnes qui carent baptismo. Item excommunicati, & morientes in statu peccati mortalis. Quosdam; quia commiserunt aliquod enorme delictum: tales sunt latrones, grassatores viarum, violantes Ecclesias & similes. Quibusdam hanc penam comminatur ne se temerè vitæ periculis exponant; ideo præscripta est carentia sepulturæ Ecclesiasticæ morientibus in duello, in torneis, in pugna cum bestijs & similibus. De quibus omnibus latè Doctores Canonum, & Summistæ.

Non

Non omittam in calce huius paragraphi adnotare quod à Sancto Carolo sapientissimè ordinatum fuit, & habetur in *Actis Ecclesie Mediolanensis*, nempe quòd sepultura nemini concedi potest in Cappella maiori, nec propè Altaria, in quibus celebratur: Et quamvis monumenta & lapides cum inscriptionibus suprà terram & in parietibus erigi possint; cadavera tamen non debent in sublimi collocari ut Pius 5. expressè quoque prohibet; nisi fortè essent Corpora Beatorum & Sanctorum.

C A P V T V.

De Disciplina circa Res pertinentes immediatè ad Missæ Sacrificium, ut sunt Calix, Patena, Corporale &c.

Post considerationem locorum, in quibus versari solent Ecclesiasticæ Personæ, & in quibus disciplina Ecclesiastica est seruanda, non incongruè subiicimus considerationem rerum, quæ in prædictis locis pertractari solent ibiq; asservari. Cum autem ista partim immediatè partim mediatè spectent ad Sacrosanctum Missæ Sacrificiū, ad quod tanquam ad finem omnia Ecclesiastica referuntur; visum est prius agere de immediatis. Huiusmodi sunt Calix, Patena, Corporale; ideo de his omnibus singillatim.

§. I. *de Calice.*

ANte omnia igitur sese offert consideratio Calicis, in quo à Sacerdotibus Ecclesiasticis in Sacrosancto Missæ Sacrificio per Verba Consecrationis fit illa mirabilis cōversio Vini in verum Domini Nostri Iesu Christi Sanguinem. Usus igitur huius sacri Vasis fuit ab ipso met Domino institutus;

tus;

tus; nam in Calice ipse consecrauit, pariterq; distribuit suis Discipulis proprium sanguinem in Vltima Coena, vt adnotarunt Sancti Euangelistæ, Matthæus & alij. *Es accipiens Calicem gratias egit, & dedit illis dicens. Bibite ex eo omnes. Hic est enim sanguis meus noui testamenti, qui pro multis effundetur.* Quod obseruauit S. Hieronymus his verbis. [Calicem ab ipso celebrante Christo nos accepisse notum, testatumq; est omnibus.] De illo Calice in indiuiduo, quo vsus est Dominus Noster, scribit Venerabilis Beda suo tempore asseruari, & ostendi Hierosolymis, fuisseq; argenteum duobus annulis hinc inde instructum, quibus acceptus præ manibus ori admouebatur. Quamob Causam Gregorius 3. prohibuit ne in Missa, vel super Altare plures calices adhiberentur sed tantum vnus ad imitationem vnus tantummodo Calicis quo Christus Dominus vsus est.

Quamuis autem nomine Calicis latè sumpto vocabulo intelligantur omnia vasa deseruientia ad bibendum iuxta Dauid in Psalmis. *Et Calix meus inebribus quam præclarus est.* Et in Prouerbijs. *Qui commoratur in vino, & studet Calicibus epotandis.* Ac Dominus Noster in eodem sensu dixit duobus illis suis Apostolis. *Potestis bibere calicem, quem ego bibiturus sum.* Immo de quocunq; aquæ poculo pro nomine suo præstito in Calice copiosam repromittit mercedem dicēs. *Quis dederit vobis calicem aqua in nomine meo non perdet mercedem suam.* Nihilominus loquendi vsus frequentior attribuit hoc nomen illi vasculo, cuius continentia est ad instar sphaeræ seu ouis, collecta tamen, non autem lata & effusua, aut alio artificio elaborata ad bibendum: Quod adnotauit *Pascasius*. [Sanguis, inquit, Christi nunquam in Catino, nunquā in Cratere aut in alio vase, quā in Calice cōseruatur.]

Quantum ad materiam Calicis. In primitiua Ecclesia quidam adhibebant Calices ex ligno confectos; idq; fiebat tum propter paupertatem Ecclesiasticorum, tum propter maio-

rem

rem securitatem: nam cum nullibi essent tuti Christi fideles propter tyrannorum persecutiones, & necesse haberent huc illucque confugere, si Calices fuissent pretiosiores subiissent periculum furti, rapinae, & prophanationis ab infidelibus perpetranda. Hinc *habetur in Concilio Triburenſi* quòd interrogatus Sâctus Bonifacius Martyr primus Maguntinus Archiepiscopus an esset licitum amplius uti calicibus ligneis, respondit. *Olim sacerdotes aurei utebantur Calicibus ligneis; nunc Sacerdotes lignei aureis utuntur calicibus.* Verum quia tales Calices sæpe sæpius per poros (est enim lignum suapte natura porosum & spongiolum) attrahebant sanguinem consecratum; ideo Sâctus Pontifex Zepherinus statuit ut in posterum Calices ex vitro adhiberentur ad maiorem decentiam & munditiam. Huiusmodi fortè erat Calix ille, qui fractus & in partes resolutus iterum fuit restitutus in integrum precibus Sancti Donati Aretini Episcopi, & Martyris, cuius miraculi fidem faciunt *Sanctus Gregorius in Dialogis, Beza, V'suardus, & Ado in suis martyrologijs.*

Hic usus postea fuit sublatus ea de causa, quia Vitrum est fractioni obnoxium, proindeque semper imminet periculum ne pretiosus Christi sanguis effundatur. Ob id Sanctus Pontifex Urbanus huius nominis Primus statuit ut in posterum Calices nonnisi aurei aut argentei aut saltem stannei adhiberentur. Quod etiam præscriptum fuit à Concilijs Triburenſe & Remense, cuius verba sunt hæc. [Ut Calix Domini cum Patena si non ex auro, omnino ex argento fiat; si quis autem tam pauper est saltem vel stanneum Calicem habeat: de ære autè aut auricalcho non fiat Calix, quia hoc ob vini virtutem æruginem parit, quæ vomitum efficit: nullus autem in ligneo aut vitreo Calice præsumat Missam cātare.] Hoc decretum valdè consensum est institutioni Christi; nam Calix ab eo assumptus fuit quoque argenteus, ut suprà diximus: & fuit usu receptum etiam ante tempora Magni Constantini,

ut

vt adnotauit Sanctus Augustinus.

Porro Calices duplici vsui erant destinati. Quidam deseruiebant tantummodo Consecrationi; & hi erant minores vt communiter etiam nostra tempestate solent esse. Quidam deseruiebant cæteris fidelibus vel ad sumendum sanguinem; vel ad solam purificationem; & sic erant maiores & appellabantur Calices ministrales: horum legimus magnam fuisse copiam donatam Ecclesijs à pietate fidelium præsertim Principium Supremorum, summorumq; Pontificum, vt legitur in illorum gestis præsertim *Sixti. 3. Syluestri, Urbani, aliorumque Pontificum*. De his ministrilibus Lindanus scribit sua tempestate adhuc in aliquibus Ecclesijs nonnullos re-
pertos esse miræ magnitudinis & capacitatis. Extat vnus ex istis affabrè elaboratus, & non mediocris magnitudinis & pretiositatis ex auro & argëto conflatus in thesauro Templi Sancti Ioannis Baptista Modoetiæ. Cæterum vsus distribuendi fidelibus laicis sanguinem Domini Nostri Iesu Christi iustis de causis fuit interdictus à Concilijs Constantiense, & Tridentino declarando sufficere communionem sub specie panis, & non adesse præceptum sumere Christum sub specie etiam vini. Non est improbabile huiusmodi Calices ministrales deseruisse ad solam purificationem, quæ habetur post communionem. Omnino autem in calicibus ministrilibus non fiebat consecratio.

§. 2. De Patenis & Custodijs.

Post Calices libet considerare Patenas, quæ Calices consequuntur, sic appellatas eo quòd in extremitate & superficie dilatentur & expandantur. Iste deseruiunt ad ferendum ad altare panem, seu, vt dicunt, hostiam quæ consecrari debet, & post consecrationem, ad illam colligendam & eleuandam à Corporali: & ferè semper ex eadem prorsus ma-

te-

teria conficiuntur, ex qua Calices, ut statuunt prædicta Concilia Tiburense, & Remense; Atque adeò quando Calices erant vitrei, etiam Patenæ tales erant ut notant Vualfridus. Vnde S. Damasus scribit Urbanum Secundum innouantem mobilia Ecclesiarum prouidisse Patenas & Calices aureos, & argenteos ad numerum 25. Et in vita S. Siluestri legitur fuisse aliquando donatas Patenas quasdam ponderis 30. librarum auri pro qualibet: & idemmet Damasus obtulit vnā librarum 20. Vnde colligit Stephanus Durantes rem non segniter aduertendam, & est talis; quòd, cum istæ Patenæ, quæ deseruiebant Consecrationi & distributioni Sanctissimi Corporis Christi sub specie panis, essent maioris ponderis quàm Calices deseruientes consecrationi sanguinis, signum valdè manifestum est multò plures fuisse illos, qui etiam priscis ijs temporibus communicabant sub sola specie panis, quàm illos, qui sub vtraq; communicabant; idest & sub specie panis, & sub specie vini.

Et quia tam Calix quàm Patena deseruiunt immediatè Sacrosancto Missæ Sacrificio, hinc est quòd ambo consecrantur ab Episcopis sacra vnctione, crismate, & ceremonijs valdè significatiuis, quæ in Pontificali Romano habentur: additq; Sanctus Thomas, quamuis prædicta, ex eo quod sunt inanimata, non sint capacia gratiæ, nihilominus per consecrationem adipisci virtutem quamdam supernaturalem, per quam efficiuntur instrumenta idonea cultui Diuino. Quamobrem Deus præcepit Moyfi Exod. 40. ut oleo cōsecraret Tabernaculum & omnia vasa, quæ in illo adhibenda erant. *Assumpto vnctionis oleo, inquit, unges Tabernaculum cum vasis suis ut sanctificentur; omnia vnctionis oleo consecrabis ut sint Sæcta Sanctorum.* Et non solum prima vice, sed quotiescunq; notabiliter innouantur & instaurantur per nouæ formæ acquisitionem (deperdita prima, sub qua fuerant consecrata) debent iterum consecrari, ut quando iterum deaurantur; & ratio est

F ff

quia

quia iterum destinantur cultui diuino; cum in illis non remaneat ex prima consecratione character ullus (non enim sunt capacia) sicut remanet in Sacerdotibus, in Episcopis, in Baptizatis, in confirmatis &c. in his enim omnibus per sacram vntionem, quam suscipiunt singuli in suis sacramentis, remanet character indelebilis, ut docent communiter Doctores.

Calices & Patenas sequitur aliud vasculum vulgò dictum Custodia, quoniam in isto asseruantur & custodiuntur particulae consecratae ad communionem fidelium laicorum. Et confici solet ex eadem materia, ex qua Calices & Patenae, de quibus custodijs legitur in vitis Pōtificum quod Simmachus Papa curauit ut prouideretur Ecclesijs SS. Andreae & Siluestri Romae. Hoc Vas à Synodo Turonensi vocatur *Pixis* ut refert Buccardus. *Omnis Presbyter, inquit, habeat Pixidem, aut Vas tanto Sacramento dignum, ubi Corpus Domini diligenter recondatur.* A Sancto Chrysostomo vocatur *Ciborium*. Ab alijs etiam hæ Custodiæ vocantur *Columba*, quia sub figura huius Avis olim plurimæ constabantur quasi repræsentâtes Columbam in Iordane, & Columbam Arcæ Noë. Sic in actis Diui Basilij legitur ut notat *Stephanus Durantes*. Et certè optimo consilio in figuram Columbæ tales Custodiæ conficiebantur; nam hæ Avis cum sit Candida, simplex, socialis, & gemebunda egregiè nos docet munditiam cordis, puritatem vitæ, simplicitatem morum, Charitatem erga Deum, & proximum, lachrymas paenitentiae & gemitum peccatorum; quæ omnia dispositiones sunt optimæ ad suscipiendum hoc diuinum altaris Sacramentum.

In Concilijs Prouincialibus Mediolani, ut habetur in *Actis illius Ecclesiae*, præscribitur, ut hoc vasculum conficatur ad instar Cuppæ collectum, profundum & deauratum saltem ad intra, quamuis sit argenteum, altitudinis in pede sex vnciarum, itaut à Sacerdote commodè tractari & gestari possit præmanibus cum communicat, nec adeò subtile itaut elabi possit

sic

sit è manibus; nec similiter a deò nodosum, & quoda n modo spinosum, vt lædat manus. Præterea sit tale vt claudi & regi possit quibusdam quasi vngulis itaut aperiri non possi: nisi ad effectum communicandi; de cætero semper sit clausum. Præscribitur insuper vt in Ecclesijs Parochialibus præter consuetam pixidem, quæ cum venerabili Sacramento semper in Altari maiori asseruari debet, sit etiam alia minor, quæ deferuiat ad Sacram Eucharistiam ægrotis ferendam.

Sub eadem Custodię appellatione venit Vasculum aliud, in quo exponitur publicè adorandum hoc Venerabile Sacramentum tempore publicæ Orationis præcipuè 40. horarum. Hoc vasculum prædictam ob causam & finem est alterius formæ & figuræ, capax vnus solummodò hostiæ maioris consecratæ, quæ intrâ Vas erecta collocatur suprà lunelam auream vel argenteam. Variè solet elaborari, nempe Vel ad modum Sphæræ circumquaq; radiosæ: Vel ad modum Coronæ spineæ; Vel ad modum Piramidis; Vel ad modum Turriculæ: semper tamen à lateribus instructum pellucidis cristallis, & preciosis margaritis ornatum, vt Sacrosancta Hostia visibiliter cerni & adorari valeat à populo. De hoc Vasculo loquitur Gregorius Turonensis dum inquit. *Accepta Tigris De conus, in qua mysterium Dominici Corporis habebatur, ferri cepit, ingr. ssq; Templum eam Altari suppositum; Vnde colligitur vsum huius Custodiæ esse per antiquum.*

Nec prætereunda silentio est significatio, quæ in prædictis vasculis continetur. Nam Calix significat Christi Redemptoris passionem, iuxta illud. *Si possibile est transeat à me Calix iste.* item denotat martyriū, carnisq; mortificationē. Sic SS. Basilius, Hieronymus & alij: hinc filijs Zebedei idem Dominus dixit. *Calicem quidem meum bibetis.* loquens de futuro ipsorum martyrio. Et Regius Propheta. *Calicem salutaris accipiam; & nomen Domini inuocabo.* item significat sepulchrum Christi Domini; quemadmodum & Patena significat lapi-

dem, qui fuit ab Ioseph appositum ad ostium monumenti iuxta illud. *Et adoluit saxum ad ostium monumenti.* Materia etiam ex qua sacra vasa conficiuntur, non vacat mysterijs ut videre est apud Patrem *Tobiam Coronam de Sacris Templis par. 1. cap. 47.*

S. 3. De Corporalibus.

Deservit etiam immediatè sacrificio *Missæ Corporale*, quod aliud non est quàm linteolum quoddam lineum amito illitum album & mundum, quod extenditur super altare tempore *Missæ*, & super illud collocatur Calix & Hostia tam ante, quàm post consecrationem. *Sic Alcuinus.* Sub cuius appellatione venit etiam illud aliud linteolum parvulum complicatum, quo cooperitur calix, & vocatur communi vocabulo (*Anima*) quia sicut Anima continetur in corpore, ita hoc linteolum parvulum ponitur intrà *Corporale*. Hæc duo, nempe tam *Corporale*, quàm *Anima* vocantur aliquando apud Sacros Canones, & Sacros scriptores (*Palle*) verbum sumptum à latino (*Pallium*) quod significat operimentum, quasi cooperiat Sanctum *Missæ* Sacrificium, ut volunt *Guglielmus & Stephanus Durandi.*

Porro huiusmodi linteola non possunt in *Missâ* adhiberi nisi linea; non autem serica, argentea, aut alterius pretiosioris materiæ. Et hoc fuit institutum à Sancto Silvestro Papa, & secundum quosdam à Sancto Eusebio etiam Papa, qui fuit ante Silvestrum. Extat hoc decretum relatum à *Gratiano cap. consulto. de consec. dist. 1. his verbis.* [Consulto omnium statuimus ut sacrificium Altaris non in serico aut tincto panno quisquam celebrare præsumat, sed in puro linteo ab Episcopo consecrato, terreno scilicet lino procreato atq; contexto: sicut corpus Domini Nostri Iesu Christi in sindone lineæ & munda sepultum fuit.] Itaq; *Corporale* representat lin-


lin-teum illud pretiosum, quo fuit inuolutum Sanctissimum Christi Corpus post mortem, quod etiam lineum fuit, ut omnes Doctores & Sancti Patres notant super illa Verba: *Et accepto corpore Ioseph inuoluit illud Sindone munda.* Quod linteum hodie asservatur & religiosissime colitur Taurini apud Serenissimos Sabaudiae Duces. Eamdem rationem affert Beda, quare corporalia ex lino conficiantur. *Ecclesia*, inquit, *mos obtinuit ut Sacrificium Altaris non inferico neq; in panno tineto; sed in lino terreno celebretur sicut Corpus Domini est in Sindone munda sepultum.* Et quemadmodum Corporale significat linteum maius, quo fuit inuolutum Domini Corpus; ita Palla seu Anima denotat linteolum illud parvulum, nempe Sudarium quod fuit appositum super faciem Domini; de quo in Evangelio Ioannis cap. 20. habetur illis verbis. *Et vidit linteamentum positum & Sudarium quod fuerat super caput eius separatim inuolutum in unum locum.*

Aliam rationem allegoricam cur Corporalia, & Anima debeant esse ex lino albo, reddunt, Amalaris, & Ateanus, quæ est talis; [Quia, inquit, quemadmodum hoc linteum non redditur album, candidum & mundum nisi prius linum fuerit bene percussum, madefactum, tortum, ebullitum, & pluribus manibus sæpius attrectatum: ita Christus Dominus non resplenduit gloriosus nisi post gravissima accepta tormenta in eius acerbissima passione. Vnde ipse de se dixit. *Oportebat Christum pati & ita intrare in gloriam suam.*] Hanc eandem rationem innuit Sanctus Thomas in sua summa Theologica.

Divus Hieronymus addit aliam rationem tropologicam seu moralem. [Ideo, inquit, Corporale debet esse ex lino mundo ad innuendam munditiam Cordis, qua contrectari & suscipi debet hoc diuinissimum Altaris Sacramentum. In Sindone, ait, munda includit Iesum, qui mente pura eum susceperit.] Ad quam munditiam comparandam illa tria, ut docet Sanctus Thomas, concurrere debent, quæ omnino concurrunt.

currunt ad conficiendum linteum lineum; nempe Ablutio, Tortura, & Exsiccatio; his enim tribus linū præparatur ut ex eo tela conficiatur. Ablutio sunt lacrymæ præteritarū culparum, quibus Deum offendimus. Tortura sunt labores & pænæ à veris pœnitentibus susceptæ in suorum pœnitentia nō peccatorum. Exsiccatio est ardens erga Deum amor, quo terrenæ & carnales affectiones exsiccantur, arescunt, consumuntur, depelluntur. Itaque iure optimo Corporalia & Animæ debent esse ex lino mundo propter allatas rationes.

Hinc colligere quisque potest non esse laudabilem illorum morem, qui Corporalia & Pallas exornant serico, vel auro vel argento; quia Sacri Canones præscribunt totum Corporale debere esse lineum; nō autem solam illam partem super quam collocatur Hostia, similiter & Pallam seu Animam; & ratio est quia talia fuerunt & Linteum & Sudarium, quibus Christus Dominus in Sepulchro fuit inuolutus. Adde quòd accidere fortasse potest Sacramentum attingere illam extremitatem sericam, vel argenteam, vel auream præsertim si corporale sit angustum, quo casu fieret contra sacros Canones. Præterquam quod similia Corporalia cū ornamentis huiusmodi difficillimè lauari, & mundari possunt. Vnde si quid ornamentum in extremitatibus Corporalium apponendum est, debet etiam hoc fieri ex lineo filo, non autem ex alia prætiosiori materia. De quibus simplicibus Corporalibus scribit *Ioannes Diaconus in vita S. Gregory*, quòd ille Sanctus Pontifex ut manifestam omnibus faceret venerationem, quam debemus his sacris linteolis, præcidit particulam ab vno ex istis spectante populo, & illicò sanguis mirabiliter effluxit.



C A P V T VI.

*De Disciplina circa ea quæ minus immediate
deserviunt ad Missam, qualia sunt Puri-
ficatoria, Vela, Ampulla & similia.*

Pater Calices, Patenas, Corporalia, &c. omnino ne-
cessaria ad sacrosanctum Missæ Sacrificium, sunt eti-
am multa alia minus necessaria, à sacris tamen ritibus
præscripta ad honorificam & decentem tanti sacrificij cele-
brationem. Huiusmodi sunt *Purificatoria; Vela pro Calicibus;*
Bursa pro Corporalibus; Ampulla seu amula pro Vino, & Aqua; Lu-
mena & Missalis; Pannicula pro Communione; Mappa pro Altari;
Pallia seu Antependia; & Tabernaculum, ubi asseruantur Sanctissi-
ma Eucharistia De quibus omnibus est singillatim dicendum.

S. I. De Purificatorijs.

AD Missæ Sacrificium spectat etiam linteolum quod-
dam ad instar fudariboli contextum, vulgò dictum (*Pu-*
rificatore) à fine, ad quem est institutum; deseruit enim ad ab-
stergendum digitos Sacerdotis post ablutionem illorum in
Calice: item post immediatam contrectationem sacratissi-
mæ Hostiæ: necnon ad purificandum & abstergendum ipsum
Calicem exsiccando illum modicum humorem, qui remanet
in ipso Calice post sumptionem pretiosi sanguinis Domini
Nostri, & post purificationem inde sequutam.

Cum autem facillimè contingere possit ut aliqua stilla
pretiosi sanguinis, vel aliqualis humor illius remaneat in
interiori Calicis superficie eo quod non potuerit uniri cum
reliqua copia ipsius Sanguinis, nec consequenter sumi, & ip-
samet purificatio ex vino & aqua habita fortè non potuit

per-

perungere ad huiusmodi stillam seu humorem: hinc est quod nō omnibus promiscuè permittitur attrectare prædicta purificatoria; sed solum ijs, qui sunt sacris ordinibus initiati. Hac de Causa in Instructionibus de suppellectili Ecclesiastica, quæ extant in *Actis Eccles. Mediolanensis* præscribitur, ut quando Purificatoria munda innouantur, ea quæ amouentur successiuè afferuentur in aliqua capsula ad hunc effectum deputata, donec à Subdiaconis & Leuitis abluantur. Mandatur insuper ut dicta *Purificatoria* conficiantur ex tela linea quidem, sed non grossiori nec subtiliori sed media; longitudinis & latitudinis vnciarum 18. circiter, sine ornamentis. Præterea ut in medio illorum acu compingatur Crux, ad effectum nimirum distinguendi ipsa Purificatoria ab alijs linteolis & sudariolis, quæ deferre solent Sacerdotibus celebrantibus tum ad abstergendas extremitates digitorum post ablutionem in offertorio; tum ad illa supponenda Ampullis Vini & Aquæ, ne fortè per guttulas decedentes & humorem maculentur mappæ Altaris. Horum meminit Beda.

Nec vacant mysterio; excitant enim in nobis recordationem illius diuinæ pietatis effectus, qui per sanguinem preciosissimum immaculati Agni Domini Nostri Iesu Christi in illo cruento Crucis sacrificio oblatum in nos deriuauit; purgatio scilicet nostrorum delictorū, iuxta illud Apostoli. *Purgationem peccatorum faciens.*

S. 2. de Velis pro Calicibus & alijs.

AD maiorem decentiam & reuerentiam diuini huius sacrificij & Sacramenti institutus est vsus Velorum, quibus teguntur Calices. Et meritò quidem; quia si viri nobiles seculi huius in ipsorum domibus vtuntur velis ad contegenda sua indumenta magis pretiosa, ut à puluere, alijsq; fordibus munda seruentur; quantò magis hoc fieri conuenit erga

erga vasa sacra. Quamobrem cum Calices & Patenæ sint ab Episcopis sacraunctione benedicta & sacrata, nec non Sanctissimæ Eucharistiæ contactu sanctificata, valdè congruum est vt ad maiorem illorum reuerentiam, & munditiam Velis cooperiantur; quemadmodum ad eundem finem cooperiri debent Pixides & Custodiæ, in quibus asseruatur Sanctissimum Eucharistiæ Sacramentum tum existens in Altari, tum delatum ad infirmos, tum quando publicè in solempni processione circumfertur iuxta decretum Honorij. 3. *Eucharistiâ, inquit, decenti habitu supposito mundo velamine ferant & referant.* Huiusmodi Vela, præsertim quæ spectant ad Calices, decet vt sint affabrè elaborata, acupicta, argento & auro, immo pro virium facultate etiam margaritis & lapidibus pretiosis ornata.

Diuus Carolus Ecclesiasticæ disciplinæ studiosissimus reparator statuit vt illa Vela, quibus processionaliter & publicè defertur Sanctissimum Sacramentum sint oblonga itaut contegant non solum Vasculum Sacramenti; sed etiam humeros, brachia, & manus Sacerdotis; sintq; ex materia pretiosa contexta; aut saltem circumcirca in extremitatibus pretioso fulgeant ornamento. Hoc præscriptum valdè consonum est sacris litteris: in veteri enim testamento *in libris Exodi, & Numerorum* legimus Deum mandasse vt quædam spectantia ad Templum, vt Arca, Propitiatorium & Sancta Sanctorum pretiosis Velamentis contegerentur, vt bisso, lacinio, purpura, & similibus acupictis ingeniosè varijs coloribus depictis, itaut eorum pulchritudine & varietate & oculos intuentium recrearent, & diuinæ maiestatis venerationem inducerent. Quod si hoc seruatum fuit tempore legis Mosaicæ, & in rebus veteris testamenti, quæ erant vmbre & figuræ rerum legis gratiæ, & noui testamenti, quanto igitur meliori nota & iure instituit hoc fieri sancta Dei Ecclesia circa ea, quæ spectant ad diuinissimum Sacramentum, in quo continetur

ipsemet dator legis & gratiæ.

Sed veniamus ad mysticam horum Velorum significationem. Et quidem primò non incongruè dicere possumus per hæc Vela Significari sacratissimam Christi Humanitatem in Sacramento Eucharistiæ contentam; quia sicut ipsa Vela tegunt sacra Vasa, ita illa sacratissima Humanitas regit Diuinitatem in Persona Filij Dei, cui dicta Humanitas est hypostaticè vnità. Vnde Sanctus Paulus ad Hebræos cap 10 *Habentes*, inquit, *fiduciam in introitu Sanctorum in Sanguine Christi quam initiavit nobis viam nouam, & viuentem per velamen, idest carnem suam.* Sanctus Gregorius, & Riccardus à Sancto Victore existimant per hæc Vela denotari recollectionem interiorum Cordis & Mentis, qua debent Sacerdotes esse instructi in pertractandis hisce sacris mysterijs; nam si per velum Templi; quod erat medium inter Sanctuarium & inter Sancta Sanctorum impediabatur Sacerdos alia respicere, & oculorum obtutus aliò conuertere; quāto magis decet vt Sacerdotes nouæ legis, qui intimius & immediatius cum ipso Deo conuersantur in Diuino Missæ sacrificio, suas habeant cogitationes & affectiones in Deum collectas, non autem huc, illucq; per terrena vagantes & effusas. Possumus etiam dicere ista Vela demonstrare species Sacramentales, quibus quodammodo velatur gloriosissimum Christi Corpus, sub ijsq; continetur; vt sicuti facies Moisis post consortium Sermonis Dei splendida facta est, ob idq; Velo tegebatur ne splendor ex illa emicans oculos perstringeret intuentium. Sic splendidissimum Christi Corpus speciebus Sacramentalibus veluti quodam velo contegitur ne fidelium intuentium oculos suo splendore perstringat. Meritò igitur & propter mysteria, & propter reuerentiam tanto Sacrificio, tantoq; Sacramento debitam sacra Vasa Velaminibus conteguntur.

§. 3. de Bursis pro Corporalibus.

V Aldè appositè & decenter adhibentur etiam Bursæ pro Corporalibus. Hæ ut plurimum debent ex eadem omnino materia aut serica, aut altera pretiosiori confici, ex qua fiunt pariter Planetæ seu Casulæ Sacerdotales; & item Pallia seu Antipendia pro Altaribus ut omnia simul respondeant: aut saltem debent esse similes in Colore; & aliquando etiam non dedecet Bursam esse ditioris materiæ, aut ingeniosius elaboratam quàm sit Casula & Antipendium; quippe quæ proximius accedit ad Missæ sacrificium; quamvis non sit tam necessaria sicut Casula. Deserviunt igitur istæ Bursæ ad continendum intra ipsas Corporalia ad effectum ne decidant in terram; ne puluere aut alijs sordibus commaculentur; ne minori reuerentia, quàm par esset, tractentur ab ijs præsertim quibus per Sacros Canones est vetitum; quales sunt omnes laici; immo etiam Clerici qui non sunt adhuc in ordinibus sacris constituti. Sic statutum fuit à Martino primo Summo Pontifice per hæc Verba. *Non liceat cuilibet sacra mysteria tangere nisi Subdiacono.* Et hoc decretum est in viridi obseruantia. Vnde nulli quantumlibet religioso, & Sancto, & Deo dicato licet Corporalia, Animas, Purificatoria, Calices, & Patenas attrectare: In specie Monialibus fuit hoc vetitum à Sancto Sotero Papa & Martyre. Prohibitio tangendi Corporalia &c. intelligenda est habere locum in Corporalibus, quæ iam in Missa adhibentur, & suprâ illa iam confectum est aliquâdo sacrificium, nec postea sunt lota ab aliquo facultatem habente illa attrectandi: nam antequam à Sacerdotibus adhibeantur; & item postquam sunt lota non est prohibitum illa tangere; immo post lotionem factam à Levitis tradi solent faminis, præsertim sanctimonialibus ut illa amido illiniant, & componant. Igitur iure optimo corpora-

lia dum actu adhibentur in Missæ sacrificio asseruantur in Burſis ad hunc effectum specialiter deputatis.

S.4. de Ampullis seu Hamulis pro Vino & Aqua.

Ampullæ sunt vascula illa minora, quibus defertur & ministratur ad Altare Vinum & Aqua pro Sacrificio Minæ, à quibusdam antiquis scriptoribus appellatæ *Hamæ* seu *Hamula*. Hæc igitur Vascula siue *Hamula* siue *Ampulla*, siue *Uricoli*, dicti ex omni materia fabricari possunt, dummodo talis materia malam aliquam qualitatem non communicet Vino, ex qua Sacerdoti celebranti nausea oriri possit, qualis materia fortè erit stannum, aurum, argentum: quamvis aliquando, non tamen frequenter, in festis solemnioribus talia vascula argentea, vel aurea adhiberi possent. Communiter tamen & quidem consultius adhibetur vitrea seu melius cristallina; nam hæc materia non est tam pretiosa & est communior; & insuper est diaphana seu transparens, itaut melius & euidentius secernatur Aqua à Vino; Vnde Celebrans non tam de facili errare potest, sicut cōtingere solet in alia materia. Adde quod ampullæ cristallinæ, seu vitreæ facilius & commodius purgari possunt à sordibus quas relinquere solet Vinum; quia de foris tales sordes commodè videntur.

Solent autem prædicta vascula offerri Sacerdoti celebranti imposita super aliquam Cuppam vel testæ, vel lapideam, vel vitream, vel argenteam, vel consimilis materiæ; idq; ad maiorem decentiam & munditiam tanti ministerij; & item ne vinum aut aqua defluat super Altare, indeq; mappæ commaculentur cum diuini Cultus irreuerentia. Et huiusmodi protectò vsus meritò institutus; nam si hæc munditia adhibetur in mensis virorum nobilium, multò magis in mensa, in qua cōficitur, offertur, & ministratur Corpus & Sanguis Domini Nostri Iesu Christi. Autumant nonnulli talem usum
ortum

ortum habuisse à Sapientissimo Rege Salomone in Templo Hierosolimitano quando ad fundenda Vina, Olca, Aquas & alios liquores à Mosaica lege præscriptos, mandavit confari penè innumera vasa tum aurea, tum argentea.

Cæterum si velimus in istis etiam Vasculis, & Cuppa mysticam adinuenire significationē, dicere possumus per Cuppam significari Cor contritum, & humiliatum, quo instrui debet qui ad tantum Sacramentum accedit; ex quo tali corde profluāt lachrymæ tum doloris pro peccatis patratīs; tum compassionis pro acerbissima Christi passione & morte, cuius memoria in illo sacrificio recolitur; tum deniq; lætitiæ spiritualis & gaudij pro dulcedine & suauitate in illa Angelorum mensa degustata. Qua lachrymarum dispositione se ad illa antiquæ legis sacrificia accedere solitū fatetur Regius Prophetæ cum dicit. *Lauabo inter innocentes manus meas, & circumdabo altare tuum Domine.* Illæ verò binæ ampullæ indicant binas Animæ nostræ potentias, Intellectum scilicet & Voluntatem. In quarum prima, nempe Intellectu, continetur aqua sapientiæ, doctrinæ Euangelicæ, & cognitionis sublimium mysteriorum, quorum memoria in illo summè venerando ac tremendo Missæ sacrificio recolitur. Sic existimant Sancti Hieronymus, Gregorius, Bernardus & alij. In altera verò, nempe Voluntate, continetur vinum amoris erga Deum, de quo gustauerat sponsa. i. Sancta illa Anima in Canticis, quando dicebat de sponso. *Introduxit me in Cellam vinariam, ordinavit in me Charitatem.* Istæ sunt duæ peculiare & optimæ dispositiones ad Diuinum hoc Sacramentum, videlicet Cognitio fundata in Fide mysterij quod peragitur; & Amor accensus erga infinitam Dei bonitatem, quæ in tanto Sacrificio & Sacramento sic mirificè elucescit.



S. 5. de Luminibus & Libro Missali.

Lumen, quod in Ecclesia accenditur, Christum significat iuxta illud. *Ego sum lux mundi*. Et Ioan. 1. *Erat lux vera qua illuminat omnem hominem venientem in hunc mundum*. Significat etiam Apostolos, & ceteros Doctores, quorum doctrina fulget Ecclesia, ut Sole Luna; de quibus Dominus ait. *Vos estis lux mundi*. id est bonorum operum exemplum. Vnde idem admonens eos ait *luceat lux vestra coram hominibus*. Præterea admonet nos debere virtutibus lucescere, & bonis operibus abundare abijciendo opera tenebrarum, & induendo arma lucis, ut loquitur Apostolus ad Rom. qui etiam ad Ephes. scribens hortatur nos ad idem illis verbis. *erat aliquando tenebra nunc autem lux in Domino; ut filij lucis ambulate; fructus enim lucis est in omni bonitate, iustitia, & veritate*. Vnus luminis, lucernarum, lampadarum, & candelabrorum in Ecclesijs est antiquissimus tam in testamento veteri, quam in testamento nouo, ut patet peruoluenti sacras literas. Quapropter iure optimo statutum est ut Missa non celebretur sine luminibus ex cera; ita ut sint saltem duæ candelæ accensæ ex cera, sine quibus, vel saltem vna in necessitate, mortale esset celebrare; ut ait Tol. lib. 2. cap. 2. in fin. & deponitur Sacerdos ab officio, & beneficio, qui sine lumine celebrat cap. fin. de celeb. Miss. Addit Victorellus apud Tol. ibid. quo ad materiam, *cera non est ex precepto sed ex usu: unico lumine ex oleo vii (postulante necessitate) non est peccatum mortale: vitiosem adhibere materiam, non liceret. Fernandez contra Tol. culpam lothotam putat, candelam ex sono adhibere in necessitate*. Ita Victorellus.

Liber Missalis computatur in suppellectili magis necessaria Ecclesiarum; siquidem sine illo nec potest, nec debet celebrari Missa; tum quia in eo præscribuntur ritus seruandi in oblatione Sacrosancti Sacrificij; tum quia continet orationes,

nes, lectiones, euangelia, versus, & quicquid à Sancta Matre Ecclesia circa Missam ordinatur, unde nomen Missalis est ortum. Quamobrem à Sacerdote celebrante hic liber necessario est adhibendus saltem in ea parte, in qua continetur Canon, & sine illo celebrare peccaret lethaliter, ut est communis Theologorum, & Canonistarum sententia, de qua *Pater Corona de sac. Temp. cap. 40.* idque asserunt fundatum in antiquissima & receptissima Ecclesiae Dei consuetudine, quae vim obtinet legis. Sed etiam in reliquis Missae partibus praeter Canonem expedit Missalem adhiberi ad succurrendum memoriae, quae est labilis; & ad proferendum distinctè & intelligibiliter ea quae leguntur sicut decet, & praescriptum inuenimus in *Conc. Colon. & August.* his verbis. *Sacerdos Missam cum reuerenda modestia clarè, & distinctè legat usque ad Canonem, ut qui adstet quod legitur, intelligat & ad pietatem excitetur. Ita praefata Concilia, quae refert P. Corona loco ubi supra.*

§. 6. De Linteolis pro Communione laicorum.

Quia Sacerdos post sumptionem viuifici Corporis & Sanguinis Domini solet etiam communicare fideles accedentes ad illam diuinam mensam; ideo pro hac Communione datur quaedam alia Linteola praeter illud quod deseruit Sacerdoti ad manus abstergendas. Hae expanduntur & extenduntur super Cancellos Altaris ubi habetur dicta Communio; Vel ipsimet fideles communicantes illa tenent praemanibus & supponunt ori suo ad effectum colligendi particulas aut fragmenta Eucharistiae, si forte elaberentur à Sacerdotis manibus, vel ab ipsomet ore communicantis. Usus horum linteolorum videtur ab ipsomet Diui Augustini temporibus introductus; nam Sanctus hic Doctor & Praeful in quodam Sermone hortatur mulieres ad accedendum ad hoc diuinum Sacramentum ea munditia in corde quam ipsae

ipsæ exquirerent in linteolis sibi paratis quando communicarent. Sic enim inquit. *Omnes viri quando communicare desiderant lauant manus suas, & omnes mulieres nitida exhibent Linteola, ubi Corpus Christi accipiunt: Quomodo viri lauant manus, sic elemosinis lauent conscientias suas; & mulieres quomodo nitidum exhibent linteolum, sic corpus castum, & cormundum exhibeant.* Ex quibus verbis simul habetur & significatio mystica huius Linteoli, & deuotio mulierum illorum temporum, quæ providebant Ecclesijs de rebus ad cultum diuinum necessarijs præsertim de pannis lineis.

S. 7. De Mappis Altaris.

PRædictis omnibus adduntur Mappæ seu Tobalæ, quæ expandantur super Mēsam & superficiem superiorem Altaris, super quo conficitur Sacrum. Hæ quantum ad materiam debent esse ex lino seu canipio, aut consimile materia candida & munda, non autem ex serico, ad significandam puritatem Cordis & mortificationē sensus, qua pollere debent Sacerdotes Altissimi, vt si non digni, saltem non indigni reddantur ad offerendum tantum Sacrificium.

Ratio autem cur à Sancta Ecclesia præscriptum sit vt supra Altare Mappæ lineæ apponantur, est: quia cum dictæ Mappæ sint magis expositæ sordibus & pulueri (expandæ enim semper manent super Altare) facilius lauari & mundari possunt si sint ex lino quàm si ex altera materia. Quod autem sit necesse frequenter dictas Mappas lauare & mūdare patet; quia Vel pulueribus, sordibus, & ceræ liquefactione inquinantur; Vel Aqua, aut Vino in illas defluente dum ministratur, commaculantur; Vel etiam aliquando fortuito casu contingit vt aliquid de Domini sanguine super illas decidat: quam ob causam etiam si quando id accideret ne sanguis delapsus penetraret vsque ad lapidem Altaris statutum fuit vt
ad

ad minus tres mappæ extant super Altare dum celebratur. Sic habetur expresse in Rubricis Missalis Romani. Colligitur ex decreto *Pij Primi sanctissimi Pontificis & Martyris*, qui penam statuit in Sacerdotes illos, ex quorum negligentia aliquid de Christi sanguine super Altare decideret ita & taliter ut penetraret ad quartum usque; linteum quod est ultimum computato tamen Corporale. In hoc enim casu mandat ut Sacerdos sanguinem delapsum ore exlugat & attrahat quantum possibile est; deinde ut tribus saltem vicibus mappam, in qua defluxit, lauet. Si per negligentiam, inquit, aliquid de sanguine Domini stillauerit si super linteum Altaris, & peruenerit usque; ad quartum viginti diebus peniteat & linteamina, quæ tetigit stilla, tribus vicibus minister abluat.

Vsus igitur harum trium Mapparum est antiquissimus ut apparet ex supradicto decreto Sancti Pij Papæ & Martyris. Et certe præfatus numerus ternarius non vacat mysterio; nam Primò significat tres illas substantias seu partes præcipuas in diuinissimo hoc Sacramento contentas; nempe Corpus & Sanguis pretiosissimus Christi Domini. Ecce Prima. Beatissima illius Anima. Ecce Secunda. Persona Verbi Diuini, cui hypostaticè reliquæ duæ prædictæ sunt unitæ. Ecce Tertia. Secundò significat illa tria testimonia, de quibus à Beato Ioanne Euangelista dicitur *Tres sunt qui testimonium dant in Cælo Pater, Verbum, & Spiritus Sanctus; & tres sunt qui testimonium dant in terra Spiritus, Aqua, & Sanguis*. Quæ tria testimonia indubitata de hoc diuino sacrificio fidem reddunt.

Cæterum in Instructionibus, de quibus in *Actis Ecclesie Mediolanensis*, præscribitur ut prædictæ Mappæ sint candidæ, mundæ, pulchræ & subtiles quoad fieri potest, & in ambitu ornatae. In super ut illæ duæ quæ sunt inferiores & viciniores mensæ Altaris ita in latitudinem & longitudinem extendantur, ut operiant totam illam planam superficiem: at tertia, quæ est suprema ita sit longa, ut per angulos extendatur cit-

H h h

am

am ad terram, & ad æqualitatem planitie, in qua stant pedes Sacerdotis; itaut totum Altare & desuper & à lateribus contextum ista mappa appareat. Quod cerè, Deo opitulante, iam seruari videmus in omnibus illis Ecclesijs, in quibus Zelus decoris domus Dei vigere conspicitur.

S. 8. De Pallijs seu Antependijs Altaris.

Illa quoq; laudabilis consuetudo vestiendi & ornandi Altaria sericis, aut etiam alijs magis pretiosis ornamentis in illa anteriori parte, quæ oculis ingredientium in Ecclesiã primò obijcitur, non est noua in Ecclesia Dei: immò originem trahit à veteri testamento, vbi habemus in libris Numerorum Deum mandasse vt Tabernaculum, & reliqua ad illius vsum destinata & præsertim Altare vestimētis pretiosis Hyacinthinis tegerentur. *Nec non, inquit, Altare aureum involuent vestimento Hyacinthino* Hæc igitur ornamenta quamuis à scriptoribus Ecclesiasticis varia obtinuerint nomina; nam ab aliquibus vocantur *Vela* quasi repræsentantia Velū illud antiquæ legis, quo tegebatur locus Sancta Sanctorum: ab alijs dicuntur *Palla*, quo nomine gaudent etiam corporalia, & mappæ sic dictæ à specie quadam opertorij figuræ quadratæ, quo mulieres antiquæ velabant capita sua. Nihilominus communiori & frequentiori vocabulo appellantur *Pallia*, & *Antependia*: *Pallia*, quia ad instar pallij quo viri contegunt dorsum & humeros, sic tale ornamentum contegit Altare: *Antependia* vero, quia pendent ante Altare.

In Instructionibus pro suppellectili Ecclesiastica editis à sanctissimo illo Præsule Carolo Borromæo, de quibus in *Actis Eccles. Mediol.* præscribitur. Primò, vt prædicta Pallia quantum ad materiam sint pretiosa quoad fieri potest puta contexta auro; aut argento; aut saltem serica cum lapidibus etiam pretiosis pro facultatē reddituum Ecclesiæ, & pro deuotione

tio-

tione fidelium. 2. ut sint talis magnitudinis ut adæquant Altare nec excedant, nec excedantur. 3. ut in medio Pallij appareat aliquod pietatis signum veluti Crux Domini Nostri, vel Imago Dei, vel B. Virginis, vel sancti ipsius Ecclesiæ, aut Altaris titularis.

Sanè priscis temporibus magna fuit fidelium deuotio in comparandis hisce ornamentis valdè pretiosis. Vnde legimus in gestis Zaccariæ Pontificis ab ipso fuisse donatum Altari Principis Apostolorum Pallium valdè pretiosum, in cuius medio exprimebatur Natiuitas Filij Dei secundum Carnem acu depicta per manus excellentissimi artificis: immo Principes quidam religiosiores loco Pallij quandoq; soliti fuere dictam partem Altaris anteriorem tegere laminis aureis, aut argenteis & aliquando lapidibus pretiosis intertis; quemadmodum ad hæc nostra vsq; tempora simile ornamentum inspicitur in Ecclesia Sancti Ambrosij maioris Mediolani; & in Ecclesia Maiori Sancti Io. Baptistæ. Sed non desunt etiã hac nostra tempestate Viri & Mulieres nobiles pietate insignes, qui pulcherima, pretiosa, tã serica quàm auro, argento, & margaritis contexta pallia, & manu artificis affabrè acu depicta Ecclesijs dono concedunt. Similia passim videntur in celebrioribus Christiani orbis vrbibus; sed præcipuè Romæ, quæ Ciuitas quemadmodum in Fide & Religione Catholica primatum tenet, ita in cultu & splendore, Ecclesiarum omnium insignior semper apparuit.

Si quis autem scire percuperet quid sit laudabilius. An tegere Altaria suis proprijs Pallijs sericis vel alterius materia? An verò illa relinquere nudata quando frontispicium lapideum est constructum lapidibus pretiosis, ad effectum ut appareat illa pretiositas & pulchritudo lapillorum? legat *Concilium Remense*, & *Tolitanum* relata à *Buonardo*; & in cap. quicunq; 26. q. 5. vbi inueniet prædicta Concilia penis grauib; prohibere expoliari Altaria suis pallijs, eaq; nuda

relinquere. Quod quidem optimis rationibus, arbitror, constitutum, Tum quia Casulæ Sacerdotum appositis pallijs minus atteruntur & lacerantur; Tum quia lapides immittunt humiditatem & frigiditatem adhærentibus ad illos; unde Sacerdotes cum aliquo valetudinis incommodo celebrarēt; Tum deniq; (& hæc est potissima ratio) quia pallia representant vestimenta Christi Domini, qui significatur per altare. Et hinc est quod solis illis tribus diebus Hebdomadæ maioris Altaria debent esse pallijs denudata; quia tunc temporis repræsentantur mysteria Passionis & Mortis Domini, qui in Cruce fuit suis vestibus denudatus, & ab omnibus derelictus.

Sed accedamus ad Colores Palliorum, quibus conformari debent reliqui habitus Sacerdotales. Quinque Colores inuenimus præscriptos in rubricis Missalis, & in libris sacrorum Rituum; nempe Colorem Album, Rubeum, Viridem, Violaceum, Nigrum. Quamuis Innocentius enumeret tantum quatuor Colores non distinguens Violaceum à Nigro; ob id, reor, quia Sūmus Pontifex vitur Violacco pro Nigro.

Albus Color signum est lætitiæ, gloriæ, & puritatis. Quæ omnia conueniunt solemnitatibus, in quibus tali Colore vitur Ecclesia. Ideo, vt notat Gregorius, Angelici & Beati spiritus in albis apparere solent, ipso quasi indumēto denotantes angelicam ipsorum naturam & puritatem; & etiam gaudium ex ipsorum apparitionibus resultans. Tali Colore indutus erat Angelus ille, qui sedebat ad monumentum testificans mulieribus Christi resurrectionem. Tali quoq; induti erant illi duo alij Angeli, qui è Cælo descēdētes post Ascensionem Domini in Monte Oliuarum discipulos sunt consolati. Et S. Ioannes testatur in sua Apocalypsi hoc albo Colore vestiendos esse omnes, qui se peccatis non inquinauerunt; Sic enim inquit. *Qui non inquinauerunt vestimenta sua ambulant mecum in albis.*

Rubeus seu purpureus Color signum est Charitatis, Sanguis-

guinis effusi, & etiā Dignitatis. Ideo tali colore utebātur olim Imperatores, Reges, Senatores, & Magistratus Romani. Et nostris temporibus vtuntur Cardinales Sanctæ Rom. Ecclesiæ; item Senatores Veneti, & alij Magistratus in quibusdam alijs Ciuitatibus. Hoc colore vtitur Ecclesiæ in festis Pentecostes, Sanctorum Apostolorum, & Martyrum & in festis Sanctissimæ Crucis.

Violaceus, seu Hyacinthinus, seu Cæruleus Color signum est Fidei & Doctrinæ Euangelicæ, quæ propter certitudinem veritatis ex diuina reuelatione, incipientiæ tamen obscuritatem habentem similis est serenitati Cælorum. Vnde Paulus. *Videmus nunc per speculum in enigmate*. Gregorius Nissenus, & Eutimius volunt hunc colorem cælestem significare vitam & mores iustorum, qui ad Deum eleuantur per intentionem rectam in operibus eorum cum iubilo contemplationis. Vnde dicebat Apostolus. *Nostra autem Conuersatio in Cælis est*. Alij volunt colorem Violaceum signum esse mortificationis, qua debent esse semper induti Christi fideles, iuxta illud Apostoli *semper mortificationem Domini Nostri Iesu Christi in corpore vestro circumferētes*; & Regius Propheta. *Quoniam propter te mortificamur tota die*. Hac de causa talis Color adhibetur temporibus Quadragesimæ, Aduētus & similibus; nam his diebus signanter monemur ad pœnitentiam, & ad quærendum Cælorum Regnum. Hunc eundem Colorem aliqui autumant significare amorem stabilem; Quapropter illo vtuntur Episcopi ad indicandum debere illos esse indutos Charitate solida erga Deum & Homines. Hoc innuere voluit Dominus quando Petro dixit. *Simon Ioannis diligis me plus his? Pisce oues meas*.

Viridis Color indicat Virtutes Christianas, quarū exercitationi incumbere debent Christi fideles, qui proficere volunt in doctrina & in imitatione Christi Domini cuius vitæ mystetia per anni cursum in Ecclesia eius sponsa repræsen-

sentantur. S. Gregorius vult colorem istum, eo quod similis sit viriditati camporum, denotare pascua spiritualia, quibus Dominus Noster supremus Animarum Pastor gregem suum abundè pascit non solum in cælesti patria, sed etiam in hoc exilio, & in hac lachrymarum valle tribuens illi Sancta Sacramenta, prædicationem, Euangelicam consolationes Spiritus Sancti, & similia iuxta illud Ezechielis cap. 34. *In pascuis uberrimis pascam eas & in montibus excelsis Israel erunt pascua earum, ibi requiescent in folijs virentibus, & in pascuis pinguibus.* Robertus Abbas vult viridem Colorem significare spem; (quemadmodum ceruleus Fidem; & purpureus Charitatem) nam sicut color viridis exhilarat & confortat visum, ita Spes Virtus Theologalis innixa diuinæ misericordiæ, & meritis Christi Domini lætificat credentes. Vnde Paulus ait. *Spes gaudentes.* & alibi. *Deus autem spei repleat vos omni gaudio in credendo.* Et David Proph. *Lætetur oēs qui sperant in te Domine.*

Niger Color signum est doloris & tristitiæ; Quapropter Ecclesia utitur huiusmodi Colore diebus mœstitiæ ut fer. 6. in Parasceue, qua die recolitur Passio & Mors Domini Nostri. item diebus Defunctorum ostendens se condolere de morte filiorum suorum; suumque dolorem unire cum dolore parentum, cognatorum, & amicorum talium defunctorum.

Et hæc de Coloribus Ecclesiasticis. Quibus autem diebus in specie dicti Colores adhibeantur, videri potest in *Rubricis Missalis Romani.*

Notandū q̄ præter antedictos Colores Ecclesia aliquādo utitur auro, seu colore aureo, qui Color omnibus alijs cōuenit, & cum nullo disconuenit; & ratio est; quia aurū symbolū est Diuinitatis cui hypostaticæ in Persona Verbi vnitur illa hostia salutaris & immaculata, quæ offertur in Missa, cui deferunt omnia præfata ornāmēta & colores. Vnde de Christo Apostolus ait. *Caput Christi Deus, Christus autē caput Ecclesia.* Et alibi legimus. *Caput eius aurum optimum.*

6.9. De Tabernaculo, in quo custoditur Sacra Eucharistia.

Inter cetera Sacrosancti Concilij Lateranensis sub Innocentio 3. habiti decreta illud est, quo Ecclesiasticis omnibus mandatur diligens, ac decens custodia Sanctissimæ Eucharistiæ in Altari. *Statuimus, inquit, ut in cunctis Ecclesijs Eucharistia sub fideli custodia clauibus adhibitis conseruetur.* Is igitur locus, in quo in Ecclesijs seruantur hostiæ consecratæ vocatur *Tabernaculum*. Et quidem meritò; sub illo namque continetur Sacratissimum Christi Corpus tanquam sub suo tentorio & domicilio; quemadmodum in testamento veteri sub tabernaculo Moïsis continebatur Arca fæderis figura Sanctissimæ Eucharistiæ. Quod adnotarunt Sancti Doctores Hilarius, Cyrillus, & Thomas de Aquino cum alijs. Hoc planè nomine vititur Sanctus Clemens dum ait. *Sumunt Diaconi reliquias (id est particulas consecratas & relictas in Altari post Sacrificium Missæ) & inferant in Tabernaculum.* A multis vocatur etiam *Mundinum* Vel quia repræsentat quodammodo Mundum habens partem superiorem sphericam similem Cælo: Vel quia ibi residet supremus Mundi Dominus: Vel à mūdicia, qua debet Sanctissima Eucharistia asseruari. A Sancto Clemente vocatur etiam *Sacrarium*; sic enim inquit *Ne putredo in sacrario inueniatur, ne cum negligenter agitur, Corpori Domini inferatur iniuria.* A quibusdam *Pastophorium*, & non incongruè; nam hæc vox *Pastophorium* siue significet habitationem Principis Sacerdotum ut placet Hieronymo; siue significet Armarium, ubi seruabatur Templi suppellectilis: utroq; modo accommodatur egregiè huic loco; in illo. n. verè & realiter per suam præsentiam corporalem Sacramentaliter inhabitat Christus Dominus de quo in Psal. dicitur. *Tu es Sacerdos in æternum.* Et Apostolus. *Hic autem sempiternum habet Sacerdotium.* Talis enim decebat ait nobis esse Pontifex.

Et

Et insuper in hoc loco reconditur Margarita illa pretiosa, cuius dignitas est infiniti valoris. A nonnullis vocatur etiam *Ciborium*, quo nomine etiam appellatur Pixis, in qua immediatè continetur Sacramentum. Sic vocant hunc locum S. Chrysostomus & S. Germanus. Et quidem iure optimo; quia ibi servatur verus cibus animarum fidelium iuxta illud Salvatoris. *Caro mea verè est cibus.*

Materia, ex qua fabricari solet hoc siue Tabernaculum, siue Mundinum, siue Ciborium (appelletur quo vis nomine) est multiplex. Nam in primis fabricari potest arte fusiora ex auro, argento, auricalcho, ære aut alia simili. Item ex lapidibus pretiosis, cuius generis plurima Romæ visuntur, ut in Basilica S. Ioannis Lateranensis S. Pauli extra Urbem S. Alexij Sanctæ Franciscæ apud Moniales Turris Speculi; & alijs etiam Ecclesijs Mediolani quam plurima extant præsertim in Ecclesijs Monialium miro artificio ex ligno ebano & argento elaborata: quædam etiam ex argento & corticibus testudinum ingeniosissimè compacta. Insigne est Tabernaculum cum toto Altaris ornamento argenteo apud Angelicas celeberrimi Monasterij Sancti Pauli Mediolani. Quod autem omnia nostri seculi tabernacula & magnitudine, & æstimatione, & arte præcellit extat in magnificentissimo Sacello Serenissimi Magni Ducis Hetruriæ apud Ecclesiam Sancti Laurentij Florentiæ. Nec inter communia recensendum est illud, quod ab Illustrissima familia Spada unà cum Altari maiori extructum est in Ecclesia Sancti Pauli Bononiæ Clericorum Regularium Sancti Pauli: in illius enim structura Ars & Natura de primatu contendunt; illa primas sibi vindicare videtur propter pulcherrimam & usque modo nullibi repertam architecturam; hæc autem principem locum sibi deposcit propter lapidum pretiosorum tum copiam, tum varietatem, tum æstimationem.

Communiter autem tabernacula fiunt ex ligno deaurato

▪ varia

varia exelatura elaborata talis magnitudinis, aut paruitatis; & talis valoris, qualem Ecclesie redditus, & loca requirunt.

Divus Carolus (cuius instructiones libenter sequimur) plurima observatione digna præscribit circa tabernacula; Nimirum Vt Cælatura sit representatiua mysterij ibi reconditi, Vt ornamenta sint pia, & deuotionem excitantia, & quantum fieri possit pretiosa. Vt pars interior tota vestiatur serico: ibiq; nil aliud recondatur nisi Sanctissima Eucharistia; non Sanctorem Reliquiæ, non Crisma, non Oleum consecratum; nec quidquam aliud. Vt in vertice apponatur figura Christi resurgentis; vel saltem Crux aliqua. Insuper Vt tabernaculum benedicatur antequam in vsum veniat: & postquam in vsum venerit, & Sanctissima Eucharistia de facto ibi asseruatur, Vt claudatur, & diligenter custodiatur clauicula, quæ maneat penes Rectorem Ecclesie; non autem penes aliquem Clericum; & multò minus penes laicos; idq; ne detur ansa temerarijs & impijs aliquod sacrilegium committendi; aut saltem irreuerenter contrectandi tam venerabile Sacramentum. Hac de causa Summus Pontifex Innocentius 3. mandat vt qui negligentes sunt in custodia tanti Sacramenti seuerè puniantur pro gravitate culpæ præsertim si aliquod sacrilegium eorum culpa contigerit. Sic enim ait. *Statusimus ut in cunctis Ecclesijs Eucharistia sub fidei custodia clauibus adhibitis conseruetur ne possit ad illam temerarijs manus extendi ad aliqua horribilia vel nefaria exercenda: Si vero is, ad quem spectat custodia, eam incautè reliquerit, tribus mensibus ab officio suspendatur, & si per eius iniuriam aliquid nefandum inde contigerit, grauiori subiaceat ultioni.* In eandem negligentiam insurgit Concilium Aurelianense, seu iuxta alios Arelatense *relatum in cap. qui bene de consecr. dist. 2.* imponens penitentiam 40. dierum, Sic enim inquit. *Qui bene nō custodierit Sacrificium, quadragesima diebus peniteat.* Et meritò quidem; nam seruitus & cultus immediatus erga Christum est præcipua cura, quæ Sacerdotibus incumbit.

Quantum ad situm illius, mandat S. Carolus vt ponatur suprà Altare in ea distantia à Celebrante, quæ satis sit ad commodam extensionem Corporalis super Altare, & ad extractionem Pixidis seu Custodiæ ex ipso Tabernaculo, itaut non sit necesse indecenter ascendere super altare aut alio modo indecorè se gerere pro dicta extractione: expressè quoq; mandans ne collocetur intrà parietem, aut nimis propè illum propter periculū humiditatis. Et quamuis frequentius soleat collocari super Altare maius quia est pars nobilior totius Ecclesiæ repræsentans Sancta Sanctorum Templi Hierosolimitani; attamen non extat de hac re aliquod præceptum. Qualecunq; tamen sit hoc altare, in quo collocatur Tabernaculum (siue altare maius siue aliud) debet esse, si commodè fieri potest, conuersum ad Orientem; prisci enim illi fideles ad talem mundi plagam se conuertere solebant quando ad orandum accedebant.

Illud in primis est curandum, vt locus, in quo prædictum Tabernaculum collocatur (quicunq; ille sit talis locus) omnino ab omni sorde pulueris, à telis aranearum, cæterisque inquinamentis mundus seruetur; ibi enim peculiari modo inhabitat Deus. Hac de Causa Honorius 3. Pontif. Max. grauiter hanc munditiam iniūgit in vasis sacris, & præsertim in asseruanda Sanctissima Eucharistia mandans superioribus vt seuerè animaduertant in eos, qui in hoc desides fuerint deprehensi, ne ob hanc desidiam Deus contrà nos irascatur. Hæc sunt Verba Pontificis. *Ne, inquit, propter incuriam Sacerdotum Diuina indignatio grauius exardescat districtè precipiendo mandamus quatenus à Sacerdotibus Eucharistia in loco singulari mundo, & signato honorificè collocata, deuotè ac fideliter conseruetur.* Hoc decretum innouatum fuit in Concilijs Prouincialibus Mediolani, in quibus insuper iniungitur vt ad maiorem decentiam & reuerentiam, prædictum Tabernaculum velaminibus sericis, aut alterius generis quantum fieri potest,

test, pretiosis desuper operiatur ad arcendum pulverem, sordesque reliquas contingentes.

Ex prædictis clare colligitur antiquissimū esse hunc usum in Ecclesia Dei conseruandi in templis Sanctissimam Eucharistiam; quod nouissimè statuit etiam *Sac. Conc. Tridentinum*. Cuius rei tres præcipui fines assignari solent. Primò. Vt à fidelibus frequenter suscipi possit quotiescunq; deuotio eis suadet, præmissa tamen semper ea præparatione, quam sacri Canones præscribunt. Secūdò. Vt in promptu sit quādo grauius ægrotantibus deferenda est præsertim pro Viatico. Hoc mandat præcipuè *Conc. Nicenum & Vormatiense* his verbis. [Presbyter Eucharistiam semper habeat paratam ut quando quis infirmatus fuerit statim eum communicet ne sine communione moriatur.] Modus autem decenter portandi præscribitur à *Sac. Cōc. Trid. & habetur in Rituali Romano*. Tertiò Vt Fideles pro libito ingredientes in Tēpla sēper oportunitatem habeant adorandi Deum, ac Dominum Nostrum Iesum Christum ibi speciali modo vere, realiter, & præsentialiter manentem: Vnde postmodum eorum Fides, Spes, & Charitas augeatur, & fiduciam habeant beneficia postulandi, & obtinendi, recolentes memoria quod ipse Dominus ore suo benedicto dixerit *Ecce ego vobiscum sum omnibus diebus vsq; ad consummationem seculi*. Et alias. *Petite & accipietis, quasue & inuenietis, pullate & aperietur vobis*.

Vnum est hic obiter aduertendum in calce huius paragraphi, quod à Sancto Basilio fuit etiam adnotatum & obseruatum. Nimirum quòd durantibus Ecclesiæ persecutionibus quando fideles nullibi pacificè consistere permittebantur, nec habebant copiam Sacerdotum, concessum erat illis ut apud se in ipsorum mansuiculis haberent particulas consecratas; immo secum illas deferrent, & semet ipsos proprijs manibus communicarent; & hoc nedum Clericis; sed etiam laicis, immo ipsis mulieribus permissum erat, ut hoc testatur

reliquerunt *Tertullianus, Iustinus Martyr, & alij Historici Ecclesiastici*. Verum quia multa inde nascebantur inconuenientia præsertim postquam cessarant persecutiones, & Charitas aliquantulum tepescerat; hinc factum est vt Ecclesia sancta, quæ Spiritu Sancto continuè regitur, & gubernatur, huiusmodi consuetudinem salubriter aboleret, grauiusq; præciperet vt in posterum solummodò in Ecclesijs particulæ consecratae sub Eucharistiæ appellatione conseruarentur. Sic *Concilium Cæsaraugustanum mandat*. [Eucharistiæ gratiam si quis probatur acceptam non consumpsisse in Ecclesia, anathema sit in perpetuum.] Idem præcipit *Conc. Lateranense, & Honorius. 3. vniuersis Sac. Conc. Trid.* Prohibetur etiã omnino ne Sanctissima Eucharistia ab aliorum manibus atrectetur præterquàm à manibus Sacerdotum. Et ita seruetur modò à cunctis fidelibus.

CAPUT VII.

De Disciplina circa ea, quæ mediatè deseruiunt ad Sacrosanctum Missæ Sacrificium, qualia sunt Vestimenta Ecclesiastica.

Vidimus de Disciplina Ecclesiastica circa ea, quæ immediatè spectant ad Missæ sacrificium; nunc de ijs, quæ mediatè. Hæc autem sunt Vestimenta à Sacris Ritibus præscripta ad exercitium ordinum Ecclesiasticorum. Quorum quædam sunt Communia Ecclesiasticis omnibus tam in maioribus quàm in minoribus ordinibus constitutis; quædam sunt propria eorum, qui sunt in sacris; quædam propria Sacerdotum; quædam propria Episcoporum. Notandum quod ea, quæ conueniunt inferioribus cōueniunt etiã superioribus; sed non viceuersa. De quibus omnibus per singulos paragraphos agemus. Sed prius considerata sunt Vestimenta sacra in communi.

S. 1. De Vestibus sacris in communi.

Cultus diuinus sicut exposcit Vasa & ornamenta pro Sacris Altaribus & Templis: ita etiam expostulat vestes proprias & peculiare pro suis Ministris omnino differētes à vestibus communibus & domesticis. Illis debent uti quando sacra exercent præsertim Sacrosanctum Missæ sacrificium. Nec mirum, quia etiam Ethnici hoc seruauerunt ut colligitur ex Plinio, & Seruio; immo ab ipso maximo Ecclesiæ Doctore Hieronymo. Fuit hic ritus à Deo Moyse in Exod. 40. peculiari lege præscriptus, qua etiam lege interdictus fuit vsus huiusmodi vestium sacrarum extrà cultus diuini exercitium. *Applicabis, inquit, Aaron, & filios eius ad fores Tabernaculi testimonij & lotos aqua indues sanctis vestibus ut ministrent mihi.* Hunc eundem ritum postea meritò Sancta Ecclesia in Filios suos induxit non ex præcepto aliquo legis Euangelicæ, sed secuta instinctum Spiritus Sancti ex traditione sacra Christi Iesu, & Apostolorum eius uti declarat *Sac. Conc. Tridentinum*; quandoquidem hæc sacra indumenta multò magis conuenientia sunt in lege noua & Euāgelica propter excellentius sacrificium, quàm in lege veteri.

Huius sacri ritus & instituti tres præcipuæ rationes à Doctoribus adducuntur. Prima est reuerentia debita Deo; necnon Ecclesijs, & Actionibus quæ in illis habentur. Hanc adducit Sanctus Stephanus Papa & Martyr huius nominis primus. *Vestimenta verò, inquit, Ecclesiastica, quibus cum Domino ministratur, cultusq; Diuinus omni cum honorificentia, & honestate à Sacerdotibus, reliquisq; ministris celebratur, sacrata esse debent & honesta, quibus alijs in vsibus, cum Deo, eiusq; seruitio consecrata, & dedicata sint, nemo debet frui quàm in Ecclesiasticis, Deoq; dignis officijs.* Huius decreti meminit etiam S. Damasus Papa, & S. Hieronymus. *Religio, inquit, Diuina alterum habitum habet in-*

mi.

ministerio, alterum in usu, vitaq; communi. Secunda est mystica significatio quam habent tam circa functiones, quam circa mores ministrorum dictis vestibus utentium. Quamobrem deseruiunt pro scriptura, ut Ministri aspicientes & induentes quodammodo perlegant in illis quid sibi agendum, quid ue fugiendum, mentemq; ad contemplationem mysteriorum eleuent diuinorum. Hinc S. Hieronymus. *Debent, inquit, Sacerdotes munda conscientia & virtutum vestibus ornata Domini Sacramenta tractare.* Tertia est excitatio fidelium ad contemplationem supernorum, & ad magnificandum diuina, ut ait Diuus Thomas. Vnde videmus etiam politicos Magistratus in actionibus publicis indui vestibus quibusdā peculiaribus ad ostendendam eorum auctoritatem, & ad excitandam in populis erga se reuerentiam. Hac de Causa omnes Ecclesiæ Praefules cultus Diuini Zelatores summū adhibuere studium in hoc Vestium Ecclesiasticarum decoræ, & splendore curando, ut in specie de S. Gregorio Magno scribit Ioannes Diaconus; quod ingentem istarum copiam transmiserit in Angliam cum illuc ad prædicandum Euangelium, & disseminandam Catholicam doctrinā Augustinum & socios Apostolica benedictione mādauit. Idem scribitur de Constantino Magno, de Carolo Magno, & de innumeris alijs Principibus Christianis tūm Ecclesiasticis tūm laicis, quos longum esset referre.

Ex dictis duo præcipua colliguntur non segniter aduertenda.

Primum Quòd indumenta sacra Ecclesiasticorum ab ipsis adhibita in sacris cæremonijs distinguuntur ab alijs, quibus communiter extrā Ecclesias utuntur; quæ distinctio in duobus consistit nempe. in forma artificiali seu figura à sacris ritibus præscripta: & in forma, ut ita dicā, morali, idest in dedicatione illorum factu Deo per benedictiones & ritus particulares. Vnde Exod cap. 29. habetur. *Cumq; tuleris de*

oleo

oleo unctiois asperges Aaron, & vestes eius, filios & vestimenta eorum. Hæ duæ prædictæ formæ ita sunt necessariae in sacris vestibus, ut vna sine altera non sufficiat ad hoc ut possint adhiberi in sacris functionibus. Vnde nullus Sacerdos, exempli gratia, poterit celebrare sine illo indumento quod dicitur *Casula*, quæ habeat formam seu figuram *Casulae*, id est *Planetae*; & insuper sit benedicta. Idem dicito de alijs sacris indumentis. Vtrum autem Sacerdos peccet mortaliter necne celebrando cum *Casula* quæ non fiterit benedicta, aut quæ amiserit priorem figuram? Remitto me ad Doctores qui tractant de *Casibus* conscientiae. Sicut etiam quando indumenta Sacra dicantur amittere priorem formam ita ut non sint amplius licita illis uti.

Secundum quod huiusmodi sacra indumenta diuino tantummodo vsui destinata non possunt ad alios prophanos & communes vsus adhiberi, neq; ab ipsismet Ecclesiasticis extra Ecclesias, & extra Cæremonias, quibus sunt deputata. Quod habetur expresse apud Ezechielem cap. 44. his verbis. *Cumq; egredientur atrium exterius ad populum, exuent se vestimentis suis, in quibus ministraverant, & reponent ea in gazophylatio sanctuarij, & vestient se vestimentis alijs.* Quod etiam per Sacros Canones præscriptum est Sacerdotibus nouæ legis. Vnde *Origenes* ait. [Vestimenta quæ sancta nominantur non iubentur intra domum vsui deferre; sed in Templo esse, & inde omnino nunquam efferri; sed ad hoc tantum consecrata esse ut eis Pontifex induatur, & sint semper in templo.] Quapropter qui dictas vestes ad alios vsus adhiberet magnam diuino cultui iniuriam inferret, & à superioribus iusta veniret pæna mulctandus.

•••••

•••••

S. 2. De Vestibus, quæ sunt communes omnibus Ecclesiasticis, nempe de Superpelliceo: & de Racceto.

PRima, quæ sese nobis offert Ecclesiastica vestis est *Superpellicum*, quam vulgò dicunt (*Costa*) Hæc est communis omnibus Ecclesiasticis indifferenter, & adhibetur ferè in omnibus publicis functionibus: veluti in administratione omnium Sacramentorum; in seruendo Diuino Missæ sacrificio; in recitandis in Choro Horis Canonicis; in processionibus; in exequijs; in synodis; & in similibus alijs actionibus, quæ à solis Ecclesiasticis exercentur. Diuus Carolus, quem nos tanquam ducem sequimur in his materijs, mandat puniri eos qui diuinis officijs, aut quibuscunq; alijs functionibus Ecclesiasticis interfunt absq; superpelliceo; item puniri eos, qui huiusmodi veste abutuntur in actionibus prophanis, & extrà Cæremonias Ecclesiasticas. Et quia Superpellicum est prima Ecclesiastica Vestis, quam in Ecclesijs induunt ij, qui se diuinis mancipant ministerijs, & Clericali militiæ adscribuntur; ideo quando Episcopus admittit aliquem ad primam tonsuram, & inter Clericos adscribit, induit illum hac veste tanquam habitu proprio Clericorum, communiq; singulis Clericis, Sanctaq; Ecclesiæ ministris iuxtà illud, quod dixit Deus Sacerdoti Heli de Samuele puero, *Elige eum portare Ephod coram me.*

Conficiuntur Superpellicea vt plurimum è lino, vel Canipio, aut consimili materia iuxtà regionum opportunitatem; ea præsertim ratione, vt quando inquinantur possint commodè lauari & mundari, vt in illis semper appareat nitor & munditia. Talibus indumentis præcepit Deus Moysi vt vestiret filios Aaron quando in templo Diuinæ Maiestati, ac Sacrificijs assisterent. *Filijs*, inquit, *Aaron tunicas lineas parabis in gloriam & decorem.* Et in Leuit. 16. prohibetur Summo Sa-
cer-

cerdoti ingredi in Sancta Sanctorum absq; huiusmodi Vestis. *Ne ingrediatur*, inquit, *Sanctuarium*, quod est intra Velum, nisi hac fuerit tunica lineae vestitus. Et in Ezechiele. *Vestibus lineis vestientur*. Vnde legimus de Samuele quod ministrabat Domino puer accinctus Ephod lineo. Hinc existimant aliqui Sanctam Ecclesiam usum superpellicei desumpsisse.

Sed veniamus ad mysticas huius Vestis significationes, quæ quidem non sunt paucae, siue attendamus Materiam ex qua contextitur: siue Colorem quo nitet: siue Figuram quam exprimit. Et quidem Materia vt dixi, est linum vel canipium, quod vtrumq; non modicis percussionibus & nō paruo labore. 1. contunditur. 2. madefit aqua. 3. exsiccatur. 4. purgatur. 5. glomeratur. 6. textitur; & multis alijs operationibus disponitur vt tandem ex illo vestes conficiantur. Sic omnino omnis Ecclesiasticus, & quilibet diuino seruitio mācipatus debet studio continuæ mortificationis, laboris, patientiæ, ceterarumq; virtutum exercitio quotidie sese disponere, vt dignus Christi discipulus, & omnipotētis Dei seruus non indignus inueniatur. Ita planè agebat Apostolus Paulus, qui ad Corinthios scribens de seipso dicebat. *In omnibus tribulationem patimur, semper mortificationem Iesu in Corpore nostro circumferentes, vt vita Iesu manifestetur in corporibus nostris.* Color est albus. Et quid aliud quæso nobis albedo indicat nisi conscientiae puritatem, candorem morum, & vitæ integritatem? Nonne hæc à suis famulis Deus exquirat cum dicit. *Sancti estote; quoniam ego Sanctus sum?* Hinc Ecclesiasticus hortatur vt omni tempore huic munditiæ & Sanctitati vacemus dicens. *Omni tempore vestimenta tua sint candida.* Quæ verba sic Magnus Gregorius interpretatur. [Membra Corporis tui à sordidis actibus sint munda.] Figura est Crucis (si manicæ superpellicei attollantur ex extendantur in longitudinem) Crux autem per se loquitur. Et cū Christus Dominus dicat suis fidelibus (præsertim ijs qui profiteatur ipsum sequi &

imitari quales sunt omnes Clerici) qui vult venire post me ab-
neget semetipsum & tollat Crucem suam & sequatur me; quàm effi-
cax & quotidiana adhortatio debet esse ipsis Clericis hæc
Crux suæ vestis, vt Crucem amplectantur, & seiplos mundo
crucifigant? præsertim cum Apostolus dicat. *Qui Christi sunt
carnem suam crucifixerunt cum vitijs, & concupiscentijs.* Præte-
rea hæc Vestis protenditur in latitudinem, & est ampla; vt
significet latitudinem Cordis & magnitudinem Animi, quæ
requiritur in Ecclesiasticis circa ea quæ spectant ad Dei ta-
mulatum & cultum qualem cordis latitudinem legimus fuis-
se à Deo tributam sapientissimo Regi Salomoni; de quo di-
citur in libris Regum. *Deditq; Dominus Salomoni sapientiam, &
latitudinem Cordis quasi arenam quæ est in latore maris.* Ea fuit
magnitudo animi & latitudo Cordis huius incomparabilis
Regis vt ingentes illi apparatus; innumera illa sacrificia; the-
sauri illi inæstimabiles in Diuinum cultum profusi, exiguum
quid sibi viderentur comparatione maioris desiderij magis
ac magis supremam illam Diuinæ Maiestatis celsitudinem
honorandi. Vnde & dicebat Deo. *Si Cali calorum te capere
non possunt, quanto minus domus hæc quam ædificauit.* Deniq; su-
perpelliceum habet multas complicaturas. Per hoc denotat
debere nos abundare in operibus pietatis, religionis, & Cha-
ritatis; quæ consequuntur illam Cordis & animi magnitudi-
nem; nam Apostolus explicans effectus Charitatis omnium
virtutum opera ad illam refert dicens. *Charitas patiens est,
benigna est; Charitas non amulatur, non agit perperam, non inflatur
non est ambitiosa, non querit quæ sua sunt, non irritatur, non cogi-
tat malum non gaudet super iniquitate, congaudet autem veritati;
omnia suffert, omnia creat, omnia sperat, omnia sustinet.* Et quæ
sequuntur.

Quicquid dictum est de superpelliceis, intelligendum est
etiam de *Rocentis*, quæ in duobus tantummodo differunt à
superpelliceis, nimirum in Vsu, & in figura.

Vsus

Vfus Roccetti est proprius Ecclesiasticorum maioris gradus & dignitatis, non autem communis omnibus sicut superpellicum. Vnde Roccetrum concessum est Canonicis plurimarum Cathedralium insigniorum; nec non ijs, qui habent aliquam iurisdictionem, & auctoritatem Ecclesiasticam, vel in Ecclesijs particularibus, qualem habent Episcopi; Vel in Ecclesia Vniuersali qualem habent Cardinales, & Prælati quidam Romanæ Aulæ præstantiores. Et quia Summus Pontifex est Pastor Vniuersalis, Christi Domini Vicarius in terris, potestatem habens Spiritualem in Vniuersum orbem; ideo semper gestat Roccetrum tanquam proprium signum & testimonium supremæ suæ auctoritatis & iurisdictionis: Eamdem ob causam Cardinales omnes tempore Sedis Vacantis semper induunt Roccetrum, illudq; apertum & expositum deferunt in signum, quod durâte Sede Vacante ipsi sunt supremi Sanctæ Ecclesiæ Administratores. Præter Personas supradictas conceditur ex priuilegio Roccetrum quibusdam Regularibus, huiusmodi sunt Canonici Regulares Lateranenses & Canonici Sanctissimi Saluatoris; & alij Regulares ex præscripta consuetudine ab immemorabili tempore sine interruptione seruata, quales sunt Cleri Regulares Congregationis Sancti Pauli. Igitur prædicti gestare solent Roccetrum; cum hac differentia tamen quod Canonici vtuntur illo etiam domi tanquam veste propria; alij vero in actionibus Ecclesiasticis publicis habentes Roccetrum loco superpellicei: omnes tamen vel deponunt illud, vel contectum & occultum retinent coram Prælato proprio & coram Summo Pontifice in signum submissionis & reuerentiæ.

Figura Roccetti differt à superpellicei figura solum in manicis; nam manicæ Roccetti sunt angustæ, & brachijs coaptatæ; non autem amplæ & cadentes vt in superpelliceo. Hæc igitur figura manicarum angustæ docet Prælatos, ceterasq;

Personas hanc vestem induentes Tum remotionem cuiuscunq; superfluitatis, & rerum inutilium, vt dicit Ambrosius; quia omnia illorum facta, dicta, & cogitata tendere debent ad sui, suorumq; proximorū salutem: Tum promptitudinem circa ea, quæ sunt Dei cultus, & Ecclesiæ famulatus; in hoc imitatores effecti militum, qui armaturam gestāt angustam, & ad Corporis mensuram aptatam, vt in tractandis armis, & gerendis prælijs expeditiores se reddant: Tum obligationem maioris perfectionis Euangelicæ eò quod huiusmodi Personæ sint in altioris, & sublimioris gradus fastigio collocati. Omni enim, vt inquit Dominus, cui multum datum est, multum quæretur ab eo: & cui commendauerunt multum, plus petent ab eo. Itaq; ij, qui vsu talis habitus fruuntur, recogitent se per talem habitum ad maiorem vitæ perfectionem esse vocatos; non autem ad vanitatem, ad elationem animi, & ad fastum & pompam per talem habitum enutriendam.

S. 3. De Vestibus proprijs Ecclesiasticorum qui sunt in sacris, nempe de Dalmatica seu Tunicella.

PRæter Superpelliceum, quo insigniuntur Clerici, quando prima tonsura initiantur, datur Subdiaconis, & Diaconis vestis quædam Sacra dicta *Dalmatica* seu *Tunicella* (alij enim ordines inferiores vt Hostiarius, Lector, Exorcista, & Acolithus non habent aliū habitū præter superpelliceū) Est igitur Vestis hæc propria eorū, qui sunt in sacris & habent ordinem Subdiaconatus, & Diaconatus. Eius figura est talis, nimirum est in modum Crucis efformata; à lateribus aperta; lata & ampla in manicis, quæ vsque ad medium brachiorum & non vltra protenduntur; longa vsq; ad genua; habens à tergo quasdam cordulas sericas pendentes super dorsum eius, qui tali veste induitur. Quæ omnia sunt plena mysterijs. Nam Figura Crucis excitat memoriam passionis & mortis Christi.

Christi Domini, quæ repræsentatur in Missa, cui assistunt & inserviunt ipsi Leuitæ, id est Diaconus & Subdiaconus quando d. Missa solemniter celebratur. Vel dic figuram Crucis præferre mortificationem sensuum & carnis, cui studere debent qui sunt in sacris constituti sicut studebat Apostolus, qui de se dicebat. *Mihi munus Crucifixus est & ego mundo*. Et in hoc gloriari debent Leuitæ, sicut & idemmet Apostolus gloriabatur quando dicebat. *Mihi autem absit gloriari nisi in Cruce Domini Nostri Iesu Christi*: non autem gloriari debent in honore sibi collato cum Ecclesiastico gradu, quem obtinent. Sequitur illa partiū vestis disiunctio & dilatatio à lateribus. Hoc in memoriam reuocat Sacratissimum illud latus Domini Nostri Iesu Christi pro nobis peccatoribus in Cruce per lanceam militis apertū, ex quo exiuit sanguis & aqua: quod mysterium recolere dignè debent præsertim Diaconi, quibus olim ab Episcopis permillum erat, & data facultas eundem sanguinem Domini Nostri Fidelibus distribuendi: quæ admodum de Sanctissimis Diaconis, & Martyribus fortissimis Laurentio, & Vincentio Diuus Leo Papa, & alij Auctores tradiderunt. Latitudo ipsius Dalmaticæ & Manicarum illius indicat affectum & desiderium Charitatis adiuuandi proximos modis omnibus, quibus datur facultas; nam Charitas se extendit ad omnes. Sic Paulus de se dicebat scribēs ad Corinthios. *Os meum patet ad vos; cor meum dilatatum est*. &c. Illæ duæ Cordulæ sericæ cum flosculis supra dorsum à tergo pendentes demonstrant duo illa præcepta Charitatis, nempe de Amore Dei super omnia: & de Amore Proximi sicut nostri ipsius, de quibus in Euangelio; quibus etiam præceptis obstricti debent coram Deo illius famuli deferuire. Vnde per Oseam idem Deus dicit de suis ministris. *In famulis Adam traham eos in vinculis Charitatis*. His deniq; cordulis ipsa Dalmatica alligatur & obstringitur super humeros Ministri, qui eam induit ad ostendendum quod opera Charitatis non

non absq; labore per humeros significato exercentur. iuxta illud Domini per Baruch. *Inclinate humerum vestrum; & caritatem vestram & opera facite.*

Nomen *Dalmatica* aliqui arbitrantur derivatum esse à nomine *Dalmatia*, in qua prouincia talis vestis fuerit primò adinuenta, & in vsum inducta. Nomen *Tunicella* venit à *Tunica*. Antiquitus Subdiaconi soli induebantur hac veste, quæ tunc temporis contexebatur absq; manicis vt colligitur ex Diuo Gregorio; sed hodie tam Diaconi quam Subdiaconi promiscuè vtuntur *Dalmatica* texta cum manicis quæ etiam dicitur *Tunicella*; & hoc ex decreto Sancti Syluestri Papæ.

Vsus *Dalmaticæ* est antiquissimus, ita ut etiam ante S. Siluestri tempora extiterit in Ecclesia Dei: Nam vt cætera testimonia prætermittam. De Sancto Cypriano legimus quod ductus ad martyrium, cum peruenisset ad locum, vbi mox capite plectendus erat, exiit se *Dalmatica*, eamq; suis Diaconis tradidit asseruandam. Hoc autem fuit Anno Domini 253. iuxta Baronium: & procul dubio multis annis ante S. Siluestrum.

§.4. De Vestibus proprijs Sacerdotum, quæ sunt sex, nempe *Amictus, Alba, Cingulum, Manipulus, Stola, & Casula* seu *Planeta*.

CUm Sacrificium sit actus Excellentissimæ Religionis & supremi cultus, qui Altissimæ Dei Maiestatì adhiberi possit; & ad Sacrificium celebrandum tanquam ad præcipuum finem construuntur Tempia, eriguntur Altaria, deputantur Ministri, præparantur Vasa, comparantur Vestes, præscribuntur Ritus; & omnia deniq; Ecclesiastica tam loca, quam personæ, res, & actiones referuntur: hinc est quòd sapientissimè & sanctissimè maiores nostri Ecclesiæ Catholicæ Pastores & Antistites & Sacra Patrum Concilia peculiare & proprias Vestes præscribere easq; mysterijs reuerentis pro-

tan-

tanti muneris functione. Sic olim Deus mandavit Moyſi vestes proprias & particulares pro antiqui illius Sacerdotij ministerio, quod umbra solum erat Sacerdotij Evangelici. Hæ igitur Vestes sunt illæmet sex assignatæ in titulo paragraphi quibus nec addi, nec minui potest Ex decreto *Pij. & Clem. 8. Summorum Pontificum*. Et Sacerdos scienter celebrans sine dictis vestibus, aut aliqua illarum, peccat mortaliter iuxta graues Auctores.

De his tractauimus in 1. parte dist. 3. cap. 6. de Sacrificio Missæ.

S. 11. Hic etiam aliqua addemus assignando singulis quatuor significationes iuxta quatuor sensus sacrae scripturae, scilicet Litteralem, Allegoricum, Tropologicum, seu Moralem, & Anagogicum. Et cum sensus Litteralis sit duplex alter proprius, quem verba propriè significant: alter improprius siue Metaphoricus, quem verba impropriè significant, per omnes præfatos sensus discurremus, Igitur.

AMICTVS in sua propria significatione est linteolū quoddam lineum, quo caput tegitur, quo Sacerdos loco Ephod siue suphumeralis & rationalis habet; & nunc etiam super humerale vocari potest; habens duos funiculos seu cordulas, quibus ante pectus celebrantis ligatur.

Metaphoricè. Est quædam quodammodo galea spiritualis; Vnde Sacerdos dum se hoc indumento vestit dicit in oratione. *Impone Domine capiti meo galeam salutis*. Porro hæc salutis galea est Spes. Vnde Apostolus ad Thessalonicenses. *Induit lorica Fidei & Charitatis, & galeam Spem salutis*. Alij dicunt hanc salutis galeam esse Fidem.

Allegoricè. Significat & repræsentat operimentum, quo Iudæi velabant faciem Christi iuxta illud Evangelistæ. *Velauerunt eum, & percutiebant faciem eius dicentes. Prophetiza nobis Christus quis est, qui repercutis*.

Moraliter. Quia amictus ponitur super humeros, & ligatur duabus cordulis antepectus in modum Crucis. Significat

Sacerdotis promptitudinem ad labores quoscunq; suscipiēdos, & grumnas quascunq; sufferēdas propter Dei honorem; proximorumq; salutem; iuxtā illud Apostoli ad Timoteū. *Labora ut bonus miles Iesu Christi.* (Humeri. n. sunt fortes ad opera peragenda, & onera portanda iuxtā illud Patriarchæ Iacob. *supposuit humerum ad portandum, &c.*) Illæ duæ cordulæ significāt intentionem & finem quibus informand est opus ne fiat in fermento malitiæ & nequitiae; sed in azymis synccritatis & veritatis iuxtā Apostolum.

Anagoricè. Significat Humanitatem Christi; nam sicut amictus tegit caput: ita illa sacratissima Humanitas ad instar nubis contegentis solem contegit caput ipsius Christi nempe diuinitatem; nam ut dicit Apostolus. *Caput viri Christus; caput verò Christus Deus.*

ALBA. Propriè est Vestis quædam alba contexta de bisso, vel lino ampla, lata, & longa vsq; ad terram contegens totum corpus Sacerdotis.

Metaph. Est Vestis innocentiae, & vitæ integritatis, quæ datur baptizatis quando baptizans dicit. *Accipe Vestem candidam & immaculatam.* Et quamuis ut plurimum adueniente vsu rationis per peccata amittatur; tamen restituitur per Sacramentum Pœnitentiæ, in quo applicatur Sanguis Christi, qui mundat Animam. Vnde Sacerdos dicit in oratione huius indumenti. *De alba me Domine & munda cor meum ut in Sanguine agni dealbatus gaudijs perfuam. sempiternis.* Porro hæc Vestis integritate Vitæ; & Iustitiæ debet perseverare in Homine vsq; ad mortem ad hoc ut consequatur Vitam eternam; ideo Alba est longa vsq; ad terram, per quod intelligitur Perseuerantia in bono vsq; ad finem Vitæ.

Alleg. Significat & representat Vestem illam albam, qua Herodes induit Christum in contemptum, derisum, & opprobrium de qua S. Lucas. *Spreuitq; illum Herodes, in tantum Veste alba.*

Moral. significat candoris munditiam iuxta illud, *Omni tempore vestimenta tua sunt candida.* Quæ munditia non obtinetur nisi per continuum mortificationis exercitium compescendo carnem, eiusq; inordinatas passiones & desideria; quemadmodum linum vel byssus, ex quo fit Alba, non habet candorem nisi prius per artem fuerit multis tusionibus attritum. Sacerdos ergo, secundum Apostolum, castiget corpus suum, & in servitutem redigat, ne fortè cum alijs prædicaverit ipse reprobus fiat.

Anag. significat Diuinitatem Christi, quæ à Spiritu Sancto vocatur Candor sub nomine sapientiæ. *Est enim, inquit, candor lucis aterna, & speculum sine macula.* In cuius signum in Transfiguratione resplenduit facies eius sicut sol, vestimenta autem eius facta sunt alba sicut nix.

CINGULUM Propriè est cordula contexta siue ex ino, siue exserico, siue ex alia pretiosiori materia, qua præcingitur Alba circa lumbos Sacerdotis ne defluendo incessum impediat.

Metaph. Est Continentia, per quam Castitas seu Munditia servatur & continetur ne vllis incentiuorum stimulis dissoluatur: & quia luxuria, quæ opponitur Castitati, maximè dominatur in lumbis iuxta illud. *Virtus eius in lumbis eius & fortitudo eius in umbilico ventris illius.* ideo Dominus dicit. *sine lumbi vestri præcincti.* Et hac etià de causa cingulū hoc stringitur supra lumbos; & Sacerdos dum se præcingit dicit in oratione. *Præcinge me Domine cingulo puritatis & extingue in lumbis meis humorem libidinis, ut maneat in me virtus Continentiæ & Castitatis.*

Alleg. Repræsentat flagella, quibus Pilatus cæcidit Iesum; Vel illa quibus alligatus fuit in horto.

Moral. significat Iustitiam (prout est Virtus quædam generalis dicens vitæ rectitudinem & bonitatem, de qua Propheta *Iustus Dominus & Iustitiam dilexit; equitatem vidit vultus*

ciu.) Nam etiam Iustitia dicitur Cingulum iuxta illud. *Erit Iustitia cingulum lumborum eius.* Et quia hoc Cingulum habere solet duas Cordulas hinc inde pendentes, quæ sese constringunt; ideo in Iustitia significant duas partes illius; nempe Primam. Quod tibi non vis fieri, alteri ne feceris Secundam. Quæcunque vultis faciant vobis homines, facite illis. Seu aliter iuxta Profetam. *Declina à malo, & fac bonum.*

Anag. Significat illud, quod Ioannes Apostolus in Apocalypsi ait. *Conuersus vidi similem filio hominis vestitum podere, & præcinctum ad mamillas Zona aurea.* Quo consimili cinctorio præcincti erant illi, qui eidem Ioanni apparuerunt. *Et exierunt, inquit, septem Angeli præcincti Zonis aureis.* Per Zonam auream designatur Vel perfecta Christi Charitas iuxta illud *Supereminentem scientia Charitatem Christi:* Vel Diuinitatem & gloriam ipsius Christi iuxta illud. *Præcinxit eam Zona gloria.*

MANIPVLVS. Proprie est sudarium quoddam confectum ex eadē materia, qua fit casula, & stola, & apponitur in brachio sinistro. *Diuus Thomas, Stefanus Durantes & alij* volunt hoc esse subrogatum loco cuiusdam panniculi seu sudario-
li, quo prisci illi Sacerdotes utebantur ad abstergendas lacrymas, quas in hoc tremendo Missæ sacrificio frequentissimè effundebant.

Metaph. Est labor & fletus pænitiæ, iuxta illud *labores manuum tuarum, quia manducabis.* quem laborem in præsentia hæc vita significata per sinistram, suscipere debemus ut recipiamus mercedem quietem in futura; secundum quod Profeta ait *cum es ibant & flebant mittentes semina sua: Venientes autem venient cum exultatione portantes manipulos suos.* Vnde Sacerdos cum accipit manipulum dicit. *Mercar Domine portare manipulum fletus & doloris ut cum exultatione recipiam mercedem laboris.*

Alleg. Repræsentat vel funem, quo Iesus comprehensus à Iudæis ligatus fuit. iuxta illud Ioannis. *Comprehenderunt, &*
li-

ligauerunt eam. Vel funem quo idem Iesus alligatus fuit columnæ, quando virgis cæsus fuit.

Moral. significat sollicitudinem & vigilantiam in bonis operibus, quibus quotidie vacare debemus depulso omni tadio, vel torpore: quia Dominus dicit. *Vigilate, quia nescitis qua hora Dominus vester venturus sit.* Vnde Ecclesiasticus monet. *Ante obitum tuum operare iustitiam; quoniam non est apud inferos inuenire cibum.* Et Princeps Apostolorum Petrus. *Satagite ut per bona opera certam vestram vocationem & electionem faciat.* Et Apostolus Paulus. *Dum tempus habemus operemur bonum ad omnes.*

Anag. Significat, iuxta Diuum Bonaventuram, illam profundam Christi Iesu humilitatē exhibitam nobis in eius passibili Carne, de qua dicit Apostolus. *Humiliavit semetipsum Dominus Iesus Christus factus obediens usque ad mortem, mortē autē Crucis.* Quam imitari debent Sacerdotes, & Christi Ministri simul cum labore, qui cum operibus virtutum coniungitur; quæ duo Propheta David Diuinæ obtulit Maiestati ad suorum peccatorum veniam obtinendam dicens. *Vide humilitatem meam, & laborem meum, & dimitte omnia peccata mea.*

STOLA. Propriè est ille habitus latitudinis circiter vnus palmi, & lōgitudinis vsque ad genua; quē Sacerdos super colli sibi imponit, eoque ipsum collum quodammodo obstringit; lum deinde ante pectus illius extremitates ad modū Crucis accomodat, quæ à collo per anteriora descendentes dextrum & sinistrum latus adornant.

Metaph. Est immortalitas, vitaque gloriæ æternæ. Quam ostēdit ipsa oratio à Sacerdote recitata dum huiusmodi habitum induit dicens. *Redde mihi Domine stolam immortalitatis, quam perdidisti in prauaricatione primi parentis; & quam mihi indignus accedam ad tuum sanctum mysterium, merear tamen gaudium sempiternum.*

Alleg. Repræsentat funes & catenas quibus Christus Do-

minus alligatus ductus fuit ad patibulum Crucis.

Moral. Significat, iuxta quosdam, iugum Domini. Et quia Sacerdos cum osculo sibi stolam imponit per hoc denotat assensum & desiderium, quo se subijcit huic iugo, de quo dicit Dominus *Iugum meum suauē est & onus meum leue*. Illæ duæ partes descendentes per anteriora in duo latera, indicant armaturam illam duplicem Iustitiæ, de qua Apostolus ad Corinthios. *Per arma iustitiæ à dextris & à sinistris*, quia Sacerdos & in prosperis & in aduersis debet esse munitus itaut nec aduersis frangatur, nec prosperis eleuetur. Vnde & cum Sacerdos in ordinatione stolam accipit, dicit illi Episcopus. *Accipe iugum Dei; iugum enim eius suauē est, & onus eius leue*. Suauē in prosperis, leue in aduersis. Quod autem Sacerdos illas duas partes in modum Crucis ante pectus efformat, indicat debere Sacerdotem meditari & imitari Passionem & Crucem Domini Nostri Iesu Christi secundum quod monet Apostolus dicens. *Aspicientes in auctorem Fidei, & consummatorem Iesum, qui propositio sibi gaudio sustinuit Crucem confusione contempta*.

Anag. Significat obedientiam & seruitutem, quam Dominus omnium propter suorum salutem subiit. Nam cum in forma Dei esset non rapinam arbitratus est esse se æqualem Deo; sed semetipsum exinanivit formam serui accipiens in similitudinem hominum factus. Humiliauit semetipsum factus obediens vsq; ad mortem.

CASULA, seu *PLANETA*. dicta casula quasi parua; & planeta à verbo Græco, *πλανητα* quod idē est ac errans; quia videtur similis hic habitus syderibus errantibus; nam errandus eius limbus super brachia eleuatur. Casula igitur Propriè est illa Vestis vltima, quam Sacerdos celebraturus post omnes alias induit, habens duas partes anteriorem & posteriorem latas & longas vsq; ad medietatem crurum circiter plus minus suè defluens super brachia.

Metaph. Est obseruantia præceptorum Dei. Vnde Sacerdos dum hoc indumento se vestit dicit in oratione. *Domine qui dixisti iugum meum suauis est & onus meum leue; fac ut istud portare sic valeam, quòd consequar tuam gratiam.*

Allig. Repræsentat Vestimentum illud purpureum, quo milites circumdederunt Iesum illudentes ei & dicentes *Aue Rex Iudeorum*. Iuxta alios repræsentat vestem illam inconsutilem Christi Domini, supra quam milites iuxta Crucem stantes miserunt sortes.

Moral. Significat Charitatem, per quam legis præcepta seruantur. Vnde Episcopus, quando nouum Sacerdotem hac veste induit, dicit. *Accipe vestem Sacerdotalem, per quam Charitas intelligitur.* Et quidẽ meritò Planeta significat Charitatem; quia sicut Planeta superimponitur omnibus alijs vestibus Sacerdotis; ita Charitas supereminet omnibus alijs virtutibus tam Theologicis quàm cæteris moralibus. Hinc Apostolus ait. *Nunc autem manent Fides, Spes, & Charitas; tria hæc, maior autem horum est Charitas.* Immo ipsa perficit omnes alias virtutes tanquam forma illarum, earumq; actus meritorios reddit. Quapropter idem Apostolus ait. *Si linguis hominum loquar & Angelorũ, Charitatẽ autẽ non habẽa nihil sum &c.* Rursus sicut Planeta habet duas partes: ita duo sunt præcepta Charitatis nẽpe Amor Dei, & Amor proximi iuxta illud Domini *Diliges Dominum tuum, & proximum tuum sicut teipsum.* Præterea sicut Planeta imponitur super ambos humeros: ita & Charitas debet exerceri, Tum erga amicos per dexteram significatos iuxta illud *Facite vobis amicos de mammona iniquitatis;* immo eò usq; excrefcere debet vt etiam vita ponatur pro salute amicorum si opus sit; & tunc est perfecta Charitas iuxta illud *Maiores Charitatem nemo habet quàm vt Animam suam ponat quis pro amicis suis:* Tum erga inimicos per sinistrum significatos iuxta illud Domini præceptum. *Diligite inimicos vestros, benefacite his qui oderunt vos.*

Anag.

Anag. Quia Planeta est vna habens duas partes coniunctas, scilicet anteriorem & posteriorem; ideo quatenus est Vna, significat Vnitatē Fidei iuxta illud Apostoli. *Vnus Dominus, vna fides &c.* Quatenus habens duas partes iunctas coalescentes in vnum, significat Ecclesiam veteris testamenti per partem posteriorem; quæ antecessit Christi passionem & Ecclesiam noui testamenti per anteriorem, quæ subsequuta est eandem passionem; nam & qui præibant & qui sequebantur clamabant. *Olanna Filio David.* Ambæ tamen coalescunt in vnum, nempe in vnā & eandem Fidem Vnius Mediatoris Dei & Hominum Iesu Christi.

S. 5. De Vestibus proprijs Episcoporum, nempe Caligis, Sandalijs, Cruce cum reliquis catenulis inserta, Chirothecis &c.

PRæter indumenta Ecclesiastica hætenus explicata, dantur etiam quædam alia, quæ sunt propria Episcoporum, nec ab alijs possunt adhiberi absq; speciali sedis Apostolicæ priuilegio. Inter quæ primum locum obtinent.

Calige, quibus Pontifices induuntur, & calceantur vsq; ad genua. Conficiuntur ex tela, seu serico coloris violacei vel Hyacinthini. Significant vel rectitudinem, & constantiam induentis in via mandatorum Dei quemadmodum orabat Deum Propheta dicens. *Gressus meos dirige secundum eloquium tuum, & non dominetur mei omnis iniustitia.* Vel obligationem Pastorum in confortandis & confirmandis debilibus eorum Curæ commissis, vti hortatur illos Isaias dicens. *Confortate manus dissolutas, & genua debilia roborate.* Quapropter cū Pontifex se calceat dicit illa verba. *Calcea me Domine caligas succundatis, & conforta genua mea debilitatis ut indefessus valeā per semitam mandatorum tuorum ad te peruenire.*

Sandalia sunt calcei, quibus pedes Pontificum calceantur. A Concilio Niceno vocantur etiam *Compagia* ad mentem

la-

Innocentij. Symbolum sunt prædicationis, vt declarat Cōc. Trid. Vnde narrat Sanctus Marcus Euangelista Christum Dominum misisse Apostolos suos ad prædicandum his calcæati sandalijs. *Et vocauit, inquit, duodecim, & caput eos mutare calcæatos sandalijs.* Et Apostolus Paulus. *State subcincti, & calcæati pedes in præparationem Euangelij pacis.* Hæc sandalia habent desubtus integrā soleam: desuper verò corium fenestratum: quia gressus prædicatoris & subtus debent esse muniti ne polluantur terrenis, iuxta illud Domini. *Excusate paluerem de pedibus vestris.* Et sursum aperti, quatenus ad cognoscenda mysteria cælestia reuelentur iuxta illud Propheticum. *Reuela oculos meos, & considerabo mirabilia de lege tua.* In hoc quoq; quod desuper aperta sunt significatur, quod corda semper ad Deum erecta habere, & oculos mentis ad ea quæ sursum sunt aperire debeamus: quod etiam subtus solida sunt, significat quod mentē circa terrena obusam habere nos conuenit nec debemus querere benedictionem Esau, quæ in terris est; sed Iacob, quæ est in Cælis.

Cruz catenulis inserta, in qua sunt reliquiæ, à collo Pontificis pendens ante illius pectus, stat loco illius laminæ aureæ, quam Pontifex legalis veteris testamenti gerebat in fronte. Vnde sicut illa lamina habebat quatuor literas aureas, sic ista Cruz habet quatuor angulos, in quibus significantur illæ quatuor dimensiones supereminentis Charitatis Christi, de quibus Apostolus inquit. *Vt possitis comprehendere enim omnibus Sanctis quæ sit latitudo, & longitudo, quæ sublimitas & profundum.* Cruz autem ante pectus designat id quod ait Apostolus. *Glorificate & portate Deum in Corpore vestro.* Porro Pontifex hanc Crucem imponendo & sibi deponendo deosculatur, ad denotandum quod Christi passionem, quæ per illam significatur, credit & confitetur, ad quam repræsentandam in officio Missæ se parat.

Tunicula & Dalmatica, quas Pontifex induitur (cum sint etiam

etiam indumenta Diaconi & Subdiaconi ut supra dictum est) indicant Pontificem continere eminenter omnes gradus inferiores, proindeq; virtutes per talia indumenta significatas debere in ipsis Pontificibus duplicari. Habent tamen hæ duæ vestes manicas ampliores quam vestes Ministrorum. i. Diaconi & Subdiaconi, ut per hoc moneantur Pastores. 1. quanta promptitudine vigilare debeant & consulere necessitatibus Ecclesiarum, & Animarum sibi commissarum ad imitationem Apostoli, qui de se dicebat. *Præter illa, quæ extrinsecus sunt, instantia mea, quotidiana sollicitudo omnium Ecclesiarum.* 2. quàm liberales esse debeant erga egenos; quia ex ore Domini habemus quòd *beatius est magis dare quàm accipere.*

Chirothecas accipit Pontifex post Tuniculas, eisque operit manus, ut intelligat Pastor eius Eleemosinas, cæteraq; iustitiæ, & pietatis opera per manus significata, non debere ad captandam auram, & famam sanctitatis dirigi; sic enim esset non Deo sed hominibus servire: sed solummodo ad placendum ipsi Deo. Vnde idem Dominus monet fideles omnes dicens. *Attendite ne iustitiam vestram faciatis coràm hominibus, ut videant opera vestra, alioquin mercedem non habebitis apud Patrem vestrum.* Et addit. *Neciat sinistra tua quid faciat dextera tua.* Quæ monita intelligenda sunt, ut habeant locum & servuari debeant quotiescunq; non urget obligatio proximum ædificandi atq; inflammandi ad rectam operationem; nam tunc monemur ut *lucet lux nostra coràm hominibus ut videant opera nostra bona & glorificent Patrem nostrum qui in Cælis est.* Et nihilominus etiam tunc intentio debet tēdere ad solam Dei gloriam; animarumque salutem; non autem ad vanam gloriam aucupandam. Quemadmodum explicat Magnus ille Gregorius Pontificum norma & exemplar. [Compellor dicere, inquit, ut bona quæ agitis cum magna cautela teneatis, ne per hoc, quod à vobis rectè geritur fauor, aut gratia humana requiratur: ne appetitus laudis subrepat: & quod foris

osten-

ostenditur intus à mercede euacuetur. Sic igitur opus sit in publico, vt tamen intentio maneat in occulto.] Et fortè hac de causa Chirothecæ Pontificis circumquaq; ornantur aureis ornamentis, nimirum vt Pastores intelligant debere suo bono exemplo omnibus splendorem & odorem afferre.

Mitra seu *Tiara*, seu *Infula* capiti Pontificis imponitur loco *cidaræ* antiquæ. Fuit etiam præscripta Pontificibus testamenti veteris à Deo, vt habetur in Exodo illis verbis. *Pones tiaram in capite eius*. Loquendo de Aaron. Et de alijs Sacerdotibus *Impones eis mitras*. Immo & ipsi Sacerdotes gentilium vsi sunt mitris præsertim quādo ipsorum falsis Dijs sacrificia immolabant vt colligitur ex *Socrate*, *Strabone*, *Apuleio* & alijs. Differt tamen *Mitra* Pontificum nostri temporis ab illis antiquis. Figura illius est omnibus nota. *Mitra* igitur scientiam vtriusq; testamenti designat. Duo namq; illius Cornua, duo sunt testamēta: cornu anterius nouū, posterius vetus; quæ duo Episcopus memoriter debet scire *cap. Episcopus. 24. 9. 1.* & illis tanquā duplici cornu fidei inimicos ferire. Duæ verò fimbriæ posterius dependentes, spiritus & littera sunt: seu per duas fimbrias seu lingulas notatur, quod paratus esse debet tam in mystico, quàm in historico sacre scripturæ intellectu; quæ super scapulas pendent ad notandum quod id, quod prædicat ore, ostendere debet opere; quia enim scapulis nulla pars altior est ad opus, siue ad onus ferendum; ideo rectè per eas opus intelligitur. Circulus autem, qui posteriorem & anteriorem *Mitræ* partem completur, indicat quod omnis scriba doctus in regno celorum, de thesauro suo noua & vetera proferre debet iuxta illud dominicum apud Matt. 13. Caueat ergo diligenter Episcopus ne prius velit esse magister quam nouerit esse discipulus *cap. miserum dist. 10.* ne si cæcus cæcum duxerit, ambo in foueam cadant. Summus Pontifex Romanus præter *Mitram* (quæ vt illius decet Maiestatem, est auro argentoq; contex-

ta, & lapidibus pretiosis ornata) in signum Imperij utitur etiam Regno, id est Corona Imperiali. Sed Mitra semper utitur & ubique. Regno vero non semper nec ubiq; quia Pontificis autoritas & prior est & dignior, & diffusior Imperiali potestate *ut inquit Innocentius 3.* Sacerdotium enim in populo Dei regnum præcessit, cum Aaron primus Pontifex præcesserit Saulem primum Regem, & Noë Nembroth; qui sicut legitur principium Regni Nembroth extitit Babylonis. Noë verò edificauit altare Domino, & holocausta obtulit super illud. Notandum quoq; quod Pontifex non utitur Regno nisi in certis diebus & locis, nunquam intra Ecclesiā, sed extra. Cur autē inter Pōtifices solus summus Pontifex Romanus utatur Regno; non autem alij Episcopi? reddit rationem *idem Innocentius in sermone quodam in sua Consecratione his verbis.* [Ceteri vocati sunt in partem sollicitudinis; solus autem Petrus assumptus est in plenitudinem potestatis: in signum spiritualium contulit mihi Mitram, in signū temporalium dedit mihi Coronam; Mitram pro Sacerdotio, Coronam pro Regno; illius me constituens Vicarium, qui habet in vestimento & fæmore suo Rex Regum, & Dominus Dominantium, Sacerdos in æternum Secundum ordinem Melchisedech.]

De Origine vsus Regni Pontificij varij varia sensere, quorum opiniones adducit *Pater Dom. Tobias Corona de sacris templis par. 1. cap. 55.* Quidam referunt ad Hormisdam Papam ex dono Clodouei Regis Frācorum; quidam ad ipsum Sanctum Syluestrū ex dono Cōstantini Magni Imperatoris; *Anulus* est Fidei sacramentum, quo Christus sponsam suam Sanctam Ecclesiam subarrauit, ut ipsa de se dicere valeat. *Anulo suo subarrauit me Dominus meus Iesus Christus.* Cuius custodes & pēdagogi sunt Episcopi & Prælati anulos pro signo in testimonium huius rei ferentes, de quibus sponsa dicit in Canticis. *Inuenerunt me vigiles qui custodiunt Cinitatem.*

tem. Porro anulus, præsertim si sit aureus, plurimas habet significationes. Primò enim significat dignitatem & imperandi authoritatem. Vnde Pharao volens constituere Proregem totius Ægypti Iosephum dedit ei anulum, quem ipsemet gestabat. *Nulliq; anulum ac manu sua, & dedit eum in manus suas.* Veteres illi Romani Ciues omnes ex priuilegio ferebant anulos. Hinc Liuius narrat quòd post insignem illam cladem Romani exercitus ad Cannes Anibal Victor mandauit dispergi & disseminari in terram in vestibulo Curiae Carthaginensis tres anulorum modios, vt inde patefaceret numerum Ciuium Romanorum, qui in illo prælio cæsi fuerant. Secundò. Significat amorem amicitiae promiscuum, nec non cordis affectum. Idcirco datur sponsis, & illis apponitur in digito penultimo sinistrae manus, vnde extenditur neruulus quidam subtilis seu venula, seu arteria iuxta diuersas opiniones, & permeat vsq; ad Cor, vbi est sedes amoris. Tertiò significat fidem seu fidelitatem in seruandis promissis. Atq; ob eam causam Tamar nurus Iudæ filij Patriarchæ Iacob petijt ab eo & accepit anulum tanquam signum promissionis sibi factæ. Igitur iuxta prædictas significationes Anulus qui datur Episcopis significat Tum eorum authoritatem; Tum amorem, quo debent prosequi Ecclesiam sibi desponsatam, animasq; sibi commendatas: Tum fidelitatem in seruandis promissis præstitis in assumptione sui status, & consecratione in Episcopum, quæ habetur in Põtificali Romano.

Baculus Pastoralis vt plurimum coopertus laminis argenteis, aut saltem deargentatus, sic vocatur propter similitudinem, quam gerit cum baculo, quem gestat opilio pro regimine gregis ouium sicut gestabat Dauid, quo etiam fortiter aggressus fuit gigantem Goliath. Vfus huius baculi institutus fuit, ad mentem Innocentij, ab ipso Apostolorum Principe Petro, qui suum proprium baculum donauit Eucherio discipulo suo, quo Sanctus Maternus seu Martialis, qui Euche-

rio successit, mortuos suscitabat : & modò religiosè asseruatur in Cathedrali Treuirensi . Multas habet mysticas significationes . 1. namq; significat authoritatem spiritualem, limitatam tamen, & non absolutam; idcirco enim Summus Pontifex non gestat baculum, quia ipse habet potestatem absolutam nō receptam ab aliquo homine sed ab ipsomet Christo, cuius est in terris Vicarius; & ipse communicat alijs limitatam, iuxta suum beneplacitum . 2. significat correctionem pastorem, propter quod à Consecratore dicitur Consecrato . . . *Accipe baculum pastoralis officij, ut sis in corrigendis vitijs pie seuiens iudicium sine ira tenens, in fovendis virtutibus auditorum animos demulcens, in tranquillitate severitatis censuram non deferens.* Hæc pia & suavis Pastorum correctio innuitur ab Apostolo illis verbis. *Si praecipuus fuerit homo in aliquo delicto vos qui spirituales estis instruite huiusmodi in spiritu lenitatis considerans te ipsum ne & tu tenteris.* Et Sacra Tridentina synodus sic ait. [Sancta Synodus Episcopos admonendos censet ut se pastores non percussores esse meminerint, atque ita præesse subditis oportere, ut non in eis domipentur, sed illos tanquam filios & fratres diligant.] Quod idem commendat Sanctus Petrus dicens. *Non ut dominantes in clericis sed forma facti gregis ex animo.* 3. significat fulcimentum & sustentationem. Vnde parentes Tobie iunioris vocabant eum baculum senectutis nostræ. Debent igitur Episcopi & Pastores Animarum portare & sustinere infirmitates subdiorum, tam animi quam Corporis iuxta monitum Apostoli. *Infirmitatem in fide assumite.* Et paulò post. *Debemus nos infirmiores imbecillitates infirmorum sustinere.* Et scribens ad Thessalonicenses ait. *Corripite inquietos, consolamini pusillanimes, suscipite infirmos.* Neque silentio prætereundum quòd baculus iste pastoralis est acutus in fine, rectus in medio, & retortus in summo: per hæc notatur quòd Pontifex debet pungere pigros, regere debiles sui rectitudine, & colligere vagos. *dist. 47. §. necesse.* Vnde Versus.

Col.

Collige, sustenta, stimula vaga, morbida, lenta.

Qui versus reddendo singula singulis continet præmissa.

Pallium (quod Patriarcharum, Primatum, & Metropolitano-
rum est proprium & aliquorum Episcoporum ex speciali
privilegio Sedis Apostolicæ) est ad instar Zonæ cuiusdam
aliquantulum latæ contextum ex lana candida Agnorum,
signatum quatuor Crucibus coloris rubei, quarum duæ sunt
suprà humeros, tertia ante pectus, quarta retro scapulas. Ap-
ponitur super humeros & præcingit collum tanquā torques,
pendentibus ab eo duabus extremitatibus altera ante pectus,
altera retro humeros. Antequam conferatur solet à Canoni-
cis Sancti Petri Romæ imponi super Altare Sactorum Apo-
stolorum, ubi per noctem integram relinquitur. Vocatur au-
tem *Pallium*, iuxta mentem Isidori, quia antiquitus super im-
ponebatur cuidam vesti pellicæ, quasi dictum *Pellium*: Vel,
ad mentem Baronij, quia ponitur suprà Casulam vocatam
etiam à quibusdā *Pallium*. Undecunq; tamen deriuetur hoc
nomen, certum est quòd *Pallium*, de quo nobis est hic ser-
mo, longè differt à quocunque alio vestimentorum genere
quod tali nomine vulgariter appelleretur.

Porro usus pallij est antiquissimus ut habetur ex Rituali
Romano, & testantur *Sanctus Maximus*, ac *Eusebius Cesariensis*,
qui existimat institutum fuisse à Sancto Lino Papa, qui im-
mediatè successit Sancto Petro primo Christi in terris Vica-
rio. Non confertur *Pallium* nisi à Summo Pontifice, vel ex
eius mandato. Unde solet transmitti. Et per Sacras Sanctio-
nes concessum est Patriarchis, & Primatibus Constantino-
politano, Alexandrino, Antiocheno, Hierosolimitano, qui
possunt etiam illud conferre Archiepiscopis, sibi subditis, ut
pates ex Concilio Lateranensi, modò tamen ipsi prius acceperint à
Sancta Sede Apostolica Romana. Neq; conceditur nisi prius
instantè peratur infrà tres menses à die cōsecrationis, præ-
missa professione fidei, & iuramento fidelitatis Sedi Aposto-
licæ,

rio successit, mortuos suscitabat : & modò religiosè asseruatur in Cathedrali Treuirensi. Multas habet mysticas significationes. 1. namq; significat authoritatem spirituales, limitatam tamen, & non absolutam; idcirco enim Summus Pontifex non gestat baculum, quia ipse habet potestatem absolutam nō receptam ab aliquo homine sed ab ipsomet Christo, cuius est in terris Vicarius; & ipse communicat alijs limitatam, iuxtà suum beneplacitum. 2. significat correctionem pastorem, propter quod à Consecratore dicitur Consecrato. *Accipe baculum pastoralis officij, ut sis in corrigendis vitijs præsuiens iudicium sine ira tenens, in fouendis virtutibus auditorum animos demulcens, in tranquillitate severitatis censuram non deferens.* Hæc pia & suavis Pastorum correctio innuitur ab Apostolo illis verbis. *Si preoccupatus fuerit homo in aliqua delictio vos qui spirituales estis instruite huiusmodi in spiritu lenitatis considerans seipsum ne & tu tenteris.* Et Sacra Tridentina Synodus sic ait. [Sancta Synodus Episcopos admonendos censet ut se pastores non percussores esse meminerint, atque ita præesse subditis oportere, ut non in eis domipentur, sed illos tanquam filios & fratres diligant.] Quod idem commendat Sanctus Petrus dicens. *Non ut dominantes in cleris sed forma facti gregis ex animo.* 3. significat fulcimentum & sustentationem. Vnde parentes Tobie iunioris vocabant eum baculum senectutis nostræ. Debent igitur Episcopi & Pastores Animarum portare & sustinere infirmitates subditorum, tam animi quàm Corporis iuxtà monitum Apostoli. *Infirmum in fide assumite.* Et paulò post. *Debemus nos infirmiores imbecillitates infirmorum sustinere.* Et scribens ad Thessalonicenses ait. *Corripite inquietos, consolamini pusillanimes, suscipite infirmos.* Neque silentio prætereundum quòd baculus iste pastoralis est acutus in fine, rectus in medio, & retortus in summo: per hæc notatur quòd Pontifex debet pungere pigros, regere debiles sui reatitudine, & colligere vagos. *dist. 47. 8. necesse.* Vnde Versus.

Col.

Collige, sustenta, stimula vaga, morbida, lenta.

Qui versus reddendo singula singulis continet præmissa. *Pallium* (quod Patriarcharum, Primatum, & Metropolitano-
rum est proprium & aliquorum Episcoporum ex speciali
privilegio Sedis Apostolicæ) est ad instar Zone cuiusdam
aliquantulum latæ contextum ex lana candida Agnorum,
signatum quatuor Crucibus coloris rubei, quarum duæ sunt
suprà humeros, tertia ante pectus, quarta retro scapulas. Ap-
ponitur super humeros & præcingit collum tanquã torques,
pendentibus ab eo duabus extremitatibus altera ante pectus,
altera retro humeros. Antequam conferatur solet à Canoni-
cis Sancti Petri Romæ imponi super Altare Sæctorum Apo-
stolorum, ubi per noctem integram relinquitur. Vocatur au-
tem *Pallium*, iuxta mentem Isidori, quia antiquitus super im-
ponebatur cuidam vesti pellicæ, quasi dictum *Pellium*: Vel,
ad mentem Baronij, quia ponitur suprà Casulam vocatam
etiam à quibusdã Pallium. Unde tanq; tamen deriuetur hoc
nomen, certum est quòd Pallium, de quo nobis est hic ser-
mo, longè differt à quocunque alio vestimentorum genere
quod tali nomine vulgariter appelleretur.

Porro usus pallij est antiquissimus ut habetur ex Rituali
Romano, & testantur *Sanctus Maximus, ac Eusebius Cæsariensis*,
qui existimat institutum fuisse à Sancto Lino Papa, qui im-
mediatè successit Sancto Petro primo Christi in terris Vica-
rio. Non confertur Pallium nisi à Summo Pontifice, vel ex
eius mandato. Unde solet transmitti. Et per Sacras Sanctio-
nes concessum est Patriarchis, & Primatibus Constantino-
politano, Alexandrino, Antiocheno, Hierosolimitano, qui
possunt etiam illud conferre Archiepiscopis, sibi subditis, *ve-
patet ex Concilio Lateranensi*, modò tamen ipsi prius acceperint à
Sancta Sede Apostolica Romana. Neq; conceditur nisi prius
instantèr petatur infrà tres menses à die cōsecrationis, præ-
missa professione fidei, & iuramento fidelitatis Sedi Aposto-
licæ,

lica, vt statuit Papa Pelagius. Sine Pallio, statuit Innocentius 3. non posse Patriarchas, nec Archiepiscopos congregare Cōcilia Prouincialia, nec minus exercere ordinem Archiepiscopalem, immo per d. Innocentium, nec vocari Archiepiscopum, qui rationem assignat; quia per Pallium confertur plenitudo Authoritatis Episcopalis simul cum nomine. Sic enim inquit. [Non deberet se Archiepiscopum appellare priusquam à nobis Pallium suscepisset, in quo pontificalis officij plenitudo cum Archiepiscopalis nominis appellatione confertur.] Quod intelligitur etiam quando quis transfertur ab vna ad aliam Ecclesiam, quamuis antea habuisset pro Ecclesia, à qua transfertur.

Quoad vsum illius. Non potest quisquam alius illo vti, nisi is cui concessum est. Quapropter non potest alteri Pontifici ad vsum commodari, neq; relinqui successori; sed defuncta persona cui concessum fuit, cessat vltus illius & debet sepeliri cum ipsa persona; vt asserunt Doctores, & præsertim Sanctus Gregorius. Quod adnotauit etiam Baronius.

Quoad Tempus, & quoad functiones, in quibus adhibetur. Solummodo in Missis solemnibus, & in functionibus, quæ intrà Missarum solemnia habentur, quales sunt conferre ordines sacros, consecrare Episcopos & similia. Item in omnibus alijs diebus & actionibus, quæ in Pontificali Romano præscribuntur. Sacri Canones prohibent vsum pallij extrà territoriū & Diocesim Pontificis, qui illo vtitur, quod præcisè mandat Clemens 3. nisi quis nitatur aliquo priuilegio vel licentia Prælati, in cuius territorio existit. Summus autem Pontifex, quia habet vniuersum orbem pro territorio, vbiq; & semper pallio vtitur absq; vlla limitatione loci, & temporis.

Ex dictis colligunt Doctores Pallium signum esse Eminentiae Sacerdotalis, superioritatis super alios, prærogatiuæ & honoris excellentioris in Ecclesia Sancta Catholica:

qua-

quapropter conferri solet adiunctis specialibus priuilegijs. Vnde s. *Gregorius, inquit*. [Rationalis ordo nos admonet cum usu pallij aliqua simul largiri priuilegia.] Verum quidem est quòd monet ipsum habètem debere quoq; virtutibus excellentioribus super alios præfulgere. Hinc *idem Gregorius scribens* Si agrio Augustodonensi Archiepiscopo & mittens illi pallium *sic ait*. [Cum honoris augmento, cura quoq; sollicitudinis debet crescere, ut cultui vestium, actionis quoq; ornamenta conueniant: oportet ut enixè in cunctis & studijs paternitas vestra se exerceat; & circa subiectorum actus sit cura vigilans & vestrum illis exemplum instructio, & vita magistra sit.]

Innocentius explicat moraliter partes, & conditiones Pallij hoc modo videlicet.

Textura illius è lana ferè cruda monet zelum & seueritatem Prælati in profigandis vitijs & peccatis à suo grege. Vnde conqueritur Deus per Ezechielem de illis Pastoribus qui intendentes solùm ad lucra temporalia, ad redditus, ad prouentus, ad munera & donaria (quod est vestiri lana gregis) nulla de cætero sollicitudine tenentur de subditorum, ouiumq; commodis ac profectu finentes illas præcipientes ferri quocunq; sensus, caro, mundus, Diabolusq; perurgent. *Iac, inquit, comedebatis, & lanis operiebamini, & quod agrotum erat non sanastis, & quod perierat non quaesistis; propterea dispersa sunt oues mea, & facta sunt in deuorationem omnium bestiarum.* Verùm quia lana est etiam mollis, & tractabilis, per hoc denotatur debere Prælatos seueritatem correctionis temperare mansuetudine & lenitate verborum, iuxtà monitum Apostoli. *Oportet Episcopum esse non iracundum, non percussorem; sed benignum &c.*

Quatuor Cruces pallij in varijs illius partibus collocatæ indicant Tum labores assiduasq; curas, quas secum onus pastorale defert; iuxtà illud Apostoli. *In omnibus labora:* Tum
qua-

quatuor virtutes Cardinales, quibus ornatus Pontifex esse debet; habendo Iustitiam ante pectus, & ante oculos reddendo cuiq; quod suum est, *Ante te faciem tuam Iustitia tua*. Prudentiam retrò ut custodiat oves contra emergentes insidias & aggressiones. *Prudentia servabit te*. Temperantiam super humerum dexterum; quia necessaria est maxime in prosperitate per dexteram significata sic David. *Delectationes in dextera tua*. Fortitudinem super humerum sinistrum; quia necessaria est in aduersitate, & tribulationibus significatis per sinistram. Vnde Paulus ad Corinthios, *Per arma Virtutis Dei à dextris & à sinistris*. Hæ quatuor Virtutes excellentius fulgere debent in Prælatiis.

Partes illæ duæ, quæ pendent Altera ante pectus, Altera post humeros, denotant duas illas Vitas nempe Activam & Contemplativam, in quibus frequentius, & ferventius debent sese exercere Sanctæ Ecclesiæ Præsules, ut legitur de Moyse, qui aliquando fruebatur Deo in monte, aliquando descendens vacabat regimini populi sibi commissi. Has duas vitas vult Sanctus Augustinus esse figuratas in illis duabus sanctissimis sororibus Marta, & Maria Christi discipulis, itaut Vita activa sit expressa in Marta, Contemplativa verò per Mariam. Et quia Activa continet multas curas; Contemplativa verò vnum tantum intendit, nempe vacare Deo, propter quod Dominus dixit Martæ. *Marta Marta sollicita es & turbaris erga plurima; porro vnum est necessarium*: Hinc est quòd Pallium duplicatur in sinistra non autem in dextera. Quia tamen utriusq; vitæ operationes sunt Deo gratæ in suis servis; ideo canit Ecclesia dicens. *Levo eius sub capite meo, & dextera illius amplexabitur me*.

Tres ille spillulæ, quibus quodammodo figitur pallium supra Præsulem, scilicet ante, retrò, supra, significant tres assiduas cogitationes, quæ illius cordi esse debent infixæ, nempe Prima dolorosa de miserijs & arumnis tum corporalibus
tum

tum spiritualibus suarum ouium compatiens illis ex corde; & dicens cum Apostolo. *Quis infirmatur & ego non infirmor?* Altera laboriosa de subleuandis necessitatibus sui gregis, de qua loquitur Apostolus illis verbis. *Instantia mea quotidiana sollicitudo omnium Ecclesiarum;* & ad quam idemmet Apostolus hortatur Pastores dum dicit. *Qui praeest in sollicitudine.* Tertia anxiosa de futuro iudicio, de stricta supremo Iudici ratione reddenda non solum de proprijs, sed eorum quoque actionibus, qui suae fuerunt custodiae commendati; dicit enim Spiritus Sanctus. *Horrendum & cito apparebit vobis; quoniam iudicium durissimum his qui praesunt fiet.* Et ipse Dominus per Ezechielem. *Ecce ego ipse super Pastores requiram gregem meum de manu eorum.* Et haec breuiter sint dicta de Pallio Archiepiscopali.

Faldistorium est sedes quaedam portatilis & amouibilis, in qua sedent Episcopi dum exercent pontificalia; conficitur ex qualibet materia, & etiam ex ligno: in Ecclesijs tamen inferioribus solet laminis aureis vel argenteis contegi aut saltem deaurari aut deargentari. Figura est veluti quadrata absque reclinatorio à tergo, talisq; altitudinis vt commodè in ea fiat sessio; quatuor distincta angulis eminentibus ita ut pertingant ad brachia; in quorum extremitatibus sunt quaedam pilae orbiculatae, vel capita leunculorum, vt mandat Sanctus Carolus in *suppellectili Ecclesiastica.*

Vnde colligitur quod Faldistorium repraesentat solium reale Salomonis; & consequenter significat auctoritatem, & excellentem dignitatē, quae residet in Episcopis, alijsq; maioribus Sacerdotibus nouae legis. Ita S. Hieronymus & Sanctus Ephraem. Item denotat auctoritatem iudicandi, iuxta illud *Sedebitis super sedes duodecim iudicantes duodecim tribus Israel.* Et leunculi illi in extremitatibus angulorum admonent fortitudinem & robur Iustitiae cum rectitudine Iudicij. Vnde Dauid. *Iustitia & Iudicium preparatio Sedis tuae.* Quemadmodum

illæ pilæ orbiculatæ æquitatem & exclusionem cuiuscunque inordinatæ affectionis, & acceptionis personarum; sic Deus expresse mandat in Leuitico. *Non facies quid iniquum nec iniustum iudicabis, non consideres personam pauperis, nec honores vultum potentis; iuste iudica proximo tuo.*

Pulvinar, quod supra Faldistorium apponitur ad sedendum, cum significet quietem, suauitatem, & molliem in sedendo, admonet Pastores tum deuotionem, religionem, & suauitatem spiritus in tractandis sacrosanctis illis mysterijs: tum lenitatem & benignitatem in erudiendis fidelibus, in præbendis suo gregi spiritualibus adiumentis præsertim Diuini verbi prædicatione ad lucrandas animas Domino Iesu Christo: quia ut dicit Sapiens *Eloquentia dulces multiplicat amicos, & mitigat inimicos.*

Gremale, quo vtuntur Episcopi ad aperiendum sinum, quando tractant oleum sacrum & Crisma præsertim in conferendis sacramentis Confirmationis, & ordinis sacri; significat munditiam corporis & cordis ne terrenis & mundanis actibus & affectibus inquinentur: nam immunditia præsertim in Pastoribus valde displicet Deo. Vnde per Ezechielem dicitur. *Immunditia tua execrabilis.* Ideò nos hortatur Apostolus dicens. *Emundemus nos ab omni inquinamento Carnis & spiritus.* Item notat custodiam Cordis iuxta consilium Sapientis, *omni custodia serua cor tuum, quia ex ipso vna procedit.* Simulq; etiam custodiam oris, quam seruabat ille vir secundum Cor Dei; Vnde & dicebat. *Dixi custodiam vias meas, ut non delinquam in lingua mea.* Quæ sanè cordis & oris custodia multò magis seruari debet in cultus diuini exercitio ab ijs præcipue qui immediatius & principalius curam habent illius, quales sunt omnes Episcopi ceteriq; primarij Sacerdotes.

Plumiale Episcopale representat superhumerales Aaronicum, de quo dicitur in Exodo. *Fecit igitur superhumerales de auro, Hyacintho, purpura, coccoq; bis tincto, & bisso retorta. longitudi-*
cuius

eius usque ad talos circiter, & magnifica amplitudo cum supercapitio quod pendet ab humeris, repræsentat vestem illam Coloris Hyacintini à Deo præscriptam cum alijs etiam in Exodo. *Fecerunt quoq; tunicam totam Hyacintinam & caputium in superiori parte, oramq; per girum capiti, textilem*: deorsum autem ad pedes mala punica ex Hyacinto, purpura, vermiculo, ac bisso retorta, & tintinnabula de auro purissimo. Quæ tintinnabula denotantur per flosculos appensos ad caputium pluuiialis. Vnde quatenus Pluuiale cum suis conditionibus repræsentat illa indumenta Summi Sacerdotis legalis, sic etiam exprimit illorum significationes.

In quantum igitur Pluuiale simile est Vesti hyacintinæ admonet eos qui illud gestant, & præcipuè Episcopos de doctrinæ excellentia, quæ in ipsis requiritur iuncta cum studio aliarum virtutum, quæ in eisdem prælucere debent; sunt enim virtutes ornamenta illa pulcherrima, quæ tùm in pluuiali, tùm in illa hyacintina veste erunt. Sic *Diuus Hieronymus*. [In tunica, inquit, hyacintina, tanta debet esse Pontificis scientia, ut quicquid agit, quicquid loquitur, doctrina sit, nec sine tintinnabulis coloribus diuersis, gemmis floribus virtutum, nec in Ecclesiam ingrediatur, nec Pontifex est.] Vnde *Diuus Paulus*. *Operietur Episcopum irreprehensibilem esse.*

In quantum est simile superhumerali, ad mentem ei usdem *Sancti Hieronymi* admonet gestantem de obseruantia legis diuinæ, ut ostendatur prius esse complendum operibus quicquid verbis prædicatur in populis: quemadmodum superhumerales erat supra rationale. Sic .n.s. *Hieronymus*. [Ante superhumerales post rationale prius facimus postea docemus, ne doctrina cassis operibus destruat. Sic de Christo Domino Nostro scribit S. Lucas quod cepit prius facere postea docere. Immo adimplendo legem illuminamur, & maiorem cognitionem acquirimus. Ita de se testatur Propheta dicens.

A mandatis tuis intellexi.]

Nomen ipsum pluuiæ non vacat mysterio; quia quemadmodum pluuiæ, ut scribunt *Sanctus ambrosius & Arnobius*, significant passiones & dolores Christi Domini simul cum persecutionibus Sanctæ Ecclesiæ, quæ accepto eorum fine canit: *Iam hiems transys imber abiit & recessit*. Sic pluuiæ connotat tolerantiam laborum, tribulationum, & ærumnarum, quæ tolerantia ad instar cuiusdam pallij & operimenti defendit nos ab ingruentibus imbribus & tempestatibus, idest à tentationibus, quas in nos excitant Mundus, Caro Diabolus. Hinc Apostolus hortatur nos Christi ministros dicens. *In omnibus exhibeamus vobismetipsos sicut Dei ministros i. l. multa patientia, in tribulationibus, in necessitatibus, in angustijs, in seditionibus, in laboribus, in vigilijs &c.*

Nec vacat mysterio illa grauis & maiestatis plena gestatio dicti pluuiæ: significat enim per hoc eminentem & supremam auctoritatem Sacerdotalem à Christo Domino suis in terris collata ministris: nam hoc planè sublimi titulo Sacerdotij Regalis appellat Apostolorum Princeps Petrus Christi ministros dicens. *Vos autem genus electum, regale Sacerdotium.*

Flosculi serici pendentes à tergo Pluuiæ per Caputium denotant, ut dictum est, tintinnabula, quæ pendebant in extremitate Vestis summi Sacerdotis, & ad hoc instituta erant, ut excitarent populum ad ingressum Sacerdotis, & ad deuotè recolenda Sacrosancta mysteria. Vnde Ecclesiasticus loquens de Aaron, dicit. *Cinxit eum tintinnabulis aureis plauram in gyro dare sonitum in incessu suo, ut faceret sonum in templo in memoriam filiis gentis sue*. Quapropter indicant predicationem Euangelicam. Et per hoc quod extant in extremitate Vestis in memoriâ reuocant nouissima nempe Mortem, Iudicium, Infernum, & Paradisum; ad quæ omnis nostra Vita, & operatio terminum dicit: Quæ quia incerta sunt

sunt quoad tempus illorum; ideo Dominus monet esse vigilandum dicens. *Vigilate quia nescitis, diem neq; horam.* Et Dominus Paulus. *Vigilate & stete in fide.* Hoc idem, quod sunt in extremitate vestis monent Sacerdotes, iuxta Hieronymum, Augustinum & alios, ut semper proficiant in operibus pietatis, & religionis, & in meritis crescant usque ad terminum Vitæ. Sic Apostolus hortabatur Timotheum illis verbis. *Tu vero vigilia in omnibus labora &c.* Et Ecclesiasticus. *Quodcumq; facere potest manus tua instanter operare, quia nec opus, nec ratio, nec scientia erunt apud inferos.* Quod sanctarum operationum & meritorum augmentum satis exprimit illa copia florum sericorum globata, qua illi flosculi conficiuntur.

Conclusio circa indumenta Ecclesiastica.

PRO Conclusionem omnium, quæ de sacris indumentis hucusque diximus, in memoriam lectori reuocare visum est id quod à sacris ritibus & Cæremoniis Ecclesiasticis sancitum est iuxta rubricas Missalis Romani approbatas à Summis Pontificibus Pio. 5. & Clemente. 8. & Urbano. 8. Videlicet quod sub indumentis Sacerdotalibus debet Minister & Sacerdos, quicumq; ille sit, deferre habitum iuxta communem Ecclesiasticorum consuetudinem, & iuxta statum & conditionem cuiusq; siue sit simplex Clericus, siue Sacerdos, siue Prælatum. Quod præcipue observare debent quando induuntur ad celebrandum Sacrosanctum Missæ Sacrificium: ita ut vestis clericalis exterior sit talaris. i. sit longa usque ad talos, cum calceis aut crepidis mundis. Hinc adnotarunt *Alcuinus & Amalarius* olim Sacerdotes & Diaconos, quando eorum officijs in Ecclesijs fungebantur, solitos fuisse uti calceis quibusdam peculiaribus distinctis à calceis Episcoporum, qui deinde prohibiti fuerunt à Concilio Niceno, & à Sancto Gregorio Papa. Præsules addunt Roccetum, seu superpellicem.

Ver-

Verba Rubricæ sunt talia. *Quibus ita dispositis* (loquens de præparatione) *accedit ad paramenta calceatis pedibus, & indutus vestibus sibi convenientibus, quarum exterior saltem talum pedis attingat: si sit Prælati Secularis supra Rocceum si sit Prælati Regularis vel alius Sacerdos Secularis supra pellicem si commodè haberi possit alioquin sine eo supra vestes communes. Cui præscripto ad stipulatur usus & consuetudo communis.*

Zaccarias Papa in quodam Concilio Romano prohibuit Sacerdotes celebrare capite tecto, ac Diaconos eodem modo ad stare Sacrosancto Missæ sacrificio. Nullus, inquit, Episcopus Presbyter, aut Diaconus ad solennia Missarum celebranda presumat cum baculo introire, aut velato Capite altario Dei introire; quoniam & Apostolus prohibet viros velato capite orare in Ecclesia. Et penam addidit dicens. Et qui temerè presumpserit, communionem priuetur. Quamobrem nemo audere debet absq; dispensatione Pontificia celebrare illo pileolo tectus, qui adhiberi solet sub pileo seu sub birreto.

C A P V T V I I I .

De Sacris Reliquiis, & Imaginibus; necnon de Campanis, Organis, cantuq; Ecclesiastico.

Hucusq; egimus de Rebus Ecclesiasticis, quæ tum immediate, tum mediate referuntur ad Sacrosanctum Missæ Sacrificium, nunc de ijs, quæ remote ad idem ordinantur quatenus deferuntur Vel ad excitandam maiorem in populis deuotionem; Vel ad conuocandum & congregandum Fideles in Templis. Huiusmodi ferè sunt sequentes, nempe *Sacra Reliquia, Sacra Imagines, Campana, organa, omnisq; cantus Ecclesiasticus.* De quibus omnibus in sequentibus.

S. I. De Sacris Reliquijs earumq; veneratione.

Nomine Reliquiarum sacrarum intelligimus Sāctorum Cæli ciuium corpora, quælibet itidem eorumdem corporum particulas, capillos, ossa, carnes, dentes, cineres, pulueres. Item vestes, vela, pannos & cætera quæ ad eorum ossa, aut corpora admoventur, vel quæ ipsos tetigerunt, vel ad ipsos aliquo modo pertinent.

Non est genus superstitionis venerari Sāctorū reliquias, ut infælices heretici oblatrant, sed est valde pium & religiosum opus. *Sacra Tridentina Synodus sess. 25. de inuoc. & venerat. Sāct.* hanc venerationem fidelibus commendando, & contrariam hæresim detestādo, sic ait. [Sāctorum quoq; Martyrum, & aliorum cum Christo viuentium Sācta Corpora, quæ viua membra fuerunt Christi, & templum Spiritus Sācti, ab ipso ad æternam vitam suscitanda, & glorificanda à fidelibus veneranda esse: per quæ multa beneficia à Deo hominibus præstantur: ita ut affirmantes Sāctorum Reliquijs venerationem, atq; honorem non deberi; vel eas, aliaq; sacra monumenta à fidelibus inutiliter honorari; atq; eorum opis impetrandæ causa Sāctorum memorias frustra frequentari, omnino damnandos esse prout eos iam pridem damnauit, & nunc etiam damnat Ecclesia.] Ita *Sac. Conc. Trid.* Et quidem sanctissime & sapientissime, nam ex multis sacrae scripture locis colligitur Sacras Sāctorum Reliquias honorandas esse. In 4. Reg. 13. habetur, quod cadauer hominis cuiusdam, quod fortè illatum in sepulchrum Hælisei fuerat, eius tacto corpore subito reuixit. In libro Ecclesiast. 49. legimus sic. *Duodecim Prophetarum ossa pullulenti de loco suo, nam corroborauerunt Iacob, & redemerunt se in fide virtutis.* Et postea de Ioseph dicitur. *Ossa ipsius visitata sunt, & post mortem prophetauerunt.* Et in Actis Apostolorum 5. legimus sic. *Ita ut in plateas iacerent*

rent infirmos, & ponerent eos in lectulis ac grabatis ut veniente Petro saltem umbram illius obumbraret, quemquam illorum, & liberarentur ab infirmitatibus suis. Idem de Paulo Act. 19. sic: Virtutesque non quolibet faciebat Deus per manum Pauli; ita ut etiam super languidos deferrentur à Corpore eius Sudaria, & semicinctia, & recedebant ab eis languores, & spiritus nequam egrediebantur. Si igitur Vestes, sudaria, semicinctia: si umbra Sanctorum hominum priusquam à vita migrarent morbos depulerunt, viresque amissas languentibus restituerunt: Ecquis negare audeat ceteras Sanctorum Reliquias eadem mirabilia efficere?

Nec obstat id, quod inter multa cauillose, malitiose & falso obijciunt hæretici, nimirum quod magna Reliquiarum pars supposititia sit. Et quod non raro contingat, ut pro Reliquiis Sanctorum ossa latronum, ac perditorum hominum, vel etiam animalium rationis expertium colantur. Ad quod adstruendum adducunt pro se Sanctum Augustinum lib. de oper. Morac. cap. 28. qui cum dixisset ibi quosdam Monachos corpora, vel ossa Martyrum circumferre & venditare, subiungit tamen Martyrum. Pariter quod S. Martinus, teste Severo in eius vita, altare quod in honorem Martyris extructum fuerat, cum ossa, & reliquias cuiusdam latronis esse deprehendisset, submoueri iussit.

Quia responderetur falsum esse adulterinas & supposititias Reliquias pro veris & legitimis honorari & coli in Ecclesia Dei. Fatemur quidem nos id, quod ex Augustino, & Severo in vita Sancti Martini traditur aliquando contingere, ut pro Sanctorum Reliquiis ossa, vel corpora impiorum, & perditorum hominum habeantur, & honorentur; sed id locum habere dicimus cum Reliquiæ privata, non publica auctoritate exponuntur. Augustinus vero loco citato cum ait esse Monachos quosdam, qui huc & illuc vagantur circumcunctes prouincias &c. solum loquitur de ijs Reliquiis, quas priuim multi exhibebant, non de ijs, quæ publica auctoritate

Romani Pontificis, vel Episcopi exponuntur in Ecclesiis ad earum venerationem & cultum.

Consequenter omni superstitione caret ille Ecclesie ritus accendendi cereos aut lampades ad sepulchra Sanctorum; Tum quia mos est antiquissimus in Ecclesia receptus, ut manifestum est ex *S. Augustino. 8. de ciuit cap. ult. Et lib. 6. Confess. cap. 2. S. Hieronymo. epist. ad Riparium S. Gregorio, lib. 3. Dialog. cap. 24. alijsq; Authoribus*: Tum quia id fit ad significandum lumine fidei illustratos sanctos decessisse; & modò insuper na patria gloriæ lumine splendere: Et ut nos item perfusi lumine diuino delectemur, & nostri animi læticiam significemus. Et si obijciatur in *Concilio Elibertino can. 34.* esse tale decretum. [Cereos per diem placuit in Cæmeterio non incendi. Inquietandi enim Sanctorum spiritus non sunt. Qui hoc non obseruauerint, arceantur ab Ecclesie communione.] Respondetur Elibertinam Synodum prohibere quominus cerei accendantur, videlicet ritu & more gentilium, qui putabant defunctorum corpora aliquid sentire, & clausa in tenebris, & sepulchris illuminari; Et cum dicit inquietandi enim Spiritus Sanctorum non sunt, perinde est ac si diceret, sanctos ipsos vita fundos gratum & acceptum non habere eiusmodi supersticiosum ritum ex gentilium errore profectum: Vel Sanctos Spiritus videlicet fidelium hominum adhuc in terris viuentiū inquietari, hoc est perturbari.

Minus superstitionis habet is fidelium ritus & mos, quo Sanctorum Reliquias collo dependentes deferunt, dummodo tamen honorificè, & piè ac religiosè deferantur. Ita *Diuus Thomas. 2. 2. q. 96. a. 4. ad 3.* cum frequentiori Doctorum calculo. Vnde ex historijs constat viros aliquos sanctos eas portare consueuisse. Et si obijciatur in *3. Conc. Fracharensi cap. 5.* hoc fuisse prohibitum. Respondetur ibi solum reprehendi Episcopos illos, qui in celebritatibus Martyrū Reliquias ad collū ligabant, & sinebant se in sellulis à Dia-

conisportari. Si aliquis quærat. An qui eas deferendo aliquod peccatum comittit, grauius peccet quàm si non deferret? Responderetur si peccando quippiã cõtrà honorẽ eis debitum admiserit, grauius profectò peccare, at si eas deferendo peieret, mentiatur, furetur, detrahat alteri, aut quid aliud simile peccet, non ob id grauiori se scelere obstringi.

Cæterum de Modo, quo Sanctorum Reliquiæ recondi, exponi, & populo fideli ad venerationem & cultum exhiberi, transferri, & asseruari debeant hæc in Iure Canonico reperiuntur sancita. Nimirum Eas in primis asseruari debere in loco honestissimo, in nitidis & decoris vasculis; loculis item honorificis, capsulis & arcis. Secundò Non licere alicuius Reliquias venerari tanquam sancti absq; auctoritate Romanæ Ecclesiæ. Tertiò Antiquas Reliquias extra capsam nullatenus esse ostendendas: Neq; exponendas venales, hoc est Ne prelo aliquo vendantur cum sint res sacrę nec quæstus gratia ad venerationem exponi. Quartò Nouas seu recentius inuentas Reliquias non esse venerandas nisi prius auctoritate Romani Pontificis fuerint approbatæ. (Intellige quando Reliquiæ sunt nouæ & exponuntur publicè; & quando proponuntur tanquam sancti alicuius. Tunc enim requiritur auctoritas Romani Pontificis; qui nullus tanquam sanctus publicè coli potest nisi in Sanctorum numerũ sit relatus: at verò solius Romani Pontificis est aliquẽ in Sanctorũ numerum referre. Reliquias tamen antiquas alicuius sancti venerari licet etiã publicè; prius tamen eas tecognoscere & approbare Episcopo. Similiter priuatim potest quis aliquem piẽ venerari pro sancto etiam Sanctorum numero nondum adscriptum, & proinde aliquid, ipsius tanquam Reliquias honorare & colere. Si roges quid si vir pius & religiosus fide dignus mihi tradiderit Reliquias alicuius sancti, licebit ne mihi eas pro Reliquijs venerari? Respondeo priuatim id licere quia tãto viro fides est adhibenda: at ve-

ro publicè nequeunt exponi, nisi prius eas recognouerit, & approbauerit Episcopus.

Itaq; oportet, vt dixi, Reliquias Sanctorum in locis honestissimis; ac decoris vasculis aut capsulis recondere & asseruare. Quando ostenduntur populo lamina accendi debent. Non sunt temerè omnium oculis exponendæ: nec ex loculis & receptaculis, vbi conditæ sunt educendæ, nec per laicos etiam cuiusuis ordinis, & dignitatis vlllo modo tractandæ, nec eorum manibus tangendæ, attrectandæue. Nam, *teste Gregorio Magno libro. 3. Epist. 30.* hoc sacrilegium est, ac minus propterea ferendum. Nec debent Reliquiæ in Ecclesia reconditæ, è loco vbi asseruantur, ad ægrotos vlllo modo sine iusta causa exportari. Multò magis sacrilegium erit aliquid furtim de Reliquijs ex loco publico & sacro extrahere, sibi sumere, aut aliò transferre: immò extrahentes Reliquias ex cæmeterijs Romæ existentibus, alijsq; locis sacris ibidem absq; legitima facultate incidunt in excommunicationem.

Et quidem iure optimo talis cultus & veneratio Reliquijs Sanctorum debetur; Etenim, vt inquit *Auctor de Ecclesiasticis dogmatibus cap. 3.* Sancti fuerunt templa Spiritus Sancti iuxta illud Apostoli *Membra vestra Templum sunt Spiritus Sancti.* *Diuus Hieronymus ad Ripar.* aliam addit rationem; quia honor Sanctis exhibitus redundat in Deum [Honoramus, inquit, Reliquias Martyrum vt eum, cuius sunt Martyres, adoremus: Honoremus seruos, vt honor seruorum redundet in Dominum.] *S. Ambrosius ser. 92.* [Honoro ergo in Carne Martyris exceptas pro Christo cicatrices; honoro perennitatem virtutis; honoro per Confessionem Domini sacratos cineres; honoro corpus, quod me propter Dominum docuit mortem non timere.] *S. Ioannes Chrysostomus orat. 55. Iuuen. & Max.* addit, quia gratias & benedictiones inde consequimur. *Sic enim inquit.* [Sanctorum tumulos adoremus, magna fide contingamus, vt benedictiones consequamur; etenim quæ voluit, apud

Cælorum Regem impetrare possunt, proinde magna promptitudine huc veniamus, quò inde varios thesauros vndeque colligamus.] Addit quoq; *S. Basilus Hom. 40. in Matt.* hanc rationem quia sunt turres Ciuitatum.] Hi sunt, inquit, quasi quædam turres contra aduersariorum incursus. Venemur igitur pio cordis affectu, & dignè colamus Sanctorum Reliquias; sed quod caput est studeamus illorum exempla sectari; sunt enim nobis propositi ad imitationem.] Atq; vt egregiè ait *Beatus Augustinus ser. 47. de Sanctis*, ab eis Sanctorum Martyrum in veritate festiua gaudia celebrantur, qui ipsorum Martyrum exempla sequuntur. Solemnitates enim Martyrum exhortationes Martyriorum sunt, vt imitari non pigeat quod celebrare delectat. Sic igitur Sanctis intercedentibus expectemus à Domino consequi temporalia beneficia, vt ipsos imitando accipere quoq; mereamur æterna.

S. 2. De Sacris Imaginibus, ac Cruce Domini Nostri Iesu Christi earumq; Cultu & Veneratione.

Quatuor breuiter videnda de Sacris Imaginibus. 1. De pio illarum cultu & veneratione. 2. Quàm antiquus & laudabilis sit vsus Sacrarum Imaginum & Crucis Domini Nostri in Templis. 3. Quales huiusmodi Imagines esse debeant. 4. De Vtilitatibus ex hac Veneratione consequentibus.

Quantum igitur ad Primum de Sacrarum Imaginum & Sanctissimæ Crucis veneratione. Veritas est Catholica de Fide definita contra antiquos, & modernos nostri temporis Hæreticos, sacras videlicet Imagines esse venerandas. Ita 7. *Sin. Gen. his verbis*. [Omnes sic credimus, omnes idem sapimus, omnes approbantes subscripsimus. Hæc est Fides Catholica; hæc est Fides Orthodoxa, Credimus in Vnum Deum in Trinitate laudatum; & venerandas Imagines amplectimur.

mur. Qui secus agunt, anathemate percelluntur.] Et ratio venerandi Imagines est; quia in ipsis colitur & honoratur prototypum, seu exemplar Cuius est Imago; ut bene definit *Sac. Concilium Tridentinum sess. 25. his verbis*. [Imagines porro Christi, Deiparæ Virginis, & aliorum Sanctorum in templis præsertim habendas & retinendas eisq; delitum honorem & venerationem impertiendam; non quod credatur inesse aliqua in ijs diuinitas, vel virtus præterquam sint colendæ; vel quod ab eis sit aliquid petendum; vel quod fiducia in Imaginibus sit figenda; veluti olim fiebat à Gentibus, quæ in Idolis spem suam collocabant; sed quoniã bonos, qui eis exhibetur, refertur ad prototypa, quæ ab illis representantur; itaut per imagines, quas osculamur, coram quibus caput aperimus, & procumbimus, Christum adoremus; & Sanctos, quorum illæ similitudinem gerunt, veneremur.] Ita Tridentinum. Non est igitur Idololatria venerari Imagines, ut Hæretici falsò calumniantur; Quod tunc quidem esset si eas veneraremur tanquam Deos; itaut veneratio in ipsas terminaretur; sed nostra veneratio per Imaginem transit in Rem representatam & in exemplar, & in illud terminat. Quod etiam egregiè affirmavit *Sanctus Athanasius his verbis*, Non adoramus Christi Imagines tanquam Deos ut Gentiles; affectum tantum nostrum & studium Charitatis nostræ erga signum Personæ expressè declaramus. Quò fit ut sæpè lignum quod erat prius Imago, si figura deleta sit, tanquam inutile comburamus.

Hinc fit ut qualis Cultus debetur prototypo seu exemplari, talis etiam debeatur Imagini, nempe cultus Vel latriæ; Vel Hyperdulæ; Vel Dulæ. Unde quia Cultus latriæ debetur Deo; & Christus est Deus ideo Imaginibus Christi; & etiam Cruci ipsius cuiuslibet materiæ quæ est etiam Imago & signum ipsius debetur veneratio latriæ. Imaginibus Deiparæ Virginis veneratio Hyperdulæ; & Imaginibus Sanctorum Dulæ: Quæres An quemadmodum Crux cuiuslibet materiæ

cul-

cultu latriæ digna est, sic etiam clavi, lancea, flagella spongia, & Corona spinea ex alia qualibet materia confecta, cultu pariter latriæ coli debeant? Respondeo cum Sancto Thoma 3.2.9.25. art. 4. Crucem ex qualibet materia constantem coli debere latriæ; quia eo cultu non solum Crux in qua Christus perpendit, digna est eo quod Christum tetigerit; sed etiam quatenus Crux est; hoc est signum & imago Christi in Cruce pendentis: at verò cætera Dominicæ passionis instrumenta solum cultum latriæ merentur; quia Christi Corpus tetigerunt; quare si in alia materia consistant cultu latriæ coli non debent quia non sunt signa & Imagines quæ Christum referant & representent: sed sunt similitudines eorum instrumentorum quibus Christus est Cruci affixus. Obijcies id vnum sufficere. Respondeo minimè; quoniam Crux alterius materiæ non colitur ut signum illius Crucis in qua Christus perpendit sed ut signum ipsius Christi in Cruce pendentis. Scriptura enim Crucem quamlibet appellat signum Filij hominis, quod in Cælo. i. in aere videndum prædixit Christus: at verò clavi, lancea &c. alterius materiæ nusquam in sacris litteris signum Filij hominis appellantur; quare signa tantummodo sunt eorum clavorum, quibus Christus fuit Cruci affixus.

Videtur Contra Imagines esse illa verba Domini in Exodo 20. *Non facies tibi sculptile &c.* in quibus verbis Contra Catholicos exultant Hæretici. Sed Respondetur dupliciter. 1. illud præceptum fuisse impositum Iudæis eo quod essent ad idololatriam propensi: Christianis verò minimè, quoniam non est Iuris naturalis præceptum; sed Iuris diuini scripti, quod Christi morte abrogatum cessauit; sicut & cætera præcepta iudicialia & Cæremonialia vocantur. 2. dato quod etiam illud præceptum sit Iuris naturalis, & Christianos quoque afficiat; illius sensus talis est ut nulla imago etiam veri Dei pro Deo colatur, ac si in ea re ipsa numen, aut diuinitas aliqua aut

aut virtus & potestas inesset. Item vt nulla imago siue effigies inanium Deorum, & falsorum honorentur Gentilium mores & proinde non sequi vt Imagines Dei & Sanctorum propter id quod referunt coli non debeant.

Quantum ad secundum de antiquitate istius Vfus. Certè adeò est antiquus vsus Imaginum vt simul cum ipsius hominis formatione incæperit: Omnipotens enim rerum conditor Deus, quando hominem efformauit dixit. *Faciamus hominem ad imaginem & similitudinem nostram.* Sic habetur in libro Gen. 2. vbi paulò post additur. *Ad imaginem quippe Dei factus est homo.* Quæ verba sæpius sacra pagina habet. In Exod. 25. Deus mandauit consari duos Cherubim aureos super arcam faderis qui supernos illos ac beatos spiritus repræsentarent. *Duos quoq; Cherubim aureos facies.* Quos deinde Rex Salomon duplicauit, atq; alias addidit imagines, vt habetur in 3. Regum. 6. *Sculpsit quoque in tabulis Cherubim, leones, & palmas, & similitudinem hominis stantis.* In lege postmodum Euangelica bis inuenimus ipsum Saluatorem Mundi Christum Dominum suimet ipsius imaginem, atq; effigiem vultus efformasse. Prima vice quando Regi Edessorum Abagaro linteolum misit in quod suæ faciei ad mortem ipsam suam faciem expresserat: quod linteolū hodie magna veneratione asseruatur Romæ apud Ecclesiam S. Siluestri à Sanctimonialibus illius Ecclesiæ ac Monasterijs de hoc testantur multi graues historici, & sacra Concilia, quæ adducit P. *Corona de Sacris Templis* par. 1. cap. 63. Altera vice quando baiulans sibi Crucem ad Caluariæ montem ibi Cruci affingendas accipiens à pia illa mulierem Veronica sudariolum vt Sanctissimam tuam faciem sanguine, & spuris illitam abstergeret in illo ipsam quoq; faciem expressam reliquit. Hoc assumma religione ac veneratione habetur & colitur itidem Romæ in Templo omnium templorum principe Principi Apostolorum Petro dicato. Parem quoque deuotionem ac
pie-

pietatem fidelibus excitat linteum illud Sanctissimi Sudarij in quo inuolutum fuit corpus Domini Nostri quando iacuit sepulchro quod Taurini à Serenis. Sabaudia Principibus summa reuerentia custoditur & magna populi deuotione ac celebritate ostenditur semel in anno; in quo pariter totius Corporis eiusdem Domini Nostri Imago expressa visitur. *Sanctus Athanasius & Gregorius Turonensis* aliam Saluatoris Imaginem à Nicodemo fabricatam referunt, quæ Beriti cum esset ab impijs Iudæis flagellis cæsa, sputis illita, Cruci affixa, & lancea transfixa tantum sanguinis effudit ut ex illo omnes orientales atque occidentales Ecclesiæ fuerint locupletatæ. Et hoc miraculum à Patribus septimæ æcumenicæ synodi comprobatum fuit A' Sancto Luca Euangelista plurimas fuisse depictas imagines Christi Domini Nostri, Sanctorum Apostolorum, & præsertim Sanctæ Genitricis Dei Mariæ testes sunt auctores grauissimi *Metaphrastes in vita ipsius Sancti Luca; Diuus Thomas in tertio senten. dist. 9. q. 2.* alijque quâplurimi. Vnde à Sancto Luca efformatam communiter perhibetur Imaginem illam, quæ Laureti totius orbis ueneratione colitur. Item illam, quæ Romæ in celeberrimo S. Mariæ Maioris templo asseruatur. Illam pariter, quæ Bononiæ magna eiusdem religiosissimæ Ciuitatis pietate ac deuotione custoditur ac colitur. Omitto alias eiusdem sanctissimi Euangelistæ manu efformatas non ita orbi Christiano notas sicut præfatas omnibus pariter innotescunt Imagines illæ Sanctorum Apostolorum Petri & Pauli, quas apud se Sanctus Pontifex Silvester in Monte Soractæ habebat, sub quarum similitudine prædicti Sancti Apostoli Imperatori Constantino apparuere, & hodie in Basilica eiusdem Principis Apostolorum asseruantur. Tertullianus antiquissimus auctor inter Christianos refert eos priscos fideles consueuisse Saluatorem Mundi depictum effingere in Templis ad instar Pastoris ouellam super humeros deferentis.

ris. Immenſum eſſet omnia antiquitatis exempla & testi-
monia aſſerre ad corroborandam antiquitatem uſus Imaginum.

Quantum ad tertium de Qualitate Imaginum. Ut bene
percipiatur quales depingi & efformari debeant ſacræ ima-
gines aduertendum eſt cum *eruditiffimo Bellarmino lib. 2. de
Imag. cap. 8.* tria poſſe eſſe Imaginum genera. Quædam enim
effinguntur ad rappreſentandam naturalem formam, perfe-
ctamq; alicuius rei ſimilitudinem: Et hoc modo exprimi non
poſſunt niſi res corporeæ, ac materia conſiſtentes, quæ cum
conſtent dimensionibus, figuris, coloribus, cæteriſq; ſenſi-
bilibus; quæ per ſenſum percipiuntur: ideo eiſdem dimen-
ſionibus, coloribus &c. poſſunt exprimi & repræſentari. Hoc
pacto Piſtores efformant ſpeciem Hominis, leonis, aliarum-
que rerum corporearum. Quædam autem effinguntur non
quod res per huiusmodi picturas & imagines expreſſas ſint
tales in ſe, quales repræſentantur; ſed quia non poſſemus
percipere illas niſi ad modum rerum ſenſibilibium exprimen-
tur; cum talis ſit Hominum natura pro ſtatu vitæ, præſentis
ut nihil percipiat niſi per ſenſus; Vnde Philoſophus dicit.
Nihil eſt in intellectu quod prius non fuerit in ſenſu. Et alibi. *Opor-
tet intelligentem phantaſmata ſpeculari.* Hoc pacto qui volunt
exprimere Maieſtatem Dei Creantis Vniuerſa, vel quid ſi-
mile operantis, opus eſt ut ſub humana ſpecie illum effin-
gant, ut à noſtris oculis ac ſenſibus percipi poſſit. Quod egre-
giè *ſanctus Auguſtinus lib. 2. de Trinit. cap. ult. & lib. 3. de doct.
Chriſt. his verbis explicauit.* [Miſerabilis Animæ noſtræ ſerui-
tus eſt ſigna pro rebus accipere, & ſuper Creaturam corpo-
ream oculum mentis ad hauſiendum lumen leuare non poſ-
ſe.] Quædam deniq; effinguntur ſymbolicè & metaphoricè,
quando ſcilicet Pictor ad exprimendam & ſignificandam
aliquam proprietatem, vel ſpiritualem operationem, illam
depingit ac exprimit ſub ſpecie actionis materialis & corpo-
ræ aptæ tamen ad illam ſpiritualem ſignificandam. Hoc pa-

Quo qui volunt exprimere proprietates Angelorum, eorumque actiones sub figura sensibilibus rerum effingant; In primis. n. depingunt faciem hominis ut significant eorum naturam intellectiuam: addunt vestes albas ad illorum puritatem & immaterialitatem indicandam: apponunt illis alas ad denotandam celeritatem in exequendis Dei mandatis. Et sic de alijs. His igitur præmissis.

Circa qualitatem Imaginum sanctarum hæc ex *Conc. Tridentino* præscripta tenemus.

Primò. Quoad primum genus Imaginum ex supradictis, & etiam quoad alia. Ut eliminentur è templis omnes Imagines lasciuia præferentes tam in corporibus, quam in indumentis, cæterisque ornamentis, ne derur occasio mundanis & carnalibus turpe aliquid sibi in Corde voluendi: essent. n. huiusmodi picturæ & imagines similes illis, quas Deus Ezechiel in Templo Hæbreorum ostendit dicens. Ezech. 8. *Ingrederere & uide abominaciones, quas isti fecerunt; abominatio, & vniuersa idola domus Israel depicta erant in pariete, in circuitu per totum, ibi mulieres sedebant plangentes Adonidem &c.* Nam idola carnalia sunt profectò omnes lasciuæ picturæ. Quapropter idem Deus magnam comminatur ultionem dicens. Ergo non parceret oculus meus, nec miserabor, & cum clamauerint ad aures meas voce magna non exaudiam. Procul igitur à Templis omnes huiusmodi Imagines. Verba Concilij sunt hæc. *Omnia lasciuia vitentur itant procaci venustate Imagines non pingantur nec ornentur.*

Secundò. Quoad secundum, & tertium genus. Ut quando necesse est exprimere aliquid Diuini & spiritualis sub specie alicuius rei Corporeæ, tunc admoneantur rudes & indocti non esse tale, quale oculis per picturam apparet, illud diuinum & spirituale quod Pictor exprimere intendit. Verba Concilij sunt hæc. *Quod si aliquando historias & narrationes sacre scriptura, cum id indoctæ plebi expediret, exprimi, & figurari*

contigerit ; doceatur populus non propterea Diuinitatem figurari, quasi corporeis oculis conspici; vel coloribus, aut figuris exprimi possit.

Tertiò. Ut nihil sacri per picturam exprimatur maxime in templis, quod veritati rei & historiæ non sit consonum. Et ratio est; quia in picturis non tam attenditur & contemplatur veritas rei representatæ, quàm id quod externis oculis intuentium apparet; quod si res apparens falsa est in occasionem erroris inducit. Hoc dixit magnus ille Plato dialog. 12. de Rep. his verbis Pictura non considerat id quod est; sed quod videtur & apparet. Verba autem Concilij sunt hæc. *Nulla falsi dogmatis imagines rudibus periculosi erroris occasionem præbentes statuantur.*

Quartò. Ut nihil profani in Templis effingatur nisi quod necessariam connexionem habet cum veritate historiæ sacræ; veluti si quis exprimeret sacrificium gentilium; quod Licaonij offerre volebant Sanctis Apostolis Paulo & Barnabæ æstimantes Paulum esse Mercurium propter suam mirandam eloquentiam, & Barnabam esse Iouem propter præsentia maiestatem. Hac de Causa Concilium non approbat nisi veras Imagines & historias Christi Domini, Beatissimæ Virginis, Sanctorum, & vtriusque testamenti, quæ solæ cultu & veneratione dignæ censentur. Hæc sunt verba Concilij. *Mandat Sancta Synodus Imagines Christi, Deipara Virginis, & Sanctorum in Templis habendas, eisq; debitum honorem, & reuerentiam impertiendam.*

Quintò. Ut nihil pariter superstitiosi ibidem exprimatur. Quale esset exempli gratia effingere Sanctissimam Tripitatem seu tres Personas in quodam quasi vtero ac si omnes tres Diuinæ Personæ carnem induissent. Similiter, ad significandam eandem Sanctissimam Trinitatem exprimere Hominem tria habentem capita & vultus. Item exprimere Deum sub forma oculi super virgam vigilantis ad significandam illius prouidentiam. Hæc enim & similia cum sapiant

superstitionem non debent in Ecclesijs Catholicorū admitti. Verba autem Concilij sunt ista. *Omnis superstitio in Imaginum usu tollitur.*

Sex.º. Deniq; vt supradicta seruentur, & vt nullus ambiguitati locus relinquatur in decernendo quando Imago aliqua censerī debeat aut lasciuia, aut propāna, aut superstitiosa, aut à veritate facti aliena mandat vt nulla in Templis Imago apponatur, quæ non prius fuerit ab Episcopo approbata. Sic enim inquit. Hæc vt fidelius obseruentur, statuit sancta synodus nemini licere vllō in loco vel Ecclesia etiam quomodolibet exempta vllam insolitam ponere, vel ponendam curare Imaginem nisi ab Episcopo approbata fuerit.

Quantum ad quartum. De Vtilitate & fructu spirituali Sanctarum Imaginum. Multæ inde Vtilitates consequuntur, quarum aliquas breuiter attingam.

Prima est. Quòd rudibus & indoctis deseruiunt pro libris. Sic Sanctus Pontifex Gregorius lib. 9. epist. 109. affirmat. [Idcirco, ait, in Ecclesia Imagines adhibentur vt qui litteras nesciunt saltem in parietibus videndo legant quæ in Codicibus legere non valent.] Idem docent S. Paulinus & prudentius. Pictura refert quæ tradita sunt in libris. Idem asserit Beda. Quia non omnes litteras norunt, neq; lectioni incumbunt; Patres nostri consenserunt quæ gesta sunt, per imagines repræsentari.

Secunda est. Quòd memoriæ suggerunt beneficia à Deo humano generi exhibita tum Creationis, tum Redemptionis, tum alia. Ita Synodus Nicena secunda asserens verba Leontij Episcopi. Christi; passionēs, inquit, passim in Ecclesijs, in foro, in picturis, omnibusq; in locis hanc figuram apponimus, quò continuo contemplantibus nobis hæc in mentem veniant; vt non obluiscamur Domini Dei nostri, quemadmodum tu oblitus es Domini Dei tui. Et S. Iohannes

nes Damascenus [Per sæpe, inquit, vsue venit vt Domini passionem in animo minime versantes, conspecta Christi Crucifixi imagine in salutiferæ memoriæ passionis redeamus.

Tertiâ Est. Quod representantes heroicas operationes & Victorias sanctorum, qui nos antecesserunt, excitant animos intuentium ad illorum imitationem. Ita *Sinotus Nilus ad Olinprocorum Proconsulem*. [Noui, inquit, & veteris testamenti historijs hinc inde parietes Templi repleti doctissimi pictoris opera velim, quò scilicet contemplatione picturæ in memoriæ reducant, quàm constanter Deo per fortia facta sancti seruiuerunt.] Et quidem magnam vim habent Imagines antiquorum qui in aliqua re excellentes fuerunt, ad accendendum animos intuentium ad illorum imitationem. Passim occurrunt exempla quæ sacra quæ prophana de hac re.

Quartâ est. Quod admonent nos patrociniū pro nobis susceptum à sanctis illis, quorum Imagines deuotè veneramur, ac reuerenter habemus: Vnde & fiduciam præbent confugiendi ad illos in omnibus necessitatibus nostris vt pro nobis intercedant ad Dominum. Et quidem quotidie fideles huius Patrocinijs fructum experiuntur tum in cæteris Sanctis, tum præcipuè in Regina Sanctorum omnium Dei genitricis Maria, cui optime conueniunt verba illa Spiritus Sancti in Prouerbijs. *Ego diligentes me diligo, & qui vigilat ad me inuenient me; mecum enim sunt diuitia & gloria; Beatus qui vigilat ad fores meas quotidie, & obseruat ad postes ostij mei; qui me inuenerit inueniet vitam, & hauriet salutem à Domino.*

Sed omnes fructus & Vtilitates, quæ ex debita veneratione Sanctorum Imaginum percipiuntur paucis sed ponderosis verbis *Sacro sancta Tridentina synodus pertraxit dicendo* [Illud verò diligenter doceant Episcopi per historias mysteriorum nostræ redemptionis, picturis vel alijs similitudinibus expressas erudiri & confirmari populum in articulis fidei

fidei commemorandis, & assidue recolendis: Tum vero ex omnibus sacris imaginibus magnum fructum percipi; non solum quia admonetur populus beneficiorum, & munerum, quæ à Christo sibi collata sunt; sed etiam quia Dei per Sanctos miracula, & salutaria exempla oculis fidelium subijciuntur: ut pro ijs Deo gratias agant, ad Sanctorumq; imitationem vitam, moresq; suos componant; excitenturq; ad adorandum, ac diligendum Deum, & ad pietatem colendam. Si quis autem his decretis contraria docuerit, aut senserit; Anathema sit.] Veneremur igitur ac deuotè colamus Sanctorum Imagines venerando & colendo in illis & per illas sanctos ipsos, quos repræsentant, ut illis intercedentibus ita mereamur assequi bona temporalia, ut non amittamus æterna.

S. 3. De Campanis.

Campane sunt vasa ænea in Nola Ciuitate Campaniæ primò inuenta: maiora itaq; vasa Campanæ à Campania regione: minora verò Nola à Nola Ciuitate dicuntur. Tria breuiter de Campanis videamus nempe. Primò originem. Secundò finem. Tertiò significationes.

Quantum ad Primum de origine. Quidam existimant Campanas originem sumpsisse post aduentum Domini Nostri Iesu Christi illo ducti argumento, quòd neq; Hæretici neq; Mahumetani illas permittant; immò frangant atq; e turribus deiciant vbicunq; eas depræhendunt; siue id faciant ne videantur cum Catholicis conuenire; siue ad occurrendum seditionibus, cōspirationibus, & rebellionibus, quæ facili negotio ad signa Campanarum excitari & perfici possent contra eorum tyrannidem, & infandum dominium: siue quia ad illarum sonitum expauescunt quemadmodum & ipsi Dæmones, quorum regimine gubernatur. Verum dubitari

tari non potest etiam ante Domini aduentum extitisse Campanas, quorum usus erat tam in prophanis & ciuilibus, quam in sacris actionibus quamuis non ita frequenter; appellatas Aerea, pelues, lebetes, & tintinnabula ab ære, & materia ex qua constantur, à similitudine quam cum alijs rebus habent; & à sonitu alijsq; effectibus. Et quidem quoad actiones prophanas Certè p̄fisci illi Romani Campanas adhibebant ad annuntiandum tempus accedendi ad Termas seu balnea; Vnde Martialis monet quemdam qui pila ludebat, vt audito signo Campanæ pro balneis dimittat ludum & accedat ad lauandum se in termis ni velit lauari aqua frigida fontis Virginis, quæ est illa, quam Romæ communiter vocant Aquam Triuij. Sic igitur ait Martialis.

Reddet pilam, sonat as Termarum, ludere pergis?

Virgine vis sola latus abire domum?

adhibebant pariter Campanas Romani ad conuocandum homines hora nundinarum & fori ad emendum & vendendum ea quæ victui necessaria sunt. Etiam Milites qui in excubijs erant, utebantur Campanis ad quarum signum confestim respondere tenebantur: immo etiam in palatijs nobilium, primatum, & procerum, in quibus frequentior erat & maior numerus seruorum usus erat Campanarum, vt ad illarum sonitum & signum familia conuocaretur, vt etiam nostris temporibus in palatijs Principum Ecclesiasticorū idem mos retinetur.

Quod autem ad actiones etiam superstitiosas Gentilium, & verè sacras religiosas Hæbreorum adhiberentur Campanæ manifestum est apud Scriptores, vt patet legentibus præsertim apud *Lucianum, Pollidorum, & Iosephum Hæbreum*. Immo, vt habetur in Exodo, Deus mandauit apponi quædam campanulas ad fimbriam Vestis hyacintinæ Sacerdotalis.

Deorsum ad pedes vestis quasi mala punica facies mixtis in medio tintinnabulis vt audiat sonitus quando ingreditur & egreditur

sans

sanctuarium. Idem etiam habetur in Ecclesiastico. Non negamus ad conuocandum populum apud Hæbreos fuisse in usu tubas quasdam argenteas, ut habetur in libris Numerorum. *Fac tibi tubas argenteas ductiles, quibus conuocare possis multitudinem.* In quorum postea locum successerunt Campanæ nostræ in turribus Templorum & Ecclesiarum, quamuis primus autor & inuentor habeatur incertus. *Polidorus Virgilius, & Panninus* fuisse Papam Sabinianum arbitrantur; alij ferè omnes existimant fuisse Sanctum Paulinum Nolanum Episcopum in Campania, vnde talem Campanæ nomen est deriuatum: nihilominus vterque esse potuit; Sanctus Paulinus primò in sua Ecclesia, Sabinianus postea Romæ, atq; exinde in vniuersum Christianum orbem talis vsus inuasit.

Vt autem Campanæ, quæ ad sacras inseruiunt actiones, distinguantur ab ijs, quæ deputatæ sunt prophanis, solent illæ quibusdam adhibitis cæremonijs per Ecclesiasticos Antistites benedici. Extant huiusmodi Cæremoniæ in Pontificali Romano, vbi poterunt videri, nec opus est ut à nobis qui breuitati studemus hæc describantur.

Quantum ad secundum. De Fine, seu Effectibus Campanarum, earum præsertim quæ Ecclesiasticis vsibus deseruiūt, ac particulari ritu deputantur. Finis primarius ac Vniuersalis, propter quem in Templis Campanæ constituuntur, est ad significandum Fidelibus tempus determinatum, quo debent in Ecclesias conuenire, ibiq; statutas religionis, ac pietatis actiones exercere: quapropter à nonnullis scriptoribus præsertim ab Aluino & à Concilio Cabilonensi appellantur signa. Actiones autem, ad quas solent per Campanas conuocari Fideles comprehenduntur duobus carminibus, rudibus quidem, approbatis tamen à Glosa extrauagantum. Sunt autem infra scripta.

Laudo Deum verum, Plebem voco, congreco Clerum

Defunctos ploro, Nimbam fugo, Festaq; honoro.

Pri-

Prima igitur actio religiosa & pia, cui deseruiunt Campanæ, est laudare Deum, idest per suum sonum, & per signa illius efficere vt Fideles laudent Deum, preces ad illum fundant, eiq; gratias agant: Et quamuis laus ista, honor & gloria Deo exhibita sit finis omnium operationum à fidei mente prouenientium; tamen tribus præcipuè modis per Campanarum sonum expressis Diuina Maiestas à nobis seruulis benedicatur & collaudatur. Primò. Quando sacrosancta hostia & Calix cōsecratus in Sacrosancto Missæ sacrificio eleuatur ac populo adoranda ostenditur; tunc enim datur signum Campanarum vt fideles tam adstantes in Ecclesijs, quàm absentes genua saltem Cordis flectant ad adorandum diuinum illud sacrificium pro communi omnium salute omnipotenti Deo oblatum: quod in Ecclesijs fit per campanulam pulsatam à ministro inseruiente Missæ priuatæ pro ijs qui præsentibus interfunt; sed pro absentibus per Campanam in turri suspensam, & hoc in Missis, vt vocant, choralibus, solemnibus, & decantatis. Quod institutum fuisse aiunt quidam authores à Gregorio. 9. Summo Pontifice dñi Federicus. 2. Imperator iam tertio à communione Ecclesiæ præcilius summo furore ipsam Ecclesiam insectabatur vnà cum Tartaris, ijsq; infidelibus; à quibus Christianorum prouinciæ ipsis conficiens deuastabantur, vt scribit *Platina in Vita dicti Pontificis*. Secundò quando datur signum Salutationis Angelicæ; quod singulis diebus dari solet ter in plurimis partibus Christianorum, videlicet mane, meridie, & vespere. Hoc institutum ab Urbano. 2. Pontifice manasse saltem pro horis matutina & Vespertina ad implorandam diuinam opem pro Copijs Christianorum ad recuperationem terræ Sanctæ (quæ & sequuta est) transmissis sentit Arnoldus Vecionus Monachus Sancti Benedicti; quod cum aliquantulum remissum esset iterum à Gregorio. 9. instauratum fuit anno. 1227. Cui duplici signo nempe matutino, & vespertino

no Honorius. 3. addidit tertium nempe meridianum. ita sentit Genebrardus: At Platina in vitis Pontificum huius tertij signi institutorem facit Calixtum. 3. occasione desumpta monendi Fideles ad fundendum preces pro exercitu Christiano, qui cruce signatus contra Turcam in Pannonia præliabatur. Hoc triplex signum per Campanas datum ad orandum, & laudandum Deum tribus diurnis temporibus valde consonum est Davidis praxi & exercitio; qui tribus vicibus in singulos dies precibus & laudibus ferebatur in Deum; unde & dicebat. *Vespere, mane, & meridie narrabo, & annuntiabo, & exaudies vocem meam.* Sancti Doctores. Hieronymus, & Augustinus in expositione illorum verborum dicunt signum vespertinum reducere nobis in mentem Passionem & Mortem Domini Nostri Iesu Christi; matutinum Resurrectionem; meridianum Ascensionem eiusdem. Alij prædicta signa referunt ad operationes humanas Christi fidelium, itaut, per signum matutinum moneantur ad Deum confugere, ab eoq; auxilium postulare pro bono diei ingressu; per meridianum pro bono progressu; per serotinum pro bono egressu & pro reddendis Deo gratijs pro beneficijs eo die acceptis; & quia ut facilius Diuinam opem imploremus valde efficax est intercessio Deiparæ Virginis, ideò more receptum est ter salutationem Angelicam recitare cum illis tribus versiculis ad singulas salutationes præmissis nempe *Angelus Domini &c. Ecce Ancilla Domini &c. Et Verbum Caro &c.* Alij volunt in aliqua ex illis tribus horis aut matutina, aut meridiana, aut vespertina completum fuisse ineffabile illud mysterium Incarnationis Verbi Diuini per annuntiationem Angelicam, & maximum ex omnibus humano generi collatis beneficijs; ideò in illius memoriam instituta fuisse illis tribus Campanarum signa ad recitandum ter salutationem Angelicam pro dulci recordatione & pro gratiarum actione beneficij. Quomocunq; sit laudare Deum

Deum his temporibus Campanarum signo est vna pia actio, ad quam vsus Campanarum refertur.

Secunda est Vocare Plebem, nempe omnes Christi fideles tam viros, quam mulieres; tam adultos, quam paruulos; tam nobiles quam rusticos; tam doctos quam idiotas: omnes deniq; ad Ecclesiam ad recolenda diuina mysteria, ad Missas, ad Vespertinas laudes, ad processiones, ad Conciones, & ad omnes alias pias & religiosas actiones iuxta illud Ieremias. 1. *Vocate cecum, congregate senes, omnes habitatores terrae iudam domum Dei vestri & clamate ad Dominum &c.*

Tertia est Congregare Clerum & Ecclesiasticas Personas ad celebrationem Missarum, & diuinorum officiorum quae consistunt in septem Horis Canonicis distinctis temporum interuallis inter noctem & diem recitandis ad imitationem Sanctissimi Regis & Prophetae David, qui de se dicit septies in die laudem dixisse Domino Deo. Et merito quidem septies in die laudem Domino dicimus; nam & septies quoq; in die cadit iustus & resurget. Sed de recitatione Diuini officij multa diximus in prima huius operis parte & aliqua etiam dicemus infra in proprio cap.

Quarta est Defunctos plorare, idest talem sonum edere ac si defunctos more hominum plorarent. Et sane optimo consilio institutum est vt Campanae pro Defunctis pullentur; quandoquidem non modicus inde fructus percipitur. Primo enim excitantur fideles ad fundendas preces pro animabus eorum, quorum ex hac vita migratio per tale signum significatur: quod pium opus valde à Spiritu sancto commendatur illis verbis. *Sancta ergo & salubris est cogitatio pro defunctis exorare.* Secundo omnes per talia signa monemur nos quoq; aliquando ex hac vita migraturos; scriptum est enim. *Omnes morimur, & quasi aqua delabimur super terram.* Rursus. *Statutum est hominibus semel mori.* Iterum quis est homo qui vivit & non videbit mortem. Et nescimus Vbi, quando, &

no Honorius. 3. addidit tertium nempe meridianum. ita sentit Genebrardus: At Platina in vitis Pontificum huius tertij signi institutorem facit Calixtum. 3. occasione desumpta monendi Fideles ad fundendum preces pro exercitu Christiano, qui cruce signatus contra Turcam in Pannonia præliabatur. Hoc triplex signum per Campanas datum ad orandum, & laudandum Deum tribus diurnis temporibus valde consonum est Davidis praxi & exercitio; quoniam tribus vicibus in singulos dies precibus & laudibus ferebatur in Deum; unde & dicebat. *Vespere, mane, & meridie narrabo, & annuntiabo, & exaudiet vocem meam.* Sancti Doctores. Hieronymus, & Augustinus in expositione illorum verborum dicant signum vespertinum reducere nobis in mentem Passionem & Mortem Domini Nostri Iesu Christi; matutinum Resurrectionem; meridianum Ascensionem eiusdem. Alij prædicta signa referunt ad operationes humanas Christi fidelium, itaut, per signum matutinum moneantur ad Deum confugere, ab eoq; auxilium postulare pro bono diei ingressu; per meridianum pro bono progressu; per serotinum pro bono egressu & pro reddendis Deo gratijs pro beneficijs eo die acceptis; & quia ut facilius Diuinam opem imploremus valde efficax est intercessio Deiparæ Virginis, ideò more receptum est ter salutationem Angelicam recitare cum illis tribus versiculis ad singulas salutationes præmissis nempe *Angelus Domini &c. Ecce Ancilla Domini &c. Et Verbum Caro &c.* Alij volunt in aliqua ex illis tribus horis aut matutina, aut meridiana, aut vespertina completum fuisse ineffabile illud mysterium Incarnationis Verbi Diuini per annuntiationem Angelicam, quod est maximum ex omnibus humano generi collatis beneficium; ideò in illius memoriam instituta fuisse illis tribus temporibus tria Campanarum signa ad recitandum ter salutationem Angelicam pro dulci recordatione & pro gratiarum actione tanti beneficij. Quomocunq; sit laudare Deum

Deum his temporibus Campanarum signo est vna pia actio, ad quam vsus Campanarum refertur.

Secunda est Vocare Plebem, nempe omnes Christi fideles tam viros, quàm mulieres; tam adultos, quàm paruulos; tam nobiles quàm rusticos; tam doctos quàm idiotas: omnes deniq; ad Ecclesiam ad recolenda diuina mysteria, ad Missas, ad Vespertinas laudes, ad processiones, ad Conciones, & ad omnes alias pias & religiosas actiones iuxta illud Ierol. 1. *Vocate catum, congregate senes, omnes habitatores terrae iamdudum Dei vestri & clamate ad Dominum &c.*

Tertia est Congregare Clerum & Ecclesiasticas Personas ad celebrationem Missarum, & diuinorum officiorum quæ consistunt in septem Horis Canonicis distinctis temporum interuallis inter noctem & diem recitandis ad imitationem Sanctissimi Regis & Prophetæ David, qui de se dicit septies in die laudem dixisse Domino Deo. Et merito quidem septies in die laudem Domino dicimus; nam & septies quoq; in die cadit iustus & resurget. Sed de recitatione Diuini officij multa diximus in prima huius operis parte & aliqua etiam dicemus infra in proprio cap.

Quarta est Defunctos plorare, idest talem sonum edere ac si defunctos more hominum plorarent. Et sanè optimo consilio institutum est vt Campanæ pro Defunctis pulsentur; quandoquidem non modicus inde fructus percipitur. Primò enim excitantur fideles ad fundendas preces pro animabus eorum, quorum ex hac vita migratio per tale signum significatur: quod pium opus valde à Spiritu sancto commendatur illis verbis. *Sancta ergo & salubris est cogitatio pro defunctis exorare.* Secundò omnes per talia signa monemur nos quoq; aliquando ex hac vita migraturos; scriptum est enim. *Omnes morimur, & quasi aqua dilabimur super terram.* Rursus. *Statutum est hominibus semel mori.* Iterum quis est homo qui vivit & non videbit mortem. Et nescimus Vbi, quando, &

Quomodo. Tertiò per talia signa inuitantur fideles præsertim consanguinei, amici & proximi ad comitandum defunctum ad sepulturâ adiunctis lumincereis accensis, & sacris cationibus; mos perantiquus in Ecclesia Dei; Vnde *Nazianzenus ap.* [Nocturnis cationibus ac carcereorum ignibus nos Christiani pium è vita discessum ornâdum existinauimus.]

Quinta est Nimbium fugare. Nam ad sonitum campanarum procul pelluntur hostiles exercitus, & omnes insidiæ inimici; fragor grandinum, procella turbinum, impetus tempestatum, & fulgurum temperantur; infesta tonitrua, & ventorum flamina suspenduntur; spiritus procellarum, & aeræ potestates prosternuntur. Atq; supradictos omnes effectus Campanæ produçunt Tum naturaliter per virtutem sonus, quo illa aeris densitas frangitur, dissipatur, ac soluitur, ex qua deriuare solent fulgura, tonitrua, ac turbinum tempestates: Tum & multò magis supernaturaliter per virtutem supernaturalem illis inditam per earum benedictionem, & consecrationem, ac per orationes ad hunc finem à Sancta Ecclesia institutas: Tū deniq; quia excitant Fideles ad confugiendum ad Sanctæ Matris Ecclesiæ gremium, ad implorandam diuinam opem in illis necessitatibus ante Sanctæ Crucis vexillum, cui flectitur omne genu cælestium, terrestrium & infernorum.

Sexta est festa honorare. Quia in festiuitatibus Sâctorum pulsantur, & hilarem reddunt sonitum, ita vt occultâ quamdam lætitiâ cordibus ingerant Christi fidelium: immo & aliquando contigit vt ex se, nullo hominum accedente impulsu, sonitum ediderint, quemadmodum accidisse fertur Madrilij in Hispania quando corpus Sancti Isidori de vno ad alterum decentiorem locum efferebatur, vt ex processu miraculorum dicti Sancti ad Cleinēte 8. transmissio constat. Idem contigisse dicunt in Campanis Basilicæ Sancti Pauli de Vrbe quâdo legitimè & solemniter recognitum fuit Cæ-

meterium quoddam plenum S&torum corporibus positum in medio Ecclesiarum Sancti Sebastiani & Sancti Pauli, quod prima vice fuerat à quodam pictore inuentum.

Præter supradictos. Campanarum effectus, alijs etiam v&ibus frequentissime adhibentur puta ad ostendendam lætitiā & in signum honoris in adu&tu & ingressu Principum supremorum tam laicorum quam Ecclesiasticorum in loca eorum iurisdictionis. Ad conuocandum homines tam ad domesticas, quam ad publicas Congregationes & Conuentus. De quibus omnibus fusius Auctores, quos citat & sequitur *Corona de Sacris Templis par. 1 cap. 75.*

Quantum ad tertium de significatione Campanarum significat tubas illas argenteas, quibus in veteri lege populus ad sacrificandum accersabatur: Quemadmodum enim vigiles in castris tubis; sic & Diuini Cultus ministri in veteri lege Tubis, in noua Ecclesia Campanis se excitāt vt contra insidiantem diabolum pernoctent. Sed signa nostra ærea sonoriora sunt tubis veteris legis; quia tunc notus erat Deus in Iudæa tantum; nunc verò in omni terra. Nam vt prædixit Prophetæ. *In omnem terram exiit sonus eorum, & in fines orbis terra verba eorum.* Sunt etiam durabiliora; significant enim prædicationem noui testamenti fore amplius duraturam. Tubis & sacrificijs veteris legis; quia vsque ad mundi finem. Siquidem Campanæ Prædicatores significant, qui fideles ad similitudinem Campanæ ad fidem vocare debent, quod significatum est in eo quod Dominus præcepit Moysi vt faceret vestem summo Pontifici habentē 72. tintinnabula, quæ sonitū ederent cū Pontifex in Sancta Sanctorum ingrederetur, vt alibi supra dictum est. Ipsum ergo Vas Campanæ os prædicatoris designat iuxta illud Apostoli. *Factus sum velut æsonans &c.* Duritia metalli fortitudinem designat in mente prædicatoris; Vnde Deus *Dedi frontem tuam duriorē fronti-bus eorum.* Plectrum seu ferrum quod interius ex vtraq; par-

se percutiens sonum reddit, figurat doctoris linguam, quæ scientia ornatur, & quæ utrumq; testamentum resonare facit. Et hæc satis sint de Campanis.

5.4. De Cantu Ecclesiastico, ac de Organis, alijsq; musicis instrumentis.

DE Cantu Ecclesiastico & organis tria videnda. 1. quod sint genera sonorum musicalium. 2. de origine Cantus Ecclesiastici, & organorum. 3. de illorum utilitatibus, & quàm proinde laudabilis in Ecclesia Dei illorum Vſus.

Quantum ad primum de generibus sonorum musicalium. Notandum secundum Hug. de S. Victore, & secundum ipsam praxim, quod tria sunt genera sonorum, qui tres modos faciunt; sit enim sonus pulsu, flatu, voce: pulsus pertinet ad citharam, ad fides, ad testudinem, & similia instrumenta: flatus ad tubam, ad organum, ad cornicula & alia similia: Vox verò ad Cantum. Hæc genera musicorum antiquus populus in laudem Dei exercebat: nam Regius Propheta in suis psalmis inuitans omnes Creaturas ad laudandum Deum, & præsertim filios Israel dicit. *Laudate eum in sono tubæ, laudate eum psalterio, & cithara, laudate eum in timpano, & choro, laudate eum in cordis & organo, laudate eum in cimbalis bene sonantibus, laudate eum in cimbalis tubilationis, omnis spiritus laudet Dominum.* Si velimus autem aliquam mysticam significationem in his musicorum generibus adinuenire dicere possumus quod pulsus citharæ referatur ad manuum operationem, flatus organi ad deuotionem mentis, cantus vocis ad sermonis exhortationem. Dicit enim Bernardus [quid prodest dulcedo vocis sine dulcedine cordis? Frangis vocem: frange & voluntatem: seruas consonantiam vocum, serua concordiam morum; ut per exemplum concordet proximo, per voluntatem Deo, & per obedientiam magistro] sanè rationabiles diuersorum sonorum concentus, & concordia varie-

rietate compacta benè & ordinatè, significat Ciuitatis, & cuiuslibet communitalis vnitatem & concordiam. Rursus Cantus in Ecclesia, iactantiam Celsi repræsentat; voces verò graues, acutæ, & super acutæ innuunt tribus modis prædicandum esse tribus Ecclesiæ ordinibus, propter tricesimum, sexagesimum, & centesimum fructum. Vel iuxta tria volumina Salomonis significat ordinem incipientium, proficientium, & perfectorum.

Quantum ad secundum de origine Cantus Ecclesiastici. Notandum est quòd cantandi vsus à veteri testamento initium sumpsit; sicut in Esdra legitur, & in Ecclesiastico. *Dedit illis contra inimicos potentiam, & stare fecit contra altare cantores, & in sono eorum dulces fecit modulos.* Et in psalmis habetur. *Cantate ei canticum nouum, benè psallite ei in vociferatione.* Et alio in loco. *Circumius & immolanti in tabernaculo eius hostiam vociferationis, cantabo & psalmum dicam Domino.* Deinde in testamento nouo cantandi vsus ab ipso Domino capit initium; nam apud Matthæum Euangelistam habetur quòd Hymno dicto exierunt in montem oliueti &c. immo ipsi Angeli nato Domino cecinerunt hymnum, *Gloria in Excelsis Deo.* Quod refert Leo Papa 9. de consecr. dist. 1. cap. de hymnis his verbis. [Hi duo solummodo hymni ab Angelis in nouo testamento inueniuntur decantati: Alleluia: Gloria in excelsis Deo.] Quid verò sit hymnus declarat Beatus Augustinus super Psalmum 72. in expositione tituli. [Hymni sunt, inquit, laudes Dei cum cantico. Si sit laus, & non est Dei, non est hymnus. Oportet igitur vt sit hymnus vt habeat hæc tria, & laudem, & Dei, & Canticum.] Hæc Augustinus.

Cum igitur cantandi vsus tam solida habeat fundamenta taceant illi qui dicunt quòd Cantus non est admittendus in Ecclesia; & quòd in Cantibus Ecclesiasticis frustra conteritur tempus. Verum quidem est, quòd quemadmodum in alijs rebus & actionibus quantumuis sacris & sanctis potest,

aliquis abusus irrepere, ita in hoc tam laudabili exercitio, Vnde, ut omni abusui aditus praecludatur, legendum est monitum Apostoli dicentis. *Cantantes & psallentes in cordibus vestris Domino.* Quae verba expendens *Diuus Hieronymus* relatus in cap. primo *ast.* 92. [Non audiant, inquit, adolescentulis audiant hi, quibus est officium in Ecclesia psallendi: Deo non voce tantum, sed corde esse cantandum; nec in tragædorum modum guttur, & fauces medicamine liquendae sunt; ut in Ecclesia theatrales moduli, & cantica audiantur. Cantantes igitur in Corde, & in charitate cantent in Choro; quoniam magis deuotione cordis, quam iubilatione vocis cantandum est.]

De Organorum origine, dicere possumus quod initium sumpserint à Dauide & Salomone, qui instituerunt hymnos in sacrificijs Domini organis, & alijs instrumentis musicis concrepari, & laudes à populo conclamari. Nisi quis dicere velit ibi per organa non intelligi ea quae nunc temporis in Ecclesijs Christianorum passim adhibentur; sed alia alterius artis & compositionis, praesertim cum vox *Organum* sit Graeca, & significet idem ac apud Latinos instrumentum. Posset autem in suae confirmationem opinionis adducere praxim Romanae Ecclesiae, quae coram summo Pontifice non vitur organis: Immo Caietanus testatur quod tempore Diui Thomae non erat vsus organorum. Vnusquisque sentiat quicquid sibi libuerit.

Quantum ad Tertium. De Vtilitatibus Cantus Ecclesiastici & Organorum. *Diuus Thomas* 2. 2. 9. 91. omnes cantus Ecclesiastici & melodiae instrumentorum vtilitates ad duas praecipuas reducit, quae sunt finis talis instituti nimirum ad excitationem deuotionis tum propriae; tum alienae in Deum. *Sic enim inquit.* [Ad Deum verbis vtimur non quidem ut ei, qui est inspector cordium, nostros conceptus manifestemus (ut facimus hominibus, qui nostra interna non vident nisi illis

illis per signa & præsertim per voces manifestemus) sed ut nos ipsos, & alios audientes ad eius reuerentiam inducamus; & ideo necessaria est laus oris, non quidem propter Deum, sed propter ipsum laudantem, cuius affectus excitatur in Deum ex laude ipsius, secundum illud psalmi *Sacrificium laudis honorificabit me, & illic iter, quo ostendam ille salutare Dei.* Et in quantum homo per diuinam laudem affectu ascendit in Deum; intantum per hoc retrahitur ab his, quæ sunt contrà Deum secundum illud Isaia 48. *Laude mea infranabo te, ne intereas.* Prodest etiam laus oris ad hoc, quòd aliorum affectus prouocetur in Deum. Vnde dicitur in Psalms, *Semper laus eius in ore meo; & postea subditur. audiant māsueti & læteant. Magnificate Dominum mecum.*] Hæc Diuus Thomas loco citato art. 1. Et articulo 2. quærendo *Utrum in Diuinis laudibus sint cantus assumendi.* [Respondet affirmatiuè dicendo. Sicut dictum est. Laus vocalis ad hoc necessaria est ut affectus hominis prouocetur in Deum & ideo quæcunq; ad hoc utilia esse possunt, in diuinas laudes congruenter assumuntur. Manifestum est autem quòd secundum diuersas melodias sonorum, animi hominum diuersimodè disponuntur ut patet per Phil. in 8. Polit. & per Boetium in prologo Musicæ: & ideo salubriter fuit institutum ut in diuinas laudes cantus assumeretur, ut animi infirmorum magis prouocarentur ad deuotionem. Vnde August. dicit. in 10. Confession. Adducor cantandi consuetudinem approbare in Ecclesia, ut per oblectamenta aurium, infirmorum animus in affectum pietatis assurgat. Et de seipso dicit in 9. Confess. Fleui in hymnis & canticis tuis suauè sonantis Ecclesiæ tuæ vocibus commotus acriter.] Hæc Angelicus Doctor Sanctus Thomas.

Prædictam doctrinam commentando alter Thomas litteris & purpura insignis sic ait. [Nota finem cantus consistere in excitatione deuotionis propriæ, vel alienæ ad Deum. Et cum omnia quæ sunt propter finem non sint propter se appetenda,

ad, nec facienda nisi in quantum sunt utilia ad finem; consequens est, ut in Ecclesiasticis officijs in Ecclesijs persolvendis debeat tantum cantari, quantum expedit excitandæ devotionis cantantium, si alienæ devotionis ratio cessat, & non plus. Et quoniam non potest Prælatus singulorum affectus in statum habere, & si haberet, ipsius est communis devotionis non singularis rationem habere in communibus: ideo prudentia opus est in istis ut pensatis conditionibus personarum &c. quantum pro excitanda & conservanda devotione expedire videbitur cantetur. Ratio verò alienæ devotionis sic habenda est, ut propria non destruat. Non enim debet nostra esse tribulatio aliena subventio secundum Apostoli doctrinam 2. ad Cor. 8. Et David cum dixisset, Semper laus eius in ore meo subiungit. Magnificate Dominum mecum, non contra me. Unde à duobus cauendum est, scilicet. Ne ideo cantetur quasi ipse cantus secundum se sit Deo gratio: Erne cantetur causa delectationis nostræ, vel alienæ in Ecclesiasticis officijs ut patet ex fine.] *Hec Thomas Cæcilius.* Cuius postrema verba sunt valdè perpendenda, & firmè memoria retinenda. Et ego adderem, vel (ut modestius loquar) intelligerem in illis verbis suprà dictis (*debeat tantum cantari, quantum expedit excitanda devotionis*) etiam modum seu qualitatem Cantus; itaut eo modo debeat cantari, quo expedit excitandæ devotionis &c. Quapropter si modus cātandi potius afferat distractionem quàm devotionem; potius vagationem, quàm collectionem mentis; & potius excitet ad vana, ad mundana, ad venerea; quàm ad pium affectum inducendum, talis Cantus debet eliminari ab Ecclesijs quia est peccaminosus (non decidendo nunc an mortaliter vel solum venialiter; posset enim esse mortaliter si ex intentione fieret aut (seclusa intentione) si ratione usus puta quia talis cantus vel sonus accommodatus communiter est ad materiam de decentem sacra: aut ratione euentus puta quia communiter

ex

ex tali cantu vel sono excitantur auditorum animi ad mala vel vana.) Huiusmodi cantus & soni illi sunt qui manifestè sapiunt secularem vanitatem. Vnde qui non vult errare sectetur vestigia auctorum piorum & grauium, & qui communiter ab Ecclesia sunt recepti, & approbati, & declinet à nouitatibus, quæ vt plurimum sunt periculosa. Videndus est *Caictanus in commentario 2. 2. q. 91. art. 1.* qui tradit doctrinam magistralem, & magnam lucem affert ad dijudicandū quando huiusmodi cantus & soni sint peccata mortalia, aut venialia solummodo.

Absolute loquendo cantus, & quorundam instrumentorum vsu probatorum in Ecclesia Dei sonus est utilis & laudabilis. Nec dicatur quod per cantum & sonum impediatur laus mentis & consideratio eorum quæ cantantur. Quia respondetur id prouenire quando cantu & sono quis studiōse utitur ad delectandum; sed si aliquis cantet vel audiat propter deuotionem, attentius considerat quæ dicuntur, tum quia diutius moratur super eodem: tum quia vt *Aug. dicit in 10. Conf.* omnes affectus spiritus nostri pro sua diuersitate habent proprios modos in voce atq; cantu, quorum occulta familiaritate excitantur. Et eadem est ratio de audientibus in quibus etsi aliquando non intelligant quæ cantantur, intelligunt tamen propter quid cantantur, scilicet in laudem Dei; & hec sufficit ad deuotionem excitandam. Ita *D. Thom. loc. cit. art. 2. ad 3.*

C A P. V. T. IX.

De Disciplina circa Missæ celebrationem.

Multa de hac re regimus in prima huius operis parte dist. 3. cap. 6. de Sacrificiis Missæ. Vnde pauca hic nobis dicenda supersunt, & tantummodo ea quæ spectant ad disciplinam circa hanc præcipuam Actionem

Ecclesiasticam. Igitur hæc disciplina potest attendi & ante Missæ celebrationem per præuiam præparationem: & in ipsa celebratione per condignam deuotionem: & post celebrationem per debitam gratiarum actionem. De quibus omnibus singillatim agendum.

S. 1. De præuia præparatione ante Missæ celebrationem.

HÆc præparatio potest attendi *Ex parte Anima, Ex parte Corporis, ex parte Temporis.*

EX PARTE ANIMÆ requiritur *Recitatio Diuini officij, Puritas Conscientia, simplicitas Intentionis, & Actualis Deuotio.*

Quoad *Recitationem*. Debet Sacerdos ante celebrationem persoluisse saltem matutinas preces, ut habetur in rubricis Missalis. Controuertitur apud Doctores. An omissio Matutini ante sacrum inducat peccatum mortale? Doctores antiqui affirmatiuam tenuerunt. Recentiores negatiuam. Et quia antiquitas semper est veneranda; in praxi opinio recentiorum est mitior; sed opinio antiquorum est tutior. Vnusquisq; consulat suam conscientiam. Nolo ipse in hoc negotio partes Iudicis assumere; & litem dirimere; præsertim cum hoc sit contra nostrum institutum. Certum est quod hoc facere absq; vlla rationabili causa est saltem peccatum veniale graue. In hoc omnes conueniunt.

Quoad *Puritatem Conscientia*. Sacerdos habens conscientiam peccati mortalis tenetur ante Missam præmittere Sacramentalem confessionem quamuis sibi videatur attutus, vel etiam contritus. Ita Bellarminus lib. 2. de Euch. cap. 13. & 14. & lib. 4. cap. 18. qui testatur de communi. Iudantur super illud Apostoli. 1. ad Cor. 11. *Probet autem seipsum homo & sic de pane illo edat, & de calice bibat; qui autem manducat & bibit indigne iudicium sibi manducat & bibit, &c.* quod Apostolice testimonium non esse de sola probatione per interiorem

con-

contritionem intelligendum ; sed de probatione per Sacramentalem Confessionem definiuit *Conc. Trid. sess. 13. cap. 7. & cap. 11.* Excipit hunc casum dicens (modo non desit illis copia confessorij, quod si necessitate urgente Sacerdos absq; Confessione celebrauerit quamprimum confiteatur.)

Quoad *Simplicitatem Intentionis.* Sacerdos non debet celebrare aut propter lucrum temporale ; aut tumorem , aut vanam gloriam ; aut consuetudinem ; aut aliquam mundanam complacentiam ; aut humanum timorem ; aut temporalem favorem : sicut non pauci hisce nostris temporibus faciunt. [*Væ, væ væ Domine Deus (inquit S. Bonaventura de prepar. ad Miss. cap. 8.)* quanti hodie infelices ad Sacros ordines accedunt, & diuina mysteria accipiunt non cælestem panẽ , sed terrenum quærentes: non spiritum, sed lucrum: non Dei honorem, sed suam ambitionem: non salutem animarum, sed quantum pecuniarum: non Christo seruire mundo corde, & corpore in sacris mysterijs, sed delitieri, ditari, superbire, & luxuriari de patrimonio Christi, & de eleemosinis pauperum; ac Ecclesiasticas dignitates ambiendo multis litigijs & simonijs potius rapiunt quàm assequantur, nõ vocari à Deo tanquam Aaron ; sed impulsì à Deo tanquam Datan & Abiron. Tu autem homo Dei dirige vota tua, & desideria ad Deum, & vide quibus affectionibus & desiderijs trahi debeas ad sacra mysteria celebranda. Primò te trahat consciëntia & remorsus delictorum sperans per eum quasi per hostiã expiationis ab omni peccato purgari. Secundò tuæ infirmitatis intuitus & consideratio vt eum quasi medicinam ad te voces, per quam ab omni infirmitate tuearis Tertiò pressura alicuius tribulationis vt per eũ qui omnia potest ab omni aduersitate citius libereris & protegaris. Quartò desiderium alicuius gratiæ vel spiritualis beneficij impetrandi, vt per eum, cui pater nihil negare potest, obtineas Quintò gratiarum actio pro omnibus beneficijs temporalibus & spiri-

tualibus tibi & alijs impenſis cum nihil habeamus Deo retribuere pro omnibus quæ retribuit nobis, quàm calicem ſalutaris accipere & ſacrificare hoſtiã laudis, id eſt Ieſum Chriſtum. Sextò Charitas & compaſſio proximorum, cum pro ſalute viuorum & requie defunctorum, nihil efficacius interpellet quàm Chriſti ſanguis & ſuſus in remiſſionem peccatorum. Septimò laus & Dei & Sanctorum cum nihil habeamus quo poſſimus Deum & ſanctos pro ſua dignitate laudare, quàm Chriſtum Sacramentaliter Deo Patri offerre & immolare. Octauò Dei amor & dilectio vt cum inuites ad te, ac per inuiſcerationem ſpiritalis reſeſtionis in te ipſo eum delectabiliter amplexeris. Nonò ſitis & deſiderium augendæ gratiæ, quia hoc Sacramentum fontem continet gratiarum; & ſanctificationem, & auctorem continet ſalutis Dominum Noſtrum Ieſum Chriſtum. Decimò ardor & ſuſpirium, quo totis viſceribus virtute huius dulciſſimæ reſeſtionis cupias ſanctificari ab omni inquinamento carnis & ſpiritus, & eripi ab omnibus periculis & tentationibus, ac inſeparabiliter vniri Chriſto ſaluatori, & conſeruari in ſuo amore.] *Hæc vſq; Diuus Bonauentura.* Talia debent eſſe motiua, & fines, qui inducere debent ad celebrandum. Quid autem intendere debeat Sacerdos *dicit idem S. Bonauentura cap. 11.* ſcilicet vt ex frequentatione diuini cultus nomen Dei in nobis ſanctificetur: vt à nobis per ſanctitatem vitæ glorificetur in mundo: vt creſcat in orbe cultus & honor Dei: vt reſcolatur memoria paſſionis Chriſti: vt iuuetur Eccleſia militans & omnia illius membra: vt detur refrigerium animabus quæ ſunt in Purgatorio; vt afferatur honor & gaudium Eccleſiæ triumphanti & ſpiritibus cæleſtibus.

Quoad *Deuotionem actuale*. Hæc deuotio complectitur in ſe actus & affectus humilitatis & reuerentiæ: amoris & fiduciæ: deſiderij & famis, vt ita dicam, illius panis cæleſtis. Ad excitandam in nobis humilitatem, timorem, & reue-

ren-

rentiam considerare debemus infinitam Maiestatem illius quē tractare debemus; quia est Dominus Celi & terre, Iudex viuorum & mortuorum, & ante quem (*ut dicitur in libro Sapientie*) tanquam momentum stateræ est orbis terrarum, & tanquam gutta roris anhelucani, quæ descendit in terram: cuius iudicia sunt inscrutabilia, & nescit homo vtrum odio an amore illius dignus sit: Et alia similes considerationes. Ad excitandum amorem & fiduciam considerare possumus illius immensam bonitatem, misericordiam, & pietatem erga genus humanum; quia propter nos homines, & propter nostram salutem descendit de Cælis, & sustinuit tot labores, sudores, & dolores: pro nobis passus, crucifixus, mortuus, & sepultus: deniq; consideratio omnium diuinorum beneficiorum Creationis, Conseruationis, sed præcipuè Redemptionis. Ad excitandum desiderium & famem huius diuini cibi considerentur effectus mirabiles, quos operatur in animabus deuotis hoc diuinum Sacramentum; & necessitas spiritualis, qua tenetur vnusquisq; nostrum huius cibi. Non possumus omnia referre. Studemus enim breuitati. Videri possunt Auctores vbi tractant de præparatione ad Missam, & ad sacram Communionem; præsertim Granata.

EX PARTE CORPORIS requiritur. *Munditia ab inquinamento Corporis, Ieiunium, & Decens oratio.*

Quoad *Munditiam à Carnis inquinamento præsertim à Pollutione*. Sciendum Pollutionem dupliciter posse contingere. Vel voluntariè (siue directè intentæ & volitæ; siue indirectè per non remotionem causarum per se influentium ad talem actum vt sunt visus, tactus, oscula, amplexus, delectationes morosæ, & similia) & tunc est peccaminosa; & debet expiari confessione sicut cætera peccata mortalia. Vel inuoluntariè vt in somnis; siue in somno inchoetur, & in eodem consumetur, quo casu nullum omnino est peccatum sed purus effectus naturalis: siue in somno inchoetur, & in vigilia consumetur: siue

siue in semiuigilia & inchoetur & consumetur: & in his duobus casibus si adsit complacentia est peccaminosa; si non adsit complacentia non est peccaminosa; nihilominus quia ut plurimum huiusmodi immunditiæ mentem perturbât & maculant propter importunas & vagas cogitationes quas relinquunt, & propter reuerentiam tanti sacrificij & sacramenti datur consilium abstinendi à celebratione pro illa die etiam si sit præmissa Sacramentalis Confessio, & est consilium Sancti Thomæ. Excipiuntur aliqui casus. 1. quando quis experimento probauit maiores tentationes pati, & in eadem peccata reincidere si abstineat à celebrando vel communicando. 2. quando urget festus dies valdè sollemnis, vel est tempus Iubilæi, ad cuius consecutionem prærequiritur sacra communio. 3. quando quis pareret admirationem in alijs, & subiret periculum infamiæ per abstinentiam à celebratione, vel Communionem. Ut cautius quis agat quando casus confimiles contingunt optimum remedium est stare consilio probi & prudentis Confessarij.

Quoad *Ieiunium*. Debet celebraturus accedere ieiunus ieiunio naturali ita ut nihil cibi aut potus illo die sumpserit; immo nihil actione propria vitali per modum cibi, vel potus, vel per modum medicinæ deglutierit; secus si per modum saluæ vel respirationis. Dies autem computatur & incipit à media nocte antecedenti. Vnde colligitur hoc ieiunium esse rigorosius & strictius ieiunio Ecclesiastico, quod non soluit medicina. Sunt tamen aliqui casus in quibus licitum est celebrare seu sumere Eucharistiam non ieiunum. 1. cum Sacerdos immemor cibi vel potus desumpti, recordatur post consecrationem. 2. quando sumpto calice deprehendit se non hausisse sanguinem Christi, sed aquam, vel acetum, vel aliud simile per errorem immissum in calicem. 3. si post ablu-tionem antequam discedat ab altari inuenit fragmenta Sacramenti in Corporali, quia debet illa sumere. 4. quando es-

set

set complendum Sacrificium Sacerdotis casu in altari ante consummationem decedentis; & non adesset alter Sacerdos ieiunus. 5. quando esset periculum combustionis templi, vel irruptionis infidelium, vel quid simile; tunc esset licitum Sacerdoti non ieiuno; immo etiam laico consumere Eucharistiam; quia alioquin reuerentia cederet in irreuerentiam Sacramenti si relictum vel combureretur, vel conculcaretur pedibus, vel proiiceretur in loca fetida, vel alio modo irreuerenter tractaretur.

Quoad *decentem ornatum*. Requiritur omnis honestas & compositio in vestibus, quam nos alibi tradidimus, & passim tradunt Doctores Theologi, Canonistæ, & Spirituales. Aduertendum pilcolum non posse in Missa teneri absq; Papæ dispensatione.

Ex parte Temporis. Requiritur Hora debita, & Dies non prohibitus.

Quoad *Horam*. Hæc licita & legitima habetur ab Aurora usq; ad Meridiem. Aurora intelligitur initium Crepusculi, seu prima solis irradiatio antequam solare Corpus in nostro Horizonte appareat. Initium igitur auroræ (iuxta tuiorē opinionem) debet esse initium Missæ; quamuis in spectando ipso initio aurore res nō mathematicè sed moraliter sit discucienda. Excipiuntur quidam casus à d. Regula. Primus quando iam esset consuetudo in aliquo loco celebrandi de nocte ante solis ortum præsertim in hyeme; qualis consuetudo est in Gallia, Germania, & in Belgio. Secundus quando Parochus cogeretur celebrare ad conficiendū Sacramentum, & communicandum infirmum Tertius quando Episcopus, & multò magis Cardinalis esset iter factururus. Quartus quando quis haberet speciale priuilegium à sede Apostolica. Exceptis prædictis casibus non licet celebrare ante auroram; & hoc facere esset peccatum mortale. Ratio, quia hoc Sacramentum pertinet ad tempus gratiæ signifi-

catum per diem iuxta illud Apostoli *Nox precessit dies autem appropinquavit.*

Dubitari solet. An in nocte Natiuitatis Domini, quemadmodum prima solemniter celebratur, ita etiam possint dici Missæ priuatæ absq; scrupulo ante Auroram? opinio affirmatiua, est satis probabilis; tum quia in iure nullum adest præceptum id prohibens: tum quia multis in locis Sacerdotes etiã timorata conscientia absq; scrupulo frequenter absoluta prima Missa solemniter mediæ noctis reliquas duas statim prosequuntur: & alij omnes tres.

Similiter non licet celebrare post meridiem, exceptis casibus prædictis. Et item in Sabbato Sancto. In Sabbatis ordinationum. In funere alicuius magni Principis. In festis solemnibus propter concursum populi. Post publicam concionem ne populi pars careat missa. In itinere quando urget præceptum diei festi. Dummodo tamen in prædictis omnibus casibus non excedatur horæ spatium post meridiem.

Quoad *Diem*. Singulis anni diebus licitum est semel celebrare excepto die Natiuitatis Domini, quo tres Missæ dicuntur. Difficultas est de triduo Hebdomadæ maioris. Dico tamen secundum magis communem licere cuilibet Sacerdoti fer. 5. in Cæna Domini recitare Missam priuatam non solum occultè sed etiam publicè secluso scandalo, quod tamen scandalum si forsitan adesset, procederet ex ignorantia; & per instructionem posset faciliè tolli. Ratio huius resolutionis est, quia non habemus legem id prohibentem, neq; consuetudinem in contrarium: immo non pauci viri docti & timorati solent illa die celebrare. Feria. 6. in Parasceue, in confesso est apud omnes nemini licere celebrare sacrum. Ratio. Quia tali die ipsemet Christus se ipsum obtulit sacrificium cruentum dum ab impijs fuit cruci affixus: Vnde ut ait Hugo de S. Victore. *Non sacrificant amici, dum trucidant inimici.* Igitur hac die Sacerdos non consecratis sed ho-

hostiam die precedenti consecratam consumit. De Sab-
bato Sancto non audeo quidquam resolutè dicere, consule-
rem consuetudinem locorum, quæ esset à multo tempore
approbatam & receptam.

S. 2. De requisitis in ipsa celebratione.

R Equisita in ipsa celebratione sunt *Locus, Vestimenta, Al-*
tare, Minister, Devotio.

Quoad *Locum*. Primò Vt sit locus vel consecratus vel sal-
tem benedictus: nam alibi celebrare puta in priuatis domi-
bus, vel Cappelis non licet absque debita facultate summi
Pontificis, aut Episcopi qui haberet Indultum Pontificium,
vt latrus de hac re Doctores. Secundò Vt locus non sit pe-
riculosus effusioni sanguinis. Tertiò vt non sit interdictus
Quartò vt non sit pollutus publica effusione aut seminis aut
sanguinis, aut sepulturæ infidelis.

Quoad *Vestimenta*. In quibus attendi debet & qualitas, &
quantitas. Qualitas triplex; nempe Vt sint benedicta ab ha-
bente facultatem: Vt sint munda: Vt sint integra. Quantitas
est vt sint numero sex, scilicet Amictus, Alba, Cingulus, Ma-
nipulus, Stola, Casula seu Planeta. De quibus abundè di-
ximus supra tradendo illorum significationes.

Quoad *Altare*. Vt sit paratū & instructū omnibus quæ re-
quiruntur. sunt autem hæc. *Ara, Mappa, Corporalia, Vasa, Li-*
ber, Crux, Candela.

Ara. Vt sit consecrata, Vel ipsamet mensa & superficies
Altaris stabilis, Vel altare portatile consecratum. De quo
supra cap. 2. de altari.

Mappa. Vt sit triplex; vel vna duplicata, altera simp lex.

Corporalia, idest Corporale & Anima, linea non serica, &
benedicta.

Vasa, idest Calix & Patena vel aurea, vel argentea, vel

stannea; & non & alia materia; in parte tamen interiori semper deaurata; & insuper consecrata.

Liber, idest Missale, in quo saltem sit Canon.

Crux, idest Imago Crucifixi, quia in Missa recolitur memoria passionis Christi.

Candela, cereæ duæ saltem, accensæ, & in casu necessitatis saltem vna. Omnia tamen prædicta sunt de lure positivo, in quo potest Papa dispensare.

Quoad *Ministrum*. Debet esse saltem, vnus, qui sit masculus; non femina: nam femina etiam si sit Sanctimonialis non potest per Sacros Canones contingere vata sacra nec palas, nec incensum circa altare deferre. Posset tamen Monialis respondere ad Missam stans in Choro posito retrò altare.

Quoad *Deuotionem*. Hæc debet esse tum *Exterior*, tum *Interior*. Exterior respicit & verba & Actiones. Verba vt proferantur clarè & distinctè non tamen nimis tarde, aut nimis festinanter: & quæ debent legi ad effectum vt intelligantur ab auditoribus, ita proferantur, vt vox sit intelligibilis, non tamen nimis alta, aut nimis submissa: quæ autem secretò dicenda sunt, ita dicantur vt Sacerdos audiat seipsum, sed non audiatur à circumstantibus. Actiones vt fiant iuxta ritus Ecclesiasticos & iuxta rubricas Missalis: atq; ita decorè omnia seruet Sacerdos vt ad pietatem seipsum, & alios qui interfunt, promoueat.

Interior Deuotio attendi potest. In ingressu ad Altare. In offertorio. In canone. In consecratione. In Communione.

In ingressu ad Altare. Cogitet Sacerdos se Christi patientis Personam sustinere, quod habitu ipso & Sacris vestibus significatur. Nam .1. Corona, indicat spineam coronam. 2. Amictus, velamen oculis ipsius obtentum. 3. Alba, vestem illam, quam illusus est ab Herode. 4. Cingulum, funes quibus medius constrictus est in horto. 5. Manipulus, vincula, quibus sacræ manus tanquam nefarij hominis obstrictæ sunt. 6.

Stola, funes quibus vt tutius deducerent, diuinum collum implicuere. 7. Casula, vestem purpuream. 8. Crux electa in pectore & humeris siue in dorso Sacerdotis, Crucem quam Dominus gessit, semper expetiuit, & ante oculos habuit. 9. Calix, acerbissimum cruciarum, quem nostra causa sustinuit. 10. sacri panniculi qui explicantur in altari, sindonē & lintea quibus obuolutum est sacrum Corpus. Ad altare progressus, è terra sublatum putet se in Cælo iam esse coràm Deo & Agno, vbi videat innumerabilem Angelorum, hominumq; beatorum multitudinem omnes summa cum veneratione coràm Diuina Maiestate prostratos, paratosq; ad hoc diuinum sacrificium adorandum.

In offertorio. Cōsideret Sacerdos se veluti legatum ab vniuerso populo Christiano missum ad Deum. Quæ legatio est maxima quæ ab hominibus peragi possit vndequaq; considerata, nempe Ex parte illius qui mittitur. Ex parte eius, à quo mittitur, Ex parte eius ad quem mittitur. Ex parte modi, quo mittitur, Et ex parte rei, pro qua mittitur. Deniq; ex parte finis propter quē mittitur. Et. 1. quidē ex parte eius qui mittitur; nam hic est Sacerdos persona publica, & publicè deputatus, qui in hoc ministerio repræsentat Personam Christi; Christus enim per Sacerdotem est principalis offerens. Et quænam persona dignior ista? 2. ex parte eius à quo mittitur; nam mittitur ab vniuerso populo Christiano seu ab vniuersa Ecclesia Catholica; & quænam Respublica fuit vnquam, est, aut erit maior ista? 3. ex parte eius ad quem mittitur; nam est Deus trinus & vnus æternus, omnipotēs, Creator, Gubernator & Conseruator Vniuersi; Principium & finis omnium rerum; Et quænam Maieestas sublimior ista? Ex parte modi, quo mittitur; nam hæc missio exercetur per modum colloctionis præstantissimæ tanquam ad aurem, vt amicus ad amicum vel cum amico; & per verba Sacrosancta vel ab ipso Christo Domino tradita, vel à Spiritu Sancto in sacris

lit.

litteris, vel deniq; Conciliorum & Canonum auctoritate comprobata: Vnde non est periculum ne quicquam dicatur, quod Deo non sit gratum: Et quanam collocutio prællator ista? Ex parte rei, pro qua mittitur; nam mittitur ad sacrificandum, id est ad offerendum Deo omnipotenti illam hostiam puram, sanctam, & immaculatam pretiosi Corporis & sanguinis Domini Nostri Iesu Christi Filij Dei viui in Cruce propter Hominum redemptionem macerati: Et quanam hostia acceptabilior, quodnam munus carius & pretiosius? Ex parte finis, propter quem mittitur; nam mittitur ad reddendum debitum cultum patriæ omnipotenti Deo tanquam Domino totius vniuersi, fonti totius bonitatis, auctori omnium bonorum, & ultimo fini rationalis Creaturæ: ad exhibendum honorem, gaudium, & lætitiā vniuersæ Curie beatorum: ad impetrandam veniam peccatorum, & auxilia diuina tam spiritualia, quàm temporalia omnibus viuentibus, ad gratias agendas Deo pro omnibus beneficijs humano generi exhibitis: Denique ad suffragandum animabus fidelium defunctorum, vt liberatæ quantocius à penis ad gaudia peruenire mereantur æterna: Et quanam finis amplior, excelsior, & Vniuersalior isto?

In Canone. Cum perueneris ad Canonem, inquit *Diuus Bernardus*, recollige mentem ne per diuersa vagetur. appone diligentiam magnam in signis & actibus, maiorem in verbis maximam in intentione propter continetiam diuinitatis immensæ. In Memento tam pro viuis, quàm pro defunctis, non fiat cum voce, & verbis commendatio, sed tantum mente discurre per quasdam personas magis intimas, ceterasq; recollige sub compendio referens intentionem ad omnes pro quibus antea orasti, siue orare promisti. Ad, qui prædicat, dirige mentem & intentionem tuam ad faciendum id, quod intellexit Christus in sua Cæna, & quod intendit Sancta Mater Ecclesia.

In Consecratione iam non se amplius eum esse cogitet, qui erat paulo ante, sed Christum quodammodo in Sacerdotem esse immutatū, ut rursus gratissimum sui corporis & sanguinis Sacrificiū offerat Deo Patri. Quare Sacerdos cum ipso Christo Domino se intimè coniungat in eo amore, quo se ille in hoc Sacramento reliquit; atq; æternum Patrem precetur ut ad nostrorum peccatorum expiationem, & omnium mortaliū adiumentum Sacrosanctum illud sacrificium excipiat.

In Communione. Pausa paulisper, inquit D. Bonaventura, & dic non lingua sed corde. Domine quis es tu? & quis sum ego? ut præsumam te mittere in latrinam fætidam corporis mei & animæ meæ? Mille .n. lachrymarum anni non sufficerent ad tam nobile sacramentum semel dignè percipiendum, quantò minus ego miser dignus sum, qui quotidie pecco; sed in infinitum maior est misericordia tua quàm miseria mea. Unde confusus de tua pietate præsumo te sumere. *Hac Bonaventura;* excitet igitur Sacerdos in se affectus venerationis, humilitatis, & amoris, quo cupiat totum conuerti in Christum, eique per virtutum imitationem quàm simillimum fieri.

S. 3. De Gratiarum Actione post Celebrationem.

Peracto Sacro si Sacerdos non sentit aliquam spiritua-
lem refectiōem, signum est, inquit Sanctus Bonaventura, spiritualis infirmitatis, vel mortis. Ignem posuisti in sinum & non sentis calorem? mel in ore, & non sentis dulcorem? Si verò consolationem sentis aliquam, non tibi tribuas sed sue bonitati immensæ, qui etiā & malos & indignos consolatur, & dicas in corde tuo. Ad meam miseriam detestādā me cōiunxit beneficijs suis. Si mihi peccatori talia fecit, quid faceret si vitam meam correxero? Ideo totis viribus volo me mutare & sibi semper adhærere. *Hac Bonaventura.* Itaq; po-
te.

terit Sacerdos à sacro hos actus & affectus elicere .1. veniam petere negligentiae, & erratorum, quæ in sacro faciendo commisit. 2. In eo amore, quo meruit Christo coniungi, colligere se magno cum desiderio gratias pro tanto beneficio tantas agendo quantas deberi intelligit. Itaq; offerat omnium rerum Creatarum & sensu carentium, & præditarum opera præcipuè studia iustorum hominum & Angelorum, Deiparæ, & Sanctissimæ Humanitatis Christi. 3. offerat pro se & Ecclesia Vniuersa Diuinæ Maiestati quicquid Christus triginta trium annorum spatio egit, & pertulit, ac simul seipsum offerens, oblationem sui cū hac oblatione coniungat. 4. sibi atq; alijs precabitur ea, quæ optat præsertim vt eueniant ea, quæ maximè diuinæ voluntati placent, & Deus ipse inde usque ab æternitate constituit. 5. Cogitans se veluti sepulchrum Domini effectum, proponet sensus ac motus interiori cura custodire, vt omnibus sit bonus odor Christi Iesu, qui est Deus super omnia benedictus in sæcula.

C A P I T U L U M . X .

De Disciplina circa Recitationem Diuini Officij.

DE hac materia latè tractauimus in prima parte huius operis dist. 3. cap. 4. de Officio Diuino. Vnde non est opus hic eadem repetere. Ne tamen omnino ieiunè hoc caput prætereamus recolligendò quasi in summa quæ ibi diximus, breuiter quæcunq; ad rectam officij Diuini recitationem pertinent, ad sex capita reuocantur, nimirum ad Quæritatem, Qualitatem, Ordinem, Tempus, Locum, Modum.

Quantitas, vt singulis diebus Beneficiati, & qui sunt in sacris recitent septem Horas Canonicas nisi legitime fuerint im-

impediti. Omissio igitur totius officij; immo vnus Hora si fiat vel ex contemptu, vel ex tardio, vel ex ebrietate, vel ex negligentia est peccatum mortale iuxta communem opinionem, non autem si omissio sequatur ex obliuione.

Qualitas, vt quilibet recitet officium tam in Choro, quam extra iuxta consuetudinem & ritum præscriptum in propria Ecclesia, vel Religione (sit recitans sit Regularis) Absque causa rationabili immutare ritum, præsertim in fraudem per recitationem officij breuioris, committitur peccatum, & quidem mortale iuxta nonnullos Doctores, & non satisfat obligationi officij.

Ordo, vt recitentur Horæ Canonicae ordinatim, videlicet primò Matutinum, deinde Prima, Tertia & sic deinceps. Hic tamen ordo non est in præcepto extra Chorum. Verum quidem est quòd si quis absq; vlla rationabili causa dictum ordinem peruerteret, committeret saltē veniale peccatum.

Tempus, vt totum officium recitetur spatio 24. horarum incipiēdo à media nocte ad mediam noctem. Per quamdam inueteratam & toleratam consuetudinem, aut per priuilegia Ecclesiarum, vel Religionum potest matutinum recitari post occasum solis diei præcedentis; immo ante occasum, & aliquando immediate post Vesperas diei antecedentis iuxta consuetudinem locorum & priuilegia.

Locus, vt officium publicum recitetur in Ecclesia nisi aliud suadeat vel necessitas, vel consuetudo, vel fundatoris institutio. Officium verò priuatum recitetur in loco, quantum fieri potest, honesto ac decenti, & seorsum à strepitu, tumultu, & frequenti hominum conuentu.

Modus, vt recitetur distinctè, non omittendo; non mutilando, non absorbendo verba, non syncopando .i. tollendo syllabas de medio. Continuatè, non interrompendo notabiliter recitationem alicuius Horæ iam inceptæ, nisi fortè quis iterum eandem Horam ab initio recitare decernat. At-

tentè, cum attentione scilicet saltem virtuali ad verba; quæ tunc censetur adesse, quando quis incipit recitare animo & proposito attendendi, sed postea inuoluntariè mente vagatur. Reuerenter, seruando decentem corporis situm & habitum: non peccat tamen, per se loquendo, qui talem corporis decentiam non seruat, puta si recitet sedendo, cum standum est, vel stando, cum sedendo, aut flexis genibus orandum est. Deniq; Deuotè, ut scilicet animus noster inflammetur amore Dei què laudamus; & ardeat desiderio videndi eum, quem nunc sola fide cõsentes præconijs extollimus.

C. A. P. V. T. (XII.)

De Disciplina circa Sacramentorum administrationem.

Sacramenta omnia tripliciter administrari contingit scilicet Vel inualido, & illicitè: Vel validè, sed non licitè: Vel tum validè, tum licitè (Intelligo administrationem validam quando concurrunt omnia substantialia ad Sacramentum; itaut si aliquod ex illis defit, nullum sequatur Sacramentum. Intelligo licitam quando concurrunt non solum substantialia, seu quæ sunt necessaria necessitate Sacramenti; sed etiam ea quæ sunt necessaria necessitate præcepti, cuiusmodi sunt ritus, & cæremoniæ. Vnde fit vt omnis licita administratio sit etiam valida; non autem viceuersa, benè autem omnis inualida est etiam illicita.) Videndum igitur .1. quando Sacramentorum administratio est inualida & illicita. 2. quando valida sed non licita. 3. quando est valida & licita.



S. I. Quando Sacramenta administrantur inualidè & illicitè.

Tunc Sacramentorū administratio est inualida & illicita, quando deest aliquod substantiale. Sunt autem quatuor substantialia in omnibus Sacramentis, nempe *Efficiens, Materia, Forma, Finis*. Per efficientem intelligitur Minister legitimè deputatus & habens potestatem ad Sacramenta administranda. Per finem intelligitur Intentio tam in Ministro conferente Sacramentum, quàm in suscipiente, si sit rationis capax.

Quantum ad *Efficientem*. Requiritur in Ministro potestas legitima, quam habent à Deo Soli Sacerdotes (excipe baptismum, qui cum sit Sacramentū summæ necessitatis, quando non adest copia Sacerdotis, potest conferri à quolibet, cum hoc tamen ordine ut semper dignior præferatur) Soli igitur Sacerdotes possunt cum Apostolo dicere. *Sic nos existimet homo ut ministros Christi & dispensatores mysteriorum Dei*. In istos insufflauit Christus & dixit. *Accipite Spiritum Sanctum quorum remiseritis peccata remittuntur eis*. Quæ verba in Sacerdotum consecratione proferuntur. Soli Sacerdotes Spiritum Sanctum alijs infundunt, & peccata remittunt, atq; animas illuminant per gratiam, quæ in Sacramentis confertur. Sic & olim Deus in veteri testamento habuit speciales ministros, qui tabernaculo deservirent, sacris functionibus præessent, & portarent vasa Domini: hinc typus & figura Sacerdotum novi testamenti, quibus Sacramentorum vasa Sanguinem Domini continentia commissa sunt. Et quemadmodum olim nemini, exceptis ministris deputatis, fas erat sacris se ingerere functionibus absq; gravi periculo: Vnde *Quia qui extendit manum ad Arcam Dei mortuus est*: Et *Ozias Rex qui ausus est adolere incensum coram Domino percussus est lepra*. Itaque lege nova nemini absq; gravi da-

crilegio fas est Sacramenta administrare nisi legitimus sit Sacerdos.

Quærit Diuus Thomas . An Angeli possint Sacramenta ministrare ? Et respondet non posse secundum legem Dei ordinariam ; & debere esse hominem eum qui ministrare debet Sacramenta . Ratio est ; quia Sacramentorum minister, est minister Christi quatenus Homo est ; Christo autem ut Homini conformantur in natura Homines non verò Angeli . Hinc est quod Apostolus ait . *Omnis Pontifex ex hominibus assumptus ut offerat dona & sacrificia &c.* non dicit ex Angelis assumptus . Addit tamen Diuus Thomas quòd, si collaretur per Angelos confectum esse aliquod Sacramentale, id ratum habendum esset : eo quod id factum esset ex dispensatione Dei, qui sicut non alligauit virtutem Sacramentis taliter ut sine illis non possit eundem effectum producere ita pari modo nec ordinarijs Ministris taliter, ut non possit Angelis eandem virtutem communicare . Et de facto non ratò legimus Angelos aliquod Sacramentum ministrasse . De sancto Onuphrio legitur quòd per multos annos singulis Dominicis diebus fuerit sacra Eucharistia refectus Angelorum ministerio . De Sancto Bonaventura , quòd aliquando, dum ipse præ humilitate & reuerentia abstineret à sacramenta , Angelus Domini particulam hostiæ consecratæ ori eius immiserit . De Sancto Amphilochio Iconij Episcopo, quòd Deus Angelos ad eum transmiserit ut illum mystica, & arcana consecratione ad Episcopale fastigium promouerent . Quod factum ab alijs Episcopis, qui cum venerant collectaturi, ratum est habitum . De quodam puero refert Cæsarius, quòd anima iam iam è corpore egressura Angelus Domini ipsum sacro iunxerit oleo eoquod ei Sacramentum extremæ unctionis collatum non fuisset . Omitto alia consimilia exempla . Sed hæc planè extrà legem ordinariam esse nouimus . Illud quidem frequentius esse nouimus, nimirum quòd

quod Deus cureret quidem per Angelos ut sui electi Sacramenta suscipiant; per ministerium tamen & opus Hominum, qui sunt ad hoc legitime deputati. Sic Angelus rapuit Philippum, ut Regina Candacis Eunuchum baptizaret. Sic alter item Angelus Cornelium Centurionem misit ad Petrum, ut ab eo mysterijs fidei imbueretur. Sic etiam post martyrium Beati Lamberti Episcopi Angelus Domini baculum illius pastorem & Stolum detulit ad Sergium Romanum Pontificem, ut eiusdem insignibus Beatus Hybertus eius successor ad limina Apostolorum clam profecturus inauguraretur. Sanctus Honoratus quoque Vercellensis Episcopus Angelica voce ter fuit admonitus ut ad Beatum Ambrosium cum morte iam consistentem accurreret, ei que sacrum praeberet viaticum, quod & fecit; Unde Sanctus Mediolanensis Antistes diuino relictus cibo complicatis in Crucis similitudinem manibus orans ad Dominum expirauit.

Quærit iterum Sanctus Thomas. An Animæ beatæ possint Sacramenta ministrare? Et respondet etiam negativè; quævis enim animæ separata retineant adhuc Sacramentalem characterem & potestatem ordinis semel acceptam; tamen verè non sunt Homines; & insuper ille Sacramentalis character non sufficit sine organo corporeo, per quod & vox, & quælibet alia actio vitalis ad Sacramentum necessaria exerceatur. Si tamen dictæ Animæ Corpus resumerent non videtur negandum quin possent. Prædicta intelligenda sunt secundum legem Dei ordinariam, & ætata institutione Sacramentorum; Cæterum cum virtus diuina non sit ligata medijs ordinarijs, poterit Deus per Animas beatas Sacramenta & suam gratiam conferre, & quicquid aliud efficere, sicut de Angelis dictum est.

Quantum ad Materiam & Formam. Sacramenta perficiuntur Rebus ut Materia, Verbis ut Forma. Est enim Sacramentum Compositum quoddam artificiale. Omne autem Com-

positum, siue Naturæ, siue Artis, constat duabus partibus componentibus, quarum altera se habet per modum determinabilis, & hæc dicitur Materia; altera per modum determinantis; & hæc dicitur Forma. In Sacramentis igitur Res sensibiles ver. gr. aqua, oleum, panis, vinum &c. Et Actiones item sensibiles ver. gr. ablutio, unctio, &c. se habent per modum determinabilis; quia ex se sunt indifferentes ad hanc vel illam significationem: Verba verò Sacramentalia se habent per modum determinantis & complent Sacramentum. Ergo Res sunt Materia, Verba sunt forma. Declaremus rem exemplo. Aqua ex, gr. in baptismo indifferens est ad multa significanda; tam enim potest refrigerationem, quam abluitionem significare; vt igitur determinetur ad significandam abluitionem debent accedere Verba. Hinc bene Diuus August. tract. 80. in Ioannem. *Detrahe, inquit, Verbum, et quia est aqua, siquæ Accedit verbum ad elementum, & fit sacramentum. Vnde dicitur: Vixit, inquit, et corpus tangat & cor abluat, nisi fuerit verbum &c.*

Materia & Forma Sacramentorum à Christo sunt determinata, nec illa possunt ab Ecclesia immutari. Hoc agnouit *Conc. Trid. sess. 2. cap. 2.* Quando dixit, semper in Ecclesia, potestatem fuisse vt in Sacramentorum dispensatione, salua illorum substantia, illa posset statuere, vel mutare, qui suscipientium utilitati seu ipsorum Sacramentorum venerationi pro rerum locorum, & temporum varietate magis expedire iudicaret. Dum ergo dicit, *salua substantia*, manifestè ostendit Ecclesiam non habere potestatem ad mutandam substantiam; hoc est Materiam & Formam. Et ratio est quia hæc sunt determinata à Christo per potestatem excellentiæ, quæ Ecclesiæ non communicauit: fuit autem necesse à Christo tanquam capite corporis mystici Ecclesiæ determinari ad vnitatem ipsius Ecclesiæ, suorumq; membrorum, ne schismata orirentur circa substantiam Sacramentorum.

Hinc

¶ Hinc fit ut si alia res assumatur pro Materia, quam illa quæ fuit à Christo instituta & determinata, nullum efficiatur Sacramentum. Et quia quandoque res determinata est in specie; ideo tunc oportet assumere eiusdem speciei. ut aqua in baptismo; oleum in extrema unctione; unde si in baptismo non assumatur aqua, nullus sequitur baptismus &c. Quandoque autem determinatio est solum rei in suo genere; ideo tunc sufficit assumi rem eiusdem generis. v. g. Confessio dolorosa in Sacramento penitentiae siue sit dolorosa per attritionem siue per contritionem quæ specie differunt & siue sit de peccatis venialibus siue de mortalibus & siue sit facta verbis; siue nutibus. *¶*

¶ Forma quoque debet esse talis ut non immutetur sensus principalis verborum; si enim ita immutetur ut non remaneat ille sensus, tunc nullum sequitur Sacramentum: si autem manet sensus, tunc addendo, detrahendo, vel mutando aliquod verbum, conficitur quidem valide Sacramentum; sed qui scienter hoc faceret, peccaret. *¶*

¶ Quantum ad finem scilicet *Intentionem*. Hæc requiritur tam in Ministro quam in suscipiente. *¶*

¶ Circa intentionem Ministri definitum est in Tridentino his verbis. *Si quis dixerit in Massalis dum Sacramenta conficiunt non requiri intentionem saltem faciendi quod facit Ecclesia. Anathema sit.* Ratio est quia Sacramentorum Ministri non sunt quasi nudi interuentij litteras deferentes; sed sunt tanquam dispensatores, vicem Christi, & Ecclesiæ gerentes ex potestate sibi commissa, & arbitrio suo concredita. Ideo debent habere voluntatem & intentionem exequendi potestatem sibi commissam hoc est Sacramentum administrandi, seu (quod idem est) faciendi quod Christus instituit, & quod Ecclesia intendit. Vel sub simili aliqua, & æquiualentia ratione. Unde Sacerdos, qui non nisi ioco, & simulatè faceret sine præfata intentione non validè administraret. Sicut nec Sacerdos

dos qui in ebrietate iudicio rationis totaliter absorpto, aliquem absolueret; aut baptizaret; aut verba consecrationis supra panem proferret &c. Cæterum Intentio triplex assignatur à Theologis, nempe Actualis, Virtualis, Habitualis. Actualis est quæ actu elicitur quando Sacramentum conficitur, aut confertur. Virtualis est quæ sequitur præcedentem actualem, & virtute manet in actione inchoata. Habitualis est quæ solum in habitu acquisito ex præcedentibus actibus perseverat; & potest esse in ebriosis, amentibus, dormientibus &c. Ad validitatem igitur Sacramentorum non sufficit Habitualis, quia talis intentio non fert secum actionem humanam, qualis debet esse administratio Sacramentorum. Non est necessaria Actualis (quamvis optima & quoad fieri potest curanda) alioquin aperiretur via scrupulis, & obligaremur quasi ad impossibile, cum mens humana sit labilis, & in vna cogitatione difficile continere se valeat. Sufficit Virtualis. Itaq; si Sacerdos ex. gr. semel elicit actualem intentionem vel baptizandi, vel absolvendi, vel consecrandi &c. & ex vi huius intentionis non retractatæ, nec interruptæ per novam intermediam, humano more se applicet ad agendum & incipiat facere aliquid ordinatum ad finem intentum, validè facit quod facit, id est validè baptizat, absoluit, consecrat &c. quamvis in ipsa actione primariò intentum sit ex fragilitate naturæ distractus, nec recogitet quid agat.

Circa Intentionem susipientis. Requiritur in adultis & capacibus rationis Intentio aliqua siue actualis, siue virtualis, siue saltem habitualis, seu interpretativa recipiendi Sacramentum. Hæc est doctrina Communis Theologorum. Estq; definitum ab Innocentio Papa in cap. *Maiores de Baptismo*. Quod is, qui nunquam consensit sed penitus contradicit nec rem, nec caracterem suscipit Sacramenti. Requiritur igitur aliquis consensus, vel intentio saltem habitualis & interpretativa, quæ tunc censetur adesse quando quis petijt aliquan-

do

do Sacramentum, nec retractauit seu reuocauit voluntatem. Similiter quando quis Catholicè vixit; huic enim existenti in articulo mortis possunt dari Sacramenta; nam dum ita vixit censetur implicite petiisse Sacramenta quæ conferri solent existentibus in periculo mortis. De Penitentia est specialis difficultas de qua suo loco in 3. parte Deo dante. Colligitur ex his strictius loqui Theologos circa intentionem Ministrantis; quàm circa intentionem suscipientis Sacramenta. Et meritò quidem; quia sicut in naturalibus maior perfectio requiritur in agente, quàm in patiente, agens enim cum sit principium actionis & debeat cōmunicare formam alteri, utiq; debet illam præhabere in se, & tali modo possidere ut possit etiam alteri communicare; patiens autem sat est quod non repugnet, habeatq; aliquam capacitatem: Ita se res habet in moralibus & in casu nostro, loco agentis stat minister Sacramenti, loco patientis stat suscipiens: in ministro igitur requiritur talis intentio quæ sit principium & forma exterioris actionis, quæ rationali voluntate fieri debet, & talis intentio est actualis aut saltem virtualis; in suscipiente autem sufficit intentio, quæ reddat subiectum capax & non repugnans Sacramento, & talis est intentio habitualis.

§. 2. Quando Sacramenta administrantur validè, sed non licitè.

Tunc Minister validè quidem administrat Sacramenta sed non licitè, quando concurrentibus quatuor substantialibus prædictis in §. antecedenti, videlicet *Potestate legitima in Ministro, debita Materia, debita Forma, ac debita Intentione*: deest tamen *Vel Bonitas Ministri: Vel Fides illius: Vel debita observantia Rituum*, qui præscribuntur à Sancta Romana Ecclesia in administratione cuiuslibet Sacramenti, de quibus in *Rituali Romano*.

Quantum igitur ad *Bonitatem*. Dico Primò. *Bonitas Ministri*

V u u

non

non est necessaria ad validitatem Sacramenti. Ratio est; quia **Sacramenta conferuntur ob merita Christi; & operantur virtute diuina; non autem ob bonam dispositionem Ministri** (alij dicunt ex opere operato; non autem ex opere operantis) alioquin sequeretur suscipientem Sacramenta aliquando frustrari illorum effectibus ob improbitatem Ministri, quem constat aliquando carere fide, aliquando grauissimis detineri sceleribus: hoc autem non est admittendum *Ita S. Thomas 3. p. 7. 64. art. 5 cum cōmuni Theologorum.* Colligitur hoc. Primò ex illo loco Apostoli. 1. ad Cor. 3. *Quid est Apollo? quid verò Paulus? Ministri eius, cui credidistis, & unicuique, sicut Deus dedit; Ego plantavi, Apollo rigauit; Deus autem incrementum dedit; sed neq; qui plantat est aliquid, neq; qui rigat, sed qui incrementum dat Deus.* Ita Apostolus. Sicut ergo plantæ nihil obest plantantis aut rigātis improbitas; & semini bono nihil nocet quod sordidis manibus seminetur, modò terra sit disposita, rosq; Cæli, & Solis calor accedāt: ita nihil nocet culpa ministri ei, qui Christo inseritur, quia semen gratiæ in corde illius feritur non à ministro, licet per eius ministeriū, sed à Christo, à quo tale semen vim habet germinandi, crescendi, fructificandi. Secundò Colligitur ex illis verbis Ioannis. 1. *Super quem videris Columbam, hic est qui baptizat.* Quæ verba explanans *Diuus Augustinus tract. 6. in Ioan. sic dicit.* [Hic est qui baptizat, Paulus baptizet, hic est qui baptizat; Petrus baptizet, hic est qui baptizat &c. Nouit Dominus qui sunt eius, diuersarum gratiarū sunt; non omnes paria merita habent; sunt alij alijs sanctiores. Cur igitur si vnus à sancto baptizetur, alius ab altero inferioris meriti, inferioris gradus, inferioris vitæ, vnū tamen & par & æquale est quod acceperunt; nisi quia hic est qui baptizat.] Cui conforme est quod dicit *S. Ambrosius.* [Non mandauit Damasus, non mandauit Petrus, non mandauit Ambrosius; nostra enim sunt seruitia, sed tua Domine sunt Sacramenta. Neq; enim hu-

humanæ opis est diuina conferre, sed tuum Domine munus est & Patris.] Itaq; improbitas Ministri non derogat validitati Sacramenti. Non negamus tamen bonitatem Ministri multum etiam conferre; nam potest Minister mereri de congruo & vltra effectum Sacramenti qui venit ex opere operato, potest impetrare aliquid per orationem quam specialiter fundit pro suscipiente itaut aliquando maiorem ei impetret dispositionem; Vnde non est vanum optare & querere meliores Sacerdotes pro administratione Sacramentorum & pro celebratione Missarum.

Dico Secundò. *Bonitas in Ministro deputato, & consecrato ad munus administrandi Sacramenta est necessaria ad licitam administrationem: quapropter administraturus Sacramenta tenetur quantum in se est disponere se ad gratiam.* Ita S. Thomas, Caietanus, & alij apud Bonacinam de Sacram. q. 3. pun. 2. S. 1. Ratio. Tum quia Ministri Sacramentorum debent se conformare illi, cuius sunt ministri, iuxta illud Gen. 19. *Sancti eritis quoniam ego Sanctus sum.* Tum etiam quia si in administratione Sacramentorum veteris legis exigebatur Sanctitas iuxta illud. *Mundi estote qui fertis vasa Domini.* Et in Leuitico. *Omnis qui accesserit ad ea, quæ consecrata sunt in quo est immunditia, peribit coram Domino.* Ergo multò magis sanctitas requiritur in administratione Sacramentorum nouæ legis, quæ perfectiora sunt: Hinc sequitur Sacerdotem habentem conscientiam peccati mortalis debere conari & curare vt in gratia se constituat, antequam administret Sacramenta, vel per Confessionem vel saltem per actum contritionis. Quòd si administret cum conscientia peccati mortalis, & absq; debito dolore, peccat mortaliter. Ita Sanctus Thomas loco citato cum communi Scholasticorum. Dixi (*in Ministro deputato & consecrato*) quia si alius, puta laicus, vel Clericus inferior Sacerdote in casu necessitatis ex. gr. baptizet in peccato mortali, non videtur grauius peccare quàm venialiter. Ita sentire

non est necessaria ad validitatem Sacramenti. Ratio est; quia Sacramenta conferuntur ob merita Christi; & operantur virtute diuina; non autem ob bonam dispositionem Ministri (alii dicunt ex opere operato; non autem ex opere operantis) alioquin sequeretur suscipientem Sacramenta aliquando frustrari illorum effectibus ob improbitatem Ministri, quem constat aliquando carere fide, aliquando grauissimis detineri sceleribus: hoc autem non est admittendum *Ita S. Thomas 3. p. 7. 64. art. 5* cum cōmuni Theologorum. Colligitur hoc. Primò ex illo loco Apostoli. 1. ad Cor. 3. *Quid est Apollo? quid verò Paulus? Ministri eius, cui credidistis, & unicuique, sicut Deus dedit; Ego plantavi, Apollo rigauit; Deus autem incrementum dedit; sed neq; qui plantat est aliquid, neq; qui rigat, sed qui incrementum dat Deus.* Ita Apostolus. Sicut ergo plantæ nihil obest plantantis aut rigātis improbitas; & semini bono nihil nocet quod sordidis manibus seminetur, modò terra sit disposita, rosq; Cæli, & Solis calor accedāt: ita nihil nocet culpa ministri ei, qui Christo inseritur, quia semen gratiæ in corde illius feritur non à ministro, licet per eius ministeriū, sed à Christo, à quo tale semen vim habet germinandi, crescendi, fructificandi. Secundò Colligitur ex illis verbis Ioannis. 1. *Super quem videris Columbam, hic est qui baptizat.* Quæ verba explanans *Diuus Augustinus tract. 6. in Ioan. sic dicit.* [Hic est qui baptizat, Paulus baptizet, hic est qui baptizat; Petrus baptizet, hic est qui baptizat &c. Nouit Dominus qui sunt eius, diuersarum gratiarū sunt; non omnes paria merita habent; sunt alij alijs sanctiores. Cur igitur si vnus à sancto baptizetur, alius ab altero inferioris meriti, inferioris gradus, inferioris vitæ, vnū tamen & par & æquale est quod acceperunt; nisi quia hic est qui baptizat.] Cui conforme est quod dicit *S. Ambrosius.* [Non mandauit Damasus, non mandauit Petrus, non mandauit Ambrosius; nostra enim sunt seruitia, sed tua Domine sunt Sacramenta. Neq; enim hu-

humanæ opis est diuina conferre, sed tuum Domine munus est & Patris.] Itaq; improbitas Ministri non derogat validitati Sacramenti. Non negamus tamen bonitatem Ministri multum etiam conferre; nam potest Minister mereri de congruo & vltra effectum Sacramenti qui venit ex opere operato, potest impetrare aliquid per orationem quam specialiter fundit pro suscipiente itaut aliquando maiorem ei impetret dispositionem; Vnde non est vanum optare & querere meliores Sacerdotes pro administratione Sacramentorum & pro celebratione Missarum.

Dico Secundo. *Bonitas in Ministro deputato, & consecrato ad munus administrandi Sacramenta est necessaria ad licitam administrationem: quapropter administraturus Sacramenta tenetur quantum in se est disponere se ad gratiam.* Ita S. Thomas, Caietanus, & alij apud Bonacinam de Sacram. q. 3. pun. 2. S. 1. Ratio. Tum quia Ministri Sacramentorum debent se conformare illi, cuius sunt ministri, iuxta illud Gen. 19. *Sancti eritis quoniam ego Sanctus sum.* Tum etiam quia si in administratione Sacramentorum veteris legis exigebatur Sanctitas iuxta illud. *Mundi estote qui fertis vasa Domini.* Et in Leuitico. *Omnis qui accesserit ad ea, que consecrata sunt in quo est immunditia, peribit coram Domino.* Ergo multo magis sanctitas requiritur in administratione Sacramentorum nouæ legis, quæ perfectiora sunt: Hinc sequitur Sacerdotem habentem conscientiam peccati mortalis debere conari & curare vt in gratia se constituat, antequam administret Sacramenta, vel per Confessionem vel saltem per actum contritionis. Quod si administret cum conscientia peccati mortalis, & absq; debito dolore, peccat mortaliter. Ita Sanctus Thomas loco citato cum communi Scholasticorum. Dixi (*in Ministro deputato & consecrato*) quia si alius, puta laicus, vel Clericus inferior Sacerdote in casu necessitatis ex. gr. baptizet in peccato mortali, non videtur grauius peccare quam venialiter. Ita sentire

videtur *Sanctus Thomas loc. cit. art. 6. ad 3.* Et docet Caietanus ibidem. Ratio. Quia hoc non faciunt ex vi status & ordinationis: Sed solum per accidens propter emergentem necessitatem; unde non incumbit illis tanta obligatio in statu gratiae ministrandi.

Occasionaliter posset hic aliquis quærere. An is, qui exercet functiones ordinum Ecclesiasticorum in statu peccati mortalis peccet mortaliter? Cui quæsito breuiter modò respondeo cum distinctione (alibi forsitan Deo dante plenius dicturus) Aut sunt functiones ordinum Minorum, aut ordinum Maiorum. Si primum, communior opinio est peccare tantum venialiter ratione paruitatis materiae. Si secundum, est controuersia apud Doctores. Hoc tamen certum videtur, si aliquis ita sit affectus ut frequenter velit tales functiones obire in statu peccati mortalis, tunc frequens exercitium posse sufficere ad peccatum mortale.

Quantum ad *Fidem*. Dico primò. *Fides non est necessaria ad validam Sacramentorum administrationem.* Ratio quia, ut sæpe dictum est, Sacramenta validè administrantur quotiescunq; concurrunt illa quatuor substantialia, de quibus S. anteced. Sed illa possunt concurrere etiam si Minister careat Fide; ergo &c. Intellige de Ministro Fidem non habente, qui tamen sit baptizatus: nam si loquamur de Infideli nondum baptizato dicendum est hunc nullo modo posse Sacramenta administrare validè excepto Baptismo; quia Minister aliorum Sacramentorum præter Matrimonium, est Sacerdos: At Infidelis cum non habeat Characterem Baptismi, qui est ianua omnium Sacramentorum, non habet Sacramentum Ordinis, consequenter nec Sacerdos esse potest.

Dico Secundò. *Fides necessaria est ad licitam Sacramentorum administrationem, consequenter Minister grauiter peccat administrando Sacramenta sine fide.* Ratio. Quia qui caret fide existit in graui peccato cum impossibile sit placere Deo sine fide.

Qui

Qui autem administrat Sacramenta in peccato mortali graviter peccat ut supradictum est.

Quantum, *ad observantiam Rituum*. Dico Sacramenta valide administrari; sed non licite absque ritibus & cæremoniis præscriptis. Est autem Ritus actio externa religiosa, qua decorè & ornatè Sacramenta ministrantur iuxta Ecclesiæ præscriptum. Igitur quòd Sacramenta sine Ritibus valide administrantur, patet per rationem sæpius adductam de concurrentia illorum quatuor substantialium. Quòd autem non licite, probatur; quia tenemur nos accommodare ritibus Ecclesiæ ut constat apud omnes, & patet ex *Rituale Romano*, & ex *Conc. Trid. sess. 7. can. ult. de Sacramentis*. Unde qui scienter & volens variat Ritus committit peccatum mortale ex suo genere, quia facit contrà virtutem Religionis. Posset tamen quis excusari à mortali, ratione parvitatatis materiæ, qualis videtur, si quis baptizaret lingua vernacula ommissa latina extrà casum necessitatis. Sunt autem Ritus & Cæremoniæ sapientissimè institutæ ab Ecclesia Dei ad multiplices fines. 1. Ad ornatum & decorem ut constat in indumentis Sacerdotalibus, quibus celebratur Missa, cæterisque vestibus Ecclesiasticis; nec non in veste candida, quā induitur baptizatus ad significandam ipsius regenerationem. 2. Ad excitandam & augendam devotionem fidelium. 3. Ad uniformitatem in modo colendi Deum; & in omnibus ijs, quæ maximè spectant ad ipsius Cultum.

§. 3. Quando Sacramenta administrantur valide & licite.

EX dictis satis liquet quando Sacramenta valide & licite administrantur. Cum enim concurrūt illa quatuor substantialia tunc valide. Cum verò etiam concurrunt supradicta tria nempe Bonitas, Fides, & Ritus, tunc etiam licite.

Sed heu quàm multi sæpe deficiunt in aliquo prædictorū, & quàm pauci exactè omnia servant requisita. Meminerimus

Ec-

Ecclesiastici omnes præsertim Sacerdotes, & Animarum Pastores illius, quod Exodi 19. dicitur. *Sacerdotes accedentes ad Dominum sanctificentur ne percussat eos.*

C A P V T XII. De Benedictionibus.

VNa ex præcipuis actionibus Ecclesiasticis est benedicere. Igitur videndum. 1. quid sit benedicere, & quid Benedictio. 2. quotuplex sit Benedictio. 3. quæ sint Benedictiones pertinentes ad Episcopum. 4. quæ Benedictiones pertinentes ad simplicem Sacerdotem.

S. 1. Quid sit Benedicere, & quid Benedictio.

Benedicere est bonum dicere. Iuxta S. Thom. sup. Epist. ad Rom. cap. 12. lect. 3. Contingit autem bonum dicere tripliciter. Vno modo enuntiatiue, puta cum quis bonum alterius laudat. Sic in Ecclesiastico 31. *Splendidum in panibus benedicant labia multorum, & testimonium veritatis illius fidelis.* Alio modo imperando, & sic benedicere per autoritatē est proprium Dei, cuius imperio bonum ad Creaturas deriuatur: ministerium autem pertinet ad ministros Dei, qui nomen Domini super populum inuocant. Sic in Numeris 6. *Sic benedicetis filiis Israel, & dicetis eis. Benedicat tibi Dominus, & custodiat te. Ostendat Dominus faciem suam tibi, & misereatur tui. Conuertat Dominus vultum suum ad te, & det tibi pacem. Et post. Inuocabunt nomen meum super filios Israel, & ego benedicam eis.* Tertio modo benedicat aliquis optando, iuxta illud Psalmi 128. *Et non dixerunt qui præteribant, benedictio Domini super vos.* Et secundum hoc, benedicere est bonum alicui optare, & bonum pro alio precari à Deo omnium bonorum largitore; quemadmodum maledicere est alicui malum optare, velle, & im-

& imprecari. Sicut igitur triplex est benedicere, ita triplex benedictio; nempe Benedictio enuntiatiua; Benedictio imperatiua; & Benedictio optatiua, & deprecatiua.

Rursus Nos benedicimus Deum, & Deus benedicit nobis; sed aliter, & aliter, inquit *S. Thomas sup. epist. 2. ad Cor. cap. 1. lect. 2.* nam dicere Dei est facere iux. illud Psalmi 150. *Dixit & facta sunt.* Vnde benedicere Dei est bonum facere, & bonum infundere; & sic habet rationem causalitatis; & Genes. 1. & 22. *Benedicens benedixit tibi &c.* Dicere autem nostrum non est causale sed recognoscitium, seu expressiuum; Vnde benedicere nostrum, idem est quod bonum recognoscere. Cum ergo gratias agimus Deo, benedicimus ipsi, id est recognoscimus eum bonum & datorem omnium bonorum. Benedictio Dei erga nos est Imperatiua; Benedictio nostra erga Deum est Enunciatiua.

S. 2. Quotuplex est Benedictio.

Benedictio Hominis siue Enunciatiua; siue Optatiua seu deprecatiua; siue Imperatiua ex ministerio (nam Imperatiua ex autoritate est solius Dei ut constat ex dictis) est Duplex Alia Priuata, Alia Publica. Ita *Layman. lib. 5. tract. 9. cap. 13. Theolog. Mor.* Priuata dicitur, quæ à quolibet fidei utriusq; sexus erga alterum fieri potest. Nam & sanctas mulieres salubri benedictione ægris sanitatem restituisse, exemplis non paucis constat. Decet tamen etiam in priuata benedictione obseruari quod ait Sanctus Paulus ad Hebræos. 7. *Sine ulla contradictione quod minus est à meliore benedicitur.* Ut personæ illæ, quæ vel ratione status, vel ratione Sanctimonie in Ecclesia excellentiores sunt alijs, benedicere debeant: immo in priuata benedictione maior etiam ratio sanctitatis propriæ haberi debet, cum Deus deprecationem peccatoris pro alio fasam non ita exaudiat sicuti deprecationem iusti. Vnde

S. Basilus can. 27. ad Amphilochiū ait. [Benedictio est sanctificationis communicatio: qui autem eam non habet propter ignorantiae lapsum quomodo alijs communicabit?]

Erat autem olim frequentissimum, ut à viris sanctitate conspicuis benedictio daretur; vel super personas abeuntes, vel redeuntes, vel super alias res puta panem, vinum, aquā, oleum, habitationem, ut videre est apud Auctores citatos à Layman. Præsertim oleo benedicto multas infirmitates viri sancti curarunt. Item per aquam crucis signaculo benedictā magias, & incantationes mali Dæmonis depulsas, fuisse testatur *Epiphanius hæresi 30. & alij Doctores apud Layman.*

Publicæ benedictiones sunt Ritus quidam, formulæ seu orationum à Ministris Ecclesiæ ex eiusdem institutione super Personis aut alijs rebus sensibilibus pronunciari solitæ ad impetrandum hominibus diuinæ gratiæ auxilium, à malo Dæmone liberationem, peccatorum remissionem, & alia Dei dona. Tametsi verò eiusmodi effectus non consequantur ex opere operato infallibiliter; cum nullam specialem Dei promissionem habeamus; tamen quia eiusmodi orationes nomine Ecclesiæ fiunt, quæ semper Deo grata & accepta est; piè credendum immo pro certo habendum eiusmodi Ecclesiæ benedictionibus, atq; rebus benedictis puta aquæ, agno cereo, ipsiq; Ecclesiæ magnam vim inesse ad impetrandum hominibus per misericordiam Dei bonos motus diuinæ gratiæ, quibus à peccatis mundentur, virtutibus crescant, Dæmonum infestatione liberentur, à corporalibus quoq; periculis custodiantur, vel eripiantur. Non quod eiusmodi effectus semper sint certi, & infallibiles; sed sicuti Deo Optimo Max. loco, & tempore expedire visum fuerit. Qua de re legi potest *Suarez part. 3. tom. 3. disp. 15. sect. 4.*

Prædictæ publicæ benedictiones Aliæ pertinent ad solos Episcopos. Aliæ pertinent etiam ad simplices Sacerdotes. Et utræque Vel sunt Personarum, Vel sunt rerum inanimatarum.

tarum. Inter quas duplex intercedit differentia. Prima quod res inanimatae ut Ecclesia, Altare, Calix &c. post benedictionem & consecrationem in certis casibus execrari possunt; non ita personae consecratae; quare fortior est consecratio rei animatae, quam inanimatae. Secunda quod res inanimatae omnibus diebus etiam non festis benedici, & consecrari possunt: non item consecratio Personarum, quae non nisi in Festis aut Dominicis fieri potest.

S. 3. De Benedictionibus pertinentibus ad Episcopos.

Inter benedictiones pertinentes ad Episcopos primum locum tenet benedictio Agnorum cereorum, quae non nisi à Summo Pontifice, qui est Episcopus Episcoporum fieri potest; & fieri consuevit singulis septennijs, incipiendo à primo anno Pontificatus cuiuslibet Pontificis, fitq; in Sabbato in Albis.

Prædicta excepta reliquæ omnes fiunt ab Episcopis, quarum nonnullæ ad solos Episcopos spectant: sunt autem istæ Benedictio & Consecratio ipsius Episcopi, Abbatum, Virginum, Clericorum tam in minoribus, quam in sacris, Regum, Ecclesiæ, Altaris, Calicis, Patenæ, Altaris portatilis, vestium Sacerdotalium, Campanarum, aliæq; prout in Pontificali Romano. Ex dictis quædam perficiuntur per inunctionem Sacri Chrismatis; & hæ regulariter non nisi ab Episcopo consecrato perfici possunt. Verum tamen cum istæ ex iure Ecclesiastico proveniant nihil obstat, quominus Papa ex plenitudine potestatis suæ dispensare possit, & talem consecrandi potestatem simplici Sacerdoti committere uti ex communi notavit *Suarez tom. 3. cit. disp. 15. sect. 3. in fine.* Multò velò magis ac facilius à Summo Pontifice Sacerdotibus committi potest facultas benedicendi vestes Sacerdotales, & pallas altaris, etiam ipsum corporale; nam in istis non

interuenit sacra vñctio : quare Regularium quibusdam Superioribus eiusmodi priuilegium concessum aliquando fuit vt possint benedicere ea omnia, in quibus Chrismatis vñctio non interuenit.

S. q. De Benedictionibus pertinentibus etiam ad Presbyteros.

EXceptis benedictionibus, de quibus in paragrapho antecedenti, reliquæ omnes quæ solemnī ritu ex institutione Ecclesiæ sunt, & Episcopo neq; iure, neq; consuetudine reseruatæ sunt, à Presbyteris, nō tamen à Diaconis, fieri possunt, vt constat ex praxi Ecclesiæ, & sumitur ex cap. *perfectis dist. 29.* vbi dicitur ad Presbyterum pertinere benedicere dona Dei, & ex communi docet *Syluester Verb. Aqua benedicta.* Quare si Diaconus quamuis iubente etiam Sacerdote aquam v.g. benedicat, irrita est benedictio; quia non facta ab habente potestatem. Benedictiones pertinentes ad Presbyteros extant in Rituali Romano; vnde non est opus illas hic transcribere.

Notandum quod ex benedictionibus siue Episcopalibus, siue Sacerdotalibus Aliæ sunt constitutivæ, quibus res sacre constituuntur, ita vt ad vsum prophanū siue irreuerentia applicari non possint; cuiusmodi est benedictio aquæ, olei, vestīū, Ecclesiæ, altaris, & vasorum consecratio. Aliæ sunt inuocatiuæ tantum, quibus res sacre non constituuntur, neq; ab vñctibus prophanis secernuntur; sed adhibentur tantum ad inuocandum speciale Dei auxiliū circa præsentiam, vel vsum talium rerum. Quomodo benedici solent tibi, domus, nauis, & fortasse etiam candelæ, quas fideles ad altare afferunt, & postea recipiunt vt ad vñctus etiam prophanos adhibere possint. Res per benedictionem constitutiuam effecta sacra, dum in sua forma permanet & existente sacra in sensu composito non potest vñllo Prælato, immo nec ipso Pontifice

per-

permittente ad vsus prophanos adhiberi v.g. sacer calix ad potationem. Ratio afferri solet ex *S. Thoma 2. 2. q. 88. art. 1. quia ius naturale, ac diuinum postulat vt sancta sancte, seu reuerenter tractentur; sed calix v.g. consecratus dum formam integram retinet, sanctificationem suam non amittit; ergo contra ius naturale erit si prophanetur. Si igitur aliqua necessitas postulat vt res sacra ad prophanos vsus adhibeatur prius execranda est per aliquam actionem. Dubium, quid sentiendū sit de partibus auulsis à re consecrata destructa eius forma, an desinant esse sacra v.g. Vtrum lapides, & ligna Ecclesiæ diruta, vel altaris destructi, ad vsus prophanos applicare aut diuēdere liceat? Respondeo id fieri posse cum summi Pontificis licentia; quia enim talis materia desijt esse sacra non prohibet ius naturale, vel diuinum, quominus prophanis vsibus applicetur: Immo quidam sentiunt, existente rationabili & urgēte causa, sufficere Episcopi licentiam, vt Ecclesiæ diruta materia ad vsus prophanos conuertatur, ita *Layman in sua Theologia Morali, lib. 5. tract. 9. cap. 11. nu. 6.**

Et hæc satis sint dicta de benedictionibus; ac de tota hac secunda parte præsentis operis Speculi Ecclesiastici pro ingenioli mei modulo, quo exiguo polleo; pro mearum imbecillitate virium, quæ tenues suppetunt; pro temporis angustijs, quibus ferè semper arctatus; pro varietate locorum, quibus distractus; pro munerum multiplicata, quibus distractus; & (quod caput est) pro aduersæ fortunæ fluctibus, quibus Deo Opt. Max. sic ineffabiliter providēte per aliquot annos fui non mediocriter exagitatus. Faxit ipsemet Clementissimus Deus, vt post exactam laboriosæ huius vitæ nauigationem, portum æternæ quietis aliquando teneamus: interim autem det nobis, id amare quod præcipit, id desiderare quod promittit, vt inter mundanas varietates ibi nostra fixa sint corda, ubi vera sunt gaudia. Amen.

Laus Deo, cuiusq. Immaculata Genitrici, & omnibus Sanctis.

112

X x x 2

I N D E X

Distinctionum, Capitulorum, & Paragraphorum. Secundae Partis Speculi Ecclesiastici.

Summa totius partis.

Distinctio prima. De disciplina Ecclesiasticorum in ordine ad propriam Personam.

Caput 1. De disciplina circa Visum, seu de oculorum custodia.

§. 1. De motiuis ad disciplinam visus.

§. 2. De rebus quae licite, vel non licite aspicere possunt.

§. 3. De modo exercendi disciplinam visus.

§. 4. De exemplis eorum qui in custodia visus excelluerunt.

Caput 2. De disciplina circa Linguam.

§. 1. De motiuis ad praedictam disciplinam.

§. 2. De verbis, à quibus debemus abstinere.

De Verbis Turpibus, obscenis, & scurrilibus.

De Verbis Detractorijs.

De Verbis Susurratorijs.

De Verbis Adulatorijs.

De Verbis Lactorijs.

De Verbis Mendacibus, Exaggeratorijs, & Hyperbolicis.

De Verbis loquacibus, Ridiculis, & de Facetijs.

§. 3. De verbis circa quae sermo versari debet.

§. 4. De ratione gubernandi linguam, & de circumstantijs rectae locutionis.

§. 5. Adducuntur exempla, quibus ostenditur, quanti facienda sit linguarum custodia.

Caput 3. De disciplina circa Auditum.

§. 1. De motiuis ad dictam disciplinam.

§. 2. De Verbis à quibus aures sunt custodiendae, & de ijs, ad quae debemus easdem adhibere.

§. 3. De ratione exercendi dictam disciplinam.

§. 4. Varia afferuntur exempla bonae, & malae locutionis.

Caput 4. De disciplina circa Olfactum.

§. 1. De motiuis ad disciplinam praedictam.

§. 2. De rebus à quibus olfactus est custodiendus, & praesertim à Tabacco, cuius actus reprobatur.

§. 3. De ratione seruandi dictam disciplinam.

§. 4. Exempla varia adducuntur eorum, qui nimis dediti odoribus male habuerunt.

Caput 5. De disciplina circa Gustum.

§. 1.

I N D E X

§. 1. De motiuis ad prædictam disciplinam circa gustum, seu circa cibum, & potum.	ibid.
§. 2. De rebus circa quas exerceri debet dicta disciplina.	84.
§. 3. De ratione exercendi illam.	ibid.
§. 4. Adducuntur exempla eorum, qui in disciplina circa gustum floruerunt.	87.
Caput 6. De disciplina circa Tactum.	90.
§. 1. De motiuis ad dictam disciplinam.	91.
§. 2. De rebus, & actionibus, circa quas versari debet disciplina prædicta.	93.
§. 3. De ratione exercendi dictam disciplinam.	96.
§. 4. Adducuntur exempla varia, quibus ostenditur quanti sit facienda prædicta disciplina.	101.
Caput 7. De disciplina circa Ornatum, & Vestitum.	104.
§. 1. An & quomodo Ecclesiastici ferre debeant tonsuram.	105.
§. 2. De Habitu externo Ecclesiasticorum qualis esse debeat.	107.
§. 3. In quibus casibus sit licitum deponere habitum.	113.
§. 4. Exempla adducuntur eorum, qui in ornatu moderato excelluerunt.	114.
Caput 8. De disciplina circa Incessum, & Conuersationem.	115.
§. 1. De motiuis ad dictam disciplinam.	ibid.
§. 2. Qualis debeat esse præfata disciplina.	118.
§. 3. A quibus actionibus abstinere debeant Ecclesiastici.	123.
§. 4. De duobus exemplis spectantibus ad morum compositionem.	125.
Caput 9. De disciplina circa actiones quotidianas, & de ordine Vitæ seruando.	126.
§. 1. Quid, & quotuplex sit ordo.	ibid.
§. 2. De motiuis ad seruandum aliquem vitæ ordinem.	129.
§. 3. De modo seruandi ordinem præfixum.	138.
§. 4. Varia afferuntur exempla de disciplina circa ordinem actionum.	141.
Caput 10. De disciplina circa Negotia secularia, & impertinentia, deq; amore Solitudinis.	143.
§. 1. De damnis, quæ sequuntur ex negotijs Impertinentibus, & inutilibus circuitionibus.	144.
§. 2. De vtilitatibus consequentibus ex solitudine, & silentio.	147.
§. 3. De modo declinandi à negotijs inutilibus, & circuitionibus.	150.
§. 4. Adducuntur exempla varia.	153.
Caput 11. De disciplina circa Somnum, seu de Vigilantia.	154.
§. 1. De motiuis ad amplectendam vigilantiam.	ibid.
§. 2. De vigilantia corporis, & de somno nimio excutiendo.	155.
§. 3. De vigilantia animi in omnibus actionibus quæ, qualis & quantum necessaria.	158.
Caput 12. De disciplina, & Animi moderatione in omnibus huius vitæ euentibus, & varietatibus.	161.
Conditiones, & proprietates Fortunæ Prosperæ.	162.

I N D E X.

§.1. Quòd mundana prosperitas frequentius illicitè oritur.	ibid.
§.2. Quòd dicta prosperitas sit brevis.	164.
§.3. Quòd sit incerta, & ambigua.	166.
§.4. Quòd sit instabilis, & mutabilis.	ibid.
§.5. Quòd sit fallax.	169.
§.6. Quòd sit vana in quacumque re collocetur.	ibid.
§.7. Quòd prosperitas amicos cælat.	178.
§.8. Quòd eadem tomentum sit peccatorum.	ibid.
§.9. Quòd eadem tandem ad exitium, & ruinam deducit.	180.
Conditiones, & Proprietates Fortunæ Aduersæ.	182.
§.1. Quòd aduersitas erudit homines, & aperit oculos mentis.	ibid.
§.2. Quòd aduersitas ad pœnitentiam adducit.	184.
§.3. Quòd aduersitas reducit homines ad Deum.	187.
§.4. Quòd aduersitas reddit nobis Deum adiutorè, & consolatorè.	189.
§.5. Quòd eadem homines reddit fortes, & probatos.	192.
§.6. Quòd excitat in nobis maiorem in Deum amorem, & est amoris Dei in nos testimonium.	193.
§.7. Quòd sit mater, & magistra virtutum.	196.
§.8. Quòd patienter lata sit signum Prædestinationis.	197.
§.9. Quòd habet gaudiũ in hac vita, & ad gloriã æternã perducit.	198.
Distinctio 2. De disciplina Ecclesiasticorum in ordine ad alios.	202.
Caput 1. De Benignitate, & Affabilitate.	203.
§.1. De necessitate prædictarum virtutum in Ecclesiasticis.	ibid.
§.2. De vtilitate, & fructu eorumdem virtutum.	206.
Caput 2. De Modestia.	208.
§.1. Quid sit modestia, & vnde dicatur.	209.
§.2. Quam necessaria sit Ecclesiasticis.	ibid.
§.3. Quænam sint Regulæ modestiæ.	211.
§.4. Quinam fructus, & vtilitas modestiæ.	213.
Caput 3. De Grauitate in moribus.	214.
§.1. Quid sit grauitas, quid graue, & quid quotuplex.	ibid.
§.2. Quam necessaria sit Ecclesiasticis morum grauitas.	216.
§.3. Quinam sit fructus, & vtilitas grauitatis.	219.
Caput 4. De Gubernatione domestica.	221.
§.1. Quomodo intelligantur illa verba Apostoli (domui suæ benè præpositum.)	ibid.
§.2. Quomodo quis bene domum suam gubernare debeat.	223.
§.3. Quæ ratio tenenda in selectione familiæ.	226.
§.4. Quæ ratio seruanda in illius gubernatione.	227.
Caput 5. De Hospitalitate.	229.
§.1. Hospitalitas commendatur ex sacris canonibus.	230.
§.2. Eadem commendatur ex Sanctis Patribus.	231.
§.3. Eadem commendatur ab exemplis.	233.
Caput 6. De Beneficentia, & Liberalitate.	236.
§.1.	ibid.

I N D E X.

§.1. Quid sit beneficentia, & quid liberalitas.	ibid.
§.2. De motiuis ad prædictas virtutes amplectendas.	239.
§.3. De modo exercendi dictas virtutes.	242.
§.4. Afferuntur varia exempla eorum, qui in dictis virtutibus illustres fuerunt.	245.
Caput 7. De Eleemofina.	248.
§.1. Eleemofina commendatur per sacram paginam.	249.
§.2. Eadem commendatur per sacros canones.	250.
§.3. Eadem commendatur per Sanctos Patres.	251.
§.4. Eadem commendatur per philosophos morales.	254.
§.5. De fructibus, & bonis eleemofinæ.	255.
§.6. Qui possint facere eleemofinam.	258.
§.7. Quibus facienda sit eleemofina.	260.
§.8. Ex quo facienda sit eleemofina & quando.	261.
§.9. Quo ordine facienda sit eleemofina.	265.
§.10. Quomodo facienda sit eleemofina.	268.
§.11. Afferuntur varia exempla.	270.
Caput 8. De Distributione reddituum Ecclesiasticorum.	272.
§.1. Quot genera sint bonorum Ecclesiasticorum.	273.
§.2. Quorum bonorum dominium habeant Ecclesiasticæ personæ.	274.
§.3. An Ecclesiastici sint domini reddituum, qui super sunt suæ sustentationi.	275.
§.4. An beneficiati teneantur erogare in eleemofinas, aliosq; pios vsus illam partem quæ superest congruæ sustentationi.	278.
§.5. Quo præcepto ad id teneantur, Iustitiæ ne an solius Charitatis.	279.
§.6. Quanam sit congrua portio beneficiati.	ibid.
§.7. An beneficiati possint dare cõsanguineis quod superest cõgruè.	281.
§.8. An possint testari de redditibus, qui extant tempore mortis.	282.
§.9. An peculium repertum tempore mortis beneficiati censendum sit profectum ex bonis Ecclesiæ nec ne.	283.
Caput 9. De Prædicatione Verbi Dei.	284.
§.1. De Personis quibus prædicandi munus incumbit.	285.
§.2. De vitæ probitate in concionatore requisita.	287.
§.3. De scientia in eodem requisita.	289.
§.4. De Præparatione generali ad d. munus fructuosè exequendū.	296.
§.5. De vitæ ratione tenenda in loco, vbi cõcionator actu prædicat.	304.
§.6. De præparatione ad singulas conciones.	307.
§.7. De materia Concionum.	309.
§.8. De forma componendæ concionis.	314.
§.9. De forma habendæ, seu recitandæ concionis.	321.
Caput 10. De Instructione simplicium.	324.
§.1. De necessitate prædictæ instructionis.	325.
Caput 11. De Correctione fraterna.	328.
§.1. Quanta sit necessitas prædictæ correctionis.	329.
§.2.	

I N D E X.

§. 2. Quæ utilitates ex dicta correctione nascentur.	331.
§. 3. Quæ personæ in specie teneantur ad dictam correctionem.	332.
§. 4. Quo præcepto teneantur.	334.
§. 5. Quibus personis sit facienda correctio.	337.
§. 6. Quibus modis sit facienda correctio.	339.
§. 7. An dentur casus in quibus possit omitti.	341.
Caput 12. De Irreprehensibilitate, & Integritate seruanda in omnibus vitæ actionibus.	344.
§. 1. Quid intelligat Apostolus per verbum Irreprehensibile.	345.
§. 2. De Necessitate boni exempli in Ecclesiasticis præcipuè in Pastoribus.	346.
§. 3. Quanti facere debeat Ecclesiasticus suum bonum nomen, seu bonam famam.	340.
Distinctio 3. De disciplina seruanda circa Loca, Res, & Actiones Ecclesiasticas.	351.
Caput 1. De disciplina circa Loca, & primo circa Tempia.	322.
§. 1. Quid significet templum, & quid Ecclesia: & de varijs acceptionibus.	ibid.
§. 2. De ratione construendi templa.	355.
§. 3. De fine erigendi templa, seu ecclesias.	358.
§. 4. De Reuerentia, & deuotione illis debita.	361.
§. 5. De Pænis violantium sacra Tempia.	367.
Caput 2. De disciplina circa Sacra Altaria.	371.
§. 1. Quid sit Altare, & de varijs eius acceptionibus.	ibid.
§. 2. Quot genera Altarium reperiantur.	374.
§. 3. Qui Ritus, & quæ disciplina seruanda circa altaria.	375.
Caput 3. De disciplina circa Capellas, Chorum, Sacristiam, Sacrariū.	379.
§. 1. De Capellis, seu Sacellis.	380.
§. 2. De Choro, & subsellijs.	383.
§. 3. De Sacristia.	385.
§. 4. De Sacratio.	389.
Caput 4. De disciplina circa Baptisterium, Cœmeteria, & sepulturas.	390.
§. 1. De baptisterio, & sacro Baptismatis fonte.	391.
§. 2. De sacris Cœmeterijs.	395.
§. 4. De Sepulturis.	399.
Caput 5. De disciplina circa res, & primo circa res magis immediate seruientes Sacrosancto Missæ Sacrificio.	405.
§. 1. De Calicibus.	ibid.
§. 2. De Patentis, & Custodijs.	408.
§. 3. De Corporalibus.	412.
Caput 6. De disciplina circa res minus immediate Missæ seruientes.	415.
§. 1. De Purificatorijs.	ibid.
§. 2. De Velis pro calicibus, & alijs.	416.
§. 3. De Bursis pro Corporalibus.	419.
	Scd.

§.4. De ampullis pro vino, & aqua.	420.
§.5. De Luminibus, & libro Missali.	422.
§.6. De lincolis pro Communione Laicorum.	423.
§.7. De mappis Altarium.	424.
§.8. De Pallis, seu Antependijs Altarium.	426.
§.9. De Tabernaculo in quo custoditur Sanctiss. Sacramentum.	431.
Caput 7. De disciplina circa res mediate Missæ Sacrificio deferuientes.	436.
§.1. De Vestibus Sacris in Comuni.	437.
§.2. De Vestibus quibus communiter vtuntur omnes Ecclesiastici, nempe de Insuperpellico, & de Rocchetto.	440.
§.3. De Vestibus Ecclesiasticorum qui sunt in Sacris, nempe de Dalmatica, seu Tunicella.	444.
§.4. De Vestibus proprijs Sacerdotum.	446.
§.5. De Vestibus proprijs Episcoporum.	454.
Conclusio circa Indumenta Ecclesiastica.	469.
Caput 8. De disciplina circa res remote, deferuientes Missæ Sacrificio, nempe de Sacris Reliquijs, Imaginibus &c.	470.
§.1. De Sacris Reliquijs, earumque veneratione.	471.
§.2. De sacris Imaginibus, nec non de Cruce Dom. Nost. Iesu Xpi.	476.
§.3. De Campanis.	486.
§.4. De Cantu Ecclesiastico, & de Organis.	494.
Caput 9. De disciplina circa Actiones, & primo circa Missam Celeb.	499.
§.1. De praua preparatione ad Missam.	508.
§.2. De requisit. in ipsa celebratione Missæ.	507.
§.3. De Gratiarum actione post Missam.	511.
Caput 10. De disciplina circa recitationem Diuini Officij.	532.
Caput 11. De disciplina circa Sacramentorum administrationem.	514.
§.1. Quando Sacramenta inualidè, & illicitè administrantur.	515.
§.2. Quando administrantur validè, sed non licitè.	521.
§.3. Quando administrantur validè, & licitè.	525.
Caput 12. De Benedictionibus.	526.
§.1. Quid sit benedicere, & benedictio.	ibid.
§.2. Quotuplex sit benedictio.	527.
§.3. De benedictionibus pertinentibus ad Episcopos.	529.
§.4. De benedictionibus pertinentibus etiam ad Presbyteros.	530.

F F N I S.

R E G E S T V M.

ab ABCDEFGHIKLMNOPQRSTVXYZ. Aa
 Bb Cc Dd Ee Ff Gg Hh Ii Kk Ll Mm Nn Oo Pp Qq Rr Ss
 Tt Vv Xx Yy Zz. Aaa Bbb Ccc Ddd Eee Fff Ggg Hhh
 Iii Kkk Lll Mmm Nnn Ooo Ppp Qqq Rrr Sss Ttt Vuu
 Xxx. Omnes sunt duerniones præter Xxx quæ est ternio.

Pag.	linea	Errata	Corrige	Pag.	linea	Errata	Corrige
15	4	videnda	videblimus	ibid	26	viribus	vicibus
ibid	26	dalcis	dulci	179	31	addendum	alendum
24	7	corrigeno	confrigendo	188	21	Debent	Debet
26	15	corpore	dile	189	17	Adde	Quis
31	31	verne	veriti	206	21	Demonibus	Demonis
114	24	exterius	externis	307	31	concepuit	concepit
121	19	erat	esset	323	ult.	sano	sono
122	10	assequens	assequeris	341	31	fortiter	firmiter
129	1	qu	quod	343	5	aut	autem
ibid	11	horize	hora	352	ult.	&	ex
ibid	12	canonici	canonicis	367	5	Pemplum	Tēplū Dei
137	12	S. Nilus	S. Nilus.	368	10	omnia de	omnia Deo
163	7	opera	operi	403	11	quēdam	quemdam
183	32	effectu	affectu	427	17	S. Io. Baptiste.	S. Io. Ba-
ibid	33	affectu	effectu	438	17	factu	facta
193	1	ira robo-	ira roboran-	466	24	vpa	vita
		ratu &	tur, & obdu-	467	17	erunt	erant
		obducescūt.	rescunt.	474	22	qui	quia
203	4	Vir	Virz	477	8	præter	propter
207	14	adeo	odio	ibid	24	expresse	expressa
213	14	ludictas	ludicras	478	6	perpendit	pependit
223	23	grauantur	grauentur	479	17	affingēdas.	affingēdas
259	5	alteri	alterius	ibid	19	tuam	tuam
269	12	miserere	misereri	492	13	sonus	soni
270	25	ferue	fero				



A B C D E F G H I K L M N O P Q R S T U V X Y Z
 a b c d e f g h i k l m n o p q r s t u v x y z
 A a B b C c D d E e F f G g H h I i K k L l M m N n O o P p Q q R r S s T t U u V v X x Y y Z z

6-3-2

